

清
實
錄

文宗顯皇帝實錄(二) 卷八一至卷一一六
咸豐三年

清實錄

第四一冊

中華書局影印

清 實 錄

(第 四 冊)

文 宗 實 錄 (二)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 • 53 印張

1986 年 11 月第 1 版 1986 年 11 月北京第 1 次印刷

印數 0,001—1,500 冊

統 一 書 號: 11018 • 1355—41 定 價: 40.00 元

清實錄第四一冊目錄

文宗顯皇帝實錄(一一)

卷八一	咸豐三年正月上	一
卷八二	咸豐三年正月中	二三
卷八三	咸豐三年正月下	四四
卷八四	咸豐三年二月上	六八
卷八五	咸豐三年二月中	九五
卷八六	咸豐三年二月下	一一四
卷八七	咸豐三年三月上	一三六
卷八八	咸豐三年三月中	一六三
卷八九	咸豐三年三月下	一八五
卷九〇	咸豐三年四月上	二一〇
卷九一	咸豐三年四月中	二二七
卷九二	咸豐三年四月下	二四六
卷九三	咸豐三年五月上	二七〇
卷九四	咸豐三年五月中	二九五
卷九五	咸豐三年五月下	三二五

卷九六	咸豐三年六月上	三四九
卷九七	咸豐三年六月中	三七六
卷九八	咸豐三年六月下	四〇五
卷九九	咸豐三年七月上	四三一
卷一〇〇	咸豐三年七月中	四五五
卷一〇一	咸豐三年七月下	四七七
卷一〇二	咸豐三年八月上	四九二
卷一〇三	咸豐三年八月中	五一五
卷一〇四	咸豐三年八月下	五四五
卷一〇五	咸豐三年九月上	五六九
卷一〇六	咸豐三年九月中	五九八
卷一〇七	咸豐三年九月下	六二三
卷一〇八	咸豐三年十月上	六四六
卷一〇九	咸豐三年十月中	六七三
卷一一〇	咸豐三年十月下	六九六
卷一一一	咸豐三年十一月上	七一五
卷一二二	咸豐三年十一月中	七三四
卷一二三	咸豐三年十一月下	七五九
卷一二四	咸豐三年十二月上	七七九

文宗實錄

卷一一五 咸豐三年十二月中

七九九

卷一一六 咸豐三年十二月下

八二三

淵恭端仁寬敏顯皇帝實錄卷之八十一

嚴修題義官經送日講起居注官太子太保上書房總師傅吏部尚書開平鎮總兵院主院學士積翠欽奉十一事件展閱史館修纂官史部

大學士管理兵部事務加十三級紀錄十四次
賈樟雲不學武官唯講官太子太保又湖廣鎮總兵兼提督平定王士驥仁

大學士、護理戶部三庫事務、護理刑部事務加二十三次。同治十六次。
周祖培總裁官太丁少保、護理內務府、管理對人役步驛大臣

鎮山設滿洲都統戶部尚書管理三庫事務加四級隨帶加五級紀錄十二次臣寶壽謹奏

達國史館總纂官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次

咸豐三年癸丑春正月丙午朔

寶錄卷八十一

奉先殿行禮○詣

堂子行禮○遣官祭

太廟後殿○詣

壽康宮前殿行禮○後殿

皇貴太妃前行禮○御太和殿受朝作樂宣表

如儀○詣

大高殿

壽皇殿行禮。○御乾清宮。賜近支親藩等宴。

大臣○丁未命青州副都統常清統帶官兵

馳赴豫楚交界地方聽候欽差大臣琦善調

遣以德州城守尉慶如署青州副都統

賑直隸保定景二州縣被水災民一月口糧

展緩
薊安
保定
景高
陽阜
城東
光天
津青
靜

海鹽山慶雲武清甯河霸大城灤獻任邱吳

橋滄南皮晉唐山任永年邯鄲雞澤磁元城

大名南樂清豐衡水雄東鹿隆平武邑深武

2000-2001

强平鄉四十一州縣被水村莊新舊額賦並

津軍廳葺漁等課○賑安徽鳳陽靈璧宿五

河四州縣及屯坐各衛被水被旱災民一月

口糧○戊申○

高宗純皇帝忌辰遣官祭

裕陵○諭內閣張芾奏請將不能約束兵丁之

都司先行摘去頂帶一摺江蘇漕標中營都

司李奉章管帶撤防官兵至南昌省城經陳

孚恩飭令前赴九江並不遵由陸路行走堅

欲坐船。實屬膽玩。該都司不能嚴行約束。以致兵丁任意抗違。除首先抗違之兵丁。即由該撫查明。照軍法治罪外。李奉章著先行摘去頂帶。責令戴罪自效。如再玩誤。即著嚴叅治罪。○又諭。張亮基奏。勦辦土匪情形一摺。據稱瀏陽縣土匪。有徵義堂名目。其初原為保衛身家。並無異志。後因附和日多。良莠不一。遂致把持官吏。藐不畏法。本年七月。始有糾眾搶掠之事。經該撫委令通判裕麟。委員

字集卷八十一

三

孔昭文武舉諸殿元。前往訪查。復密飭陝西。即補知府江忠源。於勦辦土匪晏仲武之便。馳往曉諭。並相機辦理。該匪等膽敢糾眾分路來撲。江忠源亦分路出擊。並於唐家洲設伏。該匪遇伏失措。猶恃眾抗拒。勇目何正杭。爭先陷陣。各勇短兵相接。嶺上之勇。亦乘勢壓下。武生艾國興。立斬執旗匪目三名。其撲城之匪。亦經千總李輔朝擊敗。共傷斃賊匪三百餘人。生擒五十三名。割取首級一百十

八顆。奪獲軍械甚多。現仍咨行總兵經文岱。督帶兵勇。防其竄路。又札飭各團。協力兜勦。並諭該處居民。能擒獻匪首者。立予重賞。當不難解散黨與。以淨根株。又據奏稱攸縣遊匪黃杰高等。受逆匪偽札煽聚。七百餘人。經該縣知縣郭世閭。把總王佐清。統帶兵勇。先將該匪謝友百。曾念齊父子。巢穴燒毀。武生譚國昌等。堵賊竄路。賀家訓等。分伏左右。鄉勇陳傳芳。前往誘賊。該匪被誘入伏。王佐清首先陷陣。手刃十餘人。兵勇奮殺。立將匪首黃杰高斬首。伏兵並發。殺斃偽司馬總鎮總旗三人。並匪首劉起受等。計殲擒一百七十餘人。奪獲軍械無算。現仍飭委員張榮組帶兵馳往勦辦。自無難盡數殲獲。其郴州桂東縣等處。有江西匪徒闖入。辰州府洪江一帶。亦有匪徒蹤跡。並著飭令各鎮營調撥兵勇。迅速掩捕。無再養癰貽患。至各鄉團練。原以保衛身家。如果得公正紳民。立法盡善。不特

字集卷八十一

四

鄉閭平日賴以安輯。一旦有事。並可協助官兵。翦除匪類。即如長沙城外賊匪竄逸之時。白箬鋪一帶鄉團居民均能殺賊出力。是其明效。若但名為團練。不能稽察約束。以致奸匪溷跡其中。恃眾抗官。是不但無益於事。且為地方之害。必應嚴加懲辦。使匪徒知儆。若一味消弭。勢必釀成巨患。朕思除莠即以安良。即有會匪地方。亦莠民少而良民多。封疆大吏。惟當翦除首惡。即可保衛善良。所有瀏

中卷八十二

陽攸縣各處匪徒。即著該署督撫等認真查辦。並著會同在籍侍郎曾國藩體察地方情形。應如何設法團練。以資保衛之處。悉心妥籌辦理。○又諭張亮基奏查明逆匪蕭潮潰實已轟斃等語。蕭潮潰一犯係賊中著名兇悍首逆。偽號西王。經生擒賊黨羅五等供稱該逆前在長沙城外被斃。轟斃屍埋老龍潭地方。現已起獲屍身。驗明梟剉。並將羅五等六犯剉心致祭陣亡將士。差足洩公憤而慰

忠魂。逆賊洪秀泉等肆擾楚粵。罪惡滔天。所有著名逆黨非死即逃。現在所餘無幾。著統兵大臣暨各督撫等。曉諭軍營將弁兵勇及地方文武並紳民人等。合力同心。共殄醜類。至脅從之徒。本非甘心從逆。如能擒殺賊匪。自拔來歸者。不但免其治罪。並可立邀重賞。現在大兵雲集。四面兜剿。該逆等罪惡貫盈。神人共憤。斷不能久稽顯戮也。○諭軍機大臣等。陸建瀛奏安徽防守情形等語。據稱東

中卷八十二

西梁山及荻港均須撥兵一千名藉資防守。陸建瀛統轄三省。所議自係通籌全局。著楊文定、蔣文慶迅即酌撥安設。其上游小孤山一帶。著仍遵前旨。不可撤防。庶安徽之門戶亦資筦鑰。至撫藩大員。乃一省之民望。方將勸諭紳民。持以鎮靜。豈可先將眷屬移徙。以惑人心。且當此防堵緊要之時。若再不和衷共濟。竭力籌維。必致良民逃避。土匪橫行。逆賊將乘虛而入。該督撫均不能辭罪也。懍之。

將此由六百里加緊各諭令知之。○又諭陸建瀛奏江南兵沂流西上勢逆而難若有兵從襄陽順流而下直抵漢口牽制賊匪使不能剋期東下則江南進兵徑赴武昌可期兜剿取勝等語荆襄一帶地居上游現在添調防守兵力尚單勢難分兵東下昨據向榮奏調盧應翔所帶礮船及音德布韓世禧鄧紹良各帶官兵於常德岳州長沙一帶多雇船隻豫備火攻之具駛至荊口將賊船及浮橋燒毀即是從上游出兵制賊東下之意已疊諭張亮基等如數趲發不准藉詞留緩著向榮迅速催調俟礮船一到即飛咨琦善陸建瀛等各路進兵合力兜剿毋失事機至黃州府武昌縣為省城東面門戶若任賊踞守江南兵何由前進當乘該處賊數未多盤踞未久即行遣兵截擊與下游聲勢方可聯絡朕疊次諭向榮派兵繞赴九江想已迅往應援昨徐廣縉奏大營兵勇現在暫撤卓刀泉駐

劉等語武昌被賊踞守主客之勢互易必應相機進取毋任賊得從容布置分竄下游其湖北糧臺尚無定設地方賊情狡獪萬一斷我餉道於大局尤為可慮該大臣遇事勇敢於一切事宜仍須隨時隨事妥籌辦理不可稍涉大意致有疏虞將此由六百里加緊諭令知之。○又諭張芾奏請調兵礮一摺據奏江西前調各兵陸續已到九江經該縣添派下巢湖及上游各要隘駐劄惟省城距九江甚近自應豫籌防守以資應援所請咨調廣東省精兵二千名閩浙五百斤西洋大礮二十尊守護南昌省城著即由該撫飛咨葉名琛迅即揀選精兵如數配足軍火器械派委得力將弁管帶星馳前赴南昌並著怡良王懿德黃宗漢按照來咨酌撥大礮派員迅速解送江西以資守護該撫現駐九江省城重地著陳孚恩與該司道等安撫居民密拏奸細毋稍大意陸建瀛計已馳抵九江所調袁

州。吉安等府防兵。想亦均可趕到。著該撫遵
照。疊降諭旨。竭力防堵。並與陸建瀛。相機進
剿。毋稍疏忽。將此由五百里諭知張芾。並諭
陳孚恩知之。○命河南巡撫陸應穀駐劄南
陽一帶。幫同欽差大臣琦善。辦理防剿事宜。

○
上以上辛。祈穀於

上帝。自是日始。齋戒三日。○己酉。以恭奉

宣宗成皇帝升配

平定本八十一

祈穀壇。前期遣官告祭

天

地

太廟

社稷。○安徽巡撫蔣文慶奏。省垣狹薄。賊近兵
單。請移調東西梁山等處兵勇。力爭上游。相
機防禦。得旨。已有旨令陸建瀛與汝不分畛
域。熟籌防剿矣。安省有失。江督亦難辭咎。汝
可慎速籌辦。勿為浮言所惑。尤貴和衷。若省

垣先自搖亂。則合省不可問矣。汝設想此何

時何事。若不將意見關打破。一誤再誤。誤人

實誤已也。又奏拏獲奸細白長清。飭屬詳審

批此等奸細。安省此時諒已不少。設法嚴拏。

盡法懲治。○以湖南防守省城出力。賞道員

周顥。知府喬晉芳。倉景恬。副將朱瀚。瑞格。參

將愛紳。都司蔣立勛。守備蘇湖等。花翎。都司

塔齊布等。藍翎。餘加銜升敘有差。予陣亡參

將張協中。祭葬。世職加等。○緩徵山東章邱

齊東。濟陽。德東。阿惠民。陽信。樂陵。濱。雷化。鄒

汶上。陽穀。單。城。武。曹。鉅野。濮。范。朝。城。蘭。山。聊

城。堂。邑。莘。館。陶。邱。金。鄉。鄒。平。長。山。齊。河。臨。邑

平原。海。豐。商。河。利。津。滋。陽。甯。陽。壽。張。郟。城。壽

光。昌。邑。高密。濟。甯。嘉。祥。魚。臺。滕。嶧。四十七州

縣。及德州。東昌。臨清。濟甯。四衛。被水被旱被

風被雹。莊屯。本年正雜額賦。並永利。永阜。二

場。竈地錢糧。貸山西托克托。城被旱農民

籽種。庚戌

上恭詣

皇乾殿拈香隨至

宣宗成皇帝神牌黃幄行禮畢詣

南郊齋宮齋宿○以湖北按察使張集馨署河

南按察使○辛亥祈穀於

上帝

上親詣行禮恭奉

宣宗成皇帝配享如儀○詣

關帝廟拈香○詣

壽康宮問

皇貴太妃安○諭內閣蔣霽遠奏叅疏防糾搶

多賊之署任知州一摺貴州署鎮甯州事委

用知縣劉玉麟於該管地方未能先事豫防

致賊匪糾搶客民賊逾二萬非尋常疏忽可

比雖現已獲有賊賊而餘犯尚多在逃劉玉

麟著摘去頂帶並即撤任勒限一月責令緝

拏逸犯盡數弋獲僅限滿無獲著即嚴叅此

案起出賊銀兼有夾帶鴉片烟土之事並著

該撫研訊確情據實懲辦○以

祈穀大祀恭奉

宣宗成皇帝升配禮成太常寺執事官員下部

議欽○命翰林院檢討袁泳錫提督廣西學

政○朝鮮國王李昇遣使表賀冬至元旦二

大節並進貢方物賞賚筵宴如例○暹羅國

王鄭明遣使表貢方物賞賚如例○予貴州

陣亡文生單盛裔等賞卹如例○暹羅國使

臣披耶司豁哩巡段亞派拏車突等四人於

午門外瞻覲○壬子

世祖章皇帝忌辰遣官祭

孝陵○諭內閣裕誠等奏會同傳旨審訊已革

大學士賽尚阿並將親供呈遞所有賽尚阿

應得罪名著原派之大學士軍機大臣會同

刑部定擬具奏○諭軍機大臣等琦善等奏

嚴催未到官兵一摺據奏山西直隸陝西各

官兵甫經行過許州其漢中陝安甘肅督標

兵丁尚未行抵該處即著琦善等飛札嚴催

一俟到有成數。即先儘陳金綬帶領迅速馳赴安徽。察看水陸地方。何處緊急。即由何處迎勦。如賊匪尚未竄出楚境。即由九江或安徽陸路直抵黃州。與向榮派出鎮將前後夾擊。軍情變幻不常。陳金綬自能相機進取。先其所急。琦善已將先到官兵。分布南陽信陽羅山光山商城諸處。其在後續到之兵。日內當亦不少。即著親自統帶。迅赴湖北。確探賊蹤。與向榮密為期會。一則專攻漢陽。一則專

勦武昌。兩路同時並舉。俾賊匪彼此不能兼顧。現在向榮已飛調湖南上游船礮。駛至金口會合。若水路乘勢下攻。焚賊浮橋船隻。兩江水師亦泝流而上。迎頭截擊。大江南北兩岸。又有琦善向榮督兵合擊。該匪水陸受創。前後被攻。當可聚而殲旃。前任吉林副都統富春現在飭赴軍營。著琦善派令帶隊勦賊。其湖北西路尤須防其乘虛竄擾。著琦善與向榮豫為準備。萬勿疏虞。琦善出豫境後。南

陽有陸應穀信陽有鄭敦謹駐劄防守。務各嚴飭在事文武實力防堵。毋令奸匪一名闖入其開封省會重地。尤易藏奸。即責成沈兆澐張集馨等專司鎮撫。既當固結人心。尤須偵緝土匪。有人奏河南省曾獲有匪黨。究出與京師奸徒勾結等語。未見該撫奏辦。此等匪徒一有蹤跡。便當嚴究來歷。如果牽涉京師。尤當密奏查辦。豈可稍事遲疑。養癰貽患。著陸應穀即查明據實具奏。至該撫現在出

省。信陽及省城如有緊急要事。即准該藩臬等具摺馳奏。一面仍稟知該撫。庶不至拘泥成例。貽誤事機。將此由六百里諭知琦善陳金綬陸應穀。並傳諭鄭敦謹沈兆澐張集馨知之。○又諭向榮奏進攻賊營並籌辦各情形。一摺已諭知張亮基按照該大臣疊次咨調。趕雇船隻迅速應付。並飭將長沙常德存兵馳赴下游合勦。又諭知琦善一俟調兵齊集。剋期出境攻復漢陽。以為北路援應。該大

臣現駐卓刀泉並分兵長虹橋金口為三路進攻之計。據稱此時船礮未齊而賊匪屯聚江面。攻之過急則東竄之勢愈速。自係實在情形。向榮現已授為欽差大臣一切調度不致牽制掣肘。著即飛催上游官兵船礮迅速前來金口。乘勢下擊。陸建瀛計已汴流上至九江。若兩路兵船會剿焚賊船隻輜重。斷其浮橋。南北兩岸琦善與向榮合力進剿。一攻漢陽。一攻武昌。水陸互應。使賊腹背受敵。聚而殲旃。在此一舉。蘇布通阿馬龍等若能渡江繞往北面堵剿。更可得力。金口地方控扼上游。為糧輜軍餉赴營要道。尤須妥為布置。勿令梗阻。至所稱添設驛站。收集潰兵各節。均著照所奏辦理。潮勇兇悍性成。前此遣散既不得法。此時必應善為駕馭。萬勿聽其一面之詞。倚為心腹。致有勾結情弊。所關非細。軍情變幻不常。該大臣既膺重任。一切調度朕亦不為遙制。惟須統籌全局。斷不可令賊

匪紛竄鄰境。再誤事機。省城文武據奏巡撫藩臬道員及署提督總兵均已殉節。尚未敘明情形。著再詳細確查。並此外各員及漢陽府黃州府武昌縣文武下落。一併查明據實具奏。將此由六百里諭令知之。○又諭本日。向榮馳奏剿賊情形。據稱江面過寬。賊船較多。非多撥礮船不能攔江截擊。經該大臣行調長沙常德官兵配駕礮船駛下金口會擊。乃徐廣縉仍以留防為詞。轉調較遠之衛永撤回北省官兵。似此不知緩急。無怪坐失事機。自蹈重罪。張亮基現署督篆。統轄兩省。豈可稍分畛域。雖湖南防守及剿辦土匪亦需兵力。而本省存兵及紳士團練儘可藉以自固。軍情緊急。豈身膺疆寄者竟漫無權衡耶。向榮現已飭張國樑選善駕船。然礮之捷勇二百名委頭目管帶。其咨取長沙一帶船隻。即著張亮基潘鐸趕即封雇三四百號。多安大礮委員星夜馳往。並節次諭令飭音德布

韓世禧鄧紹良多雇船隻招募水摸同盧應翔船隻一併迅速開行駛至金口聽該大臣調撥現在三路會剿琦善已擬由信陽前進陸建瀛計已馳抵九江當此喫緊之際若上游官兵礮船稍有遲誤即江岸兩路夾擊亦難得手必致賊船乘虛順流東下毫無牽制下游之兩江水師獨當其衝何以抵禦年來粵楚軍營惡習直以縱賊出境為了事以留兵自衛為得計張亮基目覩覆轍經朕疊次

諭旨

上

誥誡諒不至稍存意見也其武昌殉難文武據向榮查奏尚未確有實據著張亮基再行確查同漢陽黃州兩郡文武一併詳晰查奏將此由六百里諭令知之○江蘇巡撫楊文定奏陳籌防要隘以衛省垣得旨所奏各情知道了鄒鳴鶴前在廣西身獲重咎此時自當倍加感奮協力籌防果能事事盡心殊恩無難立荷若仍有心取巧國法難再宥也著傳諭鄒鳴鶴知之○命前任貴州學政翁同

書馳赴琦善軍營聽候差委○予湖北陣亡守備薩國亮祭葬世職如都司例○癸丑

上詣

壽康宮問

皇貴太妃安○諭內閣本月上辛

祈穀大祀朕詣

壇齋宿虔申默禱惟願吾民同登衽席永戢干戈念自逆匪滋擾以來由廣西而湖南由湖南而湖北所過城池多被蹂躪現復圍陷武

昌省城

上

數萬生靈慘遭荼毒即未被賊地方亦復聞警遠避備極流離顛沛之苦總由地方官吏平日既不先事豫防臨時又復張皇失措甚至望風先遁以致居民失其所恃不得不轉徙他方以全性命朕為天下生民主不能察吏安民致令盜賊肆行閭閻驚擾興言及此寢饋難安因思嘉慶年間川楚教匪蔓延數載嗣行堅壁清野之法令民團練保衛旋就蕩平即今廣西湖南地方多有團勇

保護鄉里。賊不敢逼。且有殺賊立功者。況各處鄉村。良民多而莠民少。若得公正紳耆。董理其事。自不致別滋流弊。即地方間有土匪。一經約束。亦將去邪歸正。共保鄉閭。惟在良有司。素得民心。必可收眾志成城之效。著各該督撫。分飭所屬。各就地方情形。妥籌辦理。並出示剴切曉諭。或築寨濬濠。聯村為堡。或嚴守險隘。密拏奸宄。無事則各安生業。有事則互衛身家。一切經費。均歸紳耆掌管。不假

上諭卷八十一

五

吏胥之手。所有團練壯丁。亦不得遠行徵調。各團中如有捐貲倡助。或殺賊自效者。地方官即申詳大吏。據實奏聞。朕必立加獎敘。如廣西、湖南各鄉團出力者。無不渥沛恩施。凡土著良民。各有產業。與其倉皇遷徙。拋棄田廬。轉不免土匪乘機搶掠。何如堅守鄉里。以子弟衛父兄。以家資保族黨乎。至於賊匪夥黨。亦豈盡屬兇頑。甘心從逆。多因被賊裹脅。供其役使。苟延喘息。末由自新。現在著名逆

匪如蕭潮潰等。均已先後殲斃。韋正亦伏冥誅。惟逆賊洪秀泉、楊秀青等。尚稽顯戮。賊匪惡貫滿盈。神人共憤。光天化日之下。豈容魑魅久肆。兇殘。必當立就殄除。以快人心。而安疆圉。朕奉行

上諭卷八十一

五

渠魁脅從罔治。朕仰體

上天好生之仁。何忍概行誅戮。如有被賊裹脅。自拔來歸者。不妨貸其一死。有能縛獻首逆。或為內應。殺賊立功。或戮取長髮賊頭目。首級來獻者。不但赦其前罪。更當加以重賞。其各深思猛省。毋貽後悔。我朝

列聖相承。深仁厚澤。洽於黎庶。朕以薄德。紹承大統。三載以來。勤求民瘼。惕厲時深。雖因各省水旱偏災。並南河決口。蠲緩錢糧。截漕賑

濟粵楚被兵處所亦已分別查辦蠲緩加恩而民困未能盡蘇小惠恐難徧及每念生民塗炭撫育無方即再三引咎自責亦屬虛文惟有恐懼修省叩顙

吳蒼宥予之辜拯我窮黎中外文武大臣及地方官吏亦當激發天良為民除害各省紳民人等自必同仇敵愾速殄妖氛從此永慶綏豐仰承

天佑朕與天下臣民同深寅感茲值

小
大
慶
九
十
一

五

大祀禮成用是敷布朕懷重申誕告著該部及各直省大吏刊刻謄黃宣示中外咸使聞知諭軍機大臣等昨據向榮奏武昌城內逃出百姓聲稱逆匪已將城內大礮扛擡上船其被脅男婦紛紛驅至船上有水路逃竄之說本日又據陸應穀奏探聞賊在武昌過年後即分三路東下水陸並進犯安慶江甯二處並欲截瓜州水口糧船招集豐北饑民現賊約四五萬能打仗者萬餘各等語自賊踞

清 實 錄 咸豐三年正月上

武昌以來疊次諭令陸建瀛督帶大兵沂流追剿該大臣此時是否已抵九江水陸要隘如何布置尚未奏報朕心甚為焦急逆匪蓄謀已久若一旦順流東下九江首當其衝該大臣馳抵該處務須與張芾妥速籌備並知照向榮所調湖南上游船礮由金口駛下與江省水師會合夾擊其陸路各要隘亦須督飭帶兵各鎮將等確探賊蹤迎擊兜剿現在向榮派郭仁布帶領閩兵前往應援陳金綬亦自河南帶兵從安徽一路繞出賊前若水陸聲勢聯絡賊匪定難飛越皖省地方多與楚境毗連賊氛迫近情形喫緊江甯雖處下游一水直達該撫等亟應嚴密堵截擇要設防尤以固人心戢內奸為要小孤山為皖省險隘東西梁山等處亦金陵鎖鑰分兵扼守均屬緊要毋得各存畛域致誤事機楊文定現駐江甯其江蘇省城事宜著聯英倪良燿就近商辦如有緊急要件該藩臬即行具摺

馳奏一面稟知該督撫庶不至拘泥遲誤前諭李德飭令水師船勇駛往江南備調茲據奏稱黃富興前已赴粵現在飛咨登州鎮挑派驍勇兵丁四百名派幹練備弁管駕船隻剋日浮海南下以資江口防勦並稱上海一帶向有廣艇及水勇可雇其運用火器尤為便捷著楊文定即飭上海道吳健彰體察情形如可得力即著迅速籌辦鎮江瓜州為南北水路咽喉斷不可稍有阻隔總之軍務情形變幻靡定全在該大臣等相機設法以備不虞賊匪竄擾楚粵吾民被害已甚儻復任其闌入江境肆行滋擾朕惟該大臣等是問將此由六百里諭知陸建瀛楊文定蔣文慶張芾並諭知祥厚等傳諭祁宿藻聯英倪良燿知之○又諭李德奏遵籌防堵情形遏賊北竄莫如扼守黃河使上下游均無船隻可掠又無土匪勾引必不能越河登陸現經派委文武員弁前往曹單等縣按捕奸匪將沿

河大小船隻一體編號收聚北岸非有官票不准私渡各等語所奏均合機宜嚴防黃河渡口不但遏賊北竄之路並可密查奸匪惟必須江南河南等省一律設防稽察始可周密著陸建瀛楊文定楊以增陸應穀福濟分飭所屬廳營州縣並遴派委員各於黃河渡口要隘編列船號實力盤查儻有奸細涇跡即行拏訊嚴辦設遇緊急即先將渡船收至北岸分派重兵防堵賊匪自不能搶船北渡儻委派非人防守不密甚至土匪勾串縱賊渡河朕惟該督撫等是問將此由六百里各諭令知之○又諭李德奏密籌交界防堵情形一摺據稱山東形勢黃河天險可憑應將大小船隻一體編號收聚北岸非有官票不准私渡以杜奸徒闖入等語已寄諭兩江江蘇河南暨東南兩河各督撫一體查辦矣李德現以閱伍為名親赴兗沂曹等府察看地形險阻要隘挑選驍勇兵丁製備軍火嚴飭

地方文武按查土匪一切布置均合機宜著照所奏辦理該撫周歷各郡體察情形仍將籌畫事宜詳細具奏以慰朕懷並通飭各屬一體彈壓本境土匪盤查外來奸宄無任乘機竊發致有疏虞將此由四百里諭令知之○又諭昨有旨諭令侯琦善出豫境後陸應穀駐劄南陽鄭敦謹駐劄信陽開封省會重地責成沈兆雲張集馨專司鎮撫如有緊要事件准該藩臬等具摺馳奏茲據該撫等稱

寶錄卷十一

五

南陽現在安靜擬暫回省垣俟探有賊蹤再行相機堵剿等語著即將省垣應辦各事宜趕緊料理仍遵前旨即馳赴南陽督飭帶兵文武員弁嚴密防守勿稍疏懈將此由四百里諭令知之○吉林將軍固慶副都統琦忠奏參帶兵協領富陞多索車輛請交部議處得旨富陞現已革職仍令帶兵迅速前往矣奕興所參已屬過輕該協領係汝屬員乃並不嚴參仍請議處且將未啟程之先如何囑

咐聲欽明白是誠何居心幸虧汝囑咐不然不知應何樣勒索朕觀汝心不但意在迴護有心卸責且以奕興等參奏為多事矣若此誅心之論汝觀之能生慚愧與否 山東巡撫李德奏覆黃富興赴粵未回另派兵船南下且聞上海有廣艇水勇可雇得旨汝自到山東以來緩急籌維皆屬允當可見汝平時認真朕心甚慰 免廣西全省元年緩徵額賦十分之五永安桂平貴武宣宣化永淳龍

四十八

五

甯明崇善養利永康象荔浦昭平修仁十五廳州縣二年應徵額賦十分之三 甲寅諭內閣國家設立營伍稽查奸宄捍衛地方必當隨時整頓方能有備無患京師重地尤關緊要朕聞步營兵數多不足額街道堆撥往往雇夫充數該管官巡查明知不究似此上下相蒙尚安望禁暴詰奸緩急可用著步軍統領徹底清查嚴懲頂替甄汰老弱挑選精壯飭令兵歸實用餉不虛糜至禁城內外各

門尤宜嚴肅。節經降旨。令前鋒統領護軍統領嚴飭值班官員兵丁等。隨時查覈。第輪班值宿。人數眾多。其中難保無曠誤偷安。老弱充數。著該管大臣認真揀派。以資宿衛。並隨時查驗軍器。務使一律堅利。毋得徒飾觀瞻。九城內外地面。五方雜處。其小街僻巷及民房寺院客店等處。最易藏奸。著步軍統領衙門。順天府五城一體嚴密偵緝。遇有形跡可疑。行蹤詭祕者。立即盤詰究辦。務使奸宄斂

中敘卷八一

五

跡。地方肅清。毋得視為具文。致干重咎。懍之。○又諭勞崇光奏拏獲糾眾拜會匪徒。嚴行懲辦一摺。廣西全州興安交界五排地方。匪徒楊三通等。膽敢於逆匪竄撲長沙之時。創立孝義會名目。邀集多人。歃血盟誓。妄立五營頭目。暗號意圖乘機焚劫。經各州縣訪聞密稟。該撫派委太平府知府顧諧庚馳抵大溶江地方。督飭文武紳團。不動聲色。將首要各犯全行拏獲。正法。辦理尚為妥速。所有該

州縣文武失察處分。均著加恩寬免。仍飭該地方官督率兵壯團練。嚴挖餘匪。毋得稍留餘孽。以靖閭閻。○諭軍機大臣等。陸應穀奏湖北襄陽府屬北鄉一帶土匪滋擾。早路新集煙家店等處。係郭大安董如林易有道等為首。夥匪一千三四百人。拒傷兵勇。奪去大礮四尊。水路董家埠古城營等處。匪首孫貴樂玉石。劉見瀾。劉子槐等聚眾一千六七百人。搶劫商船三百餘隻。製有黃旗紅袍。擡槍

中敘卷八一

五

大礮等件。該處與河南新野縣連界。已派總兵柏山帶兵馳赴新野。會同襄陽府嚴密勦擒等語。土匪乘間竊發。必應及早殲除。現在河南前往之兵止一千餘名。恐尚不敷勦捕。著舒興阿即遴派得力文武大員。酌帶弁兵馳赴襄陽。會同河南官兵迅速兜剿。務將首夥匪犯悉數殲擒。毋留餘孽。其商州等處通楚各路徑。著一律嚴防。勿任偷越。羅繞典計已遵旨馳赴襄陽。並著舒興阿知照籌商。妥

速辦理不得稍存畛域之見致誤事機將此由六百里諭令知之。又諭勞崇光奏廣西承辦楚省糧臺各員應飭令回粵截數報銷等語。逆匪前竄楚境粵西原調兵勇跟蹤追剿軍營支應仍歸廣西糧員承辦現在逆匪由湖南竄至湖北距粵已遠若仍令廣西糧員隨營前往人地未免生疏採辦運送一切諸費周章且各員辦理支應為日既久經手餉銀數目紛繁報銷時恐滋轉輾自應趕緊

中法卷八十二

七

清釐以重帑項所有廣西原調各起兵勇支應事宜著該督撫等即由楚省派員接辦飭令廣西隨營各糧員概行回粵俾得截數趕辦報銷以後無論續調何省兵勇均歸楚省軍營支應以便查覈前有旨令駱秉章於荊州襄陽二府酌量駐劄該署撫現駐何處羅繞典是否已抵襄陽現在如何緝拏土匪籌畫布置著一併奏聞將此由六百里諭知張亮基潘鐸並諭羅繞典駱秉章知之。又諭

陸應穀奏探聞湖北逆匪情形並派兵勦辦襄陽土匪及請派重兵合守襄陽樊城各摺片襄陽據楚北上游為陝豫門戶最關緊要朕早籌慮及此曾諭令羅繞典帶兵前往相度駐劄現在該處土匪糾眾搶奪該撫能不分畛域即令柏山帶兵馳赴襄陽會同該府攻其不備所辦甚合機宜此等烏合之眾趁此機會勦辦尚易務即督飭弁兵趕緊掩捕盡數殲除萬不可令其竄逸致與武昌逆眾

中法卷八十二

七

句結更滋蔓延該撫探聞黃州逆匪情形尚未據向榮奏報不知是否確實惟昨據向榮奏武昌城內逃出百姓聲稱逆匪將城內大礮扛擡上船恐有順流東下之勢該撫亦稱聞賊眾有分三路水陸並進之信是九江以下十分喫重現在東路兵單朕心甚為焦急前諭陳金綬酌帶勁兵前赴安徽一帶迎勦諒已迅速啟行所有調往河南之各路重兵諒亦陸續到齊現聞賊船蟻聚武漢之間琦

善所帶火箭施放必可得力著即帶兵進攻如賊匪竟棄武昌漢陽全股東下琦善即當督兵趕緊跟追儘或尚留賊匪牽掣我師亦只可酌量分兵留守該大臣仍率重兵追擊不得以收復漢陽為詞致滋延誤至樊城與襄陽相為犄角陸應穀擬俟南陽防兵到齊酌留一二千名其餘皆令帶兵大員帶赴樊城與襄陽全力防衛較之株守豫境更為扼要著該大臣等酌量布置至勦辦襄陽土匪

聖批人八二

三

亦關緊要儘須添兵協勦即著琦善隨時體察酌撥應援務在統籌全局先其所急將此由六百里各諭令知之又諭陸應穀奏襄陽土匪滋擾現派鎮將督兵合勦一摺該匪等膽敢因武昌失守糾眾搶奪抗拒官兵不法已極陸應穀不分畛域派兵會拏自應如此辦理本日已寄諭陝甘總督舒興阿迅速派委得力將弁星速馳往該處協力擒拏惟陝甘兵到尚需時日襄陽界連陝豫地據上

游最為緊要前有旨令羅繞典馳往駐劄兵力尚單若不急將土匪撲滅恐滋勾結為患著向榮悉心籌畫是否能暫為分兵前往會勦儘因武昌一帶賊勢緊急即飛咨陝西河南併力勦辦刻下武漢逆賊蹤跡如何前調湖南船礮何時駛到金口儘該逆等棄武昌漢陽全股順流東下兩江情形關繫緊要向榮必當統領大兵跟蹤追勦斷不可稍有延緩若賊留餘匪牽掣我兵而以大股潛入江

聖批人八二

三

境亦須察看緩急酌留官兵在楚仍當督率重兵水陸緊追使賊匪無暇喘息與九江安徽江甯等處官兵前後夾擊賊匪進不得攻城肆掠退有大軍緊躡其後勦辦庶可得力從前粵楚失計賊來不能堵截賊竄又不能力追向榮深知其弊豈可自蹈覆轍該大臣軍營有無文員襄辦文案如有應行調用之人即著一面奏明一面調營差委又據陸應穀奏稱聞賊匪於上年十二月十三日前往

黃州知府副將豫行遷避以官兵詐稱百姓誘賊入城設席送酒賊匪飲醉被官兵盡行殺戮後數日賊來復仇行至郭店向榮派兵趕到復獲勝仗又賊分股至蔡店向民人逼索錢穀滿載欲行又經我兵截殺奪回錢穀各等語河南探報虛實難憑仍著向榮確查並隨時將賊匪情形具奏將此由六百里諭令知之○以勦捕廣西馬平縣股匪出力賞千總馮格等藍翎副將奚應龍等加銜升敘有差○以勦辦甘肅番賊出力賞總兵官雙銳參將樂善遊擊富昌都司張敬守備馬永泰等花翎千總姜魁元等藍翎餘開復處分升補有差予陣亡都司曹正喜守備江信把總賈福外委張朋閻得英馬興盛祭葬世職傷亡外委魏永祥祭葬卹廕○乙卯享太廟遣成郡王載銳恭代行禮○遣官祭太歲之神

上御紫光閣賜蒙古王貝勒貝子公額駙台吉

及外藩使臣等宴賞賚有差 諭內閣向榮奏賊匪被擊下竄親督諸軍追擊一招逆匪竄踞武昌經該大臣於正月初一日分派官兵四路進攻鏖戰六時之久殺賊無數奪獲礮械多件初二日環城火起我軍出隊進攻該逆紛紛棄營亂竄被官兵殺斃多名該大臣督率鎮將等分攻東南二門各兵勇踴躍爭先該逆不敢抵拒下城逃竄我軍一擁入城分投趕殺該逆後隊四散各由草湖漢陽兩門逃出擁搶上船我軍追抵江邊將賊匪殲斃及撲水淹斃者無算其江心駛過賊船復經岸上官兵槍礮擊壞現在收復武昌省城賊船已駛往漢鎮下及離省六十里之陽邏地方向榮一面留兵在省彈壓防守即親督諸軍緊躡賊蹤追擊繞截辦理甚合機宜著即督率總兵和春李瑞秦定三等分帶各路兵勇水陸並下乘賊勢竄逃之餘迅速追勦毋令會合併力東駛至武昌城內文武殉

難人民慘遭荼毒。亟應大員前往撫綏。招集流亡。著張亮基駱秉章。即日兼程馳赴武昌。並著河南藩司嚴正基。自岳州先行馳往。將被難居民。加意撫恤。戕害屍骸。分別查認收殮。並將武昌漢陽殉節文武官員。迅速詳查被害各情節。即行馳奏。其漢陽城中賊匪。是否全行逃竄。著現在駐劄黃陂之總兵吉順。先行帶兵前往收復。前已諭令陳金綬帶兵由安徽一路繞出。賊前截擊。琦善著即日統

平定八年十一月

三十一

兵與向榮兩路合力追剿。陸建瀛統領江省水陸重兵。迎頭夾擊。毋任賊匪東竄。並著張芾。蔣文慶。楊文定等。一體飭屬嚴密防堵。毋得稍有疏虞。○諭軍機大臣等。向榮奏賊匪被擊下竄一摺。賊匪占踞武昌漢陽。經該大臣派委兵勇分路進擊。逆匪紛紛逃竄。我軍收復武昌省城。現在頭隊賊船二百餘隻。已駛下陽邏地方。該大臣先派玉山。劉開泰等管帶兵勇。馳往下游道士洑。會同該處官兵

戰船扼要截堵。並令和春。李瑞。秦定三。統帶官兵沿江追擊。布置尚屬妥協。著即相機進攻。與琦善陸建瀛三面會剿。賊匪銀糧輜重盡在船中。若能設法燒毀。剿辦更易得手。前調湖南船礮。此時是否調到。已疊次嚴諭張亮基等籌辦矣。蘇布通阿等所帶官兵。若由金口乘船下擊。必可得力。仍須隨時知照陳金綬兩路夾攻。江省兵力太單。惟藉南北兩路合剿。向榮統籌全局。諒必能先其所急也。

平定八年十一月

三十一

本日軍機大臣奏有人呈稱。賊匪擄船甚多。宜用火攻。現雖竄出武昌。而東駛船隻攢聚江面。正可相度地勢。乘風縱火。燒毀賊船。或設伏用閒。或選派心腹弁兵。潛入賊中。相機行事。或募水摸鑿沈賊船。惟在隨時酌辦。朕亦不為遙制。原呈著摘鈔閱看。該大臣久歷戎行。於現在軍營中將弁自必知之最悉。如有才技出眾有勇有謀者。著即據實奏明。以備錄用。此次若有素所深知堪備將材者。無

論何省營弁一併保奏。慎密為要。將此由六百里加緊諭令知之。○又諭向榮奏賊匪被擊下竄。現督諸軍追剿一摺。據稱頭隊賊船已駛下陽邏地方。距道士洑二百餘里。陸建瀛已抵九江。著即督帶兵勇並水陸得力將弁迎頭截擊。遏其直下之路。與向榮琦善等分路夾攻。互為犄角。不可再令紛竄。所帶馬礮六百尊。前有旨諭令妥為布置。此項利器必須得力將弁管帶。萬不可稍有疏失。並著

實錄卷八二

五

張芾、蔣文慶嚴密守禦。互為接應。江甯省城緊要。疊經降旨令祥厚、楊文定等扼要防守。本日復諭令楊殿邦、楊文定於鎮江瓜州一帶派兵守禦。兩處江口關繫南北全局。斷不可使賊搶占。致有梗阻。江岸上游亦須密為布置。務期聲勢聯絡。互為策應。本日軍機大臣奏有人呈稱賊匪擄船甚多。宜用火攻。現在賊已竄出武昌。其銀糧輜重盡在船中。若於沿江港汊豫伏船隻多備火器於賊船攢

聚之處乘風縱火燒毀。自不難奪其所恃。如能設法計誘或密選心腹將弁改裝潛入賊營或募水摸鑿船使沈。惟在相機設法。不可拘泥。至廣艇是否可用。已有旨諭令楊文定飭令吳健彰酌辦。本日又有人奏上海現有廣東艇船不下百餘號。客商覓雇專為護送貨船。若雇令由崇明入京口可禦上游下竄之賊。惟船夫皆澳門人又係夷裝。是否可以雇用。不致別滋事端。仍著妥速籌辦。原摺呈

實錄卷八二

六

著摘鈔給閱。將此由六百里加緊各諭令知之。○又諭本日據向榮奏逆匪竄出武昌。勢將東下一摺。鎮江瓜州為大江南北咽喉重地。漕糧運道。文報往來。在在均關緊要。其為東南門戶較之武昌漢陽尤為喫緊。現在楊文定駐守江甯省城。楊殿邦計已行抵淮安。著即就近馳赴瓜州江口扼要駐劄。督同兩淮運司劉良駒常鎮道姚熊飛鎮江揚州各知府並會同京口副都統相機妥為布置。前

任運司但明倫於揚州地方素為熟悉著即留於該處隨同楊殿邦等協力防守前有旨諭令陸建瀛等調撥崇明狼山福山等處水師為省城聲援是否業經調到提督福珠洪阿是否已帶兵前來瓜州京口兩處止有漕標及京口協水師兵丁可資調遣恐兵力不敷則徐州鎮標弁兵亦可酌量緩急撥調儀徵鹽船及夫役人等如有可用之處並著酌量雇募以為團練防守之助該漕督務須體

中集卷八十一

三

察情形迅速籌辦勿致稍有疏失陸建瀛相距較遠著即與楊文定隨時酌辦不可稍分畛域將此由六百里加緊諭令知之又諭現在向榮已督兵追剿必須礮船應手其前調湖南礮船著多安大礮委員星夜駛行並節次諭令飭音德布韓世禧鄧紹良多雇船隻招募水摸同盧應翔船隻一併迅速駛往下游聽候欽差大臣向榮調撥其船礮駛赴北省日期先行具奏該署督身受重恩若仍

蹈從前覆轍縱賊出境以收復城池防賊回竄為詞坐視鄰省下游失事朕必將張亮基從重治罪決不寬貸將此由六百里加緊諭令知之又諭武昌逆匪經向榮於正月初一日派兵四路進攻初二日逃竄出城擁搶上船至離城六十里之陽邏地方停泊下游情形危急全賴北路重兵星馳截剿與向榮南路追兵勢成犄角以遏其鋒僅株守信陽專以待兵未齊藉口必致貽誤事機琦善接

中集卷八十二

四

到此旨即刻兼程帶兵前進乘賊匪甫經逃逸相機追剿一面嚴飭得力鎮將管帶兵勇於江面北岸沿途截追可期得手至武昌收復本日已諭令張亮基駱秉章等馳往撫綏難民若漢陽賊匪亦全數竄出著吉順就近收復交張亮基等妥為安集琦善應即統兵與向榮會籌合剿迅速前進斷不可以收復漢陽為詞在彼遲留至賊船現處下游當以火攻為要著該大臣體察形勢酌量密辦僅

經朕諄諄訓誡琦善陳金綬仍不迅速遵辦致賊匪闖入九江宿松順流下駛朕必治以遷延貽誤之罪陳金綬久歷行陣於將弁中實有謀勇出眾或一技之長有可資委任者准其據實保奏候朕錄用琦善赴楚後河南防堵事宜陸應穀督同地方官嚴密布置勿稍疏懈至襄陽土匪滋事派兵會剿現在曾否撲滅並著該撫隨時據實奏聞將此由六百里加緊各諭令知之○又諭有人奏風聞

實錄卷八二

四

年內地安門外有異服者六七人沿街唱曲討錢經該地方盤詰斥為漢奸此六七人即登時變色央求再三急竄而散又西直門內北城根廟內流寓十餘人以賣粗點心為名舉動頗覺可疑並時有飛馬之人至廟內共語行蹤詭秘又聞東安門外有賣魚者其魚腹內藏有利刃經官兵看破未知曾否拏獲等語京師地大人稠五方雜處嚴查奸宄最為要著若如所奏各該地方並非僻靜處所

竟有奸人潛伏尚復成何事體且既經地方盤詰官兵看破何以不即拏獲任令央求竄散其西直門內廟寓之人時有飛馬往來尤不難於偵獲著步軍統領順天府五城按照所奏各情嚴密查拏並嚴飭所屬認真稽查儻有似此行蹤詭秘之人即行密拏懲辦以杜奸萌將此各諭令知之○命阿巴哈納爾扎薩克貝子桑齊薩拉特多布郭爾羅斯扎薩克輔國公諳塔廓齊爾在乾清門行走

實錄卷八十一

四

賞乾清門行走浩齊特郡王吹精扎布子頭等台吉拉特那巴咱爾科爾沁貝子阿米果爾圖子二等台吉蘇克達爾扎布克什克騰扎薩克頭等台吉巴嗎拉吉里第子三等台吉察克都爾蘇隆花翎○賞河南等省壬子科鄉試年老諸生葛圖南等九十六人舉人副榜有差以派赴河南軍營賞副都統伊勒東阿等銀幣有差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十一

實錄卷八十一

四十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十二

敕修

咸豐三年癸丑正月丙辰

孝全成皇后忌辰遣官祭

慕陵○諭內閣布彥泰審明葉爾羌阿奇木

伯克稟訴該管大臣定擬具奏一摺此案乾

清門行走回子郡王葉爾羌三品阿奇木伯

克愛瑪特於所屬護衛阿渾挾勢婪贓毫無

覺察又以該管之參贊幫辦大臣偏認攤派

路費畏罪情急列款訐控實屬咎無可辭愛

瑪特著退出乾清門革去阿奇木伯克姑念

伊父伊薩克擒獲張格爾有功著仍留王爵

實錄卷八十二

一

發交伊犁將軍差遣以觀後效。葉爾羌參贊大臣德齡幫辦大臣倭仁風聞該伯克攤派路費及護衛阿渾索賄等情並未查訊明確即行叅奏辦理殊未允當。德齡倭仁均著交部嚴加議處尋議降三級調用從之。○又諭恩華趙光奏查辦案內職官狡展請旨革審一摺。吉林佐領依祿承審私硝一案查有賄託情事堅不吐實顯係恃符狡展著先行革職交該侍郎等提同全案人證嚴行審訊定擬具奏。○諭軍機大臣等青慶楊以增奏請俟積凌瀟盡趕辦進占一摺據稱立春後凌質漸酥迎溜處所時有凌塊瀟下一俟積凌瀟盡剋期歲事等語。豐工緊要日盼合龍疊經降旨嚴催該河督宜如何督同查文經認真趕辦現在凌塊已酥正當多備船隻集夫打凌即日進占若俟積凌瀟盡桃汛已臨必致貽誤楊以增與查文經等其能當此重咎耶將此由四百里諭知楊以增並傳諭查文

經知之欽差大臣琦善奏謝賞福字恩得旨逆賊現已東竄汝應迅速督兵進剿建奇勲受上賞在此行也。○命戶部左侍郎王慶雲倉場侍郎慶祺前往天津驗收海運漕糧以審辦葉爾羌控案出力釋遣戍新疆已革湖南巡撫馮德馨回籍。○丁巳諭內閣怡良王懿德奏請將各處未補倉穀暫緩採買一摺。福建省城及漳州府屬上年夏間猝遭風雨民間蓋藏雜糧間有損失兼之臺灣米船進口稀少晚收後糧價未見平減若再發價採買倉穀誠恐有妨民食著照所請准將上年應補倉穀暫緩採買俟今秋晚收後糧價平減再行奏明買補其歷年未買竣穀五萬八百餘石仍著責成該管道府勒限買竣以重倉儲。○又諭怡良王懿德奏承緝要犯限滿無獲之文武官員一摺。福建撤任上杭縣知縣朱倬汀州鎮標左營遊擊王捷元前因飭拏要犯廖岸如日久未獲降旨將該

員等摘去頂帶勒限嚴拏現已逾限仍未報獲實屬不知振作米倬著卽革職王捷元雖非專轄員弁惟委令緝犯不能上緊協獲亦難辭咎著開復頂帶仍交部議處所有要犯廖岸如等仍飭現任文武各員嚴拏懲辦毋任漏網○諭軍機大臣等有人呈稱置備船礮撥兵防守江口十二條昨據向榮奏逆匪下竄賊船已駛下陽邏地方距道士洲二百餘里大江下游一帶不可不嚴密防守昨已

實錄卷八二

四

諭令楊殿邦楊文定等於鎮江瓜州兩處江口派兵防守並於沿江港汊多伏船隻豫備火器燒毀賊船並雇水摸將賊船擊沈亦可奪其所恃該漕督等自己設法相機籌辦江面船隻急應收用金山為南北兩口要隘必應重兵屯守安礮設防其餘各隘口均須嚴密防備著該督等卽將所奏各條體察情形迅速籌辦但須因地制宜亦不必拘定如此辦法原單著鈔給閱看又有人奏鎮江一帶

實錄卷八二

五

多有善泅者能於水中潛伏數日俗名水葫蘆亦可雇募備用現在賊匪東竄江口要隘關繫南北全局斷不可使賊匪搶占致有梗阻設防處所尤應慎擇將弁管帶兵丁守護船礮木簰毋稍疏虞陸建瀛現在督兵九江上游相距較遠卽著楊殿邦楊文定妥速籌撥無致延誤前任江南河道總督潘錫恩現在告病家居著傳知該員幫同辦理地方防堵事宜所需經費若俟部撥緩不濟急或截留漕糧抵用或於鹽務地方紳商設法捐貸暫濟急需將此由六百里加緊諭知陸建瀛楊殿邦楊文定並諭祥厚霍隆武文藝傳諭祁宿藻聯英倪良燿劉良駒但明倫知之

戊午

上詣

壽康宮問

皇貴太妃安○諭內閣現在軍務未竣部撥各省軍餉經過地方必應迅速催解大營以資

接濟即使道途間有阻隔亦當設法籌運繞道行走妥速解交。若因本省需用孔亟將過境餉銀紛紛截留。是但圖自便取攜置大營要需於不顧。儻有貽誤。所關非細。即如將文慶奏浙江委解湖南湖北餉銀七萬兩因驛路難行請留皖省作為防堵經費。朕以該省現在防堵情形較前緊急姑允所請。惟該撫摺內並未籌及繞道行走於大營需用緊要應請補撥之處亦竟未置一詞。封疆大吏自

實錄卷八十二

六

應統籌全局。豈不知部撥軍餉斷難輾轉稽延耶。嗣後各督撫務當先其所急於餉銀解經本境趕即派委妥員護送並飭該員等探明路徑如須繞越前進即加意防護迅解大營毋稍疏失。儻各存畛域任意截留要餉致誤事機著該部即行參奏。○諭軍機大臣等前據李芝昌王懿德奏參福建水師提督鄭高祥督勦艇匪畏葸不前當降旨照部議革職仍責令戴罪出洋勦捕以觀後效。朕現聞

閩省洋面廣艇匪徒愈肆滋擾臺灣米船間被搶掠以致臺米不能渡海閩浙糧價增昂鄭高祥不能乘坐海船每遇巡洋往往藏匿海汊逾時捏報欺飾似此怯懦無能無怪匪徒日肆且江浙二省現辦海運設使洋面稍有疏虞所關非細著怡良王懿德迅即確查鄭高祥如有前項情節不勝水師之任即行據實參奏另派妥員暫署一面奏請簡放務飭署任之員將艇匪悉數殲除毋得再有貽

實錄卷八十二

七

誤陸路提督炳文前據李芝昌等奏署遊擊王煜申文內夾有匿名揭帖聲訴炳文有調操扣餉各情該提督平日聲名究竟若何著一併查明具奏並著閩浙督撫於水師各營總兵內留心訪察如有堪勝水師提督之任者據實保奏再前據黃宗漢奏浙江提督葉紹春艱於步履擬請總督代奏開缺朕知該提督熟悉海面情形平日整頓營務尚屬認真現當勦捕廣艇匪徒之際統率需人著黃

宗漢就近查看如該提督病已痊愈即傳旨令其奮勉從公以圖報效毋負委任將此各諭令知之尋浙江巡撫黃宗漢奏提臣葉紹春步履艱難未敢遽行引疾現在省城與將軍都統會商防堵事宜得旨葉紹春力疾辦公實屬可嘉○己未

宣宗成皇帝三周年忌辰遣恭親王奕訢祭

慕陵

上詣

實錄卷八二

八

奉先殿

壽皇殿行禮○頒

硃筆訓臣工戒因循諭曰我

皇考宣宗成皇帝深仁厚澤浹於寰宇予小子

受

付託之重懍大業之艱兢兢業業已三年矣追

思我

皇考彌留之際諄諄以國計民生為重顧命諸

臣所共知者試思今日國計未豐民遭塗炭

朕雖自恨自責竭力籌維亦終無成效豈不有負

高深為天下一罪人乎内外文武諸臣抒忠宣力視國如家者固不乏人然泄泄沓沓因循不振祿位之念重置國事於不問者正復不少朕雖非賢主斷不忍諉咎於諸臣試問諸臣五夜捫心何忍何安若不痛加改悔將來有不堪設想者矣是用誕告爾大小臣工自今日始仍有不改積習置此諭於不顧者朕

實錄卷八三

九

必執法從嚴懲辦斷不姑容猛以濟寬正今日之急務也朕為諸臣計國計民生無關於汝之身家獨不惜一身名節甘為大清國不忠之臣不亦愚乎總之以言感人其感甚淺爾大小臣工若以認真為多事以朕為可欺一人在上欺之固易翹首

上蒼昭昭

明鑒吁可畏也特諭○諭軍機大臣等羅繞典奏請截留餉銀等語據稱所帶官兵鹽糧不

數於外省解交湖南餉銀截留三萬兩。朕思該處需用孔亟。著卽照所請行。惟欽差大臣向榮大營籌辦防剿。萬分喫緊。所需軍餉。刻不容緩。嗣後務須統籌全局。先其所急。不得將過境餉銀。輒請截留。現在武昌省城業已收復。前已諭令張亮基。駱秉章。馳赴省城。辦理撫綏事宜。荆襄一帶。是否仍須巡撫駐劄。著卽會議具奏。羅繞典現已馳抵襄陽。所有團練防堵。並緝拏土匪。盤詰奸細各事。著知

實錄卷八十二

十

會台湧一體籌辦。不可稍有疏虞。襄陽土匪。前據陸應穀奏稱。派兵協剿。是否已就肅清。並著隨時奏報。以慰朕懷。至現在淮鹽阻滯。著准其以川鹽潞鹽接濟。迅卽咨部辦理。俟賊氛埽蕩。仍復舊規。將此由六百里各諭令知之。○又諭戶部奏遵議楚省餉糈一摺。已有旨交向榮。張亮基等照辦矣。至所稱截留米石。作為軍食一節。前經飭令該督撫等籌辦。惟江甯等屬。及安徽。江西應運新漕。除截

留軍食外。為數尚多。儻因運道梗塞。未能抵京。自應酌量變通。以應運米石。抵各該省兵餉銀兩。且可節省漕項津貼等款。著陸建瀛。楊殿邦。楊文定。蔣文慶。張芾等迅速覈計。所有業經徵收之漕糧若干。現歸節省之漕項若干。應如何搭放兵餉。或就地糶變。務卽通盤籌畫。奏明辦理。至大兵追剿。所在口糧。遇有漕地方。亦令其隨地關支。以抵銀兩。其節省之銀。統歸軍需銷報。該督撫等身膺重任。

實錄卷八十二

十一

當此軍務喫緊。經費支絀之時。其各體察情形。妥速辦理。至漕船水手。均係壯丁。現既停運。是否可招募團練。以資禦侮。有無流弊。並著酌量辦理。將此由六百里各諭令知之。○又諭據戶部奏遵議徐廣縉奏請撥帑一摺。已照所請辦理矣。現在武漢兩城逆匪下竄。該大臣統帶諸軍。分途追擊。一切轉運餉糈。必須源源接濟。前命張亮基。駱秉章等。卽日馳赴武昌。駐劄調度。本日又據羅繞典奏。馳

抵襄陽。並先與台湧籌商移兵防堵各事宜。著張亮基駱秉章會同妥為布置。現在賊匪東竄糧臺隨營移設。所有該部先後議撥銀兩著向榮與張亮基等查照部開清單飛咨各該省起解餉銀。應由何處行走解赴何處。可期接應急需。分別妥籌辦理。將此由六百里諭知向榮張亮基駱秉章。並台湧羅繞典知之。○庚申

上詣

實錄卷八二

三

大高殿

壽皇殿行禮。○御保和殿賜王以下大臣官員蒙古王貝勒貝子公台吉及外藩使臣等宴。○諭軍機大臣等。有人奏風聞直隸天津地方有形跡可疑之人盤踞城外。自上年十二月間陸續而來。約有八百餘人。口操山東湖北兩省土音。在西關北關客店分住。每人攜帶輓鞘虎頭刀一把。或二把不等。兩股服飾各歸一色。各有頭目一名。眾人皆聽主使其

與市間交易。多用洋錢。其姓氏皆稱姓張。並云被災逃難。欲到保定府俟同伴到齊。即行前往等語。天津附近京畿該匪徒等結夥盤踞至八百餘人之多。該地方官豈毫無覺察。何以該督並未奏聞。儻業經派員拏獲。即著將審訊大概情形先行據實具奏。若尚未據稟報。即著遴派幹員迅赴該處密飭天津鎮道會同查拏。辦理該匪徒人數眾多。必須嚴密掩捕。加以慎重。儻敢因循掩飾。化有為無。

實錄卷八二

三

甚至機事不密。致該匪等聞風遠颺。朕惟訥爾經額是問。原摺著鈔給閱看。將此諭令知之。○又諭天津附近京畿該匪徒等膽敢結夥盤踞至八百餘人之多。難保不分布黨與。涸跡京師。著步軍統領衙門順天府五城一體偵緝。明查暗訪。如有似此服飾奇異行蹤詭秘之人。即行迅速掩捕。以杜勾結。並著步軍統領順天府各派妥員幹役。迅往天津嚴密訪查。據實具奏。原摺著鈔給閱看。將此各

諭令知之○又諭祥厚楊文定霍隆武秦省城守禦情形並懇添調勁旅一摺江甯省城保障東南節經降旨令該將軍等督兵守禦茲據奏稱江南兵力柔脆提標各營又節經徵調福珠洪阿於城外設防尚覺勢孤復由霍隆武選帶旗兵總兵程三光選帶營兵擇要駐劄與該提督互為犄角布置尚屬周妥惟城內兵力單弱自係實在情形所請山東精兵已有旨令李德即選精兵二千派委得

實錄卷八十二

古

力將弁管帶馳赴江甯以資調遣其山東師船既據稱緩不濟急已諭令停其調往矣前已有旨諭令楊殿邦督同運司道府並會同文藝籌辦江防事宜又諭令將前任運司但明倫留於揚州等處辦理防堵茲據奏稱揚州鎮江兩郡經文藝暨該運司督同府縣辦理著即趕緊布置無稍延緩至所稱開挖城濠築壩蓄水擇要挑挖並多設地聽及城上架礮諸事著即飭令祁宿藻涂文鈞等與鄒

鳴鶴迅速妥辦總期通盤籌畫進可以戰退可以守不至臨事倉皇是為至要將此由六百里諭知祥厚楊文定霍隆武文藝並諭福珠洪阿傳諭祁宿藻鄒鳴鶴各知之○又諭楊文定奏江甯辦理防堵需用經費已據江蘇藩司揚州關龍江關等處解到銀九萬兩儲庫備用惟龍江關應徵稅課因商販稀少經徵虧短請責令該監督儘徵儘解等語龍江關稅課以木樟等項為大宗現在賊擾湖

實錄卷八十二

十五

北來源稀少該撫所奏自係實在情形所有該關應徵稅銀著准其暫行儘徵儘解留存江甯藩庫撙節動用該監督仍當於所轄關務認真稽察實力整頓毋得因有此旨稍形疏懈致啟隱飾偷漏等弊其已解到之藩關各庫銀九萬兩著准其儲庫備用將此由六百里諭知楊文定並傳諭文熊知之○又諭寄諭山東巡撫李鴻章本日據楊文定奏江省備防船隻現已足用並稱江甯省城防兵單

薄請調山東兵二千名。迅赴江甯等語。著該撫於克沂曹濟等營內揀選精兵二千名。派委得力將弁管帶。兼程前赴江甯。聽候楊文定等調遣。該撫屢次陳奏。尚能通籌全局。當此鄰省需兵孔亟之時。諒必同深焦灼。儻本省有須調撥之處。仍可於就近省分移緩應急也。其前派赴江南之登州水師各船。即著飭令毋庸前往。以節經費。將此由六百里諭令知之。○江甯將軍祥厚等奏省城守禦情

實錄卷八十二

六

形。並請添調勁旅。得旨。布置一切情形。尚屬周妥。第兵力太單。防守較難。○賞御前行走喀爾喀親王車林多爾濟黃韁。命乾清門行走。浩齊特郡王吹精扎布。在御前行走。喀爾喀鎮國公巴勒達爾多爾濟。在乾清門行走。○命三等侍衛恩全。乘鶯在乾清門行走。○辛酉。

上詣

壽康宮問

皇貴太妃安。○諭軍機大臣等。現在賊由武昌東竄。大兵追剿。需餉孔殷。各省撥解餉銀。恐因驛路阻隔。致有稽延。惟自廣東至湖北。轉運較便。上年十二月。曾諭令葉名琛等。籌款接濟。仍著迅速設法。無論庫款關稅各項。先行籌撥。派委得力員弁。妥速解赴大營應用。或於廣東殷實商戶。暫行借貸。以期有益要需。刻下向榮統帶重兵。由武昌陸路跟蹤追剿。九江下游情形。萬分喫緊。若停兵待餉。其

實錄卷八十三

七

勢更不可問。諒該督等必同此焦灼也。將此由六百里加緊諭知葉名琛。柏貴。並傳諭曾維知之。○又諭。張亮基奏。籌撥湖北軍餉各摺片。已飭戶部速議具奏。並諭令葉名琛等。趕緊籌款接濟矣。逆匪竄出武昌。全行上船。在江面陽邏一帶屯泊。如果上游船礮應手。正可乘此順流焚剿。據徐廣縉奏。現已酌撥礮位。多備船隻。又添置漁船。雇募水摸。業經派定。交付鮑起豹管帶。一俟船礮到齊。即與

續置火船。押往金口。著張亮基仍遵前旨。迅速辦理。聽候欽差大臣向榮調撥。至軍餉一節。尤關緊要。昨已據戶部奏明。開單飛咨各省。並有旨諭令向榮張亮基等。按單催提。惟各處道路梗塞。恐委解各員。繞越行走。不免耽延時日。朕心實深焦灼。著張亮基等先行就近設法籌畫。或於本省富戶商賈。暫為貸借。或將應存米糧。運赴軍營。以資接濟。務須通盤籌畫。先其所急。若但以軍餉不繼。一奏了事。輟轉稽延。恐致貽誤。武昌省城。今已收復。前諭令張亮基駱秉章。即日馳往。現在招集流亡。撫綏難民。彈壓土匪。一切均須妥辦。武昌餉銀。究被賊匪掠去若干。該署督等到省後。是否尚可稽查。著卽一併具奏。飛咨戶部查照。再襄陽土匪滋事。此時是否肅清。仍當隨時知照。羅繞典籌商勦辦。立淨根株。湖南防勦各事宜。卽責成潘鐸相機妥籌。毋得稍有疏虞。將此由六百里加緊各諭令知之。

實錄卷十三

六

○署湖廣總督張亮基奏報署任謝恩得旨。迅速前往。不准畏難。不准故意耽延。○以湖南岳州戡匪安民。賞知府賈亨晉土守備龍子高。龍子明。花翎。舉人吳國瑞。藍翎。壬戌上御乾清宮。賜近支親藩等宴。○諭內閣。本年二月二十六日。

孝和睿皇后梓宮奉安禮成恭題

神主行虞祭禮著惠親王綿愉恭代。二十七日。慕陵行數土禮。並行大饗禮。著恭親王奕訢恭

實錄卷十三

九

代。○又諭。本年二月二十六日。

孝和睿皇后奉安

昌西陵。自二十四日至二十六日。所有一切典禮。著惠親王綿愉恭代行禮。至恭請

神牌回京。沿途朝夕上香。著恭親王奕訢。惇郡

王奕諒。輪替恭代行禮。○又諭。理藩院奏杜

爾伯特扎薩克和碩親王棍布扎布。現當軍務未竣。情願將所領俸銀二千兩。捐備軍需。懇請轉奏一摺。杜爾伯特扎薩克和碩親王

棍布扎布。聞軍務未竣。情願捐輸。俸銀二千兩。實屬出於至誠。朕甚嘉悅。惟念該親王平日藉資當差。所捐銀兩。著勿庸賞收。加恩著賞給大卷紬袍褂料一套。由廣儲司支給。以示朕體恤蒙古臣僕之至意。○又諭理藩院奏駐京之科爾沁鎮國公棍楚克林沁。現當軍務未竣。情願捐銀一千兩。以備軍需。懇請轉奏一摺。科爾沁鎮國公棍楚克林沁捐銀一千兩。以備軍需。具見惻忱。此項捐輸銀兩。

實錄卷八二

三

著即賞收。交軍機處存記。俟軍務告竣。再行提奏。○諭軍機大臣等。有人奏訪聞逆賊現用木簰。舟行中流。簰行傍岸。上堆泥垛。槍礮遮列四面。直若無基之城。有足之馬。結陣而行。戰船不能及前。火攻不能透內。又有連環小簰。一遇敵軍。可以圍裹。又用木簰鋪板上。覆厚土。接連兩岸。可以遏遮上游之師。若坦途然。以利行旅。凡過者皆以銀錢與之。如此則川江。漢江之兵。米不能踰越。鐵銅等船。必

被隔斷。賊如順流東下。衝過九江。安徽江甯各處。雖有小隘口。恐難抵禦。賊若水陸並下。以遏江西兩廣兩湖之兵。則江甯勢甚可危。揚州以北。亦恐震動。今祇有屯重兵於鳳宿。徐州上下四面救應。如賊竄至江甯。則以重兵扼瓜州。或汴流到觀音門。以木簰厚塞。使不能下。則布置可期得手等語。若如所奏。賊匪木簰笨重。若我軍船礮應手。正可順風縱火焚毀賊船。向榮此時已督兵追赴下游。陸

實錄卷八二

三

建瀛現在如何禦賊。琦善陳金綬是否帶兵由北路趕緊追剿。旬日以來。均未據報。實深焦灼。凡遇江口。勿令賊匪占踞。其船隻必須先期收入港汊。多備火具。繞出賊船上游。乘勢焚擊。陸路扼要處所。萬不可令賊截斷。總期通盤籌畫。進可以戰。退可以守。是為至要。又有人奏軍營應明定賞格。如有斬獲首逆者。無論官弁軍民人等。必應加以鉅萬重賞。即爵職之榮。亦所不靳。著該大臣等明定條

款徧行曉諭。重賞之下。必有勇夫。朕斷不為遙制也。將此由六百里加緊各諭令知之。

癸亥諭內閣。張亮基奏據實舉劾一摺。湖南吏治。因循疲玩。積重難返。必應力求整頓。擇其賢否之尤者。分別勸懲。俾各州縣有所觀感。儆畏。庶吏治漸就肅清。茲據該撫奏稱。現署湘鄉縣事。鄴縣知縣朱孫詒。勤幹廉明。民心畏慕。調補善化縣知縣。現任武陵縣知縣。胡鏞。守潔才長。政聲素著。該二員久任繁劇。

實錄卷八十三

三

所至匪盜潛蹤。有案必破。為通省州縣中。最為出色之員。均著加恩。以同知直隸州儘先升用。先換頂帶。以昭激勸。澧州直隸州知州呂裕安。才品猥鄙。不知振作。著即勒令休致。芷江縣知縣王大綸。心地糊塗。信任丁役。黔陽縣知縣張佐清。才質昏庸。不能自主。道州知州陳敬曾。居心污鄙。一味顛預。署桂陽縣知縣陳濟鈞。操守平常。輿情不協。王大綸。張佐清。陳敬曾。陳濟鈞。均著即行革職。以示懲

儆。又諭。本日張亮基奏。據實舉劾州縣一摺。已有旨准照所請。分別辦理矣。所劾呂裕

安。陳敬曾。各員。或才品猥鄙。或居心污鄙。自應隨時糾參。以肅吏治。惟封疆大吏。為屬員標準。表正景正。不易之理。此等劣員。總由歷任各上司。喜其揣摩迎合。曲為徇庇。以致吏治廢弛。養癰貽患。實堪痛恨。即如程商。來身任湖廣總督。辦理地方防堵。毫無布置。任賊肆竄。斥革後。仍令留辦糧臺。效力贖罪。該革

實錄卷八十三

三

員受朕格外恩施。施宜何如。力圖後效。乃以武昌失守。眷屬存亡未卜。驚憂成疾。為詞懇回本籍調理。而張亮基。即代為具奏。乞恩。夫人臣國爾忘家。豈宜巧便身圖。置公事於不顧。況當軍務萬分喫緊。惟知引疾規避。冀得脫身事外。是誠何心。且如常大溜等。以身殉國。甚或全家被難。情形極為可慘。以該革員較之。尚得遂其倖生苟免之私。而顧忍然求去耶。前者朕閱其向該署督告病呈詞。居心鄙

陋業已灼見肺肝。特以糧臺責任重大。該革員既已喪盡天良。留之亦屬無益。姑允代奏。飭令回籍。而張亮基前次奏片。代陳患病情形。反復覩縷。惟恐不邀允准。且稱該革員除隨身行李外。一切存在武昌。均已蕩然。當此垂暮之年。未免益增心累等語。張亮基但欲見好同官。並以代為計及瑣屑之語。直達朕前。如果心地純淨無私。此等鄙言。何至流露筆端。朕不欲過事吹求。而諸臣之設心行己。

實錄卷八十二

五

誠偽公私。殆亦難逃朕鑒。偶因張亮基此奏。特加訓誡。俾咸知儆省。至督撫職司舉劾。察吏所以安民。而在此時。尤為急務。除湖南湖北省各員。仍著張亮基等。隨時認真甄別。外。各直省督撫。務須破除情面。嚴加查察。如有貪鄙不職之員。一經訪聞。立即據實嚴叅。重懲。不准稍存姑息。任令昏庸戀棧。致釀亂階。其道府州縣各官。實有循聲眾著。才猷卓越者。即當登諸薦牘。或實心任事。悃幅無華。不

染卑鄙惡習者。亦當拔尤保舉。以挽頽風。各該督撫等。經朕簡畀封疆重任。其各正身率下。舉錯公明。當此時勢孔艱。需才尤亟。若不激發天良。屏除成見。將所屬各員。實力甄別。舉劾。何以振紀綱而蘇民困耶。將此通諭知之。○諭軍機大臣等。武昌賊匪東竄。據向榮奏報。已屆旬日。賊蹤現向何處。抑仍在黃州上游之陽邏地方屯聚。未據續行奏到。陸建瀛計抵九江。將屆兩旬。是否已經往上迎擊。

實錄卷八十二

五

與向榮所派玉山。劉開泰管帶廣東兵勇。合力堵剿。截賊下竄之路。亦未據該大臣奏聞。朕心日深懸念。九江為蘇皖各省門戶。關繫十分緊要。本日據浙江學政萬青藜奏稱。該處上游北岸黃州武穴鎮。南岸瑞昌馬頭。係江廣咽喉。須重兵防堵。九江城西龍開河地面。得勁兵駐守。可與瑞昌馬頭接應。並將河口挑挖寬深。以所挑之土。堆高基址。堅築土城。與郡城犄角。以障衛陸兵。而遷駐水師。更

於黃梅之新開鎮。小池口等處扼要築堡。防賊偷渡。即與武穴鎮沿江接應。賊匪四面受敵。必不致徑犯長江等語。該學政籍隸九江。熟悉該處地方形勢險要。所奏不為無見。不知該處是否如此布置。此時情形。又復如何。著陸建瀛。張芾。會同向榮。迅速籌辦。一面知照湖北督撫。一體辦理。並將現在防剿情形。迅即具奏。原片著鈔給閱看。將此由六百里加緊諭知陸建瀛。張芾。並諭向榮知之。○又

實錄卷三十三

三

諭。曾國藩奏幫辦團練。查緝土匪情形。另片稱。俟有頭緒。即當回籍守制等語。現在楚省土匪。查緝尚未淨盡。各處團練。保衛鄉閭。最關緊要。該侍郎所奏訓練章程。宜仿成法。但求其精。不求其多。既可防守省垣。復可查拏土匪。辦理甚為妥協。著張亮基。潘鐸。會同該侍郎。悉心籌辦。毋任有司視為具文。曾國藩係丁憂在籍大員。奉旨幫同地方辦理團練事宜。原為保衛桑梓。所請不敢仰希恩敘。並

縷陳各情。具見惻忱。惟當此設團訓練。勸捐籌辦之時。必須公正紳士。素為鄉里信服者。會同地方大吏。始終其事。庶克有濟。曾國藩籍隸湘鄉。距省不遠。即幫辦公事。亦於定省不致疏闊。著俟辦理著有成效。再行具奏。遵例回籍守制可也。將此諭知張亮基。潘鐸。並諭曾國藩知之。○以禮部左侍郎聯順署鑲藍旗護軍統領。戶部左侍郎全慶。署正黃旗滿洲副都統。○甲子。

實錄卷三十三

三

上御撫辰殿大幄次。賜王以下大臣官員。蒙古王。貝勒。貝子。公。台吉。及外藩使臣等宴。○諭內閣。陸建瀛奏。賊匪東竄。總兵陣亡。自請治罪。並以江甯緊要。折回防剿。各一摺。賊匪自竄踞武昌後。疊經降旨。令陸建瀛。馳赴九江。會同張芾。勦辦。乃由水路前進。已覺遲緩。及聞所派鎮將。於上游接仗失事。該大臣輒即退保江甯。毫無布置。實屬大負委任。陸建瀛。著先行革職。仍責成辦理地方軍務。一面防

守江甯。一面派兵援應安徽。以觀後效。向榮追賊現已馳抵九江。著即分派將弁督帶精兵奮力追剿。前經疊次降旨。諭令琦善先飭陳金綬帶兵馳赴安徽。扼要策應。乃本日據蔣文慶奏報。河南援兵尚未到皖。陳金綬是否啟程。琦善何日前進。迄今未據奏報。江皖待援甚急。該大臣豈竟置若罔聞耶。琦善著先行革去都統銜。以示薄懲。現在賊匪東竄。密邇九江。陸路賊匪距宿松甚近。若不痛加

實錄卷八二

三

勦洗。則蔓延幾不可問。陳金綬著即選帶將弁精兵。星馳赴皖。琦善亦著督兵前進。為陳金綬接應。仍隨時知照向榮等於大江兩岸互為犄角。分路夾攻。勿任賊匪順流直下。儻該大臣等仍前玩泄。致江皖或有疏虞。朕惟知執法從事。不能稍從寬典也。懍之。又諭陸應穀奏請截留黔省解運京鉛備用等語。貴州委員吳棻周廷光領運京局二起鉛船。現在濟甯州屬停泊守凍。即著山東巡撫飭

將此項京鉛內截留黑鉛十萬斤。委員迅解河南備用。○諭軍機大臣等。本日疊據陸建瀛奏賊匪東竄。九江危險。現擬折回江甯兩摺。又據蔣文慶奏安徽望援不至。情勢緊急。一摺。披覽十分憤恨。已明降諭旨。將陸建瀛革職。仍責令辦理地方事務。以觀後效矣。陸建瀛前赴九江。由水路行走。已覺遲緩。乃抵潯十日。毫無調度。賊鋒甫接。一戰而潰。以致總兵恩長陣亡。束手無策。藉口防堵。江甯竟

實錄卷八二

三

委江西安徽。於不顧。實屬大負委任。本日僅予薄懲。令其戴罪自贖。因思恩長既經殉難。尚有劉長清管帶兵勇船礮。此時駐劄何處。所帶馬礮有無遺失。前調之楊冠春周鼐方翔等。何以不能接應。張芾以寡弱兵力駐守九江。現在情形若何。摺內均未敘及。至周天爵幫辦安徽防堵。尚未奏報啟程。且並無管帶之兵。向榮派赴九江之兵。未知何時趕到。而陸建瀛亦未與向榮面晤。何以輒稱安徽

有周天爵。九江有向榮。恃為無憂。以便其抽身之計耶。江甯省城誠為重地。該大臣既知折回。與將軍巡撫等極力保衛。豈九江安徽非陸建瀛管轄之境。設有疏失。罪尚可追耶。該逆既已水陸並下。安慶最為危險。必當先其所急。茲又嚴催陳金綬。迅即帶兵飛速前往安徽救援。著向榮陸建瀛竭力設法。要截小孤山等險隘。此處不守。縱賊直下。即陸建瀛欲以留營之兵四百名。捍衛江甯。庸有濟

實錄卷八十三

三

乎。惟有扼險堅守。與向榮合力夾擊。俾賊匪不得疾駛而東。一面嚴防安慶。與蔣文慶激勵紳民。妥籌固守。並著飛咨周天爵。促令迅赴安徽。協同防堵。周天爵如有素所練習壯勇。可資捍禦者。並即帶往。酌量派撥應用。田大武防守宿松。應行添調之兵。如何酌量調撥。未到安徽之浙江山東江蘇官兵。如何催令趕到。著即相機布置。至江甯籌備防堵。節經諭令祥厚楊文定等。慎密辦理。此時一聞

警信。深恐人民張皇無措。且賊勢剽急。尤須偵探確實。以備不虞。仍著祥厚陸建瀛楊文定等。遵照前旨。妥速籌商。其揚子江京口一帶。南北咽喉。關繫甚重。萬不可令匪蹤闖入。著楊殿邦等。遵照前旨。察看形勢。即行籌辦。朕日夕南望。焦慮不能稍釋。張芾何以並無奏報。更深懸繫。著即迅速查奏。將此由六百里加緊各諭令知之。○又諭。本日據陸建瀛奏賊竄九江。退回江甯防守。並蔣文慶奏皖

實錄卷八十三

三

省危急。援兵不至。各摺。已將陸建瀛革職。並催各路官兵飛速赴援矣。賊匪未經竄出武昌。朕早料其東下長江。安徽緊急。疊經降旨。著該大臣先令陳金綬。迅帶精兵。馳赴安徽迎剿。該提督素性勇往。何至屢奉諭旨。遷延不進。乃兼旬以來。並未報帶兵啟程日期。現在到豫官兵。數已不少。何不可酌量抽撥。催令帶往。乃竟置若罔聞。坐觀鄰省危急。不救是何居心。已明降諭旨。將琦善革去都統銜。

以示薄懲。本日復諭令陳金綬自行選帶官兵星馳前往安徽應援。琦善仍著遵旨兼程前進。為陳金綬接應。今賊勢已全股東。下豫省情形與前不同。豈可以有有用之兵。置之無用之地。儻以兵未到齊為詞。不即赴援。或稍有掣肘。俾陳金綬不能趕緊啟行。致安徽復有疏失。朕必將琦善在軍前正法。斷不饒恕。如能出奇制勝。力挫賊鋒。保全下游大局。朕仍望琦善努力成功。為朕分憂也。將此由六

實錄卷八十二

三

百里加緊諭令知之。○又諭前因賊匪勢將東竄。下游喫重。朕以陳金綬久歷戎行。屢次諭令管帶精兵。迅赴安徽一帶迎剿。該提督疊奉嚴旨。自應趕緊啟程。何以遲之又久。未據奏報。豈因琦善以兵未到齊為詞。致令遲延不進耶。現在賊匪業已東下。據蔣文慶奏報。亟望該提督帶兵赴援。陳金綬係朕特命幫辦軍務。所有豫省調到之兵。即著擇其精銳者。自選數千。並選帶得力將弁。星速馳往

安徽扼要援應。該提督軍營必須文員襄辦一切事宜。即著勝保同往安徽。並將啟程日期迅速奏報。陳金綬與向榮皆昔日楊遇春部下將弁。軍情緩急。自必熟諳。今為朕禦此巨寇。長江兩岸。安徽江甯兩省。安危所繫。汝兩人聲勢聯絡。相機進攻。若能出奇制勝。保衛江東。庶不負朕委任倚重之至意也。勉之。懍之。將此由六百里加緊諭知陳金綬。並諭勝保知之。○直隸總督訥爾經額奏履天津

實錄卷八十三

三

難民。並非匪徒。得旨。凡重大案情。大吏不稍迴護。屬員不敢粉飾。即無難破獲也。○以派赴河南軍營。賞副都統烏凌額等銀幣有差。○予江西陣亡總兵官恩長提督銜。祭葬。世職。如提督例。諡武壯。○乙丑。諭內閣。奕興。廣林奏。恭請尊藏

冊

寶位次一摺。現在吉林。黑龍江官兵。分起過境。直隸地方。差務較繁。民力未裕。所有本年三

月初八日恭送

冊

寶至盛京

太廟尊藏典禮著暫緩舉行○又諭向榮奏督兵追堵賊船情形一摺逆匪自竄出武昌後順流東下該大臣於初四日追至葛店地方擊沈賊船二隻並拋擲火礮焚燒近岸賊船三隻又令各營挑選奮勇兵壯二千四百餘名不帶鍋帳親率和春秦定三李瑞玉山福

實錄卷八十二

三

興等晝夜兼程趕往九江冒雨前進備極艱苦已繞過賊船之前其先到九江之賊船十餘隻經各鎮將督率兵勇開礮擊壞七隻該逆不能抵禦駛往北岸大股賊船繼至紛紛上岸該大臣指揮官兵分路衝殺從辰至午斃賊多名現在賊勢已近九江而我兵先後趕到行走尚為迅速著向榮督率鎮將等無分水陸相機追剿陳金綬此時諒已統帶北兵趕赴安徽一帶與向榮合力夾擊並著陸

建瀛張弼蔣文慶等於大江兩岸沿途節節扼要堵截毋得稍有疏虞至福建官兵中途走散竟至數百名之多帶兵將備不能約束谷已難辦且派令防守武昌縣打仗亦不得力所有署泉州參將周兆麟漳州遊擊顧得欽都司陳光標提標遊擊陳金鑾汀州遊擊高士濬均著先行革職仍飭將逃兵嚴拏重辦以肅軍令總兵郭仁布統率無方所請議處之處著改為革職留任以示懲儆○又諭

實錄卷八十二

三

楊以增奏豐工冰泮進占情形一摺據稱本月初六七等日連得東風大河迎溜背溜處所積凌盡解隨即督飭在工人員星夜進占現在金門收窄僅存十餘丈兩壩再進一占察看風色溜勢即當開放引河等語前經疊次諭令該河督等趕緊籌辦茲屆大工垂成必須於桃汛未至之先剋期蒞事著楊以增督同查文經嚴飭在工各員等認真趕辦及早合龍毋稍延緩○又諭張亮基奏勦辦土

匪事竣一摺。湖南瀏陽縣匪徒周國虞設立徵義堂名目。勾結多人。膽敢分撲縣城營盤。經陝西候補知府江忠源於上年十二月十八日。痛加剿洗。將脅從之民先行解散。江忠源一面飛咨總兵經文岱帶兵嚴堵北路。十八盤險隘。一面率帶文武紳士督同團練將匪巢焚毀。緝獲要犯陳國材。並搜獲匪首陳朝涇。陳德昭等。解送到營。統計十八日至三十日。疊次生擒。暨各鄉團捆送。共獲匪徒六

實錄卷八二

奏

百七十餘名。臨陣殲斃。及鄉團格殺共七百餘名。先後發給印帖。解散脅從四千三百餘戶。奪獲軍器火藥甚多。地方一律肅清。良民安堵。辦理尚為妥速。所有獲解各犯除業經正法梟示外。餘著迅速審辦。在逃之周國虞。曾樂珍。鄧萬發。三犯。仍著嚴拏。勿任稽誅。勦辦此案之出力文武員弁紳民。均著准其酌量保奏。候朕施恩。用昭激勸。○又諭張亮基奏請飭催臬司糧道迅赴新任等語。岳興阿。

業經升授湖北布政使。現在武昌收復。招集安撫。均關緊要。著即兼程速抵新任。湖南糧道董醇亦著迅速赴任。毋再遲延。其前經揀發湖南知縣二十員。著該部查明。飭催赴省。聽候差委。如有託故遲延。逾限不到者。該署督撫等。即指名嚴參。以杜規避。湖北巡撫崇綸。並新放湖北道府各官。著該部一併行文。催令速赴新任。○又諭前據琦忠奏。參吉林堂主事喜林達。並其子德敏營謀各缺等情。

實錄卷八二

奏

當交恩華。趙光前往查辦。茲據該侍郎等奏稱。喜林達尚無別項劣蹟。惟其子德敏效力未久。即放委筆帖式戶口未入冊檔。即挑甲缺。其為營求倖進。已可概見。吉林堂主事喜林達著即行革職。其子德敏著即革退。委筆帖式並甲兵錢糧。稟辦不合之印房協領雅青。阿鑲。白協領永壽。佐領保廉。署佐領常壽。均著交部分別議處。○又諭前因固慶琦忠。互奏審訊私硝一案。當交恩華。趙光前往查

辦茲據查明吉林將軍固慶札委依祿查拏私硝既經稟出賄求情由遷延旬日仍派依祿會審顯係意存消弭且兩次陳奏喜林達德敏各情均有不實各實難辭副都統琦忠與將軍近在同城所發稟諭一同標畫豈得諉為不知喜林達之子德敏放委筆帖式挑甲不遵定例琦忠初無異議一併畫行乃事隔數月始行附參實屬徇隱於前攻訐於後至叅奏喜林達擅擬降調處分尤屬謬妄固

實錄卷八十三

三

慶琦忠均著交部嚴加議處即行開缺來京聽候部議○又諭恩華趙光奏遵旨審辦私硝一案分別定擬一摺此案已革佐領依祿於委查私硝輒敢聽受多贓雖經畏罪稟報將銀兩全數呈出仍應按律從重問擬依祿著發往軍臺效力贖罪○又諭恩華趙光奏審訊吉林漫局商人京控案件一摺此案被告人證或患病未到或帶兵未回其餘大半在京該侍郎等自未便在彼守候著將此案

卷宗人證解交刑部審擬具奏尋奏審明富呢雅杭阿等收受幫費實屬違例按律問擬應革世職遣戍從之○諭軍機大臣等向榮奏督兵追堵賊船情形並遣撤閩兵各摺片逆匪連檣東竄該大臣挑選壯兵二千餘名隨同各將官晝夜兼程不帶錫帳冒雨前進繞至賊船之前行走尚為迅速所稱將士艱苦情形一切具悉果能如此出力盡洗從前遷延惡習賊氛雖熾何患無功著該大臣隨

實錄卷八十三

三

時查察傳旨酌量獎勵以作士氣逆匪已至九江我兵無路可繞賊前已由該大臣札飭興國州趕辦船隻又飛咨張芾趕緊雇覓現在船隻是否敷用不致誤事本日又據張亮基奏已飭音德布等管帶礮船前往聽調亦不知此時曾否駛到著向榮分別催集於安徽江甯大江兩岸無分水陸趕緊追剿勿令賊匪占踞江口截我南北之路陳金綬統帶北兵已屢次催令趕赴安徽並令琦善帶兵

從後接應。陳金綬此時如已馳抵安徽一帶。該大臣即當隨時知照。兩路合為一氣。聲勢聯絡。併力夾攻。向榮與陳金綬皆昔日楊遇春部下出色將弁。素悉兵機。必能和衷共濟。出奇制勝。殄此妖氛。行軍之道。緩急應變。惟在臨時酌度。既不可畏蕙失機。亦不可輕率貽誤。汝兩人經朕特簡。但期謀勇兼施。一切調度。朕亦不為遙制。至福建官兵。既無裨益。該大臣擬即遣撤回營。以節糜費。所辦甚是。

實錄卷八二

早

此外各營兵丁。如有似此怯弱者。著該大臣隨時裁汰。其防守下巢湖官兵。如何潰散。北岸老鼠峽官兵。如何堵截情形。一併確查具奏。將此由六百里加緊諭令知之。○又諭。周天爵奏。探訪賊匪情形。並籌防各摺片。現在賊匪東竄。已近九江。安省防堵。十分喫緊。所稱欲募萬人備用。無論猝難招集。經費亦難籌畫。且人數眾多。恐滋流弊。著周天爵仍遵前旨。即將現在所募親信練勇。或數百人。或

千餘人。自成一隊。察看何處喫重。即督率前往防剿。無誤事機。將此由六百里加緊諭令知之。○又諭。張亮基奏。遵調將弁船械。不敢牽制等語。本日據向榮奏到。賊船於本月十一日。駛至九江。該大臣由陸路跟追。現在離九江二十餘里之沱船溝一帶。暫劄飛催。後路各兵。力籌進剿。惟逆船壓江而下。勢甚迅捷。我兵無路繞往賊前。須從九江渡過北岸。始可直達安慶。若仍由大江南岸追躡。繞道

實錄卷八二

早

甚遠。且有鄱陽湖阻隔。我兵迫於奔命。以疲兵而禦強寇。勢難制勝。莫若多覓船隻。順流追擊。各等語。自係實在情形。該逆已至九江東下。官兵隨後追剿。需船甚急。若稍為遲延。必致一誤再誤。所有盧應翔礮船。及音德布韋中魁。韓世禧。鄧紹良各員。既據分別飛催。著即將何日啟程。何日到營。計程若干。有無遲逾之處。一一查明。分晰詳奏。向榮孤軍前進。軍行糧隨。最關緊要。張亮基署理湖廣總

督責無旁貸。務須及早籌備。源源接濟。毋得以不敢牽制。空言塞責。至所稱挑兵數百。湊成千名。俟抵岳州。再為籌畫一節。並著迅即調集催進。勿致誤事。武昌省城及黃州府城。被賊搶去軍餉若干。係何省批解。張亮基此時想已由岳州馳赴武昌。著即詳細具奏。並飛咨該部查覈。將此由六百里加緊諭令知之。○以盛京刑部侍郎景瀉為吉林將軍。調金州副都統瑞昌為吉林副都統。○實授欽

實錄卷全三

聖

差大臣向榮。湖北提督。○以雲南楚雄協副將鄧紹良為江南壽春鎮總兵官。○予故駐藏幫辦大臣寶清祭葬。並賞銀三百兩治喪。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十二

實錄卷八十二

聖

員經理源源接濟無稍遺誤將此由六百里加緊各諭令知之○又諭蔣文慶馳奏探聞逆匪全股入皖省垣危急請催援兵一摺覽奏不勝焦急向榮昨日報到已由陸路兼程趕到九江飛咨張芾及興國州迅雇船隻即圖東下如此時船能應手計已順流前赴安徽應援該撫務當督率文武紳民嬰城固守以待援兵一面分飭所屬安撫居民尤應稽查奸細晝夜巡防無稍疏懈嗣後文報如遇

實錄卷十三

三

道路梗塞著飛飭驛站州縣設法改道星速馳遞以慰朕懷將此由六百里加緊諭令知之○以奉天府府尹書元為盛京刑部侍郎降調刑部尚書恒春為奉天府府尹○以頭等侍衛喀通阿為金州副都統○丁卯諭內閣大學士軍機大臣會同刑部定擬賽尚阿罪名一摺已革大學士賽尚阿經朕簡派欽差大臣辦理廣西軍務未能迅速勦賊致令蔓延楚省勞師糜餉深負朕恩賽尚阿著即

照裕誠等所擬按律定為斬監候秋後處決並著將伊子鑾儀衛冠軍使崇緒禮部主事崇熙工部主事崇綺吏部員外郎崇綯一併革職○又諭刑部奏現審賊犯訊非連劫正盜請仍飭嚴拏一摺上年海淀老虎洞地方連劫錢鋪一案據順天府等衙門先後拏獲張大力等多名奏交刑部審辦茲據訊明各犯或係逃軍或另犯行竊均非此案正盜所有現獲各犯即著刑部各按現訊情節分案

實錄卷十三

四

定擬另結至承緝各衙門於奉旨嚴拏要犯數月以來並無一獲甚至捕役教供以並非行劫之人指稱正盜殊屬不成事體著步軍統領衙門順天府五城直隸總督各飭所屬一體嚴拏務獲懲辦勿使一名漏網其教供之捕役人等著該部一併按律定擬以肅法紀而懲奸宄○又諭本年輪應查閱浙江福建廣東廣西等省營伍之期福建著即派怡良浙江著即派黃宗漢廣東著即派葉名琛

廣西著即派勞崇光逐一查閱認真簡校如
查有訓練不精軍實不齊即將廢弛之將弁
據實劾奏毋得視為具文○諭軍機大臣等
向榮張弼奏賊船東下趕赴九江一摺逆匪
已至九江我兵無路可繞賊前已由該大臣
札飭興國州趕辦船隻並飛咨張弼趕緊雇
覓以期迅速進剿現在向榮統帶官兵馳抵
挖船溝一帶所雇船隻是否可濟急用其盧
應翔及音德布等管帶礮船屢次降旨嚴催

平定奏卷八十三

五

已據張亮基飭令啟程是否業經趕到不勝
懸繫現據蔣文慶奏已將安慶省城糧餉軍
裝移赴廬州該撫與藩司仍在省垣防守若
賊至皖省空城無可擄掠連檣直下則江甯
獨當其衝勢甚危急向榮統率大軍惟當察
看情形何處緊急即須迅往應援仍隨時知
照陸建瀛楊文定蔣文慶等合力夾攻以勦
為守陳金綬如已到皖著即會同籌辦無論
水陸及江口要隘相機堵截勿令賊匪占踞

截我南北之路張弼現駐九江是否可恃並
著隨時奏報以慰朕懷將此由六百里加緊
各諭令知之○又諭昨據蔣文慶奏探聞賊
匪已由九江東下本日復據馳奏賊情緊急
等語現在皖城告警金陵一水直下勢亦危
急陸建瀛自九江折回沿途作何布置本日
侍郎呂賢基奏壽畫江防一摺著摘錄發給
閱看所稱各處磯墩節節險要原可設立水
砦安置礮臺惟賊鋒已信既恐措置不及且

平定奏卷八十三

六

沿江兩岸袤延數百里零星分設兵單勢弱
亦恐無裨守禦祇可就扼要處所迅速設防
仍須以重兵剗營護礮或省城外江岸屯兵
互為犄角現在大江南北惟向榮一軍可資
應援該督撫等務與聲勢聯絡以期彼此策
應遏賊登陸之路又有人奏豫防地雷挖濠
甕聽之法一併鈔給閱看著陸建瀛等妥籌
辦理一面仍遵前旨星速派兵援救安慶一
面會同祥厚楊文定督飭鄒鳴鶴祁宿藻等

將省城內外一切防守事宜籌畫周密毋致臨時失措其瓜州京口一帶仍責成楊殿邦督同地方官妥為防範不可稍有疏虞將此由六百里加緊諭知陸建瀛楊殿邦楊文定並諭祥厚霍隆武文藝知之○河南巡撫陸應穀奏探聞賊離武漢逃竄下游得旨賊雖東竄豫省防堵猶不可鬆懈○派都察院左副都御史載齡兵部左侍郎趙光知貢舉○命工部左侍郎呂賢基馳赴安徽會同巡撫

宣統三年八月十三

七

蔣文慶辦理軍務○賞前任漕運總督周天爵兵部侍郎銜會同安徽巡撫蔣文慶工部左侍郎呂賢基辦理安徽軍務○調正黃旗蒙古副都統載堪為鑲黃旗滿洲副都統以內閣學士肅順為正黃旗蒙古副都統理藩院右侍郎培成兼鑲紅旗漢軍副都統○調塔爾巴哈台參贊大臣豐紳為葉爾羌參贊大臣科布多參贊大臣色克通額為塔爾巴哈台參贊大臣阿克蘇辦事大臣圖伽布為

葉爾羌幫辦大臣以吐魯番領隊大臣景亮為科布多參贊大臣○戊辰

孝聖憲皇后忌辰遣官祭

泰東陵

上詣

慈寧宮

壽康宮前殿行禮後殿問

皇貴太妃安○諭內閣德勒克多爾濟等奏恰

克圖部員主事賽音博勒格圖呈稱現在軍

宣統三年八月十三

八

務未竣情願捐貲以備軍需懇請轉奏等語恰克圖部員賽音博勒格圖所捐銀兩著即賞收加恩交部議敘至恰克圖行頭等公同捐銀足見惻誠惟恰克圖買賣較少商人無多其所捐銀兩無庸賞收著德勒克多爾濟等轉行明白曉諭又諭琦善陳金綬奏分帶官兵進剿一摺前因逆匪自武昌東竄皖省待援甚急疊經降旨令陳金綬帶兵赴皖截擊並令琦善督兵前往接應茲據奏稱陳

金綬於本月十九日先將已到之直隸提標暨各鎮兵管帶啟程馳赴安徽一帶截剿琦善亦於是日帶兵前往湖北江西一帶沿途確探何路喫重即由何路相機截追現在賊匪已偏皖省情形緊急陳金綬著即迅赴安徽等處琦善所帶之兵亦應徑赴安徽為陳金綬後路接應若由湖北江西繞道轉恐緩不濟急該大臣等自豫啟程已屬遲延必須兼程馳赴賊匪所在地方儘力追截毋得再

平定縣志卷之三

七

涉紆緩致誤事機昨已有旨令勝保同陳金綬帶兵前進茲據奏該員於未奉諭旨之先自請同往尚屬奮勉可嘉琦善等啟程後糧餉一切著陸應穀派委幹員源源接濟河南防堵事宜仍著該撫督同藩司鄭敦謹妥為籌辦毋稍疏懈又諭琦善奏參帶兵參將藉詞營私等語直隸固關營參將張文照於軍營中獨自稟見自稱家有老親復牽涉地方官令其捐輸等事藉詞干求實屬膽大妄

為張文照著即革職仍飭令隨營效力以示懲儆又諭琦善奏參帶兵滋擾之遊擊請革職審辦等語陝西陝安鎮標中營遊擊瑚圖凌額帶兵行抵河南鄆城縣地方輒敢聲稱車馬不敷縱兵鼓譟勒索大車至一百餘輛馬至七十餘匹之多迨經如數應付復將餘賸未用之車馬勒令該縣折給錢文並敢勒具並無需索印結始肯啟行軍行首重紀律如果兵丁私自需索該遊擊已有不能約

實錄卷八

十

束之罪乃敢縱容肆擾婪索多贓藐法營私實堪痛恨瑚圖凌額著即行革職所帶官兵即著琦善另行派員管帶又諭琦善奏請飭查辦知縣典史互訐等語湖北黃陂縣知縣呂錫麟身任地方乃於軍情緊急之時以設措支應為詞輒轉越境他往難保非藉詞規避該縣典史張治程稱琦善飭令代理縣事更屬荒謬著署湖廣總督張亮基署湖北巡撫駱秉章一併嚴行查究按律懲辦諭

軍機大臣等。寄諭步軍統領有人奏各省舉人赴部會試。向例在省起文。入城時驗文放行。現在湖北巡撫關防尚未查出。恐有匪徒冒充該省舉人。假造文書入城者。請旨嚴查等語。著該衙門派委委員。於入城時查明湖北舉人。如有執持該省巡撫公文赴部會試者。即令指出素識之同鄉京官。或居住之會館。派役妥行送往。仍不得稍滋擾累。並不得因此致將各省會試車輛概行捺查。致

啟胥役刁難訛索之弊。儻有情節不符。或實在情形可疑者。即著嚴行究辦。以杜假冒而戢奸宄。將此諭令知之。又諭舒興阿奏帶兵馳抵陝西省城。會籌防堵事宜一摺。據稱商州潼關等處。並接壤湖北之關垵子白河一帶。均已分派官兵。於三路扼要防堵。惟現在逆匪全股東竄安徽江甯一帶。防堵十分喫緊。疊次諭令琦善陳金綬迅帶精兵馳赴下游。會同勦辦。該督前後調到防堵官兵。統

計五千八百餘名。現在賊竄下游陝境情形。與去歲冬間不同。前調防堵兵如有堪撥下游助勦者。必須移緩就急。該督即一面奏聞。一面調遣。知照向榮陳金綬等率同攻勦。不可以有用之兵置之無用之地。其本境扼要處所。仍著嚴密防守。無得稍有疏虞。將此由六百里諭知舒興阿。並諭張祥河知之。又諭向榮奏賊船下竄。現在雇辦船隻以利追勦一摺。逆船順流下行。我兵陸路奔馳勢有

難及。自係實在情形。現在安徽省城遷徙一空。糧餉移至廬州。我軍船隻儻不應手。亦難飛渡。琦善陳金綬已於本月十九日。自信陽馳往安徽。而陸建瀛倉皇折回江甯。城大兵單亟望援兵相助。向榮著即督帶大兵由陸路馳抵江甯。與祥厚陸建瀛楊文定等會籌守禦。其江口上下並與文藝楊殿邦等扼險設防。毋令占踞要口。致遏南北之路。如上游所調船礮趕到。即可水陸夾擊。與琦善陳金

緩亦可聲勢聯絡。互為犄角。至所需銀餉。已諭令張芾迅速提銀十萬兩。委員管解大營。並諭令張亮基等。將糧臺銀米。迅解江西。交張芾派員接辦。仍諭令籌畫源源接濟。至九江以下。所過江安兩省州縣。如有漕糧及庫存銀兩倉儲穀石。均著該大臣提用以濟急需。已另諭陸建瀛楊文定等遵辦矣。將此由六百里加緊諭令知之。又諭本日據向榮奏追剿賊匪急須接濟軍食等語。向榮現已馳抵九江。應援離楚省糧臺較遠。軍營需餉刻不容緩。著張芾於該省無論何款迅速籌備銀十萬兩。飛解該大臣營中應用。並派委司道大員督辦糧臺。隨營接濟。儻因銀款不敷。或將鄰近州縣現徵漕糧及常平倉穀各項動撥。總期移緩就急。無誤軍需。將此由六百里加緊諭知張芾。並諭陳孚恩傳諭陸元烺知之。又諭前據向榮奏請調廣東水師戰船已有旨飭令飛咨葉名琛等調撥應用。

平定縣志卷八十三

十四

現在賊匪東竄。江防萬分喫緊。已命向榮馳赴江甯迎頭截擊。著葉名琛柏貴即將該省外海水師舵礮戰船。並快蟹大扒等項。湊足百隻多備子藥。遴委水師勇幹鎮將大員統帶星速由海道駛抵江甯聽候。該大臣撥用並一面飛咨向榮等。一面奏聞。萬勿稍有遲誤。將此由六百里加緊各諭令知之。又諭前有旨令張亮基等將廣西派往湖南軍營糧員撤回。無論何省兵勇概由楚省支應。並諭令張亮基設法籌畫源源接濟。俾向榮大軍不至停兵待餉。本日據向榮奏官兵追剿已在江西境內。移咨張芾揀派大員設立糧臺。隨營支發。嗣後撥解餉銀請均歸江西截收等語。現在賊匪東竄。江甯喫重。已諭令向榮趕往應援。沿途既無糧臺支放。誠虞不繼。著張亮基即將糧臺現存銀米迅速轉運江西。交張芾派員截收支發。一面仍遵前旨籌畫陸續解往。萬勿刻延。其楚省承辦之員或

實錄卷八十三

十四

應派往交算。或應酌量裁撤。均由該署督等妥籌辦理。軍情緊要。斷不可稍分畛域。推諉貽誤。將此由六百里加緊諭令知之。又諭。祥厚等奏。賊氛漸近。戰守兵單一摺。已諭令向榮。徑由陸路。馳赴江甯。應援矣。陸建瀛自九江折回。尚望其沿途布置。省城恃以無憂。乃將蕪湖。荻港。板子磯等處防兵。全行撤歸東西梁山。豈皖境安危。與該大臣無涉。而江省上游險要。惟梁山可以扼守。餘皆不必設

實錄卷八十三

十五

防耶。所有江省防守機宜。經楊文定與該將軍等。設法妥籌。仍著陸建瀛遵照前旨。一面援應安慶。一面與該將軍等和衷商榷。計出萬全。既將防兵全行撤歸梁山。即當竭力扼守。毋令賊艘闖入。至向榮大軍。由陸路遙行。裹糧已竭。若不即為接濟。恐誤軍需。著該大臣等。迅飭沿途各屬府州縣。無論截留漕米。及常平義倉穀石。速為碾動。所撥軍需銀兩。亦應通融濟用。運赴向榮大營。無稍貽誤。其

揚子江口。經楊文定先行調集官兵師船。此時楊殿邦想已趕到。一切派撥鎮守。均著該漕督速籌妥辦。毋誤為要。至蕪湖由東壩可達蘇常二府。今蕪湖業已撤防。應飭江蘇藩司聯英等。就近設備。以固藩籬。將此由六百里加緊諭知陸建瀛等。並諭卞鳴鶴。祁宿藻知之。江南提督福珠洪阿奏。馳抵江甯。商辦防堵。得旨。汝等既為兵丁統率。必須示以鎮靜。不可驚惶。庶可同心奮勇。以少勝多。

實錄卷八十三

十六

以刑部右侍郎李嘉端署工部左侍郎。琉球國王世子尚泰遣使表貢方物。賞賚如例。己巳諭內閣。朕於本年仲春上丁。親詣先師孔子廟行禮。其臨雍釋奠之典。著於二月初八日舉行。所有應行事宜。著各該衙門敬謹豫備。又諭張芾奏。九江失守。擬回省守禦。並自請治罪一摺。本月初十日。賊船下竄。張芾在瑞昌督兵堵禦。十一日起回九江。行至中途。探聞府城失守。昨據向榮奏報。九

江城內居民先已遷徙一空是賊匪乘虛竄入旋即退出不知該處文武所謂嬰城固守者安在該撫雖在瑞昌防堵督率不力咎實難辭張芾著即革職留任戴罪自效現在賊竄下游該撫即株守空城亦屬無益著即回省與陳孚恩等於沿江一帶密為防範查拏土匪鎮定人心並委幹員接濟向榮大營軍餉其九江城內即飭令臬司惲光宸等招集流亡妥為安撫○諭軍機大臣等張亮基奏

實錄卷八十三

七

馳赴湖北省城籌辦撫綏各事宜一摺逆匪全股東下武昌漢陽兩城現經收復所有招集流亡嚴查土匪在在均關緊要駱秉章已由岳州馳赴武昌張亮基亦經接受湖廣總督關防並於湖南總局裝米五千石制錢五千緡由水路運赴北省著即兼程前往安撫招徠與駱秉章熟商籌辦至所稱兩城收復需用孔繁若於無可設措等語雖係實在情形惟部撥款項均係極力撙括以供大軍急

需猶恐不給若賊退之後紛紛請帑辦理善後該署督試思現在各省何處更能接濟前據駱秉章請撥銀三十萬兩已交戶部速議本日該署督又請於附近各省先行借給一併飭部覈議惟此時籌畫情形支絀萬難即河南川陝亦均有請撥請留之款該署督等身任封疆豈不計及全局耶抑明知撥款之艱而姑為此請耶現在該省漕糧業經展緩或於豐收地方勸令富紳大賈量捐銀米或

實錄卷八十三

六

於各該州縣內酌量碾動倉穀以為賑恤難民之用當此帑項萬分艱難之時惟在該署督等權其輕重緩急設法籌辦期於庫款地方兩有裨益若如所云力圖整理與從新創造無殊則凡一切繕修均須請帑何所底止耶向榮大營現在待餉甚急該署督務當仍遵前旨趕緊籌解源源接濟斷不准將各省解餉藉口截留致有貽誤至向榮軍營各省兵丁除裁汰傷亡外現有若干名留於湖南

湖北之各省兵丁若干名。並所募勇除遣散外仍有若干名。著即將約畧名數查明具奏武昌。漢陽黃州等屬文武各員著即查明如何殉難。及是否逃避各情分別詳細具奏。毋再延緩。將此由六百里諭知張亮基。並諭駱秉章知之。○又諭。前據向榮奏逆匪東竄。疊經寄諭楊殿邦等。於鎮江瓜州等處江口派兵防守。計已接奉諭旨。迅速前往扼要駐劄。籌辦一切矣。所需經費若一一俱候部撥。勢

實錄卷十三

十九

必緩不濟急。著仍遵前旨。或截留漕糧抵用。或於鹽務地方紳商設法捐貸。如雨江總督江蘇巡撫會商不及。該漕督即督同但明倫劉良駒及各道府等設法辦理。刻下賊船已過九江下游。江防尤關緊要。因思回空漕船現已渡黃南下。且有一千三百餘隻之多。江甯安徽兩處漕糧亦有旨令其截留。此次軍船是否可以作為堵截江口之用。各幫水手可否飭令幫同防堵。著楊殿邦悉心體察妥

為布置總期相機防剿。毋令賊匪占踞鎮江瓜州二口。是為至要。將此由五百里諭知楊殿邦。並傳諭但明倫劉良駒知之。○江甯將軍祥厚等奏江甯城大兵單請飭向榮等迎剿得旨。已有旨令向榮趕赴金陵。今聞爾等所奏情形。城上多設礮位。固因防守起見。若兵少不能護礮。適足資寇而助逆。談也批回。摺與撫臣同看。○命恭親王奕訢管中正殿武英殿事。○命惇郡王奕誼管樂部事。○庚

實錄卷八十三

二十

午諭內閣。呂賢基奏請帶員前往安徽一摺。翰林院編修李鴻章刑部員外郎孫家泰候補主事朱麟祺五品銜武生張瑞慶均著准其隨帶前往。現在軍報絡繹沿途差務紛繁該員等毋庸馳驛。其在籍前任東河通判徐啟山並著蔣文慶飭令隨同呂賢基幫辦一切事宜。俟軍務告竣時各該員如著有勞績著該侍郎酌量保奏。又另片奏所過地方如查有堪備教習團練之人即咨明各該督撫

遣赴安徽軍營以資差委之處著照所請行
○江蘇巡撫楊文定奏移駐鎮江趕辦防堵
得旨汝既出省有事可單銜具奏籌辦稍有
頭緒自應仍回省垣為是朕見到及此汝可
斟酌汝與陸建瀛難期和衷第所辦一事斷
難分別朕日夜焦思汝既為大吏猶不知耶
朕知祁宿藻事事盡心斷非自顧身家者該
員能否出省汝可酌量○辛未諭內閣吏部
奏叅已革巡撫藉病回籍一摺前有旨將已
革湖北巡撫龔裕仍交常大浩差遣委用乃
該革員於回籍奉到諭旨後遲之又久始行
啟程及行至中途又以舊疾復發呈請回籍
調理實屬藉詞巧避始終不知奮勉深負朕
恩龔裕著即交刑部按律治罪江西巡撫張
芾僅據該革員呈詞咨部並不奏明請旨亦
屬不合著交部議處○又諭琦善奏叅玩誤
兵差之州縣請分別革職議處一摺河南署
信陽州知州候補通判宣維祁於兵丁啟程

實錄卷八十三

三

運送軍械之民夫並不遵照雇覓足數以致
軍行遲緩咎無可辭確山縣知縣吳鶴書於
兵差緊急之際具稟告病尤屬規避取巧宣
維祁著即撤任停委仍交部議處吳鶴書著
即革職以示懲儆○諭軍機大臣等前因吉
林黑龍江馬隊官兵陸續到京次第前進已
諭令琦善陳金綬將此項官兵應由何路趕
赴皖境酌度迎催毋任紆道致延時日現在
琦善陳金綬已由河南帶兵赴皖此項馬隊
勁旅於安徽陸路亦屬相宜僅俟行抵信陽
一帶再令折赴安徽不特遷延時日即供支
亦多冗費著訥爾經額陸應穀查明應由何
處改道赴皖即一面奏聞並知照琦善陳金
綬一面飛飭前途經過各地方官迅即籌備
應付毋稍遲誤並著琦善陳金綬遵照前旨
催令該官兵迅速馳赴皖省毋任紆折致誤
事機其前次帶往之火藥火箭乃衝鋒陷陣
要需著琦善分撥解交陳金綬軍營以便先

實錄卷八十三

三

期進剿需用應手將此由六百里加緊各諭令知之○又諭文藝奏京口兵單難資守禦一摺昨據楊文定奏稱鎮江府所稟旗營閒散人數與副都統所開懸殊並有郡城文武猶若優游無事之語茲復據文藝奏稱先後令地方官修城挖濠均未辦理該城文武不和覽奏實不可解從前喫夷滋擾鎮江文武即因不和失事豈可蹈此覆轍現在湯文定移劉鎮江著即會同文藝嚴飭該處文武無

實錄卷八十三

三

分畛域迅速籌防僅有疏虞旗營與地方官均難辭罪所有上游船隻曾否由吳健彰雇募備用現在陸路兵單水路又無援應浙江提督葉紹春溫州鎮總兵陳世忠所轄水師是否尚堪就近調用著陸建瀛楊文定酌量情形如能得力即令由海入江一面飛調一面具奏至瓜州江口楊殿邦以兵力不敷奏稱擬雇募划船水摸團練壯勇以資抵禦京口亦當豫為計及豈可但以兵單難守為詞

一籌莫展耶將此由六百里各諭令知之○壬申諭內閣周天爵奏軍務喫緊急籌防勦一摺據稱在宿州附近等處地方招募壯勇已得張鳳山等一千二百餘名帶赴正陽關以備防剿惟其中有身犯罪名者懇恩寬宥等語此等無業愚民既知感悟力圖報效亦何不可赦其既往予以自新著即照所請將張鳳山等免罪收錄以備驅策如能殺賊立功仍准酌量保奏此係朝廷破格施恩化莠

實錄卷八十三

高

為良至意該侍郎其慎加選擇無負委任至宿遷團練章程著即先行知照附近地方官仿照籌辦○又諭周天爵奏遵旨籌辦防勦請飭調文武員弁以資差遣等語江南淮北監掣同知李安中江蘇宿遷縣知縣候補同知林德泉高郵州知州魏源豐縣知縣賈鎮候補知縣顧思堯山東曹州府遊擊劉玉豹安徽宿州龍山汛千總李際光江南河標宿遷縣圩汛把總楊振邦著各該督撫飭令迅

赴安徽軍營聽候周天爵差遣委用○又諭祥厚等聯銜奏劾督撫一摺陸建瀛自九江折回當經降旨將伊革職仍責令辦理地方軍務旋據楊文定奏函商陸建瀛令其駐守小孤山蕪湖等處乃仍過而不留並將一路防兵倉猝撤回梁山復未布置周密竟行回省該撫復以省城有專任大臣即應移守鎮江入奏朕即知該督撫不能和衷批示訓飭猶冀陸建瀛回省後與同城文武急籌布置

實錄卷八十三

三

力圖補救茲據將軍副都統提督藩司聯銜據實奏陸建瀛總督兩江朕特授為欽差大臣令其馳赴九江上游防堵乃遲之又久方抵九江且以水路行走不為迂緩自解未及調度周妥而賊艘已至一戰兵潰不知收合餘燼與向榮大軍合力夾擊並不知力守小孤山扼賊入皖之路又不親督官兵據守東西梁山為金陵保障遽行折回江甯以致省城紳民驚擾紛紛遷徙當經祥厚等函屬

陸建瀛仍赴上游迎擊乃安坐督署三日並無回信當此危急之時同城文武竟不面商防勦事宜巡撫楊文定遂藉詞防守鎮江即行出省民情更增惶惑封疆大吏遇事張皇失措退縮自全均屬罪無可逭朕思陸建瀛若不退回江甯省城楊文定何至藉詞出守鎮江合城紳民又何至紛紛驚徙今既據祥厚等合詞奏陸建瀛辜恩昧良厥罪尤重著即交祥厚傳旨拏問委員解交刑部治罪所有欽差大臣關防著祥厚祇領並著兼署兩江總督楊文定奉旨令在江甯辦理防堵昨據奏稱楊殿邦尚未行抵揚州鎮江為入蘇門戶急應移往鎮守並未將該將軍等勸留情節敘入其為藉詞退守已屬無疑楊文定著即革職暫行留任即責成與文藝華同所屬文武在鎮江協力防守並著與楊殿邦隔江聲勢聯絡於瓜州京口上下各港汊飭屬嚴密設防斷不准折回蘇州及無錫地方

以致江口要隘稍有疏虞。向榮大軍瞬即東下。陳金綬統帶勁旅。亦即可繞出安徽。祥厚膺茲重任。著即率同在城文武。傳諭紳民。協力同心。嚴密防守。並與向榮等內外夾擊。務期力挫賊鋒。以定人心。而固疆圉。○又諭。祁宿藻奏。奏奉委潛逃之知縣等官。請嚴加議處等語。江蘇候補知縣張衍疇。領銀前往東西梁山安設礮位。並未親至其地。不知逃避何處。當此防守喫緊之時。若不按律嚴懲。儆

實錄卷八十三

三

人人效尤。何以肅軍律而儆官邪。張衍疇著即革職。迅速查拏。交祥厚嚴行審訊。如實係畏葸挾銀逃避。即於該處正法。以昭炯戒。崇明縣縣丞徐承恩。無錫縣高橋司巡檢童復。均係調省差委之員。乃於總督回省後。潛行出城。亦屬狡猾庸懦。著一併革職。查拏交祥厚審明。定擬罪名具奏。○又諭。奕山布彥泰奏。請變通換防章程等語。伊犁官兵前赴喀什噶爾換防。向因夏間河水盛漲。該兵丁等

入秋方能啟程。當新舊更替之際。設有緩急。難資撥用。所有此項防兵。著准其於春間自伊犁啟程。其應撤舊班官兵。俟夏間再行撤回。以重邊防。○又諭。楊以增奏。設法鑿冰進占。並啟放引河一摺。據稱連日風雪。黃河復凍。東西兩壩屢出險工。經該河督等親督兵夫鑿冰進占。現在金門僅存七丈。大溜從積凌下。斜注口門。形勢尚順。隨於二十日啟放引河。大溜挾凌下注。掣歸正河。六分有餘。一

實錄卷八十三

三

俟西壩門占盤壓堅固。即可相機合龍等語。現在節逾驚蟄。鑿冰進占。人力易施。著即督同查丈。經嚴飭在工各員認真催辦。刻期合龍。循例馳奏。毋得稍有耽延。另片奏請將前奏承辦引河希圖墊厓之署守備劉元等。先行疏枷之處。著俟大工合龍後再行奏明。請旨。○又諭。兵部奏遵議固慶琦忠處分一摺。吉林將軍固慶於查拏私硝一案。意存消弭。以致嘖有煩言。又於陳奏各情。均有不實。咎

無可辭。副都統琦忠徇隱於前。攻訐於後。實屬有心取巧。因慶琦忠均著即照部議革職。以示懲儆。諭軍機大臣等。前有旨。令向榮即帶兵由陸路馳抵江甯。與祥厚等會籌守禦。本日據該將軍奏。叅陸建瀛折回省城。紳民驚擾遷徙。禁諭不止。楊文定又藉詞赴鎮江防守。朕已將陸建瀛拏問。楊文定革職。暫行留任矣。現在江甯城大兵單。著向榮仍遵前旨。趕赴江甯。與祥厚等和衷商辦。所有陸

實錄卷八十三

三

建瀛調回江甯。現在撤回之師船火礮及所調撥各水勇。並著向榮沿途妥為布置。如蕪湖板子磯荻港及東西梁山等處各要隘。如何扼守。不令賊踪直達金陵。該大臣即相機辦理。金陵重地。萬不可稍有疏虞。需用糧米及庫項。即由該大臣知會祥厚等。無論地方何款。均准酌量動用。並著飛催陳金綬迅速馳赴安徽截擊。遏賊下竄。將此由六百里加緊諭令知之。又諭祥厚福珠洪阿霍隆武

祁宿藻奏叅總督巡撫一摺。已明降諭旨。將陸建瀛拏問治罪。楊文定革職。暫行留任防守鎮江。並將欽差大臣關防交祥厚祇領。兼署兩江總督矣。昨有旨。令向榮馳赴江甯會籌防剿。計日可到。琦善陳金綬於正月十九日先後自信陽啟程。如由霍山六安取道。不惟可為皖省救援。亦可為江甯接應。惟師克在和。不在眾。近來統兵大員意見稍有齟齬。輒不以公事為重任。聽貽誤。似此惡習相沿。

實錄卷八十三

三

尚望其勦賊立功耶。祥厚現署兩江總督。責無旁貸。應如何擇要布置。督兵固守。並曉諭居民。毋令驚擾。著會同福珠洪阿霍隆武。督同鄒鳴鶴。祁宿藻悉心籌畫。金陵重地。關係匪輕。僅稍有疏虞。恐難當此重咎。鄒鳴鶴平日辦事尚屬幹練。又係本省紳士。曾任大員。熟悉賊情。祥厚等與之籌辦一切。必能盡心竭力。不負朕望。至鎮江瓜州節經降旨。令文藝楊殿邦分路嚴防。楊文定既已出守鎮江。

該處安危。即其專責。若鎮江有警。該撫再藉詞退守。亦何面目對江東兵民乎。此時祥厚等惟有和衷共濟。力圖守禦。東西梁山既有防兵。必當飭令盡力堵截。一俟向榮兵到。合力攻剿。庶可大挫賊鋒。斷不可再存意見。致誤事機。懍之慎之。再據陸建瀛奏。即選知府德林。於十六日在東流縣五里塔下督率未入流程錦雲候補外委王定國及民勇顧希慎宋登元等擊碎匪船。奪獲礮械。程錦雲被

實錄卷十三

三

槍傷壯勇二名落水身死等語。著祥厚查明如有勞績。一併具奏。將此由六百里加緊諭知祥厚。福珠洪阿。霍隆武。文藝楊殿邦。楊文定。並傳諭鄒鳴鶴。祁宿藻知之。○又諭前李德奏。遏賊北竄。莫如扼守黃河。當有旨令該河督該撫等一體辦理。現在賊匪東竄。已過九江。難保無奸細渡河窺探。朕聞琦善在豫出示曉諭。凡有荆楚口音。形跡可疑者。概行禁止。若揆出奸匪實據。許民擅殺。楚匪不敢

偷渡。查辦實為嚴密。著楊以增福濟李德陸應穀仍遵前旨。分飭所屬廳營州縣。並遴派妥員。各於黃河渡口實力盤查。遇有緊急。即將船隻收至北岸。使無船可掠。自難偷渡。扼守黃河北省安危所繫。楊以增等若稍分畛域。朕必即以軍法嚴辦。將此由六百里加緊各諭令知之。○又諭周天爵奏。擇要防堵。並募勇免罪。各摺片。據稱皖省之北。廬鳳。颍。毫。為江南屏蔽。而正陽關尤為廬鳳必爭之地。

實錄卷十三

三

又係壽州財賦之鄉。居淮河之中。為全淮咽喉。覽其所奏。統籌全局。不為無見。周天爵現已馳赴正陽關。所有一切應行豫備之事。既能曾有成算。著即酌量情形。扼要防守。其所稱廣招鄉勇。赦其重罪一節。現當軍務喫緊。果有身犯重罪之人。誠心改悔。樂於效命者。亦不妨破格收用。以冀得其死力。惟究係權宜之計。人數不可太多。該侍郎既已開誠布公。自必能操縱得宜。不滋流弊。以仰體朕不

得已之苦衷也。至所奏聞賊另股奇兵竄至汝甯信陽一帶。琦善陸應穀等從未奏及。恐係浮言搖惑。將此由六百里加緊諭令知之。○以鑲藍旗漢軍都統花沙訥為步軍統領。○以奉天府府尹恒春為大理寺卿。陝西按察使長臻為奉天府府尹。喀喇沙爾辦事大臣文俊為陝西按察使。○賞鑲黃旗滿洲參領玉通副都統銜為喀喇沙爾辦事大臣。以勒辦喀什噶爾夷匪出力。賞幫辦大臣桂

實錄卷八十三

三

齡。巴圖魯名號領隊大臣特克星額佐領奇車布吉新布。遊擊勒豐額守備富隆阿。花翎千總鄒步雲等。藍翎餘升敘有差。並賞兵丁一月鹽菜銀。○以喀什噶爾打仗出力。賞三品阿奇木伯克二等台吉邁瑪特。在乾清門行走。餘升敘有差。○癸酉諭內閣。前經降旨。令戶部將此次各省捐輸總數及各府州縣捐輸分數。分晰開單具奏。茲據該部將山西陝西四川三省捐生名數及銀數先行開單

呈覽。各該省紳士商民。因軍務未竣。志切同仇。輸將踴躍。深堪嘉尚。除業經隨時降旨獎勵外。著再加恩。將捐銀較多之省酌加鄉試中額。捐銀較多之各州縣酌加學額。應如何分別擬定名數。以昭激勸之處。著戶部會同禮部。先將山西陝西四川三省查覈詳議具奏。候朕施恩。○又諭。現在軍務未竣。文報往來最關緊要。如道路遇有梗塞。該管驛站地方官。即應設法繞道馳遞。若不知事體緩急。

實錄卷八十三

三

輒將文報擅自遞回。貽誤非細。著各該省督撫嚴飭臬司通行曉諭。所屬州縣。凡遇緊要軍報。儘道路偶有阻隔。藉詞遞回。以致貽誤者。即著該督撫奏明嚴參。並著兵部隨時稽察。將管理驛站之臬司暨該督撫一併參處。將此通諭知之。○諭軍機大臣等。現在軍情緊急。文報來往最關緊要。本日據兵部接到良鄉縣呈報。竟將正月十九二十兩日。由六百里加緊寄向榮張芾蔣文慶等各諭旨夾

板全行繳回。查檢沿途發單。係由安徽金斗驛暨定遠驛兩處遞回。似此緊要公文。該地方官竟敢任意繳回。殊屬太不曉事。可見該省巡撫臬司並不以此事為重。以致屬員漫不經心。稽遲貽誤。蔣文慶著傳旨申飭。仍著該撫即行查明。此項夾板。究係何處遞回。即將該地方官指名嚴叅。毋稍徇隱。並著各該督撫。飭令臬司。嚴飭州縣。遇有軍報過境。設或前途阻滯。即行設法繞道。妥速馳遞。毋得

實錄卷八十三

三

再有遲誤。致干重咎。將此由六百里各諭令知之。○河東河道總督福濟奏。嚴查黃河渡口。以防奸細。得旨。防堵事宜。不可緩。不可懈。與地方官不可稍分彼此。○署湖廣總督張亮基奏。賊勢東竄。請由各省糧臺。就近截餉。支應。得旨。改設糧臺。已有旨了。至粵楚三省。自軍興以來。需用浩繁。將來恐不免有冒銷之處。著戶部認真查覈。如有造冊未到者。即行奏明嚴催。又奏。請將已革知府謝繼超。帶

赴湖北差委。批。謝繼超著准其帶赴湖北。若不遵號令。著從嚴懲辦。不必遵諭旨。僅予發遣。○調任陝西提督桂明奏。報交卸啟程。得旨。迅速交卸。甚是。抵任後防堵事宜。及一切應行整頓之處。詳細具奏。○甲戌

孝儀純皇后忌辰。遣官祭

裕陵。○諭內閣。周天爵馳奏。探聞安徽省城失守。一摺。覽奏。曷勝憤懣。蔣文慶於本月十七日。尚在安慶發報奏事。茲據周天爵奏。稱。據

實錄卷八十三

三

鳳陽府及舒城縣稟報。安慶省城。即於十七日失守。省城重地。何以一日之間。遽被賊匪攻陷。是否該撫蔣文慶。及藩司以下文武各員。先期退避。抑帶兵守城。力竭殉難。著周天爵迅速查明。分晰馳奏。安徽巡撫。即著周天爵署理。現在賊勢分竄。南北靡定。向榮已有旨。令其馳赴江甯一帶。協勦琦善。陳金綬。由信陽統帶大兵。馳赴皖省。計已趕到。著遵照疊次諭旨。與周天爵擇要攻勦。琦善等赴援。

已遲。若再坐擁重兵。遷延觀望。朕亦惟有執法從事。決不姑寬。懷之。又諭前據倉場侍郎慶祺奏。風聞天津地方有形跡可疑之人。盤踞城外。當經諭令步軍統領順天府及直隸總督派員密查。茲據訥爾經額奏稱。查明該處西關客店有湖北蘄州李姓七十餘名。口寓居。均係災民。業經該地方官捐給口糧。遞籍。並無匪徒。溷跡。與步軍統領順天府查奏情形。大概相符。惟該府縣查訊災民姓氏。

實錄卷八十三

王

籍貫。未能詳晰。該鎮道率行轉稟。以致該督前後具奏。參差錯誤。均難辭咎。署天津鎮總兵大沽協副將特克慎。天津道張起鵠。天津府知府錢忻和。天津縣知縣謝子澄。均著交部察議。訥爾經額著一併交部察議。仍著該督嚴飭地方文武。隨時認真稽查。毋稍疏懈。○又諭御史王茂蔭奏。保舉人才。請備擢用等語。除已革候補知府謝繼超。業經准令張亮基帶赴湖北。差委外。所有刑部額外主事。

劉存厚前廣西候補州同楊培塈二員。著該部及該撫飭令前赴向榮軍營聽候差委。在籍之翰林院編修林汝舟著怡良等飭令前赴江南。交該督撫差委。○諭軍機大臣等。本日據周天爵馳奏。探聞安徽省城失守。一摺。向榮抵九江後。數日未見奏報。朕心實深焦盼。前據張芾奏。業經雇備商船六十餘隻。並有糧船。可以撥用。該大臣此時是否渡江。援應。現在安慶失守。江甯防剿。尤為喫緊。琦善。

實錄卷八十三

王

陳金綬帶兵計可趕到皖省。向榮著仍遵前旨。迅赴金陵沿途察看。何處緊要。即行扼險截擊。儘江甯鎮江已被賊擾。向榮即督兵赴援。萬勿遲誤。省垣重地。城大兵單。甚屬可慮。向榮務與祥厚等督率旗營各兵。並本省紳民扼要固守。不可稍有疏虞。至鎮江瓜州兩口。南北咽喉。楊殿邦楊文定文藝等尤當竭力嚴防。勿令居民驚擾。至該處兵單。已有旨令琦善酌撥精兵赴淮揚一帶。交楊殿邦調。

遣著即飛咨調撥以資援應向榮軍營兵丁除隨時裁汰及打仗陣亡外實在兵數若干名著查明具奏襄陽荊州調撥各省官兵現在可以移調軍營者著向榮酌量調用但須揀選精銳勿以怯懦充數江甯等處地方緊要向榮務當督率鎮將極力保護為要將此由六百里加緊各諭令知之○又諭前因安徽軍情緊急疊次諭令琦善陳金綬督兵迅速馳往援剿本日據周天爵奏安慶省城於

實錄卷八十三

三

本月十七日失守覽奏憤懣之至琦善等如能及早應援何至江北失事即信陽兵未到齊先令陳金綬酌帶官兵馳往亦何至緩不濟急欽差大臣自應統籌全局先其所急若必待事事齊備按轡徐行亦安用汝等為耶現在已降旨令周天爵署理安徽巡撫著琦善陳金綬趕緊督兵與周天爵扼要攻勦僅任賊匪再有蔓延朕惟統兵大臣是問逆匪竄入安慶勢必順流而下直逼江甯該處城

大兵單勢甚危急且鎮江瓜州江口為南北咽喉設有疏虞江北一帶藩籬亦難自固琦善陳金綬統帶精兵萬餘所調吉林黑龍江馬隊不日亦可到齊大軍雲集江北前在黃陂駐劄之陝西兵一千七百餘名總兵吉順想亦管帶赴皖兵力不為不厚如賊陷安慶後知我北路有備江南空虛勢必急圍金陵圖占江口朕所以命向榮徑赴江甯援應正為統籌全局不徒以保守江淮了事琦善陳

實錄卷八十三

四

金綬察看情形必須分兵渡江應援斷不可坐視不救至瓜州江口乃北路最要門戶亦應於所帶官兵內酌撥防守交楊殿邦調遣與安徽互為聲援賊勢狡猾固應慎重亦不得以有用之兵置之無用之地若能調度得宜痛加勦洗大挫兇鋒庶可轉危為安保全大局切勿堅執已見貽誤事機至該大臣所請增給官兵馬乾之處河南省進征及留防各兵與粵楚等省事同一律豈能兩歧辦理

著照部議按例給發以節糜費將此由六百里加緊諭知琦善陳金綬並諭勝保知之
又諭周天爵馳奏安徽省城失守及收募兵勇截留餉銀各摺片並團練章程逆匪水陸分竄九江安慶相繼失守如入無人之境實堪髮指周天爵已署巡撫統轄文武所有江北一面責無旁貸著即擇要布置並收集散兵招募義勇以壯聲援琦善陳金綬均於十九日統帶大兵啟程赴皖該署撫即與會商

實錄卷八十三

聖

進剿之策現在陸建瀛已革職拏問另派祥厚為欽差大臣並著署兩江總督金陵一帶兵力甚單已有旨令向榮直赴金陵援應該署撫如聞江甯告警仍應分兵渡江赴援與向榮併力夾擊江北固應保護又安可置江南於不問朕以天下為一家豈能不統籌全局耶至安慶糧餉軍裝是否運往廬州其解省餉銀三十萬是否已由定遠縣解回徐州道庫此項軍需萬不可疏失該署撫現在招

集散兵及雇募義勇親赴壽州一帶勸捐集團均著照所請行安慶省城既陷小孤山必已失事巡撫藩臬以下各員文武下落一併查明迅速具奏所有團練事宜仍遵前旨行知附近各地方官認真辦理將此由六百里加緊諭令知之
命內閣學士許乃釗迅赴江南幫辦防剿事宜○乙亥諭內閣前因逆匪滋擾粵楚各屬城鄉多被蹂躪降旨令各直省督撫仿照嘉慶年間堅壁清野之法實

實錄卷八十三

聖

力舉行並命武英殿刊刻明亮德楞泰築堡禦賊疏龔景瀚堅壁清野議及所擬出示曉諭條款著將本年正月初八日諭旨並此旨一併刊刻冠諸簡端進呈頒發各直省大吏廣為刊布轉行所屬體察地方情形分飭官紳一體妥籌遵辦
又諭前有旨諭令各直省仿照嘉慶年間堅壁清野之法辦理團練以資保衛誠以賊匪滋擾奔竄靡定與其賊至即逃何如乘其未至設法自固近來被賊

各郡縣本境已受其蹂躪。毗連各鄰境一聞警急。輒紛紛思避。甚至移徙一空。委城於賊。糧餉軍裝。盡被擄掠。藉寇兵而齎盜糧。深堪痛恨。總因地方官素無布置。未能固結民心。遂至臨事倉皇。束手無策。因思民間守望相助。保衛鄉閭。不特被賊地方。急宜籌辦。即距賊較遠處所。亦應思患豫防。惟專責守土之員。不免吏胥假手。流弊滋多。各省公正紳耆。既於地方情形熟悉。而人望所繫。呼應尤靈。

實錄卷八十三

星

前已有旨。令侍郎呂賢基。馳赴皖省。辦理團練。自必與在籍各紳士。悉心妥籌。其江蘇一省。即著在籍之前任左都御史沈岐。閩浙總督季芝昌。吏部侍郎侯桐。左副都御史程庭桂。宗人府府丞溫葆淳。江西巡撫錢寶琛。湖南藩司王藻。浙江藩司汪本銓等。會同地方官。邀集眾紳士。酌辦團練事宜。此外各省在籍紳士。著在京各部院堂官。及翰詹科道。各舉所知。總期通曉事體。居心公正。素繫人望。

者責成倡辦。自必經理得宜。輿情允協。當此賊氛未靖。時勢孔艱。該紳士等身受厚恩。應如何自固閭里。為敵愾同仇之計。所有勸諭捐貲。濬濠築寨各事。總宜各就地方情形。妥為布置。一切經費。不得令官吏經手。如果辦有成效。即由該督撫隨時奏請獎勵。以副朕為民除害。救靖疆圉之至意。又諭翰林院編修何桂珍。奏參已革總督罪難寬宥等語。已革湖廣總督程潛。采前在衡州防堵。一聞

實錄卷八十三

昌

警報。即退回長沙。賊匪自廣西至湖南一路。城池多被竄擾。當因糧臺乏人經理。將該員革職。責令承辦原翼。其戴罪圖功。以觀後效。乃復藉詞告病。乞歸。較之龔裕。獲罪情節尤重。若竟令其安居田里。不足以服人心。程潛采著刑部按律定擬罪名。具奏。至余萬清。劉長清。至今尚未解交刑部。係在何處遲延。著沿途督撫查明。迅速押解。來京。博勒恭武。係由岳州退回。例應治罪。現在如何下落。量經

降旨飭查未據奏聞已革參將阿克東阿前有旨照部議即行正法至今亦未據覆奏著張亮基等迅即查明由驛具奏湖南湖北失守各州縣文武員弁除已查明外其餘各員一併速查具奏毋再延宕○諭軍機大臣等琦善奏遵旨前進並陳實情一摺前經疊降嚴旨令該大臣馳往安徽援救乃自正月二十一日在湖北應山東旺鎮奏事至二十五日尚在該處等候馭贏昨已據周天爵奏報安慶失守轉瞬賊艘東駛江甯省城危在旦夕該大臣坐擁重兵逍遙楚豫之間必俟馭贏齊集豈不貽誤且贏頭不足勢不能不配用夫扛所有帶兵大小官員本當沿途隨時稽察亦何致募夫過多即虞洩漏况馭贏六千頭即須夫數千人此數千人豈盡屬可靠耶河南非產贏之地即向民間雇用亦豈能驟得六千頭之多春時工作方興田間需贏孔亟若抑勒供應勢必合省滋擾又豈用兵

實錄卷八十三

聖

衛民之政乎該大臣明知其故而責以萬不能行之事以為他日貽誤藉口地步是何居心朕因琦善久任封疆才具優長故畀以重任若不知感恩圖報巧為趨避是真無天良矣著即將解到贏頭先行裝載一切迅速兼程前進其餘配用夫扛一同前往所有募夫及贏夫沿途行走即飭令帶兵官隨時隨地嚴行查察並著陸應穀檄飭該司道仍行嚴催續到贏頭與續雇人夫將所存信陽糧臺之火藥火箭等項飛速解赴陳金綬軍營以應急需毋再遲誤將此由六百里各諭令知之○又諭前經疊降諭旨令陳金綬催督官兵迅赴安徽並令其將軍情專摺具奏昨據周天爵馳報安慶失守復諭令琦善等迅速赴援總以保衛江淮為要乃據琦善奏稱大軍仍在應山因馭贏未齊不能前進而該提督自十九日由信陽啟程之後旬日以來未見奏報究竟行抵何處大江南北望援甚急

實錄卷八十三

聖

若專俟馱贏備齊再行前進豈不貽誤事機已諭令琦善陸應穀無論贏頭夫扛但使軍裝運送有資即當趕緊催令前進現在黑龍江官兵已由涿州大道徑赴安徽吉林官兵亦經諭令陸應穀酌量改道前進著陳金綬與勝保遵照前旨兼程前赴皖省何處緊急即行扼要防剿琦善所帶火藥火箭尚在大營該提督既為前隊豈可無此利器前已諭琦善解往備用著該提督即行飛調毋再遲

實錄卷八十三

聖

延干咎將此由六百里諭知陳金綬並諭勝保知之○欽差大臣琦善奏遵旨前進餘兵仍在信陽守候贏頭即所調礮位火藥亦未運來深恐接濟不及攻剿無具得旨迅速前往猶堪補救募夫多不可靠須用贏馱載贏夫豈盡屬可靠耶再德崇額現已馳到以後續到者凡御前乾清門侍衛接仗時何人出力何人退縮隨時具奏好者不必候旨即行保奏庶可鼓勵懦者從嚴叅辦朕知汝不若

賽尚阿事事從寬也○實授張集馨河南按察使以陝西候補道江忠源為湖北按察使

○
上以祭

社稷壇自是日始齋戒三日

實錄卷八十三

聖

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十四

監修 教官 延日講起居注官太子太保上書照師又明領閣事翰林院學士特奏欽奉上諭事件國史館修纂官或又

大學士管理兵部事務加十三級紀錄十四次^臣賈棟奉本總兵官經應講官太子太傅文淵閣領閣事成英殿值歲當放丹陛士禮仁

大學士管理戶部三庫事務兼理刑部事務加二十三級紀錄十六次臣周祖培題裁官太子少保管理內繕書房事務外引大臣軍機大臣

鎮楚漢洲都頭戶部尚書管理三庫事務加四級隨帶加五級紀錄十二次臣等鑒總務官經運課官弘德殿教習員大講進上書等總

連國史館纂修官正藍旗蒙古都統鄂爾布南書管理太常寺鴻臚寺事務加二級軍功加四級隨帶加八級配陳五大臣俸什肆布字奉

軟修

咸豐三年癸丑二月丙子朔諭內閣京師重

集卷七十四

地各旗營官兵共計十四萬九千有奇。素稱勁旅。若不勤加訓練。俾技藝日精。何以備干城之選。嗣後該管大臣於所屬之驍騎護軍前鋒步軍以及圓明園八旗健銳火器各營官兵務須挑選精壯實心簡練。雖有看守值班之責者亦須輪流入操。並擇各該營差使較簡之大臣常川督率。每月由閱兵大臣分班親閱。使馬步火器一律嚴整。儻各該營官兵或有技藝生疏老弱充數等弊一經查出。

六八

朕必將該管大臣從重懲處決不寬貸。懍之。勉之。將此通諭知之。○又諭張亮基駱秉章各馳奏抵省任事。查辦地方情形一摺。賊匪竄擾武昌。圍攻弔月。官紳士民嬰城固守。迨至城陷之後。慘遭焚掠。據奏荼毒情形深堪憫惻。除殉難大小官員業經贈卹建祠。並俟續查到日。再行加恩外。著張亮基駱秉章督同嚴正基江忠源及地方署事各員。將現在存城老幼男婦。並被擄逃回各丁壯。加意撫恤。一面掩埋屍骨。安集流亡。招致商民。嚴懲土匪。毋令一夫失所。漢陽收復之後。蹂躪凋殘。亦與省城大略相似。其應派員前往撫綏之處。著該署督撫妥為籌辦。俾兵燹遺民漸安生業。以慰朕懷。○又諭黃宗漢奏請將商販米船免稅等語。浙省現當災歉之後。又值長江有警。商販鮮通。民間乏食堪虞。自應設法招徠。以期接濟。所有各省商人持照運米赴浙者。無論河運海運。經過水陸各關口。均

著免其納稅。以廣招徠而裕民食。○諭軍機大臣等。李德奏密籌防堵一摺。據稱自東昌閱兵南至曹郡。履勘河隄。已飭將各渡口船隻歸併曹縣之劉家口。單縣之董家口二處。不准別口私渡。該府屬與直隸江南接壤。捻匪潛蹤。經該撫派委候補道劉慶凱等稽查按捕。並令總兵三星保督查。其兗沂兩府復派該道屬恩官駐劄要地。會同遊擊王鳳祥認真查辦。並令總兵百勝帶兵嚴防。籌辦均屬妥協。惟土匪拾匪出沒靡常。且豐工不日合龍。難保無失業游民四出滋擾。現在逆匪竄擾安徽一帶。山東防堵亦甚緊要。李德仍須出省前往扼要處所擇地駐劄。庶鎮道有所稟承。防守愈形嚴密。又有人奏團練之法須簡派公正州縣。慎選紳耆。無假手吏胥等語。著採擇酌辦。原片鈔給閱看。將此由五百里諭令知之。○又諭李德奏密籌防堵一摺。據稱親至兗沂曹三郡履勘河隄。將各渡口

船隻歸併劉家口董家口兩處。不准別口私渡。設遇賊鋒漸近。即將船隻盡收北岸。並派文武員弁駐劄盤查。辦理尚屬妥協。惟兗沂兩府與江省接壤。豐沛邳宿等處皆屬平川。無險可扼。淮徐兩府濱臨大河。南北兩岸緊要渡口。必須一律防範。著楊殿邦楊以增等飭令該州縣將私渡歸併大渡。仍遵前旨。非有官票不准偷渡。兩省合力嚴查。毋任土匪往來勾結。現在逆匪已陷安慶省城。江北情形緊急。淮揚尤為喫重。且豐工不日合龍。遣散夫役被難窮民均宜設法彈壓。該督等務宜遴派幹員認真妥辦。南防江口北扼黃河。毋令奸匪溷跡。將此由五百里各諭令知之。○命戶部右侍郎青麐提督湖北學政。○以正黃旗蒙古副都統肅順署鑒儀衛鑒儀使。○贈湖北殉節學政光祿寺卿馮培元侍郎銜諡文介。布政使梁星源諡敏肅。按察使瑞元諡端節。道員王壽同主東槐林恩熙。知府

明善董振鐸同知周祖銜知縣繡麟均予祭葬世職加等並予巡撫常大瀉等各建專祠○予廣東勦賊陣亡知縣冒芬祭葬世職幕友宋培清賞卹如例○丁丑祭先師孔子

上親詣行釋奠禮○諭內閣本日據楊以增馳奏豐北大工合龍穩固全黃歸正一摺此次興辦大工責成楊以增查文經專心督辦節據該河督將辦理情形隨時奏報至本年正月二十日啟放引河大溜挾凌下注甚為暢順茲據奏稱於二十六日挂纜合龍竭一晝夜之力追壓到底正溜悉歸故道順軌東趨查勘運河並無淤塞此皆仰賴天恩

天佑俾於初春一律蒞工朕欣幸之餘倍增寅感即日派恭親王奕訢敬詣圓明園惠濟祠

河神廟代朕拈香叩謝著發去大藏香十炷

交楊以增祇領虔赴工次各處河神廟代朕敬謹祀謝以答

神庥楊以增經理得宜不負委任著加恩開復革職留任處分給還頂帶賞加三級其前次捐輸河工經費並著交部從優議敘查文經襄辦大工始終奮勉更能認真稽覈節省錢糧著加恩開復處分並賞戴花翎其餘在工出力員弁著該河督覈實保奏候朕施恩毋許冒濫現在大工甫經告成善後各工俱

關緊要仍著楊以增督飭各員弁妥協辦理務須慎益加慎以期全工穩固永慶安瀾○又諭太常寺少卿雷以誠翰林院侍講學士晉康著前往南河會同楊以增巡查黃河口岸詹事府少詹事王履謙著前往東河會同福濟巡查黃河口岸發往東河學習刑部員外郎邵懿辰到工後並著隨同福濟巡查至山東沿河各岸業經巡撫李德派員查辦其河南一帶並著陸應穀會同稽查無稍疏懈

○諭軍機大臣等。有人奏江蘇儀徵縣素為鹽販聚集之所。豐工堵築。民夫未即散遣。請就近招募。悉為我用。上海道吳健彰素為民夷所服。請諭令募雇兵船。儲備火攻。前赴金陵迎勦等語。軍務緊急。自應添雇壯勇。以助軍威。前已有旨。諭令該督等妥籌辦理。現在豐北業已合龍。工作民夫。可以復業。自應以散遣為正辦。鹽販及糧船水手。或可酌量招徠。但必擇其健壯有用者。以備驅策。仍須妥

為駕馭。毋貽後患。上海商船。是否由吳健彰雇至江甯。其中儻有習教者。恐被該逆煽誘。仍須加意選擇。毋滋流弊。將此由六百里諭知楊殿邦。楊文定。並傳諭聯英。倪良燿。吳健彰知之。○又諭逆匪連檣東下。安徽省城已於正月十七日失守。其下游江甯一帶。尤形喫重。著葉名琛。柏貴。即選派水陸精兵二三千名。或由江西鄱陽湖入江。或由海道入江。並酌派大員管帶。迅速前赴江南。以助攻勦。

並著派員採辦毒藥物料。堪備火攻之用者。迅解安徽。交周天爵備用。毋稍遲誤。將此由六百里諭令知之。○又諭逆船已至蕪湖一帶。勢甚猖獗。東西梁山去蕪湖甚近。該處設有重兵。水陸兼防。著祥厚督飭在事將弁。竭力堵禦。如迎勦得手。即一面續派水陸兵勇前往接應。向榮如已馳抵梁山。即著會同協力抵禦。力遏其下竄之路。江甯省城為南北屏障。地方最為險要。城垣亦尚堅固。雖存城

旗營綠營各兵。僅五千名。而紳民團練各保身家。此時若能官民協力同心。眾志成城。亦可禦災捍患。著即傳旨曉諭合城官兵紳民。務當嬰城固守。嚴查奸細。以待外援。向榮統帶大兵。馳抵省垣。則聲勢更壯。人心益固。祥厚等即當督同城內紳民兵勇。及城外駐劄各兵。堵勦兼施。殄此醜類。如此時向榮尚未趕到。或前途文報阻隔。著將此旨。選派健足繞道馳遞。向榮軍營。迅催赴援。本日豐工已

報合龍仰賴

天恩助順東南大局必當有轉機也。鄒鳴鶴雖無地方之責。既已奉旨幫辦防堵。值此守禦緊要之時。陸建瀛忽請令暫回養病。殊不可解。鄒鳴鶴著毋庸回籍。仍令幫辦省城防守事宜可也。將此由六百里加緊諭令知之。○又諭前因安徽省城失守。江甯防勦喫緊。疊經諭令向榮迅速赴援。並諭沿途地方倉糧庫存銀兩。均准該大臣隨處支用。以濟軍需。現在是否帶兵前往。未見奏到。朕心實深焦盼。現在江甯省城十分喫緊。合計旗綠各營兵丁。不過五千名。而所調外營及山東營兵。並前募之勇。均未到齊。難資守禦。該大臣著仍遵前旨。飛赴江甯。督率鎮將。竭力防勦。勿稍遲延。將此由六百里加緊諭令知之。○又諭寄諭安徽巡撫周天爵。逆匪攻陷安慶。其北路廬鳳一帶。最關緊要。陳金綬統帶大兵前往。此時計已馳入皖境。即著該撫遣人迎

催。扼要駐劄。與現在所集兵勇。會合一處。力堵逆匪北竄之路。再琦善統領重兵。久劄信陽。屢次催令馳赴安徽應援。乃輒以贏頭不足為詞。有意遷延。而該撫前奏。又云聞賊有另股竄至汝甯信陽一帶。難保非琦善倡此游言。傳聞遠近。以自掩其遲緩之咎。著該撫迅即先催陳金綬所帶四千官兵前進。並知照琦善趕緊督兵前來接應。仍密為訪查。如琦善有故意逗遛情事。即行據實奏聞。所請調口外獵戶生軍。猝不易辦。至東三省官兵。素稱勁旅。若調度有方。必可得力。該撫稱其斷不可用。未免豫存成見。此次朕特派一二品大員管帶。並命王大臣嚴申紀律。該官兵尚遵約束。其吉林官兵。已由河南前赴安徽。黑龍江官兵。現今改道。由山東徑赴安徽。一帶路途更為便捷。此項官兵。即著該撫先行酌量扼要地方。妥為布置。不可以有用之兵。置之無用之地。至奎綬稟稱。總兵王鵬飛不

知去向。是否逃散。及滁州知州。先期奉委出城。是否捏飾。省城被賊搶去款項。究有若干。均著查明具奏。廬鳳道庫現存銀兩若干。此時是否業已運至徐州。萬不可有疏失。現在向榮既已帶兵可達江甯。該處城大兵單。待援甚急。且係東南最要省會。若能保全。於大局極有關繫。如賊匪全力直撲江甯。陳金綬之兵。仍須渡江援應。不可置江南於不顧也。該撫膺茲重任。責無旁貸。務當統籌全局。兼

權緩急。平心論事。竭力辦公。以副委任。將此由六百里加緊諭令知之。○又諭。本日已有旨。派雷以誠。晉康。前赴南河。王履謙。並揀發刑部員外郎邵懿辰。前赴東河。現在逆匪竄入安慶。被難窮民。紛紛逃避。難保無奸匪濶跡其中。希圖渡黃北竄。東南兩河緊要各渡口。必應一體防範稽查。所有派出各員。一時未能趕到。著楊以增。福濟。陸應穀。飛飭所屬將各處渡口。歸併大渡。非有官票。不准私渡。

並委幹員。前往協同該管各官。實力巡查。遇有南來難民。妥為曉諭。毋令渡河。均於南岸安插撫恤。或由該地方官資遣回籍。如查有奸宄潛匿。即嚴拏懲辦。此事最關緊要。萬勿稍存大意。據楊以增馳奏。豐工現已合龍。在工夫役人等。有業可歸。尤當善為遣散。免致別滋事端。將此由六百里各諭令知之。○命湖北按察使江忠源。江南壽春鎮總兵官鄧紹良。速赴欽差大臣向榮軍營。聽候差遣。○

以禮部左侍郎聯順。兼署戶部右侍郎。兼管錢法堂事務。○實授周天爵。安徽巡撫。○以浙江瑞安協副將葉萬清。為江南福山鎮總兵官。○以豐工合龍。予徐州道沈濂等開復處分有差。○贈江南陣亡總兵官陳勝元提督銜。予祭葬世職。○琉球國使臣毛種美等二人。於東安門內瞻覲。○戊寅祭大稷。大社。

上親詣行禮。詣

壽康宮問

皇貴太妃安。遣官祭

文昌帝君廟。諭軍機大臣等。祥厚等奏賊船逼近。急望援兵一摺。本日據向榮馳奏。因九江船隻不齊。持撥大兵六成。先行渡江。從陸路趕緊追襲。一俟船到。即親督全隊兼程前進等語。仍由六百里加緊寄諭向榮。催令飛速前進。昨據李德奏。已於附近鎮屬挑備

兵丁二十名。限於正月二十一日以後啟程。是各路援兵。計日均可趕到。該大臣等務須激勵弁兵。及闔城紳民。竭力固守。以待救援。楊文定既退赴鎮江。今又以東壩為入蘇捷徑。復擬親往堵禦。東壩地方。原亦緊要。前已有旨。令聯英酌量防堵。該撫統轄全省。何處喫緊。即在何處設法堵截。朕亦不為遙制。儻但謀退守。任賊闖入。以致民遭荼毒。惟執法從事。決不姑寬。現在逆船蔽江而下。輜重均

在船中。著祥厚楊殿邦楊文定。文藝及該省藩臬以下各員。趕緊出示曉諭本地紳民團勇之外。如捆鹽商販糧船水手。不論何項人等。有能搶獲賊船者。除軍器火藥繳官外。所有船上貨財貨物。盡行賞給搶獲之人。以示獎勵。其有雇覓船隻。焚燒賊船。及擒獲長髮頭目者。該大臣等即行奏請。破格施恩。俾人感奮。賊蹤自消。將此由六百里加緊諭知祥厚福珠洪阿霍隆武楊殿邦楊文定文藝並傳諭祁宿藻聯英倪良燿劉良駒。但明倫知之。又諭江甯望援甚急。疊經降旨。著向榮統帶大兵。兼程馳赴江甯。會合夾擊。計已接奉寄諭。何以二十六日。該大臣尚在九江。前據張芾奏。雇船六十餘隻。並借用糧船。載兵渡江。諒早已駛到九江。著該大臣即統帶大隊精兵。揚帆東下。迅抵江甯。相機進剿。軍營所需糧餉。疊次諭令張亮基將糧臺銀米轉運江西。並諭張芾於前解銀十萬兩外。仍

須或銀或米酌量接濟。又諭該大臣於沿途地方糧米庫項俱准酌用。諒不至於缺乏。所調廣東師船上海戰船溫州頭蟒等船四川井油及鐵火箭等項著即飛催各該督撫迅速運往以供要需。潮勇為害地方實堪痛恨。應如何分作數起設法遣散或相機懲辦儘可便宜行事。毋致養癰貽患。襄陽土匪早已解散。所撥官兵二千七百名自應一併調赴江南岳州長沙所雇船礮至今未到何以如

此遲滯著即查明據實叅辦並嚴催趕到。毋任久延。刻下軍情緊急江甯省城關係東南大局向榮身受重恩自當勉力圖報斷不致藉口船糧未齊遲疑觀望。總期迅赴江南與將軍祥厚等勦力同心滅茲醜類朕南望江國寢饋難安該大臣當何以仰體朕心耶。將此由六百里加緊諭令知之。○又諭有人奏保障淮揚宜扼守三汊河口並募糧船水手勸富民捐輸等情。現在賊勢東下江北防堵

最關緊要著楊殿邦楊以增查照摺內條款體察現在情形酌量妥速辦理務期安定人心以固藩籬。甘肅按察使查文經尚有豐工未盡事宜應行留辦未能即赴新任著即隨同楊以增稽查黃河渡口。毋令奸匪瀾迹原摺著鈔給閱看。將此由六百里諭令知之。○又諭向榮駐劄九江需船甚急前據張芾奏稱雇船六十隻並借糧船應用想已催趲前進無誤事機至糧餉尤關緊要雖據撥銀十

萬解往軍營尚恐需用不敷必須或銀或米酌撥就近接濟。昨據葉名琛等奏撥銀二十萬兩解赴湖北以備軍餉現在糧臺移設江西著該撫遴委妥員星速迎提解至大營又據向榮奏所帶潮勇沿途滋擾現已咨商該撫派員來營管領遣撤並著設法妥速辦理免致別滋事端。將此由六百里加緊諭令知之。○河南巡撫陸應穀奏報探聞安慶被陷調兵防堵得旨妥為布置勿稍大意。○河南

按察使張集賢奏報現辦團練情形得旨。防守事宜。不可稍忽。雖無事時。亦設有事想。調陝西漢中鎮總兵官穆特布。為喀什噶爾換防總兵官。○乙卯。諭內閣。惠親王等奏請添派重兵。前往勦賊一摺。所有軍餉。自應寬為籌備。著大學士。軍機大臣。九卿。會同戶部。速議具奏。至該部各項例發經費內。應如何酌量裁汰。以備軍需之處。著一併議奏。○又諭。軍興以來。已越兩年。逆匪自粵而楚。攻陷州郡。蹂躪地方。吾民顛沛流離。深堪憫惻。業經先後降旨。令將廣西。湖南。湖北。被擾地方。應徵地丁錢糧。分別蠲緩。以蘇民困。現在賊自九江東竄。安慶失守。民間遷徙倉皇。遭罹兵燹。春耕將及。力作未遑。朕念南邦。實堪廕繫。所有江西。安徽。沿江一帶。被賊擾害各州縣。應徵新舊錢糧。著各該督撫。確切查明。迅速奏請蠲緩。其附近地方。雖與被兵處所。稍有不同。而警報頻聞。民難安業。著一併查明。

分別奏請恩施。用示朕軫念窮黎至意。該部即遵諭行。○又諭。前因各城司坊等官。於鄰境匪犯多有弋獲。而本任捕務。轉致廢弛。曾經降旨。令將本任未獲之案。於請獎摺內。隨案聲明。原所以整捕務而除積習。乃近年以來。重案疊出。而破獲甚屬寥寥。在本任之員。或限於地面。耳目未周。鄰境各官。又因承緝有案。不能奏邀獎敘。牽制觀望。亦所不免。嗣後五城司坊各官。遇有拏獲鄰境案犯。仍准該御史等。隨案聲請鼓勵。其本任承緝應得處分。照例各歸本案開參。毋庸於摺內聲敘。該巡城御史等。務當嚴飭所屬。不分畛域。一體查拏。儻因奉有此旨。遂有取巧之心。置本任捕務於不顧。即行據實嚴參。毋稍徇隱。○諭軍機大臣等。楊殿邦奏請調精兵水陸兼防。並請飭調徐州鎮兵各摺片。賊匪已至蕪湖。順流而下。且水陸並進。江甯城大兵單勢甚危急。而下游瓜州京口。為南北咽喉。均極

喫重。楊殿邦既已馳抵瓜州。並察看陸路由廬滁等處繞道。天長六合。可以直達儀揚。是必須扼要設防。方為嚴密。該漕督請調各省精兵。其福建之二千名。本日已降旨。令怡良王懿德迅速揀調。派員管帶。由浙江一路。前赴江南。交該漕督調遣。至浙江官兵。本屬柔脆。且賊蹤逼近鎮常各郡。該省先已調出官兵不少。現在正須籌辦堵禦。恐難分撥。山東為京師屏蔽。節據李德奏稱。該省官兵。不能再行調撥。此時防守河口。需用孔殷。惟安徽省前調浙江山東官兵。尚有在途未到者。即著楊殿邦楊文定查明催調。前赴揚州之儀鎮。瓜州各口。與陸路上游各要隘。迅為布置防守。並據李德奏。挑兵二千名。限正月二十一日以後啟程。前赴江甯。著該漕督巡撫酌量緩急。如江甯省城。向榮大兵已到。即可將此項兵丁調至江口上下。以備防勦。豐工現已合龍。著楊以增飭令徐州鎮。迅即揀調該

標得力官兵五百名。迅飭前赴瓜州江口。交楊殿邦撥用。毋稍貽誤。其江西撤回之江蘇兵內有漕標兵四百名。亦可調用。楊文定已赴東壩。所有鎮江防守事宜。仍著楊殿邦與文藝熟籌兼顧。和衷商辦。務與楊文定聲勢聯為一氣。互相策應。江甯省城。由句容至丹陽。可以越過鎮江。而蕪湖東至高淳。由東壩經溧陽宜興。又係入蘇之路。該逆詭計百出。或揚言將攻江甯。我必以全力赴之。而暗分股匪襲我之所不備。尤須豫為密防。該撫親往東壩相度。有無險要可守。所募糧船水手能否得力。句容距該處較遠。該撫在鎮江時。是否先已籌及。派兵設防。著速查地方形勢。即行辦理。至福山鎮水師營兵。現已調撥上游若干。是否尚敷徵調。仍著該漕督酌量妥辦。朕亦不為遙制。所有上海商船。曾否由該道吳健彰雇募。由海入江。以資攻勦。其沿海港汊商漁船隻。及崇明寶山鳥船。尤須及早

收用。或飭令收藏僻處。無為賊得。將此由六百里加緊各諭令知之。○又諭瓜州鎮江為南北咽喉。文報往來必由之路。該處兵力極單。不敷防守。著怡良。王懿德。迅即於福建省各標營內。揀派得力精兵二千名。派委勇幹將弁管帶。配足軍裝器械。飭令迅速啟程。由浙江行走。徑赴江蘇。交楊殿邦調遣。惟該省前次調赴楚省官兵。經向榮奏查臨陣輒先退避。總兵郭仁布。駕馭無能。此等征兵赴調。糜餉失機。實堪痛恨。業經向榮飭令撤回閩省。此次揀調。務須實在得力。足資禦侮者。方為妥善。所派將弁。尤須平日講求訓練。約束嚴明者。飭令管帶。不得以遵派啟程一奏塞責。並須嚴飭該帶兵官員兼程趕行。毋得稍事逗遛。或至沿途滋擾為要。將此由六百里加緊諭令知之。○又諭張芾奏。委員總司行營糧臺一摺。現在大兵馳抵江南。需運糧餉。自應就近於江西設立總局。多委幹員經理。

方不致貽誤。既經該撫派令前任長蘆鹽運使彭玉雯。江西鹽法道熊我總司行營糧餉事宜。著即設立總局。飭令妥速籌辦。其應帶隨員。即由該二員商同揀派。務擇實心任事。操守清廉者。俾司支放。毋得濫竽充數。無論大軍行抵何處。所需糧餉。責成該員等沿途支應。源源接濟。不可稍事推諉。致誤軍行。惟經費支絀之時。尤宜認真稽覈。毋得稍有浮冒。將此由六百里加緊諭知張芾。並傳諭彭玉雯。熊我知之。賞前任長蘆鹽運使彭玉雯按察使銜。馳赴欽差大臣向榮軍營幫辦軍務。仍令總司糧臺事宜。以山西蒲州協副將馬濟美為江西九江鎮總兵官。以江西九江府城被賊竄陷。革總兵官清保副將音德布參將德保遊擊李崇勳。知府陳景曾。知縣李輔職。均逮問。並革參將文芳。遊擊曹振鳳。薛升。堂都司李奉。章守備劉旭。升職。庚辰遣官祭黑龍潭。

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園惠濟祠。

河神廟。○諭軍機大臣等。前據步軍統領衙門奏。宛平縣民人郝倫等呈稱。縣屬珠窩山等處。出有銀礦。情願捐貲開採。當降旨交順

天府委員確查。現尚未據該府尹覆奏。其珠窩山等處。有無礦苗。是否可以開採。仍著順天府派委妥員。迅速確查具奏。不得任聽吏胥需索欺隱。但以無可開採。一奏塞責。將此諭令知之。○又諭。本日據步軍統領衙門。拏獲形跡可疑之趙二。已交刑部嚴訊。並飭各該衙門。及該督嚴拏逸犯矣。該犯既稱聽從匪犯宋老德。來京探聽發兵信息。且有三五成羣。陸續進京之語。是其夥黨。必不止張太。

王老德兩人著訥爾經額嚴飭各屬。並密派幹員認真訪查。如有此等形跡可疑之人。無

論是否該犯黨與。總當按捕嚴辦。不可任其勾結窺伺。致釀事端。原摺著鈔給閱看。將此諭令知之。○又諭。寄諭欽差大臣江甯將軍祥厚等。本日據周天爵奏。逆匪大隊直犯江南省城。文報不通。一摺。覽奏不勝焦灼。已飛諭向榮陳金綬。各帶大兵。分路來援。並令琦善帶兵在江北接應矣。該大臣等務須督率

在城紳民兵勇。竭力固守。以待外援。俟大兵雲集。內外夾擊。必可取勝。所有城內布置機宜。與甕聽諸法。須嚴密防備。不可稍涉疏忽。至揚州鎮江一水可達。亦難保該逆不分股滋擾。著該漕督巡撫等於江面趕緊設法堵禦。鹽販及糧船水手。皆可招為我用。豐工遣散人夫。並著楊以增留心防範。勿令為賊所誘。將此由六百里加緊各諭令知之。○又諭。周天爵奏。逆匪大隊東下。直犯江南省城。未

將月日聲敘殊深焦急向榮諒已自九江啟程著即遵照前旨迅速馳赴江甯若稍緩須臾恐該省城大兵單不能堅守一有疏失東南大局關繫非細賊船蟻聚江干利用火攻該大臣既有船隻著即設計施行不可坐失機會本日又催令陳金綬先行帶兵馳往救援該大臣到後與該提督合力攻擊俾逆匪知外援已至有所顧忌牽掣庶不致以全力攻城而省圍可解務即先儘所有之船督兵由水路疾駛往救至陸路各兵跟接前進不可以等候船隻再事遷延江甯安危繫於該大臣此行朕急盼捷音毋負委任將此由六百里加緊諭令知之○又諭現在賊匪已至江甯該省城大兵單望援甚急陳金綬接奉此旨著即星速南馳渡江援救惟所帶官兵僅四千名仍恐不敷調遣著琦善再撥給精兵四五千派員管帶兼程馳赴江南交陳金綬調度琦善即督率現帶官兵前進一面飛

催吉林黑龍江馬隊扼要防守江北浦口一帶為陳金綬接應賊船蟻聚江干利用火攻該大臣所帶火箭即設計施行向榮前在九江覓得船隻本日已諭令督兵赴援江甯要地當此萬分喫緊之時該大臣等務宜水陸並進協力夾攻毋令稍有疏虞將此由六百里加緊諭知琦善陳金綬並諭勝保知之○又諭呂賢基奏行至涿州接到周天爵信並並將原函呈進披覽均悉賊匪已滿浦口准徐亂民煽起經周天爵飛飭前路收集逃兵彈壓土匪招集北勇千餘人截留北來兵二千名不靖之徒當可稍知斂迹該侍郎即迅速前進抵皖後會同周天爵商辦一切至所請許該撫便宜行事之處當此賊氛未靖自宜猛以濟寬且距京數千里必事事請命亦恐坐失機宜惟立法從嚴必須情真罪當始足以服人心儻誤聽人言並無實據輒用極刑恐人心渙散亦足召亂已寄諭周天爵令

其加意慎重矣。現在軍報絡繹。驛站支應較繁。是以前次派往軍營及河工人員。均未令其馳驛。該侍郎隨帶之李鴻章等。即抵皖稍遲。亦無不可。仍著毋庸馳驛。嗣後發遞摺件。除緊要軍務。由六百里馳奏外。其尋常奏報。即由馬上飛遞。周天爵原信發回。將此諭令知之。○又諭。寄諭安徽巡撫周天爵。據呂賢基奏。途次接到周天爵來函。附摺呈覽。該撫擬將貪懦不職之員。嚴加懲創。原為力挽頹

風起見。惟該員等惡蹟。務須查勘確實。必得情真罪當。始足以服人心。儻或得自傳聞。未有實據。仍當再加察訪。斟酌辦理。該撫秉性公忠。朕所素知。必能於嚴峻之中。持以慎重。不負委任也。至所稱北來之兵。皆截留於宿。此項兵丁。必須調往江甯應援者。現在江甯危急。何得置之不顧。著速撥前往。不可遲誤。再安徽前調山東兵。尚有未到者。昨已諭令楊殿邦。楊文定。查明催調。前赴揚州各口布

置。該撫亦不得概行截留。將此由六百里加緊諭令知之。○又諭。寄諭河南巡撫陸應穀。前因周天爵奏。擇要防堵摺內。有聞賊另股奇兵。竄至信陽汝甯一帶之語。當令查明何處傳來之信。迅速具奏。並寄諭該撫確查奏聞。本日據周天爵馳奏。探聞江甯被圍。已有旨。飛催琦善。向榮。陳金綬。分赴江南江北援救。其於賊竄信陽一節。則稱實係真確。傳說者。即其家鄉被害之人。或地方官隱匿不報

等語。如果屬實。該撫豈無見聞。或地方官因非大隊賊匪。視為無關緊要。或該匪等旋來即去。未有竄擾實跡。亦未可知。著該撫仍遵前旨。迅速查明。不必因前此未經奏報。稍存迴護。將此由六百里諭令知之。尋奏。確查信陽等處。扼要邊境。俱有兵勇巡防。賊匪無由飛越。復徧訪鄉民。咸稱並無另股逆匪竄入蹤跡。報聞。○又諭。寄諭山東巡撫李鴻章。本日據周天爵馳奏。探聞逆匪已犯江南。省城危

急。並稱山東兗沂兩府。賊所必窺。其途一出宿徐。一出邳鄆等語。著該撫仍遵前旨。即行出省。迅赴各該處。確探賊蹤。分飭文武各員。扼要嚴防。切勿稍有疏虞。其濱臨黃河各處渡口。仍著會商東南河督嚴密稽察。勿使奸匪闖入。將此由六百里諭令知之。○廣西巡撫勞崇光。奏報校閱省城營伍情形。得旨。粵西地方。現尚緊要。不可作無事看。又奏請將廣西道光三十年大計。歸入本年辦理。允之。

○辛巳。遣官祭昭忠祠。○諭內閣。僧格林沁。花沙納。奏遵旨查抄一摺。已革大學士賽尚阿。前在廣西軍營。勞師糜餉。日久無功。已革兩廣總督徐廣縉。接受關防。督辦軍務。遷延不進。以致武昌漢陽等府。相繼失守。已革兩江總督陸建瀛。帶兵防堵九江。一戰兵潰。置九江安慶於不顧。遽回江甯。以致省城驚擾。賊船下竄。均屬罪無可逭。除將在京寓所貲財家產。分別查抄。並賽尚阿之子。先已有旨。

革職外。所有徐廣縉之子。刑部員外郎徐叔喬。陸建瀛之子。刑部員外郎陸鍾漢。均著革職。徐廣縉。陸建瀛。原籍家產。及任所貲財。一併查抄。○諭軍機大臣等。寄諭署山西巡撫哈芬。有人奏。山西介休縣知縣程震佑。勸捐作弊。復託名借貸。挾券勒索。紳民畏其陵虐。餽送多金。伊子程宏鉞。即程錫康。乘坐四轎。出入招搖。紳棍捐職千總。茹景曾為之關說。復因鄉民辦理團練。該縣輒徧張告示。限以團數。每團加派民夫。勒捐十箇月經費。正月間。傳集公耆數百人。進城面飭遵捐。眾論譁然。遠邇驚駭。復將數村公耆。零星鎖禁。勢將必遂其所欲。而後已等語。此等貪劣不職之員。必當從嚴懲辦。該署撫甫經到任。無所用其迴護。著即按照摺內各款。秉公嚴訊。據實參辦。安民必先察吏。切勿任聽屬員蒙混。代人受過也。原摺著鈔給閱看。將此諭令知之。尋奏。已革知縣程震佑。訊無勒捐嚇詐情事。

惟索借部民銀一千三百兩。殊屬不法。擬從重發往新疆效力贖罪。伊子程錫康乘坐四轎。實屬違制。擬革去監生。捐職千總茹景曾。說合借貸。亦屬不安本分。擬革去千總職銜。下部議從之。○又諭。有人奏。請實力革去步營弊端等語。據稱該營各旗辦事人。多由召募充當。包庇賊犯。近日各營拏獲奸細。送至提督衙門。門役監役。無不索錢。以致相率不拏。又門領。門千總。門甲。賣放米車。影射出城。

惟西直門為甚。以上各弊端。如果屬實。殊干例禁。著步軍統領衙門。按照摺內所指情節。認真釐剔。嚴禁把持需索賣放等弊。當此稽查整頓之際。花沙納甫經到任。務須與該總兵等。破除情面。覈實辦理。不得任聽所屬蒙混。一奏塞責。原奏條款。著鈔給閱看。將此諭令知之。○又諭。本日據禮部尚書奕湘奏。福山為大江入海門戶。宜防守兩岸礮臺。並調外海水師。由福山口進兵迎擊。以堵逆匪出

洋之路。又瓜州京口。為南北咽喉。東壩內通蘇常二府。均宜重兵防守。又據御史黎吉雲奏。請派兵防守江北。及河北各處。添派浙江水師提督葉紹春。總兵陳世忠。堵守鎮江丹陽。並請於揚州。及清江浦各南北。並王家營等處。厚集兵力。收船築墩。阻賊北竄。各等語。已諭令怡良。黃宗漢。迅調葉紹春等。帶兵即赴福山江口接應矣。賊船逼近江甯。所有瓜州京口東壩。及下游一帶。均關緊要。大江以

北及黃河南北兩岸。亦應豫為籌防。著楊殿邦。楊文定。文藝。楊以增。各就地方情形。仍遵前旨。嚴密籌防。並著隨時知照向榮。合力夾擊。以期互為聲援。又順天府府丞張錫庚奏。請明懸賞格。有能團練丁壯。殺賊立功者。文武舉人。賞給進士。貢監生員。賞給舉人。軍民人等。賞給把總。外委等語。著即酌量出示曉諭。廣懸賞格。以勵人心。又據禮部代奏。額外主事尹耕雲。擬請亟籌火攻一摺。賊船林立。

江面最利焚燒。屢次寄諭諄諄。今尹耕雲摺內所陳。尤為詳細。著該大臣等體察籌辦。尹耕雲等原摺。著鈔給閱看。將此由六百里各諭令知之。○又諭。禮部尚書奕湘奏。湖北江西。徧山產木。可隨時砍伐。編造木筏。上安礮位。以一半防守大江上游各港口。堵截逆匪回路。一半順流直下。衝擊逆匪。與水路官兵聲勢應援等語。逆匪擄掠船隻下竄。我軍之船。轉須雇覓。現在賊船雖已東竄。湖北江西。

水路各要隘。仍須豫為布置。不可因賊蹤已遠。防範又疏。著張亮基。駱秉章。張芾。各派文武幹員。酌量情形。加意防守。既可力扼上游。亦可為下游應援。慎勿稍涉大意。致有疏虞。將此由六百里各諭令知之。○又諭。據奕湘奏。稱皖城失守。逆匪順流東下。恐其占踞礮臺。竄出外洋。勾連海匪。亟宜豫為防範。請飭調外海水師。守禦江蘇福山江口。以堵逆匪出洋之路等語。現在賊偏江甯城。大兵單急。

待援。應著怡良。黃宗漢。飛飭提督葉紹春。總兵陳世忠。即統帶水師鎮將。挑選精壯兵丁。駛駕戰船。由福山口進兵。迅赴上游迎擊。以資救援。怡良距浙省尚遠。黃宗漢接奉此旨。即行就近飛調。毋得往返札商。致稽時日。將此由六百里各諭令知之。○欽差大臣江甯將軍祥厚等奏。賊勢緊急。援兵未到。省城危在旦夕。得旨。初五日接閱周天爵奏報。知江南勢甚危急。已速飭向榮等赴援矣。併有諭祥厚等寄諭。不知能接到否。該署督等嬰城固守。多守一日。可待援兵速到。合力攻擊。朕惟有仰籲。

昊天拯救萬人。莫赦一人之罪。謹也。○貴州巡撫蔣霽遠奏。察考各屬。並繕單呈覽。得旨。朕觀摺單。似出一手。大屬非是。密奏之件。必應手繕。○壬午。

孝淑睿皇后忌辰。遣官祭。

昌陵。○諭內閣。前因訥爾經額覆奏官兵行抵。

良鄉並無滋擾各情。不實不盡。當令再行詳查。並宣化鎮官兵滋擾一併查明具奏。茲據奏稱。山永協帶兵把總張運隆等欲將滋事兵丁送縣。遞回本營。因該縣令其備文移送。該把總旋將該兵丁帶回啟程。宣化鎮帶兵千總丁文有等既向良鄉縣偏領兵丁廩給錢文。復在定興縣與辦差家人喧嚷。雖無別項需索滋擾情事。實屬任性妄為。所有宣化鎮中營千總丁文有署宣化鎮中營經制外委城守營額外外委胡吉祥。山永協左營把總張運隆。右營把總郭承恩著一併革職。以示懲儆。至未行確究稟明之候補知縣瑞慶良鄉縣知縣薛榮均著交部議處。該督率行據稟入奏亦著交部議處。○諭軍機大臣等琦善陳金綬統帶重兵。假以事權。原期其督催諸將迅速應援。為朕稍釋南顧之憂。乃明知羸馱不敷。不肯用夫損解運。藉詞遷延。並陳金綬亦牽制不進。以致安慶失守。貽誤事

機。今江甯望援甚急。若再不能如期應援。設有疏失。江南半壁又遭荼炭。該大臣等自問當得何罪。陳金綬著仍遵前旨。星速渡江。直抵江甯。以救危急。沿江船隻。豈不能設法購覓。即木筏亦可從上游浮渡。若全不豫籌。又以無船藉口。安用爾大帥為耶。琦善統率大兵著即兼程前往。為陳金綬接應。毋得再有遲誤。陳金綬抵江甯時。如向榮大兵已到。即著會同合力夾擊。不惟立解省城之圍。並可殄除賊氛。以慰朕念也。將此由六百里加緊各諭令知之。○又諭楊文定馳奏軍情緊急。乞師防勦一摺。賊匪現犯江甯。楊文定擬在常州駐劄。設立糧臺。適中轉運。惟鎮江為蘇省門戶。而東壩直達蘇州。皆為緊要。該撫務須分派重兵。小心防守。毋任賊匪闖入。所調浙江精兵二千。既已飛咨該撫。豫為揀派。著即飛催來蘇。幫同勦捕。近來軍營惡習。往往藉防堵為名。株守一隅。各顧疆圉。以致逆匪

肆無忌憚。擾及數省。若不力圖補救。東南半壁。尚可問乎。江甯待援甚急。該撫亦知以勦為防。若援兵既集。而蘇常一帶。布置已妥。該撫即帶兵前進。以解江省之圍。更為妥善。前有旨。令吳健彰。雇募上海商船。由海入江。以資攻剿。該道如已雇就。即著該道。就近撥派文武員弁。迅速帶往京口等處聽用。毋庸往返稟商。又稽時日。現在海運事宜緊要。倪良燿。務當督率妥速辦理。俟經手事竣。再行奏明赴任。將此由六百里加緊諭知楊文定。並傳諭聯英。倪良燿。吳健彰知之。○又諭。訥爾經額奏。遵旨密察直隸與豫省交界地方情形一摺。所稱保甲。聯莊。團練。積穀。修城。均係及時應辦之件。而整飭營伍。日勤操練。使器械火藥馬匹等項。一一足用。尤為要務。但須實力稽察。認真辦理。不得僅據屬員稟報空言。一奏塞責。圖說留中。將此諭令知之。○又諭。寄諭漕運總督楊殿邦等。前有人奏。江蘇

豐縣匪徒皇甫棠夥黨甚多。分布水陸要隘。屢經地方官查拏未獲。當降旨。交陸建瀛。楊文定等。派員帶兵嚴密查拏。茲復有人奏。豐縣匪徒皇甫金。又名皇甫棠聚眾數百。在銅陽。豐沛。一帶搶掠等語。該犯現在是否就獲。未據陸建瀛等奏報。粵匪已竄擾江甯。是淮北一帶。最為喫緊。所有本地土匪。必須嚴密查拏。以杜勾結。該督等。務須相度機宜。或鋤其首惡。散其黨與。或設法招致。責令殺賊立功贖罪。著即斟酌辦理。毋使蔓延。原片著鈔給閱看。將此由四百里各諭令知之。○又諭。寄諭署湖廣總督張亮基。署湖北巡撫駱秉章。署山西巡撫哈芬。有人奏。湖北德安府知府易容之。熟悉洋務。若購求洋礮。製造火箭。及雇募善用火器之人。均屬可靠。山西汾州府通判王韶光。前在廣東帶勇。著有勞績。請飭赴軍營。必能設法偵探等語。著該署督撫等。確切查明。該員等。如果才尚可用。即行奏

明發往向榮軍營聽候差委。儻名實不符。即毋庸議。將此由四百里各諭令知之。○兩江總督陸建瀛等奏。江甯布政使祁宿藻辦理籌防。積勞病故。得旨。使陸建瀛不退至省垣。祁宿藻或可稍盡丹忱。皆由該革員畏葸喪膽所致。○以左春坊左庶子馮譽驥。翰林院編修吳存義。署日講起居注官。○以江蘇按察使倪良燿。為江甯布政使。調甘肅按察使查文經。為江蘇按察使。以甘肅鎮迪道常績。

為按察使。○雲南騰越鎮總兵官金剛保因病解任。以貴州大定協副將常存。為雲南騰越鎮總兵官。○命在籍前任兵部侍郎孫葆元。浙江巡撫梁寶常等。辦理直隸團練事宜。○命在籍前任廣西巡撫周之琦。內閣學士祝慶蕃。廣東布政使王庭蘭等。辦理河南團練事宜。○命在籍前任山西巡撫梁夢涵。江蘇布政使李璋煜。河南布政使王簡。浙江按察使孫毓淮。湖南按察使王允中。四川按察

使劉耀椿等。辦理山東團練事宜。○癸未

上詣

雍和宮行禮。○詣

文廟行釋奠禮。禮成。

御彝倫堂。更衣。

親臨辟雍講學。王公衍聖公。大學士。九卿。詹事。

起居注官。入侍。至聖後裔五經博士。各氏後

裔及學官進士。舉人。廩生。貢監生等。圍橋肅

立。

上賜講官坐。大學士裕誠。祁寯藻。進講四書。致

中和。天地位焉。萬物育焉。講畢。

上宣御論曰。聖人之學。基於戒懼。慎獨之一心。

推而致之。遂及於廣大而不可限量。所為推

而致之者。非有所為而為也。聖人之心。與天

地萬物為一體。所謂中者。即天地自然之理

也。所謂和者。即萬物自然之氣也。天地之理

本無偏倚。萬物之氣。本無乖戾。特吾戒懼慎

獨之功。或有未至。則天地萬物亦不能無缺

憾之處。蓋吾之心未極其正。則至靜之中。未能偏倚。胥無。而中之體或不立。吾之心未極其精。則應物之處。未能差謬。悉泯。而和之用。或不行。惟聖人知其然也。自其存養省察之功。推而至於德盛化神之妙。故中則極其中。和則極其和。中之至。則天命之性。皆渾涵於吾心。而天地自安其所矣。和之至。則率性之道。皆闡發於吾心。而萬物自遂其生矣。易曰。財成天地之道。輔相天地之宜。又曰。範圍天地而不過。曲成萬物而不遺。非致中和之聖人。孰能功效如此其盛乎。國子監祭酒訥爾濟龍元僊進講書經。惟天無親。克敬惟親。民罔常懷。懷於有仁。講畢。

上宣御論曰。書曰。天難諶。惟克敬克仁者。天之所與。即民之所歸也。然豈易言哉。創業之君。憂勤惕勵。所以承天眷乎。民情者。固非易易。然較之守成之君之動循法則。罔敢怠荒。彼不易。此難也。試論之。夫萬事草創。定鴻規。基

大業。受命而興。仁敷胞與。救民於水火之中。以治繼亂。其時其勢不易也。非難也。若夫以祖宗之心為心。以祖宗之政為政。夙興夜寐。惠鮮鰥寡。雖中主亦知。然甚難矣。蓋蒙業而安者。其心易肆。其志易驕。苟非乾惕為意。視民如傷。知創業之不易。時加警覺。則有違天心。民心自渙。民心日離。天將奪之。由是觀之。難也。非不易也。至若極敬之功。推仁之量。載之編籍。論之詳矣。茲無復贅。因申伊尹告太甲之旨。又發明創業守成之難。不易。仰止。

高皇作說之深意。告我後人。且自警焉。時王公百官及聽講之進士。舉人。廕生。貢監生等。跪聆。

聖訓畢。王以下各官。行三跪九叩禮。祭酒司業。率學官諸生。謝恩禮成。恩賚進講大學士。祭酒。並衍聖公。聖賢後裔。國子監官。觀禮進士。舉人。廕生。貢監生等。有差。廣太學乙卯科鄉試中額十五名。遣官祭。

關帝廟。○諭內閣原任協辦大學士晉贈太師大學士杜受田。於道光十六年蒙

皇考簡用上書房師傅。與朕朝夕講貫。發明唐虞三代心傳。十餘年間。敦誨不倦。朕親承啟迪。獲益良多。即位後。諮訪古今政治利弊。暨民生疾苦。無不盡心匡弼。獻納嘉謀。儻能久在左右。於時事艱虞。尚冀多所補救。本日臨雍講學。追思曩日討論之功。宜沛恩施。以昭篤眷。杜受田之父杜壻。前已賞加禮部尚書。

銜。著再加恩。賞食全俸。杜受田靈柩尚未歸里。著派惇郡王奕誼。前往賜祭一次。用示朕崇儒重道之至意。○諭軍機大臣等。周天爵奏。統籌全局形勢。防勦機宜一摺。據稱安徽巡撫任重事繁。勢難兼顧。自係實在情形。惟淮徐一帶。亦關緊要。所有江北防堵。該署撫即督同地方官認真妥辦。一俟呂賢基到皖。會同籌備一切。務期各郡互相保衛。毋令奸匪潛蹤。又據奏。池州府失守。該城文武如何

下落。並該藩臬等下落。一併確查具奏。另片

奏。廬州形勢。較安慶扼要。請遷省城等語。俟李嘉端到任後。察看情形。會同妥議具奏。將此由六百里諭令知之。○署山西巡撫哈芬奏。報到任日期。得旨。汝雖初膺外任。朕觀汝事事能認真辦理。既能認真。尤貴戒因循。刻刻留心。不畏難。不苟安。虛心講求。所謂虛心者。非漫無主張。一味靠人行事也。誌之。○江蘇巡撫楊文定奏。謝革職留任恩。並縷陳前

次出省情由。得旨。汝雖依諭移駐。於事無益。何膽大若此。截留米銀等項。作何辦理。著安速籌及。汝斷斷莫再拘泥。應否移駐別處。斟酌行之。觀汝此奏。不過希冀即行拏問。得以置身局外。批回摺。著由六百里加緊發回。○命安徽巡撫周天爵。仍以兵部侍郎銜。辦理江北防勦事務。以刑部左侍郎李嘉端。為安徽巡撫。○甲申。遣官祭

先醫之神。○諭軍機大臣等。陳金綬。勝保。奏。

帶兵將入皖境沿途情形一摺。閱該提督本月初二日所發奏報。甫經行抵蘄水。一何濡滯若此。現在江甯危急。陳金綬勝保即著星速馳赴江甯。與向榮合力援應。前因該提督兵力尚單。曾諭琦善添撥官兵四五千名。一併前往江南。交該提督調度。此項兵丁。如尚未到。著即迅速迎提。務令兼程東下。以資攻剿。琦善究在何處。豈仍駐應山。尚未前進耶。江南之與湖北。孰重孰輕。若既紆道行走。又復沿途耽閣。是直欲以無賊之區。為藏身之固。豈大臣公忠為國之心乎。琦善所帶之兵。除撥出外。尚復不少。昨已諭令駐劄江北浦口一帶。為陳金綬接應。並著陳金綬勝保飛催前進。至該提督久歷戎行。於一切用兵之法。自必悉合機宜。仍與勝保和衷商榷。計出萬全。將此由六百里加緊各諭令知之。○又諭文藝奏賊匪東下。京口情勢緊急一摺。逆匪水陸並進。偏攻江甯。其下游瓜州鎮江各

口防堵俱為緊要。該副都統奏稱金山京畿嶺北固山。雖均分撥防兵。而兵力甚為單薄。自係實在情形。向榮所帶大兵。正月杪已由九江覓得船隻。計此時諒可駛到江甯。現在江甯待援急迫。一俟水陸大兵俱到。可望解圍。即京口等處。亦可藉以無虞。該副都統惟有待援兵。仍與楊殿邦楊文定等和衷商榷。俾賊蹤不致竄入。以保嚴城。將此由六百里加緊各諭令知之。○又諭前因荊州防堵緊要。有旨令舒興阿等調陝西綠營官兵一千名。復令琦善等將已抵南陽之西安駐防滿兵一千名。撥赴荊州。現在賊匪東竄。荆襄漸就肅清。江甯需兵甚急。所有陝西綠營官兵一千名。並甘州陝安官兵七百餘員名。即飭副將錫普常阿都司雍怡布等管帶。迅赴向榮軍營候撥。其西安滿兵一千名。即飭副都統常春等帶領。馳赴陳金綬軍營。聽候調遣。

並著飭令迅速前進。毋稍延緩。將此由六百里諭令知之。○又諭勝保奏行入楚境查有著名土匪逞兇肆搶。並開單呈覽。據稱湖北黃陂縣屬大城潭。相去二十餘里。有金鼓蓮會匪結黨千餘人。潛處金鼓山中。蓄置槍礮。伺隙鳴鑼搶掠。地方官不敢入穴擒渠。當粵賊破武昌府時。該匪有潛通消息接濟之事。又黃岡縣舊街附近地方。有王姓一門。嘯聚數百死黨。乘省城破後。逞強搶奪。並殺傷多

命。被害者畏不敢報。恐地方官不行拏辦。反致加害等語。此等亡命之徒。膽敢鳴鑼聚眾。肆行搶殺。若不及早撲滅。必致養癰貽患。著張亮基等。按照單開姓名住址。遴派文武幹員。帶兵前往。嚴密查拏。盡法懲治。儻查辦不力。致令該匪蔓延。釀成大患。朕惟該署督撫等是問。原單著鈔給閱看。將此由六百里諭令知之。○陝甘總督舒興阿奏籌辦商州防堵情形。並添派前荊州左翼副都統忠靈。馳

往武關駐劄。以資得力。得旨。所辦妥。各處要

隘。可繪圖呈覽。○候補四品京堂勝保奏報

謝恩。並與陳金綬和衷襄辦軍事。得旨。和衷

辦理。亦可增汝識見。朕素悉陳金綬樸誠勇

往。必能與汝相商。此摺與陳金綬同看。○命

在籍前任閩浙總督劉韻珂。廣東巡撫黃恩

彤。江蘇巡撫傅繩勛。湖南巡撫馮德馨等。督

辦山東團練事宜。○賞衍聖公孔繁灝太子

太保。○以都察院左副都御史羅惇衍。為刑

部左侍郎。太常寺少卿雷以誠。為都察院左

副都御史。內閣學士潘曾瑩。署工部左侍郎。

○以安徽廬鳳道奎綬。署安徽布政使。調雲

南按察使張印塘。為安徽按察使。○准截留

浙江委解雲南銅本銀十萬四千兩。備安徽

籌防支放。○乙酉。諭內閣李德泰。官兵沿途

需索。請飭查辦等語。山東青州駐防官兵。經

過河南裕州地方。強搬草料。搶取食物。勒折

錢文。佐領以下各員。及兵丁馬匹車輛。自行

開單索取錢文。又勒取飯錢程儀。稍不遂意。輒恃眾毆打人役。又有前站湘姓多姓。聲稱正紅旗常姓。正黃旗膽姓。正紅旗會姓。鑲白旗願姓。實用車輛外。再折每輛車價錢十十文。共折價四十一輛。似此種種需索。實屬大千例禁。著河南巡撫陸應穀帶兵青州副都統常清。按照所來各款。確實查明。據實叅辦。無稍徇隱。○又諭李德奏叅護送貢使各員沿途騷擾。請交部嚴議一摺。廣東潮州府知

旨奉天八一日

三

府劉潯惠州府知府蘇學健。升補督標參將雷樹勳。護送暹羅國貢使。由山東進京。沿途需用車馬人夫。較別項差使。多至數倍。現當軍務倥傯之時。豈容該委員等藉差騷擾。貽累地方。劉潯蘇學健雷樹勳均著交部嚴加議處。並著該部將該國使臣折回應用之車馬人夫船隻覈定數目。飛咨各省支應。其護送委員車馬等項。均著自行發價。不准取給地方。○諭軍機大臣等。據李德奏。接據帶兵

旨奉天八一日

三

赴皖之參將遊擊等稟稱。所帶官兵經安徽巡撫派令在北關外馬山駐劄。地勢腹背受敵。正月十七日。賊匪蜂擁而至。參將嵩瑞等分兵攻擊。正在相持。忽北門擁出逆匪千餘。圍偏營盤。拋擲火器。互相殺傷。官兵衝圍而出。嗣又攻戰三日一夜。裹糧已盡。現在四路覓食。再圖進剿等語。當安慶失守時。賊黨竟伏城中。裏迎外合。以致該參將等孤軍無援。甚至無糧接濟。枵腹持戟。殊出情理之外。所有山東萊州營參將嵩瑞壽張營遊擊馮化青所帶兵丁。現在散往何處。著周天爵迅速查明。酌量接濟。或飭赴軍營。或留該省防禦。不致以有用之兵。置之無用之地。至新任巡撫李嘉瑞到任尚須時日。周天爵現署巡撫。若久駐宿州。於省城重地。不足以資控馭。仍宜到省查看。或令臬司張印塘先往彈壓。知府知縣各缺。亦應派員署理。使沿江一帶。不至空虛。土匪不敢乘機搶掠。以衛閭閻。又據

周天爵馳奏統籌全局各摺片處處設防家
家能戰固屬善策惟千有餘里鞭長莫及一
時何能措辦該署撫先就皖省實力整頓認
真團練俾人人俱成勁旅土匪無從竊發一
俟大兵到齊即當馳抵江甯會同截擊方為
不負委任至官兵過皖俱備金陵之用萬不
可任意截留所有前留山東官兵五百名仍
著馳赴江甯交向榮調度據奏吉順統兵三
千名已抵皖城著即飛催渡江援應江甯萬

○又諭

三

勿遲誤此外如有續到官兵亦即飭赴江甯
應援不可遲緩此次請籌餉銀現在部中籌
畫該署撫雇勇無多並未接戰務須撙節動
用無稍浮糜總兵王鵬飛不知去向著與安
徽藩臬道府文武各員一併查訪明確據實
具奏如有怯懦無能先期逃避情罪重大例
應嚴懲者均著奏明請旨將此由六百里加
緊諭令知之尋周天爵奏總兵王鵬飛已正
法報聞○又諭本日據祥厚等馳奏逆匪日

益猖獗現在極力防守一摺據稱逆匪水陸
並進自前月二十九至本月初二等日礮斃
該逆千餘名復調回東西梁山師船擊斃水
路各逆亦不下千餘名逆匪抵死抗拒現仍
攻打各城並盤踞城外天后宮靜海寺等處
懇飭大兵速赴江南以解重圍等語琦善陳
金綬帶兵由黃州黃梅一帶前赴江甯向榮
二月初間亦可趕到該大臣等務當督率在
城紳民兵勇竭力固守以待外援俟大兵雲

○又諭

三

集內外夾攻必可解圍賊匪詭計百出總宜
嚴防奸細以杜內應將此由六百里加緊諭
令知之○又諭楊殿邦奏請派勁兵分赴淮
安清江為揚州後援等語現在山東已無可
調之兵所有北方勁旅皆在琦善陳金綬軍
營疊經降旨命陳金綬帶兵援救江甯琦善
駐劄江北浦口一帶以為後應如琦善兵到
即與儀徵揚州等處地方毗連正可互為聲
援至該漕督請俟所調各兵到齊後親往上

游援應江甯之處籌辦尚合機宜該漕督啟程後可令但明倫督帶存兵擇要扼守並即於所調鎮將中留下一二員以為後應目前江甯喫重不得不先其所急難以分兵駐劄淮城該漕督業經募勇添船以壯聲勢著即嚴密防堵毋致疏虞將此由六百里諭令知之○又諭據李德奏將各渡口船隻歸併劉家口董家口二處不准別口私渡又另派弁兵駐劄會同印委各員嚴密盤詰等語逆匪

竄入安慶現又竄出肆擾難民逃徙愈多恐

奸細溷跡冀圖偷渡黃河潛行窺探江蘇淮

徐兩府屬濱河地方十分喫緊黃河南北兩岸自河南孟縣鞏縣汜水以下地多平曠防範尤應周密其山東曹單兩縣迤西沿河尚有直隸地面亦須一體設防著納爾經額楊以增福濟楊文定陸應穀督飭所屬廳營州縣各按所管地段認真稽查嚴防偷渡並遴派妥員隨同巡緝遇有緊急將船隻收入北

岸勿任奸匪潛越至各處渡口必歸併一二大渡盤查始覺嚴密著該督撫等體察情形迅速籌辦不可稍涉大意將此由六百里各諭令知之○甯夏將軍成凱奏遵奉硃諭訓練兵丁斷不敢有名無實稍存怠忽得旨除備戰兵外餘俱應勤加練習不可置之不顧○福州將軍兼署閩浙總督怡良等奏體察閩省漁船可以隨時雇用不能常川配帶得旨既有成法惟在實力奉行耳○署湖南巡

撫潘鐸奏報署任日期得旨汝應力加振作

不可仍若前任豫撫時諸事因循○革職留

任福建水師提督鄭高祥奏陳洋面匪蹤無定此追彼竄迄未能得手得旨此等辦事甚可笑了豈有水師提督在洋面追捕未獲一匪尚靦顏具奏耶朕觀汝未必親身出洋○以四川建昌道劉裕鈐為安徽布政使甘肅蘭州道清盛為雲南按察使○命江南蘇松鎮總兵官葉常春等赴漕運總督楊殿邦軍

營差委○命禮部鑄給湖北巡撫按察使安徽巡撫布政使按察使各關防印信○已革湖廣總督程商采遣發新疆充當苦差○已革湖北巡撫龔裕遣發新疆效力贖罪

實錄卷八十四

二十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十五

敕修

咸豐三年癸丑二月丙戌

實錄卷八十五

孝康章皇后忌辰遣官祭

孝陵諭內閣朕勤求治理念切疇咨疊經下

詔求言凡九卿科道有言事之責者於用人

行政一切事宜俱令封章密奏俾民隱得以

上聞頻年以來言路宏開於國計民生不無

裨益惟近日各衙門不應具奏之員亦皆自

繕封章由堂官轉遞殊屬非是該員等本無

言責如果確有把握可見施行亦應具呈各

該堂官酌定再行據呈代奏今該員等輒自

具奏書寫某人跪封跪奏字樣是名為代遞實與自行陳奏無異朕虛懷納諫原不肯以細故相繩惟體制攸關亦不可漫無區別嗣後各部院堂官務當恪遵定例凡不應具摺而有懷欲白者俱令具呈聲明由各該堂官據情代奏庶於集思廣益之中仍不失設官分職之義然或因有此旨遂相率緘默不言則又非朕好問察言之本意也將此通諭知之○命在籍前任兵部侍郎戴熙內閣學士

李品芳朱蘭

湖南巡撫陸費瑤等

督辦浙江

李品芳朱蘭湖南巡撫陸費瑤等督辦浙江團練事宜○丁亥春分朝

日於東郊

上親詣行禮○詣

東嶽廟拈香○諭內閣前據御史吳若準奏江蘇青浦縣因徵收錢糧鄉民聚眾將署知縣余龍光毆傷耳鼻旋調兵千餘前赴該縣與鄉民對壘首犯尚未拏獲該撫隱匿不奏意存消弭等情當交何桂清確查是否該縣

余龍光貪酷激變

抑或刁民

皆不畏法

余龍光貪酷激變抑或刁民皆不畏法並該撫有無迴護之處據實具奏茲據該學政查明余龍光催收錢糧係例應帶徵之款尚無貪婪劣蹟惟比責過嚴激成事端實屬辦理不善差役徐榮該縣因其把持錢糧是以收禁該役膽敢串同夥差致信塘灣地保周立春糾約鄉民王阿辛等多人入署將余龍光挖毆致傷迨署知縣李初圻帶勇往拏止獲從犯八名及委員蘇州府知府鍾殿選等帶兵往捕周立春先已逃逸僅獲夥犯三名尚無相持對壘之事等語該犯等拒捕毆官目無法紀若不從嚴懲治何以除積蠹而靖地方著該督撫飭屬嚴拏在逃首犯周立春等務獲同現獲夥犯及徐榮等一併嚴審按律定擬並將該縣余龍光應得處分覈擬具奏此案該撫楊文定前經奏明尚非迴護著無庸議○黑龍江將軍英隆等奏請將捏報帳房被燬之帶兵總管勒爾錦等嚴加議處得

旨。該總管等捏飾具稟。如出一轍。實屬無恥之至。○以詹事府詹事孫銘恩為內閣學士兼禮部侍郎銜。戊子。

上詣

壽康宮。問

皇貴太妃安。○諭內閣。各直省綠營額設兵數統計六十餘萬之多。如果該管各官認真訓練。俾技藝日精。自足備千城之選。現在逆氛未靖。各省官兵俱有徵調。而存營兵丁尚復

實錄卷九十五

不少。著各該督撫提鎮。嚴飭各營將弁將存營官兵。裁汰老弱。挑選精壯。定期分練合操。其應差兵丁。亦必照常操演。仍由各督撫提鎮。頒給章程。明示賞罰。每月委員會同校閱。儻有老弱充數。技藝生疏。或查有空糧情弊。即著從嚴叅辦。無稍瞻徇。其各省駐防官兵。著一律照此辦理。該將軍督撫等。務當激發天良。力求整頓。使各營官兵悉成勁旅。以副朕整飭戎行之至意。將此通諭知之。○諭軍

機大臣等。前據勞崇光覆奏。查明逆賊洪秀泉。馮雲山。韋正祖墳。先經廣東花縣。廣西桂平縣發掘。稟報有案。因思該逆等蹂躪四省。擾亂三年。其戾氣所鍾。非發掘鏟除。不足以洩神人之憤。更恐羣逆詭詐。假託姓名。所掘墳墓。或未必皆真。其從逆著名要犯。如楊秀青。羅大剛等。亦俱兇很異常。其三代墳墓。尚未據該督撫續行查出。發掘。著葉名琛。柏貴。勞崇光。密飭各該州縣。明查暗訪。務得該首

實錄卷九十五

逆及從逆諸三代確實墳墓。悉加掘毀。並其坐山後脈。概行鑿斷。以消逆醜。而懲大慝。將此由五百里各諭令知之。○又諭陸應穀奏。襄陽土匪。漸就肅清。馳赴歸德防堵。一招襄陽土匪。聚眾滋擾。經陸應穀派總兵柏山帶兵馳往。督同湖北員弁。勦辦先後捕獲一百數十名。並將著名匪犯。擒獲正法。餘匪紛紛逃散。道路已漸肅清。惟首要各犯。尚未就獲。羅繞典現駐襄陽。著即嚴飭員弁。督率兵勇。

嚴密偵緝務將首要郭大安孫貴等及其餘夥黨一併擒獲按律懲辦毋留餘孽所有豫省派往弁兵著即撤回仍飭各文武於交界處所認真巡緝毋令此拏彼竄現在逆匪竄擾江甯如安徽鳳潁江南徐州等處均與歸德接壤陸應穀即馳往該郡相機籌防尤宜嚴拏奸細勿令賊匪涸跡本日據副都統阿彥達奏河南北向多盜賊現在巡撫總兵均辦防堵並無大員鎮撫等語著陸應穀遴派明幹大員於河南北扼要處所駐劄彈壓並飭辦理團練紳士團集鄉民與官兵互為聲援以資保衛而靖奸宄將此由五百里諭令知之○先是太僕寺卿李維翰奏請暫停養廉以充軍餉命軍機大臣等會同該部議奏至是議上武職自三品以上停給二成文職自一品至七品暫給廉銀六成八品以下免其停扣此項銀兩令各該省藩司覈明數目提出另存由督撫專摺奏報聽候撥用俟軍

務告竣仍復舊額從之幫辦軍務直隸提督陳金綬等奏安慶失守改道赴江浦相機截擊不克渡江如有船隻可渡仍應以救援江甯為是杭州織造烏勒洪額奏陳沿江戒嚴擬將杭州各關加緊稽查得旨所辦實屬認真與地方官不分彼此自然諸事妥協不致掣肘○己丑諭軍機大臣等祥厚等馳奏賊圍江甯十日援兵不至請旨飭催一摺覽奏不勝焦急前因賊船東下疊經降旨諭令向榮陳金綬迅速統兵兼程馳往金陵應援何以至今尚未趕到向榮所調湖南船礮江西船隻據張亮基張芾先後奏到業已運往九江聽候撥用是船隻早經應手若順流東駛不過旬日即可直達金陵該大臣現在行抵何處未據奏報殊不可解陳金綬前日報到於本月初八日始抵太湖距江省尚遠何以濡滯若此著即遵疊次諭旨星速帶兵

前往應援江甯為東南重地。若以待援不至。致有疏虞。向榮、陳金綬其能當此重罪耶。將此由六百里加緊諭知向榮、陳金綬。並諭勝保知之。又諭祥厚等奏賊圍十日。奮力固守。請飭催援兵一摺。逆匪圍撲省城。該大臣等激勵旗綠各營。晝夜嚴防。並募本城勇壯一萬餘人。協同守禦。已歷十日。並擊斃逆匪不下二三千人。足見兵民一心。布置嚴密。各路精兵。計日均可趕到。該大臣等務當督同在事文武兵勇紳民。竭力固守。一俟大兵雲集。即可內外夾攻。殲茲醜類。逆情詭譎。務須隨時嚴查奸細。以杜內應。即援兵到後。仍宜加意嚴防。不可稍形鬆懈。將此由六百里加緊諭令知之。以江西九江府城被賊竄陷。革遊擊長春職。命在籍前任甘肅涼州鎮總兵官楊祿之等督辦直隸團練事宜。修山東運河。捕河上河下河。四廳隄壩。廂座各工。從河東河道總督福濟請也。庚寅諭軍

機大臣等。呂賢基奏。請安撫災民一摺。據稱豐工合龍。災民乏食。應令該督撫早為安置等語。被災饑民。現在無工代賑。應如何量為安撫。俾免流離之處。著楊以增、楊文定酌委賢員分投履勘。各就地方情形。妥為辦理。總期無告窮民。不至失所。方為妥善。原摺著鈔給閱看。將此由四百里各諭令知之。又諭前因步軍統領衙門拏獲形跡可疑之趙二。即胖塾兒一犯。當交刑部嚴審。茲據該部奏稱。查趙二原供稱係山東朝城縣人。至湖南張姓家傭工。被賊匪裹至清泉縣。伊即在賊匪宋老德家傭工。隨同搶奪二次。上年十一月間。宋老德令伊隨同張太。王老德來京。打聽發兵情形。以便陸續進京搶掠。本年正月行至保定府。張大等令伊先行到京。即被盤獲。伊等起身時。宋老德家約有五千多人等語。迨經反覆究詰。又據供稱伊住山東趙莊地方。向在魏老二家負苦。因父魏常在錢文

無償憶及魏三之兄魏信芳在京北喇嘛廟地方傭趁起意前往投奔行至衡水縣與湖南清泉縣人張太王老德會遇張大等雇伊背負行李一同進京伊向詢問湖南情形張大等答稱宋老德聚集饑民約有五千餘人半係宋老德管領半係張太王老德管領伊實未到過湖南隨同搶劫等語湖南清泉縣地方如果賊匪宋老德家聚眾至五千餘人該署督撫等何竟毫無聞見著張亮基潘鐸派委明幹員弁嚴密查拏無致養癰貽患至畿輔重地豈容奸細涇跡該犯到案供認旋即翻異顯係恃無質證捏詞狡展急宜嚴切根究著李德按照該犯所供族鄰名單查傳送交刑部以憑質訊毋稍延玩將此由六百里諭令知之○又諭有人奏山東武定及登萊青三府本境尚屬安謐須行聯莊之法至兗沂等處地當孔道最為喫緊須於聯莊之外更資練勇其地方匪徒不盡罪犯可誅或

廣為招募使立功自效等語現在山東辦理團練地方情形各有不同自當因地制宜著李德按照片內所陳各情悉心體察分別妥辦至招募匪徒一節尤當相度事機慎重辦理無滋流弊原片著鈔給閱看將此諭令知之○河南巡撫陸應穀奏陳拏獲奸細蔡五元等提省審訊並飭屬認真偵緝得旨此事最關緊要不可不慎現在豫省奸細諒不止二人仍應嚴密盤查迅速辦理○命貴州提督善祿馳往河南永城會同巡撫陸應穀辦理防務○命在籍前任江蘇布政使程煥采大理寺卿邢福山等督辦江西團練事宜○命在籍前任漕運總督李湘菜江西巡撫陳阡等督辦山東團練事宜○辛卯諭內閣前因軍務河工用度浩繁經內外大小臣工條陳籌款事宜凡有可採擇或須斟酌之件當交部臣詳議並須廣為諮詢者特交大學士九卿等會議以聞總期有利無弊於國計民

生均資裨益。其不可行者。當經部臣奏駁。或奏上時。朕洞鑒其弊。特旨停止。近日戶部請飭京師商賈捐輸。布彥泰、德瑛前後奏請酌收商稅。黎吉雲奏請按戶輸錢。雖為急籌國用起見。惟思京師商賈。資本不盡充裕。且有在本籍業經捐輸者。至各省錢糧地丁。並徵著為定例。若再按戶徵收。事類重科。且恐吏胥滋擾。重累吾民。朕夙夜思維。無濟時艱。徒妨政體。甚無謂也。况近來中外臣民呈請捐

資助餉者。絡繹不絕。朕復躬行節儉。自可漸冀充盈。何必徧事掇求。致令愚氓轉生疑惑。本日據禮部尚書奕湘、內閣學士孫銘恩、左副都御史文瑞、給事中吳廷溥、御史長秀、陳慶鏞、編修卓樞、具奏京城內外。現在商民情形各摺。所稱銀錢鋪戶。現多關閉。或係無業之徒。布散謠言。藉端滋擾。或奸商乘機歇業。貽累他人。亦恐因時議商捐稅等項。道路傳聞。以致羣相疑懼。朕念切安民。豈可令京

師首善之區。商民失業。所有布彥泰、德瑛、黎吉雲徵收鋪銀。計戶收錢等摺片。及戶部勸諭京師商賈捐輸各條。均著毋庸置議。其餘交議之件。亦著該部斟酌利弊。分別妥辦。至鈔法由來已久。本朝初年亦行之。近日諸臣紛紛陳請。此事原以濟國用之不足。既非廢銀用鈔。亦非責商繳銀。部庫出入通行。不令稍有畸輕畸重。正當行之久遠。俾天下咸知鈔為國寶。與銀錢並重。部庫收發一律。既足

示信而祛疑。而民間以漸而通。亦可利用而行遠。仍著戶部妥議速行。其各銀號錢鋪所用私票。仍令照常行用。如有造謠生事。謂須禁止民間錢票。及以鈔發商勒令交銀等說者。該旗營地方各官。立即嚴究造謠之人。拏獲懲辦。並著步軍統領衙門、順天府、五城。即行出示曉諭。京城內外諸民。各安本業。貿易如常。毋得聽信浮言。自相驚擾。儻有不法匪徒。行使假票。糾約多人。喧鬧各店鋪。恃眾嚇

詐搶奪或昏夜擁擠不散者該地方文武衙門立即嚴拏送部加等治罪其各錢鋪無端關閉有心誑騙者查明拏獲從重懲辦並將保人一併照例懲治庶足以儆奸蠹而靖閭閻銀米皆民間日用所需二者均重京城東接通州因每年漕船提壩時恐有回漕等弊例禁倉米出城其內城前三門原不禁其出入近聞米價稍昂亦恐有妨民食著各該衙門通行出示除照例應行查禁各門外其前三門毋得禁止出城各鋪戶照常售賣并不得居奇致干法紀又戶部現因外省撥款未能如期解到奏請將俸銀分別暫停一年朕思王公大臣俸入素優即暫停給發事尚可行其文職四品以下武職三品以下各員仍著戶部將本年春季暫停俸銀照數補行給領並著發內庫帑銀五十萬兩交部庫收存以備支放俸餉要需並著步軍統領衙門順天府五城將此旨刊刻徧行曉諭○又諭國

家設官分職體制相維大小臣工同朝共事無論事關重大議貴和衷即尋常會辦事宜亦應虛心商榷前據惠親王等奏添兵籌餉一摺特派大學士軍機大臣九卿會同議奏原以軍國重情冀收集思廣益之效與議諸臣宜如何各行所見為朕分憂豈容意氣相陵致失大臣之體本日據左副都御史文瑞奏稱會議時以現有暫救之術商之戶部尚書孫瑞珍該尚書因述其家貲若干出語粗俗形同市井無賴至有賭咒之言等語朕於諸臣以禮相接推誠相待從無逆詐億不信心前因御史富興阿等陳奏朕以其摺內有應議之條是以發交部議迨孫瑞珍等有陳產業數目朕亦不疑其隱匿諱飾文瑞於會議時如果平心靜氣婉語相商孫瑞珍何至遽行憤激即孫瑞珍以文瑞詞色陵厲亦何必遽出失言且古人所謂同寅協恭者文瑞豈未之前聞而竟以議論牴牾直斥該尚

書為市井無賴。登諸奏牘。將使朕於萬幾之暇。更為諸臣排難解紛耶。孫瑞珍。文瑞均屬不知大體。著一併交部議處。文瑞所稱與和。瀉另籌鈔法章程等語。著即具摺奏聞。毋得空言。徒滋辯駁。懍之。又諭。前據李德奏。官兵沿途需索。當降旨交常清。陸應穀查明。參辦。茲據陸應穀奏。稱山東青州頭起駐防官兵。及續到德州。青州兩起官兵。先後經過河南。裕州地方。種種勒索滋擾。是否帶兵各員。

知情故縱。抑係該州辦理不善。均應確切根究。所有管帶官兵之山東青州駐防協領多廉。佐領倭紳布克坦多。紳保防禦依勒杭阿。全德均著暫行革職。河南裕州知州姚慶溥著一體撤任。交陸應穀提同質訊。究明確情。從嚴叅辦。常清著不必會銜。即將滋擾情形奏聞。又諭。陸應穀奏請將約束不嚴之領兵官。革職審辦。一摺。陝西甯夏營都司雍恰布。帶領甯夏。延綏等營弁兵。經過河南長葛。

縣地方。經該縣照例應付車馬鹽糧。該兵丁等。輒將車馬私行賣放。復向訛索勒折錢文。並敢擁至公所。攫取衣物。該都司坐視不管。難保無故縱情弊。若不從嚴懲辦。何以肅戎行而申法紀。雍恰布現已行抵襄陽。著即革職。交羅繞典審明辦理。原帶官兵。並著派員另行管帶。諭軍機大臣等。楊殿邦奏軍情緊急。請飭催官兵一摺。逆匪圍困江甯。援兵尚未趕到。瓜儀一帶。為北路門戶。必應竭力

守禦。據稱現到之兵。及揚州存城官兵。不及千名。分防各要隘。勢甚單薄。自係實在情形。所有前調山東福建等省官兵。本日已有旨。催令星速前進矣。惟山東官兵。自北至南。必先經瓜州。後抵鎮江。著即就近截留。派赴瓜儀一帶防剿。其安徽未到官兵。由常鎮行走。派赴東壩鎮。江防守布置。尚為妥協。現在江浦失守。浦口被賊搶占。東省官兵。恐有梗阻。著即飛咨皖豫各巡撫。查明官兵行抵何處。

即令飛速繞道馳赴揚州。無令中途阻滯。官兵陸續到齊。復有所募壯勇及糧船水手八百餘名。藉壯聲勢。著楊殿邦督同但明倫等竭力籌畫。晝夜嚴防。遏賊北竄之路。斷不可稍有疏虞。至六合江口賊船。經該漕督調撥廣艇及京口舟師派員進剿。諒可及早剪除。不至占踞江口。軍需緊要。該漕督由總局備銀一萬兩。解交向榮接濟。自應如此辦理。所請在附近各省藩關各庫籌撥銀五六十萬兩。解至揚州以濟軍餉。已有旨交戶部速議具奏。至另片奏江甯危急。俟官兵催到相機赴援等語。向榮將次繞至六合上游。距省已不甚遠。陳金綬亦計日可到。合力進剿。當可解省垣之圍。瓜揚為南北咽喉。該漕督仍當督飭嚴防。毋稍鬆懈。將此由六百里諭令知之。又諭。昨有人奏山東武定及登萊青三府須行聯莊之法。至兗沂等處喫緊。聯莊之外。更資練勇。已交該撫體察妥辦矣。本日又

有人奏山東團練事宜。所稱聯莊練勇。因地制宜。與昨奏大略相同。惟每莊製信礮銅鑼。今設四隅。並仿明臣戚繼光所製立牌狼筈等械。以備衝擊。其一切教演等法。責令莊長聯長董率等語。著李德查照摺內所指製器教演。及設立莊聯各長等事。一併悉心體察。如果可行。即著通行辦理。團練之在籍紳士。妥速籌辦。總期因地制宜。於事有濟。不致有名無實。原摺著鈔給閱看。將此諭令知之。

壬辰

上詣

壽康宮問

皇貴太妃安。諭內閣。惠親王。惇郡王奕諒。恭親王奕訢。奏陳時務一摺。所陳儲備鉛藥。及安撫難民。籌裕倉庫。各條。均不為無見。而嚴門禁整器械。訓練近京駐防官兵。尤為切時急務。禁門出入。疊經諄諭該管大臣。飭令值班官兵嚴密稽查。乃近年仍有拏獲攜帶腰

牌頂名冒替之案。總由各處當差人等。將本身姓名年貌腰牌。雇覓民夫。攜帶充當。若稽核稍疏。則間雜人等。不免涸跡。何以肅宮禁而嚴守衛。著前鋒統領護軍統領。總管內務府大臣。嚴密稽查。如有前項弊端。即行拏獲究辦。現在辦理章程。或尚有未盡之處。著會同妥議具奏。至整飭武備。前已嚴諭在京各旗營。時加訓練。兵力既足。亦必須器械堅利。始足以資操防。近來該管王大臣。點驗軍器。

仍不免虛應故事。其查閱所至。不過接收冊簿。於各營器械。何處整齊。何處損壞。茫然不知。以致所屬各員。相率效尤。殊非簡覈軍實之道。嗣後著點驗軍器王大臣。認真查驗。除隨時按限修理外。儻查有未逾年限。損壞缺失者。即將該管官嚴行叅處。毋稍徇隱。各省駐防官兵。昨已諭令該將軍副都統等。勤加操演。其直隸山東河南山西等省。駐防旗兵拱衛京師。尤關緊要。著各該管大臣。仍遵前

旨。實力訓練。並將火藥軍器馬匹。一律整飭。務使各營兵丁。悉成勁旅。足備緩急之用。以上各條。均係該王大臣等。隨時應辦要務。其各振刷精神。力求實效。無負朕諄諄訓誡之至意。又諭楊文定奏。探報江甯省城失守。等語。覽奏。不勝憤恨。惟該撫接據探稟。逆賊於二月十一日。偷窺地道。轟開儀鳳門。又稱奸匪內應。賊見火起。梯城而入。究竟如何情形。合城滿漢文武官員。如何下落。紳士商民。

遭此慘劫。南望增悲。若使援兵早到。何至旬日之間。遽行失守。現已命怡良補授兩江總督。星馳赴任。楊文定駐守鎮江。著即暫署兩江總督事務。聯英著暫行辦理江蘇巡撫事務。向榮昨已繞至六合。刻下諒已渡江。著即相機攻剿。並督率前調師船。水陸扼要。與楊文定等合力夾擊。毋令蔓延。所有江南被賊擾害各州縣。應徵新舊錢糧。著楊文定迅即查明。奏請蠲緩。其附近地方居民。防堵方殷。

難安耕作著一併查明分別奏請恩施。又諭楊文定奏查明艇師各船接仗情形據實舉劾一摺。前經陸建瀛奏福山鎮總兵陳勝元陣亡。業經降旨賜卹。茲據楊文定查明此次接仗太湖協副將劉長清籍詞收集潰兵潛回上海福山鎮標千總施洪彥隨同陳勝元船隻進剿。膽敢將錨纜斬斷。與水手等各跳小船逃走。喪心病狂。不法已極。施洪彥著查拏務獲。即行正法。劉長清著即革職。仍責令帶兵效力。儻再不知奮勉。即著嚴叅治罪。其接仗出力將弁。亦應量加鼓勵。太湖協副將員缺著周鼈補授。所遺蘇鎮標遊擊員缺著張攀龍補授。千總王之敬。鞠耀乾均著以守備升用。先換頂帶。並與千總藍新恩。紀總。鄧應魁記名。把總張其忠均著賞戴藍翎。又諭色克通額等奏科布多所屬各旗汗王貝勒貝子公扎薩克台吉等現因逆匪滋事呈請捐銀以備軍需等語。杜爾伯特土爾扈

特汗王等因聞逆匪滋事呈請捐銀九千兩。情詞懇切。朕深欣悅。惟念蒙古生齒日繁。藉資度日。若賞收此銀。朕心實所不忍。況各省大兵將到。諒此逆匪不日即可殲除。所捐之銀毋庸賞收。以示朕嘉獎體恤蒙古臣僕之至意。諭軍機大臣等。楊文定奏探報江甯省城失守等語。覽奏憤恨之至。據稱逆賊偷窺地道而入。一云城內有漢奸放火為號。賊即由火起處用蜈蚣梯登城。可見賊黨密布。城中未能先事稽察。以致失守。該逆詭譎伎倆。積慣用此。正不可不處處嚴防。現授怡良為兩江總督。飭令督帶前調之閩兵二千名星馳就道。然到尚需時。楊文定與文藝因鎮江不能防守。匯集兵力。駐守山嘴頭地方。並將城內錢糧移至丹徒鎮。亦只可如此辦理。所有句容至丹陽東壩至蘇州各陸路務須節節堵截。本日復飛催向榮趕緊赴援。楊殿邦前奏向榮已抵六合上游刻下諒已渡江。

著該漕督即與向榮南北聯絡策應嚴防江口斷不可致有阻隔文報亦須設法郵遞勿令遲誤將此由六百里加緊各諭令知之○又諭寄諭欽差大臣琦善等本日據楊文定奏江甯省城於本月十一日失守覽奏曷勝憤懣前曾疊次諭令向榮陳金綬趕赴金陵不料救援不及一誤至此昨據楊殿邦奏探聞向榮已繞赴六合上游僅因江浦失守賊踞要口著即督兵迅擊剋期渡江相機攻剿使逆匪不敢窺伺蘇常仍可與江北聲勢聯絡以圖克復現在賊踞江甯江北要隘最關緊要楊殿邦駐劄瓜州兵力單弱周天爵扼守淮徐亦難兼顧琦善陳金綬督帶重兵既不及援救江南則江北一帶是其專責必須嚴密防守內戢土匪外遏賊匪北竄之路現在黑龍江馬隊已抵宿州與前隊吉林官兵均當擇要布置以備攻剿並將現在如何辦理情形迅即馳奏前次疊降諭旨該大臣等

諒已懍遵朕亦不復多言矣將此由六百里加緊各諭令知之○又諭據周天爵奏淮徐防禦緊要並詳陳捻匪肆擾各摺片江省失事江北急應嚴防據稱淮郡清江上下捻匪私梟伺釁而動甚至文武生監復敢乘勢嘯聚經該署撫嚴札鎮將帶兵彈壓抄剿所辦均合機宜當此人心不靖勦洗土匪鎮撫居民即著周天爵相機妥籌一切布置朕斷不遙制致有掣肘其出力員弁紳民兵勇即照軍功優請獎勵以作士氣總期奸宄斂跡保衛居民以副委任勉之望之至山東與安徽江南毗連各處著隨時知照李德一體嚴防聲勢聯絡是為至要將此由六百里諭令知之○又諭現在兗沂曹一帶巡防大河千里處處險要該撫慮事周密想已妥為布置竭力設防其上鄰河南下接江蘇各州縣應如何合力防守仍須隨時知照楊以增福濟一體稽查堵截山東一省關繫全局朕惟李德

是倚。勉之望之。陸應穀已命馳往歸德一帶。此時當可啟程。亦當與之聲息相通。以期聯絡。將此由六百里諭令知之。以國子監祭酒龍元僖為太常寺卿。以福州將軍怡良為兩江總督。癸巳諭軍機大臣等。據倪良曜奏。海運漕米遲滯。請勒限嚴叅一摺。江浙海運前有旨令倪良曜總司其事。疊次飭部飛催。正擬此時已可開船出洋。何以遲至今日。始奏稱漕米遲滯。勒限嚴催耶。該藩司若果及早催徵。將延誤之州縣先行嚴叅懲處。亦何致相率效尤。輒以軍書旁午。花戶不前。藉口推諉。現在江浙各屬運米到滬者為數尚屬無多。似此觀望遷延。必至貽誤正供。咎將誰歸。倪良曜現在調補江蘇布政使。責任更無旁貸。著即嚴飭各州縣趕緊運米赴滬。勒限二月內。埽數運到。剋期放洋。儻各屬再敢託詞。有意遲誤。即行嚴叅。必當從重拏問治罪。以儆玩延。其浙江省應運米石亦諭令

黃宗漢一體嚴催矣。將此由六百里傳諭知之。又諭據黃宗漢奏。藩司麟桂熟悉廣艇情形。自願前往招募。為江浙兩省防剿之用。等語。連日據楊文定、楊殿邦馳奏江甯失守、賊勢猖獗。前經疊次諭令楊文定並傳諭吳健彰、崔覓艇船赴援江甯。茲據該撫奏稱。藩司麟桂自願前往上海招募廣艇。現已飭令星夜前往辦理。甚合機宜。該藩司麟桂曾任上海道。於該處情形熟悉。著即督帶船礮駛赴鎮江上游一帶相機攻剿。一面知照向榮、楊文定、楊殿邦等。南北策應。儻能將江面賊船痛加轟擊。則賊氣已奪。既可衛蘇省之藩籬。亦可固浙江之門戶。轉移之機。在此一舉。至本年海運最關緊要。浙省米石務即飛催各船接續開行。剋期運津。萬勿延誤。將此由六百里諭知黃宗漢並傳諭麟桂知之。又諭本日據楊殿邦奏。賊匪竄踞金陵。勢甚猖獗。並因需餉孔急。札飭淮揚通三屬將徵存

地丁錢糧。並本年截留漕糧之節省漕項幫費津貼等款。解揚應用。未據各州縣稟覆。值此軍務緊急之時。豈容藉詞推諉。現在楊文定相距較遠。著楊殿邦。楊以增。嚴飭地方河道各屬。無論何款。先行提解。以濟要需。刻下調兵遠處。斷難接濟。惟向榮陳金綬兩路重兵。可以就近援應。楊殿邦接奉此旨。著一面迅催向榮設法渡江。一面飛催陳金綬帶兵直赴淮揚。合力防守。其安徽江北一帶。琦善

臣奏

三

統領大兵。在後接應。仍可與周天爵及該督等互為聲援也。將此由六百里加緊各諭令知之。浙江巡撫黃宗漢奏調派官兵前赴江蘇防剿。得旨。籌辦尚妥。兵力實屬單弱。命署四川總督慧成馳往江南。會同漕運總督楊殿邦辦理防剿。改派戶部尚書孫瑞珍會同倉場侍郎慶祺前往天津驗收海運漕糧。以鑲黃旗護軍統領恩華為左翼前鋒統領。調鑲白旗護軍統領特興額為鑲黃

旗護軍統領。以禮部左侍郎聯順為鑲白旗

護軍統領。調正藍旗漢軍副都統穆蔭為

鑲白旗滿洲副都統。以頭等侍衛開隆阿為

正藍旗漢軍副都統。調綏遠城將軍托明

阿為江甯將軍。以烏魯木齊都統樂斌為綏

遠城將軍。調熱河都統慶福為烏魯木齊都

統。以左翼前鋒統領華山泰為熱河都統。

調杭州將軍有鳳為福州將軍。以吉林副都

統瑞昌為杭州將軍。調廣州滿洲副都統麟

寶保奏

十六

瑞為吉林副都統。以輔國公載岱為廣州滿洲副都統。調阿勒楚喀副都統薩炳阿為金州副都統。金州副都統喀通阿為阿勒楚喀副都統。涼州副都統綿洵為江甯副都統。以前任哈密辦事大臣慶昫為涼州副都統。以江南壽春鎮總兵官鄧紹良為提督。調廣東高州鎮總兵官玉山為江南壽春鎮總兵官。以廣東廣州城守營副將伊什扎木蘇為高州鎮總兵官。以江甯城守營副將聶

金鑪為江南徐州鎮總兵官○調江甯布政使倪良耀為江蘇布政使直隸布政使陳啟邁為江甯布政使以河南按察使張集賢為直隸布政使河南開歸陳許道林揚祖為按察使○甲午以恭懸

呂西陵

御書扁額前期遣官告祭

孝和睿皇后暫安寢殿○諭內閣御史蕭時觀奏請嚴禁私販硝磺等語硝磺私販售賣例

實錄卷八五

三十

禁禁嚴全在該地方官嚴密稽查庶免偷漏滋弊現當各省辦理團練之時尤應加意嚴防上年江蘇拏獲豐縣差役等與販私硝至二十五萬數千斤之多此外破獲之案甚屬寥寥即如本年署山西巡撫哈芬行至平定州屬飭令查拏私硝該州錫麟竟敢飾詞推諉可見各該地方官因循疲玩積習相沿以致奸販肆行毫無忌憚殊堪痛恨著各該督撫等嚴飭地方文武員弁各於隘口認真巡

查儻有私販拏獲從重懲辦毋得視為具文致干重咎○諭軍機大臣等琦善陳金綬向榮馳奏先後行抵安慶會商追剿各摺片現在金陵已失危急形狀不堪設想疊次寄諭琦善陳金綬嚴防江北向榮剋期渡江相機攻剿矣該大臣等於二月初十日同抵安慶既已會商再四諒必謀出萬全惟賊蹤靡定是否占踞金陵抑或窺伺淮揚殊難逆料著琦善陳金綬與向榮察看賊勢大江南岸如

實錄卷八五

三十一

何攻擊北岸如何防守水陸要隘如何互為聲援一切布置朕亦不為遙制總期戮力同心速殲羣醜前調吉林黑龍江馬陸將次到齊此項勁旅於渡江不甚相宜著即留於江北防賊奔竄或於淮徐一帶扼要駐紮以備調遣北岸江浦儀徵瓜州等處江口在在均關緊要必應督兵前往與楊殿邦合力防堵勿稍遲誤周天爵勦辦安徽土匪勢難兼顧東南半壁朕惟該大臣等是倚偵探賊勢勦

辦情形。必當隨時馳報。以慰懸念。所過州縣倉糧漕米。俱准酌量動用。兩路餉銀。亦可彼此通融撥放。各歸糧臺報銷。近來籌款之艱。該大臣等亦所深悉。切須搏節。毋任浮冒。鄧紹良昨已補授江南提督。仍可隨同向榮勦賊。玉山已調補壽春鎮總兵。江北祇此重鎮。著即迅赴新任。督兵勦捕土匪。以專責成。將此由六百里諭令知之。又諭。現在江甯省城失守。據琦善、陳金綬、高榮奏報。均於本月

實錄卷五十五

三

初十十一等日。行抵安慶。即日督兵前進。已諭令該大臣等。於大江南北兩岸。扼要合力攻剿矣。賊情詭譎異常。難保無奸細北來窺探。希圖勾結土匪為患。山東河南地方。疊經諭令該撫等親赴要隘。嚴密設防。畿輔重地尤關緊要。所有各屬保甲聯莊。並整頓營伍。嚴防黃河渡口。諒已遵旨妥辦。惟界連豫東等處。稽查彈壓。必須大員督辦。與鄰省聲勢聯絡。方足以定民志。而杜奸萌。著訥爾經額

體察情形。如須親身扼要駐劄。即奏明前往。總期有備無患。毋致臨事周章。將此由四百里諭令知之。又諭。有人奏。山東兗沂曹三府匪徒聚擾猖獗情形。現雖未著。而當逆氣正熾之時。心懷觀望。亟應防其勾結等語。著李德即督率地方文武員弁。認真查拏。或統兵會剿。或購錢蹤緝。總期淨絕根株。毋致養廉貽患。現在黑龍江官兵改道由山東行走。如該地方兵力不敷。該撫即可將此項官兵

實錄卷五十三

三

就近暫留數日。藉資勦捕。朕已命琦善等酌量布置。仍著隨時知照。毋誤事機。再。滕縣知縣黃良楷。聞其膽勇過人。匪黨畏憚。如果屬實。該撫即責令專辦緝捕。當可得力也。將此由五百里諭令知之。命內閣學士許乃鈞幫辦江南軍務。命在籍前任漕運總督朱樹陝。西布政使陶廷杰。湖北布政使唐樹義等。督辦貴州團練事宜。以理藩院右侍郎培成兼署工部右侍郎兼管錢法堂事務。

以鑲黃旗滿洲副都統載堪署正藍旗漢軍

副都統(頒賞朝鮮國王

御書扁額曰海邦屏翰琉球國王

御書扁額曰同文式化暹羅國王

御書扁額曰弼服海隅以安徽安慶省城被

賊竄陷布政使李本仁革職逮問並革按察

使張熙宇職予安徽殉節巡撫蔣文慶祭

葬世職通判楊序鏞知縣劉叔緒衛君選司

獄張清巡檢王泗平源興史陶慶禾張寶華

實錄卷八五

三十四

從九品高友章王澤夏雲階沈成模祭葬世

職加等並建立專祠乙未諭內閣陳金綬

勝保奏湖北黃梅以下沿途有鄉勇騷擾情

事等語廣東各勇經向榮已於九江遣散七

千僅留一千名由陸路前進所稱沿途擾害

是否即係遣散廣勇著琦善向榮陳金綬等

嚴行查拏就地正法所過地方官均飭令一

體嚴緝從重懲治各屬團練紳民如遇此等

兇徒並飭隨地拏獲格殺勿論以肅紀律而

靖閭閻又諭前因湖北省淮鹽阻滯降旨

准其借銷川鹽潞鹽以資接濟茲據張亮基

奏川鹽轉運既易成本亦輕較之潞鹽更為

便利自係實在情形著四川總督即飭鹽茶

道借撥川鹽二千引迅速解赴湖北以濟急

需俟江路廓清准引通暢仍照舊章辦理

又諭張亮基略東章奏籌辦收復撫恤各事

宜開單呈覽一摺湖北武昌漢陽黃州等處

先後被賊竄擾蹂躪凋殘深堪憫惻現經該

實錄卷八五

三十五

署督撫飭司道各員次第籌辦如修城製礮

協撥驛站並募兵招商戢匪各事宜所籌尚

屬周妥至被害官兵流亡子女或應掩埋屍

骨或應設局收養均著照所議妥籌辦理所

需經費務當覈實動用毋任吏胥人等絲毫

浮冒俾窮黎均霑實惠地方日就乂安諭

軍機大臣等陳金綬勝保奏馳赴浦口杜賊

北竄一摺昨以該大臣等同抵安慶已有旨

令察看賊勢進攻南岸防守北岸矣江甯未

陷以前逆匪已將浦口占踞。若不及早克復。則儀徵、瓜州等處江口。在在堪虞。向榮統領大兵水陸並進。現在想已渡江。著即分路夾攻。出奇制勝。其江北一帶。著陳金綬、勝保督率弁兵扼要駐劄。迅將浦口賊營併力攻破。不惟遏賊北竄。且可與向榮會合夾攻。以殄羣醜。琦善、陳金綬趕到。更可互為聲援。相機接應。所有逆賊浮橋。尤須及早燒斷。著向榮、陳金綬、勝保等察看情形。何處可以得手。即

實錄卷八十五

二十六

向何處燒毀。總期斷其分竄之路。俾進退無據。則剿辦方可得力。將此由六百里加緊各諭令知之。又諭著恩華、英隆於吉林、黑龍江所轄營內各挑選精兵二千名。豫備軍裝器械。派定得力將領管帶。候旨調遣。將此由四百里各諭令知之。命前任湖北布政使唐樹義赴湖北幫辦撫輯事宜。以湖北黃州府城被賊竄陷。署知府劉若珪革職逮問。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十五

實錄卷八十五

三十七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十六

監修の成實院日講起居注官太子大侍上書唐繼師傳文淵閣領閣事翰林院掌院學士稽察欽奉上諭事件處國史館總纂官武英

大學士管理兵部書隆加十三次以紀錄十四次以少輔參不穩處軍機處總管太子太保文淵閣學士直隸總督黃陂總督李鴻章李瀚章李瀚章

大學士掌理部三庫事務官理刑部事務加二十三級紀錄十六次臣周祖培總教習太子少保官理內閣書院事務引大臣欽大廷

饒其謙萬州都統戶部尚書管理三庫事務加四級隨着加五級紀錄十二次以實繁難覈官經巡撫官弘德殿教習清人講是上言乃錄

連湖吏鉅縣官正監胡家古鄆歷任部南書管理太常寺鴻臚寺事移加二級軍功加四級隨常加八級紀罪五次臣僕什律市手奉

修

咸豐三年癸丑二月丙申以

千七百八十六

孝和睿皇后梓宮奉移

昌西陵前期三日遣官告祭

秦陵○

秦東陵○

昌陵

慕陵。

上詣

永安寺拈香。○遣官祭賢良祠。○諭內閣樂

斌奏查出應行升科地畝歸案徵收並請將

承辦之員議處一摺署吐魯番同知甘肅候

補直隸州知州印房主事菩薩保。從前承辦

開墾事務並不將續墾地畝詳細勘丈按則

升科率以加幫名色顛預了事。實屬咎有應

得菩薩保著先行交部議處仍著嚴查該員

有無侵那情弊。並交代未清另案。一併據實

具奏該部統所請查丈六工等處地畝應於

咸豐二年。照額起徵。並歸入伊拉克案內。

一律辦理之處。著戶部查議具奏。○又諭舒

三才圖會卷之八十八

興阿奏遵查審明正署總兵互相稟訐各款

一摺陝西前署漢中鎮總兵副將祥瑞經前

任總兵春福列款稟訴據該督訊明該員並

無贓私確據。惟於拔補弁兵。並不認真考驗。

率意辨理。迨被春福稟訴。輒即撫拾。訐告冀

圖抵制實屬乖謬前任漢中鎮丁憂總兵春

福被祥瑞呈控各款訊無實據惟所訐祥瑞

劣蹟並未確查。率以傳聞之詞。列款具稟。已

屬輕安復於進京時攜帶弁兵亦屬違例祥

瑞春福均著交部議處即行回京聽候部議署漢中鎮總兵副將常英詳革千總並未候批遽令交卸以致該弁外出無從查訊亦屬疏忽著交部察議另片奏該督前在阿克蘇辦事大臣任內與春福換帖自請議處等語舒興阿著加恩改為交部察議○諭軍機大臣等昨有旨令陳金綬等迅將浦口賊營攻破遏賊北竄本日據楊以增奏江北防堵緊要請飭發大兵馳赴清江浦一摺逆賊蟻聚

清江浦

三

江甯必藉浦口賊匪為接應以便牽掣我師梗塞江路必須先將浦口占踞之賊剿滅其六合儀徵瓜州等處江口均關緊要亦不可顧此失彼此時向榮諒已渡江相機攻剿琦善陳金綬等務即將北岸江口先行廓清萬不可令賊匪北竄其黃河南北兩岸防不勝防自應擇要駐守重兵如揚州為由淮入河門戶清江浦為渡河咽喉該處存兵無多現調各兵未能應期趕到著琦善陳金綬迅即

酌撥官兵數千名飭赴淮揚一帶會同楊以增楊殿邦併力防堵琦善所帶之兵刻下想早到齊吉林黑龍江馬隊均可趕到應如何擇要布置該大臣等自必胸有成竹至河南陝西防兵內如須添調即著酌量緩急辦理總期前扼江北為南岸聲援後據黃河為北路屏障是為至要將此由六百里諭知琦善陳金綬並傳諭勝保知之○又諭楊以增奏江北防堵緊要請撥兵餉一摺據稱江南黃

清江浦

四

河渡口不下百數十處必須扼守來路揚州為清江浦渡河必由之路安徽宿州亳州等處為徐州渡河必由之路扼其來路兵力易集其收至北岸船隻尤恐捻幅各匪勾通逆賊偷放必南北兼防方足以杜賊蹤等語所奏頗為明晰河標存營兵丁不敷調遣漕標兵丁亦屬單薄惟琦善所帶官兵可以就近接應著即遵旨飛催酌撥協濟本日已有旨令慧成帶陝西官兵數千名馳赴淮揚一帶

會同防勦矣。所請江南狼山鎮標兵一千名。掘港靖江鹽城三營兵各一百名。並著飛咨調撥以資防守。至招募壯勇勸諭團練。收集洪湖南岸船隻。資遣難民。均著照所議辦理。該督等務宜督飭文武員弁。晝夜巡防。尤宜彈壓土匪。查拏奸細。一有奸匪蹤跡。或土匪勾結。即嚴拏究辦。斷不可稍涉大意。所需餉銀數十萬兩。前因楊殿邦請餉。已由戶部議准撥給山東藩運兩庫及長蘆解部各款銀三十萬兩。自可通融動用。河庫無論何款。亦須先其所急。極力籌畫。近日籌餉之艱。諒所深悉。務須加意撙節。勿稍浮冒。另片奏請飭查丈經辦理江北防堵等語。前有旨令該員留辦豐工未盡事宜。並巡查黃河渡口。著楊以增即飭該員幫辦防堵。至周天爵前奏令該員管理糧臺事務。是否尚能兼顧。著該督等酌量咨商辦理。將此由六百里各諭令知之。○丁酉

上詣

壽康宮問

皇貴太妃安。○諭內閣裕瑞奏。川省緝匪情形一摺。所辦甚合機宜。川省近年懲辦匪徒。歷有就地正法之案。現當辦理團練之時。尤應極力整飭。以儆兇頑。著該署督即嚴飭各屬認真查緝。如有奸細窺探。土匪滋擾。拏獲訊明後。即行就地正法。以示炯戒。該地方官。倘有縱匪不拏。仍前諱飾。或枉拏枉殺等弊。著即指名嚴叅。○諭軍機大臣等。本月二十六日。

孝和睿皇后梓宮。永遠奉安。

昌西陵所有執事之王公大臣。及各衙門文武官員人等。著恭理王大臣會同永康戴鈐德春等詳細查明。分晰開列清單。於奉安禮成後。即行具奏。上年三月。

慕陵奉安禮成。加恩諭旨。均著鈔給閱看。將此諭令知之。○署山西巡撫哈芬奏。請山西軍

政再行展限辦理從之○兼署四川總督成都將軍裕瑞奏陳捐鑄銅礮並飭巫山等縣選募團勇得旨辦理甚好○江蘇巡撫楊文定奏雇用夷船並請飭催援兵得旨自應如此辦理向榮琦善已屢次催進至所請交部治罪汝果能勦辦合宜仍可受上賞不必先以此存心也目下江南勢難收拾汝當竭力籌辦責無旁貸勝保已襄辦軍務伊係可用之才候朕酌用○以江蘇布政使倪良燿代

辦巡撫事○建立江南豐北工次

河神廟從江南河道總督楊以增請也○戊戌以

孝和睿皇后梓宮奉安

昌西陵前期三日遣官告祭

天

地

太廟

社稷○以

孝和睿皇后梓宮奉移

昌西陵前期遣官詣

几筵前行祇告禮○諭軍機大臣等據載銓奏帑項不足宜急籌長策節妄費歸實用等語覽奏均悉本日據御史怡康奏請派在京八旗及三省勁旅速赴江南攻勦並酌減行裝銀兩一摺所奏是否可行著即悉心酌核據實奏聞原摺著封給閱看將此諭令知之○又諭昨據春山等奏查明八旗漢軍礮營有

廢銅礮十六位開單呈覽當命照舊收存候旨遵辦各旗礮位每年演出銑者每旗各若干位此外久未出演者每旗各若干位著值年旗王大臣轉行各該都統等詳細查明分晰開單具奏將此諭令知之○又諭琦善馳奏探聞江甯失守現在趕緊設法抄出賊前一摺據稱本月十八日行至合肥探得江甯省城於十一日自寅至午礮聲不絕隨後城內火起賊由火起處穿城而進約計其時

向榮兵尚未到已飛咨陳金綬等星速前進由浦口直趨儀徵徑赴瓜州渡江繞至龍潭抄出賊前會同向榮楊文定等杜絕下竄等語所見甚是江甯失守疊次寄諭琦善陳金綬嚴防江北向榮渡江進攻諒已接奉諭旨一一籌辦賊蹤靡定總須南北兩岸互為聲援南岸如何攻擊北岸如何嚴防該大臣諒能悉心籌畫謀出萬全昨據楊文定奏雇得上海夾板船隻載運礮械及舢板船隻駛往金陵刻下向榮兵船計已駛到若能上下夾攻乘風縱火將江面賊船浮橋燒斷燬其輜重勦辦自易得手所稱馬隊不宜用之江南正與日前諭旨相符著即留於江北扼要駐劄以備調遣另片奏粵楚鄉勇沿途滋擾且恐潛通消息易聚難散別滋事端前已有旨令該大臣等嚴拏懲辦並准團練紳民格殺勿論仍著向榮於所帶募勇加意防範總以陸續設法遣散為要慎勿勉強羈縻致貽後

患近日攻勦防堵各情形並隨時馳奏以慰朕懷將此由六百里各諭令知之○又諭御史陳慶鏞奏海運糧米囤積上海請飭迅速起運一摺本年江浙海運漕米關繫緊要前已有旨傳諭倪良燿勒限嚴催趕緊上船放洋開行現尚未據奏報實深懸念著楊文定倪良燿督飭該委員等將已經兌收上船之米共若干石迅速催令開行其陸續運到者隨到隨即上船跟蹤前進天庾正供豈容稍有延誤倪良燿專司其事責無旁貸若有阻隔自問當得何罪昨據楊文定馳奏上海道吳健彰現雇夾板船三隻由海入江藉資勦賊之用亦只可如此辦理惟船隻尚少仍須多雇數隻更為得力前黃宗漢奏稱浙江藩司麟桂已趕赴上海雇備夷船著即飭麟桂並吳健彰廣為雇覓星速帶船赴援有能擊破匪船殲斃賊黨者除所獲火藥槍礮兵械外其餘賊匪輜重概行充賞將此由六百里

加緊諭知楊文定。倪良耀。並傳諭麟桂吳健彰知之。○命在籍前任太常寺卿廖鴻荃光祿寺卿楊慶琛。浙江提督李廷鈺。江南福山鎮總兵官孫雲鴻等。督辦福建團練事宜。○以烏魯木齊都統毓書為鑲紅旗蒙古都統。○以湖南永綏協副將瞿騰龍為湖北鄖陽鎮總兵官。○改鑄湖北學政布政使督糧道鹽法武昌道漢黃德道武昌府知府同知通判武黃同知布政司庫大使照磨按察司經歷司獄糧儲道庫大使江夏縣知縣武昌府儒學司獄江夏縣儒學漢陽府知府經歷漢陽縣知縣縣丞湖北提督督標中軍副將中營中軍都司左營遊擊左營中軍守備右營遊擊右營中軍守備撫標左營中軍參將中軍守備右營遊擊中軍守備武昌城守營參將中軍守備漢陽營遊擊中軍水師守備各關防印信條記。從署總督張亮基等請也。○予故鑲紅旗蒙古都統祿普祭葬。○予湖北

殉節提督雙福祭葬世職。謚武烈。總兵官王錦繡。謚壯節。常祿。謚剛烈。均贈提督銜。予祭葬世職。同知王本立。黃培燦。周汝翼。舒綸。唐光照。朱祖培。通判李芳林。賓。知州劉咸。知縣楊明善。黃兆奎。董師雍。俞昌烈。彭鳳池。庫大使張壽祺。鍾秉權。司獄張運鈺。照磨葉慶恩。州判增善。縣丞趙德忠。鄭修恕。胡慶潮。巡檢秦承杰。張偉績。從九品吳樹藩。凌茂松。徐光雲。陶開甲。陳光耀。鄭愚。程慎思。葛璜。降調知縣施均典。史楊瀚。劉紹光。教諭魯唯。訓導吳長庚。阮熙仁。副將春榮。參將福厚。楊光普。羅紹元。錫純。遊擊李信。朱庭瑞。劉永鈞。都司楊連守。備曲春泰。馬永祥。胡光達。葉永清。鄒廷蘭。千總向文斗。楊文先。魯光榮。李正清。王金亮。黃金榮。羅經德。常德忠。把總馬登雲。李文魁。吳金彪。吉祥。朱昌華。柳炳倫。田宗炳。外委余朝鳴。李春芳。周洪道。聞定。鼇姚占。鼇黃金榮。杜正紀。韓則琨。祭葬世職。加等候選道程

福培都司銜常集松從九品銜向廉溪在籍通判殷利謙知縣吳承芳張渠祭葬世職生員洪觀辛等賞卹如例均附祀巡撫常大瀉等專祠○己亥恭移

孝和睿皇后梓宮安奉

昌西陵饗殿遣惠親王綿愉詣

仁宗睿皇帝

孝淑睿皇后神牌前恭代行禮○

上詣

雍和宮行禮○遣官祭

歷代帝王廟○諭內閣向榮奏叅違抗軍令之將官請先行斥革一摺湖南九溪營遊擊儘先副將鄭魁士帶領兵船隨同剿賊經該大臣持令往催竟不遵行自應立正軍法據向榮奏稱該員平素尚屬勇往為將備中得力之員著暫從寬典先行革職責令戴罪立功作為前隊以觀後效如再稍有玩誤即於軍前正法此後軍營帶兵將弁儻有仍蹈疲

玩畏憚惡習不遵調度貽誤軍機者該大臣等於查明後如係提鎮大員即奏聞請旨正法其副將以下各官即著一面正法一面奏聞毋庸先行請旨以肅軍律統兵大臣信賞必罰總以功罪為衡小者微疵尚可論功相抵若至貽誤事機則是自干憲典雖從前著有微勞亦不能稍從未減朕於統兵大臣議功議罪亦即准此為斷該大臣等所統者朕之將士所執者即朕之法律當此因循日甚

豈容再存希恩遠怨之心著琦善向榮陳金綬各將此旨宣諭在營大小員弁以期同心勦力迅掃妖氛懾之勉之○又諭前有旨命江西安徽江蘇各督撫查明沿江一帶被兵處所奏請蠲緩撫恤現據向榮奏稱安徽沿江各州縣經賊蹂躪居民糧食盡被擄掠顛沛流離深堪憫惻現在李嘉端尚未到任著呂賢基周天爵先行督飭署藩司奎綬臬司張印塘派委賢員迅速分赴各屬勞來安集

並飭將鄰近未經被擾各州縣倉穀趕緊碾運協濟。或於經徵漕米內酌量留撥分別散賑平糶。務須諄飭委員實心經理。俾吾民於兵燹之餘得資餬口。毋致仳離失所。並著各地方官嚴密稽查。勿令災黎輾轉流徙為土匪勾結別滋事端。又諭怡良王懿德奏陳閩省緝匪情形懇恩寬免失察處分一摺。匪犯糾結滋擾亟應嚴拏懲辦。惟地方官失察處分綦重。往往因一犯經歷數縣一縣牽連

數官。慮被輾轉糾參累及通省。並有自經訪獲復因另犯潛住數日不能免議。以致上司各官相率迴護。養癰貽患。所奏自係實在情形。此時查辦匪犯正當喫緊之際。若非破其痼疾。斷難專以責成。著王懿德即行嚴飭所屬文武各員認真查拏。一有匪徒結會惑眾斂錢傳習滋事。如能隨時覺察立即掩捕破案。並將傳染之犯悉數擒拏懲辦。或將外來奸細偵探弋獲。俾免勾結均准將該地方官

應得失察處分悉予寬免。四川懲辦匪徒有

就地正法之案。閩省山海錯處奸匪易滋。即

可仿照辦理以儆兇頑。儻地方官仍有縱匪

不辦或諱飾消弭者該督撫即行據實嚴參

不得巧為開脫轉滋流弊。又諭黃宗漢奏

接據倪良燿鈔送奏摺與現辦海運情形不

符據實參奏等語。前據倪良燿奏稱浙省海

運米石起運赴滬者僅六萬餘石。茲據黃宗

漢奏浙米赴滬已有三十餘萬石。覽奏殊堪

詫異。此次江浙兩省海運特旨派倪良燿總司其事。何以於浙米剝運確數奏報含混顯係任聽屬員誑稟。以為本省辦理不善地步。倪良燿著交部先行嚴加議處。仍責令將浙省赴滬米石並蘇省起運未完米石一律趕緊催辦。儻有貽誤朕惟倪良燿是問。諭軍機大臣等前據倪良燿奏海運漕米遲滯聲明浙米據報到滬者僅止六萬餘石。其實在上船者尚無確數。江省四府一州屬起運到

漕米數僅止十六萬七千餘石當經降旨諭令該司一律嚴催本日據黃宗漢奏浙米起運赴滬已有三十餘萬石內十二萬餘石頭批兌給商船白糧亦全數裝兌於二月初四日船至吳淞口候風等語覽奏曷勝詫異倪良燿此次辦理海運實屬遲延前奏勒限嚴催朕已覺其為辦理不善卸責地步降旨嚴飭茲據黃宗漢奏倪良燿係特派總辦江浙兩省海運之員何至於浙米起運確數含糊奏報且據稱倪良燿有先送眷屬搬移杭州之事大員舉動如此何怪民心惶惑值此軍務緊急若再貽誤海運將何以對朕耶本日已明降諭旨將倪良燿嚴加議處仍著將江浙應行海運米石一體嚴催趕緊放洋開行陸續北上僅再觀望遷延專顧私事以致有誤正供雖欲藉詞卸責斷難逃朕洞鑒必將倪良燿從重治罪決不寬貸將此由六百里諭令知之○又諭向榮奏駛至蕪湖籌辦

情形一摺江甯失守疊經降旨令該大臣等督兵於南岸進剿北岸嚴防向榮於十五日即抵蕪湖距江甯不遠何以十七日奏報尚不知江省失守之事豈沿江一帶毫無偵探耶殊不可解據稱蕪湖城內賊匪逃竄派兵由陸路馳赴金陵現已救援不及令人憤恨祇可於水陸扼要處所相為犄角以圖克復尤須將水面賊船浮橋先行設法燒毀若南岸之兵離省遠創營盤北岸之兵又復遠離各江口要隘任賊從容布置為負隅久拒之計或聽其南北分竄安用該大臣等督兵赴援為耶江甯省城及太平池州等府文武官員下落著即查明具奏將此由六百里各諭令知之○又諭前有旨令怡良馳驛前赴兩江總督新任並催前調之福建兵二千名迅赴江南此項官兵早經飭調此時想已陸續啟程惟必俟各營調齊統帶前進恐需時日現在江南防剿喫緊一切軍務急需調度著

該督即行兼程赴任。一面催提各營官兵。隨後趲行。不可稍涉拘泥。將此由六百里諭令知之。○又諭前有旨。令慧成於陝西省現在調赴防所官兵內。酌帶數千名。馳赴江北淮揚一帶。會同楊殿邦。楊以增。扼要防勦。惟兵數既多。若俟該署督自行帶往。未免有需時日。現值江防喫緊之際。一切調度需人。著該署督接奉前旨。星速兼程前進。一面飭催各官兵隨後趲行。勿致稍有遲誤。將此由六百里諭令知之。○蘇州織造瑞長奏。陳關稅虧短。請儘徵儘解。得旨。自應如此辦理。○浙江巡撫黃宗漢奏。陳撥兵赴江蘇。並防堵浙省情形。得旨。甚妥。現今軍務。汝若有見到之處。即行具奏。不必分彼此之見。○以福建巡撫王懿德兼署閩浙總督。○以福州副都統東

純暫署福州將軍。○庚子以

孝和睿皇后梓宮奉安

昌西陵遣惠親王綿愉恭代行遷奠禮。○諭內

閣前有旨。諭將湖北武昌漢陽兩城殉難各員道府以上之子孫帶領引見。因思軍興以來。各省帶兵提鎮大員。或臨陣捐軀。或守城殉難。均宜賞延後嗣。以慰忠魂。除先行降旨。准將子孫帶領引見各員外。其餘陣亡殉難總兵以上大員之子孫。均著俟百日服滿及服闋後。由該旗該部帶領引見。候朕施恩。○諭軍機大臣等。寄諭盛京將軍奕興。有人奏請籌糧石以實倉儲等語。據稱奉天所屬地

產糧石向來商販由口外運至瀋陽者甚夥。自應招徠商賈。設法收買。惟經費現當支絀之時。或將開採漫斤。暫行停減一年。即以此項船規。燒鍋津貼銀兩。購買各項糧石。運送天津之處。著該將軍體察情形。妥籌辦理。將此由四百里諭令知之。○又諭有人奏畿輔重地宜嚴防土匪搶劫。若直隸山東河南交界要隘。並四路廳汛。添派員弁兵丁認真查拏。可杜江北匪徒亦可絕江南奸細等語。畿

輔保衛不可不嚴著順天府尹嚴飭四路廳汎添派員弁兵役實力巡查儻有不法匪徒形跡可疑之人立即嚴拏究辦毋稍疏懈原摺著鈔給閱看將此諭令知之○又諭周天爵奏請另簡統帥並自請為副併力進剿具見忠悃惟統兵大員一時實難其選且該侍郎在皖日久素為士民所信服現在廬鳳等處土匪蠭起若帶兵遠離該匪等必至肆行無忌萬一粵匪潛行勾結為害更鉅所有

勦除各郡縣土匪著即責成該侍郎專辦總期悉數殲除使地方一律肅清方為不負委任至團練兵勇呂賢基現已抵皖著即督同袁甲三趙昫及公正紳士妥為籌辦該員等為人望所推眾擎易舉果能練成勁旅不惟保衛鄉閭且可為勦滅土匪之助袁甲三趙昫該二員何人辦理合機著隨時奏聞安徽巡撫李嘉端不日即可抵任所有招集安撫各事宜責無旁貸惟立政以用人為先當此

瘡痍未復非得賢有司實心經理何以解懸救溺民慶更生朕聞廬鳳一帶府縣各官貪鄙者多清正者少該撫抵任後著即嚴行甄別其昏庸不職及貪劣各員訪聞得實從重叅劾庶不失察吏安民之至意本日御史王茂蔭奏擒匪四起請速勦除各摺片所奏均不為無見據稱桐城練潭鎮賊匪有馬千餘匹其志似將北竄宜及早殲除著周天爵等密速查拏毋令滋擾又稱九江失守後壽春

營都司海陞先行逃避兵亦隨散守備左德暎先搬家屬出城並私派兵丁護送置城池於不顧著李嘉端查明嚴辦毋稍徇隱原摺片均著摘鈔寄閱李嘉端前請飭鈔關涉安徽諭旨摺件除將蔣文慶摺件並應錄諭旨諭令軍機處檢鈔再寄外所有呂賢基周天爵前奏摺件並所奉諭旨均著照錄移咨李嘉端一體遵辦將此由六百里各諭令知之○又諭訥爾經額奏遵旨籌防一摺其防堵

事宜已據該鎮道等議定章程辦理尚屬周妥。惟江甯現已失守各屬隘口防範尤宜嚴密。訥爾經額居中調度藉可鎮定人心不必即行出省。所有在省之司道大員如有可以差委者酌量派委。若以省垣為重不派亦可。所有界連黃河及與豫東接壤各隘口著即嚴飭派出之鎮將大員分帶弁兵會同各地方官實力巡防。儻有土匪竊發奸細瀝跡立即嚴拏務獲切不可稍有疏懈。其所稱江南山東所轄黃河地面及淮北一帶關係緊要已屢諭各該督撫嚴密籌辦該督仍當隨時照會與鄰省呼吸相通聲勢聯絡則查辦更為嚴密。奸匪自無隙可乘矣。本日有人奏畿輔重地宜嚴防土匪搶劫若於豫東交界要隘並四路廳汛添派員弁兵丁認真查拏不特可杜江北匪徒亦可絕江南奸細著該督體察情形妥為辦理另片奏直隸廣平府屬之威縣順德府屬之鉅鹿及保定府屬之安

肅縣安家莊地方多有習教匪徒著即飭各該地方官嚴密查拏切勿稍涉張皇以致別滋事端原摺均著鈔給閱看將此諭令知之。又諭昨據陸應穀奏盤獲奸匪究出夥黨並開單呈覽一摺已密飭步軍統領順天府五城一體嚴拏矣。惟該匪王合元雖供蘇姓等三人潛至京師難保非詭計為之開脫或仍潛赴河南亦未可定並恐豫省不止蔡五元王合元等數人仍著該撫嚴飭所屬偵訪密拏隨時懲辦將此由六百里諭令知之。又諭上年逆匪自粵竄楚所過郡縣望風潰破地方文武除蒲圻縣知縣周和祥外從未聞一人嬰城固守以待援兵而軍營帶兵及防堵各員亦皆聞警先遁赴援不前以致岳州武昌相繼失守此等庸懦畏葸之員若不早正刑章何以肅軍律而厭民志該督撫等於疊奉嚴旨竟敢置之度外延不覆奏如劉長清余萬清等罪名早已審訊定擬朕所以

令其解交刑部者原欲使供情確鑿共見共聞並非謂情有可原姑緩其死俾得從容就道也岳州棄城逃避之博勒恭武罪無可逭特因其有墜馬受傷一語若不詳查罪狀亦未能昭著是以諭令查辦乃逃回武昌之後直至城陷查無下落該督撫等到省已將市月事事皆能經理豈獨於此一人竟至無從查考耶阿克東阿業已奉旨斬決至今亦未遵旨具奏尤出情理之外似此瞻徇玩延是

直欲聽若輩隱匿病故然後援照廉昌胡方穀之例以業經身故一奏了事在朕則法無可加而該督撫等則自詡陰功盛德是何政體是何居心賊匪初竄湖南地方文武猶有一二畏法者以力竭自解迨至郴州道州連次潰陷大吏從不查叅即至避匿逃回亦無一言論及以至效尤接踵習為故常該督撫等當賊匪在境之時或可藉詞無從訪聞今賊去已遠被兵州縣中有收復已經半載者

何至毫無覺察任聽此等庸員逍遙事外朕不知該督撫等何顏對此兵燹遺黎也著張亮基駱秉章潘鐸於接奉此旨後勒限半月將業經奉旨解部及斬決各犯迅速遵辦其失事地方未經入奏之文武官吏並軍營將弁一律嚴查定擬罪名具奏如再遲延遺漏朕必將該督撫等重懲不貸懍之將此由六百里各諭令知之○又諭寄諭兩江總督怡良江蘇巡撫楊文定安徽巡撫李嘉端江西巡撫張芾逆匪自竄出武昌以後擾及江西安徽江南連陷城池各該地方文武員弁除守城殉難各員外均有應得之罪所有江西九江所屬地方及安徽省沿江各府州縣並江南省被賊處所著該督撫查明該文武各員有棄城先逃臨敵退避者即行革職拏問按律定擬罪名迅速具奏毋得稍有瞻徇遲延致干重咎將此由六百里各諭令知之○又諭據陸應穀奏盤獲奸細究出夥黨潛赴

京師開單呈覽一摺。該犯等膽敢聽從偽令。潛至京城白雲觀掛單探聽消息。不法已極。並恐所指地名。或有不確。其潛匿京城者。亦恐不止此數人。著步軍統領衙門。順天府五城。按照單開各年貌服飾。嚴密迅速查拏。務獲。並將似此形跡可疑之匪。一併偵訪擒獲。究辦。毋得稍有洩漏。致令遠颺。原單鈔給閱看。將此各諭令知之。○江南河道總督楊以增奏。遵籌防堵情形。得旨。所練兵一千餘名。

能否得力。著隨時具奏。○以車臣汗部落之副將軍汗阿爾他什達為烏里雅蘇台參贊大臣。○命散秩大臣廣林往奠故扎薩克親王車林多爾濟茶酒。予祭葬。並賞銀一千兩。○辛丑。

孝昭仁皇后忌辰遣官祭

景陵○

孝和睿皇后梓宮奉安

昌西陵命大學士裕誠協辦大學士賈楨恭題

神主惠親王綿愉恭捧

神牌安奉

隆恩殿恭代行虞祭禮○以大葬禮成遣官告

祭

泰陵

泰東陵

昌陵

慕陵並

后土

永宣山之神○諭內閣給事中雷維翰奏。閩浙江西交界處所。請飭查緝一摺。福建浙江江西等省交界地方。有銅塘山久經封禁。並設立塘汛。撥兵巡查防守。立法本極周密。第恐奉行日久。地方官視為具文。春秋巡緝。輒以一報了事。該處界連三省。地多險阻。奸匪易滋。著福建浙江江西各督撫。嚴飭各地方員弁。認真巡查會緝。儻有匪徒竄匿。務須不分畛域。隨時嚴拏懲辦。以清盜源。○諭軍機

大臣等有鳳邑彥岱黃宗漢馳奏籌備防勦並調福州乍浦官兵各摺片逆匪竄踞江甯若由水路分擾則浙江之嘉興湖州處處堪虞有鳳昨已有旨調任福州將軍現在浙省防勦喫緊著暫留浙江與該撫籌辦防勦黃宗漢擬赴蘇浙交界擇要守禦遏其入浙之路自應如此辦理所謂福州駐防兵六百名乍浦駐防兵四百名著即飛催來浙以助防守前調福建兵二千名刻下想已啟程著一

併迅催趕到亦可為江浙兩省聲援葉紹春足疾諒已痊愈並著會同籌辦省城防勦事宜該將軍巡撫等務當悉心籌畫竭力嚴防安撫居民稽查奸細是為至要將此由六百里各諭令知之○又諭逆匪竄入江甯省城鎮江蘇州等屬俱已震動浙省與蘇省水陸毗連情形極為喫緊向榮現已渡江如攻擊得力自可遏賊東竄陳金綬由浦口直趨儀徵徑赴瓜州現在能否渡江與向榮併力攻

勦若能用船礮轟擊斷賊浮橋燬其輜重並分扼要隘杜賊南北分竄之路則蘇常嘉湖一帶猶可不致擾害琦善駐劄江北統籌全局相機策應務當嚴密布置毋稍延誤將此由六百里各諭令知之○又諭李德奏辦理團練事宜請派在籍大員以資董率一摺已明降諭旨准令該紳士等會同辦理矣現在江甯失守東省接壤江南水陸通衢防堵尤為喫緊必須團練壯勇以濟兵力之未逮該

撫業經遴委滕縣知縣黃良楷蘭山縣知縣張應翔曹縣知縣姚景崇分府總辦並飭兗沂曹濟道厲恩官候補道劉慶凱就近稽查所辦尚屬妥協著即責成該道暨該縣等會同紳士各就地方情形認真辦理務使官紳聯為一氣眾志成城杜外匪之窺伺絕土匪之竊發方足以收實效而固人心將此由四百里諭令知之○命在籍前任工部侍郎車克慎等督辦山東團練事宜○以山東郯城

縣辦團緝匪出力。賞監生謝慶昇六品頂帶。

○壬寅清明節

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵○遣恭親王奕訢恭詣

慕陵代行敷土禮暨大饗禮○遣官祭

孝德皇后殯宮○遣官祭

端慧皇太子園寢○諭內閣前有旨派左都

御史花沙納陝西道御史王茂蔭會同戶部

堂官妥議鈔法奏明辦理茲據花沙納等公

同酌議具奏並繪具官票式樣進呈朕詳加

披覽所擬章程各條尚屬周密著即照所請

定為官票名目先於京師行用俟流通漸廣

再行頒發各省一律遵辦官票之行與銀錢

並重部庫出入收放相均其民間銀錢私票

行用仍聽其便商賈交易亦無抑勒洵為裕

國便民良法總期上下相信歷久無弊即使

國用充裕官票照舊通行該部即遵旨刊刻

告示並著步軍統領衙門順天府五城一體

出示曉諭遵行○又諭載銓奏請申明會議

舊章一摺國家有大政事特交會議諸王大

臣等自應公同會集虛衷商榷討論精詳方

於政事有益嘉慶年間曾奉

諭旨其有特交會議事件凡與議之王大臣俱

限一二日齊集公所。當面公同商辦。不准令司員章京往來傳稟。互相推卸。如有不到者。即著到班之王大臣指名奏參。到班之後。在官言官。毋許泛論別事。煌煌

聖訓。各宜懍遵。若如載銓所奏。近年以來。凡遇會議事件。或託故不到。或推諉不言。或且藉端閒談。置公事於不問。其首先發言之人。或目為擅專。或笑其浮躁。甚至遇有交議。並不會集。一任主稿衙門。委之司員書吏。分送片

稿。各衙門堂官。隨同畫諾。或明知未協。而不肯言。或依違將就。而退有後言。似此因循。委卸。相習成風。又何用會議為耶。嗣後諸王大臣等。如遇特旨會議事件。務須遵照舊章。公同面商。虛心籌酌。迅速定議具奏。毋得推諉耽延。仍蹈積習。用副朕集思廣益之至意。此旨。著各衙門恭錄懸挂。俾觸目警心。遵守無忽。○諭軍機大臣等。據陳金綬勝保奏。行抵江浦。籌剿賊匪一摺。另片奏接奉廷寄。仍防

北岸等語。前因逆匪竄入江甯。屢經諭令該大臣等。公同合力進剿。原期酌量緩急。相機籌辦。並非專以防守北岸為要。於江南攻剿事宜。置為緩圖也。軍旅之事。變幻靡定。若藉口遵旨。株守江北。任賊從容布置。不但蘇常一帶蹂躪堪虞。萬一渡江北竄。其能當此兇鋒。不令闖入否。陳金綬係幫辦大員。且久歷戎行。何以漫無定見。著與勝保迅速籌商。先將浦口賊匪剋日殲除。即渡江救援江甯。亟圖克復。其江面賊船浮橋。務當設法。先為燒毀。使賊不能北渡。得以併力進攻。又據勝保奏。調信陽兵移劄六安廬州等處。為北岸後路接應。並就近添調弁兵。在清江浦一帶扼要駐劄。為揚州聲援。將襄陽守兵。進移湖北漢黃等處。以備調赴下游。堵賊上竄等語。所奏不為無見。本日已諭令羅繞典張亮基駱秉章陸應穀等。各將該處防兵。除酌留外。餘俱豫備調撥矣。勝保現已補授內閣學士。幫

辦軍務。責無旁貸。著與琦善陳金綬同心勦力。迅掃賊氛。並隨時酌量。無論江南江北。何處緊急。即便宜辦。毋得拘泥候旨。致誤事機。陳金綬等現帶兵丁僅四千名。實屬單弱。所有吉林黑龍江馬隊計已陸續趕到。琦善所帶各路精兵。刻下亦斷無不到之理。著即分撥三四十名。交陳金綬等大營聽候調遣。並著陳金綬勝保飛速催提。毋任延誤。總之江北地面。延袤數省。防不勝防。若不激勵將士。設法進剿。不但糜餉勞師。轉恐賊焰益熾。該大臣等膺茲重任。務當妥籌全局。與向榮隨時知照。合力進剿。毋再觀望遷延。任賊紛竄。致干重罪。勝保摺片。均留中。將此由六百里加緊各諭令知之。○又諭勝保奏亟籌大局。宜速飭信陽兵移劄六安廬州等處。為北岸後路接應。更宜就近添調弁兵。在清江浦一帶扼要駐劄。為揚州聲援。並將襄陽駐守之兵。進移湖北漢陽等處。以備調赴下游堵

賊上竄各等語。所奏不為無見。軍情變幻。原難逆料。必期有備無患。頻年軍務。總誤於緩不濟急。以致逆匪。鴟張殊堪痛恨。著羅繞典張亮基駱秉章陸應穀。按照勝保所陳。酌留防兵外。將可以調撥之兵。移遠就近一遇徵調。即令星速馳往。庶緩急有資。剿辦可期。得力。將此由六百里各諭令知之。○署湖廣總督張亮基奏報。剿辦湖南土匪情形。得旨。湖南土匪滋擾。著激勵團練。速行剿辦。毋使蔓延。○擢候補四品京堂勝保為內閣學士。兼禮部侍郎銜。命幫辦江北軍務。○以翰林院侍講崇實充日講起居注官。○以獲盜多名。予河南知府李樹穀遇缺儘先補用。○上以李和睿皇后升祔太廟。自是日始齋戒三日。○癸卯諭內閣。禁門重地理宜嚴肅。疊經降旨。諭令該管大臣。飭令值班官兵嚴密稽查。毋許閒雜人等擅自

出入。原以肅宮禁而嚴守衛。本日據步軍統領衙門奏。拏獲形跡可疑之馮廷樞一犯。膽敢擅進闕門。私往刑科寄宿。並有竊取印冊印封情事。如果該管大臣等認真稽察。何至禁門以內。任聽閒雜人等肆意出入。且前經惠親王等陳奏。門禁宜嚴。降旨甫逾數日。即有此形跡可疑人犯。擅入禁門。可見該管官兵奉行故事。習以為常。雖屢奉諄諭。亦視稽察為具文。殊堪痛恨。所有失察之該管大臣等。及六科值宿之給事中。著各該衙門一併查明叅奏。此後務當懍遵前旨。實力稽察。儻再漫不經心。致有無故闖入禁門之人。朕必將該管大臣等。從重懲處。不貸懍之。○諭軍機大臣等。向榮奏。救援金陵遲誤。請從重治罪。復據許乃釗奏。請暫緩易將。責令戴罪立功。各一摺。前以安慶失守。疊經降旨。令向榮督兵馳赴江甯應援。乃該大臣行抵九江。住閱旬日。據正月二十九日。張芾奏報。已雇船

四百餘隻。又備糧船一百餘隻。並籌備糧餉。催令啟程。而該大臣於本月十五日始抵蕪湖。其遲誤之罪。與琦善之不能赴援安慶。無異。即將該大臣等按律懲辦。明正典刑。亦屬咎由自取。惟念一時簡用乏人。且臨敵易將。兵家所忌。向榮著即責令戴罪圖功。以觀後效。據稱該逆於城外多掘陷坑。密布竹籤。並築土城。劄營數處。總由援兵遲緩。致賊得以堅壁自守。其東路雄黃鎮一帶。既經查明。地勢寬敞。進攻較易。兼可扼賊竄擾蘇常之路。現已馳往劄營。著即相機妥為布置。軍情旦夕變遷。原難遙制。但以目前事勢而論。總當燬賊浮橋。燒賊船隻。使江面先就肅清。賊匪無從北竄。方可專意進攻。前調湖南船礮。並吳健彰所雇廣艇。諒可陸續到齊。著即定期知會。水陸並進。並隨時知照琦善。陳金綬等。或於後路策應。或於北岸嚴防。總期合力進剿。俾賊進退失據。方能制勝。該大臣已邀寬

典感激之餘必更思奮諒能殫竭血誠天滅此賊以副朕望也另片奏祥厚關防恐為賊得該大臣關防另鑄四字以辨真偽自應如此辦理除已知會琦善外所有各督撫及軍營各糧臺即著向榮迅速咨行以防偽冒將此由六百里加緊諭令知之○湖北布政使岳興阿奏謝恩請覲得旨著毋庸前來速赴新任目下楚省緊要猶循例請陛見殊屬不曉事體○命前任江南河道總督潘錫恩赴

平定大六下

五元

安徽太平府一帶辦理捐輸團練事務○甲辰諭內閣前據惠親王等奏請添兵剿賊並親王銜定郡王載銓復奏酌派精兵各摺先後交大學士軍機大臣九卿會同戶部議奏茲據合詞覆奏所議各條均屬周妥現在欽差大臣向榮統帶各路大兵並續到之陝甘兵咨調之雲南貴州湖北等省官兵欽差大臣琦善幫辦軍務陳金綬勝保等統帶京火器營及吉林黑龍江馬隊並西安等處駐防

直隸山東山西陝甘各處官兵分路攻剿怡良慧成復帶福建陝甘精兵星馳會合南北兩路併力進攻蠢爾么膺諒不難剋期掃蕩惟東南數省蒼生疊遭荼毒朕每一念及寢饋難安仍宜厚集勁兵迅珍羣醜著將現在桐城之山東兵先令趕赴楊殿邦楊以增軍營交其管帶其由襄陽撤回之直隸大名宜昌陝甘湖廣雲南各標鎮兵均令趕赴江北琦善陳金綬軍營由該大臣等擇要調劑以為兩岸攻剿之助仍著琦善等體察兵力如須酌添即由舒興阿調赴商州防兵內再行咨調以資策應以上各路重兵核計程途均距江皖甚近不難迅速到營並著西安甯夏綏遠城各將軍將諭調各處駐防官兵均即選派得力營員迅速管帶啟程交慧成調遣前此豫備候調之吉林黑龍江各官兵著該將軍等亦即派員分起管帶由京前進至所請調察哈爾馬隊官兵歸化城土默特馬隊

平定大六下

四一

官兵蒙古馬隊官兵及察哈爾馬匹著各該將軍並東三盟蒙古王等一併豫備奏明候旨遵行其餘籌備軍餉各款均著照所議辦理○諭軍機大臣等本日據大學士軍機大臣九卿會議惠親王等請添重兵剿賊一摺已明降諭旨照議辦理矣琦善等先後調撥官兵已有一萬餘名此項添調之兵或先已檄調或現在各處分防應如何調撥備用其會奏摺內兵數與現在軍營各處兵數或有

等語

三

參差之處均著酌量辦理不可拘泥牽就致令延誤現在防剿萬分喫緊斷不可因奉有添兵諭旨又復姑待也江甯失守祥厚關防恐為賊得或致假冒文書不可不防該大臣關防應如何酌加圖記以別真偽著於行文時慎重辦理並知照各省督撫可也將此由六百里各諭令知之○又諭現在江北防堵緊要所有前此調往江南之山東官兵據琦善奏稱現存桐城尚有二千餘名著楊以增

等語

三

楊殿邦迅即飛調以供防守若此項官兵復經他處調派或不敷二千之數即著該漕督等飛咨欽差大臣軍營酌量調度勿得拘泥原奏致誤事機將此由六百里各諭令知之○又諭前有旨令恩華英隆於吉林黑龍江各選精兵二千候旨調遣著該將軍等即遴派妥員管帶各官兵備帶軍裝器械迅速來京毋得遲誤將此由五百里各諭令知之○又諭前有旨令慧成酌帶陝甘現派防兵數千名馳赴淮揚一帶防剿復經諭令兼程前進毋庸待兵齊集以免稽遲本日據大學士軍機大臣九卿會議惠親王等奏請添重兵剿賊一摺聲稱添調西安駐防兵一千名甯夏綏遠城駐防兵各五百名請飭各該將軍派員管帶迅速啟程前赴淮揚一帶交慧成調遣該署督即遵旨催調以備防剿之用將此由五百里諭令知之○又諭昨據向榮奏祥厚所領關防恐有遺失該大臣將現用關

防內右邊另加小印一方。鑄誓滅此賊四字。除已由該軍營知會琦善並諭令向榮迅速咨行各督撫及軍營各糧臺以辨真偽。因思廣東前辦夷務並頒給欽差大臣關防一顆其篆文式樣與現在軍營所用無異。自應一體慎重。宜如何斟酌區別之處。著葉名琛速擬具奏。並知會琦善向榮查照以杜偽冒。將此由五百里諭令知之。尋奏道光二十四年頒給欽差大臣關防與現在軍營所用無異。

實錄卷八十六

四三

亟應斟酌區別。正在籌辦。適由兵部遞到新鑄欽差大臣關防一顆。當即祇領開用。分別知照報聞。○盛京刑部侍郎書元奏報到任日期得旨。諸事不可自存私見。惟和平居心。方可行得。毋忘朕諭。○蠲免奉天金復承德岫巖西廳州縣被水災區。上年額賦有差。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十六

實錄卷八十六

四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十七

駐修德藏宮經日講起居注官太子太保上書房總師傅人副領事翰林院掌書士徐承欽奏上諭事件處國大館何處官武臣

大學士掌理兵部事務加十三級紀錄十四次臣曾隨掌本總管經筵講官太子太傅文蔚開列閣事表奏殿總管官報効臣占士曾仁

大梁士管理戶部三庫事務管埋刑部事務加二十三級紀錄十六次臣周培題奏官太子少保管埋內繕書房事務外引大臣求職不注

鎮鎮標爲州都統戶部尚書管理三學官格加四級隨下加五級紀錄十二人臣等竊念樞密官經筵講官弘德殿庶習詩文詞章上考月餘始

建國史館總纂官正藍旗蒙古都統禮部尚書管理太常寺鴻臚寺事務加二級重功加四級隨帶加八級紀錄五次注倭什琛布等奉

較修

咸豐三年癸丑三月乙巳朔祭

寶錄卷八十七

先蠶之神

皇后親詣行禮。○諭內閣。揚殿邦馳奏。揚州失守。自請治罪一摺。覽奏。憤恨之極。逆匪連檣東竄。屢次諭令琦善。陳金綬。督兵前進。嚴防江北。並分兵兼顧儀徵。瓜州一帶。琦善。陳金綬等。如果迅速應援。猶可扼要堵禦。何至賊匪竄入揚郡。陳金綬著即摘去頂帶。戴罪圖功。琦善前已革去都統銜。此時若加重懲。轉得置身事外。著該大臣等。迅督大兵。前往督

寶鏡卷八十七

勦若再延誤自問當得何罪楊殿邦著革職留任仍令會同楊以增極力防守毋得再失機宜致干重罪○諭軍機大臣等有人奏山東兗沂曹各屬搶匪潛匿微山湖內有土匪姓皇甫聚集千餘人日事劫掠請飭迅速緝捕等語前因山東曹縣單縣匪犯與江蘇豐縣匪徒皇甫棠勾結為患當諭令該撫等嚴密查拏現在江南逆氛未靖此種土匪若不及早翦除恐影黨勾串貽害更甚著李德仍遵前旨派委幹員選帶兵役偵明該犯潛匿處所不動聲色密加掩捕並將夥黨要犯悉數拏獲仍應知照漕河各督一體飭屬嚴拏懲辦該省與江南徐州地方接壤黃河南北兩岸情形均為緊要疊經諭令嚴防該撫務當不分畛域查拏奸細勦辦土匪以靖地方將此由五百里加緊諭令知之○又諭寄諭山東巡撫李德現在賊匪竄入揚郡山東與江南交界地方必須嚴為堵禦東路各省營

兵如有可調。務即調赴徐州接壤之處。督飭鎮將密為防堵。沿河兩岸。前經疊次諭令該撫設法巡防。想已布置周密。仍隨時偵探。與楊以增等聲勢聯絡。毋令賊匪北竄。將此由六百里加緊諭令知之。○又諭。本日據楊殿邦馳奏揚州失守。覽奏曷勝憤懣。前經疊次諭令琦善、陳金綬等嚴防江北。杜賊奔竄。如果該大臣等迅速進兵。相機防剿。何至貽誤至此。揚州失守。則淮徐一帶。在在堪虞。著琦

清錄卷八十一

三

善、陳金綬、勝保。即統帶大兵。會同楊殿邦。楊以增。探明何路緊急。即由何路進攻。其黑龍江、吉林、馬隊官兵。諒已行抵江北一帶。著即飛催進援。以遏賊鋒。軍情變幻靡常。該大臣等務須相機應變。力遏賊匪北竄之路。萬勿再有延誤。致干重罪。將此由六百里加緊各諭令知之。○又諭。楊殿邦馳奏揚州失守。一摺。所稱啟放各炮壩。洩盡淮水。使賊舟滯行。不能上竄。只可如此辦理。若賊至高寶。或竟

決洪湖。使水下注。俾全股淹沒等情。事至危急。或可相機應變。但恐賊匪未能全股淹沒。而吾民又遭昏墊之苦。朕心益增憫惻。該督等斟酌行之。不必拘泥。陳金綬所帶之兵。在琦善前路。應由何路進援。並著知照飛催所募水手鄉勇。即交前任淮安府知府福楙管帶。以資堵禦。將此由六百里加緊各諭令知之。○以翰林院侍講學士宋晉為光祿寺卿。

○丙午

清錄卷八十一

四

上御朝服詣

太廟街門外恭俟。

孝和睿皇后神牌黃輿至。

上跪迎至甌城門外詣

黃輿前行禮。親捧

神牌入

太廟代行謁

列聖

列后禮。乃恭奉於

仁宗睿皇帝之右行升祔禮禮成詣

奉先殿奉安

孝和睿皇后神牌於後殿行禮如朔望大祭儀

○詣

壽康宮問

皇貴太妃安○諭軍機大臣等陸應穀奏請添

調重兵一摺逆匪於二月二十三日攻陷揚

州狡猾已極該撫所陳軍營以前貽誤及現

在籌備各情形不為無見山東與江蘇毗連

計錄卷八十七

五

最形喫重現已調遣重兵扼要駐劄至河南

與安徽接壤亦應一體嚴防遏賊由滁州分

竄之路所有前次調赴信陽及南陽等處防

兵著該撫即酌量調赴豫皖交界地方嚴密

堵禦並隨時查拏奸細緝捕土匪無令涸入

竊發將此由六百里諭令知之○新授兩廣

總督葉名琛奏報謝恩得旨總督統轄兩省

事繁任重兩撫臣俱應和衷徐廣縉在粵東

時視西省之事似非伊應辦汝當深戒之○

命協辦大學士賈禎署翰林院掌院學士以

都察院左都御史朱鳳標署戶部尚書並署

管三庫事○改鑄江蘇華亭縣知縣印信從

巡撫楊文定請也○調山西兵三千名陝甘

兵四千名赴山東勦賊○釋遣戍軍臺已革

副都統德順回旗○丁未以

孝和睿皇后升祔

太廟禮成頒詔天下詔曰朕惟典崇假廟晉承

特重乎明禋念切紹庭萃聚首推乎合食惟

計錄卷八十八

六

慈暉之永被允協貽謀宜殷禮之肇稱虔申孝

享聿稽昔制丕懋洪規欽惟

皇祖妣孝和恭慈康豫安成欽順應天熙聖睿

皇后

健儷乾行

順符坤厚

仁能逮下

敷閭澤於六宮

儉以持身

肅母儀於四表當

皇祖垂裳之日

德贊鴻基迨

皇考御極以還

恩侔燕翼

德音夙著

道洽宮闈

義訓昭垂

陰敷宸掖

清實錄

神怡蘭殿介

純嘏於九如

祐篤椒庭慶承平於萬宇

攬綺春之勝景

日永璇闈豈同樂之

宸歡風諧玉璫

養以天下備

福祺者三十年頌徧寰中晉

懿號者十二字懍繼承於主鬯奏假維新思

愷樂於含飴

恩勤同摯溯

慈範而莫名眷戀奉

上儀而曷罄推崇玉尺書傳往歲曾誦

福壤金精宅秘今茲始奠

神鄉鬱盤龍有鳳之形

山陵在望舉潔秬浮蘭之典俎豆方陳敬昭告

天

地

清實錄

宗廟

社稷於咸豐三年二月二十六日奉安

昌西陵禮成三月初二日升祔

太廟卿雲承掖瞻

聖槩之流輝甘露飛甍兆

慈恩之衍澤既極尊崇之義宜推錫類之仁所

有事宜開列於後一、直隸辦差之地方文武

官員加一級一、內外大小各官除現在品級

從前已得封贈外其升級改任者著照新銜

封贈一滿漢孝子順孫義夫節婦該管官詳加諮訪確具事宜奏聞禮部覈實旌表一貢監生在監肄業者免坐監一月一各省儒學以正貢作恩貢次貢作歲貢一各省養濟院所有鰥寡孤獨及殘疾無告之人有司留心養贍一窮民無力營葬並無親族收殮者地方官擇地多設義冢掩埋無使暴露於戲仰閤宮之肅穆禮備饗

親承大禧之馨香情殷報本克昌厥後涵億載以延洪用康保民合萬邦而鼓舞布告天下咸使聞知○諭內閣惠親王綿愉自道光二十九年冬間奉

旨恭理喪儀三年以來事事無不盡心辦理悉臻允當且謹慎小心並無錯誤追思我皇祖妣在天之靈必能欣慰今大事已畢若與在廷諸臣一律給予加級於人子事親之誼未盡允協朕不忍施此恩王亦不忍受此恩惠親王著勿庸加級賞給朕用龍褂一件藍

色龍袍一件以示殊眷○又諭

皇祖妣孝和睿皇后永遠奉安

地宮大禮告成在事諸臣敬謹襄辦妥協周詳

允宜仰體

慈懷優數閭澤除恭理喪儀之惠親王綿愉另降諭旨豫親王義道工部右侍郎彭蘊章總管內務府大臣基溥另賞加級外所有隨入地宮敬視奉安之恭親王奕訢惇郡王奕誼大學士裕誠均著加一級○又諭前經疊降諭

旨嚴申門禁因思六科每日有給事中一員值宿其各科輪班值宿之筆帖式亦有稽察巡查之責著都察院堂官轉飭該給事中督率值宿之筆帖式於一切閒雜人等加意稽查無稍疏懈儻該給事中及該筆帖式等有曠誤不到者即行指名嚴叅○又諭陳金綬勝保奏進勦浦口大破逆賊一摺據稱於上月二十六日進攻浦口鎮城內外賊匪紛至我兵奮力攻殺並繞出賊前截擊該逆勢不

能支紛紛逃竄。復將逆匪沿江蘆埭焚毀鎮城業已收復等語。江北之兵初次接仗尚為得手。惟逆匪總未大受懲創。現在竄至揚州。著陳金綬、勝保督帶大兵星速赴援。會同楊殿邦、楊以增擇要堵截。若能痛加勦洗出力將弁准其援實保奏。並著琦善督兵迅速接應。毋得稍有遲誤。○又諭周天爵奏勦捕土匪情形一摺。皖省自安慶失守後土匪聞風四起。宿州、懷遠、亳州、蒙城、靈璧等州縣尤多。

著名擒匪聚眾搶劫。經該侍郎遴委文武員弁帶領兵勇分投擒捕。先後斬獲刁生、牛文禮等五百九十八名。北路土匪為之斂跡。其南路各屬聚眾肆擾之案不一而足。現經該侍郎飭令遊擊劉玉豹等分路兜擊。並督率義勇親往廬鳳一帶抄勦。務將著名各犯悉數殲擒。並將定遠之鹽梟合肥之土棍巢湖之匪船全行勦洗。毋留餘孽。以懲兇惡而靖閭閻。○諭軍機大臣等。陳金綬、勝保奏進勦

浦口賊匪獲勝一摺。此次接仗尚為得手。而逆匪總未大受懲創。昨據楊殿邦奏揚州已於二十三日失守。已諭令琦善、陳金綬等趕緊進攻。陳金綬等諒已接奉前旨。著即統帶大兵迅赴揚州。痛加攻勦。使賊匪不敢占踞揚州。庶可杜其北竄之路。現在淮徐一帶萬分喫緊。專待陳金綬等帶兵赴援。切不可再有遲誤。致干重咎。將此由六百里加緊各諭令知之。○又諭呂賢基、周天爵奏探報軍情。

開單呈覽一摺。並請將署總兵仍行守護糧臺等語。據稱賊本不多。其黨與皆係眾脅而來。往往乘間逃回。請布告賞格俾脅從之眾或在賊中殺賊以為內應。或將賊中虛實密報大營。或於臨陣時倒戈向賊。均赦其罪而賞其功等語。前曾疊降諭旨令統兵大員解散脅從懸賞殺賊。此時逆匪攻陷揚州時勢緊急更應防其迫脅良民。勾結滋擾。即著該督撫等剴切宣諭設法招徠。妥為辦理。徐州

為居中扼要之地設立糧臺總兵聶金鋪著
即留於該處於禦賊守餉兩有裨益又據周
天爵奏勦捕土匪情形並酌辦宿州散放口
糧銀兩各摺片安徽北路土匪經該侍郎痛
加懲創稍知斂跡其南路各股土匪現在周
天爵親赴廬鳳一帶抄勦務即督飭各州縣
並遊擊劉玉豹等趕緊擒捕毋令竄過滁州
與揚州儀徵一帶賊匪聯為一氣其與山東
江南毗連各處著隨時知照楊殿邦楊以增
李德一體嚴防以期聲勢聯絡呂賢基即暫
駐宿州以資坐鎮俟周天爵回宿後再赴各
屬巡查團練事宜仍先與各紳耆籌商妥辦
至宿州城垣傾圯周天爵請以所放一月口
糧銀一萬八千兩作為修城濬濠增置敵臺
之費俾四鄉饑民趨赴工作即可以工代賑
並著與李嘉端斟酌妥行其老弱婦女不能
趨工者如何不致向隅之處即著李嘉端妥
速籌辦毋令一夫失所本日據御史陳慶鏞

奏鹽知事張珩國呈遞防河節略等件一本
又信二函所稱有湖南人李廣與揚州紳士
江壽民交接並江壽民前往賊營搞師等情
實屬駭人聽聞其節略內稱自江南至淮揚
黃河兩岸千餘里內可用人才不少聞其姓
名年貌住址以其土著之人守險易於得力
等語此等人氏其平日傲岸於鄉里間必有
地方好事之眾從而附和之當此用兵之時
兩河土匪又多乘間竊發若將單上著名之
人收為我用不無裨益著該侍郎該督撫等
密行訪察如果志在效用其心無他不妨設
法羅致酌量差委揀選知縣臧紆青一員曾
經周天爵保奏現在何處是否在宿遷本籍
辦理團練著周天爵查明差遣委用陳慶鏞
摺並節略信件均著摘鈔閱看將此由六百
里各諭令知之○又諭楊以增奏籌議稽查
河口章程開單呈覽所議各條均屬周妥著
該河督即會商雷以誠晉康並督同臬司查

文經嚴飭在防文武員弁。無分晝夜。實力盤查。並隨時密飭委員。前往抽查。毋任匪徒勾結偷渡。致有疏虞。將此由四百里諭令知之。○又諭。有人奏保定府城北賊匪肆劫唐縣完縣阜平曲陽通州寶坻各地方。或擄掠衣物。或搶掠婦女。或打劫錢鋪。或連劫客商。並有白晝入室姦淫婦女。以致該婦自盡等語。果如所奏。是盜賊紛起。土匪肆行。地方文武形同聾瞶。當此逆氛未靖。畿輔重地。尤宜加意肅清。以杜外匪勾結。著訥爾經額遴派幹員分赴各路。按照所奏逐案查訪。一經得實。即迅速緝獲。從嚴懲辦。毋令一名漏網。儻地方官規避徇隱。即據實參辦。至團練鄉勇。原為保衛閭閻。若按鋪派錢。以致商賈逃避。人心惶惑。是靖亂適所以致亂。更屬不成事體。著該督督率臬司穆清阿嚴飭該地方官。毋得以團練為名。藉詞科派。並曉諭紳耆。妥為經理。毋滋擾累。原奏著鈔給閱看。將此諭令

知之。○又諭。有人奏天津海口上年冬底有形跡可疑之湖廣百數十人口。稱逃難訛索盤費。復有假作乞丐沿街賣唱。俱廣省口音。自稱辦差存有腰牌。西關店內拏獲十數人。俱山東口音。帶有火藥刀槍等物。該縣小巷口竟貼有某日民變紙帖。該府城內外械鬪棍徒會聚之所。名曰鍋伙。時有搶奪訛詐等事。津門重地保障京師。豈可令奸匪潛蹤。棍徒肆劫。至造謠煽惑。尤不可不密訪嚴拏。孫瑞珍慶祺現赴天津督收海運漕米耳目較近。著按照原奏所稱逐案訪查。一有實據。即飭令該地方官迅速查拏。無令一名漏網。儻地方官意存消弭。緝捕不力。即著據實參奏。原片著鈔給閱看。將此諭令知之。○以恭題孝和睿皇后神主。賞大學士裕誠御用袍一件。協辦大學士賈禎太子太保。○以孝和睿皇后奉安禮成。賞總理喪儀王大臣暨禮部工部太常寺內務府堂司各官暨

昌陵值班大小員弁。加級升敘有差。○賞內閣侍讀學士文彩。禮部員外郎齡椿。花翎。○賞守護

昌陵

昌西陵。領催馬甲拜唐阿等。一月錢糧。並恭請昇輦校尉民夫銀。○以恭送

孝和睿皇后神牌還京。賞王公大臣侍衛官員。加級有差。兵丁半月錢糧。暨恭請

黃輿校尉銀。○賞直隸辦差大小員弁一級。兵

一月錢糧。○以廣東龍門協副將吳元猷。為

江南狼山鎮總兵官。○改鑄四川學政關防。

從學政何紹基請也。○以安徽省城被賊竄

陷。已革總兵官王鵬飛正法。按察使張熙宇。

副將賡音泰。遊擊德成。革職逮問。並革參將

錢朝舉職。予殉節從九品高文彬。未入流陶

紹安。外委趙承恩。吳善廣。哨官趙玉龍。祭葬

世職。並附祀巡撫蔣文慶專祠。○戊申。以祈

禱靈應。頒湖南省城

風神廟

御書扁額曰。助順揚仁。

火神廟

御書扁額曰。德威烜赫。○諭內閣。現在記名應

用水師總兵人員。將次用竣。著兩江閩浙兩

廣總督。各於水師副將內。即行遴選。堪勝總

兵者。保奏數員。送部引見。候朕記名。以備簡

用。該督等統轄全省營伍。當此軍務喫緊之

際。需材孔亟。其水師將領。果有涉歷風濤。熟

諳沙綫者。必應保奏。以備干城之選。不得以

無員可保。一奏塞責。○又諭兵部。奏酌議吉

林。黑龍江官兵。分起行走。需用沿途馬匹。查

照成案。備解一摺。均著依議辦理。所有吉林

黑龍江官兵。分起前進之處。著改為間一日

行走。以期迅速。至各該官兵抵營後。需用馬

匹。尤關緊要。著兵部妥速奏明。備用。毋致遲

延。○又諭兵部。奏擬發軍臺各官犯。日久未

據起解等語。向來發遣官犯。於奉旨後。應即

押令啟程。近日各省官犯。往往以交代未清。為詞。任意逗遛。實屬延玩。如江蘇已革知縣秋家丞。朱學海。把總蘇錦堂。廣西已革知縣許鵬。王烈。遊擊吉祥。都司趙如勝。貴州已革護總兵王夢麟。河南已革參將高俊等。經該部疊次咨催。迄今日久。仍未據解部轉發。顯係該管官市恩寬縱。故違定制。著各該督撫等。迅即起解。無得再事遷延。致干重咎。其餘各省擬遣未解各官犯。著該部一併嚴查。催

字樣卷八十七

令迅速起解。如仍違例遲延。即行叅奏。○諭軍機大臣等。琦善奏。移設糧臺等語。據稱。大兵已至江南。所有河南信陽糧臺。應改由歸德。取道徐州。徑赴天長。六合。較為近便。著陸應穀體察情形。應如何籌畫盡善。以期無誤。軍需。即行飛咨。知照琦善。陳金綬等。總期源源接濟。不致梗阻遲延。又據琦善奏。馬隊官兵。尚未到齊。應給錫帳。鉛丸。火藥。馬匹。務即督飭糧臺。趕緊撥運。毋得遲誤。昨據御史陳

慶鏞奏。鹽知事張翊國。呈遞防河節略。內稱。

自河南至淮揚。兩岸千餘里內。可用人才不少。若將軍上著名之人。收為我用。不無裨益。著該撫密行訪察。如果效用得力。其心無他。不妨設法羅致。酌量差委。該御史原摺並節略等件。均著鈔給閱看。將此由六百里諭令知之。○又諭。琦善。陳金綬。勝保。奏。焚燒浦口賊船。會商分起進剿。一摺。據稱。浦口停泊賊船二十餘隻。均為江岸葦草遮擋。經官兵拋擲火彈。該逆紛紛墜水。人船同時燒盡。其西邊江岸。葦草數處。亦用計焚燒。陳金綬。勝保。先行帶兵馳赴六合。儀徵。一帶追剿。琦善。俟官兵趕到。即馳赴援應等語。揚州失守。淮徐一帶。萬分喫緊。該大臣等。統兵嚴防江北。是其專責。現在江浦雖經收復。揚州仍被占踞。淮徐兵力甚單。急盼大兵進攻。遏其北竄。陳金綬。勝保。既先行追剿。著琦善。一面飛催未到官兵。一面督率將弁。前往接應。務將揚州。

收復無令賊匪紛竄淮徐切不可以官兵尚未到齊藉詞再有延誤將此由六百里各諭令知之○又諭現在賊匪攻陷江甯揚州壘飭各路大兵會剿難保該逆被創後不沿江回竄湖北武漢黃各郡雖經收復各要隘防堵仍不可鬆懈據琦善奏該逆不肯輕棄船隻現在江面肆意游奕等語著該署督撫察看沿江地方如道士袱黃石港等險要處所必須設法防守當此無事之時正可安排船廠以備不虞並可為下游調撥攻剿之用仍須挖捕奸細毋令潛伏勾結再湖北巡撫崇綸藩司岳興阿屢經降旨諭令赴任現在行抵何處著張亮基等查明催令迅速到任毋再遲延將此由五百里諭令知之○前任禮部侍郎曾國藩奏嚴禁土匪以靖地方得旨辦理土匪必須從嚴務期根株淨盡○己酉諭內閣朕聞山東江蘇接壤地方饑民沿途乞食十百為羣多係老幼婦女繞路號呼不

可勝數實堪憫惻上年因河南決口山東江蘇被災處所屢經降旨截漕賑濟安輯窮黎本年二月復諭令楊以增楊文定派委賢員分投履勘各就地方情形妥為辦理現在豐工合龍田廬雖已涸復而無業窮民仍如此流離顛沛即籌辦團練或可收集壯丁而老弱婦如終無生理若不急籌撫字為民父母何以為懷著楊以增李德即行設法妥為賑恤並派委道府大員督率州縣會同公正紳耆實心經理以蘇民用而靖地方○又諭禮部侍郎聯順奏申嚴門禁一摺並鈔錄嘉慶年間議定章程各條呈覽著總管內務府大臣前鋒統領護軍統領遵照舊章實力奉行如有應行酌議之處即著悉心妥議具奏至該侍郎另單所擬二條著一併覈議奏明請旨近來禁城之內公所房間聞有容留手藝人等住宿殊屬不成事體著該管衙門嚴行驅逐毋令涸跡以肅門禁○又諭順天府奏

遵旨委勘珠窩山銀礦情形等語。著即飭令委員督率該商等試行開採。如果礦苗旺盛。即行妥議章程。奏明辦理。尋奏委員督飭該商開採。礦苗未旺。無可煎鍊。報聞。○諭軍機大臣等。昨有旨將吳元猷補授江南狼山鎮總兵。因思該員現署廣東瓊州鎮總兵。亦係水師要缺。且署理已經年餘。著葉名琛留心訪察。如果該總兵於瓊州重鎮。人地相宜。即著奏明請旨調補。將此由五百里諭令知之。

○又諭。奕經奏豫籌防備一摺。據稱由江入海。迤北直達奉天之金州。旅順。蓋平。牛莊諸口。每年春夏之交。閩。廣。江。浙。山東直隸各商船載貨販糧。咸集奉天各口。誠恐該逆假扮商賈勾結土匪為患。不可不防。金州。錦州。牛莊。蓋平等處。官兵內有請習船水之人。宜豫為挑選。就地訓練。以備徵調。各等語。逆匪竄踞金陵。復陷揚州。若被追勦入海。則奉天亦應豫防。著奕興及各該副都統將水陸各兵

揀挑精銳認真操演。以備不虞。升任副都統瑞昌於金州情形熟悉。現今有鳳暫留杭城。著奕興斟酌情形。若該升任副都統得力。著奏明暫緩赴新任。並著持以鎮靜。不動聲色。密查奸細。毋任勾串滋擾。將此由五百里諭令知之。○又諭。寄諭大學士直隸總督。詢爾經額逆匪竄至揚州。當經諭令山東巡撫李德泰添兵防勦。直隸界連東省。陸路扼要處所。該督當已密為防範。天津水陸交通。亦須不

動聲色。嚴密布置。並著飭令該管鎮道隨時查緝奸細。毋任涸跡。既不可驚擾居民。亦不可稍存大意。將此諭令知之。○又諭。奕經奏豫籌防備一摺。據稱黃河南北口岸極多。如有警報。迅將各口岸官渡及商販各船調泊北岸等語。現在賊踞揚州。山東地方更形喫重。該撫務當嚴飭地方各官及沿河文武實力巡查。無任奸宄涸入山東。官兵調往他省者已數千名。前有旨添派山西兵三千名。陝

甘兵四千名。交李德調遣。但恐一時未能趕到。該撫即先將本省之兵。移遠就近。以備防守。再登萊等處海口。為商船由海赴天津。必由之路。難保逆匪不假扮商賈。由海駛至天津。勾結土匪。亦不可不豫為之防。著該撫即飭令沿海文武各官。密為偵探。如有逆匪假冒商船北駛。即一面奏聞。一面飛咨直隸總督。妥為防範。又有人奏。山東省城。藩臬大員。漫無布置。一揭據稱。藩臬家眷。黃夜出城。是否屬實。著李德查明。省城外如有捻匪成羣搶劫。必應及早勦辦。毋貽後患。原摺鈔給閱看。又昨據御史陳慶鏞奏。鹽知事張翊國。呈遞防河節略。內稱。自河南至淮揚。黃河兩岸。千餘里內。可用人才不少。若將單內著名之人。收為我用。不無裨益。著該撫密行訪查。如果效用得力。其心無他。不妨設法羅致。酌量差委。該御史原摺並節略等件。均著鈔給閱看。將此由五百里諭令知之。○署山西巡撫

哈芬奏。遵審介休縣知縣程震佑。大概情形得旨。汝係初膺外任。無所迴護。自不難水落石出。第汝又係署任。若不嚴斷。猶輟轉生疑。恐通省大小官。仰承意旨也。○以湖北荊州辦理防堵出力。賞知縣張開霽花翎。餘升敘有差。○庚戌諭內閣。前有旨。令各直省仿照嘉慶年間。堅壁清野之法。辦理團練。今武英殿刊刻明亮。德楞額。梁堡禦賊疏。龔景瀚。堅壁清野議。及示諭條款。頒發通行。復令將本年兩次諭旨。一併刊刻。冠諸簡端。本日據惠親王等奏。業已刊板刷印。裝成樣本。進呈。著即頒發各直省督撫。廣為刊布。督同在籍幫辦團練之紳士。實力奉行。各就地方情形。妥為布置。但期守衛鄉閭。不必拘執成法。團練壯丁。亦不得遠行徵調。保民而不至擾民。行之日久。方無流弊。一切經費。均由紳民量力籌辦。不得假手吏役。如地方官有藉端苛派勒捐等弊。即著該督撫。據實嚴參。至各省所

保紳士人數眾多。其中辦理不善。不協鄉評。及衰老不能任事者。該地方官查明。即令毋庸管理。至近賊地方。紳民團練。尤須官兵應援。方足以資捍禦。統兵大臣。暨該督撫等。務當相度緩急。撥兵策應。俾兵民聯為一氣。庶眾志成城。人思敵愾。蠢茲小醜。不難剋期蕩平。也將此通諭知之。○諭軍機大臣等。前因揚州失守。淮徐兵力甚單。諭令陳金綬。勝保先行帶兵馳往攻勦。並令琦善前往接應。該大臣等。諒已遵照辦理矣。淮徐一帶。界連山東。該處兵力單弱。現雖添調山西陝甘各兵。迅赴山東江南交界。而到齊尚需時日。朕心實為焦急。該大臣等。統帶大兵。進勦揚州股匪。務當一面圍攻。剋期收復。仍一面分兵。繞至淮徐等處。扼要堵截。遏賊北竄之路。逆匪說詐多端。往往為聲東擊西之計。我兵總須繞出賊前。出奇制勝。斷不可徒事尾追。致賊深入。至黑龍江馬隊。由山東行走。已入江境。

此時北路防堵。萬分喫緊。此項馬兵。自應於黃河南北。擇要駐劄。以備進勦。吉林官兵。想已陸續到齊。應如何布置。著琦善。陳金綬。勝保。酌量派撥。總期肅清江北。使賊不敢內竄。是為至要。將此由六百里加緊諭令知之。○又諭寄諭大學士直隸總督。訥爾經額。現在賊勢披猖。誠恐乘機北竄。直隸與山東河南接壤地方。急應嚴密防堵。著即飭令新任藩司張集馨。擇要駐劄。督飭地方文武員弁。實力巡查。無任奸宄。涸入本省官兵。著該督酌量調撥。移遠就近。以備防守。本日已有旨。將現經釋回之已革副都統德順。交該督調遣。該員曾經出師打仗。即可交張集馨酌量差委。將此諭令知之。○又諭前經添調山西陝甘官兵。迅赴山東。交李德調遣。一時未能即到。所有黑龍江馬隊官兵。由山東境內行走。著李德酌量情形。如須留於山東。江南交界。扼要處所。即知照琦善。陳金綬。勝保等酌量。

布置。現當賊勢披猖。地方喫緊。該撫務宜妥速籌防。與楊殿邦。楊以增。合力辦理。萬不可令逆匪北竄。將此由六百里加緊諭令知之。

署湖南巡撫潘鐸奏。現辦各屬土匪。斬獲多名。並拏獲首犯李躍。尚有首犯周國虞等在逃。仍飭委員設法嚴拏。得旨。逃往鄰省逸犯。係首逆情罪俱重。務須嚴緝。必獲。以禮部尚書徐澤醇為會試正考官。吏部左侍郎邵燦。署工部左侍郎內閣學士潘曾瑩為副考官。命已革副都統德順前往直隸聽候差委。調密雲駐防兵一千名來京備用。

辛亥

上耕藉詣

先農壇行禮。更服至藉田所。

躬耕三推。復加一推。

御觀耕臺。命恭親王奕訢。莊親王奕仁。鄭親王端華。各五推。協辦大學士吏部尚書賈楨。吏部尚書柏後禮。部尚書奕湘。兵部尚書桂良。

魏元烺。右侍郎許乃普。工部尚書麟魁。都察院左都御史朱鳳標。大理寺卿恆春。各九推。畢。順天府府尹率農夫終畝。賞賚農夫耆老如例。詣

闕帝廟拈香。諭軍機大臣等。楊以增奏籌防江北一摺。據稱清江為山東門戶。無險可扼。非大兵屯駐。難期堵禦。現在浦上存兵不過二百名。新募練勇僅一千餘名。實係單弱。該處近接淮安為河防重地。與東省毗連。防

堵萬分緊要。陳金綬。勝保。接奉前旨。想已繞赴淮徐一帶。遏賊北路。該大臣等嚴防江北。是其專責。今賊已竄至揚郡。則淮安清江勢甚危急。陳金綬。勝保。必須設法繞出賊前。迅速援應。方不致有疏虞。賊蹤靡定。軍務情形旦夕不同。相機應變。一切布置。朕既不為遙制。琦善等統領重兵。若不能為民除害。任賊北竄。自問當得何罪。至江南一帶。文報餉銀尤關緊要。著飭令地方官探明水陸道路。妥

速遞送運解。毋稍遲誤。將此由六百里加緊各諭令知之。○又諭楊以增奏揚州失守。籌防江北一摺。琦善現抵浦口。陳金綬勝保已於二十九日先行啟程前往儀徵。復有旨諭令繞赴清江淮安一帶迎頭截擊。該督等一面設法嚴防。一面飛催陳金綬等援兵合力勦辦。淮河以下水勢湍急。賊踪斷難上駛。其由陸路分竄者。似非大股。陳金綬所帶之兵足數抵禦。楊殿邦前奏自浦回淮後招募水

清江總督

三

手鄉勇亦可以助兵力。著即會同擇要堵剿。萬不可使其踰淮而北。黃河襟帶雖云天險防守總恃人力。若不截之下游。一經竄至清江愈難著力。該督等總須加意慎重。勿致疏虞。江南文報此時必多梗阻。即飭地方官探明水陸道路何處妥速。即由何處轉遞。各省解往餉銀尤關緊要。儻有疏失貽誤非輕。亦著一體妥籌迅速解運。向榮渡江現在何處楊文定防守鎮江情形若何賊踞金陵江面

上下我軍船礮是否可以轟擊著即探明具奏另片奏製造木礮及豫它地道各等語所辦甚好但不知究能得力與否務期密為布置萬不可為賊所覺致誤事機將此由六百里加緊各諭令知之。○山東按察使英桂奏報到任日期得旨朕知汝非因循人詰奸禁暴乃臬司任內應悉心講求者汝其竭力為之勿以在東年久於素識屬員中稍存情面也。○以工部右侍郎彭蘊章兼署吏部左侍郎兵部右侍郎許乃普兼署刑部右侍郎內閣學士孫銘恩署工部左侍郎。○廓爾喀副使噶箕薩爾達爾生瑪寫熱贈噶以哈都熱等十三人於大清門內瞻覲。壬子

清江總督

三

上詣

太廟東甌門外綵幄恭閱

孝和睿皇后

玉冊

玉寶隨入

太廟前殿行禮親奉

冊

寶藏於

後殿○詣

壽康宮問

皇貴太妃安○諭軍機大臣等○前經疊次諭令

向榮進攻江甯○並據向榮奏○在東路孝陵衛

一帶駐劄○扼賊竄擾蘇常之路○本日琦善奏○

鎮江又復失陷○江甯孝陵衛環接句容為內

實錄卷八十七

三

通蘇常要道○該逆既陷鎮江○難保其不由丹

陽直趨常州○則蘇杭各郡○勢在危迫○楊文定

久無報到○現在何處○鎮江係何日失事○城中

文武官員○是否先已遷徙○該大臣相距較近○

當已探悉○其江甯城中○大小文武官員○如何

下落○迄今亦未據查明奏報○賊匪於前月二

十三日○攻陷揚州○其分擾江南江北○是否意

在北竄○抑欲牽掣北軍○專擾蘇杭○其大隊首

逆尚在江甯與否○向榮營中兵勇○一萬七千

餘名○帶兵提鎮將弁○均係久歷戎行○若能相

機攻剿○不但南岸賊匪○不敢窺伺蘇常○即現

竄北岸揚州一帶之賊○亦易剿除○許乃釗現

署巡撫○更當設法保衛蘇州省垣○所有先經

雇覓之上海夾板船○及廣艇等船○計已早

到江面○向榮所調上游湖南船○亦當駛到○

若水陸夾攻○可期得力○已飭陳金綬○勝保○扼

守江北○徑赴揚州○琦善相機策應○向榮與許

乃釗○即熟商江南如何兜剿○不令更致蔓延○

實錄卷八十七

三

並可一面知照江忠源○迅帶兵練前來上下

接應○以期速殄妖氛○怡良到江南尚需時日○

所調福建官兵○著向榮○許乃釗○飛催前來○為

蘇常應援○並嚴飭地方文武○隨時嚴拏奸細○

以防內應○仍將現辦情形○迅速具奏○將此由

六百里加緊各諭令知之○又諭琦善奏○籌

議留防江北○及探聞賊情一摺○又片奏○拏獲

奸細○提訊供情○披覽均悉○揚州失守○淮徐戒

嚴○疊經令該大臣等○相機援應○陳金綬○勝保○

自以急勦揚州之賊為要其所帶官兵有六千七百餘名亦不為軍弱其未到各路官兵既經琦善加緊催提當可陸續趕到所需鑼鍋帳房鉛彈火藥等項已有旨令陸應穀嚴飭軍需總局趕緊支應矣賊氣日熾若再遷延其勢幾不可問陳金綬勝保既抵揚州著即剋期克復會同楊殿邦揚以增等扼要防勦琦善仍遵前旨隨時策應該逆聲東擊西避實擣虛是其慣技或由陸路或由水路應

二十四日奏

三十一

如何防堵截擊軍情變遷靡定在該大臣等熟籌緩急遏賊北竄不致貽誤事機方為盡善其馬隊官兵陸續到齊如何隨地布置均著酌量辦理鎮江失守未據奏報何日失事情形如何楊文定現在何處著一併查明具奏至查拏奸細尤關緊要除已獲各犯分別正法訊辦外仍著隨時嚴拏懲辦毋稍疏懈將此由六百里加緊各諭令知之○又諭本日據琦善奏截至本月初二日祇到有黑龍

江一二三四等四起官兵而鑼鍋帳房鉛彈火藥馬匹全然未有河南軍需總局報稱專委支應吉林黑龍江官兵之糧臺亦不知行抵何處等語現在賊陷揚州琦善駐劄浦口江北防勦萬分喫緊若令官兵行糧匱乏鉛藥馬匹等項亦不應手則雖有勁旅亦難施展著陸應穀仍遵前旨竭力籌畫將糧臺現擬改設何所以期妥便之處迅速具奏並將現到大營之馬隊官兵應需鍋帳鉛藥馬匹

二十四日奏

三十一

速飭糧臺先行趕運未到後起各兵一體嚴催應付萬不可再有遲誤將此由六百里諭令知之○又諭僧格林沁裕誠奏覆查礮位一招所有八旗漢軍礮位除每年照演外其久未出演之礮位應如何輪流出演著各該都統等速議章程具奏至礮車間有損壞亦應酌量估修覈實辦理鑲紅旗洋礮一位亦著酌配鉛藥成數試演將此各諭令知之○又諭倪良耀奏請申嚴戎律一招所奏雖不

為無見但多係空言殊少實事如所稱營伍積弱及軍務畏葸均係過去之事得失之故較然易見至蘇省籌兵募勇則毫無布置惟稱倉猝不能見功先為卸責地步此等無謂之詞有何裨益江浙海運係該藩司專辦之事屢次陳奏含混遷延並不實力籌辦所稱委員催提誠恐未能得力等語尤為荒謬如果事事聽之委員又何必特派大員總司其事兩省漕糧關繫正供業已遲誤至此尚稱不容稍有遲誤不知該藩司何顏出諸口也現已命許乃釗暫署江蘇巡撫該藩司即將浙省運到米石並蘇省起運未完米石仍遵疊奉諭旨趕緊催辦務令剋期放洋儻再稍有貽誤朕必將倪良燿從重治罪至浙省抵滬米石前據黃宗漢奏已有三十餘萬石而該藩司始則奏稱六萬餘石今又奏稱十三萬餘石何以總不相符浙江江南兩省由陸赴津之道員究已行抵何處該員等所帶銀

兩條備剝船等項之需現在欽派大臣已赴天津而此項銀兩未能應手著即迅速催趲毋任沿途遲滯此後沙船放洋及現辦情形均著隨時馳報不得再有掩飾推諉致干重罪將此由六百里傳諭知之○命湖北按察使江忠源馳赴江南幫辦軍務○以兵部左侍郎恩華為理藩院尚書○調鑲紅旗漢軍都統阿靈阿為鑲白旗滿洲都統以左翼前鋒統領恩華為鑲紅旗漢軍都統○以內閣學士許乃釗暫署江蘇巡撫○以江南豐工出力賞道員王夢齡曹文昭知府趙作賓同知于昌進要晉劉威花翎都司李成虎等藍翎餘升敘有差○予故理藩院尚書吉倫泰祭葬諡敬僖○癸丑

上幸瀛臺○諭內閣張亮基等奏土匪滋擾現在勦辦一摺湖北通城縣西北鄉土匪因抗糧糾眾肆行搶劫該署督等現派臬司江思源帶領兵勇馳赴該縣勦辦江忠源昨已有

旨令馳赴向榮軍營幫辦軍務。現在通城土匪僮勦辦需時著該署督等另派大員接辦。仍令江忠源即赴向榮軍營毋稍遲延。至該縣匪徒抗糧滋事實屬目無法紀著即按名拏獲嚴行懲辦並查明起釁根由如係官吏苛勒激成事端一併嚴參懲治署通城縣知縣林之華輒因徵漕進省請示辦理殊屬不知緩急著先行交部議處○又諭前因山東江蘇接壤地方窮民顛沛流離降旨令楊以增李德妥籌賑濟茲據雷以誠晉康奏經過荏平東平東阿汶上等州縣途間饑民紛紛求食至滋陽鄒縣及滕縣嶧縣邳州等處男婦老幼十百成羣攀轅乞丐詢之途人僉稱數年來疊遭水旱十室九空自上年冬間至本年正月凍餒尤不堪言狀當此青黃不接之時少壯俱已逃亡老穉不能相顧若不及早撫綏勢必盡轉溝壑等語所奏自係實情朕披覽之餘不勝愴惻楊文定現辦軍務未

能兼顧地方事宜著楊以增李德仍遵前旨迅速設法賑恤並飭委員等妥為經理俾無業窮黎不致日久失所用副朕勤恤民隱有加無已之至意○又諭楊文定奏瓜口鎮江失守一摺覽奏憤懣之至據稱二月二十一日探聞賊船東竄即督同總兵葉長春統帶水師艇船迎上開礮擊破賊船十餘隻斃賊數十人賊即收逃艇船追至黃天蕩江面復來大股賊船三四百隻艇船正欲齊集開礮乃以風信全無行走不靈順流退下致賊船越過瓜口直入鎮江該府為南北江口咽喉朕早料賊必窺伺屢次諭令楊文定等嚴密籌防如果布置得宜何至遽行失守楊文定督率無方總兵葉長春督戰不力咎實難辭均著革職暫行留任以觀後效向榮統帶大兵駐劄孝陵衛一帶防守江南現在鎮江失守著即酌撥將弁帶兵會同楊文定所帶師船水陸夾攻剋期收復毋得稍有延誤副都

統文藝現在何處。並鎮江城內文武各員。及
旗營各兵下落。均著楊文定查明具奏。○又
諭張亮基等奏。查明已革湖北提督。及參將
下落等語。前因岳州失守。屢經降旨。諭令該
督撫等。查明已革提督傅勒恭武。如何下落。
迅速具奏。茲據該署督等奏稱。該革員自岳
州潰逃後。帶兵徑回武昌。又棄軍私回漢川。
復藉養病。輒回穀城提督本署。今又欲前赴
江南。軍前報效。種種荒謬。實出情理之外。該
革員以湖北提督大員。奉旨防守岳州。乃始
則見賊先遁。繼復輟轉偷生。若不明正典刑。
何以申嚴紀律。傅勒恭武。俟提解到省。著即
處斬。毋庸再行請旨。至署岳州參將阿克東
阿。據營兵李廷徵稟稱。賊匪攻破府城。該員
當時陣亡。著即查詢明確。如果該員實係抗
節捐軀。即行奏明請卹。○諭軍機大臣等。楊
文定奏瓜口鎮江失守一摺。覽奏殊深憤懣。
瓜州鎮江為南北水路咽喉。屢次諭令該署

督等。豫為籌防。嚴密堵禦。乃賊匪乘船東下。
葉長春統帶水師。楊文定督飭艇船迎剿。忽
因風信全無。艇船退下。以致賊匪登陸直入
鎮江。而旗營弁兵。又未在山頭嘴劉營。毫無
準備。一至於此。楊文定已退至江陰。並非要
路。退敗之餘。更無把握。向榮駐兵江南。所有
南岸堵剿事宜。是其專責。該大臣現住孝陵
衛。原以防賊南竄之路。今鎮江已失。亦可由
丹陽直達蘇常。著向榮斟酌情形。如能撥將
弁帶兵扼要攻守。或克復鎮江。使賊不得進
擾蘇常。則向榮一軍。庶不致腹背受敵。該大
臣總當統籌全局。勿為浮言所惑。楊文定亦
當收集殘兵。據守要路。勿久處江陰。置省垣
於不問。所調上海船隻。諒已早到。著與向榮
陸路之兵。合力夾擊。以贖前愆。江蘇省垣防
守事宜。著許乃釗悉心籌畫。毋誤事機。南北
文報。亦著另設驛站。以通往來。將此由六百
里加緊各諭令知之。○又諭陳金綬。勝保。馳

奏。逆賊分股攻陷揚州。現由間道進剿一摺。該大臣等行抵六合。探聞賊竄揚州。盤踞郡城。四出滋擾。儀徵等縣。文報不通。即由六合縣屬之樊家集。陳家集。小路馳赴揚州。以圖克復。揚州為北路咽喉。最為喫緊。自應先其所急。若能迅掃逆氛。收復揚郡。以後何處緊急。即由何路進兵。斷不可稍有拘泥。軍情變幻無定。旬日以前。江北江南。原應兼顧。辰下則北方為不可緩之勢。設或逆匪進撲淮安。

該處兵力甚單。惟盼陳金綬等勁旅救援。所調馬隊兵丁。前來接應。必可得力。本日又據楊文定報。鎮江失守。該署督已退至江陰。所調火輪船隻。未知何日可到。現在京口以內。並無守兵。已諭令向榮。酌量撥兵應援。陳金綬等進剿江北。必須賊匪退出瓜州。始可兼顧金陵。鎮江等處。耳。文報僅有梗塞。著即籌改道馳遞。毋致遲延。將此由六百里加緊各諭令知之。○又諭。據雷以誠。晉康奏。所過各

州縣。墩堡望樓。營房。漸多傾圮。並未見有兵役。各處城垣。亦多坍塌殘缺等語。近來諸務廢弛。疊次諭令各督撫。實力整頓。若如所奏。直隸山東一帶。驛站地方。尚復如此廢弛。其他州縣。更可知矣。現當逆匪滋擾之時。盤查奸宄。最關緊要。著訥爾經額。李德。嚴飭所屬各營縣。趕緊設法修葺。派撥兵役。實力巡查。毋得視為具文。將此諭令知之。○又諭。據葉名琛。柏貴奏。廣東省城。自聞武昌安慶失守。

訛言紛起。人心頗覺震驚。英夷兵頭咬咬。上年業經回國。頃復駛回香港。當此匪擾兵分之際。不可不密為防範等語。現在逆匪猖獗。江甯鎮江。揚州。相繼失守。廣東人情浮動。更恐遇事生風。馮雲山之子馮亞養。在外逃回。必非無故。該督等當嚴查奸細。消患未萌。尤當鎮定人心。勿為流言所煽惑。至咬咬照會。既未明言何故。自當示以鎮靜。前定條約。許十二年後再言更易。現已屆期。難保不別有

要求該督洞悉夷情。著與柏貴等密為籌度。以備不虞。切不可稍露端倪。啟該夷窺伺之漸。南韶匪徒尚在江西交界處所。出沒靡常。著嚴飭鎮道大員。隨時勦捕。該督回省後。如該處有緊要情形。仍著星馳督辦。又另摺奏查明師船笨重。宜於外海。而不宜於內河。能否駛入長江。尚難豫定。快蟹大扒等船。原係內河巡緝之用。難出外海。更無論遠涉重洋。自係實在情形。著該督等悉心體察。如果各師船調赴江南。難期得力。徒資糜費。即著毋庸調撥。將此由五百里密諭知之。○直隸提督陳金綬等奏。賊陷揚州。現由樊家集小路進勦。克復揚州。再行南渡。得旨。揚州復後。猶須隨時酌度。斷斷不可拘泥。若兵至賊走。目為克復。適足長賊志。而墮士氣。此時萬不可狃於小節。致失大事。旬日前江南江北原應兼顧。辰下則北方為不可緩之勢。朕為天下主。非惑於浮言。忍置江南不顧。第根本微搖。

將來不堪設想。朕同諸將士遠近隔絕。止此一心。惟願

天

祖鑒佑。迅奏蕩平。朕尤恨者。未能與汝等同辛苦也。○內閣學士勝保奏報謝恩。得旨。將在外能藏大事者。未有不和衷能勝者也。汝非不能和衷之人。但恐稍有意氣陵人。則於事大無益也。○都察院左副都御史雷以誠等奏。山東等處饑民。請飭撫恤。並各墩堡廢弛情形。得旨。爾等所奏俱係實情。亦今日之急務也。汝等京員。無外官習氣。故敢直陳無隱。無如外省大小官吏。直視此等事為汎常也。○工部左侍郎呂賢基安徽巡撫李嘉瑞奏。吉林官兵沿途滋擾。請暫緩徵調。得旨。朕不知汝二人是何肺腑。騷擾地方之兵。著咨明琦善從嚴懲辦。○命巴里坤鎮總兵官經文岱前往直隸聽候差委。○調正紅旗漢軍都統奕格為鑲紅旗蒙古都統。熱河都統華山

奏為正紅旗漢軍都統鑲紅旗蒙古都統毓書為熱河都統正藍旗蒙古副都統特興額為正紅旗滿洲副都統以乾清門侍衛景壽為正藍旗蒙古副都統○以內閣學士常志為兵部左侍郎○以禮部右侍郎瑞麟兼左翼前鋒統領○以初詣

先農壇行耕耤禮旭景晴和執事整齊予惠親王惇郡王奕諒吏部尚書柏蔭大學士卓秉恬順天府府尹宗元醇府丞張錫慶一級

餘賞賚有差○調盛京兵八千名來京察哈爾兵四千名赴張家口備用○甲寅諭內閣向榮馳奏連日接仗獲勝情形一摺逆匪竄踞金陵於土城一帶連剽多營經向榮督帶兵勇於二月二十六日五鼓分路直攻賊營開放槍礮該逆不敢拒敵紛紛棄營退走立將土城一帶地方奪回二十七日我兵挖築營壘適賊匪四五百人蜂擁而來經兵勇迎頭轟擊該逆全行敗走我兵奮勇追殺斃賊

多名斬取首級十餘顆奪獲大黃旗數桿二十九日兵勇直逼賊營誘賊離巢復加殲戮向榮親自督軍從中路直衝而上連斃數十賊逆匪勢不能支紛紛逃潰現在我兵已逼近省城剽營著該大臣即督飭提鎮將弁趕緊相機乘勝進剿先將鍾山攻奪則負嵎羣醜自不難剋日殄除也○又諭蔣霽遠奏請飭部迅催解餉一摺貴州省原撥浙江廣東福建及改撥山東山西江蘇等省應解壬子年夏秋冬季癸丑年春季兵餉未到銀六十一萬八百三十六兩零疊經戶部嚴催均尚未據報解其另撥浙江廣東福建等省應解癸丑年夏秋冬季兵餉銀五十萬五千五百八十五兩亦未據報起解日期兵餉待用孔殷豈容日久懸宕著戶部飭催原撥改撥各省將壬子癸丑兩年未解餉銀迅速解黔儻沿途驛站或有間阻並著設法繞道進行務令剋期解到毋得再行遲誤○諭軍機大臣

等據春山等奏。本月初七日。鑲黃旗漢軍都統衙門。接到琦善由六百里咨送文書一件。內稱。現准鑾儀衛使武慶文稱。伊子海興。報捐通判。情願自備資斧。跟隨軍營效力。該大臣以需人孔亟。准其隨營。咨明該都統查照。惟細閱來文。內外關防五顆。篆文模糊。難以辨認。且覈計驛遞日程。亦不符合等語。著琦善查明武慶之子海興。曾否准其隨營效力。本年二月二十三日。是否自滁州封發咨文。因何用六百里驛遞。一併據實具奏。原摺鈔錄。並咨文。均發給閱看。將此諭令知之。尋奏。鑾儀使武慶之子海興。隨營效力。咨明該旗文書係本年二月二十三日。自滁州封發。書吏誤填六百里字樣。正值軍務紛繁。一時未及覆覈。報聞。○又諭。向榮奏。連日接仗。獲勝情形。並調派兵船防剿各摺片。已明降諭旨。令該大臣乘勝進攻。矣。逆匪占踞江甯。雖經我兵連日接仗。屢次獲勝。仍未大加懲創。賊

匪現在分股滋擾揚州。及鎮江各處。則江甯城內外。屯據之賊。其勢亦分。正可趁此機會。設法進攻。若此處進剿得手。則揚州鎮江分股之賊。自必聞風膽落。即常州蘇州一帶。賊匪亦不敢深入。現在陳金綬統帶大兵。已馳赴揚州。遏賊北竄之路。楊文定退至江陰鎮。江京口。與瓜州南北阻隔。該大臣若能設法水陸夾擊。方可制勝。所需上海火輪等項。戰船。本日復諭令吳健彰。趕緊雇覓。此項船。是否刻下趕到。甚為懸念。向榮及許乃釗。惟當設法權宜辦理。勿失事機。至常州為蘇浙門戶。該大臣已派總兵李瑞等帶兵二千前往。著即隨時飭令嚴密防守。毋得稍有疏虞。總之南岸攻剿得力。則牽制賊匪。不暇北竄。向榮陳金綬等。分勦兩岸。務宜聲勢聯絡。察看緩急。一切調度。想必能統籌全局也。將此由六百里加緊諭令知之。○又諭。昨有旨。調盛京官兵八千名。諒已接奉諭旨矣。朕思兵

貴精不在多。著奕興認真挑選。年力強壯。技藝純熟者。四千名。已可敷用。務期星速啟程來京。毋得稍有遲誤。將此由五百里諭令知之。○又諭劉源灝等奏。山東省防兵單薄。請派京兵一摺。逆匪竄至揚州。若分股北竄。逼近東境。自應豫為防範。前已有旨。飭調山西官兵三千名。陝甘官兵四千名。迅赴山東。江南交界。交李德防勦。又諭李德。將山東本省之兵。移遠就近。擇要布置。並令將路過東境

字彙卷八十七

三

之黑龍江馬隊。截留備用。連日又添調盛京。吉林。黑龍江。及歸化城。綏遠城。密雲。熱河。各路勁兵。均係馳赴山東。江南交界地方。以資策應。著李德。迅將已調之兵。飛催馳往。其未到以前。本省各營官兵。想已酌量調撥。該撫現在駐劄何處。總宜扼要設防。省城重地。必應兼顧。無論何省調兵到境。均可酌留備用。較之京兵。尚為迅速得力。劉源灝等駐劄濟南。稽查奸細。巡守省垣。彈壓土匪。是其專責。

總須不動聲色。防患未然。據奏。多係鋪張賊勢。其如何防守。如何鎮撫之處。並未詳細聲明。可見平日漫無準備。臨時又涉張皇。現在巡撫出省。司道大員。舉動更宜鎮靜。李德等接奉此旨。惟當嚴密布置。指日大兵雲集。足資防堵。毋致居民驚惶遷徙。是為至要。將此由五百里諭知李德。並傳諭劉源灝。英桂。司徒照。花詠春。知之。○又諭哈芬。奏製造槍礮。演試得力。請解往軍營備用一摺。據稱。現飭

字彙卷八十七

三

陽曲縣知縣董棠芳。密製圓堂扁口礮槍。及藤牌礮車。均堪備軍營施用等語。著哈芬。即將所製礮槍各件。派員解京。聽候諭旨。將此諭令知之。○又諭玉山。奏接奉調任諭旨。即由軍營馳赴新任。一摺。壽春為江北重鎮。現當逆匪未靖。土匪乘閒竊發。防勦最關緊要。著李嘉瑞。督同玉山。激勵將弁兵勇。將江北一帶土匪。迅速撲滅。毋任與逆匪勾結為患。無論本省鄰境。設有緩急。均宜相機應援。勿

稍拘泥。本日據向榮奏進攻金陵。連日接仗獲勝。現督官兵前進。亟圖克復等語。逆匪疊被攻勦。難保不分路竄逸。並著該撫等嚴密布置。扼要防勦。與大營聲勢互相聯絡。以期迅殄賊氛。綏靖疆圉。將此由六百里諭令知之。○又諭前經疊次降旨。令吳健彰雇覓海船駛往江甯。以助攻勦。刻下鎮江揚州相繼失守。金陵江面賊船連檣停泊。急需火輪船隻前往攻擊。該道所募船礮。何以日久未據

實錄卷八十七

至

奏聞。著即設法星速雇往。幫同勦辦。並將現在如何辦理情形。及浙江藩司麟桂。是否已到上海之處。迅速奏明。揚文定現在江陰相距較遠。該道接奉此旨。即著權宜辦理。毋稍延誤。○江西巡撫張芾奏。留得福建官兵。飭令歸伍。得旨。既不得力。留待亦屬無益。○理藩院尚書恩華等奏。遵旨會派精兵二千名。備調得旨。現已有旨。命恩華督帶官兵。迅速前來。料已接到。務須儘力邁征。勿稍遲滯。汝

若業經啟程。著勿庸再行折回。免費周章。○以吏部尚書柏葰署鑲紅旗漢軍都統。內閣學士肅順。為鑾儀衛鑾儀使。○調兵部右侍郎許乃普。為刑部右侍郎。以內閣學士孫銘恩。為兵部右侍郎。○京營左翼總兵綿勳。緣事革任。以吏部右侍郎愛仁。為京營左翼總兵。○命正紅旗漢軍都統華山。奏管健銳營事。○調歸化城兵二千五百名。綏遠城兵五百名。熱河兵一千名。赴山東江南交界地方

實錄卷八十七

至

備用

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十七

實錄卷八十七

五十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十八

敕修

咸豐三年癸丑三月乙卯

實錄卷八十八

一

孝賢純皇后忌辰遣官祭

裕陵○諭內閣保極奏請嚴查地面並請另議
章程條款一摺京師重地五方輻輳理應嚴
密稽查以昭整肅疊經降旨諭令步軍統領
衙門順天府五城一體遵辦其八旗地面向
設有旗營堆撥官兵值班第恐日久廢弛視
為具文著各該旗都統副都統等飭令該管
章京循照舊章認真查察從前定制已極周
詳惟在實力奉行自可戢奸宄而臻靜謐正

毋庸另議章程。轉滋紛擾也。○太常寺卿龍元僖奏請回籍省親。允之。○丙辰。諭軍機大臣等。前有旨。調密雲駐防兵一千名來京聽候調遣。此項官兵。現已陸續到京。本日已明降諭旨。派奕經統帶前赴山東。會同李德蓐辦防堵。著該撫體察何處緊要。官兵應由何處前進。即迅速知會奕經統帶直赴該處防守可也。將此由五百里諭令知之。○命刑部右侍郎奕經統帶密雲官兵前赴山東會辦防堵。○以承辦

孝和睿皇后喪儀出力。予郎中聯捷等升補有差。○丁巳。諭內閣。陸應穀奏捕勦擒匪情形一摺。河南永城縣薛家湖地方。於二月初五日。有大股擒匪竄至。經歸德府知府陳介眉督率員弁。選帶兵勇。馳往兜捕。升任開歸陳許道林揚祖。派委候補知縣趙獻卿管帶杞縣壯勇協勦。該匪等放槍拒敵。該府即將兵勇分為三路。奮力夾擊。斃匪五十餘名。生擒

一百二十餘名。奪獲槍矛一百餘件。餘匪逃遁。該升道會同參將范正綸添派文武復追獲匪黨百餘名。二十二日。復有擒匪千餘。竄入虞城縣。大楊家集等處肆掠。該撫馳赴歸德。咨會護理河北鎮總兵崇安督率將弁添兵前進。林揚祖督同陳介眉等管帶練勇馳往策應。該匪等於二十四日折回商永交界之馬頭寺。經該鎮道等督兵追捕。並虞城商邱夏邑鹿邑柘城亳州等州縣暨縣丞劉鴻昌各帶兵勇堵拏。殲斃擒匪二百八十餘名。生擒首夥二十六名。奪獲大礮二尊。槍刀器械。贏馬甚多。該匪等因賊氛不靖。乘機嘯聚。肆行搶掠。罪大惡極。經官兵捕拏先後生擒及擊斃共七百餘名。當將著名首惡陳毛等二百四十餘名就地正法。以申國憲。辦理尚屬妥速。所有在事文武員弁著該撫擇其尤為奮勇出力者酌量保奏。候朕施恩。毋許冒濫。該撫仍當嚴飭地方文武實力巡防。並隨

時飛咨山東安徽江蘇等省一體嚴密兜拏勿留餘孽○又諭前據四川福建等省奏陳緝匪情形並陳金綬等奏遣散廣東各勇沿途騷擾先後降旨諭令該督撫等認真拏辦於訊明後就地正法並飭地方官及團練紳民如遇此等兇徒隨時拏獲格殺勿論現當勦辦逆匪之時各處土匪難保不乘間糾夥搶劫滋擾若不嚴行懲辦何以安戢閭閻著各直省督撫一體飭屬隨時查訪實力緝拏

實錄卷八

四

如有土匪嘯聚成羣肆行搶劫該地方官於捕獲訊明後即行就地正法以昭炯戒並飭各屬團練紳民合力緝拏格殺勿論俾兇頑皆知斂戢地方日就乂安至尋常盜案仍著照例訊辦毋枉毋縱○諭軍機大臣等有人奏上年冬間直隸正定府阜平縣屬有土匪多人搶劫傷斃事主之案本年二月間行唐縣及靈壽縣各屬亦俱有土匪肆搶拒傷事主重案等語畿輔重地理宜肅清前經降旨

查辦安肅等處教匪不知現在如何辦理似此土匪嘯聚恣意橫行若不及早查拏盡數懲辦必致養癰貽患滋蔓難圖近來地方官規避處分諱盜不報該上司彌縫粉飾相習成風釀亂之由實因乎此著訥爾經額迅即派委員弁前往各該處明查暗訪務將該匪徒悉數擒拏勿使漏網原摺著鈔給閱看將此諭令知之○又諭李德泰請調回官兵以資防堵等語所有前赴河南之山東官兵一

實錄卷八

五

千名著陸應穀查明現在何處即飭令折回山東以資防堵毋稍遲誤將此由五百里諭令知之○又諭李德泰奏遵籌團練招募各摺片據稱現辦團練及堅壁清野先行於兗沂曹濟次及濟南東昌泰安臨清等府州至登萊青武四府再與各紳士妥商至揔拏土匪以消內患為目前急要之務其中曉健之徒必須察看尚有血性可以忠義激發者方准招募留用等語見解甚好思慮亦遠著即照

所議辦理。所需經費。准其於正雜銀內先借支十萬兩。覈實動用。昨已有旨派奕經帶領密雲兵一千名。本日又諭托明阿統帶歸化綏遠等城官兵三千五百名。均前往山東會同李德防堵要隘。前調山西陝甘兵共七千名。亦可次第前赴山東。該撫惟當督飭所屬於鄰省交界各處一體嚴防。毋任逆匪窺伺。並隨時探明淮徐一帶軍情。迅速馳奏。以慰朕懷。將此由五百里諭令知之。○陝西提督桂明奏報到任日期。並籌辦防堵情形。得旨。應行整頓之處。自可緩緩奏來。不准以此一奏為了事也。○山東巡撫李德奏體察團練募勇情形。得旨。內患不消。何以禦外侮。賊近募匪。原係平庸地方官於常時不敢辦。臨事無法。故為是羈縻之計。原非良策。汝之見解最好。思慮亦遠。足見地方大吏刻刻留心。無不可辦之事。畿輔屏藩。惟汝是賴。又奏現辦防堵分投布置。批。着汝不動聲色。嚴密防堵。

兵雖無多。布置盡屬扼要。辦理甚好。○以理藩院右侍郎培成署刑部右侍郎。○以歸化城副都統盛壇署綏遠城將軍。○署湖南巡撫潘鐸因病解任。以署湖北巡撫駱秉章署湖南巡撫。○調雲南布政使徐有壬為湖南布政使。賞雲南鹽法道史致蕃三品頂帶。為布政使。○命江甯布政使陳啟邁馳赴徐州總辦糧臺事務。○命綏遠城將軍托明阿統帶歸化城等處官兵前往山東會辦防堵。○命琿春協領雙成統帶西安官兵馳往山東江南地方備用。○戊午。上詣壽康宮問皇貴太妃安。○諭軍機大臣等。楊殿邦奏招募壯勇。合力進剿一摺。據稱挑選精壯水手一千五百名。又招募壯勇一千五百名。派令前任淮安府知府福楫管帶。又河標右營遊擊馮景尼率領徐州兵勇及添募壯勇共三千

名所募壯勇。皆係敢死之士。復諭以大義。明立規條。頗知感奮。接到陳金綬。勝保。飛咨已統帶大兵。駐劄揚州之甘泉山。會同攻勦。兵勇聞之。膽氣倍足等語。朕聞現在賊據邵伯鎮以下之灣頭。挑築土城。分令各賊赴六牘買糧。以為持久之計。此時楊殿邦尚在淮安府。所派接應之淮揚道曹文昭。河標中營副將李輝連。逗遛不進。馮景尼帶領募勇。尚未到齊。與楊殿邦所奏情形不符。深為懸念。逆匪占踞揚州。築城囤米。其心叵測。恐暗遣奸細探聽前途虛實。又圖竄突。正當乘其布置未定。極力攻勦。並斷賊接濟。嚴防竄路。陳金綬。勝保。已抵揚州之甘泉山。其地是否扼要。且在賊後路攻擊。若賊北竄。楊殿邦等所募壯勇。當賊前衝。僅不得力。則淮安。清江。勢甚危急。稍有疏虞。關係甚鉅。陳金綬。勝保。務須分飭官兵。設法繞出賊前。與楊殿邦等所派兵勇會勦。使賊腹背受敵。庶可一鼓殲除。楊

殿邦。楊以增。所派將弁兵勇。亦應嚴飭併力夾攻。不得但恃援兵。致有延誤。至吉林。黑龍江。馬隊官兵。即可就近調撥。以資攻勦。總以相機扼賊前途。無任北竄為要。劉良駒。但明倫。現在何處。並揚州文武員弁下落。即著查明據實具奏。將此由六百里各諭令知之。○又諭。雷以誠。晉康。奏行抵清江浦。訪聞賊陷揚州以後。現踞邵伯鎮以下之灣頭。挑築土城。因賊眾糧少。分赴六牘買米接濟。楊殿邦十數日之久。尚在淮安。一籌莫展。所委應援之淮揚道曹文昭。河標中營副將李輝連。逗遛不進。竟將高郵。寶應。置之不問。所募鄉勇亦不足恃。各等語。覽奏實深懸念。陳金綬。勝保。已帶兵行抵甘泉山。本日已諭令設法繞出賊前。遏其北竄。又諭令楊以增。楊殿邦等。各飭兵勇。前後夾擊。矣。雷以誠等。巡查河岸。是其專責。若有逆匪奸細。假扮商賈等樣。涸跡偷渡。必當嚴拏究辦。不可稍有疏漏。至防

勤事宜。軍營及地方官如何辦理。雷以誠等若有聞見。或探得賊情。並著隨時據實陳奏。將此由六百里諭令知之。○又諭。昨有旨。將前調綏遠。歸化等城駐防兵。共三千五百名。令托明阿統帶。前往山東。會同李德防堵。現在賊擾揚州。亟應防其北竄。慧成馳抵淮徐一帶。酌量情形。何處緊要。即知會托明阿李德。將此項官兵。移緩就急。以資調遣。毋誤事機。將此由五百里諭令知之。○以盛京戶部

侍郎恆毓。署奉天府府尹。盛京禮部侍郎和色本。暫署兼管奉天府府尹事。○以四川提督蘇布通阿。暫署江甯將軍。杭州將軍瑞昌。署金州副都統。○已未。諭內閣。楊以增奏。叅知州貽誤文報等語。江蘇高郵州知州魏源。於江南文報。並不繞道遞送。屢將急遞退回。以至南北信息不通。實屬玩視軍務。魏源著即革職。以示懲儆。楊文定。現在江南。如有江北文武員弁。貽誤不職。即著楊殿邦。楊以增

查明奏。毋稍徇隱。○又諭。楊以增奏。請將出城潛逃之遊擊革職。拏問等語。江蘇泰州營遊擊奎喜。聞逆匪逼近州境。即於深夜潛逃出城。數日不歸。實出情理之外。著即革職。交該河督嚴拏到案。訊明如係有心逃避。擅離職守。即著該河督。一面奏聞。一面將該員即行正法。以肅軍令。尋奏。審明已革遊擊奎喜。尚非潛逃。請發軍臺效力。下部議行。○諭軍機大臣等。春山等奏。遵議出演礮位一摺。各旗所存銅鐵礮。除實係損傷。不堪演放外。其餘未經出演礮位。或斤量過重。或生有銹黹。應如何起銹出新。及另擇寬闊地方試演之處。著管理火器營王大臣。悉心籌辦。其洋礮一位。如何試演。礮車如何分別修整。一併查議具奏。將此諭令知之。○又諭。據楊以增奏。河庫現銀。僅數十數日支放。請飭催部撥銀三十萬兩。星夜馳解。又據張芾奏。向榮大營及江西防堵等項。需餉孔亟。各省撥銀一

無解到。並稱部撥陝西銀一萬七千一百餘兩。據陝西巡撫咨覆。實存三千八百八十餘兩。部撥粵海關銀四十八萬五千八百兩。據該關知會。止解實徵銀十二萬二千兩。似此阻滯耽延。致各路軍營停兵待餉。設有貽誤。所關非淺。著戶部迅速查明。何項已報啟程。何項尚非實數。飛催原撥各省分。趕緊起解。即或道路梗阻。亦令設法繞道趲行。儻有藉詞稽延。或擅自截留。即令沿途督撫。據實叅

奏

奏

奏其粵海關續徵稅銀。現存若干。即著飛催儘數續解。粵省距江西較近。解運可期。迅速至陝西藩庫存銀。不敷原撥之數。即著該部酌量改撥。以濟急需。將此諭令知之。○又諭楊以增奏籌辦防堵緝匪。並請飭催准撥銀兩各一摺。江北防堵緊要。疊經降旨。令該督等妥籌慎守矣。逆匪占踞揚州。築有土城。希冀抗拒。急應設法進剿。陳金綬。勝保。督帶大兵駐劄揚州之甘泉山。逼近賊營。經楊以增

札調遊擊馮景尼帶領兵勇前往協剿。並飭防堵下游之淮揚道曹文昭。副將李輝連。一併隨同楊殿邦進攻。該漕督選派水手招募壯勇。已有三千名。兵力足資守禦。昨有旨令陳金綬等。繞出賊前。果能布置得宜。互相犄角。則揚州克復。可剋期而待。淮安以北。亦不至稍有疏虞。該督等務宜防勦兼施。俾賊匪不敢北竄。方為扼要。至擒匪句結。尤宜嚴防。著飭該員等認真查緝。奸細斷不可令句結

奏

奏

為患。其被脅愚民。自應招徠。以解散黨與。但宜區別良莠。不可令奸匪溷跡。至前准撥山東長蘆銀三十萬兩。已有旨令戶部飛催該撫暨鹽政迅速撥解矣。軍務喫緊。文報更不容緩。所有公文及餉鞘。務飭地方官設法繞道遞解。不可稍有延閣。儻辦理不善。致有疏失。著即查明奏。將此由六百里諭令知之。○又諭張芾奏調委隔省人員。請授江省實缺等語。湖南鹽法道周顥道員用廣西泗城

府知府李孟羣前經發往江西交張芾差遣委用即著該撫留心察看遇有人地相宜缺出奏明請旨更調至所稱各省餉銀未能迅速解到已有旨飭部分別催解矣將此由四百里諭令知之○又諭崇綸奏經過地方情形並曉諭鹽船運回楚省等語湖北難民遷徙江西南昌南康等處經該撫招諭撫恤帶回復業現在民情尚為安靜一切地方事宜著與署總督張亮基酌量緩急次第籌辦總期覈實撙節毋得沽譽市恩當此經費支絀之時務在事事行之以實庶帑項不致虛糜該省食鹽缺少前經該署督奏明借銷川鹽茲據該撫於江西途次查出八十餘船押運回楚以資民食辦理尚屬妥協將此諭令知之○又諭戴銓密奏據欽天監五官司書王朝柱密稟該監中有賈方孫王四姓各員並子姪等奉習天主教求為轉奏等語著戴銓不動聲色嚴密確查該員賈洵等是否習教

並有別項可疑情節王朝柱所稟有無確據抑或另有別情一併查明據實具奏原稟仍發給備查將此諭令知之○湖北巡撫崇綸奏報到任日期得旨應行整飭事宜較難易於常時何啻倍蓰汝須實力撙節辦理不可好譽避怨現今大吏能節省一分即有一分之益並非故為苛刻之論亦勢使然耳汝惟有一實字行與朕看○山東巡撫李德奏請調陝西陝安鎮總兵官郝光甲等前赴山東差委允之○加賑山東濟甯嘉祥金鄉魚臺滕嶧蘭山鄒城八州縣被水災民一月口糧○庚申諭內閣向榮奏襲破賊營大獲勝仗一摺逆匪自上月被勦後堅守不出為負隅抗拒之計該大臣與許乃釗彭玉雯等籌商攻勦於三月初六日夜兩路進兵別選精兵從中路直襲通濟門外賊營派令蘇布通阿鄧紹良和春馬龍泰定三劉開泰福興等各領一軍開放槍礮該逆伏營不出五品頂帶

李連升帶領捷勇繞出賊營之後將防哨數賊砍斃伏於山麓秦如虎李若珠從前面楊瑞乾朱占鰲鄭魁士從左山梁虎嵩林明安泰從右山梁三路攻勦立將賊營三座同時攻破其長髮真賊焚殺殆盡逸出者復被伏兵擒殺賊見三營已破於通濟門內擁出二三千人來救我兵直前衝殺該逆勢不能敵即時退回該逆壘陷城池神人共憤經此大加懲創自不難勢如破竹向榮調度有方深

平定縣志卷八十八

七

堪嘉尚發去白玉詩意搬指一箇白玉翎管一支綠玉煙壺一箇著即祇領又發去翎管十一支搬指三十六箇荷包一百四十四箇火鑲十三箇小刀四十九把著向榮擇其奮勇出力之提鎮將弁及兵丁等傳旨分別給賞前奏所稱都司張國樞首先撲至賊牆被礮打斷左手中指此時是否傷痊遊擊朱占鰲乳傍亦被槍傷此次復於左山梁勦匪均屬奮勉出力著一併酌量賞給陣亡兵四名

照例議卹又據奏稱江甯士民深知大義向榮入境所過村鎮莫不簞食壺漿爭迎恐後並有輸粟來營者謁見向榮莫不流涕感奮各村逃徙難民陸續復歸故土被脅逃出者甚多均已酌給口糧妥為安撫似此人心效順志切同仇急宜協力進攻殄此羣醜該大臣等必能通籌大局計出萬全迅奏膚功以副朕望也○又諭本日據向榮奏大獲勝仗襲破賊營已降旨賞向榮翎管搬指煙壺等

平定縣志卷八十八

七

件並另發去各賞件令其酌賞軍營出力員弁兵丁矣現在賊匪分竄揚州陳金綬勝保統兵進勦定可大挫賊鋒迅殄羣醜並著發去翎管十二支搬指三十五箇荷包一百四十二箇火鑲十五箇小刀四十九把交琦善陳金綬勝保等祇領如有奮勇出力員弁兵丁著即傳旨隨時酌量給賞以示激勵○又諭步軍統領衙門奏江甯駐防前鋒校松柏等呈訴省城失守旗營殉難情形等語覽奏

實深憫惻。前據向榮琦善先後探報。江甯被賊攻陷。駐防官兵竭力巷戰。殺賊數千人。茲閱該前鋒校等所呈。賊匪初陷儀鳳門時。該將軍等飭令八旗滿洲官兵悉力護守內城。即婦女亦多登城防堵。迨將軍副都統受傷陣亡。內城失陷。所有官兵婦女或奮勇捐軀。或臨難自決。無一偷生。大義凜然。洵不愧我滿洲世僕。如果守城文武勦力同心。皆能似此。又何至旬日之間。堅城遽破耶。著向榮楊文定。許乃釗。查明將軍副都統總督提督及省城文武大小各員陣亡殉難情形。迅速奏聞。候旨加恩優卹。來京具呈之前。鋒校松柏副前鋒普定。步甲吉陞。即著暫留京營本旗當差。以示體恤。○又諭。許乃釗等奏請於安徽省設局轉運軍需一摺。現在向榮大營駐劄金陵。所需糧餉等項。自應就近取給。免致貽誤。著照所請。於安徽太平府城暫設轉運局。以資應付。所有江西省原派管理糧臺之

鹽法道熊莪著張芾飭令該員迅速督解糧銀。馳赴該處。並著李嘉端於安徽省遴派明幹道員前往會同籌辦。彭玉雲仍著總司糧臺事務。一切覈實支放。毋稍浮冒。○諭軍機大臣等。載銓覆奏訪查賈洵等習教情形。仍請飭交刑部查辦等語。朕思現在京師正當嚴密稽查之際。自應覈實查驗。俾習教者知所斂跡。惟遽交刑部恐外間傳聞失實。轉啟浮言。載銓現管欽天監。著即傳集各該員等令其跨越十字。出具甘結。其人是否習教。無難立辨。儻有堅執不肯跨越者。即傳王朝柱面質。有無別項可疑情節。再行奏明辦理。將此諭令知之。○又諭。賊匪竄踞金陵。堅拒不出。向榮與許乃釗等籌商分兵設伏。攻勦賊營。官兵人人用命。生擒殲斃賊匪甚多。辦理甚合機宜。軍威大振。賊膽已寒。該大臣即督率帶兵大員激勵將士。設法圍攻。務將城外賊營悉數燒毀。奪據鍾山。乘勝克復省垣。該

逆被創不支。勢必豕突狼奔。其東南各路。既經該大臣派兵扼守常州。仍宜嚴密布置。不可令該匪乘間南竄。所調上海各兵船。計已可抵京口。添造船礮。共有若干。該大臣務須分飭驍勇將弁。水陸兩路夾擊。先將北固山賊蹤。與雙牖。上新河北河口。下關等處賊船。木筏。設計焚燒。俾不得與北岸瓜儀一帶賊匪聯絡。即可肅清江面。收復鎮江。其東壩一路。仍不得以該匪無暇顧及。稍涉鬆懈。著與

楊文定。許乃釗。嚴飭密防。惟該逆狡譎異常。即其占踞金陵。拒守抗拒。未必非有意牽掣我師。令該大臣不及北顧。本日有人奏賊匪窺伺江北。而北岸防堵。漫無把握。黃河左右地勢寬衍。更無隘口可守。設該逆長驅而北。彼時我兵始議尾追。又復落後等語。是江南江北。原應兼顧。陳金綬等帶兵北路。已抵揚州。雖係生力勁軍。惟初次與該匪接仗。賊情詭詐。未必深知。該大臣轉戰經年。逆賊伎倆。

早已洞悉。著將賊營中一切動作詭謀。隨時偵探。飛咨琦善。陳金綬。勝保等。嚴密豫備。如該逆竟退出金陵。急須扼守北渡江路。或分兵與江北官軍會合堵剿。斷不可使賊蹤蔓延北竄。致誤大局。將此由六百里諭令知之。○又諭有人奏。直隸各屬多有教匪等語。據稱安肅縣境內。有萬餘天竺教匪。景州西南有秘密還鄉教匪。滄州小梁山南北趙伙地方。有回匪。畿輔重地。豈容奸宄潛藏。前次屢

有人奏。均經降旨飭拏。總未聞有破獲之案。豈陳奏之人。皆係風聞無據耶。著訥爾經額。密飭各該州縣偵探確蹤。設法掩捕。毋得養癰貽患。致令匪類橫行。儻地方官有彌縫諱飾情弊。該督不行叅奏。經朕別有訪聞。惟訥爾經額是問。將此諭令知之。○署直隸提督保恆。奏報得雨日期。得旨。汝提標之兵。訓練若何。有無廢弛。並未見奏來。著即行據實覆奏。若稍有粉飾。朕何難派員往查也。○直隸

布政使張集馨奏謝恩請覲得旨著不必前來朕看德順人尚勇往汝之才斷不致為伊所欺○以巡洋不力已革福建水師提督鄭高祥革任並革海壇鎮總兵官沈河清職○以福建金門鎮總兵官施得高為水師提督○撥山東司庫銀五十萬兩備本省軍需○辛酉諭軍機大臣等有人奏賊匪現踞江甯勢必窺伺蘇松上海地方為沙船聚集之區儻該匪竄至防其掠船入海為患沙船每艇

平定卷八八

主

必有三人一掌羅盤一掌梢柁一辨風色測量淺深其餘水手皆無能為若將沙船上掌管緊要之三人俱行傳集調開賊雖掠船無人駕馭自可無虞等語現在麟桂想已早抵上海著即與吳健彰密商儻賊匪竄近海口該處沙船掌管之人如何設法可以調開酌量辦理前諭令雇備上海船礮迅赴鎮江攻擊賊船現據向榮奏報疊獲勝仗專盼海船應援水陸夾攻肅清江面掃蕩羣兇在此一

舉萬勿稍有遲緩致誤事機將此由六百里傳諭麟桂吳健彰知之○又諭有人奏江南上海地方為天津奉天商販沙船聚集之區逆匪現踞江甯若分竄上海掠船出海數日可達天津奉天亟應豫為防範等語前經諭令奕興將水陸各兵操練豫防金州等處海口並諭訥爾經額密防天津諒已遵照籌辦賊情詭譎難保不假冒商販擄掠沙船潛蹤竄渡著該將軍該督派委幹員會同該地方

平定卷八八

主

官文武於要隘各口岸認真巡防並密拏奸細毋任涸跡仍須持以鎮靜不可驚擾居民將此各諭令知之○又諭前據琦善奏河南糧臺應改由歸德取道徐州徑赴天長六合較為近便當諭令該撫體察籌辦本日據李嘉端奏豫省與安徽六安州連界應運糧餉請由光州固始入六安州境內仍由豫省原辦糧臺各員辦理復據陸應穀奏現將糧臺改設歸德惟取道宿州前赴江浦及由徐州

徑赴天長六合兩路究係何處便捷現飭總局司道查議各等語此時琦善統帶大兵駐劄浦口陳金綬勝保復帶兵前赴揚州現駐甘泉山一帶所有應運糧餉必須兩處兼顧著陸應穀悉心體察應由何路轉運以期源源接濟不至貽誤並著迅速定議具奏將此由六百里諭令知之○安徽巡撫李嘉端奏報接到關防日期得旨汝初膺外任一切事宜惟有從實辦理斷不可好名尤須胸有定見勿為浮言所惑則事事無不妥協○以管帶密雲官兵前往山東賞刑部右侍郎奕經銀一百五十兩○改安徽廬州府為省城從前任巡撫周天爵請也○壬戌

上詣

壽皇殿行禮○詣

壽康宮問

皇貴太妃安○諭內閣周天爵馳奏勦辦土匪斬獲頭目殆盡一摺該匪等於定遠一帶朱

實錄卷八

上

家灣張橋等處搶掠典鋪裹脅饑民四千餘人沿街焚掠搶奪驛馬至九子集地方民遭屠戮實屬罪大惡極經周天爵統領將弁督帶兵勇四次勦捕三路進攻先後殺賊數百餘人逃散者不計其數生擒逆首陸遐齡及其子陸聚奎陸連元三名凌遲處死並獲李邦治等十二名駢首梟示辦理尚為妥速著發去白玉搬指一箇大荷包一對小荷包二箇交周天爵祇領○又諭琦善陳金綬勝保奏分攻逆賊屢獲勝仗一摺逆匪竄踞揚州於水陸兩路負險拒守陳金綬勝保於三月初九日移營至帽兒墩琦善亦於是日移營至雷塘集距賊營均止數里陳金綬勝保督飭直隸山東各營將弁兵丁攻城西之賊殺賊三百餘名琦善督飭鑾儀使武慶肅州鎮總兵雙來帶領將備官兵攻城北之賊焚毀賊營三處殺賊二千餘名奪獲大旗五面並旗幟槍械百餘件初十日琦善復督兵勦殺

實錄卷九

上

北路賊匪三百餘名。生擒十餘名。陳金綬勝保。復由西路進攻。燒毀賊營二處。殺賊一千數百名。奪獲槍械旗幟多件。統計兩日。斬獲賊匪幾及四千。連用火箭燒毀賊營五處。琦善。陳金綬。勝保等。統帶重兵。初次接仗。即能大挫賊鋒。深堪嘉尚。琦善著賞還都統銜。並發去白玉搬指一箇。白漢玉煙壺一箇。大荷包一對。小荷包二箇。交琦善祇領。陳金綬著賞還頂帶。並發去四喜玉搬指一箇。白玉翎

賞還頂帶

賞還頂帶

管一支。大荷包一對。交陳金綬祇領。又發去四喜玉搬指一箇。大荷包一對。小荷包一對。交勝保祇領。前發去賞件。並著分賞出力將弁。以示獎勵。○又諭。裕瑞奏。革員在京黏貼冤單。審明定擬一摺。已革四川清溪縣知縣閻有倫。於叅革後。輒復在京黏貼冤單。牽涉上司。居心實屬險詐。閻有倫著即照所擬杖一百。折責發落。升任藩司吳振械。成都府知府王燕堂。水利同知吳文錫。查無刪去案由。

及閱稟不收。刪改供詞等情。均毋庸議。○諭軍機大臣等。載銓奏。遵旨傳集王朝柱所指賈洵等十二員名。在欽天監署中。令監正閻信芳等當面看其跨越十字。各出並未習教甘結。並傳至該王府中。面諭伊等安分當差。不必心存疑慮等語。所辦尚屬妥協。著即照此完結。嗣後仍須隨時稽查。俾各官生等。各安本分。無為邪說所惑。儻查有習教之人。著即奏明。照例懲辦。將此諭令知之。○又諭御

史覺羅達慶周炳鑑奏

史覺羅達慶周炳鑑奏

史覺羅達慶周炳鑑奏。在京城菜市口四合店。盤獲形跡可疑之王向離一犯。訊係陝西郃陽人。攜帶伊表叔呂益謙所著無瑕玉一書。意欲改用子正。以冬至為歲首。且書內並未涉及兵法。妄謂可以平定賊匪。開列徒眾至三十餘人之多。內有十人。分占天干。以為氏號。其續編自敘去歲自春及秋。三次遣人赴湖廣探聽虛實。本年正月。由陝至晉。親閱各處鄉鎮。難保無另有不法情事等語。除王

向離業經交部訊辦外。所有呂益謙等犯。著舒興阿、張祥河。按照單開姓名住址。迅速密委幹員。前往查拏。務獲嚴加訊究。奏明懲辦。原摺單著鈔給閱看。將此諭令知之。○又諭琦善等奏請派大員隨營辦理糧臺事務等語。前將糧臺設立河南信陽地方。藩司鄭敦謹駐劄該處。總司其事。現在琦善、陳金綬、勝保等均已督兵馳抵淮陽一帶。河南糧臺自應移設徐州。著陸應穀即飭該藩司鄭敦謹

馳往該處糧臺總司其事。覈實籌辦。毋稍延誤。又據奏稱應用鉛丸、火藥、火繩等物。屢次飛催。未據河南解到。該大臣等於初九、初十等日督兵進剿。斬獲賊匪幾及四千。燒毀賊營五座。逆鋒大挫。正可乘勝殲除。鉛丸、火藥、火繩等物。需用最為緊要。著陸應穀嚴飭該委員等。星速解赴大營。斷勿稍有稽延。致干重咎。將此由六百里諭令知之。○又諭琦善等奏軍營應用鉛丸、火藥、火繩等要緊之物。

未據河南解到。已有旨飭令陸應穀迅速糧臺解辦矣。現在揚州正當勦賊喫緊之際。自應移遠就近。先其所急。山東距江南較近。著李德迅備鉛丸、火藥、火繩。遴派委員。星速解赴琦善等軍營。以資急用。而濟要需。毋稍延緩。將此由六百里諭令知之。○又諭琦善等奏軍營應用鉛丸、火藥、火繩等緊要之物。未據河南解到。恐糧臺趕辦不及。致有延誤。現當勦賊喫緊之際。自應移遠就近。先其所急。

著訥爾經額、哈芬迅備鉛丸、火藥、火繩。遴派委員。星速解赴琦善等軍營。以資應用。而濟要需。毋稍遲誤。將此由五百里各諭令知之。○又諭琦善、陳金綬、勝保奏分攻逆匪。連獲勝仗一摺。逆匪竄踞揚州。極力抗拒。經該大臣等分路攻剿。兩日斬獲賊匪幾及四千。燒毀賊營五座。辦理甚合機宜。現據查探該匪潛出附近各村擄人。並前赴江甯搬取救兵。足見賊勢已困。賊膽已寒。前據向榮奏報連

破賊營。生擒殲斃甚多。兩路大兵。勦辦均已得手。正可趁此聲威。設法圍攻揚州一城。不難剋期收復。浦口等處。現派何員扼守。馬隊各兵。何處屯劄。務須遏賊北竄。尤當嚴密偵防。萬勿大意。稍有疏失。其水路賊船。已屢次諭令麟桂。吳健彰。雇覓火輪船。帶同師船。由海入江。相機焚勦。此時諒已趕到。該大臣等一面合力進攻揚州股匪。仍一面與向榮等知會水陸並進。南北夾擊。俾賊彼此不能相

平定集卷八八

七

顧楊秀青。既據探詢現在揚州城內。尤當設法用計誘擒。如能將逆首擒獲。則餘眾聞風潰散。勦辦更易得手。前據楊殿邦奏督帶兵勇。前赴邵伯鎮一帶攻勦。著該大臣等隨時咨會。互為聲援。將此由六百里諭令知之。○又諭周天爵馳奏。勦除土匪陸遐齡等各摺片。已明降諭旨。分別辦理矣。勇目劉鴻立。孔繼蘭。武奉山。姜庭槐。張鳳山。宋鴻沾。馮金標。劉飛熊等。膽壯能戰。槍不妄發。除姜庭槐業

平定集卷八八

七

已陣亡外。餘俱由周天爵賞以六品頂帶。該勇目等果能始終奮勇。出力報效。即可拔補營員。以示鼓勵。據稱臧紆青。人品膽略。堪備驅使。辦理團練。亦有實效。著周天爵傳旨。令其勦賊立功。自必優加獎勵也。安徽省失事文武各員。仍著會同李嘉端查明。迅即定擬具奏。片一件留中。將此由六百里諭令知之。○又諭奕興奏。遵旨挑選精兵。並籌辦情形。各摺片。該將軍即揀選精兵四千名。配帶軍裝器械。迅速分起啟程。所有庫存銀兩。即先儘盛京官兵支應之用。黑龍江借墊軍需銀兩。現既無款可籌。著即知會英隆。令其將續調官兵二千名。暫緩啟行。候旨遵辦。至賊匪現在竄踞江甯。分擾揚州。疊經向榮。琦善等奏獲勝仗。一俟續調各路精兵到齊。自無難殄茲羣醜。昨因逆匪擄掠船隻。恐其由海口北竄。當令該將軍。於金州等處海口。派員嚴密巡查。勿使奸細溷入。著仍遵前旨。督率嚴

防。毋得稍有疏懈。將此由五百里諭令知之。
○禮部以宗室會試中額請得旨。取中二名。
○命署金州副都統瑞昌統帶盛京官兵來京。以盛京副都統富呢雅杭阿署金州副都統。○以勦辦安徽定遠土匪出力。賞知州金光勛守備信長慶花翎。餘升敘有差。○予江蘇揚州陣亡遊擊華雲龍守備周玉喜把總杜芬祭葬世職。○癸亥。

上御撫辰殿。閱侍衛等步射。至己巳。皆如之。○

實錄卷八十八

十一

命翰林院編修吳福年提督廣西學政。○以江南鎮江府城被賊竄陷。革京口副都統文藝職。以西安協領長安為京口副都統。○甲子。諭內閣。琦善陳金綬勝保奏痛勦逆匪。續經大獲勝仗一摺。逆匪自聞大兵抵揚。由江甯添兵救應。琦善移營至保山。陳金綬勝保亦移營至司徒廟。均距城三里許。本月十二日。賊眾數千。擁出北門。直撲琦善營盤。經該大臣等親督鎮將員弁。或迎擊其前。或抄截

其後。土城內賊匪復擁出接應。該鎮將等督率官兵。施放連環銅礮。一時之久。斃賊甚多。賊眾潰奔木城。官兵抄追緊急。至鳳凰橋地方。復殲斃千餘人。由橋落水者不計其數。我兵回身撲入土城內。痛加勦洗。焚毀賊營三處。各營賊匪。羣出救護。我兵竭力分勦。陳金綬勝保督帶員弁。並青州駐防及火器營官兵。由西路繞過觀音山。會合截殺。賊眾蜂擁迎拒。我兵用銅礮轟擊。並用火箭火罐打入土城。燒毀賊營二處。該逆復由城內擁出數千。琦善陳金綬勝保合力勦擊。賊眾敗走。我兵乘勝掩殺。賊始紛紛竄回。計自辰至酉。連獲五次勝仗。焚毀賊營土城五處。殺斃賊匪七八千人。長髮賊死者甚眾。奪獲旗幟槍械無算。該逆竄擾江北。擄掠橫行。經琦善等親督官兵。旬日之間。疊獲勝仗。實屬可嘉之至。昨已降旨優加賞賚。琦善調度有方。著再加恩賞戴花翎。至該官兵等。如此奮勇。朕心甚

實錄卷八十八

三十一

悅○前發去賞件○著擇其尤為出力者○分別頒給○並傳旨獎勵○指日克復揚郡○當渥沛恩施○直隸署遊擊白含章○中礮陣亡○著照例賜卹○陣亡兵丁○查明一併議卹○該大臣等務當乘勝攻勦○掃蕩妖氛○以慰朕望○又諭○向榮奏○連破賊營○並占據要地○大獲勝仗一摺○該大臣於三月初六日○襲破通濟門外賊營之後○復於十一日○與許乃釗○彭玉雲○壽商○派提督蘇布通阿等○帶領兵勇○分為四隊○於寅刻○暗

軍機處

三

襲七橋○襲賊營○先於丑刻○分遣川勇○繞伏賊營之後○復撥捷勇屯兵○從橋左右涉河○蘇布通阿○馬龍○親督副將虎嵩林○明安泰等○帶領兵勇○進至橋頭○號礮一發○四面齊攻○該逆倉皇失措○放礮外擊○我兵因大霧迷漫○乘勢搶入賊營○火罐噴筒一齊拋擲○登時燒斃賊匪無數○該大臣復親自督兵○前往接應○我兵愈加奮勇○乘勝分隊前進○當將賊營先後攻破○即因賊壘○趕緊移據○進剿七橋○據定要地○

復於亥刻○遣勇潛赴七橋○西燒毀賊營一處○計是日燒斃賊匪三百餘人○斬取長髮首級五十餘顆○生擒四百餘人○救出脅從難民一千餘人○奪獲二千斤大礮二尊○一千斤五六百斤大礮四十餘尊○擡礮擡槍鳥槍刀矛旗幟火藥鉛彈帳房馬匹等件無數○偽總制木印一顆○並訊據生獲匪供○有穿大紅衣服目偽總制陳姓○已被官兵嚮割○我兵止陣亡一人○受傷數名○該大臣自統師以來○倍著奮

實錄卷八

三

勇○膽氣尤壯○實能不負委任○深堪嘉尚○前頒賞件○想已祇領○所有提鎮將弁○並受傷之都司嚴承恩○守備張金燦等○均著傳旨獎勵○擇其尤為出力者○將前所頒賞件○分別賞給○陣亡兵丁一名○著咨部議卹○該逆壘經痛勦○勢必窮蹙○該大臣等○乘勝進攻○即望克復省垣○肅清江口○與在事文武○同膺懋賞也○又諭○聯順奏○請嚴禁流民○整飭地方一摺○據稱京城街市窮民○多有外省口音○各城外有用小

車推載行李。沿途乞食者。難免奸宄涸跡。並聞中營石窩村。現有盤獲湖北民人之案等語。現在賊匪竄擾南省。難民流離失所。經過地方。該督撫等。自應設法撫綏。早為資遣。若任其轉徙無歸。人數眾多。即恐有奸徒涸跡其中。別生事端。畿輔重地。尤宜整肅。不可不嚴加查察。以詰奸慝。而恤窮黎。嗣後外省流民。一入直隸省交界。即著該督飭令地方官。隨時資遣。令回本籍。其現在京城內外流民。

實錄卷八十八

奏

著步軍統領。順天府。五城。一體稽查。妥為安插。或設法遣歸。不得互相推諉。聽其流徙。儻有形跡可疑之人。一經盤獲。即著嚴行究辦。毋稍疏縱。○諭軍機大臣等。據向榮奏。連破賊營。大獲勝仗。一摺。並籌畫攻復鎮江情形等語。該大臣前奏於通濟門外。襲勦賊營。數日之內。復連破賊營四座。燒毀一座。將七橋。夔要地。暗襲占據。使賊勢不能聯絡。即可攻克鍾山。雨花臺。以便收復省垣。覽奏欣慰。該

大臣自統師以來。倍著奮勇。膽氣尤壯。實不負委任。本日適據琦善等奏。於十二日燒毀揚州賊營五座。斃賊七八千人。大獲勝仗。可望剋期收復揚州。是該逆經南北兩處大兵攻勦。必有不及兼顧之勢。該大臣務即乘勝厲兵。痛加勦洗。尤須密防城內首要逆匪。窮蹙奔突。據稱楊秀青往來金陵揚州之間。又聞賊有由浦口。六合。北竄之說。逆賊鬼蜮伎倆。往往避實擣虛。向榮深悉賊情。務須隨時

實錄卷八十八

奏

知照琦善等。南北聲息。聯為一氣。萬勿墮其奸計。所有浦口已到之黑龍江官兵。經琦善派令在彼駐劄。該處距江甯甚近。著該大臣隨時飭知帶兵之員。嚴密防堵。毋令該逆潛蹤偷渡。致誤事機。所調湖南礮船。江西礮位。因何遲久未到。即著飛札嚴催。惟該大臣已派鄧紹良。李瑞。分帶兵丁。會齊丹陽。進勦鎮江之賊。是水路師船。刻不可緩。本日復諭令楊文定。並諭麟桂。吳健彰。迅帶海口戰船至

京口為夾擊之計。楊文定退守江陰。恐不免遷延畏憊。該大臣即與許乃釗妥籌。知照楊文定。即飭鄭魁士迅速督催各船上駛。以應急需。定海鎮總兵周士法。既據向榮查知熟諳水師。即著飛札催令前赴鎮江。會督師船協剿。總之江面賊艘。必須設法焚剿淨盡。使賊南北隔絕。庶可一鼓殲除。該大臣相機布置。定能出奇制勝。江甯鎮江兩城文武下落。仍著該大臣等查明迅速具奏。將此由六百

實錄卷八十八

三

里諭知向榮許乃釗。並諭令彭玉雯知之。又諭琦善陳金綬。勝保奏痛剿逆匪。續經大獲勝仗一摺。可嘉之至。逆匪竄踞揚州。負隅抗拒。該大臣等親督官兵進攻。屢獲勝仗。此次焚毀賊營土城五座。殺斃賊匪七八千人。長髮賊死者甚眾。辦理甚合機宜。本日復據向榮奏。連破賊營四座。燒毀一座。並占據七橋。要地是兩路。勦辦均已得手。正宜乘勝痛剿。以期迅掃妖氛。金陵鎮江各匪已由向

榮督兵進攻。江北情形。自以克復揚州為最要。現在雖大挫兇鋒。而賊情鬼蜮。難保不窘極思竄。仍宜於攻剿之餘。防奔竄之路。斷不可稍涉大意。淮徐一帶。雖有楊殿邦等分路設防。而兵力單弱。且自淮而北。一路平坦。無險可扼。僅賊匪被勦窮蹙。大隊北竄。淮徐猝不及防。其蔓延更為可慮。著該大臣等悉心妥籌。總期防勦兼施。勿令賊匪乘間北竄。本日復諭令楊殿邦。楊以增等督兵嚴防。仍著

實錄卷八十八

三

隨時知照。相機勦辦。浦口六合一帶要隘。現在如何扼守。馬隊官兵計已陸續到齊。務須擇要布置。遏賊竄路。不可因屢次獲勝。稍有疏忽。將此由六百里諭令知之。又諭前據楊殿邦奏招募壯勇。並楊以增奏籌辦防堵情形。已疊次諭令該督等防勦兼施。無任賊匪北竄矣。遊擊馮景尼業經飭令帶勇赴勦。知府福楙帶勇三千名。是否足資守禦。楊殿邦。楊以增於北路防守事宜。究竟作何布置。

現據琦善。向榮陳金綬等。疊次奏報。勦辦江甯揚州賊匪。屢獲大勝。該逆受創窮蹙。難保不豕突狼奔。僅大股逆匪。直趨淮浦。該督等何以禦之。且賊匪竄踞各處。每於城外添築土木各城。層層設備。以圖堅拒我師。豈該督等於淮安清江一帶。獨不能設法嚴防耶。現在南路攻勦。雖可期得手。而北路防守。尤為喫重。該督等務須扼要布置。計出萬全。切勿專靠南路大兵。以為可幸無虞。儻敢稍涉大

實錄卷八

聖

意。致有疏失。朕惟楊殿邦。楊以增。是問其揚州附近各州縣。曾否被擾。上游邵宿一帶。本多土匪。亦須確切偵探。儻賊匪被勦分竄。著即知會周天爵。帶兵協勦。但明倫。劉良駒。及揚州文武各員。如何下落。著一併迅速具奏。將此由六百里各諭令知之。○又諭。本日據向榮奏。連獲勝仗。並派提督大員。水陸進取鎮江等語。已諭令相機調度矣。又據琦善等奏報。攻勦揚州賊匪。亦經疊次獲勝。大江南

北焚殺逆賊不下萬餘。克復三城。在此一舉。江上火攻。水師最為緊要。該署督所帶廣艇。師船。自焦山一挫之後。匿跡江陰。至今並無續奏。究竟現有廣艇若干。師船若干。火輪船。曾否由吳健彰雇募。麟桂。願備兵船入江助勦。此項船隻。是否已到。向榮又咨調浙江總兵周士法。統帶水師前來應援。若能將京口。停泊賊船。先行掃蕩。陸路有鄧紹良。李瑞帶兵夾擊。鎮江一城。不難先行收復。該署督不

實錄卷八

聖

可仍事遷延。致失事機。麟桂。吳健彰。所辦船隻。何時駛入江口。即行飛報。向榮聽候調度。務當聲息相通。水陸並進。迅殄羣醜。以慰朕懷。將此由六百里諭知楊文定。並傳諭麟桂。吳健彰知之。○又諭。前經降旨。令奕興。挑選盛京官兵四千名。來京聽候調遣。朕思盛京為根本重地。額設水師兵數一萬九千餘名。除調撥外。其在營兵丁。或應巡查邊門。或應分防海口。在在均關緊要。著奕興認真查驗。

如有老弱充數。及缺額不足等弊。隨時嚴行整頓。勤加訓練。務令技藝嫺熟。悉成勁旅。以固根本。而資操防。將此由四百里諭令知之。○欽差大臣湖北提督向榮奏。連破七橋。獲賊營。大獲勝仗。得旨。汝能連獲勝仗。朕懷甚慰。惟盼汝攻復金陵。俾逆賊無遺類。方好。汝自統師以來。倍著奮勇。膽氣尤壯。朕知汝非偏裨之將。故任之重。責之專。○緩徵江南蘇州。松江。常州。鎮江。太倉。五府州近賊地方新舊額賦。○賞故廊爾喀貢使噶箕。更別熱慶銀三百兩。達他人巴達拉興。噶羅恰第。熱慶各二百兩。

實錄卷八

聖

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八十八

實錄卷八

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十九

奏請將各省巡撫員缺酌量裁減以節糜費事

大學士管理兵部事務加十三級紀錄十四次

大學士管理戶部三庫事務加四級紀錄十六次

大學士管理刑部事務加四級紀錄十二次

大學士管理工部事務加四級紀錄十二次

敕修

咸豐三年癸丑三月乙丑諭軍機大臣等聯

順奏

天壇齋宿一切執事人員俱應敬謹將事請查

照舊章添派官兵以昭敬慎等語

天壇重地理宜嚴密稽查著自本年四月起凡

遇詣

壇齋宿日期該營王大臣等於舊設守衛齋宮

官兵一百名外仍按兩營輪班次數添派官

兵一百名於

壇外值宿所有新添舊設官兵均飭令各帶火

器實力巡查毋稍疏懈將此諭令知之○諭

內閣大學士軍機大臣會同刑部定擬徐廣

縉罪名一摺已革署湖廣總督徐廣縉經朕

簡派欽差大臣接辦軍務沿途行走已屬遲

延迨賊由湖南下竄漢陽武昌相繼失守猶

復株守岳州一籌莫展實屬調度失機徐廣

縉著即照裕誠等所擬按律定為斬監候秋

後處決○又諭前因調派各路官兵前往勦

賊恐其沿途需索擾害閭閻疊經降旨諭令

統兵大員及沿途各督撫嚴行查察並將查

出滋事官兵分別懲辦現在續調各路官兵

次第啟程朕思軍行首重紀律必須嚴明約

束方可安靜進行該兵丁等儻仍有向地方

官任意婪索甚或擾累民間者著統兵大員

即將犯法之人按軍法從事並將帶兵之員

嚴行懲辦勿稍寬貸至所過州縣應付一切

差務自應按照定例妥為豫備如有辦理不

善及任聽辦差人役剋扣侵漁以致兵丁藉

口逗遛別滋事端。該督撫即行指名嚴參。以靖地方而肅軍律。將此通諭知之。○諭軍機大臣等。李德奏江南兵力足資防勦。請飭續調各路官兵。暫緩前進。免致沿途騷擾一摺。所奏不為無見。逆匪竄踞金陵。分擾鎮江。現經向榮督兵。將賊營連次燒毀。痛加勦洗。揚州賊匪亦經琦善陳金綬勝保等督兵進勦。斬獲甚多。逆鋒大挫。惟三城尚未克復。賊勢奔突。南北靡定。山東與江南接壤地方。防勦最關緊要。而畿輔重地亦不能不豫為設防。疊經王大臣會議具奏。朕所以特調各路重兵前往山東及江南淮徐等處。以備攻勦。且可彈壓地方。鎮靜人心。俾吾民有所憑恃。不致驚惶遷徙。非不知帑餉難籌。兵差難辦。實出於萬不得已之苦心也。現在軍務方殷。所調各兵均已啟程。未便中止。惟有嚴飭統兵大員及地方官認真查察。申明紀律。以肅戎行。惟冀

上天眷佑。迅殄妖氛。逆賊早滅。一日。吾民即早安一日。即徵調之兵亦可剋期凱旋歸伍。此朕所日夜禱祀而求者。想該撫定能仰喻朕意也。將此由四百里諭令知之。○盛京將軍奕興奏請暫停冬圍。以節經費。得旨依議辦理。仍應嚴行稽查。以杜奸匪。○以拏獲重案要犯。賞盛京佐領恩合三品頂帶。○丙寅

上詣

壽康宮問

皇貴太妃安。○諭內閣。向榮奏續獲勝仗。奪回鍾山一摺。覽奏欣慰。據稱官兵奪據七橋壘。將鍾山及報恩寺賊營從中隔斷。該逆前後不能兼顧。所有報恩寺賊營於十二日夜間逃走一空。向榮等於十三日飭令各提鎮分為五路進攻。以四路分撲別壘。以一路直撲鍾山。並豫伏疑兵。是日已初出隊。一齊直撲賊營。開放槍礮。奮力攻打。該逆放礮抵拒。我兵於槍礮叢中攻擊愈力。逼近賊營。拋擲火

毬火罐各路賊營驚慌欲遁城內賊眾衝出三千餘名接應並有黃衣賊目指揮督戰我兵吶喊直前該逆不能拒敵即時回遁兵勇追上砍殺無數斬取長髮首級七十餘顆追至朝陽門外該賊目閉門不出我兵約於四更時乘月襲燒賊營鍾山賊匪及明陵享殿雨花臺各賊營驚惶亂竄自知難守先於三更時縱火自焚逃至朝陽正陽通濟各城門外為退守計我兵已得鍾山仍圖進剿各等

語向榮自到金陵疊次勦捕逆匪運籌制勝悉合機宜著賞穿黃馬褂並頒給祇領以示嘉獎該大臣即與該署撫許乃釗悉心籌畫乘勝攻剿克復省城在事出力各員定當同膺懋賞勉之望之其陣亡兵丁查明請卹○諭軍機大臣等向榮奏續獲勝仗奪回鍾山及籌辦江面賊船各摺片並繪圖貼說披覽頗慰朕懷鍾山為金陵形勝之地我兵分路進攻直逼賊營各營賊匪驚惶連夜自行燒

毀各營將舊營加高培厚為退守計足見賊

勢已蹙賊膽已寒惟城外賊營尚多鍾山距城甚近可以俯瞰城中最為要地現雖奪獲而一時未便剗營不可稍涉大意復令該逆竄踞至江面賊船自以火攻為要所有上游應備船隻及水摸人等該大臣業已密為豫備並令向繼雄及盧應翔管帶礮船駛抵當塗聽候調遣其下游應用船隻已有旨令楊文定設法籌辦並疊諭麟桂吳健彰由上海雇火輪船及師船由海入江該大臣已派鄭魁士前往楊文定處迎提戰船惟楊文定久駐江陰毫無展布其畏怯情形已可概見恐不足恃許乃釗現署巡撫責無旁貸此時麟桂等所覓上海各船如已趕到著即與麟桂密商約定上下游同時夾擊務將江面賊船焚毀淨盡斷其南北往來之路則賊勢自可坐困而鎮江一城可先克復惟現在大隊賊船全在浦口江甯城內外賊匪被勦窮蹙難

保不由浦口渡江北竄。本日已諭令琦善等隨時防範。該大臣等仍當一面督兵進剿。力圖收復。仍一面偵探賊情。如有渡江北竄之信。即行派委得力將弁設法截擊。並飛咨琦善等趕緊堵禦。萬不可稍有疏虞。將此由六百里諭知向榮。許乃釗。並傳諭彭玉雯知之。○又諭向榮奏進剿賊匪續獲勝仗。奪回鍾山一摺。並催提礮船。剿江面賊船等語。逆匪竄踞金陵。分擾鎮江。現經該大臣督兵攻剿。疊獲勝仗。已將鍾山奪回。省城當可克復。惟賊匪被剿。勢必紛紛北竄。且江面賊船未經懲創。江北一帶防堵最關緊要。著琦善陳金綬。勝保等督飭將弁兵勇扼要堵截。務將揚州賊匪迅速殲滅。克復府城。毋令賊黨久踞。乘間奔突。聞淮河水涸。賊船自五臺山至九龍山均已閤淺。正可乘此機會設法火攻。聚而殲旃。至浦口江面為大隊賊船聚集之處。向榮已將火攻船隻及水摸人等密為豫

備。並派員管帶礮船礮勇。一俟上海船隻提到。即相機焚剿。著琦善等豫籌布置。密為援應。若能水陸夾擊。斷賊南北之路。定可迅殄妖氛。所有江北淮揚徐州一帶地勢險隘。現在劉營地方及防堵處所。著繪圖貼說具奏。將此由六百里諭令知之。○又諭李德奏請酌派官兵扼守險要。分別駐劄一摺。現在琦善向榮等連獲勝仗。賊勢窮蹙。難保不乘間北竄。黃河兩岸尤宜處處嚴防。該撫駐劄宿遷。迤北為山湖分路之處。調度無慮。稽遲即就近督同兗州鎮總兵百勝等統帶弁兵分扼要隘。並知照托明阿奕經互相聯絡。以壯聲援。至曹州府屬之劉家口董家口等處。既已派兵防守。仍隨時飭令總兵三星保往來梭巡。不可稍涉大意。軍中利用火器為先。該撫兩次截留運鉛十二萬斤。務即多製鉛丸。並配造火藥火繩等項。以備應用。將此由四百里諭令知之。○又諭前有旨令奕經統帶

密雲官兵一千名。前往江南。山東交界地方。防堵。疊據琦善。向榮等。奏報。續獲勝仗。難保賊匪不窮蹙他竄。著奕經。迅帶所調密雲官兵。前赴王家營駐劄。與清江浦防剿之兵。互相策應。仍當隨時察看。何路緊要。即往何路扼守。並與慧成。李德。知照辦理。毋誤事機。將此諭令知之。○又諭。前有旨。令托明阿。統帶歸化。綏遠等城勁兵。前往江南。山東。交界地方。防堵。疊據琦善。向榮等。馳奏。續獲勝仗。難保賊匪不窮蹙他竄。著托明阿。督帶所調官兵三千五百名。前赴清江浦駐劄。與楊以增協力防剿。仍當隨時察看。何路緊要。即往何路扼守。並與慧成。李德。知照辦理。毋誤事機。將此由五百里諭令知之。○欽差大臣湖北提督向榮奏。續獲勝仗。奪回鍾山。得旨。有此捷仗。賊膽已落。然城外賊營分布。現已奪獲之處。不可稍涉大意。復令該賊竄擾也。○禮部以會試中額請得旨。滿洲取中六名。蒙古

取中一名。漢軍取中三名。直隸取中二十二名。奉天取中三名。山東取中十七名。山西取中十一名。河南取中二十二名。陝甘取中二名。江蘇取中十二名。安徽取中九名。浙江取中十八名。江西取中十七名。湖北取中八名。湖南取中七名。福建取中十一名。廣東取中十一名。廣西取中六名。四川取中十三名。雲南取中十一名。貴州取中八名。○以畏蒧無能。降直隸天津鎮總兵官李瑞。為遊擊。以直隸大沽協副將特克慎。為天津鎮總兵官。○改鑄廣東糧道關防。從巡撫柏貴請也。○以會拏山東捻幅各匪出力。賞知縣黃良楷。知府銜。餘升敘有差。○撥山海關盈餘銀一萬五千兩。備駐防官兵俸餉。○丁卯。諭內閣。朕以軍興三載。需餉浩繁。特命大學士裕誠等。並尚書柏葰。翁心存。會同戶部。妥議奏。本日陳奏各條。均屬妥協。已依議行矣。並據奏。請推廣恩綸。申勸捐輸。以裕軍餉。披覽

之下有不能不宣示朕懷者國家定制歲入有常惟正之供不容短絀此外一絲一粟皆吾民勤動所餘苟非軍國要需何忍重勞百姓比年以來各省奏報紳士商民輸將踴躍除隨時獎敘外並將捐數較多之山西陝西四川等省酌廣鄉試中額並生員學額以昭激勸現在大江南北軍營援勦之兵數逾十萬連日捷音疊奏大挫兇鋒近復調集各路重兵剋期赴勦合之前調之兵不下二十餘萬朕不惜帑金為民除害統計所撥已及二千七百餘萬兩際茲大兵雲集需餉尤殷仍不能不借資民力以濟軍儲朕每覽軍營奏報小民於流離失所之餘尚復輸粟犒師深為悲憫即各省距賊較遠地方亦復因軍行徵調供億維艱若再諭令捐輸實非朕心所願惟念賊匪一日不滅民生一日不安雖疆圉遠近攸分而民情驚擾則一恤鄰有福古訓昭垂朕之命將出師原不僅為東南數省

生靈揀災雪憤但得櫓槍迅埽海寓乂安薄賦輕徭與民休息昇平之福朕與天下共之凡爾士民諒能共喻著照大學士等所請由各省督撫妥為勸導無論已捐未捐省分凡紳士商民捐貲備餉一省至十萬兩者准廣該省文武鄉試中額各一名一廳州縣捐至二千兩者准廣該處文武試學額各一名如應廣之額浮於原額即遞行推展僅捐數較多展至數次猶有贏餘者准其於奏請時聲明分別酌加水廣定額加額銀數及如何歸併劃除之處悉照大學士等所議辦理其捐生本身應得獎敘仍准奏請另予恩施如有一人一家捐貲累萬及毀家紓難接濟糧臺者破格殊恩不在此列此次捐輸乃朕不得已之苦衷儻有墨吏奸胥藉端擾累苛派侵吞以朝廷不忍遽行之政為若輩取攜自便之資病國虐民情尤可惡著該督撫立即嚴叅置之重典切勿稍存姑息致累民生各路

統兵大臣亦當念軍士餉糈所出皆吾民竭力輸將嚴飭所帶官兵迅速奏功以蘇民困軍中疲弱兵丁必當隨時裁汰使兵歸實用餉不虛糜糧臺大員收支銷算亦當力求撙節不可稍事冒濫庶上可以報國即下可以對民各該督撫等即將此旨刊刻謄黃徧行曉諭俾薄海臣民咸知朕意該部即遵諭行○又諭倪良燿奏海運剝送交兌米數參差一摺並申辯家屬回籍等語此次江浙兩省

海運米石疊經降旨責成倪良燿趕緊辦理如果該司認真督催何至二月中旬始行奏請勒限放洋嗣後亦未據將遲延州縣指名叅奏茲因被黃宗漢叅劾特臚陳剝運交兌情形嘵嘵辯論以掩其遲誤之咎已屬難逃朕鑒况當軍務倥傯之際輒將眷屬遷避鄰省致令民心惶惑咎實難辭乃猶以繞道回籍探訪老母為詞何居心若是巧詐著傳旨嚴行申飭責令將江浙兩省未經放洋各米

石迅速督飭跟踪開放如再事遲滯有誤天庾正供朕必將該藩司從重治罪至近來被兵省分每聞督撫司道先將家屬移徙出城甚至賊尚未到之處亦有先遣眷屬遠避者以致訛言肆起士民驚駭遷徙紛紛似此張皇失措祇知自顧身家安望其固結人心保守疆宇耶朕於中外臣工無不推誠相待爾諸臣亦當清夜捫心公忠自矢恪守國爾忘家之義毋負朕望勉之懍之將此通諭知之

○諭軍機大臣等前據步軍統領衙門奏拏獲攜帶紅衣七星藍布單等物人犯劉秋貴一案當降旨交刑部嚴審該犯供詞支吾堅不吐實現已在監病故無從訊究惟據劉秋貴生供係直隸趙州東北鄉新莊民人胞弟劉貴生即疤臉兒劉尖兒劉貴成俱在原籍娶妻趙氏生有二子紅衣七星藍布單皆係伊妻代為縫做等語著訥爾經額遴派幹員前赴趙州一帶嚴密訪查劉秋貴有無夥黨

平日是否傳習邪教。並提該犯之弟劉貴生等。並伊妻趙氏嚴訊。究其家中有無習教違悖經卷等件。一併查明。據實具奏。劉秋貴供詞。並所帶紅衣等物。已令刑部咨交該督。以憑查辦矣。將此諭令知之。尋奏。訊明劉秋貴家屬。委無習教為匪。從賊代作奸細情事。據地鄰出具甘結。案無遁飾。報聞。○又諭。前以山東省與江南接壤。疊經降旨。令扼要設防。並據李德節次將布置情形先後陳奏。茲據給事中毛鴻賓奏。黃河渡口船隻。現雖停泊北岸。猶慮其縛木為筏。或勾結奸民。暗備船隻。為之接應。宜於黃河兩岸。以重兵扼守。使賊不得北渡。請飭周天爵統帶兵勇。迅赴淮徐一帶。與楊殿邦。楊以增等。互為聲援。並請撤回調往安徽兵六千餘名。由李德分營防堵。鄭城。穆陵關。更為扼要。宜認真設防等語。著李德按照片內所陳。悉心體察。如有可採。即妥籌辦理。現在督辦團練五品頂帶前任

漕運總督李湘蓂告病在籍。前任臺灣鎮總兵呂恆安。並著該撫察看。如幫辦河防。可期得力。即奏明調赴防所可也。原片二件著鈔給閱看。將此由四百里諭令知之。○大學士直隸總督訥爾經額奏。查辦各屬教匪情形。得旨。飭屬嚴速查辦。不可使委員等積習相沿。不敢據實具稟。訪查得有端倪。即行奏來。原奏摺稿二件。留覽備查。○戶部尚書孫瑞珍等奏。驗收海運南糧。現辦情形。得旨。地方情形。隨時具奏。應密者密之。○陝甘總督舒興阿奏。陝省撤防。仍駐西安。得旨。該督仍應移駐西安。以資鎮守。俟大軍凱撤後。再回蘭州。○調哈密辦事大臣文蔚為駐藏辦事大臣。賞已革藍翎侍衛崇恩。二等侍衛為哈密辦事大臣。○戊辰。諭內閣。張亮基。崇綸奏。勦辦通城等屬土匪。疊獲勝仗。並添兵連勦一摺。湖北通城縣土匪滋事。嘉魚縣地方。復有匪徒。劫獄焚署。戕害書役之案。經該署督等

派委臬司江忠源督同都司戴文蘭守備馬良勳分道往勦該匪等糾約夥黨欲為負隅抗拒之計業經士民等將通城縣首要匪犯方九五葛柏相夏繼綱劉其闢等拏獲就地正法惟首逆劉立簡竄至麥園土匪羅經仁家與何葛塢地方首匪何天進糾約死黨潛相勾結該臬司乘夜馳往出其不意奮勇勦殺立將首逆劉立簡擒獲並獲從犯多名燒毀賊巢羅經仁等翻山竄逸官兵追至葛家坪與賊鏖戰殺斃二百數十名生擒十餘名次日賊復分路設伏來撲營盤把總滕家盛蔣大勝倪長智六品軍功林志祺伍坤德抄出營後竭力追殺斃賊甚眾三日之內共斃賊匪四百餘名正擬拔營前進復聞崇陽縣有逆匪陳北斗汪姓等聚眾焚劫該臬司即稟商該署督調六品頂帶江忠濟教諭劉長佑所帶楚勇並鄖陽鎮守備石清吉所帶防守官兵馳赴軍營會同都司戴文蘭進勦此

股匪徒梟獍遺孽輒敢煽眾滋事勾結焚掠亟應迅速撲滅以淨根株臬司江忠源前經降旨令其馳赴向榮軍營現在勦辦湖北匪徒著暫緩啟程即行督帶兵勇趕緊籌辦務將著名首逆悉數殲擒毋任一名漏網以靖地方○又諭張亮基崇綸奏查明湖北失事文武員弁一摺並開單呈覽前因已革湖北提督博勒恭武自岳州潰逃後猶復輾轉偷生降旨令張亮基等提解到省即行正法茲

據奏稱訪查該革員復赴江南就醫改道由河南南陽府地方行走並有囑令伊子探聽消息緊急即報病故之語種種狡詐實出情理之外著江西江蘇安徽河南直隸各督撫一體迅速查拏無論該革員行抵何處拏獲後一面奏聞一面就地正法伊子刑部員外郎貴山現由湖北回京並著直隸總督正白旗滿洲都統查明拏交刑部嚴訊確情以憑查辦其未經查出各員仍著張亮基等確查

隨時具奏○諭軍機大臣等桂良奏京師各城門外官廳旁設立柵欄應飭夜間掩閉巡查護城河一帶近有私搭土橋及用船偷渡者應行嚴禁城根積土過高各城水牆傾缺請飭履勘查辦等語著步軍統領衙門飭令該管營員認真查覈分別辦理至城河年久淤墊應如何籌款挑濬之處並著派員勘辦又有人奏近日京城內外旗民官宅及住戶人家門前牆上多有書寫字樣種種不一均不知其由來似此形蹤詭秘恐係奸民搖惑人心著即密派員役巡查或於夜間密行訪查如有匪徒蹤跡立即拏獲從重懲辦原片二件均著鈔給閱看將此諭令知之○以管帶吉林官兵前往江南賞副都統托雲保銀一百五十兩侍衛容照銀一百兩○已巳上御乾清門聽政○諭內閣戶部奏海運漕糧遲滯請旨飭催一摺本年江蘇浙江兩省起運漕糧正耗米石改由海運前經降旨飭令

江蘇布政使倪良燿嚴飭各州縣趕緊運米赴滬剋期放洋茲據戶部奏稱江蘇省兌運米現止五十萬七千餘石浙江省兌運米現止三十餘萬石覈計兩省起運米數僅及其半較之歷屆放洋日期亦形遲滯其未經裝兌糧米江蘇省尚有五十餘萬石浙江省尚有三十餘萬石未據各該督撫等咨報天庾正供所關甚鉅豈可任意耽延致有貽誤著江蘇浙江各巡撫並總司海運事宜江蘇布政使倪良燿迅即催趲全數裝兌放洋毋得稍有遲滯○又諭戶部奏請將擅行截留海運漕糧之巡撫藩司交部嚴議等語本年江甯所屬及安徽江西應運新漕因河道梗塞未能運京酌量截留軍食原係變通辦理並非准其截留海運米石乃該撫等並未豫先分晰奏明請旨輒援截留漕糧抵餉諭旨率將海運正糧截留二十餘萬石之多實屬有意蒙混楊文定聯英倪良燿均著先行交部

嚴加議處。仍著該署督等迅將所截米石。按照奏定章程。設法補足全數。剋期裝兌沙船運京。毋得再有遲誤。致干重咎。○又諭兵部奏盛京官兵。據報啟程。請旨遵辦一摺。所有前經飭調之盛京官兵。將次來京。即著署金州副都統杭州將軍瑞昌統帶。前赴淮徐一帶。會同慧成辦理防勦。其吉林官兵。著恩華統帶。前赴直隸。會同訥爾經額擇要駐劄。以備調遣。仍飭沿途地方官。妥速豫備。毋稍遲誤。○諭軍機大臣等。柏葰等奏據編修陳泰初呈稱。明史及四川省志。均載明末流寇張獻忠。嘗有金銀數千萬於錦江之下。並稱嘗目見彭眉居民。撈得獻忠遺棄之銀。其色黑暗。又聞曾經查出歸官。尚存藩庫。有案可覈。道光十八年。曾派遣員履勘。以未能確指其處。是以中止等語。著裕瑞按照所呈各情形。悉心訪察。是否能知其處。設法撈掘。博採輿論。酌量籌辦。原摺鈔給閱看。將此諭令知之。

○又諭御史王茂蔭奏。近日京城銀錢帳局。立意收本。不肯借貸。以致各項店鋪歇業。居多。又典鋪多不收當。貧民益難謀生等語。京師根本重地。必得商賈流通。方足以安民業。著步軍統領順天府五城。剴切曉諭。凡挾貲經運之人。均各照常出納。毋得故意刁難。致使貧民失業。至開設典鋪。原以便民。應如何設法開導。令其照常交易之處。妥籌辦理。將此諭令知之。○又諭有人奏陝西調辦防堵兵丁。到處騷擾。帶兵官伊密揚阿在甘肅平涼縣。將知縣伊常阿毆打。並未撤委。又帶兵官馬致遠在藍田縣。攔路劫搶民人。焦友盛布匹。亦未究辦等語。軍行紀律。為先。必應嚴加約束。伊密揚阿。如果有毆打縣官情事。何以該督不即扣留究辦。馬致遠搶劫民人布匹。何以亦不查究。著該督查明據實具奏。現在陝甘官兵。續經徵調者。尚有數千名。該督務須嚴飭帶兵各員。沿途安靜行走。儻有需

索強搶等情。即行嚴叅治罪。並著地方官照例支應。亦不得藉口耽延。至陝甘各路防兵。仍著該督隨時酌量情形。分別截撤歸伍。以節糜費。原片著鈔給閱看。將此由五百里諭令知之。○又諭慧成奏。行抵商邱。途次探聞逆匪竄踞揚州。現由徐州一帶迎往截擊。請將現駐河南永城之山東青州駐防官兵一千名。直隸宣化鎮官兵五百名。帶往淮徐相機勦辦等語。著照所請。即令副都統常清。遊擊蘇勒芳阿。各自管領原帶官兵。隨同慧成馳往淮揚一帶。聽候調遣。此後續調各兵。道出河南。著陸應穀。察看地方情形。如無須重兵彈壓。即不必截留。儘數催令迅速前赴慧成軍營。以備調撥。將此由五百里各諭令知之。○又諭托明阿奏。遵旨帶兵啟程。並陳明土默特蒙古兵。未經訓練一摺。前有旨令該將軍統帶所調綏遠歸化等城官兵。馳赴山東。會辦防堵事宜。又諭令前赴清江浦駐劄。

察看何路緊要。即往何路扼守。茲據奏稱歸化城向來操演兵丁。僅一千名。各項軍器亦只數一千名之用。其餘均係屯居土兵。未經訓練。難期得力。且軍裝器械。亦不齊備。著照所請。此次續調之歸化城土默特蒙古官兵二千五百名。即無庸調往軍營。以節糜費。該將軍即統帶綏遠城前後所調駐防官兵一千名。土默特蒙古操演官兵一千名。遵照前旨迅速馳往清江浦一帶。現在慧成已抵淮徐地方。著該將軍即與慧成籌商。扼要防勦。並可為琦善陳金綬等應援。毋稍延緩。將此由五百里各諭令知之。○湖北巡撫崇綸奏籌辦善後事宜。大概情形得旨。諸事實心辦理。藉此人心粗定。正可力圖整頓。是時不可錯過。○署察哈爾都統盛桂奏。查明前叅商都牧羣總管扎米彥車凌因病身故。請免置議。得旨。該總管業已因病身故。應無庸置議。汝前次奏叅。並未查驗。朕是以降旨令查明。

從嚴叅處。不料該員委係因病出缺。前叅前旨。徒費周章。朕恐汝以後整飭較難也。然不可畏難不辦。漸就廢弛。○以太僕寺卿李維翰為宗人府府丞。翰林院侍讀學士楊式穀為詹事府詹事。○以正紅旗滿洲副都統特興額署管上駟院事。○庚午。

上幸西苑。○諭軍機大臣等。李嘉端奏安徽學政錫齡甯池太廣道惠徵。於賊至時均有帶印避至蘇省。及他府情事。錫齡係二品大員。

簡任學政。雖無守土之責。何至聞警逃避。至今未據奏報。殊不可解。惠徵身任監司。於所屬地方被賊蹂躪。何以攜帶銀兩印信避至鎮江。涇縣等處。據該撫奏稱詢問署藩司等官。均未得該二員音問。錫齡惠徵究竟現在何處。該撫所聞逃避處所。是否確實。仍著查明據實具奏。惠徵業已開缺。著即飭令聽候查辦。其九江失守案內。壽春營都司海陞守備左德瑛。著即飭新任壽春鎮總兵王山就。

近確查逃避情形。由該撫奏明懲辦。將此諭令知之。○安徽巡撫李嘉端奏請飭布政使劉裕鈐等迅速赴皖。得旨。著吏部飭催各員速赴安徽。如有借辭耽延者。著該部查明叅奏。○以安徽安慶府城被賊竄陷。知府傅繼勛。知縣許垣革職逮問。○辛未。

上詣

壽康宮問

皇貴太妃安。○御撫辰殿。閱侍衛等步射。○諭

內閣琦善等奏查訪揚州失守文武員弁下落一摺。前因逆匪東竄。揚州防堵最為喫緊。特令漕運總督楊殿邦督同前任兩淮鹽運使但明倫。兩淮鹽運使劉良駒。辦理防堵。乃賊匪竄入揚城。楊殿邦輒先期退至上游。但明倫劉良駒及揚州府知府張廷瑞等至今杳無下落。實屬罪無可逭。楊殿邦但明倫劉良駒張廷瑞並甘泉縣知縣梁園棟均著革職。交刑部分別定擬罪名具奏。楊殿邦仍著

留於清江浦。隨同楊以增辦理防堵。戴罪自效。其江都縣知縣著該部查明一併革職。交刑部治罪。○又諭前有旨令將琦善大營糧臺改設徐州。並派河南藩司鄭敦謹馳往該處總司其事。茲據陸應穀奏稱已飭鄭敦謹前往辦理。惟徐州係屬隔省。恐河南糧臺委員入地生疏。呼應不靈等語。著楊以增添派道府大員駐劄徐州。會同籌辦。以臻妥協。而免延誤。○又諭前有旨將京口副都統文藝革職。交刑部按律定擬罪名。茲據該部比律量減定擬具奏。文藝著照擬發往新疆效力贖罪。現在京口駐防官兵督率乏人。著暫留該革員統帶。俟新任副都統長安抵任再行發遣。○諭軍機大臣等。前據向榮奏攻勦江甯賊匪連獲勝仗。並請飭調水師戰船以備火攻。已諭令楊文定速帶艇船進勦。並傳諭麟桂吳健彰雇備上海船隻迅駛江口矣。現當勦賊喫緊之時。大江南北兩岸雖屢獲勝

仗。而賊船橫梗江面。毫無顧忌。僅各路船隻不能及時攻勦。任令該匪連檣游奕。南北自如。逆賊何時始就殄滅耶。該大臣前派鄭魁士往江陰迎提船隻。未知能否得力。仍著另派大員迅往下游催提麟桂等所覓各船。如有入江確信。著向榮許乃釗密商布置其上。游船礮應於何處會齊。同時夾擊。務將江面賊船焚毀淨盡。迅埽妖氛。若先能攻獲賊船輜重。不但收其軍械。並可因糧於賊。以備賞犒。將此由六百里各諭令知之。○又諭前因賊踞鎮江等處。急需兵船攻勦。疊經諭令麟桂吳健彰趕緊雇備船隻駛入江口助勦。想該藩司等屢奉諭旨。當已早為齊備。現在江甯城外連燬賊營。而水路賊船麇聚。必須此項船到方能水陸夾攻。以清江面。著黃宗漢即飭該藩司將所備船隻並吳健彰所雇船隻親為統帶。前赴鎮江等處聽候向榮調度。萬不可稍有遲誤。坐失事機。麟桂久任上海

熟諳情形。一切駕馭驅使。定能得宜。所有籌辦船隻事宜。即著會同吳健彰經理。黃樂之現已到任。所有浙江藩司印務。即著暫行署理。其臬司印務。著該撫委員接署。以專責成。將此由六百里諭令知之。○又諭。昨據慧成奏。行抵商邱。趕即馳赴淮徐。勦辦賊匪。當有旨。令常清蘇勒芳阿。帶兵隨往。聽候調撥矣。茲據琦善等奏。籌定防勦情形。揚城西北兩路。均已剴立營盤。賊匪不敢繞越。惟東面一路。可由灣頭鎮。至仙女鎮。抵邵伯。上赴淮安。清江。經該大臣札調河標遊擊馮景尼。帶領兵勇三千。在灣頭鎮安營堵截。並飭前任淮安府知府福楹。帶領壯勇三千。於附近灣頭上方寺。劄營。為後路援應。惟馮景尼所帶兵勇。究恐單薄。該逆被勦窮蹙。鋌而走險。勢所必至。灣頭為東北要隘。必須重兵防守。方能遏其北竄。此時慧成計已馳抵淮徐一帶。著即統帶官兵。督率馮景尼。福楹等。擇要防勦。

與琦善陳金綬。勝保軍營。互為聲援。合力進攻。儻該逆勢窮奔突。即分路截擊。以遏兇鋒。奕經托明阿等。所帶密雲。歸化。綏遠。官兵。並陝甘調撥官兵。陸續趕到。並著慧成酌量調遣。總期揚州及早克復。江北肅清。則金陵勦辦。更易得手。慧成經朕特簡。諒必能相機應變。以副委任也。將此由六百里諭令知之。○又諭。孫瑞珍奏。據前任廣東按察使趙長齡呈遞說帖。稱該員前在肇慶府任內。曾雇用紅單商船。勦平廉州洋匪。著有成效。該商船素以販油為業。涉歷大洋。其駕駛之快利。礮火之精銳。點放之嫻熟。較之額設師船。得力不啻數倍。南澳鎮標遊擊黃開廣。係水勇出身。與該船戶等。素相聯絡。若使之雇募管領。駕赴江南。攻勦可期。制勝等語。現在逆匪竄踞江甯。揚州。鎮江等府。疊經琦善。向榮。馳奏。屢獲勝仗。大挫兇鋒。惟賊踪蟻聚江干。非有得力舟師。不能制勝。前飭調之廣東外海師。

船既據該督等奏稱笨重難行。能否駛入長江。尚難豫定。現當江面攻勦喫緊之際。著葉名琛。柏貴。迅即將此項紅單船隻酌定數目。趕緊募雇。配帶礮位鉛丸火藥。即派遊擊黃開廣管領。星速由海入江。聽候欽差大臣向榮等調遣。以資攻擊。如黃開廣距省尚遠。調到需時。即著該督等另派熟習情形員弁。管帶前進。飭令該遊擊隨後駛赴江南。協同駕馭。總期速益加速。勿誤事機。原摺著鈔給閱看。將此由六百里諭令知之。○又諭據琦善等奏籌辦防勦情形。及分攻賊營各摺片。該大臣等現在西北兩面迎擊。復將運河水勢宣洩。東路橋梁折斷。是水陸兩路該逆一時不能分竄。且經陳金綬勝保設法分攻揚城西北。二十四橋法海寺賊營。該大臣所派攻勦北門之總兵雙來等帶兵先到城北。直抵賊營前。轟斃執旗賊首一名。該逆奔回木城。潛匿不出。計賊匪攻陷揚州已逾一月。前雖

節經該大臣等獲有勝仗。而該逆負隅抗拒。以老我師是其慣技。惟當用計誘令出巢。我方可以併力圍攻。該逆在城抵拒。何處較為疏懈。其城外之土壘木城。應如何攻破。如何設法縱火焚毀。使逆賊失所憑依。郡城自可剋期克復。該大臣等務當合力進攻。互為聲援。斷不可令賊匪乘間北竄。查文經已令護理漕督。即可令其統帶楊殿邦之兵勇。督同馮景尼等辦理防勦。所有河南應行解運餉械。業據陸應穀奏報。均經趕運前進。計此時已可全數到營。陝甘官兵。即著該大臣嚴催撥往。儀徵防堵。本日又據雷以誠等奏。大兵與賊相持。正宜先其所急。若該逆於揚州戰敗後。或避甘泉山大軍。徑趨高寶。犯及清淮。或於江甯戰敗後。由廬滁定遠。鳳陽直抵徐州。西可以向河洛。北可以走山東等語。琦善等一面攻勦揚州賊匪。仍隨時知照向榮。既不可使該逆竄出後。渡江而南。與金陵賊匪

會合尤須刻刻防其北竄。設有疏虞。所關非細。諒該大臣等必能籌畫萬全。迅奏膚功也。將此由六百里各諭令知之。○又諭。前據訥爾經額奏。遵查天主教。即係天主教直隸民人。諷經習教者。不獨安肅一縣。已諭令該督嚴速查辦。茲又有人奏。安肅安家莊地方。傳習天主教者。不下數百戶。男婦成羣。學習拳棒武藝。前七八年間。曾經該縣營查拏。該匪竟敢拒捕。將武弁綑縛。現今黨徒愈眾。且有屯聚米石。收買鐵器火藥等語。如果屬實。是畿輔重地。竟令奸宄潛藏。不法已極。著訥爾經額。密派幹員偵探確蹤。設法按捕。協力緝拏。訊明按律治罪。儻該地方官有彌縫諱飾情弊。即著嚴叅。將此諭令知之。○戶部尚書孫瑞珍等奏。遵查海口奸匪。隨時察訪。得旨。嚴密隨時查訪。處以鎮靜。不可稍涉張皇。○以河東河道總督福濟為漕運總督。未到任前。以江蘇按察使查文經暫行護理。以奉天

府尹長臻署河東河道總督。○賞哈密辦事大臣崇恩。四品頂帶。署奉天府府尹。前任甘肅按察使明誼。二等侍衛。為哈密辦事大臣。○命阿勒楚喀副都統薩炳阿。馳赴欽差大臣琦善軍營。聽候差遣。○壬申。諭軍機大臣等。朕聞四川等省。向產有金銀礦。自雍正以後。百餘年來。未嘗開採。地脈休養日久。所產自必暢旺。上年大學士等。會議籌備軍餉。章程內。請開採以裕軍需。已依議行矣。道光二十八年。王大臣會議開礦一條。曾通行各省督撫履勘查辦。間有一二省分。奏請開採。旋復藉口於硃老苗稀。輒請停止。或以聚眾生事為詞。畏難苟安。因循不辦。朕思開採礦廠。以天地自然之利。還之天下。較之一切權宜弊政。尚屬無傷體制。有裨民生。惟在地方官經理得宜。自不致別滋流弊。即如現在各省舊有礦廠。按年開採抽課。官民日久相安。豈非明驗。當此軍餉浩繁。左藏支絀。各省督

撫務宜權衡緩急於礦苗豐旺之區督派幹員悉心履勘各就地方情形奏明試辦毋得徇於積習任聽不肖官吏名為封禁暗取陋規但以有礙風水聚眾滋事等語一奏塞責將此各諭令知之○又諭彭蘊章奏江西高安縣古樓岡鄧姓荒山五嶺產有金礦道光元年經前護理巡撫邱樹棠查奏入官封禁現值軍需緊急不必因封禁在前仍事拘泥等語著張芾按照摺內所陳遴委賢員即行查勘開採毋得畏難苟安聽信吏胥飾詞欺隱一奏了事至於商辦民辦應如何稽查彈壓妥議章程俾無流弊並著該撫悉心籌辦據實奏聞原摺著鈔給閱看將此諭令知之○又諭楊以增奏遵查防勦情形並嚴防奸細一摺逆匪竄踞揚城負固不出昨據琦善等奏報已將牆壩宣洩杜其由運河上竄之路西北兩面均已剗立營盤東路橋梁盡行拆斷陸路亦經堵截惟灣頭鎮至邵伯一帶

兵力尚單已諭慧成酌籌扼勦矣慧成於二十五日已到徐州此時計可行抵清江楊以增所奏揚州西路由蔣壩走洪湖東岸可直抵清江浦東路由下河間道可趨淮安東門該督現駐清江浦則該處防堵自己妥為籌備河標存兵雖不甚多朕已命奕經帶兵駐劄王家營托明阿帶兵馳赴清江浦又命查文經護理漕運總督統領楊殿邦所帶兵勇揚州以北兵力不為單薄該督務當力籌防守毋稍疏虞至捻匪勾結為患著督飭地方員弁認真緝拏而奸細難變改裝尤不可不嚴密查察軍中偵探最為緊要當隨時設法密派親信幹練之人探聽確信與軍營互相知照庶不致誤聽浮言墮賊詭計現在該省督撫皆遠隔江南所有地方文武各員因循不職著楊以增據實參奏毋稍姑容將此由六百里諭令知之○又諭慧成奏行抵徐州並另片密陳沿途情形等語昨據琦善奏灣

頭為揚州東北要隘。兵力較單。必須重兵駐守。防賊北竄。已諭令該署督統帶官兵。督率馮景尼。福楸等。擇要防剿。與琦善陳金綬勝保。互為聲援。茲據奏。現已行抵徐州。著即統籌全局。於現到各官兵。酌量調遣。並督飭馮景尼。福楸等。嚴密堵截。東北要隘。切勿有誤。事機至軍營餉需。前已飭部籌款續撥。解往徐州糧臺備用。並命江甯藩司陳啟邁。總辦徐州糧臺事務。張集馨。現升直隸藩司。已令在該省豫備防堵矣。該署督現於河南籌銀三萬兩。以濟急需。儻解款一時尚未趕到。用項不敷。准於河南。山東。兩省。無論何款。移緩就急。暫行通融借撥。俟軍餉解到。即由糧臺撥還歸款。近來籌餉之難。想該署督亦所深悉也。軍營偵探。最關緊要。著即嚴飭地方官。隨時確探賊情。相機籌辦。尤須與琦善陳金綬勝保等軍營。呼吸相通。勿令稍有間隔。將此由六百里諭令知之。○命禮部尚書奕湘

大理寺卿恆春。馳往熱河查辦事件。○上以孟夏時享。

太廟自是日始齋戒三日。○癸酉諭內閣。琦善陳金綬勝保。奏進攻賊匪。續獲勝仗一摺。本月二十二日。該大臣乘大霧迷漫。攻賊不備。派總兵雙來。鑾儀使武慶。副將松齡。錫綸等。分三路進剿。又派遊擊英貴等。帶兵接應。綠營馬隊。分為兩翼。從旁抄截。一面知會陳金綬勝保。一同督兵攻剿。直搗賊巢。統計三面分攻。自寅至酉。傷斃賊匪四百餘名。擊斃黃衣大頭目三名。小頭目十餘名。訊據逃出難民供稱。偽將軍黃二楚。係被礮轟斃。偽丞相林姓。亦被槍傷。其餘擊斃頭目。未知姓名等語。該匪盤踞揚州。經兵勇屢次痛剿。不敢離巢肆竄。該大臣等。務即乘勝督飭。帶兵各員。相機進剿。克復郡城。仍一面嚴密堵截。無任窮蹙他竄。○又諭穆騰額。奏查辦打旺寺喇嘛互鬪夷務事。竣一摺。協饒扎巴。及霍爾沖

逃至披楞布魯克巴等處已據該頭人出具切結或稱代為永遠監禁或稱情願代捕交出現在邊方靜謐照常相安著即照所議完結其查辦各員弁著有微勞自應量加鼓勵著該大臣擇其尤為出力者酌保數員候朕施恩毋許冒濫○諭軍機大臣等御史怡康奏籌備鉛丸並擬採取章程一摺據稱漢軍礮營現在請領鉛子四百七萬餘斤工部鉛子庫暨戶工二局顏料庫等處均不敷用聞實泉實源二局暨所屬各廠另有一項廢鉛匠役在局中居住之房屋內率以鉛砌炕壘牆或年久被土淹埋不可勝計請設法採取等語鉛丸為行軍利器必須廣為籌備以濟要需著管理錢法堂侍郎按照該御史所奏各情轉飭該監督等傳集各該匠役妥為開導令其將積年餘鉛自行呈交應如何權宜辦理之處著即妥議具奏原摺鈔給閱看將此諭令知之○又諭御史奎斌奏各省辦理

團練請先籌安置練勇並典守軍器一摺鄉村團練原以保衛身家第恐無業之徒受雇充數坐食其力日久視為固然將來逆匪蕩平難於散遣著各直省督撫傳知各紳士等招集團練總須擇有身家可靠之人有事堪資禦侮無事即可歸農庶不致別滋流弊至私藏軍器例禁綦嚴現在舉行團練民間自不能不儲備器械該督撫仍當飭令地方官編號稽查一俟軍務告竣應如何遣散練勇收藏軍器並著先事豫籌各就地方情形妥議章程辦理將此各諭令知之○又諭前據張亮基等奏已革提督博勒恭武自岳州逃後復赴江南就醫並令伊子刑部員外郎貴山潛聽消息當經降旨令江西等省各督撫查拏博勒恭武一面奏明一面即行就地正法並令直隸總督正白旗都統將貴山拏交刑部審辦茲據薩迎阿奏稱據該旗佐領等呈報貴山於上年十月告假省親至今尚未

到家並稱博勒恭武次子貴德現任湖南興甯縣知縣難保不詭稱就醫潛匿任所等語著駱秉章派委幹員馳赴興甯縣密查如博勒恭武潛匿伊子貴德任所該撫即行拏獲遵照前旨一面奏明一面將博勒恭武就地正法將此諭令知之○又諭昨有旨諭令廣東雇覓紅單船隻由海入江為助剿賊船之用茲又有人奏請飭廣東雇覓火輪船隻由海道馳赴江南協剿並稱候補道伍崇曜可以商酌雇覓等語逆匪竄踞金陵疊經向榮攻剿奪回鍾山分擾揚州之賊亦經琦善等累次殲擒逆鋒大挫惟水路匪黨尚未痛加剿洗前已飭令上海道吳健彰雇備船礮恐不敷用朕亦知伍崇曜素悉海洋情形屢次出力著葉名琛柏貴即密傳該員與之商酌應如何雇備船礮可期得力其船價一切經費如何籌畫總須迅速辦理方能有濟伍崇曜如果出力辦成此事俾江面賊船立就殄

滅其功甚偉朕必當破格施恩以昭獎勵僕墊款過鉅軍務告蒞亦不難如數賞還也原摺鈔給閱看仍宜慎密將此由六百里諭令知之○又諭琦善等奏續獲勝仗及查詢徐州防守各摺片逆匪盤踞揚州環城築壘層層遮護我兵雖屢次獲勝總不能直搗巢穴該大臣已飛咨訥爾經額即派都司馬正將現存瓶子礮及火攻子炸子並酌帶營匠趕緊前往又調三江營大礮來營一俟礮位運到即督飭各營將弁乘勢進攻總宜設法出賊不意迅圖克復郡城尤當於城外水路要隘豫為布置防賊衝突北竄據奏瓜州以外現有廣艇七艘是否即係上海調到船隻抑係楊文定所帶艇船汴流而上若能將江面賊船擊散則南北兩岸攻剿更易得手著該大臣等與向榮酌商迅籌辦理已疊次諭知向榮並吳健彰矣慧成統帶官兵已抵徐淮一帶灣頭要隘即可督同馮景尼福林等

防勦並可與該大臣等互為聲援。仍著隨時知照。毋稍延緩。現在奕經、托明阿、恩華等各帶精兵前往協勦。徐淮一帶兵力不致單弱。惟賊勢變幻靡常。應如何擇要調遣。該大臣等自能相機籌辦也。將此由六百里諭令知之。○又諭琦善等馳奏浦口防堵緊要。官兵應領鍋帳鉛丸火藥馬匹軍餉均未解到。屢次嚴催。據總理糧臺之署河南布政使鄭敦謹申稱支應吉林黑龍江糧員係三月初三初九十二十三等日分起啟行。現在吉林黑龍江官兵已經全抵浦口。與賊接仗。而應用一切於三月方由河南委解。貽誤已在目前。又火器營火箭火藥該糧臺亦分作三起。委把總蘇文昇外委胡鳳鳴未入流張沛生額外范俊山等於二月初七十三二十六等日啟程。現惟二起胡鳳鳴趕到。已經逾月。頭起尚無消息。致官兵等棲身無所。禦敵無具。餉口無資。步行無騎。各等語。覽奏情形殊深焦

急。著陸應穀迅飭該藩司鄭敦謹仍遵前旨星速馳往徐州就近辦理糧臺事務。其應隨帶委員並著揀選精明強幹辦事結實者飭令前往。毋得濫竽充數。致誤事機。此次支應糧員並委解火器等員。因何遲延。著一併確切查明分別參奏。毋稍徇隱。將此由六百里諭令知之。○又諭據琦善等奏本月二十二日乘大霧督兵三面進攻。直搗賊巢。痛加勦洗。一摺。賊匪詭詐多端。現雖屢被殲擒。難保不乘間衝突。又圖他竄。灣頭鎮等處各要隘防勦最關緊要。著慧成遵照前旨督率將弁兵勇扼要嚴密堵截。與琦善陳金綬勝保等同心協力。迅殄妖氛。萬不可令賊竄逸。將此由六百里諭令知之。○又諭前據李德奏請於山東藩運兩庫內動支銀五十萬兩以備軍需。當經降旨允准。現在續調各路勁兵俱令前往淮揚一帶防勦。需餉甚殷。恐部撥帑項一時未能趕到。著李德於前項五十萬

兩內撥銀三十萬兩。星速委員解往徐州糧臺。知會琦善慧成軍營。及管理糧臺之司道大員。酌量緩急。分別覈實支用。以濟急需。鄭敦謹陳啟邁現在是否行抵糧臺。並著李德行知查照辦理。俟部撥銀兩路過山東。該撫如須留抵前款著奏明酌留可也。將此由六百里諭令知之。○又諭。前有旨調盛京官兵四千名。現在甫經啟程。著瑞昌即統帶一千名先行來京。候旨調遣。其餘官兵三千名著奕興飭令暫緩啟程。將此由六百里諭令知之。○又諭。戶部議覆奕興奏請將內河船隻准在鐵嶺以北行運一摺。盛京重地防範宜嚴。是以前議行船界址近省。以渾河渡口為斷。再西以巨流河口為斷。河運船隻不准越界北駛。現當籌備京倉。採買糧石。著該將軍即飭地方各官。諭令內河船隻准於鐵嶺以北。可通河運地方販運米石。即照戶部所奏。無論何項雜糧。不計石數多寡。酌量採買。分

別運津運通。以期接濟京倉。務即妥議章程。迅速具奏。至岫巖鳳凰城等處。仍著責成旗民地方官嚴行稽查。不准船隻偷越。以重邊禁。將此諭令知之。○詹事府少詹事王履謙等奏黃河各渡口籌辦周密。並現在稽查情形。得旨。慎密稽查。如有不肖官吏疲玩性成。不嚴拏奸細。即行參奏。○予江南陣亡守備李國珍祭葬世職。○甲戌諭內閣。前據倪良燿奏江蘇布政使聯英猝患風痰。懇請開缺。當降旨准其回旗調理。茲據楊文定奏。聯英於未奉諭旨之先。藉病潛逃。請旨飭查等語。現在聯英曾否回京。著吏部及鑲黃旗滿洲都統查明據實具奏。倪良燿不俟該撫批飭遽行奏請開缺。殊屬冒昧。著交部議處。○又諭楊文定奏。請將擅棄職守之遊擊熙昌奎喜懲辦一摺。又據向榮奏。參該遊擊等畏賊潛逃等語。江蘇常州營遊擊熙昌泰州營遊擊奎喜均有守土之責。輒敢擅棄職守。畏賊

先逃喪心無恥殊堪痛恨若不立置重典何以肅軍律而儆效尤奎喜業經楊以增奏參降旨革職拏問熙昌著一併革職拏問均著解交向榮軍營即行正法以昭炯戒○又諭楊文定奏請將任意遷徙畏葸無能之道員革職示懲等語江蘇署常鎮通海道胡調元經該署督飭令管理鎮江籌防局事務該員於鎮江失守後擅自退至常州復繞至通州任意遷徙竟置陸路水師錢糧於不問該員

軍機處

奏

失守城池本有應得之罪著即革職拏問交該署督查訊確情按律定擬具奏○又諭楊文定奏請將已革副將發遣等語已革江蘇太湖協副將劉長清經該署督派令帶船渡兵乃於瓜州失守之後竟任聽各船渙散自行潛往狼山僅予革職不足蔽辜劉長清著即發往新疆效力贖罪以示懲儆○諭軍機大臣等楊文定奏水師獲勝一摺此次水師各船在北固山等處擊斃賊目工人復進至

瓜州口焚毀擊壞賊船多隻斃賊數百人勦辦尚為得手陸路大兵亦先後據琦善向榮等奏報屢次獲勝軍威大振惟賊船橫梗江中往來自如必須先將水面之賊設法肅清並將鎮江剋期收復則江甯揚州大股賊匪南北隔絕彼此不能相顧兩路大兵進剿更易為力現在上海及雇到浙江各艇船已有二十餘隻再浙江已報啟程之師船及上海夾板船二隻此時諒均駛到前據向榮奏業

軍機處

奏

經豫備礮船火具在當塗一帶停泊專俟下游師船駛到即可前後夾擊楊文定統帶師船一俟齊備即一面知會南北兩岸同日進攻並一面密約向榮與上游各船兩路合剿兵貴神速總宜相機剋期進剿萬不可稍有遷延致誤事機將此由六百里諭令知之○又諭向榮許乃釗奏通籌水陸全局宜先清江面一摺所稱先從水上去其船隻使三城之賊首尾不能兼顧又以三城形勢鎮江最

為扼要。先復京口。則賊之應援。自多中阻。各等情。與朕今日寄諭楊文定。意見正相脗合。該大臣等。務當相機妥籌。水陸夾攻。總以神速為妙。萬不可遷延貽誤。惟金陵大股賊匪。堅拒不出。且逆首均在城中。必須嚴防奔突。毋任乘間竄逸。應如何設計破城。並著密籌辦理。仍隨時知照琦善。南北同時進攻。毋失事機。又片奏。探有夷人火輪船隻。駛過鎮江。徑往江甯。與本日楊文定所奏略同。著即密

實錄卷八十九

聖旨

飭上海道吳健彰。令其設法曉諭。查得實情。再行覈辦。至楊文定所擬照會。朕詳加披覽。未盡妥愜。不可遽行。向榮奏稱。不便鈐用。關防所見甚是。現在惟當督飭礮船。於大江上下游。合力勦賊。先其所急。若能將江面賊船。痛加轟擊。燒毀水陸夾攻。迅殄羣醜。該夷無隙可乘。當不致別生枝節。且賊匪一經勦除。與上海通商馬頭毫無阻礙。該夷等亦可相安。至該夷動靜。仍當隨時詳加訪查。密為防

範。不可稍示張皇。又片奏。難民逃出不下四五萬人。分別給貨遣散。自應如此辦理。惟人數眾多。難保無奸細溷跡其中。著一面撫恤。仍一面稽查。毋致墮賊詭計。其糧臺委員西金額。收集駐防兵百餘人。隨同大營習練一節。此項官兵。為數無幾。且係全家被難之餘。著毋庸隨營打仗。以示體恤。將此由六百里諭知向榮。楊文定。許乃釗。並傳諭彭玉雯知之。○江南河道總督楊以增奏。遵查揚州附

實錄卷八十九

聖旨

近州縣各官。似與賊匪不相為仇。得旨。確切查明。不准絲毫隱飾。朕聞揚州一帶。閭閻門戶。俱貼順字。民心不固。皆地方庸吏作俑。此等不肖官員。任伊依違尸祿。皆朕無知人之明。不知督撫大吏。知愧否。汝若照例委查。曲為掩飾。惑於積陰功之說。不知此等人。正不足惜。若曲護之。則彼之效死勿去者。何由伸憤。辦此等事。失於仁。正是無陰功也。○以光祿寺卿載齡。為都察院左副都御史。○以

所寫。必有不法匪徒。藉圖煽惑。仍著傳諭各巡城御史。隨時嚴密訪查。務將形跡可疑之輩。盡數拏獲。從重懲辦。毋得因有此奏。查緝稍形疏懈。將此諭令知之。○命鎮國公繼善在御前行走。乾清門侍衛聯順。在御前侍衛上行走。○命駐藏幫辦大臣諄齡。往奠故後藏班禪額爾德尼茶酒。賞銀五千兩治喪。○丙子。

上詣

實錄卷十

壽康宮問

皇貴太妃安。○諭內閣。張亮基。崇綸。奏。勦辦土匪。疊獲全勝。並委員接辦。勦捕事宜。一摺。湖北崇陽嘉魚。匪徒陳申子等一股。自通城何葛墩折回崇陽桂口地方。意欲徑襲崇陽。遙為犄角。臬司江忠源。於三月十五日。馳抵桂口。分隊夾攻。陣斬逆首陳申子等。殲斃匪黨五百餘名。餘匪四散。該臬司復乘勝攻勦。通城何葛墩一股。於十七日拔營入山。該匪何

田俊。負隅抗拒。復經兵勇殺賊七十餘人。將何田俊房屋祠堂。一併焚毀。該匪等屢受大創。乘勝速勦。無難立盡根株。現在江忠源。已遵旨赴江南向榮軍營。幫辦軍務。著即令署漢陽府知府張汝瀛。前往接辦。所有兵勇。均由該府調遣。以專責成。該署督等。現復添派鎮將。帶兵分往崇陽蒲圻要隘。合力防勦。務將各股土匪。及未獲逆首何田俊。羅經仁。並嘉魚首犯熊開宇等。迅速悉數擒獲。嚴行懲

實錄卷十

辦。毋得稍留餘孽。○又諭。前據景瀉奏。叅吉林六七起官兵。行走遲延。已降旨將帶兵官色勒錦等。交部嚴議。仍責令帶兵。以觀後效矣。茲據奏稱。七起官兵。已陸續到省。而六起官兵。較近百餘里。轉復遲到。實屬玩延。所有六起帶兵官。委參領琿春。防禦色勒錦。驍騎校穆精阿。格圖肯。恩騎尉額爾蘇勒。著即截留。毋庸帶兵前來。此次官兵。即著另派之防禦貴春。驍騎校富和。豐玉。烏郎阿。委營總台

斐英阿管帶。星速趨行。副都統倭克精額著仍遵前旨。管帶來京。毋庸前赴軍營。○又諭贈太師大學士原任協辦大學士杜受田靈柩回籍。前經降旨。派恭親王奕訢前往祖奠。目送著沿途地方官妥為照料護送。茲聞初四日啟程回籍。著加恩於到籍後。賜祭一壇。派散秩大臣承志前往奠醑。以示朕篤念師儒有加。無已至意。○又諭錫齡奏請將歲試展限一摺。並片奏安徽辦理防堵情形等語。所有安慶太平兩府歲試著展限半年。再行考試。該學政雖無守土之責。如果訪聞該省防堵辦理不善。即應早為陳奏。乃直至該省失事後數月來始行敷行入奏。實屬遲延。且據稱現駐徽州府是否出棚考試未據分晰奏明。亦屬含糊。錫齡著交部議處。○諭軍機大臣等。前據穆騰額奏班禪額爾德尼涅槃已降旨照例賞賚。並加賞物件。由驛發去。派醇齡前往賜奠。其後藏事務暫令扎薩克喇

嘛朗結曲丕代辦矣。該扎薩克喇嘛平日辦事能否妥協。番夷人等是否信服。藏務緊要必須素孚眾望者方能辦理得宜。著穆騰額等詳細訪察。醇齡現在派往賜奠。並可就近察看。該喇嘛朗結曲丕如果辦理一切妥善。能愜眾論。該大臣等即一面奏聞。一面傳知該喇嘛。即令其妥為代辦。仍查照例案。奏請給與敕諭。現在班禪額爾德尼係在後藏涅槃。與前輩班禪額爾德尼在京涅槃者不同。著穆騰額等即將向來班禪額爾德尼在藏涅槃後所有派人代辦及所奉恩旨。並敕諭各事宜查明成案。詳晰開單。迅速具奏。毋稍疏漏。將此由四百里各諭令知之。尋奏扎什倫布案卷。因乾隆年間廓爾喀劫掠時遺失。據扎薩克喇嘛朗結曲丕稟稱。歷輩經部所載派人代辦未經奉有恩旨。並

敕諭各事報聞○又諭黃宗漢奏辦理軍務情形一摺並片奏藩司回省各事宜浙江與江蘇接壤自應嚴密設防以為蘇省後路聲援該撫派兵前赴常鎮一帶協防復派文武員弁於嘉湖各屬分三路劄營扼要駐守並派將弁帶兵居中策應布置尚屬妥協省垣要地分撥兵勇守衛並安設礮臺調集水師之處均著照所議辦理所需經費准其於藩庫正雜項下再撥銀十萬兩交籌防局撙節動用覈實報銷該撫現在省垣督飭所屬嚴密籌防尤須安撫人心持以鎮定隨時剴諭紳民剖陳利害令其集貲團練互相保衛其有實心為公廣勸捐輸或能毀家紓難者准該撫從優請獎候朕破格施恩僅有刁生劣監意圖罔克侵漁不顧大局者即著該撫查明秉公懲辦如有緊要即著該撫親往嘉湖督率妥辦向榮連獲勝仗奪據鍾山其城外東南兩面賊營攻毀殆盡且有湖南江西等省

船礮自上游運駛已至江浦但能將上海船隻駛入京口先將鎮江賊船勦毀收復郡城則金陵城內之賊益形窮蹙大兵更易得手可以一鼓成擒麟桂熟悉艇船情形著仍遵前旨迅赴鎮江與楊文定督率礮船奮力攻擊吳健彰所雇局艇等船如有未到者即著飛催前進浙江師船已由總兵陳世忠統帶提督葉紹春復派員駕船同往若再於浙江多撥師船並廣艇等船陸續助剿則聲勢益壯務須不分畛域與鄧紹良等內河陸路之兵併力攻復鎮江即疾趨江甯江面為向榮援應截賊北竄之路毋得株守杭城致失事機其藩司印務前已有旨令黃樂之署理著即由嘉湖回省幫同該撫辦理一切事務其海運米石現已遲誤有未經兌開者著該撫迅即嚴飭委員等趕緊督押赴滬放洋毋再遲延所有前次奏到各摺件著鈔錄硃批並所奉諭旨寄給閱看將此由五百里諭知黃

宗漢並傳諭麟桂知之○以工部尚書麟魁兼署禮部尚書○以鑲紅旗滿洲都統載垣署正黃旗滿洲都統○以拏辦湖北襄陽土匪出力賞陝西參將閻丕敏等藍翎餘升敘有差○以擅行截留海運漕糧署兩江總督楊文定前任江蘇布政使聯英布政使倪良耀均降四級調用命楊文定倪良耀暫留署任○丁丑諭軍機大臣等琦善陳金綬勝保奏籌撥官兵防剿一摺據稱賊匪屢被攻剿逃入土壘堅匿須設間用奇方能攻破並於要隘駐兵防賊抄越前撥襄陽撤回各兵現尚未到先將吉林已到之兵及防堵浦口之黑龍江官兵派撥助剿等語本日已降旨令沿途各督撫迅催前項官兵趕赴大營應用矣賊情詭譎既堅守不敢迎拒又時出窺探引誘我兵且探聞江岸賊船欲由儀徵趨劉家集抄出軍營之後鬼蜮伎倆不可不防著即妥籌布置如能設法火攻繼以陸路官兵

進剿當可得手該大臣等謀勇兼施諒不使賊匪久踞孤城耗我兵力也又片奏接據訥爾經額咨稱遵備火藥火繩鳥槍鉛丸擡槍鉛子等件現派弁兵於三月二十日押解啟程此項軍火器械應取道山東德州至清江浦下船可期迅速著即飛咨直隸總督查照辦理以免繞越而資接濟將此由六百里諭令知之○又諭周天爵奏行抵合肥縣境沿途呈控土匪搶劫之案不下數百起其餘捻匪千百成羣現擬駐劄梁園先清土匪再行相機馳往梁山浦口一帶扼要駐守等語安省情形皆由平日廢弛之故現在各鄉土匪橫行必得痛加勦洗以靖地方惟該侍郎前募義勇除裁汰外所存無幾而現在揚州大營兵力尚嫌單薄不能不先其所急所有各路過境官兵均著毋庸截留即行咨商李嘉端於安徽省壽春鎮等營官兵就近酌調以資防剿舉人臧紆青前經降旨令其勦賊立

功招募壯勇。自應給與經費。即着周天爵撥給餉銀二萬。飭令搏節覈實支用。責成在清江以北。勦捕土匪。將此由四百里諭令知之。○以內閣侍讀學士文惠為內閣學士兼禮部侍郎銜。○以江南揚州府城被賊竄陷。革知縣陸武曾。巡檢陳暎職。與己革前任兩淮鹽運使但明倫戴罪自效。隨同楊以增辦理防堵。○戊寅諭內閣。勞崇光奏。軍營病故人員。

實錄卷九十一

十一

懇請展限給與勘合等語。廣西軍興以來。在事文武在營病故者。前後數十員。該員等多係由他省調到。迨飭傳親屬扶柩回籍。已在一年以外。例不准給與勘合。惟念該故員等歿於王事。竟至旅櫬無歸。情殊可憫。著准其展限一年。凡在二年以內者。一併給與勘合。以示矜恤。○諭軍機大臣等。寄諭署四川總督慧成。楊殿邦。奏灣頭等處。逼近揚州。為北路最要門戶。現在琦善等大兵連獲勝仗。賊

勢窮蹙。據城中逃回難民稟稱。該逆米糧將盡。做做兵勇號衣。冀圖逃竄。東北一路兵力尚單。請酌撥派防清江兩岸官兵二三千名。馳赴邵伯防堵等語。慧成此時諒已馳赴高寶一帶。擇要駐劄。前曾諭令托明阿帶兵二千名。前赴清江。奕經帶兵一千名。前赴王家營。原為江北後路接應。現在揚州城內賊勢既窮。難保不豕突狼奔。希圖他竄。其西北一路有琦善、陳金綬等大營。在彼駐劄。該逆自

實錄卷九十一

十一

難突越。惟東北一路水陸皆通。雖有馮景尼等劄營灣頭等處。兵力尚形單弱。著慧成即將所帶官兵及托明阿奕經所帶之兵。扼要調撥。以資防勦。並著體察情形。如尚須添兵接應。即將調赴山東之山西陝甘等省官兵酌量調往。該署督務當督飭兵勇嚴密堵截。並隨時與琦善等知照。合力進勦。以期揚城及早克復。萬不可任賊竄逸。致令蔓延。楊殿邦業經革職。前曾諭令留於清江。隨同楊以

增幫辦該革員現在駐劄邵伯距揚州甚近該署督即飭令隨同辦理防勦事宜本日據大學士祁寓藻奏訪聞賊匪情形開單呈覽著鈔給閱看將此由六百里諭令知之○已革漕運總督楊殿邦奏拿獲偽小王朱曾學等正法得旨嗣後續獲逆首當研訊確供詳細入奏朕看此次生擒朱曾學並無敘有刀槍等傷何忽略若此○江南河道總督楊以增奏請先撥銀五十萬兩以濟工需得旨覽

實錄卷九

十三

奏各情形固無虛捏然大吏所司者何事雖不必為朕分憂顧不能為部臣分憂耶目下籌款艱難汝斷不能不知動請部撥亦何若是之厚顏耶第此時情形萬分緊要著戶部再行妥速議奏○烏里雅蘇台將軍扎拉芬奏秦地處邊陲請按期操演得旨勤操槍礮自可漸臻純熟○己卯諭軍機大臣等寄諭欽差大臣都統銜琦善等本日據周天爵呂賢基李嘉端奏江北等處為豫東各省門戶

應厚集兵力防賊北竄一摺據稱由江甯入皖滁州為必經要路非有精兵難資堵禦其次則盱眙鳳陽可以渡淮而北和州裕溪口可以渡江而北均應分駐重兵等語前因揚州大營攻勦喫緊之際難以分兵諭令周天爵於安徽壽春鎮等營官兵就近酌調以資防勦茲據奏稱安徽撫標及壽春鎮二處兵丁或因省城陷後潰散或屢經調往他省現存不過數百名除前截留山東兵四百名外

實錄卷九

十三

其餘無可調遣所奏自係實在情形已諭知該侍郎等准其於陝甘過境官兵酌量截留矣現在賊匪被創情急僅由上游江口北竄不惟皖省滁州一帶空虛可慮即下游防兵亦恐被其牽掣且金陵賊匪探知我兵均赴揚州一帶難保不乘虛由浦口等處陸路北竄所有吉林黑龍江馬隊官兵經該大臣等派令駐守要隘務當加意嚴防與向榮南岸聲息相通切不可稍涉大意仍一面設法克

復揚州。慧成現亦趕到。即可合力攻勦。斷勿遷延。並著與周天爵等。緩急兼顧。毋誤事機。昨據大學士祁寓藻奏。訪聞賊匪情形。開單呈覽。著鈔給閱看。將此由六百里各諭令知之。○又諭。寄諭署四川總督慧成。揚城賊匪。欲圖北竄。自以高寶清江為要隘。而江甯之賊。屢受大創。亦不免窮而思竄。前據琦善奏。拏獲奸細。有遣人往江北窺探之供。江浦六合。又均有賊匪攻撲北岸。若使竄出江浦。徑

實錄卷九十

十四

犯滁州。則專防河路。究於遏賊北竄之法。尚未周備。本日據周天爵等奏。江北之滁州盱眙和州等處。皆為賊匪北竄要路。現在安徽省存兵無多。周天爵所募壯勇。經裁汰後。所存亦止數百名。不敷調遣。所有前調赴山東之陝甘官兵四千名。已諭令周天爵酌量截留。此項兵丁。僅一時未能到齊。而滁鳳一帶。或有緊急。並著慧成。於所帶陝甘綠營及各路駐防兵內。分撥協濟皖省。俟陝甘兵到時。

或再行撥還。或即歸該署督統帶。隨時酌辦。總之嚴扼賊匪北竄。水陸兩路並重。尤當互相應援。先其所急。琦善向榮周天爵李德。或防或勦。均為北省慎固藩籬。諒必統籌全局。相機辦理。彼此知照。不俟朕再三諄囑也。將此由六百里諭令知之。○又諭。周天爵呂賢基。李嘉端奏。江北等處。應駐重兵。以期控馭等語。前命舒興阿等。調陝甘官兵四千名。赴山東交李德軍營差遣。此項官兵。計尚在途。

實錄卷九十

十五

如滁鳳一帶。急需兵力。著准其酌量截留安徽。交周天爵等。相機勦賊。本日復諭慧成。如陝甘官兵未能齊集。即由慧成所帶各兵內。酌量派撥安徽應用矣。周天爵現辦土匪。務期勦除淨盡。令該逆無從勾結竄入。並將前拏奸細。供出黨與。設法偵獲懲辦。至呂賢基奏。宿州一帶。團練事宜。已有規模。請往廬鳳各屬巡查。並飭袁甲三。趙昀。分赴鳳陽。安慶。督辦團練。均著照所議辦理。再據奏稱安徽。

撫標兵因省城陷後潰散無存。此項兵丁即著李嘉端趕緊募充足數認真訓練以備防勦。毋令額缺久懸。將此由六百里諭令知之。○又諭裕瑞奏請減撤防兵等語。現在逆匪竄踞江省湖北荆宜兩屬均已撤防。四川巫山等處自無須多兵防範。所有綠營官兵著即減撤一千名。飭歸原伍其餘五百名仍著該署督派令總兵阜陞擇要分防。隨時體察情形再行撤退。至前飭交蘇布通阿調遣成

實錄卷九十

十六

都駐防八旗官兵五百八員名即著飭令回營。毋庸前赴江南軍營。將此由四百里諭令知之。○四川按察使文煜奏報到任日期得旨。事事宜嚴不容稍寬。火烈民畏所全者多。誠至理也。非嚴無以挽積習。非先正己不能嚴。○

上以常雩祀

天於

圉丘自是日始齋戒三日。○庚辰諭內閣前據

張亮基奏湖北荆宜施道文輝因案撤省查辦請以湖南遇缺前選道員蔣徵蒲暫行署理。茲據吏部奏稱該員係應行赴部投供候選人員向無委署外省篆務之例。蔣徵蒲著毋庸署理。荆宜施道員缺以符定制。至前任道員文輝因不能督兵堵勦擅離防所曾降旨交徐廣縉等查明奏參著張亮基仍遵前旨迅即確查據實奏。○又諭慧成奏總兵玩視軍務一摺江南徐州鎮總兵聶金鏞據

實錄卷九十

十七

該署督詢以軍務機宜遲鈍模稜難期勝任且查所屬官兵率多輟弱頹廢聶金鏞著即開缺交部嚴加議處。所有該總兵員缺著慧成。楊以增派員署理。○諭軍機大臣等慧成奏馳抵清江日期並設法布置各摺片逆匪占踞揚州急宜克復疊經降旨令慧成督兵前進會同琦善等合力攻勦所有托明阿奕經所帶之兵並山西陝甘各官兵均准調撥本日復有旨將前調盛京兵一千名黑龍江

兵二千名。均令馳赴淮徐一帶。聽候該署督調撥。兵力已不為單。所需軍餉。及槍礮火藥。亦經降旨。令辦理糧臺各員。隨時籌備接濟。琦善等。雖屢經獲勝。而逆匪負隅抗拒。已四旬之久。若不急圖攻剿。恐賊匪更致蔓延。著慧成。仍遵前旨。由清江前進。會同琦善等。分路攻擊。總期及早克復揚城。肅清江北。其清江浦一帶。應如何撥兵添助防守。並著該署督。相度緩急辦理。本日有人奏。被賊擄脅之

實錄卷九十

十八

眾甚欲逃回。而恐以髮長見殺。請設計離間解散。著慧成。與琦善等。密商妥辦。原片鈔給閱看。將此由六百里諭令知之。○又諭。本日據文瑞奏。入春以來。風霾屢作。日色無光。本月初四日午刻。日旁忽現黑氣。四圍摩盪。形成圓暈。兼以煙翳溟濛等語。覽奏曷勝警惕。上蒼示警。變不虛生。值此賊匪肆擾。徵調頻仍。朕反躬自責。亦非語言所能喻。著載銓。詳考欽天監占驗等書。悉心推測。據實具奏。不可

稍有隱飾。原摺著鈔給閱看。將此諭令知之。○江西巡撫張芾奏。請以已革發遣總兵官趙如勝。暫留江西差委。允之。○調山東兗州鎮總兵官百勝。為江南徐州鎮總兵官。以直隸督標中軍副將花里雅遜布。為山東兗州鎮總兵官。○調盛京兵一千名。黑龍江兵二千名。前往江南剿賊。○辛巳。

上詣

南郊齋宮齋宿。○頒

實錄卷九十

十九

硃筆省答報

天恩諭曰。朕以薄德。敬承

考命。撫育萬方。兢兢業業。已三年矣。深慙治理乖方。愆尤叢集。溯自道光三十年秋。逆醜跳梁。徵調頻仍。迄無成效。將士疲於甲冑。黔黎苦於差徭。自粵而楚。自楚而江。妖氛狂悖。可謂極矣。君人者。代天司牧斯民。當今之時。司牧者何事。而吾民塗炭未復。予一人辜

恩咎重。夫復何辭。因思空言無補。時值多艱。朕惟有虔籲。

昊天速消民劫。期與軍營諸將士共奮安民之志。羣興鼓舞之懷。埽蕩此賊。以蘇民困。此朕之初志。報

天恩即符

考願也。憶自庚戌冬至。親承

大祀。已經九次。每逢詣

壇齋宿。無不思逆賊未平。倍覺愧悚。茲於本月

實錄卷九十

三

初七日。又值

雩祭前期。因誌吾之過。以自警焉。宣布中外。咸使聞知。特諭。○諭內閣。楊殿邦奏。連獲勝仗。攻奪土城。賊勢窮蹙。一摺。該逆於揚州城外。添築土城。徧設陷阱。堅拒我師。希圖竄踞。現經疊次痛剿。平毀土城。琦善陳金綬勝保等。督率帶兵各員。正當乘此聲威。激揚士氣。克復郡城。嚴防竄逸。現在慧成統帶各路重兵。計已趕到。著即合力進攻。肅清江北。拯我羣

實錄卷九十

三

黎。朕日盼捷音之踵至也。○諭軍機大臣等。李嘉端奏。請撥餉以濟兵糈。一摺。皖省各屬土匪嘯聚。急應勦辦。該撫因兵力尚單。經費未裕。調兵必先籌餉。自係實在情形。本日已降旨。令戶部速議矣。近日籌餉之艱。該撫諒已深悉。大江南北各路。重兵屯集。糧臺所需。較之緝捕土匪。尤屬刻不可緩。部庫通籌合計。勢不能不先其所急。至地方被擾之後。人民窮困。亦須亟籌撫恤。該撫惟當督率官紳。勸諭士商人等。量力捐輸。隨時設法賑濟。俾流民不至日久失所。其募勇一節。既稱未經訓練。器械不齊。難資防剿。即當斟酌應留應裁。以節糜費。撫標鎮標各兵。除調遣外。其潰散之兵。亦必須募充足額。毋令久懸。總之兵歸實用。即餉不虛糜。該撫由部臣出任封疆。務當內外兼權。相度緩急。為朕分憂也。將此由五百里諭令知之。○貸山西鄉甯永甯大同靈邱榆社五州縣歉收貧民倉穀。並緩右

王保德甯遠陽曲太平曲沃虞鄉臨汾霍靈石十廳州縣應買節年平糶倉穀○壬午常雩祀

天於

圜丘

上親詣行禮○詣

關帝廟拈香○詣

壽康宮問

皇貴太妃安○諭內閣匡源著授惇郡王讀○

實錄卷九十五

事

又諭琦善陳金綬勝保奏連日大獲勝仗已將揚州城外賊營土壘木城盡行攻破焚毀一摺三月三十日丑刻三路進攻勝保親督兵勇由都天廟前直撲鎮海寺南賊營賊匪驚覺於土城內用木石拋擲並放槍礮兵勇奮力撲入土城賊眾不能抵禦殺斃長髮賊匪甚多立將礮臺燒毀該逆復由城內擁出數千人抄我兵後經勝保添派將弁由七里甸繞至賊營西路攻打三面齊進槍礮環擊

復斃賊千餘名餘匪遁入西門我兵用大礮將土城哨樓轟毀該逆復由北門擁出二千餘人琦善派兵由平山堂前往接應勝保復督兵會合攻勦由法海橋奪路撲入法海寺賊營斬擒甚眾將五鼎橋逆匪礮臺拆毀陳金綬督帶後路弁兵將二十四橋賊營三座焚毀總兵雙來帶領將弁燒賊木城將北門一路賊營四座焚毀次日黎明又復分路進攻直抵城下將城外餘壘盡行燒毀招出難民千餘人訊明釋放統計斬獲廣西老賊三百餘名湖廣等省賊匪二千餘名該逆竄擾揚州多置土壘木城希圖踞守經此次痛加勦洗賊勢已極窮蹙琦善陳金綬勝保調度有方不負委任均堪嘉尚該大臣等仍當督率鎮將激勵兵勇乘勝克復揚城嚴防水陸要隘勿任賊匪竄逸○諭軍機大臣等寄諭欽差大臣向榮等本日據琦善等馳奏連日攻勦大獲勝仗已將揚州城外木城土壘盡

實錄卷九十

事

行政破焚毀逆匪遁入城中等語與向榮等前次奏報江甯勝仗奪獲鍾山賊匪遁入城中情形大略相同此次攻勦得手賊匪窮蹙情形已可概見惟該逆詭譎異常潛匿城中難保不陰圖他竄此時北岸陸路攻勦緊急逆匪不敢抗拒恐由瓜口回竄江甯琦善已緘致該大臣加意堵截楊文定統帶艇船在瓜州口一帶務當極力攻擊遏其回竄之路泰州通州一帶水路俱通揚州亦當一體嚴防無任竄入其江甯賊匪現在困守城中作何舉動又據琦善等奏浦口南岸有賊船三百餘隻順流下駛又中流有賊船百餘隻連檣而下該處官兵轟擊旋即折回此等賊船究竟意欲何往該大臣等務當隨時偵探賊情如有賊匪北竄浦口及竄赴上游之信即飛咨琦善等及上游安徽江西兩湖各督撫趕緊設法堵禦鎮江為南北咽喉該大臣等前曾奏明先行收復京口現在作何布置楊

實錄卷九十

三

文定雇募船隻及麟桂所帶浙江艇船此時諒已到齊著即與上游所備礮船合力夾擊勿令賊船橫互江中往來自如兵貴神速該大臣等務當乘此聲威四面兜截無使竄逸蔓延前據祁雋藻奏探聞賊情及江甯省城殉難各員並李德奏探聞江南情形均著該大臣查明具奏原單片鈔給閱看將此由六百里諭令知之○又諭琦善陳金綬勝保奏痛勦賊匪焚毀賊營一摺逆匪竄踞揚州經該大臣等督率鎮江兵勇分路進攻殲賊無算將城外西北一帶賊營土壘木城盡行攻破焚毀賊匪奔潰入城堅匿不出現在籌畫進攻嚴防竄逸所辦均合機宜該逆被勦窮蹙踞城堅守是其慣技若任其喘息久延勢必乘間衝突又圖他竄該大臣等務當督飭將弁兵勇嚴密堵截屢勝之後萬勿稍涉大意致墮奸計慧成已抵清江續調官兵現到若干著即知照派撥扼要攻勦調取大礮計

實錄卷九十

三五

日亦可到齊。務即乘機圍攻。急圖克復。水陸要隘。均應豫為籌備。毋稍疏虞。儻逆賊被攻。潰圍而出。或東走泰。通下游一帶。或回竄金陵。或沿江上汴。湖北江西等處。均不可不豫防。著隨時咨會。向榮。楊文定。及上游各省督撫。嚴防要路。截其紛竄。將此由六百里諭令知之。○又諭。勞崇光。奏勦辦各股土匪情形。一摺。廣西南甯等府土匪到處滋擾。雖經該撫與提鎮派委地方文武合力兜剿。先後斬

實錄卷九十

三六

擒多名。此拏彼竄。總未淨絕根株。廣西當逆匪蹂躪之後。瘡痍未復。復因軍營遣散壯勇。勾結滋事。以致各處土匪乘機思逞。此等小醜。若不及時殄滅。恐復滋蔓難圖。該省兵單餉薄。自係實在情形。惟有飭令地方官勸諭該處紳民。自為團練。互相保衛。而以官兵為之應援。該省紳民人等。比年來督率鄉勇殺賊。著有成效。均經疊加獎勵。此次匪徒竊發。該撫仍當廣為曉諭。各紳民募壯集團。四面

兜拏。如有拏獲匪徒。殺賊自效。或捐貲助餉。募勇立功者。均著該撫隨時保奏。朕必立沛恩施。至南甯等府從前出力紳民。獎敘或有遺漏。及現在尚未查明請獎之處。並著該撫迅速據實保奏。候朕施恩。以昭激勸。另片奏壯勇與練丁互鬪。雖經曉諭解散。此風斷不可長。該撫務當嚴飭該管各官。約束壯勇。並慎選團總等。妥為駕馭。以期彼此相安。毋任再滋事端。將此由五百里諭令知之。○以攻

實錄卷九十

三七

勦江南揚州賊匪獲勝。賞幫辦軍務內閣學士勝保。花翎。○命安徽學政工部右侍郎錫齡來京。以兵部右侍郎孫銘恩提督安徽學政。○以宗人府府丞李維翰署兵部右侍郎。○以廣西遷江縣城被賊竄陷。革知縣王鴻昌。典史夏雲蒸。把總龔田職。均建問。○癸未諭內閣。戶部奏請派大員督辦淮北鹽務等語。署兩江總督楊文定。現在江南辦理軍務。新授兩淮鹽運使崇綸。到任尚需時日。所有

淮北鹽務著漕運總督福濟暫行督辦一切應行事宜著悉心體察權宜辦理務期於鹽課軍務兩有裨益其淮南鹽務著楊文定仍遵前旨迅派道府大員署理毋得以商販梗阻藉詞延誤致干重咎○又諭孫瑞珍慶祺奏江浙兩省應解海運經費請分別抵墊等語海運船隻現已陸續抵津驗收起剝需費緊要所有江蘇省應解天津經費既經該省截解軍營銀七萬兩著即准其歸入軍需案

實錄卷九十

三

內報銷並著於長蘆鹽課項下照數抵撥其已解未到銀兩仍著嚴催至浙江省海運經費未到銀兩亦准其於直隸鹽關各庫及天津道庫通融借墊以濟急需俟解到時即行分別還款仍著浙江巡撫嚴催未到銀兩趕緊接解儻有延誤惟該撫是問○又諭孫瑞珍慶祺奏驗收海運米石並請飭催浙江糧道赴津交兌一摺本年江浙兩省辦理海運江蘇糧道何俊早已抵津其浙江糧道周起

實錄卷九十

三

濱輒因淮河道路梗塞半途中止該糧道專司漕務責任綦重現在浙省米船陸續抵次僅據該撫飭令江蘇從九品徐雲會赴津襄辦以致查驗剝運支發經費等事諸多棘手殊屬不成事體著黃宗漢嚴飭該糧道周起濱及各委員等兼程北上儻該員等再敢托故遷延致有貽誤即著據實奏參毋稍迴護○又諭前據翰林院編修曾璧光奏稱四川綏定府經歷胡春毓等堪資軍營差遣當降旨交署四川總督裕瑞確切訪查據實具奏茲據該署督覆奏訪查該員等平日循分供職詢以軍務機宜均無過人識見並查明各廢員叅革原案俱屬咎有應得所有綏定府經歷胡春毓綏定營達縣專城千總陳榮及已革遊擊李陸師守備劉天才千總徐占超均著毋庸發往軍營復引見京察一等圈出人員得旨西樞額克明卓樞何桂珍葛景萊昇福陳宗元三壽林廷禧李燕昌全善廷

英祿勳俞樹風桂清滿慶恩錫慧誠長秀王之斌史策先徐資乾均著交軍機處記名以道府用○予湖北殉難監生周錫捷六品職銜祭葬世職並其弟錫鑾賞卹如例○予遇賊被戕江西九江府民婦譚鄭氏夏鄭氏旌卹如例○甲申

上幸瀛臺○諭內閣舒興阿奏總兵現居要缺難以派往他省等語陝西陝安鎮總兵郝光甲前經李德奏請飭令該鎮帶兵前赴山東

實錄卷九十

三十

茲據該督奏稱陝安要地非得力大員鎮守不足以資捍衛所有前調陝甘兵四千名著該督另行派員管帶郝光甲即仍留本任毋庸帶兵前往○諭軍機大臣等尚榮許乃釗奏續毀賊營二座並鎮江添兵及布置上下游船隻各摺片自大兵奪取鍾山以後日望捷音此次進剿經該大臣等密派蘇布通阿等分路攻擊僅將賊營焚毀二座燒斃及斬擒賊匪亦不甚多是勦辦尚不得手昨據琦

善等奏將揚州城外賊營木城土壘盡行攻破焚毀賊踞揚城堅匿不出亦與金陵情形大畧相同該逆雖屢經懲創南北三城現仍負隅死守江面賊船亦尚未能擊斷必當趕緊合力攻剿以期及早克復現在城內難民逃出者甚多若能乘其窮感散渙之時設法裏應外合尤為上策現在如何用計如何離間俾內外可以消息相通著向榮許乃釗妥籌迅辦兵貴神速儻稍形遲滯致賊詭計先

實錄卷九十

三

施或又衝突他竄永安道州前車之鑒不可不防下游戰船已到五十餘隻並有火輪兵船不知閩浙各船續到者仍有若干隻上游盧應翔所帶礮船既不盡堪適用改造大船恐需時日仍須於沿江趕緊雇覓以備上游堵截聞逆匪輜重糧米多在夾河船內若能設法擊毀奪其所恃勦洗更可得力至鎮江派往各兵先後約八千名兵力已不為單鄧紹良督率進剿如能水陸夾攻先克復鎮江

一城斷賊江路。則金陵揚州勢如破竹。我軍屢勝之後。乘此聲威。自不難一鼓殲滅。惟當加倍慎重。計出萬全。切勿大意。俟夷火輪船隻與賊船同泊江心。又至南岸與賊交接。兩三日始退出江口。有無別情。著即確探據實具奏。另片奏。已革候選知府謝繼超。隨營效力。著有微勞。已明降諭旨。免其發往軍臺。已革九江府知府陳景曾。前經張芾奏請當降旨准其發往向榮軍營。應得罪名。仍飭該部

實錄卷九十

三

擬奏矣。已革發遣之總兵趙如勝。經張芾奏留。令其訓練兵丁。江西武職差委乏員。著仍遵前旨。留於江西。毋庸前赴江南軍營。將此由六百里諭令知之。○署四川總督慧成等奏。統籌全局。擇要布置。擬分為兵七勇三。以資牽制。而防勾結。得旨。兵多尚可壯聲勢。勇多徒致滋擾。難濟急用。汝等可挑有用之兵。使之勦賊。汰不馴之勇。以節虛費。然已裁之勇。猶可為害。慎之。○以內閣學士文惠為滿

洲繙譯會試正考官。翰林院侍讀學士訥爾濟為副考官。

實錄卷九十

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之九十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十一

監修臣官修臣日講起居注官太子太保上書房總辦文淵閣總辦武英殿總辦內閣典籍廳總辦欽天監總辦太僕寺總辦鴻臚寺總辦國子監總辦太常寺總辦光祿寺總辦太僕寺卿等

大學士官修臣日講起居注官太子太保上書房總辦文淵閣總辦武英殿總辦內閣典籍廳總辦欽天監總辦太僕寺總辦鴻臚寺總辦國子監總辦太常寺總辦光祿寺總辦太僕寺卿等

大學士官修臣日講起居注官太子太保上書房總辦文淵閣總辦武英殿總辦內閣典籍廳總辦欽天監總辦太僕寺總辦鴻臚寺總辦國子監總辦太常寺總辦光祿寺總辦太僕寺卿等

大學士官修臣日講起居注官太子太保上書房總辦文淵閣總辦武英殿總辦內閣典籍廳總辦欽天監總辦太僕寺總辦鴻臚寺總辦國子監總辦太常寺總辦光祿寺總辦太僕寺卿等

大學士官修臣日講起居注官太子太保上書房總辦文淵閣總辦武英殿總辦內閣典籍廳總辦欽天監總辦太僕寺總辦鴻臚寺總辦國子監總辦太常寺總辦光祿寺總辦太僕寺卿等

救修

咸豐三年癸丑四月乙酉諭內閣周天爵奏

實錄卷九十一

一

參府縣貪劣一摺安徽合肥縣知縣吳祥麟擅放監獄捏報練勇侵吞捐項勒索鄉民種種不法劣蹟昭著該員前據李嘉端奏參革職不足蔽辜著即拏問廬州府知府胡元燁近在同城毫無覺察顯係有心徇庇又有被控得受典鋪規禮之事胡元燁著即革職拏問與吳祥麟一併交周天爵呂賢基研訊確情按律定擬具奏李嘉端於周天爵具稿參奏何以不肯會銜著即明白回奏○諭軍機

大臣等楊文定奏水師復獲勝仗一摺賊船蟻聚江邊沿岸復有賊兵排列勢甚鴟張經和春等督帶各船直衝至瓜州口回環轟擊燒毀賊船多隻斃賊無數水師一路軍威已振鎮江賊船無多逆匪多在陸路必須岸上有重兵夾擊方能得手昨據向榮等奏於四月初一日續派雲貴兵一千五百名湖南兵七百名令總兵音德布管帶前往鎮江此時諒均趕到派往之兵先後共有八千名兵力

實錄卷九十一

二

已不為單各路艇船計均先後可到水師兵力亦厚著向榮即飭令鄧紹良與和春等統帶水陸各兵約期會合夾攻先將鎮江一城趕緊收復並將瓜州口一帶賊船設法盡行擊毀以通南北往來之路江面既清則賊匪應援路絕金陵揚州之賊自可坐困務當趁此聲威剋日進兵萬勿稍事遷延致有貽誤另片密陳喫夷火輪船往來情形仍著隨時偵探持以鎮靜並密飭吳健彰與該夷照常

貿易萬勿稍露別情。致生枝節。將此由六百里諭令知之。○又諭據周天爵奏。安徽合肥縣。梁園西北。有謝四老虎。聚集匪人。聯絡十數村莊。焚燒擄掠。經周天爵分哨往捕。該匪逃散。又潁州府屬有大夥捻匪。陳學會。紀黑壯等。招納各股賊匪。會於阜陽蒙城。亳州。交界之王市集。殺斃太和等州縣兵勇二百餘人。現在馳赴宿州。與呂賢基商議進剿等語。皖省土匪橫行。雖經屢次痛剿。尚未肅清。若不埽數殲除。必致蔓延貽患。現在周天爵計已由宿州馳赴王市集。務即督飭兵勇。將潁州府各屬土匪。剿除淨盡。以靖地方。其謝四老虎一股。仍著李嘉端嚴飭該地方官。督率兵勇團練。迅速掩捕。協力兜拏。毋許漏網。又另片奏。徐州府通判金安清。所陳剿賊各條。已鈔寄琦善等酌量採擇矣。該通判著毋庸發往揚州軍營。將此由五百里諭令知之。○又諭周天爵奏。據徐州府通判金安清稟。陳

實錄卷九十一

三

杜賊援重民守。廣疑陣斷。接濟購內。應多埋伏。六條著琦善陳金綬。勝保按照所陳。悉心體察。如有可採。相機妥辦。萬不可因有此議。轉致遷延。原稟鈔給閱看。將此由六百里諭令知之。○又諭前因軍餉浩繁。不能不借資民力。疊經降旨。令各省督撫。妥為勸諭捐輸。復允大學士等所請。推廣中額學額。鼓勵人材。以昭獎勸。諒已刊布。謄黃。徧行曉諭矣。茲據惠親王。恭親王奕訢。定郡王載銓。奏稱。各省富庶之區。以廣東。山西為最。若勸捐得人。示以破格之賞。自能有濟於事等語。朕思軍興三載。徵調頻仍。凡被賊蹂躪地方。及官兵經過處所。賑撫供億。類皆民力是資。即廣東。山西等省。素稱殷實。近時踴躍輸將。為數亦復不少。若非值此萬不得已之時。豈忍重累吾民。惟念賊匪自粵而楚。擾及江省。現在大兵雲集。水陸進剿。若軍餉稍有不濟。致令逆賊南北奔竄。即完善之區。亦難自固。著葉名

實錄卷九十一

四

琛柏貴。哈芬遴選各該省曾任京外各官。公正鄉紳。人望素孚者。傳旨飭令勸諭紳士。商民人等。竭力輸將。隨時奏請優獎。仍各就該省所捐總數。及各州縣捐數。加廣中額學額。如該省富家大族。有能捐貲至百萬或數十萬者。即賞加五等封爵。其次賞加輕車都尉等官。並准予以襲次。俾民間咸知捐貲助餉。即與效力行間無異。如殷實之戶。力能多捐。不願榮身者。即明白曉諭。給予藩司印照。填

軍機處存一

上

寫借用銀數。俟軍務告竣。即行如數發還。仍先行酌請優獎。惟須善為開導。剋期集事。俾軍餉源源接濟。大功迅速告成。朕所以諭令選用公正紳士者。為其宣揚上意。通達下情。俾蠹吏無從侵漁。商民不致擾累。該督撫其善體朕意。妥速遵行。原摺著節鈔閱看。將此由四百里各諭令知之。○丙戌。諭內閣。侍郎羅惇衍奏。風聞江蘇之清河。宿遷。邳州。山東之滕縣。魚臺。嘉祥等處。民多饑殍。屍骸遍野。

請置義冢埋葬等語。上年豐工。未經合龍。山東。江蘇交界處所。民多流離。節經降旨。截留漕米。分別賑濟。復令各該督撫。妥為撫恤。以紓民困。茲覽該侍郎所奏情形。實堪憫惻。著東南兩河總督。江蘇。山東巡撫。分飭各該地方官。督同紳士。耆老。廣置義冢。將屍骸埋殮。其未經復業居民。著仍遵前旨。設法安撫。毋使失所。至被賊滋擾地方。慘遭荼戮。並著該督撫。飭屬掩埋。毋令暴露。用副朕惠愛黎元。

軍機處存一

上

澤及枯骨之至意。○又諭侍講學士晉康奏。請隨同防剿一摺。晉康著與查文經。隨同慧成。辦理防剿事宜。其巡查黃河口岸。仍著雷以誠。會同楊以增。辦理。○諭軍機大臣等。前據戶部具奏。陝西省勸捐成數。業經給予獎敘。並加廣中額學額。用昭激勸矣。現在軍務未竣。需餉孔殷。昨已諭令廣東。山西各督撫。遴選公正鄉紳。申諭勸捐。因思陝西地方。夙稱富庶。著舒興阿。張祥河。遴委陝西曾任京

外各官公正紳耆傳旨飭令勸諭紳士商民人等竭力捐輸隨時奏請優獎仍就該省所捐總數及各州縣捐數加廣中額學額如富家巨族有能捐貲至百萬或數十萬者即賞加五等封爵其次賞加輕車都尉等官並准予以襲次如有力能多捐不願榮身者即明白曉諭給予藩司印照填寫借用銀數俟軍務告蒞即行如數發還仍先行酌請優獎務使蠹吏無從侵漁商民不致擾累該督撫諒

青集卷九十一

七

能仰體此意妥速遵行也將此由四百里諭令知之○戶部奏部撥支絀請飭各省於奉撥之款不准率請截留改撥得旨朕看各該督撫一籌莫展動請部撥有平日漫不經心者有避嫌避怨不肯為者亦有限於定例格於處分不敢為者前二款惟在各省大吏激發天良惟末一條則在權宜辦理不可拘執現當緊要之時朕必貸其處分寬其定例求事事有實濟也○丁亥諭內閣順天府奏拏

獲行蹤詭秘人犯訊據供稱係湖北宜昌府同知陞任福建延平府知府衍秀於上年武昌城陷後逃出與已革提督博勒恭武係屬姻親並訊伊僕張連陞該犯是否即係博勒恭武供稱並不知情等語該犯行蹤詭秘是否假名逃匿抑或另有別情均應徹底根究所有拏獲之自稱在逃職官衍秀及伊僕張連陞著一併交刑部嚴行審訊並著迅傳各該旗佐領族長等赴部識認以憑查辦○諭

青集卷九十一

八

軍機大臣等慧成奏籌備防勦情形一摺據稱設法鎮撫清淮高寶一帶人心並擬於大橋通江捷徑添兵扼守辦理均屬周妥揚城賊匪續經琦善陳金綬勝保等督兵痛勦將城外賊壘盡行燬破賊勢窮蹙仍復踞城堅守該署督已令查文經統帶漕標各兵先赴下游督同松林馮景尼等協力進勦前調各省官兵諒已陸續趕到著慧成迅即統帶直赴灣頭等處乘此軍威大振與琦善陳金綬

勝保等合力勦辦。務將揚城及早克復。毋任賊匪喘息久延。該逆被勦情急。尤當防其乘間竄突。切勿以屢勝之後。稍涉大意也。另片奏請頒署四川總督關防等語。慧成軍營現在淮揚一帶。著即借用漕運總督關防以歸簡易。朕聞陝西續調兵丁多有吸食鴉片者。是以行走遲滯。著該督隨時查察。照例懲辦。勿令誤事。其各路調到官兵如有軟弱充數者。亦即認真釐汰。遣還。現在籌餉維艱。此等

書錄彙編卷三

卷三

無用之兵。萬勿稍事姑容。徒糜帑項。本日李德奏稱探訪揚州賊情片一件。著鈔給閱看。將此由六百里諭令知之。○又諭李德奏遵查給事中毛鴻賓陳奏山東防守情形一摺。黃河兩岸既經節節設防。偷渡之弊自可無慮。惟防守疏密視乎其人。斷不可因布置業已周備。稍存大意。該撫現駐宿遷以北。為山湖兩路咽喉。果能實力扼要防守。不令一賊竄越。不但山東省城可保無虞。即畿輔藩籬

亦資保障。該給事中所奏既未能切中肯綮。即著毋庸置議。該撫仍當統籌全局。認真稽察。萬勿稍留罅隙。山西官兵不日亦可抵境。應如何分撥駐守之處。即由該撫相機調遣。至陝西官兵四千名。前因安徽勦辦土匪請兵接濟降旨准其酌量截留。該撫仍須與周天爵李嘉端等隨時知照。務當先其所急。不分畛域。亦不可以賊勢窮蹙。稍涉輕忽。將此由五百里諭令知之。○戊子。

書錄彙編卷三

卷三

上詣

壽康宮問

皇貴太妃安。○諭內閣。訥爾經額奏官兵過境滋擾。請將帶兵官嚴議一摺。山西大同鎮二起官兵行過正定。應需車馬飯食。經該縣照上站數目應付。兵丁吳順等膽敢格外多索車輛並飯食錢文。肆行喧鬧。殊屬漫無紀律。山西帶兵官大同鎮署助馬路參將左營遊擊高培雖非本營將領。既委管帶。責無旁貸。

乃竟不能約束。實屬庸懦無能。署大同鎮右營守備張廷杰。大同鎮左營把總王鐸。縱令擾累。尤屬玩法。高培張廷杰。王鐸著一併交部嚴加議處。以示懲儆。兵丁吳順于隆仍責令帶兵官即行交出解省。著訥爾經額嚴行審訊。按律懲辦。○諭軍機大臣等。訥爾經額賡福奏查勘熱河礦硎情形。請先行試採一摺。據稱承德府之徧山綫。及平泉州相連之錫蠟片二處。礦苗透旺。現據該處商人承認。

實錄卷九十一

十一

試採並予限一月。酌定升課等語。此外未經開採各處。如摺內所指平泉州之霍家地。梨樹溝。建昌縣之轉山子。朝陽縣之馬鬍子溝。赤峯縣之紅花溝。朱家溝。金洞子。溝拐。棒子溝。灤平縣之色樹溝等處。均著奕湘。恆春詳加履勘。究竟有無妨礙風水。即行查明具奏。所有現擬試採之礦洞二處。即著賡福照議妥辦。將此諭知奕湘。恆春。並諭令賡福知之。○命荊州將軍台湧來京。陛見。以副都統官

文。護荊州將軍。○以驗收漕糧出力。予工部郎中汪潤等議敘。○己丑。諭內閣刑部。奏遵旨訊明順天府拏獲假名逃匿官犯。實係已革湖北提督博勒恭武。供證明確。並將該革員所遞供詞呈覽一摺。博勒恭武係湖北提督大員。特派防堵岳州。不能固守郡城。以致失守。罪已難辭。乃該革員自岳州潰逃後。由湖北穀城。改裝易服。逃至清江。又潛至京外黃村。假名圖脫。種種狡詐。實出情理之外。直至拏獲。交部審訊。始行具呈。曉曉置辯。無論一面之詞。殊難憑信。即令當時遇賊接仗。而於潰散後。南北逃避。輾轉偷生。亦屬罪無可逭。若不明正典刑。何以申軍律而服人心。博勒恭武著即處斬。派刑部尚書周祖培署侍郎。培成監視行刑。○諭軍機大臣等。據周天爵等奏揚州逆匪逃竄。有船千餘號。自儀徵六合等縣江面竄至浦口。初六日。有逆船數十隻。停泊浦口。分三路上岸。竄擾與黑龍江

及山東官兵打仗。黑龍江兵敗退東葛逆匪。越山過嶺。焚燒營盤。及浦口鎮斗岡。糴粃營。花家營數處房屋。又片奏。據滁州稟報。逆匪於初八日辰刻。自浦口上岸。將東葛驛馬搶去。前派浦口防守之黑龍江兵。因山東兵與賊打仗。即於初七日全數退回滁州。現在浦口實無一兵。各等語。所奏前後情形。稍有不同。不知此股逆匪。是否係揚州竄出。抑係江面船中賊匪。分股牽掣。所稱黑龍江官兵。是否與賊打仗敗退。抑見山東兵敗。即行退往滁州。黑龍江兵素稱勁旅。不應遇賊即退。著琦善等。查明確實情形。具奏。浦口為江北門戶。滁鳳一帶。兵力尚單。雖前准截留陝甘官兵四千。現在甫入皖境。仍恐一時未能全到。此時琦善等。想已相機撥兵往剿。逆匪避實擣虛。是其慣技。總須斟酌緩急。勿墮賊奸計。萬不可稍有疏虞。致令賊匪北竄。將此由六百里加緊諭令知之。○又諭周天爵等。奏揚

州逆匪。自儀徵六合江面。竄至浦口等語。此股賊匪。是否由揚州城內竄出。抑係江面賊船上岸。搶掠。或係金陵賊匪。乘間過江。希圖牽掣。亟應探訪明確。相機勦辦。楊文定所帶艇船。前已疊獲勝仗。正可進扼瓜州。衝擊賊船。著向榮等。迅速籌商。趕緊撲滅。毋任賊匪蔓延北竄。將此由六百里加緊諭令知之。○又諭周天爵等。奏揚州逆匪。竄至浦口。將東葛驛馬搶去。並聞定遠縣屬之池河驛。退回公文。恐驛站梗阻等語。江浦滁州一帶。為北岸陸路門戶。最關緊要。慧成現駐清江。著即與托明阿會商。迅即撥兵馳往援應。如賊勢緊急。常清所帶青州駐防官兵。亦可前往協剿。現在陝甘續調兵四千名。已由永城行入皖境。前已准令周天爵截留。慧成等務當斟酌緩急。相機勦辦。萬不可任賊北竄。將此由六百里加緊諭令知之。○又諭周天爵等。奏逆匪竄擾浦口。飛催官兵趕緊防守。並請飭

統兵大臣迅速分兵堵禦一摺。揚州賊匪尚未殲除。遽有賊船駛至浦口。是必該逆詭計乘虛分竄。以圖牽掣。該處為江甯北岸。情形緊要。亟宜防堵。現在陝甘官兵四千名。已由永城行抵皖境。即著周天爵等截留。以資防剿。尤須嚴勦土匪。勿令勾結蔓延。又據奏定遠縣驛退回公文。恐驛站有阻。必須設法繞道馳遞。萬勿貽誤。該侍郎等務當相機扼要堵禦。毋任賊匪北竄。將此由六百里加緊諭

軍機處

十一

令知之。○又諭周天爵等奏揚州逆匪由浦口北岸分三路竄擾。請添兵協防等語。逆賊避實擣虛。是其慣技。斷不可令其北竄。著陸應穀即飛咨提督善祿酌帶永城防兵星赴安徽。扼要協同防剿。現在續調陝甘兵四千名。已由永城行入皖境。著即飛催前進。該撫如須出省駐劄。亦即親往調度。毋誤事機。將此由六百里諭令知之。○又諭江忠源奏軍務情形一摺。所陳嚴軍法。撤提鎮汰弁兵。明

賞罰。戒浪戰。察地勢。嚴約束。寬脅從。八條。朕詳加披覽。均屬切中機宜。該臬司親歷行間。兩載以來。目擊軍情。自非空談。韜鈴者可比。現已統帶楚勇一千七百餘名。前赴江南軍營。著即將所陳各條。與向榮許乃釗等悉心商榷。認真辦理。江忠源督帶壯勇。應於何處扼要攻剿。並著向榮酌量調遣。前有人奏所調兵丁多有吸食鴉片者。再輒弱充數。恐亦不免。著即隨時查辦。認真釐汰。將此由六百里諭令知之。○以派赴淮徐防堵。賞理藩院尚書恩華銀一百五十兩。○以拏獲官犯。賞順天府南路同知丁希陶花翎。○以勦辦皖北土匪出力。賞知縣顧思堯等升敘有差。○蠲緩湖南臨湘縣被賊地方節年民欠額賦。○庚寅諭內閣。張亮基崇綸奏匪徒聚眾抗糧。焚署戕官。現在調兵勦辦一摺。據稱湖北廣濟縣屬鄉民。因該縣知縣蔡潤琛出示。未將應徵各鄉明晰指出。以致希圖一律蠲緩。

聚眾數百人擁至縣署。並分起搶奪。經該署督等。委署黃州府知府邵綸。黃梅縣知縣鮑開運。各帶兵勇。馳往查辦。業經殲擒多名。乃匪黨愈聚愈多。闖入縣署。以致邵綸。鮑開運同時被戕。縣署亦被焚毀。現在委令臬司江忠源。帶兵順道先行勦辦。並署提督阿勒經阿。挑選精兵。帶赴廣濟接辦等語。匪徒聚眾戕官。實屬罪大惡極。即著阿勒經阿。江忠源等。督率兵勇。迅速勦辦。務將倡首之奸棍方

有漢魏書卷之十一

七

四象等。悉數擒拏。盡法懲治。毋令一名漏網。江忠源。俟勦辦事竣。再赴向榮軍營。廣濟縣知縣蔡潤琛。於應徵應免各鄉。未經明晰指出。致匪徒有所藉口。又復擅離職守。藉病逗遛。種種昏謬。實堪痛恨。廣濟縣典史湯朝瓚。把總衛廣春。於該署府等被戕之時。坐視不救。蔡潤琛。湯朝瓚。衛廣春。均著革職。拏問。交張亮基等。嚴行審訊。按律分別定擬具奏。並將署知府邵綸。知縣鮑開運。被戕情節。查明

清 實 錄 咸豐二年四月中

請卹。○諭軍機大臣等。琦善。陳金綬。勝保。奏逆匪負嵎情形。又琦善奏。堵剿浦口。六合。分竄賊匪。各摺片。揚州城內賊眾。負嵎固守。我兵驟難得手。該大臣等。仍當督飭帶兵各員。相機進取。不可更待添兵。致延時日。浦口六合一帶。被賊滋擾。昨已據周天爵等奏到。當諭令該大臣。斟酌緩急。撥兵往剿。並諭令慧成。托明阿等。撥兵馳往應援。又令周天爵。將已入皖境之陝甘兵四千截留。以資防剿。本日復諭慧成。先其所急。堵賊北竄。諒俱遵照辦理。浦口至滁州一帶。為江北門戶。最關緊要。該大臣。已派撥精兵前往策應。並令西凌阿等。跟蹤追剿。著即嚴飭該處統兵大員。及弁兵等。奮勇前進。與德崇額等。合力夾擊。東省素稱勁旅。吉林兵已獲勝。何以黑龍江兵並未接仗。輒即退回。西凌阿等。庸怯無能。實堪痛恨。比年軍營失事。多由紀律不嚴。琦善深知其弊。必當挽積習以振軍心。信賞必罰。

五

聞外之權。朕斷不為遙制。刻下調兵不為不多。籌餉不為不鉅。帑項支絀情形。琦善陳金綬勝保等。亦所深悉。務當通籌全局。迅掃賊氛。以慰焦思。昨據江忠源奏陳軍務八條。頗有可採。著該大臣等查照酌覈辦理。原摺鈔給閱看。將此由六百里加緊諭令知之。○又諭。昨因周天爵等奏揚州逆匪竄至浦口等處。當經降旨令慧成與托明阿會商。迅即撥兵援應。本日復據琦善等馳奏。探有賊匪數千。由浦口直竄滁州等語。賊匪舍舟登陸。分路搶掠。意在牽掣我兵。現在揚州攻剿正當喫緊之時。自未便紛紛抽撥。致墮奸計。著慧成酌量緩急。將現到各路官兵相機調撥。尤當迅速援應。斷不可稍有延緩。致賊北竄蔓延。昨據江忠源奏陳軍務八條。頗有可採。著查照酌覈辦理。原摺鈔給閱看。將此由六百里諭令知之。○又諭。現在逆氛未靖。江南賊船蟻聚。經楊文定等雇備艇船相機籌剿。茲

聞揚州賊船均在瓜州江口閤淺。琦善等所帶之兵難以繞越。楊文定等統帶艇船如能由江路繞至瓜州江口。焚其閤淺之船。則賊鋒可以大挫。朕思賊匪若被勒奔竄。由江入海。亦當豫防。現在雇募艇船攻剿。時務須加意慎重。不可令該匪奪獲。至近海各船。不比江船尚可收藏港汊。惟有遏賊入海之路。於沿江一帶礮臺嚴加守禦。著楊文定許乃釗隨時偵探稽查。毋任賊蹤偷越。是為至要。將此由四百里諭令知之。○署湖南巡撫潘鐸奏。士民尚未復業。請將壬子科鄉試仍緩至下科一併舉行。從之。○命兵部左侍郎趙光前赴直隸順天府各屬查勘礦務。○以內閣學士常志署刑部左侍郎。穆蔭署工部右侍郎。兼管錢法堂事務。○以御前侍衛多爾濟那木凱署正白旗滿洲副都統。○釋遣戍已革四等侍衛奕紀。回旗賞六品頂帶。前赴恩華軍營聽候差委。○以賊竄浦口堵剿不力。

欽差大臣琦善下部議處革都統西凌阿副都統明慶烏凌額總管魁福職仍留營○以江南揚州府城被賊竄陷革參將文玉都司宋天麒守備方綱職暨已革鹽運使劉良駒均逮問○以捐建湖南省城義倉賞六品頂帶馬英等職銜有差○辛卯

孝端文皇后忌辰遣官祭

昭陵○諭軍機大臣等據陳啟邁奏賊匪擾及皖省徐州喫重請調兵扼剿兼衛糧臺一摺

賊匪竄及滁州定遠一帶徐州為北路重地設有三路糧臺關繫緊要本日諭令慧成迅派官兵赴徐州南路扼要堵截並諭令李德於過境官兵催令前進應援陳啟邁等辦理糧臺務須嚴加防範所有銀糧軍火器械尤應察看情形緩急隨時擇地安頓前據慧成奏移糧臺於宿遷是否業經移設賊蹤靡定總當相機保衛不可稍有疏虞至往來文報或有阻隔即行設法繞道行走勿致遲誤將

此由六百里傳諭知之○又諭據陳啟邁奏請嚴扼徐州以防北竄一摺賊匪分股渡江竄擾浦口並有至東葛驛焚燒驛站之事雖其意存牽掣並非大股北竄而滁州關山一帶兵力實形單薄徐州近扼黃河又為各路糧臺總匯之地稍有疏虞關繫非淺著李德於過境官兵先其所急催令前進俾資防守一面知照慧成將清江等處已到官兵迅速分撥應援毋稍遲延將此由六百里諭令知

之○又諭昨據琦善等奏賊竄滁州當降旨令慧成將現到各路官兵迅速應援本日據陳啟邁奏徐州情形喫重請調重兵扼剿等語現在大營糧餉軍火萃集徐州防護必須兵力慧成接奉前旨諒已派撥應援仍將現到各路官兵酌留徐州一帶以資防堵而護糧儲前據奏請移糧臺於宿遷是否業經移設總宜隨時察看情形妥慎辦理將此由六百里諭令知之○禮部以繙譯會試中額請

得旨京旗取中二名。各省駐防取中八名。署山西巡撫哈芬奏大同鎮總兵官積慶性耽安逸難資專閫得旨汝到晉未久能如是認真可嘉之至朕知積慶習氣深應對巧便實事不能整飭尚不知該員若是之辜恩溺職也。○命山西大同鎮總兵官積慶來京以陝西定邊協副將恒安為山西大同鎮總兵官。○以廣西左江鎮總兵官惠慶為提督貴州平遠協副將周鳳岐為廣西左江鎮總兵官。○壬辰諭內閣倭克精額奏約束不嚴之帶兵官請旨嚴議一摺吉林五甲喇帶兵官委營總協領三福委參領驍騎校烏勒蒙額進關遲延經倭克精額查催詢詰三福始則以烏勒蒙額染疾延醫為辭繼復稟稱因兵丁德喜打傷民夫以致遲延等語該營總既知有兵丁責打民夫情事即應覈實懲究乃不惟未能究辦至關又不據實聲覆致往返咨查耽延三日之久且前後稟詞兩歧顯

有含混希圖完結情弊三福係三品大員實屬有負職任烏勒蒙額並不約束兵丁亦屬無能三福烏勒蒙額均著交部嚴加議處倭克精額有督率之責著交部議處○諭軍機大臣等琦善奏滁州失守請帶兵徑赴桃源永城一帶探明迎剿復據周天爵呂賢基奏逆匪直徧鳳陽請發揚州勁兵直取滁州以斷賊勢各一摺覽奏彌深憤懣江甯揚州屢獲勝仗該逆堅守不出現在陸路北竄之賊未必非其分股以圖牽掣我師該大臣擬赴桃源永城一帶繞出賊前迎頭截擊恐道路較迂兵機較緩且統帥遽離大營則揚州聲威不壯又恐墮賊奸計慧成托明阿奕經等現已先後馳抵清江浦北路重兵計已陸續趕到朕思即派托明阿統帶現到之兵疾趨皖省並飛催在途之兵迅速前進擇要迎剿計周天爵所帶義勇與續到陝甘官兵亦可彙齊夾擊其滁州以南係賊來路即為揚州

大軍後路。若我以勁兵由六合。江浦直搗滁州。衝斷賊勢。使賊腹背受敵。與北路迎擊之。兵前後夾攻。當可得手。該大臣前奏已派武慶。開隆阿等。帶領精兵二千。前往擊賊。又有德崇額等。所帶吉林馬隊。與西凌阿等。退回東葛之黑龍江馬隊。均扼江北要隘。應如何督催進剿。可否於陳金綬勝保二人中。酌派一人前往統帶。軍情緩急。殊難遙度。琦善係欽差大臣。值此賊蹤靡定。惟當統籌全局。相

機迅為布置。萬勿令賊北竄。即慧成所帶各兵。該大臣亦可調遣。總期於事有濟。方為不負委任。將此由六百里加緊諭令知之。○又諭。本日據琦善奏。賊匪竄入滁州。請帶兵迎剿。並催慧成來揚督辦等語。賊匪占踞揚城。堅拒不出。而以他股竄擾滁州一帶。牽掣大軍。朕早料其詭詐。必有此舉。惟琦善係統帥大員。若此時遽離揚州。正恐墮賊奸計。現已諭令周天爵就現到之西安官兵。及宿州兵

勇。馳往迅速剿辦。仍恐兵力尚單。慧成扼守清江。並須兼顧下游。著即派托明阿。將現到之兵。無論何人所帶。迅即分撥帶往迎剿。現在賊偏臨淮。我兵自徐州而下。必須迎頭截擊。斷無株守河北。聽賊至而後縱擊之理。若揚州派兵直趨淮南。斷賊後路。與北路之兵渡淮夾擊。使賊腹背受敵。攻剿更可得手。慧成等所帶之兵。原為大營應援。一切調度機宜。諒必隨時互商酌辦。務使賊匪不得踰淮

而北。而揚州大兵。亦不為奸謀掣動。方為妥善。徐州為渡河要道。又為糧臺重地。尤應全局統籌。設法援守。萬不可稍有疏虞。將此由六百里加緊諭令知之。○又諭。本日據琦善奏。滁州失守。復據周天爵。呂賢基奏。逆匪竄偏鳳陽。各一摺。該匪自浦口北竄。攻陷滁州。旋撲鳳陽之臨淮關。將濠梁驛號舍燒毀。雖經過境之山東兵。及該署府裕恭。知縣黃元吉等接仗。殺賊數十人。而賊勢猖獗。到處擄

掠已有旨令托明阿星速前進並諭琦善酌派大員分撥精兵前往滁州夾擊矣賊匪大股盤踞金陵及鎮江揚州三城而以分股牽掣我兵自應及早殲除周天爵呂賢基現將宿州兵勇並西安先到之兵酌帶前進本日復諭令慧成托明阿等迅速撥北路續到精兵即由托明阿統帶馳往會剿著周天爵等督率將弁探明賊蹤相機截擊皖省土匪尚未掃除淨盡斷不可令其勾結致難辦更難得手其分竄賊匪究係從何路竄出約有若干人是否占踞滁州其失事情形官員下落著周天爵呂賢基李嘉端等詳查具奏至文報糧餉道路尤關緊要如有阻隔即設法繞道行走不可有誤將此由六百里加緊各諭令知之○又諭據琦善奏滁州於四月初九日失守又據周天爵等奏逆匪於十一日直撲臨淮關各等語永城縣為由皖入豫緊要門戶提督善祿是否已帶兵趕赴安徽協同

防剿陸應穀著即出省迅往永城一帶扼要駐劄所需官兵應如何就近調撥之處務須權其緩急嚴密防堵切勿令賊匪闖入其光山固始信陽等州縣著一體偵察毋稍大意前調赴山東之陝甘兵四千名已據周天爵等奏准截留現在西安官兵抵宿者僅五百名著該撫飛催後起過境官兵星速前進毋得稍遲將此由六百里加緊諭令知之○又諭雷以誠晉康楊以增奏請酌添渡口以便居民一摺黃河上下渡口前經楊以增奏歸併八處實力巡查茲據雷以誠等奏稱歸併渡口太遠居民買食維艱並以雜糧商船民食倚賴請添設渡口變通辦理等語著照所請准其於清華觀及雙溝洋河阜河等鎮酌添渡口四處每處以渡船五隻為額仍照原奏章程由官編號給票派撥弁兵專駐盤查其河南雜糧商船在徐城南岸起卸亦照所擬辦理惟於各商船到時即令驗票趕卸迅

速挽回北岸。毋得託故逗遛。此係為體恤民
隱起見。仍當酌量緩急。一律嚴密巡查。毋稍
疏懈。將此由六百里各諭令知之。○總管內
務府衙門。奏禁城內公所房間。容留手藝人
等住宿。請飭本管之總管太監。每日會同內
務府值宿官員。章京親往查驗。得旨。朕聞禁
城內六宮他坦。向有成衣之人。著會同裏邊
總管首領等。盡行驅逐。不准容留。併寬免以
前失察處分。至摺內議令本管總管。每日親
往查驗。無論該總管差使繁簡不同。且日久
懈弛。轉成故事。應責成各該處管他坦之太
監總管首領等。亦應間數日往查。○命翰林
院侍讀金國均。編修龔寶蓮。在上書房行走。
○以太常寺卿李鈞。為內閣學士。兼禮部侍
郎銜。○蠲緩湖南長沙。善化。甯鄉。益陽。湘陰。
醴陵。攸。茶陵。安仁。巴陵。臨湘。道嘉禾。郴。江華。
桂陽。永明。永興。十八州縣被賊地方。未完節
年漕糧。並津貼正耗銀兩有差。○癸巳。

上詣

壽康宮問

皇貴太妃安。○諭內閣。盛桂奏遵備察哈爾蒙
古馬隊官兵。一律整齊候調一摺。察哈爾八
旗官兵。於四月初八日。齊抵什巴爾泰博羅
柴濟地方。經盛桂考驗得。鑲黃旗總管瑪克
素爾扎普。鑲藍旗總管達克黨堪。以派令管
帶。即於該兵丁內。擇其年力精壯。技藝嫺熟
者。挑選足數。並派侍衛參領。副參領等各員。
協同管理營務。所有器械弓箭刀矛帳房等
件。逐一豫備整齊。著盛桂仍飭該總管等。勤
加操練。俟華山泰到任後。再加查閱。擇其尤
為精銳者。候旨調用。○又諭盛桂奏請將所
調馬匹解送軍營等語。此次察哈爾所調馬
共五千匹。著准其送至直隸省城交訥爾經
額派員解送前進。○諭軍機大臣等。戶部奏
變通新疆兵制一摺。據稱新疆南北兩路駐
兵四萬餘名。歲需經費一百四五十萬兩。其

換防官兵俸賞行裝鹽糧等項取給於內地者亦復不貲現值軍興數載議款維艱擬請將陝甘兩省調往口外換防官兵自本年為始概行停止其喀什噶爾英吉沙爾葉爾羌和闐烏什阿克蘇庫車喀喇沙爾八城應設防兵即由伊犁烏魯木齊綠營內如數酌撥如綠營不敷抽換准其於滿洲營官兵內通融調撥一律定為五年更換等語新疆兵餉為數最多現當庫款支絀之時若不亟思變通此後愈難為繼著陝甘總督伊犁將軍參贊大臣烏魯木齊都統葉爾羌參贊大臣按照所奏通盤籌畫如果事屬可行即酌議章程迅速奏明辦理該督等務當公同商榷於節省經費之中仍寓相為維制之意不得以窒礙難行一奏塞責至所稱擬以土爾扈特兵換防之處此項人等能否與回疆相安有無窒礙仍須斟酌又片奏豫籌經費並酌擬款目十條均有實際著該督等體察現在情

形覈定章程迅速具奏辦理毋得因彼此會商以致遷延時日也原摺片單均著鈔給閱看將此各諭令知之○甲午諭內閣現在揚州賊匪業經大兵圍困勢已窮蹙其分股竄擾滁州一帶復派北路重兵前往攻剿惟統兵多係一二品大員必須事權歸一以專責成琦善係欽差大臣所有江北各路官兵著統歸節制悉聽調遣該大臣其通籌全局迅埽賊氛毋負委任○又諭前有旨令楊文定在江甯辦理防堵迨陸建瀛自九江退回即藉詞移往鎮江又不嬰城固守旋至失陷輒復退至江陰因一時簡用乏人將該員革職暫行署理兩江總督猶冀其戴罪自效稍贖前愆乃數月以來毫無布置實屬大負委任楊文定著即革職拏問交怡良派員解送刑部治罪○又諭德勒克多爾濟等奏哲布尊丹巴呼圖克圖庫倫之署堪布諾們罕伊拉固克散率領呼圖克圖喇嘛等呈捐馬一千

匹求為轉奏請旨一摺該呼圖克圖等聞南省賊匪滋事捐馬一千匹實屬出於誠悃朕心實為喜悅惟軍營應需馬匹現已盈餘足敷需用況道路遙遠到彼必至疲乏且現據欽差大臣琦善等奏稱已將逆匪擒斬數千名大兵一到蠢茲小醜必可立即撲滅該呼圖克圖等所捐馬匹著毋庸豫備仍加恩賞給黃哈達一塊白哈達一塊著德勒克多爾濟等轉行發給用示朕獎勵呼圖克圖之意

並著將官兵獲勝之處一併曉諭俾令歡忱○又諭德勒克多爾濟等奏喀爾喀圖謝圖汗車臣汗兩部落汗王貝勒貝子公扎薩克台吉等呈請願捐馬二千匹懇求轉奏請旨一摺圖謝圖汗車臣汗等聞南省逆匪滋事公同呈捐馬二千匹實屬出於誠悃殊堪嘉尚惟軍營應用馬匹現已敷用著德勒克多爾濟等轉行曉諭伊等所捐馬匹停止豫備以示朕體恤蒙古臣僕之至意○諭軍機大

臣等恩華奏請將吉林茂局燒鍋票銀改充俸餉並雙城堡英信溝官荒開墾升科以裕國課而節經費一摺著景瀄按照所陳體察實在情形妥議章程奏明辦理原摺鈔給閱看將此諭令知之○又諭怡良奏馳抵江蘇省城暫駐防守一摺本日已明降諭旨將楊文定革任拏問交刑部擬罪矣怡良職任兩江責無旁貸務當統籌全局專心防勦現擬暫駐蘇省固可以安民心惟軍情變幻尤須

體察何處緊急即往策應方為妥善楊文定所帶師船和春一人能否督率著向榮仍派結實可靠大員前往接替刻下賊由浦口六合竄至滁州明係分股牽掣我軍急需江面礮船從中橫截使賊首尾不能相應方為得手此事最關緊要不知廣東閩浙前調兵船何時趕到殊深焦灼該大臣等務當悉心籌畫隨時知會江北大營水陸夾攻毋任北竄本日據文藝奏三月三十日帶兵出隊直逼

鎮城該逆勢似退縮。不料竟由運河旁寶塔山分股尾兜。以致陣亡佐領賡善等十一員。兵八十一名。明係一大敗仗。並不詳細聲敘。甚屬含混。著向榮、怡良、許乃釗確切查明。據實具奏。又何桂清片奏楊殿邦、聯英、劉良駒、胡調元、倪良、燿鍾殿選畏賊。各情著一併確查。據實奏。文藝、何桂清各摺片均著鈔給閱看。將此由六百里加緊各諭令知之。○又諭朕思揚州賊匪圍困不出。而以他股由陸

實錄卷九十一

三十五

路牽掣我兵。恐琦善遽離大營。致墮奸計。是以特派托明阿就近帶兵與周天爵等迎截。北竄之賊。復命琦善等督催西凌阿、德崇額、武慶等所帶各兵斷賊後路。又慮現在北路續調重兵。統兵多係一二品大員。事權不一。已明降諭旨令該大臣節制江北諸軍矣。茲復據琦善奏請飭慧成來揚接辦攻剿。自請帶兵繞至北路迎擊。似與陳金綬勝保商酌意見未合。又恐慧成等所帶之兵不能調遣。

故為此奏。朕昨日見陳金綬勝保未經聯銜。已料及此。現在賊情詭譎。意圖牽掣。該大臣等協力同心。尚恐不濟。豈可稍存意見耶。此旨著與陳金綬勝保同閱。此時北路萬分緊急。無論何人。迅即帶兵迎擊。若能擊敗分股賊匪。於江南江北大局可冀成功。倘稍有疏失。貽誤非細。軍情緩急。勢難遙度。惟望該大臣等善體朕意。毋稍拘執。也將此由六百里加緊諭知琦善。並諭令陳金綬勝保知之。○

實錄卷九十一

三十六

又諭李嘉端奏鳳陽為南北咽喉。情形最要。擬酌帶兵勇親赴救援。並分咨河南、山東、江蘇各撫。及徐州鎮等四面兜剿。以期一鼓成擒。現時事勢亟迫。各路官兵相距遙遠。徵調恐難濟急。惟慧成、托明阿之兵較近。想已遵旨分撥前往。著周天爵、呂賢基、李嘉端會同速籌剿辦。其陝西兵四千名。前已行入皖境。即著飛催趕緊齊到。以資調遣。另片奏請將前准截留之湖南餉銀。仍飭解皖省應用。已

交戶部速議具奏矣。現在徵兵籌餉均屬要務。遠兵遠餉均難濟急。惟當就近籌酌。移緩就急。毋致稍有延誤。又另片奏遵查學政道員退避各情。錫齡業已交部議處。並令來京。至蕪湖道惠徵。委辦糧臺護解銀兩。是否屬實。仍著李嘉端確查具奏。都司海陴據稱並未派赴九江。亦無先行逃避之事。惟前經派防安慶兵皆潰散。著與千總邢殿元一併摘去頂帶。交該撫差遣。委用以觀後效。倘不知

實錄卷九十一

三十七

奮勉。即著從重懲辦。將此由六百里加緊諭令知之。○又諭昨據琦善周天爵等先後馳奏賊陷滁州。旋撲臨淮關。當經降旨令周天爵等就近堵剿。並著托明阿帶兵應援矣。本日據李德奏擬親自帶兵前赴宿遷。於山湖兩路擇要防堵。所奏尚合機宜。著即權衡緩急相機妥辦。如前路緊急。自宜派兵進攻。而後路空虛亦宜準備。不可稍涉大意。致誤事機。將此由六百里諭令知之。○署陝甘總督

易棠奏團練獵戶嚴防番賊得旨。諸事認真辦理。如有玩泄將弁從嚴叅辦。○欽差大臣都統銜琦善奏勝保營中文員擬詳覈保奏以杜冒濫得旨。所見甚是。軍營所用之人原期實效。斷非無謂之詞。可以了事。開鑽營者之捷徑也。○江蘇學政何桂清奏江蘇巡撫楊文定漕運總督楊殿邦聞警退避情形得旨。學政向不與聞地方之事。原為各有責任。勿得越俎。若確有聞見。雖平時亦應直陳。况

實錄卷九十一

三十八

當軍務倥傯時也。汝不必過於拘泥。○江甯副都統文藝奏觀音山接仗情形得旨。此明係攻前遺後。被賊兜衝。一大敗仗。何不詳細聲敘。已有旨將汝發往新疆。若奮勇向前。奏報皆實。不特前罪邀免。尚可敘功。若有意掩飾。則是一無用之人。徒留無益。惟有正法而已。○以協辦大學士吏部尚書賈楨吏部尚書柏葰戶部尚書文慶禮部尚書徐澤醇吏部左侍郎邵燦戶部左侍郎全慶刑部右侍郎

郎許乃普都察院左副都御史文瑞為殿試
讀卷官○以予告大學士潘世恩重赴恩榮
宴賞其孫祖同舉人一體會試○以甘肅番
賊滋擾防卡不力署都司馬成下部議處予
陣亡把總陳玉蘭外委薛廷璋祭葬世職○

實錄卷九十一

三十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之九十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十二

監修總裁官親選月牌施店法官太子大學上書房翰林太淵閣簡閣學翰林院掌院學士稽察欽差工部事務保厘國史館總裁官兼教習學士體仁閣
大學三管理本部事務加十三級紀錄十四次臣曹振鏞奏請良官題延講官太子伴讀分閱簡閣學事武英殿總裁官教習學士體仁閣
大學士管理戶部三庫事務管理刑部事務加二十三級紀錄十六次臣開誠培養良官太子少保管理內務府書生曹錕計入兵部機大臣
欽廉授滿洲副都統戶部尚書管理三庫事務加四級隨帶加五級紀錄十二次臣寶鋆奏為良官親選講官弘德殿教習清又拾遺上書房撰錄纂修
連國史館總纂官正黃旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣傅什璉布等奉

咸豐三年癸丑四月乙未策試天下貢士吳

鳳藻等二百二十二人於保和殿制曰朕履
位以來三載於茲矣仰荷

昊蒼眷佑。

列聖垂麻。勅命時幾。兢兢業業。恆思重道崇儒之治。詰戎禁競之機。地輿險易之形。泉府流通之法。冀與中外臣工。致上理於大同。登斯民於仁壽。茲當臨軒策訪之時。虛衷博採。爾多士其敬聽之。周制立學。天子辟雍。或取字義。或象物形。諸家之說。可臚陳歟。有文王之

辟雍有武王之辟雍。或為宮。或為西。雖何以稱焉。辟池之名。見於何書。或以辟雍為樂名。其說何本。清廟太廟明堂太學辟雍。殊事異名。果一地歟。神道清靜。祭於斯。朝於斯。射於斯。饗於斯。學於斯。毋乃雜歟。四代之學。方隅奚若。壅水四周。廣袤奚若。水若為旋。橋若為制。皆有據歟。夫虞廷有教習之訓。周官重成均之職。化民成俗。實基於此。朕躬臨辟雍。講學典禮。非徒侈三雍之上儀。修漢唐之故事。

也。亦惟期與多士研求格致誠正之功。以臻修齊治平之效耳。我國家以騎射威天下。八旗綠營。星羅密布。有事則埽除。無事則鎮撫。兵力不可謂不厚矣。而蟻屯蜂聚。弄兵潢池者。尚稽蕩滅。則不練之過也。兵法之最古者。當以孫子。吳子。司馬法為本。生聚教訓之術。權謀運用之宜。能言其大略歟。其著有明效者。當以有明戚繼光練兵實紀一書為切於實用。所稱一練伍法。二練膽氣。三練耳目。四

練手足。五練營陣。六練將者。能闡其義歟。夫足兵必先足食。國家歲有常供。徵發頻仍。則度支不給。開礦行鈔。亦補救之急務。必如之何而利可興。弊可弭。徵兵千里。士飽馬騰也。今江南之金陵。姑蘇。維揚。皖水。皆禹貢揚州之域。稽之天文。在斗牛女分野。星紀之次。自兩漢三國。晉宋齊梁陳隋唐五代宋元明之建置沿革。可揚摧而陳之歟。左太冲吳都賦所稱。包括於越。跨躡蠻荆。砥礪乎數州之間。

灌注乎天下之半者。能推闡言之歟。其間人民殷阜。良莠不齊。物產豐盈。轉輸攸賴。而防江防河。防淮防海。洪波沿袤。何以扼其要。港汊紛歧。何以杜其奸。平時何以綏靖。臨時何以折衝。古今異時。山川異勢。水陸異宜。攻守異形。防勦異用。非講求於平日。其何以投鞭斷流。使江左江右。億萬蒼生。得以出水火而登衽席也。秦并天下。幣為二等。而珠玉龜貝銀錫之屬。不為幣。孝武始造白金三品。尋廢

不行。是上下通行之貨。壹皆以錢。未嘗用銀。唐時有禁斷採銀之詔。度支歲計。有粟布絹。綿及錢。而無銀。惟諸州土貢。自百兩至二十兩不等。不為幣也。以銀為幣。始於何時。行於何地。鑄銀之式。輕重不同。所值亦異。厥後銀日貴。錢日賤。民間但以銀論價。市易能詳其源流。遷變歟。論錢法者。若賈誼。若孔鯢。若陸贄。能述其梗概歟。我朝府事。交修。戶工二部。設寶源寶泉兩局。近復因臣工奏請鑄大錢。以劑食貨之用。果何如。而權衡輕重。各得其宜。俾國用饒。而民用贍乎。夫興人才以講學。奮武衛以詰奸。審地利以設防。阜民財以裕國。皆經邦之要道。立政之宏模也。多士學古。入官。通知時事。以數奏為明試。毋泛毋隱。朕將親覽焉。○諭內閣。向榮許乃釗奏。鎮江江甯水陸攻勦獲勝一摺。三月二十九日。鄧紹良。又藝進攻鎮江南門外之觀音山。賊匪蜂擁而出。分股抄出我兵之後。該提督回兵力

戰。賊眾披靡。四月初二日。和春與各鎮將。督帶艇船。由丹徒鎮乘風直至焦山。開礮擊壞賊船數十隻。各艇駛向瓜州南北兩岸。來往臺攻。逆船撞壞擊破者。不計其數。初七日。該大臣豫派兵勇分作五路。攻江甯之通濟。朝陽二門。殲斃極多。該大臣即於十一日。劄營紫金山。該逆恐我占據形勝。前來攻奪。該大臣揮兵分頭尾抄。該逆即時遁回。是日長江上游。復經盧應翔。會同都司楊煥章。前長沙縣謝廷榮。分水陸三路進攻。盧應翔督帶礮船。繞出夾江。楊煥章從葦岸接應。將賊營礮臺望樓一齊蹋毀。殺賊無數。礮勇礮船乘機齊進。燒毀賊船百餘隻。各勇拆斷夾口木簾。先後救出民船一百六十餘隻。難民二百十三名。統計兩城水陸各路攻勦。正在得手之時。賊勢定已窮蹙。著該大臣迅飭帶兵將弁。乘勝進取。務將鎮江。江甯兩城。剋期攻復。毋令江面賊匪。更與北岸聯絡。以致蔓延。○又

諭恩華奏請帶礮營章京趙炳琇驍騎校趙輔之。兵十名。前往軍營。著准其隨帶。並請帶各旗鐵心銅礮。每旗四位。礮手各四名。擡槍一百桿。大箭一千枝。及大藥鉛丸。健銳營大藥二千斤。大器營大藥一千斤。著各該旗營。按照單開件數配齊。均交恩華帶往軍營。以資防剿。至該尚書面奏。請帶大槍二千桿。亦著兩翼護軍各營。檢配齊全。一併交帶備用。○又諭。美湘。恒春。奏遵查礦山情形一摺。所有承德府屬之偏山綫。及平泉州屬之錫蠟片地方。據該尚書等。查勘銀苗透旺。即係訥爾經額。賡福。奏請試採之處。業據該處商人承認。予限一月。酌定升課。即著該督會同新任熱河都統毓書。妥為辦理。又據該尚書等奏。熱河金銀礦硯雖多。勢不能驟集人眾。同時並開。除實係有礙風水。毋庸置議。先將偏山綫等二處開採外。仍著該督。暨該都統等。於曾經開採。及向有偷挖處所。派員詳加履

勘。如有可採之處。奏請開採。甘肅涼莊理事通判穆翰。著即交毓書差遣委用。另片奏。應行封禁之處。應飭該地方官嚴密稽查等語。著照所議辦理。○諭軍機大臣等。向榮等奏。鎮江。江甯。水陸攻剿情形。該大臣探聞通濟。朝陽。兩門。賊防甚疏。分別五路進擊。並奪紫金山。築壘安營。其長江上游。亦經盧應翔等。分路進攻。連次獲勝。自應乘勝設法進攻。現在劉營紫金山。可以用礮對擊。該大臣調取蘇杭各處大礮。可備攻城之用。並設計用間。謀定後戰。早圖克復。朕心實深盼望。至下游師船。既經和春督帶泊丹徒鎮。陸路復有鄧紹良。音德布等。帶兵策應。必可水陸夾攻。收復鎮江。現在南北兩岸賊船甚多。總須斷其浮橋。使不得往來自如。以孤其勢。則浦口等處北竄之賊。亦不敢深入。至該逆大藥將盡。正可多設疑陣。以誘其搶礮。使其坐困危城。自難固守。至吳健彰獎勵之處。已於摺內批

明該道因雇船事宜。遞稟兵部。乞為代奏。於例未符。嗣後有應奏事件。照例稟請該督撫代奏。其籍詞延誤之温州鎮總兵陳世忠。已明降諭旨。將其革職。留於水師效力矣。將此由六百里加緊諭知。向榮。怡良。許乃釗。並傳諭吳健彰。知之。○又諭。本日據李嘉端奏。請調江西湖北官兵等語。朕思琦善所派援兵。暨托明阿。周天爵所帶兵勇。計日可到。毋庸遠調他省官兵。徒稽時日。該大臣所派援兵。著令迅速馳往。毋稍遲延。至黑龍江官兵。前在浦口。遇賊退回。營盤被燬。其曾否接仗。有無敗衄。尚未據該大臣查奏。茲又據李嘉瑞奏。賊至滁州。用礮轟開城門。山東黑龍江兵連夜由池河退回紅心驛。是否該官兵尾追前進。又經挫敗。黑龍江兵素稱勁旅。何至遇賊披靡。毫無振作。該帶兵官所司何事。著琦善迅即查明。據實具奏。勿稍含混。將此由六百里加緊諭令知之。○又諭。李嘉端奏。鳳陽

以下。兵力單薄。請調江西湖北官兵。趕赴廬州。救應等語。前聞賊擾滁州。當經諭令琦善酌派精兵。馳往救援。又命托明阿。就近帶兵徑赴北路。與周天爵等合力迎剿。各路官兵早經分撥。必可迅抵皖省。且截留陝省官兵。計亦陸續趕到。足敷剿辦。該撫即與周天爵。呂賢基等將現到之兵。妥為布置。勿令賊匪紛竄。仍飛催未到各兵。以資調遣。當此賊蹤靡定。惟當就近籌撥。以期有濟。毋庸遠調鄰省官兵。徒延時日也。將此由六百里諭令知之。○又諭。前據升任御史王茂蔭奏。請將熱河珠源寺銅殿拆運。以資鼓鑄。當交賡福查驗。據稱該處銅閣祇有一座。細數尺寸銅斤。亦非甚多。拆卸拉運。需費甚鉅。於鼓鑄恐無裨益。茲復據奕湘。恒春。前往履勘。奏稱該處銅殿係和鉛鎔鑄。淨銅不過五成。且恐據詹等件。外實中虛。不償工費等語。所有拆運銅殿之處。著毋庸議。將此諭令知之。○欽差大

臣湖北提督向宗等奏。師船夷船情形。得旨。著照所奏辦理。喫夷既非助逆。亦不必再興波瀾。吳健彰將揚文定照會未行。駕馭得宜。可嘉之至。本日隨批回摺件。發去白玉搬指一箇。賞給吳健彰。○盛京將軍奕興奏。原派查邊大臣書元。因病請假。改委協領德安。與朝鮮國使臣會哨。得旨。所辦甚是。本年秋季。不必另派員會哨。俟下屆再行照章行。○以督頭等侍衛松玉。為廣州滿洲副都統。○以督

帶師船逗遛洋面。華浙江温州鎮總兵官陳世忠職。仍留水師效力。○以調赴淮徐軍營。賞礮營章京趙炳琇等銀兩有差。○賞會試年老舉人陳東藩等八人。編修檢討。學正。職銜有差。○予江南勒賊陣亡外委田光祖。祭葬世職。○丙申諭內閣。惠親王等奏。順天府咨文江南駐防兵丁。請交刑部查訊一摺。童繼甫。即吉福。既據戶部主事壽昌。及在京舉人圖理訥。結稱實係江南駐防滿洲鑲黃旗

人。著即交京旗安置。無庸交刑部查辦。○又諭孫瑞珍。慶祺奏。涉船水手聚眾滋事。現審情形一摺。本年海運沙船。駛至天津。雇用甯波船隻。有甯經回空之謝源春船。停泊小劉莊。該船水手胡上才等。因白日入人院內。與呂姓互鬪。經該汛千總陳康傑。前往彈壓。竟敢倚眾毆打。揪拉上船。迨地方官會同查拏。猶敢鳴鑼聚眾。意圖抗拒。玩法已極。據孫瑞珍等奏。現今天津道府。會同南省委員審辦。

著訥爾經額。即飭該道府等。就近迅提首要各犯。嚴訊確情。按律定擬具奏。○諭軍機大臣等。揚以增奏。清江西路添兵嚴防。李嘉端奏。赴援日期。各一摺。現在逆匪盤踞臨淮。風陽勢甚危急。亟宜四面兜剿。遏其北竄。李嘉端於十八日帶兵赴援。自係刻不容緩。惟所帶兵壯。僅數百名。實屬單薄。即號召練勇。勸借軍餉。亦屬緩不濟急。該撫既冒險前進。僅各路竟無接應。致令賊勢益張。所關非細。朕

數日以來聞賊由陸路北竄倍深焦急著周天爵呂賢基迅即帶領兵勇星速赴援前准截留之陝甘兵現在抵皖已有若干名周天爵即一併統帶與托明阿善祿李嘉端或合兵進攻或分路兜截當此防勒喫緊之時赴援應機兵貴神速萬不可稍涉拘執致有延誤至清江西路亦宜嚴防楊以增所奏水陸防堵情形自為遏賊分竄起見惟退守不如進攻楊以增仍當偵探賊情隨時相機進剿以為我軍後路聲援若但知株守一隅恐藩籬亦難自固聞李德現已帶兵前抵宿遷正可與楊以增聲勢聯絡互相策應該侍郎等總以權衡緩急先機應變力堵賊匪北竄勾結是為至要將此由六百里加緊各諭令知之○又諭據陸應穀奏稱接到安徽來咨擬將現駐永城之陝西商州等營官兵一千九百名先交善祿帶赴宿州其已到歸德之定邊兵七百名甯夏兵五百名請截留以備防

禦等語現在賊撲臨淮關鳳陽危急巡撫李嘉端前往督剿兵力甚單實深懸繫著即令善祿帶兵迅速赴皖為李嘉端應援萬不可稍有遲誤至永城為由皖入豫緊要門戶留兵嚴守亦係要著惟皖省軍務喫緊若以重兵扼其前路使賊不得乘虛竄越則豫省自可無虞該撫諒已遵旨馳抵永城仍著先其所急將現留之定邊甯夏官兵飭令迅速前進以為善祿後路應援陝甘官兵前已准令安徽儘數截留其未到之二千餘名著即催令速進該官兵行抵歸德仍著該撫隨時察看情形斟酌留遣並咨會周天爵李嘉端等查照總期移緩就急共保大局為要將此由六百里加緊諭令知之○又諭昨有旨派托明阿將現到之兵無論何人所帶分撥馳赴安徽迎剿現在鳳陽一帶萬分喫緊本日據李嘉端奏已於十八日親督兵勇前進其所帶官兵不過二三百名即使號召練勇亦非

剋期能集設有疏失關繫甚重朕自聞賊匪竄擾滁州數日以來倍深焦急江北帶兵諸臣次第前進無論水陸要隘均應隨時相機勦辦若稍涉拘泥即恐有誤事機慧成現赴揚州即著托明阿遵照前旨將北路現到之兵無論何人所帶迅即統帶何處賊情緊急即馳往該處迎擊萬不可徒有分兵之名仍無勦賊之效周天爵昨奏截留陝甘兵僅到五百名本日已催令督帶赴勦此後續到善祿所帶官兵並永城續到之兵亦諭陸應穀迅催前進仍恐緩不濟急專恃托明阿一路為之援應與周天爵李嘉端等或合兵會勦或分路兜截總以互相策應嚴扼賊匪北竄為要該署督等諒能權衡緩急相機迅辦也將此由六百里加緊各諭令知之○又諭據恩華面奏請帶直隸官兵等語著訥爾經額於通永鎮標內挑選精兵五百名配齊軍裝器械派委得力將弁迅速馳赴恩華軍營聽

候調遣毋稍遲誤將此諭令知之○引見散館人員得旨章鑒揚泗孫潘祖蔭業經授職二甲庶吉士蕭培元景廉吳嘉善呂錦文趙曾向俞奎垣劉成忠李慶翱孫翼謀徐啟文丁培鎰黃師閔饒世賢李鴻藻張洵景其濟朱潮趙樹吉鄧兆熊衛榮光薛書堂董元醇許肯孚鑾煒彭瑞毓衍秀俱著授為編修三甲庶吉士李應田許應騷俱著授為檢討倪文蔚孫登瀛龐際雲梅啟照志和宗室綿宜陸仁恬蔡興楷王化堂惲鴻儀王楷蔣英元李甲先曾省三陳夢蘭郭鑑襄王蘭谷張方泳余撰趙福瀉孫慶成俱著以部屬用易堂俊宋金鑑許宗衡孫楫俱著以內閣中書用夏廷楫婁道南謝金誥扎拉豐阿賀澍恩孫桐生武尚仁陶紹緒馮晟俱著以知縣即用羅瀚隆著歸原班銓選緒譯庶吉士桂清著授為編修額勒和布書格俱著以部屬用文運著以內閣中書用○命盛京工部侍郎廣

林留京。以大理寺卿恒春為盛京工部侍郎。○以湖南永州防勦出力。賞知州曹源。遊擊安長泰。守備吳藻等。花翎。千總周鳳等。藍翎。道員張其仁等。加銜升敘有差。○丁酉。

上詣

壽康宮。問

皇貴太妃安。○諭內閣。僧格林沁等奏。遵演礮槍等件一摺。據稱試演山西解到礮槍。不及火器營並武備院所造之窩蜂槍。此項礮槍。

著交火器營收存。毋庸照式製造。其藤牌一項。著僧格林沁等酌量製造。○又諭。訥爾經額奏。截留投首之江甯駐防旗兵鍾慶等十六名。省安插一摺。江甯駐防旗兵鍾慶等十六名。訊非有心脫逃。既經截留。著訥爾經額酌給口糧。解往江甯。交署將軍蘇布通阿酌量安插。以示體恤。○又諭。琦善陳金綬勝保奏。攻勦逆匪。焚毀賊船一摺。四月十六日夜。琦善派委總兵雙來。直抵揚城北面。奮力進攻。將

城上望樓轟毀一座。陳金綬勝保所派官兵。攻打西面。均有殲擒。遊擊兵格等。至南門外。將賊船焚毀。賊俱淹斃。又據副都統常春。及儀徵縣知縣都榮森。會同奇兵營遊擊明福。在儀徵縣沙漫洲地方。奪獲賊船三隻。又瓜州紳董同琦善所派旗人書義。潛入賊營。乘隙縱火。將瓜州由閘地方北首賊壘瞭臺。概行焚毀。該紳董復率兵勇鄉民。將越河地方土城。拆毀殆盡。各等語。該處紳民志切同仇。深堪嘉尚。儻能始終出力。殺賊立功。著琦善等酌量保奏。候朕施恩。該逆疊次被勦。勢漸窮蹙。務當嚴飭帶兵各員。同心勦力。晝夜環攻。迅復揚城。毋任北竄。○諭軍機大臣等。琦善陳金綬勝保奏。攻勦逆匪。焚毀賊船。並勝保奏。陳軍務各摺片。賊匪踞城固守。經琦善等分路進攻。各有斬擒。雖未得手。而逆匪困守城中。其勢已極窮蹙。正可乘機設法圍攻。迅圖克復。至竄擾滁鳳一帶匪徒。疊經諭令

琦善酌撥官兵馳往策應。或於陳金綬勝保二人中酌派一人前赴滁州一帶勦辦。現在滁州賊匪後路如何截斷。吉林黑龍江官兵派往何處追剿。滁鳳前路。疊諭托明阿帶兵迎擊。善祿亦自永城前來會剿。該大臣統領江北諸軍。各營官兵均歸節制。鳳陽為南北咽喉。現在情形甚為危急。必當先其所急。遏賊北竄。而揚州攻剿亦在萬分喫緊之際。尤須防其乘虛奔突。勝保片稱。兵貴合不貴分。任在專不在眾。所奏實為卓見。現在揚州之兵勢難再分。慧成托明阿奕經等所帶官兵及恩華瑞昌等所帶後路官兵皆係為大營應援。琦善均應調遣。不可稍分彼此。前准周天爵截留陝甘續調之兵亦係因滁鳳空虛之故。軍情變幻靡常有有用之兵自不可置之無用之地。惟在該大臣等酌量緩急統籌全局相機辦理。朕斷不為遙制也。將此由六百里加緊諭令知之。○人諭有人奏現竄滁州

鳳陽之賊不過二三千人。若由滁州東路進兵。或由白米山麓西南攻清流關。或由珠龍橋攻關之西北。滁東之兵攻關之東南。則關可復等語。現在股匪雖未占據滁州。而形勝之區不可不加意扼守。著琦善等查明所奏各情如有可採。即飭將弁率兵扼據險要。趕緊追剿。並知照周天爵呂賢基李嘉瑞督兵夾擊。迅殄賊氛。前已降旨令琦善節制江北各路官兵。事權歸一。如此次赴皖之兵尚嫌單弱。即著妥籌調遣。毋得稍有延緩。原摺鈔給閱看。將此由六百里加緊諭知琦善陳金綬勝保。並諭慧成托明阿知之。○又諭有人奏由滁東進兵。或由白米山之麓西南攻清流關。或由珠龍橋攻關之西北。則關可復等語。該逆分竄滁州擾及臨淮。疊經諭令周天爵等迅籌速剿。諒已熟訪地利細揣賊情扼要攻擊。所奏有無可採。著周天爵呂賢基李嘉瑞悉心體察酌量進攻。總期以速為貴。毋

任蔓延。又據稱地方遇有土匪。令祠族保正捆拏。外來奸宄。令各處旅店盤詰。僅有逃兵成羣肆搶。格殺勿論。如此則土匪不能起。游匪不敢擾。無庸多兵防守。徒糜糧餉等語。著一併斟酌妥辦。原片二件。均著鈔給閱看。將此由六百里加緊各諭令知之。○又諭湖北按察使江忠源。親歷行間。戰功屢著。前曾諭令馳赴江南。幫辦軍務。現在該署督等。委令順道勦辦廣濟縣匪徒。儻此時尚未竣事。即著署提督阿勒經阿接辦。該署督等。即飭江忠源統帶兵勇。迅速馳赴安徽鳳陽一帶。會同周天爵等攻勦。該臬司係向榮軍營幫辦。並可與向榮聲息相通。南北聯為一氣。此股匪徒。不難剋期殄滅。再昨將湖北武昌同知梅體萱。簡放鳳陽府知府。該員當武昌失守時。是否在任。現在有無事故。並著查明具奏。將此由六百里加緊諭知張亮基。崇倫並傳諭江忠源知之。○又諭有人奏浙江昌化縣

之昱嶺關。與徽州之歙縣交界。請飭地方官遇有土匪。令祠族保正捆拏。外來奸宄。令各處旅店盤詰等語。著黃宗漢。察看地方情形。酌量辦理。固不可徒滋擾累。亦不可防範稍疏。致有貽誤。原片鈔給閱看。將此由五百里諭令知之。○又諭慧成奏籌撥官兵赴皖一摺。又片奏。連接琦善咨催。趕赴揚州。接辦攻勦。並密陳揚州勁旅。萬不可分赴滁州。各等語。逆匪分股竄擾滁州。疊經諭令該署督等。派兵會勦。茲據奏稱。現將前駐河南永城之西安駐防官兵。撥赴皖省。至該署督奉調各兵。僅可數用。難以另行派撥。請飭經過地方。不得截留。自係實在情形。惟滁鳳一帶。十分緊要。僅稍有疏虞。致賊北竄。關繫尤非淺鮮。著慧成仍遵前旨。迅飭托明阿。帶兵馳往援應。至所稱揚州之兵。不應分撥。墮賊奸計。朕亦早經計及。此時慧成計已馳抵揚州大營。即著與琦善等。面商機宜。速即克復揚城。勿

致遲延生變。北路各軍前已明降諭旨。統歸琦善節制。所有滁鳳一帶分股賊匪。應如何撥派官兵前往剿除。諒該大臣等定已通籌全局。酌量派撥也。將此由六百里加緊諭令知之。○又諭。前據李嘉瑞奏。賊至滁州。山東黑龍江兵由池河退回。尚無鳳陽失守之事。茲據雷以誠奏稱。探聞賊匪分竄情形。擬親赴下流察看等語。現在揚州雖報有勝仗。尚未能即時克復。而黃河口岸頗關緊要。該副都御史至揚州察看後。仍著迅回清江。巡查河岸。如有奸細假扮商賈。涇跡偷渡。務即嚴拏究辦。不可稍有疏懈。將此由六百里諭令知之。○長蘆鹽政文謙奏。端陽

萬壽貢品。現赴蘇杭採辦。尚未到津。得旨。所有本年端陽萬壽各貢品。均不必呈進。俟採辦到津時。即作下次例貢。亦不必補進。併著內務府查明各處本年貢物。有不克到京者。著奏明統俟軍務完竣。再行呈進。亦不必補進。

○以派赴淮徐防堵。賞杭州將軍瑞昌銀一百五十兩。○予江南陣亡千總徐琳。祭葬世職。○戊戌。

上御乾清宮。召讀卷官。入親閱。定進呈十卷。甲第。○諭內閣。理藩院奏。西林果勒盟長蘇尼特扎薩克郡王齊旺扎布等。於本處應用馬匹。現在一律備齊等語。此項馬三千匹。為數不少。若賞收。則於該蒙古等不無浩費。著理藩院轉飭該扎薩克王。貝勒。貝子。公。台吉等。所備交馬三十匹。著即停止。以示朕體恤藩臣之至意。○又諭。左副都御史載齡奏。本年派充會試知貢舉。查有外簾監試御史覺羅錫光。上堂辦事。身穿元青綿襖。殊失觀瞻。且精神委頓。不時歇息等語。御史覺羅錫光。著交吏部帶領引見。○諭軍機大臣等。本日據慧成奏。浦口北竄賊船。係金陵分股。揚州瓜州京口之賊。探無動靜。安知非潛蓄異謀。別圖不逞。當經諭令琦善等嚴行防範矣。向榮

等圍攻金陵。賊匪堅拒不出。分股潛行渡江。滋擾滁鳳一帶。意圖牽掣我軍。賊情詭詐。往往避實擊虛。該大臣等務須隨時偵察。南北兩岸互相援應。切勿顧此失彼。據揚文定奏稱。四月初四日晚。賊匪乘風順流。燒放火船木筏。我軍先設準備。艇師各船俱未損傷。現又到夾板船二隻。一俟風色順利。即圖進取等語。現在江面匪船來往自如。必須趕緊設法轟擊。水師各船最關緊要。揚文定現已拏問該大臣等。務即派委妥員管帶舟師。水陸會合進剿。賊匪聲東擊西。是其慣技。尤應加意籌防偵探。南北兩岸隨時知照。萬不可墮其術中。至揚文定所奏收集江蘇各營潰兵。此等敗潰兵丁。是否尚能得力。著怡良飭令該管鎮將。察其疲輒怯懦者。隨時裁汰。另募充補。兵歸實用。斯餉不虛糜。斷不可有名無實。其所請蘇州設立軍需總局之處。著怡良等迅即選派賢員。遵節支應。以重軍儲。並密

飭上海道吳健彰偵察夷船。自江口退回後。情形如何。總以鎮靜為要。將此由六百里加緊各諭令知之。○又諭慧成奏。現在軍營情形。並擬剋期收復揚州各摺片。此次竄擾滁鳳一帶。匪徒據慧成奏稱。確知為牽掣圍揚之兵而來。誘我回顧。必由瓜州另聚大股。北來。出我不意。又稱揚城一經克復。滁鳳之賊亦必褫魄自廢。是其大意。總以揚州之兵萬不可分。以奮力攻撲揚城為第一要著。朕前降諭旨。不欲琦善遽離揚州。正是此意。若揚州一時尚未克復。而滁鳳一帶賊勢益熾。徐州為北方門戶。關繫亦甚緊要。慧成已帶兵前赴揚州。著即與琦善等迅圖克復。以慰朕望。軍情變幻靡常。未便顧此失彼。本日已諭令托明阿。奕經等酌量帶兵。迅赴滁鳳一帶策應。又令李德帶兵前進。與揚以增互為聲援。周天爵等所帶兵勇。並截留陝甘官兵。想已馳往截擊。昨據琦善奏。探聞逆匪被羸夫

及土民合力痛殺已去其半。困於臨淮關。如
果屬實。勦辦尚易為力。該大臣等務當統籌
水陸全局。相機擇要。分撥調遣。尤須偵探確
實。慎勿墮賊奸計。慧成奏。浦口北竄賊船。聞
係金陵分股。揚州。瓜州。京口。各賊寂不聞聲。
賊情詭詐。甚屬可疑。本日已諭令向榮等。確
實查探。仍著該大臣等。隨時偵探賊蹤。防勒
兼施。勿以圍困窮蹙。稍涉大意。將此由六百
里加緊各諭令知之。○又諭。奕經奏。探聞逆

匪分竄。相機防勒一摺。托明阿尚無到浦口
確信。不知現在行抵何處。即著飛催帶兵前
進。如托明阿相離較遠。即著奕經迅帶現到
各兵。前往截擊。刻下滁鳳一帶。軍情萬分緊
急。斷不可稍有遲誤。李德奏。徐州現無重兵
扼守。空虛可慮。將隨後經過在境之山西三
四等起官兵一千餘名。交升署膠州協副將
武隆額帶領馳往徐州。並將綏遠。熱河。吉林。
等起官兵二千四百餘名。由韓莊改道撥赴

徐州。飛咨徐州鎮百勝。赴徐帶領。與武隆額
互為接應。所見甚合機宜。仍即添派委員。持
令分催。以期迅速。並著李德兼程前往宿遷。
偵探賊蹤。相機進剿。並飛催後路官兵。源源
前進。既可以固東省藩籬。又可為托明阿等
應援。周天爵帶領兵勇。並截留陝甘官兵。想
亦馳往迎擊。賊情詭詐。變幻靡定。設大兵多
趨徐郡。而該逆又窺伺清江。亦不可不豫為
計及。揚以增駐劄該處。務須隨時偵訪。刻刻

嚴防。毋稍大意。將此由六百里加緊各諭令
知之。○署四川總督慧成奏。賊竄滁鳳。意在
牽掣我師。而琦善即欲率兵往截。不顧揚州。
膽小氣輕。難為大將。得旨。卿所奏各情形。朕
斷不疑卿。我君臣竭力籌之。○己亥。

上御太和殿傳臚。賜一甲孫如僅。吳鳳藻。呂朝
瑞三人。進士及第。二甲黃鉉等一百七人。進
士出身。三甲武驥珠等一百十二人。同進士
出身。○諭內閣。步軍統領衙門。奏。擊獲可疑

人犯供係江甯駐防兵丁一摺。江甯駐防馬甲奇隆額馬兵訥爾精額馬甲扎勒哈蘇聞散儒林馬甲忠亮吉春養育兵文祥俱著兵部發給執照解往江南交將軍蘇布通阿酌量安插以示體恤嗣後如有該處逃散旗兵俱著照此辦理。○又諭樂斌奏廢員在配誣控逞刁請改發伊犁一摺已革吉林佐領賡音前因疊次犯案發往新疆效力贖罪到成以後猶復訛詐商民砌詞誣控迨經審係全虛輒敢恃老逞刁冀圖挾制種種險詐實屬怙惡不悛賡音著發伊犁充當苦差。○諭軍機大臣等據查文經奏探聞賊匪竄過鳳陽請分兵防堵一摺北路情形現已布置周妥查文經奏稱恐賊匪南窺洪湖請派員前往上游將淮河船隻全數收入湖東束清壩一帶免致為賊所得著該護督即與楊以增會籌妥辦毋令賊匪涸跡將此由六百里各諭令知之。○以勦辦湖南巴陵土匪提督鄧紹

良下部議敘賞遊擊駱永忠守備魏金榜花翎把總林得陞等藍翎餘升敘有差。○庚子上幸瀛臺。○諭內閣吏部奏遵查運司到任遲延一摺並查明未據咨報到省之司道各官開單請旨廣東在籍候補鹽運使潘仕成於上年十月簡放浙江鹽運使迄今未據咨報到省著該省及沿途各督撫迅即嚴催飭令赴任不准再有逗遛仍確查該員因何遲延之處據實具奏其單開之四川布政使楊培山西按察使沈兆澐湖南糧儲道董醇河南南汝光道麟泰直隸口北道錫祉陝西延榆綏道龔瑞穀廣東瓊州府知府世興甘肅涼州府知府劉仲璠山東沂州府知府李維醇福建汀州府知府張衍重山東泰安府知府福昌四川夔州府知府黃銘先湖北武昌府知府廷志湖南衡州府知府夏雲岫四川永甯道汪榮廣西柳州府知府包國泰福建建甯府知府秦金鑑廣西潯州府知府高應元。

福建延平府知府郭錫榮均逾憑限未據咨報到任著各該省及沿途各督撫一體飭催速赴新任其有業經到任尚未繳憑者即著該督撫查明各該員到任日期迅速報部並將文憑送部查銷以符定例○諭軍機大臣等前因賊撲臨淮鳳陽危急當降旨令陸應穀催令提督善祿帶兵迅往並將後起陝甘官兵二千餘名斟酌留遣原為移緩就急兼顧皖豫起見茲據該撫奏稱請將陝甘官兵

三千二百名盡數截留未免太多現在皖省軍務十分喫緊若使前路兵單則豫省藩籬亦恐難以自固為今之計總宜先其所急使皖省北竄之賊迅就殄滅方不致有誤事機陸應穀現已馳抵永城仍著隨時體察情形若前路緊急即迅速撥兵迎剿切不可稍有拘執善祿已帶兵赴皖著即催令速進毋稍遲誤將此由六百里諭令知之○正黃旗滿洲都統奕湘因病解任仍以鑲紅旗滿洲都

統載垣兼署正黃旗滿洲都統○辛丑上詣

壽康宮問

皇貴太妃安○諭內閣琦善陳金綬勝保奏肅塌揚州城垛並焚毀瓜州賊船一摺四月二十日卯刻琦善親督官兵出隊槍礮環施轟塌城垛十餘處斃賊甚多午後復將城身洞穿數穴該逆隨毀隨補抵死堅拒現仍留兵輪守礮位徹夜攻擊又十七日經琦善派往

瓜州之間散旗人書義會同瓜州等處紳士內閣中書鍾淮督同民勇燒毀賊匪大藥船隻搜獲賊匪十八名並西瓜礮刀槍各件續又獲賊十一名二十日瓜州虹橋紳士董事等焚燒賊船甚多水師艇船同時會合擊沈船隻無數復將金山一帶江面賊船焚毀該逆臺經懲創勢已窮蹙揚州郡城計日可復著琦善陳金綬勝保會同慧成督飭鎮江兵勇合力環攻毋令賊匪乘間竄逸○又諭著

青州副都統慶如奏。江甯駐防前鋒到營呈訴。請旨安插一摺。江甯駐防前鋒景興。投到青州旗營。呈懇收留。著慶如酌給口糧。解還該省。交署將軍蘇布通阿。酌量安插。以示體恤。○諭軍機大臣等。前據巡視西城御史覺羅達慶等奏。拏獲攜帶私書。形跡可疑之王向離一犯。當交刑部嚴行審訊。並諭令舒興阿。張祥河。密委幹員。前往邵陽等縣。查拏呂益謙等。到案訊究。茲據刑部奏稱。查驗王向離。攜帶呂益謙所著無瑕玉私書。顯與時憲書相悖。書內所開徒眾。內有十餘人。或立名號。或分占天干。以為姓氏。皆係幼年。同係王姓。其以欽明放勳等字取名。尤堪駭異。各犯所供各情。均係一面之詞。虛實難以懸斷等語。王向離來京。訊係呂益謙主使。著該督撫。密派幹員。嚴拏呂益謙等。犯務獲。並按照王向離所供呂益謙私書內。開載各犯姓名住址清單。迅速查拏。研訊確情。奏明懲辦。原摺

著鈔給閱看。將此諭令知之。○又諭琦善等奏。連日轟塌城塼。並焚毀賊船等情。一摺。逆匪困守孤城。經我兵分路晝夜環攻。轟塌城塼十餘處。擊斃賊匪不少。其雜髮出城。窺探軍情各賊。業經拏獲正法。賊匪大藥船隻。亦經該處紳民焚毀。賊勢窮蹙已極。該大臣等現已設法趕造攻具。克復自在指日。惟據稱賊多雜髮。夜縋出城。意在窺我虛實。又賄買民人。分探軍情。賊匪詭譎異常。儻於城未攻破之先。出我不意。儘力衝突而出。必致逞鋒復張。更滋蔓延。永安道州。即其前車之鑒。該大臣等。務當加意慎重。一面飭令各路兵勇。合力進攻。仍一面擇要層層設伏。堵其分竄之路。萬不可任賊乘間奔突。又成尾追之勢。本日據周天爵等奏。安徽賊匪仍踞臨淮關。現帶兵勇急圖截擊等語。前已降旨。調撥各路官兵。前往防剿。若揚城及早克復。則滁鳳一帶餘匪。剿辦更易為力也。將此由六百里

加緊各諭令知之○又諭周天爵呂賢基奏賊匪仍踞臨淮關亟籌截擊一摺據稱宿州達鳳陽之路一由東南之固鎮驛一由正南之蘄縣集兩路均屬緊要現派西安馬隊兵自固鎮一路前進直搗臨淮北岸之賊又派固原兵由蘄縣一路前進直抵懷遠鳳陽北岸出奇夾攻等語臨淮關為南北要地該逆分股竄踞意圖牽掣官軍乘此賊勢尚不甚大迅速截擊庶不致令蔓延尤須嚴防土匪勿令與匪黨暗相勾結其由懷遠蒙亳至歸德之劉家口一路務須擇要固守仍隨時知照陸應穀一體防範刻下各路官兵計已陸續到齊該侍郎等務即督飭將弁兵勇等合力攻剿迅殄賊氛無稍延緩至所請撥銀二十萬兩已交戶部速議具奏兵餉緊急存銀有限自應再籌接濟徐州宿遷等處糧臺如有暫可那用之款著鄭敦謹與陳啓邁等商酌先其所急無論多寡撥解以應急需本日

又諭李德於山東庫存各項內酌量接濟矣將此由六百里加緊各諭令知之○又諭逆匪分竄臨淮皖省情形極為喫重前據李德奏稱行抵東省各路官兵已催令前赴徐州現在大兵雲集所需軍餉必須寬為籌備徐州宿遷一帶設立糧臺去山東較近所有各處應解軍餉恐一時不能運到設有貽誤所關非細著李德於藩庫正雜各項無論何款就近撥解務當移緩就急以期源源接濟諒該撫必能權其輕重妥速辦理也將此由五百里諭令知之○又諭前因軍務未竣需餉甚鉅疊經諭令各督撫延訪公正紳耆勸諭捐輸山陝兩省捐數頗稱踴躍現在各路大兵雲集徐州宿遷等處設立糧臺待餉孔殷部庫籌款維艱該撫等諒已深悉惟恃捐輸一項庶可源源接濟大營著哈芬張祥河遵照前旨迅飭地方官會同勸捐各紳士等妥速辦理一俟集有成數即一面奏明派委妥

員解往軍營。一面開具各捐戶姓名。奏請獎勵。萬不可假手胥吏。以致擾累地方。至該省藩庫正雜各款。如有可移緩就急之處。無論何項。務即權其輕重。迅籌撥解。以濟要需。勿稍遲誤。將此由五百里各諭令知之。○欽差大臣琦善等奏。圍攻揚州。並焚毀瓜州賊船情形。得旨。揚城指日克復。尤不可不防分竄。若勢窮竄逸。勒辦猶可得手。儻或自知難守。儘力衝突。逆談飄忽。更須加意慎重。勿蹈永安之故轍也。○署四川總督慧成奏。駐守灣頭。督兵會剿。並陳揚州大兵。不可分撤情形。得旨。所見甚是。軍中變幻情形。勝敗之機。決於頃刻。萬萬不可拘泥。又奏謝准令伊子晉康幫辦軍務。恩批。原旨令晉康隨同辦理防勒事宜。既可供驅使。又可朝夕侍汝。實為兩便。非遽加幫辦之任也。○壬寅。諭內閣。國家設官分職。凡以為民。百姓之莠良。繫乎州縣之賢否。如果親民之官。撫字催科。廉能稱職。

自能為民興利除弊。消患未萌。自逆匪滋事以來。被擾地方。慘遭荼毒。即毗連省分。亦復徵兵調餉。差務紛煩。朕每念撫綏無術。民困未蘇。宵旰憂勤。難安寢饋。封疆大吏。均有察吏安民之責。應如何遴選賢能。甄汰庸劣。以期吏治民風。蒸蒸日上。乃近聞各省督撫。章奏保舉勞績者多。指參劣蹟者少。或被人彈劾。降旨密查。猶復曲意彌縫。化大為小。即如湖北廣濟縣知縣蔡潤琛。若素洽輿情。何至激成變故。其他因斷獄不公。苛派滋事者。往往以一叅了事。旋請開復。總因該管上司。積習相沿。因循莫振。或思見好屬吏。專事優容。或因規避處分。多方諱飾。以致窮黎無所控訴。奸匪藉以肆行。比年粵楚地方。養癰貽患。皆由於此。實堪痛恨。若不大加整飭。何以力挽頹風。著各直省督撫。嚴飭所屬。時加訪察。如有貪劣不肖州縣。即行據實奏參。並將劣蹟指款。嚴訊究辦。無稍含混。其聞草無能者。

亦應隨時甄別。毋任廢弛。如有循聲素著者。亦可臚陳實蹟。登諸薦牘。務使屬員知所勸懲。民情日臻安謐。庶不負朕恐懼修省孜孜求治之意。將此通諭知之。○癸卯。

孝慎成皇后忌辰遣官祭

慕陵。○諭內閣。戶部奏代辦巡撫違例咨提別省銀兩一摺。各省協撥軍餉。向有定例。即使軍需緊急。亦當一面奏聞。一面報部。從無率行咨提之例。前代辦江蘇巡撫倪良燿。因庫款不足。輒即行文山西提解銀兩。既未奏明。又未報部。實屬有違定例。倪良燿著交部嚴加議處。其山西撥解銀兩。業已動款。即著迅速解往軍營。此外有無另向他省咨提銀兩之處。著怡良許乃釗飭令倪良燿專案報部。以憑查覈。○又諭。向榮等奏請將隨營打仗得力之壯勇賞給糧米等語。所有向榮軍營現在各項壯勇著准其援照官兵給米之例。按日一體發給。以示體恤。○又諭。向榮許乃

釗奏移營紫金山。並鎮江水陸進攻。疊獲勝仗一摺。據稱江甯城外大營十八座。均已一律移近城垣。官兵聲勢聯絡。即於十七日夜。飭令兵勇伏於城邊。大箭百道射入城中。繼以槍礮。大罐。噴筒。一齊拋擲。該逆猝不及防。首逆楊秀青等率賊登城。見朝陽門一帶城上之牌刀賊匪疑係官兵。開礮轟斃數百人。城中槍礮亂發。人聲沸騰。達旦始息。十五日午刻。鎮江逆匪千餘人。從東南兩門分出。經提督鄧紹良分派官兵及湖南官兵勝勇。分中左右三路進攻。已革副都統文藝亦督兵攻打。該逆敗退入城。堅閉不出。總兵和春於十九日乘東北風起。知會鄧紹良由陸路接應。並飭令各艇船於二十日黎明起碇進剿。和春等督飭各將弁由焦山至甘露寺。並鎮城大馬頭一帶。賊船紛泊處所。開礮轟擊。水陸兩路之賊均開礮迎拒。我船順風三面攻擊。壞賊船三四十隻。並轟斃陸路救應逆

匪數十名乘勝追擊至瓜州口。現仍寄碇焦
山上游。扼賊下竄之路。另片奏。江甯城南四
十八社紳董練勇。盤詰偷越逆賊。極為嚴密。
各等語。江甯鎮江水陸各路賊匪。疊受懲創。
勢已窮蹙。該大臣等大營已據要地。鎮江勒
匪亦疊次得手。務當乘此聲威。分飭諸軍。迅
圖克復兩城。仍當審度形勢。扼要嚴防。勿令
賊匪乘間竄越。其各社紳董練勇。志切同仇。
深明大義。甚屬可嘉。著先行傳旨獎勵。仍飭
令認真巡防。毋稍疏懈。指日大功告竣。該大
臣等一併論功保奏。候朕施恩。傷亡兵勇。著
即查明咨部議卹。○諭軍機大臣等。向榮許
乃釗奏。移營勦賊。力圖克復。及水陸獲勝。並
撥兵防堵東壩各摺片。該大臣等。移營進剿。
紫金山。乘夜攻城。首逆楊秀青等倉皇無措。
自相轟擊。其鎮江水陸兩路。亦經鄧紹良督
率將弁。和春統帶艇船。約齊會剿。殲擒賊匪
多名。擊壞及燒毀賊船數十隻。是勦辦甚屬

得手。現在金陵大營十八座。逼近城垣。所調
蘇州上海杭州等處三千斤及五千斤大礮。
想亦運到。急宜乘勝進攻。若先克復省城。則
鎮城收復。勢如破竹。江面賊船。解散千餘艘。
若能一律散盡。即可斷其往來。並杜截北竄
之路。惟賊船散去多隻。係往何處。是否駛赴
上游。抑係分泊北岸。其船上有無賊匪潛藏。
偷越。又圖他竄。均須隨時偵探。知照皖省。江
北水陸地方。並上游湖北江西一體嚴防。該
逆被創窮蹙。乘虛衝突。是其慣技。儻知孤城
不能久踞。逆首等率其醜類。併力潰圍而出。
渡江北竄皖省。或由東壩直奔蘇常一帶。我
軍布置稍疏。即不免又墮奸計。該大臣等務
宜通籌熟計。總期殄滅妖氛。不留餘孽。逆首
洪秀泉楊秀青等。現在圍困城中。其偽西王
亦未能逸出。該逆等狀貌形跡。必須探訪確
實。或能購綫內應。於克復省城時。全數擒獲。
不致令其免脫。則掃蕩餘匪。不難一鼓成功。

矣。東霸一路經該大臣飭委主事劉存厚同都司常瑞帶領廣東兵六百名駐劄。並委候補道戚貞等前赴高淳。率同紳董練勇嚴行盤詰。仍著怡良撥兵前往協同堵剿。毋稍鬆懈。逆黨改裝雜髮。扮作難民。詭詐多端。尤須加意巡防。近日揚州賊匪圍困技窮。其分股竄擾滁鳳。逼近徐州。朕恐北路新到官兵未能深悉賊情。已有旨諭令湖北臬司江忠源督帶楚勇一千七百名。由廣濟縣馳赴江北會同截擊。徐宿為北方門戶。不能不先其所急。諒該大臣等全局在胸。必不至顧此失彼。本日戶部奏向榮咨撥軍餉。已由部改撥銀二十萬兩。諒可迅速解赴糧臺。並飭倪良燿將海運節省一款。加緊提解。補足三十萬二千兩之數。以資接濟。原片著鈔給閱看。按款催提可也。將此由六百里加緊諭知向榮。怡良。許乃釗。並傳諭彭玉雯知之。○江蘇巡撫許乃釗奏請將蘇松常鎮太四府一州按畝

捐輸抵作上忙錢糧得旨。俟辦有成效再行具奏。候朕酌度。又奏端陽貢物因道路阻梗請俟收復江甯後補行呈進。批。所有各項貢物統俟軍務告竣再行按期呈進。不必補進。○免江蘇商販米石關稅。○甲辰諭內閣。前據怡良王懿德奏。閩省緝匪情形。請將地方官失察邪教處分。暫予寬免。當經降旨允准。原為因時制宜。俾地方各員不致心存瞻顧。得以覈實辦理。茲據吏部奏酌擬限期。請明定章程一摺。朕詳加披閱。立法固貴變通。除患尤期迅速。儻地方官恃無處分。於匪犯糾結滋擾之案。相率因循。則寬其既往。轉致貽患將來。必應明定期限。以杜流弊。著照所請。即自此次奉旨之日為始。定以一年為限。在一年限內查拏破案者。如有一犯經歷數縣。一縣牽連數官。其從前應得失察處分悉予寬免。如仍前玩弛。已踰一年之限者。無論失察諱匿。仍各照定例辦理。以示限制。並著該

部通行各直省一體遵行○諭軍機大臣等寄諭欽差大臣都統銜琦善等本日據李嘉端奏鳳陽失守請催援兵一摺覽奏實堪痛恨據稱賊至鳳陽署藩司奎綬知府裕恭知縣黃元吉帶兵接仗因另股賊匪竄入東門遂至失守該省兵力甚單各路調往官兵一時未能趕到該大臣統制北路諸軍前派武慶開隆阿等帶兵二千赴援現在行抵何處西凌阿等所帶黑龍江馬隊經該大臣飭令

實錄卷九二

當

追往滁州何以未聞接仗當此萬分喫緊之時豈可聽其逗遛著即嚴飭星速進行會同各路官兵合力勦辦斷不可稍涉延緩致誤事機揚州臺經獲勝如能及早克復則分擾之股匪其勢自衰該大臣等必能通籌熟計不至顧此失彼也將此由六百里加緊各諭令知之○又諭李嘉端奏鳳陽失守一摺已明降諭旨將該撫並署藩司奎綬革職留任矣據稱二十一日該府縣在北門外九華山

實錄卷九二

四

與賊接仗另股賊匪竄入東門城內大起九華山與龍興寺兩股賊匪奔向北門衝散鄉勇府城即時失守該撫已飭都司海陞帶兵二百五十名協守定遠並令總兵玉山知州金光勛設法扼守正陽關要口等語前據陸應穀奏善祿帶領官兵一千九百名於二十日內啟程赴皖本日又據托明阿奏於二十七日啟程帶兵徑赴泗州現復諭令該將軍提督迅速兼程前進計已到之西安馬隊及固原兵一千一百五十名並續到之陝甘兵當已不少周天爵諒亦由宿州督帶兵勇赴援著李嘉端迅即會合各路援兵併力進剿攻復郡城琦善所派黑龍江馬隊官兵前赴滁州著該撫飛咨迎提前進前經降旨令江忠源由廣濟帶領練勇赴皖會剿但恐該臬司到皖較遲此時惟有會同現到各兵扼要攻剿勿令該逆更竄他處李嘉端遵旨回奏一摺覽奏已悉其另片稱已革知府胡元燁

於廬州任內辦理團練得力。曾經紳士聯名具稟請留等語。當此軍務喫緊之時。需人孔亟。廬州逼近賊氛。未便驟易生手。所有前奉一案。暫緩究辦。即著李嘉瑞嚴飭該革員。竭力幫同守禦。戴罪圖功。其鳳陽城內文武各員下落。及奎綬如何受傷實情。著即查明據實具奏。將此由六百里加緊各諭令知之。○又諭。本日托明阿奏。帶兵直趨泗州。並飛咨續調未到官兵一摺。已批令迅速進剿矣。頃

實錄卷七十三

十一

據李嘉瑞馳奏。鳳陽於二十一日失守。該撫現駐護城驛。專待各路援兵前來。情形萬分緊急。已諭令琦善等。並周天爵。陸應穀。各飭所調援兵。星馳赴剿。該將軍業已啟程。沿途當已探悉。著即倍道前進。相機進剿。善祿由永城帶兵赴援。周天爵由宿州前進。諒可同時趕到。合力進攻。務將此股逆匪。迅速埽除。無任滋蔓。將此由六百里加緊諭令知之。○又諭。本日據李嘉瑞奏。鳳陽府城失守。該撫

現駐廬州。苦無一旅之師。欲進不能。望援甚切。善祿所帶之兵。諒已早入皖境。著即兼程馳赴鳳陽。迅速進剿。現在調赴援兵。惟托明阿業經啟程。周天爵在宿州。尚未出境。有緩不濟急之勢。著陸應穀。將永城現留防兵酌撥。趕令前進。為善祿後路應援。其陝甘後起官兵。亦不可再行截留。務須先其所急。相機調遣。皖境安則豫境亦安。切不可稍分畛域。徒誤事機。將此由六百里加緊各諭令知之。

實錄卷七十三

十一

○安徽巡撫李嘉瑞奏。報鳳陽失守。得旨。賊到兵潰。委城於賊。深堪痛恨也。鳳陽文武。想必又是逃出。即遇賊受傷者。亦不可盡信。○以安徽鳳陽府城被賊竄陷。革安徽巡撫李嘉瑞。署布政使奎綬。均留任。○賞帶領黑龍江官兵齊齊哈爾副都統特爾額銀一百五十兩。

請停止調往。即由江南各糧臺就地採買等語。該督所奏。自係實在情形。此次所調察哈爾馬匹。著即無庸解赴軍營。仍留口外牧放。聽候調用。如軍營馬匹。現在不敷。即著陳啟邁。鄭敦謹。派委妥員。於河南山東等處。就近購買。毋誤軍行。將此由四百里諭知訥爾經額。華山泰。並由六百里傳諭陳啟邁。鄭敦謹知之。○又諭。昨因鳳陽府城失守。曾諭令善祿。兼程進剿。並諭該撫。將永城現留防兵。酌

撥前進。無庸截留。陝甘後起官兵。本日據陸應穀奏稱。歸德存兵無多。請將定邊營兵七百名。甯夏營兵五百名。暫留歸德。俟續有兵到。再行酌量留遣等語。自係為防堵緊要起見。惟鳳陽要地。業已失陷。正須各路大兵。合力兜剿。前後赴皖之兵。合計雖有七八千名。其相去較遠者。恐一時未能趕到。儻該處兵力不敷防剿。致賊他竄。則裹脅愈多。賊勢益張。更將滋蔓難圖。該撫仍當酌量情形。統籌

全局。總宜先其所急。切不可稍分畛域。致誤事機。該撫現已馳往歸德。扼要駐劄。即著妥為布置。相機調遣。無稍疏虞。將此由六百里諭令知之。○又諭。前因賊擾徐州。意圖北竄。當經諭令李德。派兵嚴防徐州要地。並期保衛糧臺。嗣據該撫奏稱。已派委副將武隆額。帶領山西官兵一千餘名。赴徐州河北駐劄。並飛咨總兵百勝。帶領綏遠。熱河。吉林等處官兵二千四百餘名。由韓莊改道。撥赴徐州。

實錄卷九十三

三

與武隆額。南北兩岸。互相策應。諒已督辦妥協。布置周密矣。現在鳳陽失守。徐州萬分喫緊。著李德。即督飭帶兵各員。扼要駐劄。嚴密防堵。以為皖省聲援。後路續到官兵。應如何改道行走。不致紆折遲誤。即一面飭知地方官。妥為應付。一面咨明帶兵大員。督催前進。萬不可稍涉拘執。致誤事機。將此由六百里諭令知之。○署閩浙總督王懿德奏。閩浙交界防堵事宜。並令陸路提督炳文。扼要駐劄。

得旨。炳文到防後。將道路遠近地方情形。專摺詳細具奏。設軍情緊要。即一面奏聞。一面札調就近官兵。以資守禦。此摺寄與炳文看。○以驗收漕糧呈報不實。坐糧廳監督毓鍾。下部議處。○丙午。諭內閣。葉名琛奏。勦辦東路股匪。疊獲勝仗一摺。廣東長甯縣山內匪徒嘯聚。經該督派兵勦捕。兩次殲擒九十名。撥緝餘匪二百十五名。其江西交界大股匪徒出沒靡常。復經該督派委守備任士魁。署

實錄卷九十三

五

守備涂得照。千總謝清榮等。分馳勦捕賊眾。敗走。該匪復糾集三千餘人。至和平縣之洲頭墟滋擾。任士魁涂得照。由長布橋進兵。先後擊斃賊匪七百餘名。生擒二十八名。奪獲礮械二百七十餘件。該匪竄至瀧下村地方。署南雄州孫福謙都司陳綸。乘夜冒雨窮追。殲斃二百三十二名。追獲二十四名。署守備李從龍。復斃賊三百餘名。生擒二十五名。各匪藏入村屋。我兵槍礮環施。燒斃賊匪多名。

實錄卷九十三

五

餘匪逃至信豐縣交界地方。復經千總楊裕清等邀截。擊斃五十名。生擒十名。東路股匪。經此次痛勦。掃除將盡。該匪等在廣東。江西毗連處所。分竄滋擾。拒捕戕官。實屬罪大惡極。現經四路兜勦。洵足大挫賊鋒。著葉名琛。張芾。仍各飭所屬文武員弁。不分畛域。悉數殲擒。毋使一名漏網。○又諭。毓書奏開種教漢旗地民人。查係招墾交租。勢難概行驅逐。一摺。據查嗎呢土。三棵樹。昭合土。三處牧廠。各該居民開種。既係從前台吉人等。得價招墾。且經另換地畝遷移。自難概行驅逐。仍著該都統。飭令該旗。按照前查各項。會同塔子溝司員。建昌縣知縣。詳細查勘。造冊詳覆。再行查覈奏明辦理。○諭軍機大臣等。前據向榮等奏。鎮江水陸勦賊。疊獲勝仗。當經諭令乘此聲威。迅圖克復。本日據楊文定奏。四月二十日。艇師各船進勦。獲勝情形。與該大臣等所奏大略相同。現在各路師船會集江面。

所調三千斤大礮。想亦運到。急宜乘勝進攻。該大臣務即督飭鄧紹良和春麟桂等。統帶水陸兩路將弁。合力進攻。埽除江面賊船。使江甯鎮江逆匪。不能相顧。勦辦自易得手。至竄擾滁州臨淮之賊。前據慧成奏稱。係由金陵分股。茲據雷以誠奏稱。係由揚州竄出。此股逆匪。現已竄入鳳陽。不可不杜其來路。著該大臣等。迅速偵探賊蹤。派兵堵截。絕其後路。應援自無難盡數殲滅。本日已諭令琦善

實錄卷九十三

七

等。嚴密查拏。設法防勦。該大臣等。總當統籌全局。無論江南江北。務須不分畛域。一體知照。嚴防該逆竄逸。將此由六百里加緊諭知向榮。怡良。許乃釗。並傳諭鄧紹良和春麟桂知之。○又諭。寄諭欽差大臣琦善。幫辦軍務陳金綬。勝保。現在逆匪分擾鳳陽。仍踞臨淮。前據慧成奏稱。係由金陵分股本日復據雷以誠奏。滁州臨淮之賊。係由揚州竄至浦口等語。究竟此股賊匪。由何處分出。自應偵探

明確。防其續竄之路。賊情詭譎異常。避實搗虛。是其慣技。且時有奸細出城探聽消息。彼知大兵均在揚州一路。堅拒不出。牽掣我師。而以夥黨竄越滁鳳一帶。若不截其江口竄路。恐我軍圍困孤城。賊勢已蔓延徐宿。軍情緩急。殊難遙度。該大臣等。務當隨時偵探。迅圖克復揚城。仍須統籌水陸全局。淮揚為清江咽喉。滁州亦徐州門戶。所有現到官兵。及後路續到之兵。應派何人赴援。何人接應。何

實錄卷九十三

七

處賊情緊急。無論江省皖省。均應嚴密堵截。毋令賊匪竄逸。切不可稍分畛域。致誤事機。也將此由六百里加緊各諭令知之。○又諭。前據李嘉瑞奏。鳳陽失守情形。已諭令周天爵等。會合進剿。並諭托明阿。善祿等。各帶兵前進。本日據周天爵等奏。督同舉人臧紆青。統帶兵勇。由固鎮。懷遠等處圍剿。呂賢基。亦令隨帶司員孫家泰。帶勇二千。協同總兵王山。赴鳳陽會剿。此時善祿統帶之兵。及陝甘

官兵計已趕到。並著周天爵酌量調遣。托明阿想亦帶兵馳抵該處。賊黨多係土匪。乘其大股未來。紛竄未定之時。著周天爵會同托明阿等。迅為布置。四面兜剿。萬不可任賊他竄。到處勾結。再滋蔓延。現在賊踞臨淮。徐州一帶。關繫緊要。即著奕經帶兵前往。扼要駐劄。嚴查奸細。督拏土匪。與周天爵等互為聲援。堵賊北犯。仍一面防其竄越清江之路。周天爵係特派剿賊大員。誠懼朕所素知。一切

實錄卷九十三

七

調度。自能與該侍郎將軍巡撫等籌度。緩急相機應變。無待朕再三諄諭也。將此由六百里加緊諭知周天爵。呂賢基。奕經。托明阿。李嘉瑞。並諭令善祿知之。○又諭張芾奏籌設江防。權用停運漕船於小孤山江渚聯泊。環以木簾。上紮木城。多設礮位。以資堵禦。現因木商裹足。難以購辦。借用解京額木。編造木簾。並請飭兩湖督撫酌撥兵弁。赴東西梁山等處。會同周天爵堵剿等語。逆匪嬰城固守。

實錄卷九十三

七

大兵攻剿。屢獲勝仗。其分擾滁州鳳陽之賊。已諭令托明阿。周天爵等督帶兵勇分投截擊。並據張亮基飛飭江忠源帶勇赴皖會剿。自不難迅速殲除。惟該逆被剿窮蹙。難保不竄回上游。自應先事籌防。而此時又難紛紛徵調。重煩兵力。著該督撫各就地方情形。擇要布置。設一旦賊匪竄出。不能揚帆上汴。方為有備無患。又另片奏江省穀多壅積。部議將倉穀糶變之處。實多窒礙難行。著張芾隨時體察。如糧價稍有起色。即行糶變。易銀解赴大營應用。以濟急需。儻米價過賤。虧折太多。自宜權其輕重。變通辦理。將此由五百里諭知張亮基。宗綸。張芾。並諭陳孚恩知之。○又諭雷以誠奏查閱淮安高寶等處情形。並拏獲奸細審辦各摺片。所稱下河各州縣地方遼闊。港汊紛歧。急宜保守。應於裏下河一帶布置周密。以牽制金陵揚州賊勢。自係實在情形。著照所議辦理。現在逆匪分股竄擾。

滁州臨淮關鳳陽等處沿河地方十分緊要雷以誠係特派巡查河岸大員仍著會同楊以增認真查閱嚴防各處渡口以杜奸匪偷越毋稍疏虞至各州縣應如何設法防堵嚴密布置即知照琦善慧成等妥速籌辦其所獲奸細除韓宗石一犯業經梟示外王連升沈炳維二犯並著即行正法毋貽後患將此由六百里諭令知之○熱河都統毓書奏委員查看熱河地面礦苗得旨查勘明確迅速

實錄卷九十三

十

認真辦理以濟急需○署閩浙總督王懿德奏請將南澳鎮總兵官顧清漣留辦洋匪暫緩北上得旨顧清漣著暫緩來見汝可隨時察看能否得力據實具奏○以福建道御史富興阿為光祿寺卿○調貴州威甯鎮總兵官佈克慎為廣西右江鎮總兵官以成都將軍標中軍副將常山為貴州威甯鎮總兵官○命福建在籍尚書銜前太常寺卿廖鴻荃等籌辦團練事宜○予廣東陣亡知縣郭邦

泰把總姚寶光祭葬世職郭邦泰弟邦基賞卹加等○丁未

孝誠仁皇后忌辰遣官祭

景陵○

上詣鍾粹宮奉

皇貴太妃幸建福宮進午膳○諭內閣太常寺

少卿王茂蔭奏酌保人材開列呈覽據稱江

蘇署邳州知州吳棠捕盜認真士民稱頌等

語著楊以增就近察看該州如能弭盜安民

實錄卷九十三

十一

著有成效即著據實保奏其陝西丁憂知縣江開江蘇候補教職陳之琦二員均著發往周天爵軍營聽候差委○諭軍機大臣等前據琦善等奏於四月二十日進攻北門之東城門轟塌城垛等情茲據慧成奏抵灣頭後於四月二十四日進攻東門逆匪負隅死守並未敘及琦善是否同日會合攻剿該署督與琦善共圍一城自應互相知照聲勢聯絡同心合力迅殄賊氛方為不負委任朕以江

北諸軍統歸琦善節制。又恐賊匪窮蹙。乘間北竄。復命慧成督兵馳抵淮徐一帶。為大軍應援。是慧成統帶之兵。即係琦善等軍營接應之兵。無論江省皖省。東西兩路。均應隨時偵探。擇要調遣。防賊北竄。今觀所奏。不但置滁鳳於不問。即與琦善等軍營聲息。亦似絕不相通。殊不可解。至所稱賊匪似欲南遁。而另股則北擾滁鳳。復稱東路一帶。上可旁趨清淮。下可偷渡蘇常。究竟現在賊匪欲由何

實錄卷九十三

十三

路南遁。由何路北竄。是否偵探確實。如何派撥準備。所奏均未明晰。該逆以烏合之眾。尚能結成死黨。日久負隅。大兵徵調。不為不多。而統兵者。竟似各不相下。且但知將續調之兵。統歸一路。而不顧他路之或有疏虞。所謂統籌全局者。安在耶。現在揚城之賊。如何攻克。江口之賊。如何截斷。東路要隘。如何設防。西路滁鳳一帶賊匪。如何急圖剿滅。琦善總統諸軍。責無旁貸。陳金綬勝保。均係幫辦軍

務。慧成經朕特簡督兵。為大軍聲援。值此軍情萬分緊急之時。朕南望焦憂。寢食俱廢。尚何暇各持意見耶。該署督此次摺報。晉康。查文經。竟似幫辦軍務。慧成尚非糊塗。無知何遽出此耶。總之江皖東西兩路。肅清賊匪。惟諸臣之功。儻調度失機。致賊北竄。亦惟諸臣之罪。朕惟知賞功罰罪。無取空言也。將此由六百里加緊各諭令知之。○署四川總督慧成等奏。攻擊揚州東門。逆匪死守情形。得旨。豈有同是此賊。皆攻此城。兩軍聲息。並不相通之理。賊雖無大技。而匪黨心堅。官軍雖盈千累萬。而各不相下。無怪乎我軍勢散。難禦飄忽之逆匪也。○欽差大臣都統銜琦善等奏。攻擊揚州。並商囑勝保。帶兵赴皖。得旨。勝保既已帶兵馳赴安徽。甚妥。江南賊船陸續駛來江北。顯係東西兩路牽掣我軍。揚州城必須及早克復。以杜彼覬覦之心。至黑龍江官兵戰敗情形。以帶兵官心不齊。以致各不

相顧勝保著准其酌量調撥不必處處札商
汝與慧成兩路總得聲息相通方能濟○
授一甲一名進士孫如僅翰林院修撰二名
進士吳鳳藻三名進士呂朝瑞編修○戊申
上詣

壽康宮問

皇貴太妃安○諭內閣瑞懷親王之繼福晉薨
逝著派總管內務府大臣存佑前往照料一
切喪儀著照親王福晉之例官為辦理○又

實錄卷九十三

古

諭翁心存花沙納奏遵旨前往通州查驗米
色情形開單呈覽據查各船米色與戶部司
員封呈米樣大略相同其中間有氣頭攪和
及船底微潮尚無微變結塊等弊著刑部按
照單開米色並現查米樣行提通州驗米之
經紀人等提同船戶秉公嚴訊如有需索抑
勒等情按律懲辦所有封釘各船米石著倉
場侍郎即飭坐糧廳趕緊起卸毋任遲延日
久以致蒸潮如有短少即責令該廳等照數

賠補以重倉儲○又諭軍機大臣會同理藩
院遵旨議覆德勒克多爾濟等奏請將哲布
尊丹巴呼圖克圖寓館移回原寓處一摺哲
布尊丹巴呼圖克圖寓館因十餘年來轉生
五六世哲布尊丹巴呼圖克圖均並未長生
旋即涅槃該諾們罕等詢明班禪額爾德尼
據云若由寓館移回原寓處吉祥覆商之四
部落盟長意皆願從且眾蒙古民人亦皆傾
服著照所議即將寓館移回原寓處居住量

實錄卷九十三

十五

呼圖克圖呼畢勒罕移居此處必定吉祥壽
命延長諸凡順適惟原立寓館處商民築室
雜處將來恐致滋事著德勒克多爾濟等派
委幹員妥為管理務令取具彼此切實保結
以期日久相安毋致別滋爭鬭○諭軍機大
臣等王懿德奏福建海澄等縣會匪聚眾滋
事一摺據稱接據署廈防同知王江等稟報
風聞漳州府屬之海澄縣有小刀會匪千餘
人入城攻搶及焚毀衙署奪犯戕官之事此

外石碼。龍溪。漳浦。平和。詔安。各廳縣。與泉州府屬之同安縣。亦各有會匪。潛伏窺伺。欲圖響應。並有攻擾廈門之謠等情。該匪徒夥黨。究有若干。如何入城攻搶。所奪何犯。所戕何官。以及焚毀係何衙署。尚未據該管各官。詳晰稟報。該署督。現委文武大員。帶兵前往查辦。著即嚴飭確查。將首要各犯。悉數殲擒。其應如何解散黨與。安撫善良之處。務當相機籌辦。迅速掃除。勿令滋蔓。以靖地方。將此由

上諭

七

四百里諭令知之。○廣西巡撫勞崇光奏。柳潯各屬捕蝗情形。得旨。認真辦理。勿稍諱飾。農田有無被災。查明具奏。○欽差大臣湖北提督向榮等奏。焚燒賊船。遣散船戶水手。並續到艇船情形。得旨。如此辦理甚好。攻剿之力。不可稍懈。慎之慎之。○命大學士祁寯藻。吏部尚書柏葰。教習庶吉士。○己酉。諭軍機大臣等。慧成等奏。探明賊匪偷窺地道。知會琦善等。四面兜剿。大獲勝仗。並酌調後路官

上諭

七

兵各摺片。逆匪欲窺東北城地道。意圖劫營。搶礮。經慧成等拏獲奸細。訊出賊情。即速知會琦善等大營。俾有準備。出賊不意。擊斃及墜河死者。不計其數。未渡之賊。復被我兵追殺無遺。其東關之賊。亦被慧成等擊斃無算。逆匪受此大創。技窮勢蹙。惟據稱城上人旗。旋即藏匿。難保不另作詭謀。希圖他竄。該署督已派兵一千名。前赴南門外。嚴家窪地方。扼賊南竄之路。所慮亦尚周密。勝保現已統兵往剿。滁鳳賊匪。琦善。陳金綬。慧成等。務當趁此聲威。同心協力。督飭各路兵勇。四面圍攻。剋期收復。昨據向榮等奏。設法焚燒賊船千餘隻。遣散船戶水手。約萬餘人。若將江面賊船截斷。令賊南北不能兼顧。則三城更易克復。該大臣等仍須互相知照。毋失事機。至慧成。因揚城東北兵力尚單。請於續到清江各兵。酌量抽撥二三千名。此項官兵。原為江北後路策應而設。現在滁鳳一帶。剿賊亦關

緊要。除托明阿、奕經等所帶各兵外，即著琦善與慧成於續到之吉林等處官兵內酌量調撥，扼要布置。總期揚城兵力足資攻剿，而滁鳳徐宿之間亦不致稍有疏虞。方為妥善。將此由六百里加緊各諭令知之。○又諭：雷以誠奏現駐仙女廟，保守裏下河等語。賊踞揚州下河一帶，地方遼闊，自應妥為布置，以防賊匪竄逸。該副都御史既稱募勇籌餉，尚有可為，即著迅速籌辦，仍隨時知照琦善、慧

實錄卷九十三

大

成一體嚴防。至稽查黃河渡口，最關緊要。雷以誠係特派大員，豈得任聽各屬一稟了事。現在揚州賊勢已蹙，難保不分遣匪黨四路窺探。著雷以誠一面設法保衛下河地方，一面會同楊以增等嚴密巡查河岸。如有奸匪偷越，立即掩捕，無稍疏虞。如河工派委各員查有疏懈貽誤等情，即著據實叅辦。將此由六百里諭令知之。○又諭：昨據楊以增奏清江為南北咽喉，必須水陸兼防，方能遏賊分

竄，已與奕經、托明阿密商熟計，分別布置等語。現在托明阿帶兵由泗州迎擊賊匪，奕經督兵前往徐州駐劄，楊以增駐守清江，必當認真查察，加意嚴防。本日據雷以誠奏數日之內，連獲奸細三名，其王連升、沈炳維二名，訊明係由揚州出城探聽官兵消息，同伴六人在清江浦潛匿八日，回至邵伯鎮被獲。又據供稱，連日出城奸細共百餘名，有潛赴黃河北岸者。該匪黨潛至清江，何以地方官毫

實錄卷九十三

大

無覺察。黃河兩岸未聞盤獲一人，所謂巡防者安在耶。著楊以增嚴飭各員弁實力查緝各處渡口，以杜奸匪偷越。如稍疏虞，惟該河督是問。將此由六百里諭令知之。○署察哈爾都統華山奏遵挑馬隊官兵聽候調用得旨，均著照所擬辦理。槍為銳利之器，不在乎式樣。該蒙古兵等既不習馬槍，自應勿庸令其趕緊學習。若學不純熟，不但不能得力，反致無仗膽之具也。步下用叉槍，準頭固好。

然無鳥槍之便捷也。著傳諭營總等勤加操練。務期適用。○前任湖北布政使唐樹義奏。

前往湖北幫辦撫輯事宜。得旨。朕雖未識汝面。聞汝官聲素好。至湖北時。竭力襄辦一切。

○命已革廣東高州鎮總兵官楊昌泗。已革

甘肅涼州鎮總兵官楊錄之。赴理藩院尚書

恩華軍營差委。○庚戌諭內閣。據琦善陳金

綬勝保奏稱。四月三十日寅刻。逆匪由天窗

門傍暗門突出千餘人。偷搭浮橋渡河。總兵

實錄卷九十三

三

雙來與都司常萬清帶兵迎勦。復從廣儲門

北門竄出多賊。分股衝突。經署參將李英魁。

守備陳昇。楊發參將李致和。都司王永。各帶

官兵分投截擊。琦善帶同遊擊英貴。王禮。率

領存營兵丁。前往接應。該逆三退三進。拌死

抗拒。雙來親執大旗奮力先趨。眾弁兵踴躍

齊上。賊匪大潰。紛紛回竄。擁過浮橋。木梁斷

折。落水淹死無數。未及渡河之賊。均被我兵

全行殺斃。城上賊匪復被陳金綬勝保用礮

轟擊。統計殲斃淹死者不下三千餘人。該逆

久困孤城。負隅死守。此次潛出奔突。復經官

兵痛加勦洗。洵足寒賊膽而快人心。雙來著

先行賞給白玉翎管一支。以示獎勵。仍俟攻

克揚城後。與受槍傷之參將李英魁。及出力

各員一併保奏。該大臣務當乘此聲威。迅圖

克復。以慰朕念。○諭軍機大臣等。據吳必瀆

奏稱。青海扎薩克固山貝子格勒克納木扎

勒。於本年正月初三日。帶同屬下章京蒙古

實錄卷九十三

三

等。赴郡領俸辦糧。事竣回牧。於二月十八日

行抵都藍果立烏素噲克地方。突有番賊百

餘人圍搶。該貝子受傷殞命。章京蒙古等七

名。亦被戕害。並有帶傷蒙古十三名。搶去駝

馬一百三十餘匹。該蒙古等將該貝子屍

身搬回柴達木原牧。又於二月二十六日。復

有番賊一百五十餘人。將該貝子原牧家屬

暨屬下蒙古等牲畜帳房。全行搶去。該大臣

現在派員前往撫恤。嚴緝兇賊等語。近來番

賊猖獗。往往拒捕傷官。今復將該貝子戕害。罪大惡極。實堪痛恨。著舒興阿等。迅即派委將弁。嚴密查拏。務將戕官搶劫賊犯。按名弋獲。盡法懲治。以儆兇頑。將此各諭令知之。○又諭。據陳啟邁奏。徐州糧臺。俟東三省官兵需用鍋帳各項。趕造完備。即移於宿遷等語。逆匪竄擾。滁州鳳陽。經周天爵等督兵圍剿。現在勝保亦即由揚州率兵進擊。其揚州賊匪。疊經琦善慧成等攻剿獲勝。辦理正在喫

實錄卷九十三

三

緊之時。糧臺支應最關緊要。必須擇地安頓。保衛無虞。著陳啟邁隨時察看情形。是否仍須駐劄徐州。抑當移於宿遷。就近供應。隨時酌量辦理。另片奏改撥兵餉。催解馬匹。已飭該部速議具奏矣。將此由五百里傳諭知之。○步軍統領花沙納等。會議京城內外嚴密稽查章程。得旨。挑補守兵步甲。向係該管官挑補。若改為總兵親挑。朕看亦無窒礙。此一節著另議。至稽查什家戶門牌。固應認真。然

不常派員嚴查。亦屬虛文。此摺內順天府所議。尤屬無謂。不過歷敘舊章。為卸責地步。舊章原應遵行。然今日所奉行之舊章。乃廢弛之餘。非當日整頓之時也。○以湖南零陵。上年秋禾歉收。命平糶倉穀。○貸湖南鳳凰。乾州。永綏。古文坪。保靖。五廳縣。屯丁口糧。○辛亥。諭內閣。花沙納。瑞麟奏遵旨查辦一摺。此案劉秋貴。雖經驗明。實係受刑後。因病身死。並非有意消弭。惟係特旨交審。要犯刑部承

審司員。未能審出實情。致該犯幸逃顯戮。已屬顛預草率。郎中陳魯員外郎馮棻。明知該犯死於秋審處。輒因奉有嚴旨。恐干重譴。囑令提牢主事志善。捏報日期。司獄彭善亦聽囑容隱。均屬咎無可辭。陳魯馮棻志善彭善。均著交部嚴加議處。郎中上行走怡昌。郎中馮志沂。員外郎尚阿布。候補主事王金。鎔羅寶森。堂主事上行走文。荅。未能覺察檢舉。亦屬疏忽。均著交部議處。尚書周祖培。及失察

之各該堂官。著一併交部分別議處。○又諭。國家設立刑官。原以發奸摘伏。無論案情輕重。均應詳細推求。即犯供狡詐。果能虛心研鞫。斷無不得真情之理。刑部為刑名總匯。凡奉旨特交。及咨交各案。薈萃紛繁。尤當慎重。若遇疑難之案。或先存成見。輾轉推卸。希圖了事。或因犯供未確。一味刑求。致令自斃。轉得倖逃顯戮。何以肅法紀而懲奸頑。即如劉秋貴一案。攜帶各物。逆跡昭然。雖堅忍熬刑。是邪教之長技。如果悉心研究。亦何至到案日久。竟不能稍得端倪。迨至該犯身死之後。猶復移改日期。冀免嚴譴。似此草率掩飾。甚非覈實辦公之道。嗣後無論大小案件。該部堂官。務當督飭承審司員。認真訊究。既不可有心鍛鍊。拖累無辜。更不得任意顛預。輕脫奸宄。總期情真罪當。毋枉毋縱。用副朕明慎用刑之至意。懍之慎之。○諭軍機大臣等。寄諭理藩院尚書恩華。本日據陸應穀奏。探聞

賊由西路竄擾蒙城。該撫已親帶兵勇。在商邱一帶防堵。該尚書現帶官兵。前赴淮徐。著即於沿途確探賊蹤。如徐宿緊要。即著督兵前進。為周天爵等後路應援。儻該匪全行西竄。河南歸德等處。情形喫重。著即馳往。會同陸應穀督勦。務當先其所急。毋失事機。將此由五百里諭令知之。○又諭。前以賊匪竄擾鳳陽。節經降旨。令托明阿帶兵迎擊。復令奕經督兵繼進。本日陸應穀奏。賊匪竄至蒙城。著托明阿奕經。確探賊蹤。何路緊急。即由何路督勦。該匪紛竄未定。撲滅尚易。為力務期及早殲除。不致再有延蔓。將此由六百里加緊各諭令知之。○又諭。陸應穀奏。逆匪竄擾蒙城。豫省防堵喫緊。一摺。據稱賊匪近日裹脅漸多。勢甚兇悍。該撫已派兵堵截。並親帶兵勇。前赴商邱扼要駐劄。惟兵力甚單。已飛咨周天爵善祥。併力會勦。周天爵此時督帶兵勇。馳抵何處。善祥想已由永城入皖。著即

探明賊蹤所至。迅速督兵截剿。趁該匪等奔突無定之時。一鼓殲除。勿令再行滋蔓。臨淮鳳陽。現在匪黨盤踞情形如何。琦善所派黑龍江馬隊。是否能從後追擊。絕其來路。此股賊匪。竄入皖境。為數本少。所稱萬餘人。多係裹脅。或土匪勾結。如能設計解散。四路兜擒。尚不難於埽蕩。切勿稍涉延緩。致誤事機。前據向榮片奏。查獲金陵賊首寄臨淮賊目等偽諭。似該匪後路無援。專以裹脅為事。其賊

目林瀾詳等。當即在蒙城等處。著周天爵等偵探確實。設法購綫。如能將該賊目等拏獲。則餘黨勢如瓦解矣。原片並偽諭。均鈔給閱看。將此由六百里加緊各諭令知之。○又諭。陸應穀奏稱。賊竄蒙城。裹脅萬餘人。並有船三四百號。若由蒙城西向。則商邱鹿邑陳州均屬喫重等語。該逆避實擊虛。是其慣技。自竄鳳陽之後。退踞臨淮。乃復斜出蒙城。裹眾西竄。是明知徐宿一帶。援兵踵集。又為此聲

東擊西之舉。究之逆蹤飄忽。本無定算。祇須合力兜剿。萬不至直撲汴梁。該撫現擬馳赴商邱之宋家集。扼要堵截。並先派參將苗樟往亳州以北援應。復咨總兵柏山。前至陳州一帶。適中駐劄。著即相機調度。擇要防剿。後起未到之兵。亦即飛催前進。留備堵截。仍與周天爵等合力兜截。切勿以有用之兵。零星分布。轉致單弱。前據向榮奏。查獲金陵城中賊首寄江北偽諭。有林瀾詳。李開芳。吉文元

實錄卷十三

三

等。賊目姓名。察其語意。著名者祇此數人。並有不必要等候之言。是此股賊匪。後路無援。專以裹脅為事。該撫即體察確探。知會各路。絕其裹脅之路。則賊勢自孤。剿辦當可得手。向榮片奏。並偽諭。均著鈔給閱看。昨又據琦善等奏。徐州糧臺解餉遲延。著該撫。飛催鄭敦謹。迅即分路迎提。速解軍營。毋致貽誤。將此由六百里加緊諭令知之。○又諭。前因賊匪竄擾滁鳳一帶。曾降旨令江忠源帶勇迅赴

鳳陽會同勦辦。本日據陸應穀奏。探聞賊竄蒙城。逼近豫省。已知照周天爵。善祥。各帶兵勇。分路截擊。江忠源。此時想已管帶楚勇。馳入皖境。著於沿途探聽賊蹤所至。或從後抄擊。或迎頭攻剿。該臬司素悉賊情。諒能相機迅速應援。務將此股賊匪。剋期殲除。勿任其西竄豫境。北竄徐宿。是為至要。將此由六百里加緊傳諭知之。○以吉林協領圖欽。為三姓副都統。○調甘肅甯夏鎮總兵官穆特恩。

實錄卷九十三

元

奏。為喀什噶爾換防總兵官。以陝甘督標中軍副將恆興。為陝西漢中鎮總兵官。○壬子上詣

壽康宮問

皇貴太妃安。○諭內閣。主懿德奏漳泉會匪滋事一摺。此次漳泉會匪。膽敢恃烏合之眾。攻撲衙署。竄擾城池。並有戕官劫犯重情。不法已極。業經該署督派令漳州鎮總兵郭仁布。鹽法道瑞璜。督帶提鎮各標弁兵馳往。會同

該地方官。合力兜圍。著即嚴飭該鎮道等。督率文武。將首要各犯。迅速殲擒。毋任竄逸。所有該廳縣失守情形。及該匪搶劫起釁根由。是否係地方官辦理不善。激成事端。著該署督。迅即查明具奏。該省向有紅錢。關公。小刀。江湖等會。首夥積匪。不過數人。餘皆隨聲附和。或族姓孤單。慮遭欺侮。或善良富戶。希冀保全。畏禍入黨。並非甘心從賊。鄉愚無知。實堪憫惻。著該署督。剋切曉諭。除首要犯罪

實錄卷九十三

元

不容誅。嚴拏懲辦外。其餘孱弱老幼。致被脅從者。查明悉予免罪。並傳旨飭令各該府紳民人等。團練保衛。協同官兵緝捕。庶賊匪立就殲除。而良善不致擾累也。○諭軍機大臣等。前據王懿德奏。海澄等縣會匪滋事。當降旨令該署督。妥速查辦。毋令蔓延。本日據奏同安。廈門。均已失守。安溪。亦被賊進城。燬搶。請調兵協勦一摺。並片奏。請解散脅從等語。閩省會匪。名目不一。若地方官隨時訪查。認

真拏辦何至聚集一萬餘人肆行攻搶連陷城池並有戕官劫犯重情可見因循廢弛養癰已久實堪痛恨現經該署督派委鎮道大員馳往各該處會同防剿著即嚴飭帶兵員弁迅速掩捕務將首要各犯悉數殲擒如須該署督親往督辦亦即相機籌度毋失事機其上游之延平等府與下游之漳州等府仍著扼要設防勿致勾結為患閩省兵力不敷本日已諭令葉名琛等挑備惠潮各鎮協精

實錄卷九十三

三十

兵二三千名由潮州赴閩會剿至調往浙江之防兵一千名該省堵禦正當喫緊之際若遽行撤歸恐往返徒延時日而兩省調遣轉致延誤漳州鎮總兵郭仁布前經向榮奏稱帶兵不能得力現在統兵前往勦辦該員是否足資策應並著隨時察看勿任貽誤候選知府王朝綸前由京赴臺灣採辦米石著該署督即傳旨飭令迅赴廈門一帶隨同辦理勦堵事宜其在籍之前任甘肅知府候補道

莊俊元兵部員外郎莊志謙等並此外漳泉各屬公正紳士著一併剴切曉諭如能勸諭團練勦匪立功即由該署督於事竣後覈實保奏候朕施恩另片請速撥軍餉已諭戶部速議具奏近來籌餉之難封疆大吏諒已深悉地方設有緩急惟當就近籌畫以應急需若專恃撥款豈不慮輟轉遲誤耶已革安徽按察使張熙宇前在閩省緝拏盜案頗有聲威現已諭令周天爵等即飭該革員迅速赴

實錄卷九十三

三

閩交該署督差遣委用矣將此由五百里諭令知之○又諭本日據王懿德奏閩省土匪滋事同安廈門均已失守請飭廣東省調兵赴援一摺廣東惠潮二府距閩省漳泉較近著葉名琛柏貴迅即於潮州惠州各鎮協內抽調精兵二三千名配帶軍火器械派委鎮將大員統領即由潮州一路取道星速赴閩確探賊蹤協同閩省官兵合力夾攻毋稍延誤將此由五百里諭令知之○又諭御史方

俊奏官兵合力進剿。三城克復之後。進城搜捕餘孽。恐兵勇乘藉聲威。肆虐難民。請飭統兵大員。嚴申軍律。並派官紳於城外。妥為安撫等語。所奏不為無見。江甯鎮江揚州三城被難良民。未經逃出者。尚復不少。現在三城指日克復。若於搜捕餘匪之時。兵勇復藉肆搶殺。以致被難遺黎。無所逃命。朕心更有不忍。著琦善。向榮等。按照摺內所指。體察情形。臨時妥為辦理。原摺著鈔給閱看。至克城之

實錄卷九十三

三

日。賊匪必窮而思竄。或假作難民。乘間免脫。尤不可稍涉大意。務於散遣招撫之中。仍嚴防真賊偷越。本日據楊以增奏。清江喫緊。急應留兵保衛。請將奕經帶赴皖省之密雲官兵。俟托明阿所帶之兵到齊後。仍撥回清江等語。現在皖省賊情緊急。昨據陸應穀奏。賊由西路竄擾蒙城。已諭令奕經帶兵赴援。是所帶之密雲官兵。勢難撤回。琦善節制北路諸軍。慧成恩華等之兵。均可調遣。務須統籌

全局。清江為淮揚後路。應如何派兵駐守。著即知照楊以增。酌量調撥。切勿以有用之兵。零星分布。轉致防剿均不得力也。將此由六百里各諭令知之。○又諭。奕經奏。拔營赴援。楊以增奏。請留兵清江浦。並留前任漕臣會防各摺片。賊匪竄擾懷遠蒙城。該處東西兩路。與宿亳接壤。昨降諭旨。令托明阿。奕經。確探何路緊急。即由何路督兵進剿。茲據奕經奏。已帶密雲兵四百餘名。趕緊拔營前赴援

實錄卷九十三

三

剿。著即迅速兼程前進。與托明阿所帶各兵會合。兵力自不致單弱。並與周天爵等協力夾擊。不必再折回清江。徒多往返。至清江浦地方。為淮揚後路。水陸衝途。自宜扼要嚴防。著楊以增。將現有之山東官兵。及本境防兵。與所募練勇。酌量分撥。妥為防守。本日已諭令琦善。察度情形。兼顧清淮。或應分兵協防。即令迅籌辦理。琦善總統北路諸軍。慧成恩華所帶之兵。均歸調遣。該河督即咨商該大

臣就近於續調之兵酌撥調度或一面與李
德熟籌彼此互為聲援呼應可期得力至奕
經已帶赴皖之兵自應先其所急無庸再行
撥回五品銜前任漕運總督李湘荃著即留
於清江與該河督籌商防禦事件署邳州吳
棠練勇捕賊如有成效即飭令該員認真督
率辦理毋稍疏懈將此由六百里各諭令知
之○引見新科進士得旨一甲進士三名孫
如僅吳鳳藻呂朝瑞業經授職外黃鈺沈祖

實錄卷九十三

五

諫朱學勤林慶貽陳亮疇汪承元陳蘭彬高
廷祐盧士杰王允恩吉郭夢惠顏宗儀賀錫
福宋夢蘭閔璜王泚丁寶楨張德容余鵬周
式濂楊榮緒陳光甲浦安教冊賢蔡兆槐李
鶴齡薛春黎郝鐸任廷槐方熊祥林鳳輝劉
澍覃梁肇煌袁方城張錫榮藍拔奇張曰銜
袁承業黃圖南段廣瀛葛桐銜徐賡臣曹貽
誠夏惠吉包欣芳何耀綸蔣理祥靳邦慶章
永康由景瀛曾椿壽李佩琳馬恩溥武驪珠

聶秦傳壽彤程維清宗室瑞聯姚亮臣柳炯
王作孚趙昌業董械謝輔燁俱著改為翰林
院庶吉士李慎杜來錫歐陽雲曹熾昌張沅
徐振瀛唐翊清顧敦敏袁渠寶吳榮王金臺
楊贊勳夏家鎔龍雲王思沂黃雲鵠徐忠銳
張紳霄宗室麟書劉志沂穆蘭泰孫思壽師
長灼劉毓棠陳榮紹賴運揚李廷簫谷暄方
驥李新莊黃翰華侯嗣章郁鎰田際春尹耀
宗董學履王衮任式坊傳起巖張煦陸汝黼

實錄卷九十三

五

汪世澤朱議訓張殿元喬陰甲張照南曹俊
亮賈鐸歐陽廷景曹會成果漢源紀暢苟斐
然徐克剛楊元溥朱聯奎珂克僧額王炳壇
高鴻儒呂際韶蔣常垣謝膺禧唐紱章俱著
分部學習熊鍾麟李淇汪時渭崔承之恩承
封爵初陸履貞周士俊俱著以內閣中書用
陳鳴謙楊維藩張其文蔡兆輅雷瑞光鄭維
駒張冲魁李步瀛慶文黃秩韶李漢章薛時
雨周延年屈懷珠金益謙韓綬昌榮誥岳秉

烜胡子材。單象唐。況逢春。趙鳴琴。陳瑞。胤李。淇。李威。李上林。趙敏。葉葆元。李檀。陶汝霖。鄧國光。閻敦本。凌松林。郝本裕。吳鴻鈞。崔寶善。王蓮塘。劉肇域。賈樹勳。章遠璉。黃見三。薩維瀚。傅國卿。張昭。崔瀾。徐從樞。楊福豫。張象鼎。劉曦。孫兆蘭。江懷廷。牛宜。孫杰。傅斯懌。席樹馨。喬學易。韓樹屏。陳玉堂。彭繩祖。曹以燿。林發深。林大本。蘇名顯。孫長慶。劉灝。張增祥。晉騏。俱著交吏部。籤掣分發各省。以知縣即用。

工部額外主事許應鑾。刑部學習主事周範。

均著俟報滿作為候補主事後。以該部主事即補。餘著歸部銓選。○兵部侍郎銜周天爵等奏收復鳳陽。並追勦防堵情形。得旨。昨已有寄諭。令汝等相機截勦矣。今看爾等奏報情形。此股賊匪。尚不至謀而後竄。果能奮勇殲戮。無難掃蕩也。江南逆匪原信。昨已鈔給閱看。亦可知是股無應援也。○貴州提督善祿奏。帶兵前赴亳州堵勦。得旨。汝前在河南。

未經與賊打仗。是汝報效時也。○以雲南巡撫吳振械。兼署雲貴總督。○癸丑。諭內閣。本月十五日夏至。

方澤大祀。前經降旨。朕親詣行禮。茲因偶患微疾。尚未全愈。恐登降拜跪。未能如常。不足以昭誠敬。著派恭親王奕訢。恭代行禮。○諭軍機大臣等。本日據李嘉端奏。江南賊船上竄。並請留革員差委。復據周天爵奏。會勦賊匪情形。各摺片。前據向榮等奏。觀音門外各船。

探聞與賊起釁。即派官紳前往。諭以大義。給以免死路票。至四月二十二日。各船戶遂與該逆決裂。各將船隻燒毀。此外各船。有由夾江。開往大江。零星逃散者。不下一千數百隻。遣散水手萬餘人。此次揚帆駛過三山江面。各船。或者即係向榮等。前次遣散之船。惟賊情詭譎。現在江甯防勦嚴密。難保不意圖上竄。且更恐乘虛北來。冀與現竄懷蒙之賊。互為勾結。本日已諭向榮等。確切查探。隨時嚴

防李嘉端擬令副將沙兆龍統帶粵兵赴巢縣一帶防堵復調回李登洲李鴻章等各帶練勇前往協剿即著該撫嚴飭該員認真堵截毋任賊匪北竄該撫請留張熙宇履音奏德成等差遣著照所請行張熙宇昨已有旨飭令赴閩交王懿德差委此時皖省緊要著暫留效力俟事竣後再行前往至臨淮賊匪現由懷遠直趨蒙城一帶周天爵即日統帶兵勇尾追截其北犯宿徐之路並沿途痛剿

平定縣志卷三

卷三

土匪杜其勾結一面飛咨陸應穀托明阿琦善三路派兵會剿又酌撥陝甘馬步各兵交呂賢基李嘉端吉昌等統帶分駐以資防剿布置尚屬周密此股真賊不過千人其餘多係裹脅沿途逃散不少該侍郎總宜相機設法將真賊悉數殲擒餘匪自易掃蕩並著呂賢基李嘉端嚴密堵截飭屬緝拏土匪勿令勾結為患所稱拏獲楊宗傳等供稱李姓及林吉二姓為大頭目與向榮前奏情形相同

著向現獲各犯訊明林瀾詳李開芳吉文元等係何處人何時從賊詳細具奏將此由六百里加緊各諭令知之○又諭周天爵奏逆匪竄擾懷遠蒙城欲由亳州入豫省現在改道西追一摺據稱尾股之賊多被兵勇擒斬惟土匪四面紛起假稱鄉勇入城焚掠周天爵由懷遠渡河擒獲土匪范三等十餘人匪首王成逃遁並獲長毛粵匪楊宗傳王金等五人供稱賊之偽東王李姓更有林吉二姓

平定縣志卷三

卷三

為大頭目本欲北窺徐州因宿州有壯勇駐守改由懷遠西趨蒙亳直走鹿邑擬攻汴梁又片奏據現獲之長髮賊楊宗傳等供正賊不過千人裹脅雖有兩萬餘人沿途逃散極多各等語此股賊匪勢不甚大若得一旅勁兵痛加剿洗則真賊就戮餘黨立散軍興以來總誤於守而不戰處處設防反致節節落後賊勢日張伊於胡底著陸應穀督飭文武帶兵星速前進合力兜剿並知會周天爵善

祿。托明阿。奕經。江忠源等。各帶精兵。分路勦捕。務期迅速殄滅。勿誤事機。斷不可以防堵為名。將有用之兵。零星散處。轉歸無用也。原片鈔給閱看。將此由六百里加緊諭令知之。○又諭。賊匪現由滁鳳擾及懷蒙。意圖紛竄。儻再遷延時日。賊勢漸熾。勦滅愈難。奕經。托明阿。均已督兵赴皖。現據周天爵奏稱。已咨托明阿。由黃河南岸。迅赴永城。奕經迅赴徐邳一帶。遏賊南來之路。著該侍郎將軍等。即與周天爵隨時知照。扼要堵截。務期合力殲除。勿任竄逸。又周天爵奏。賊匪情形片一件。著鈔給閱看。將此由六百里加緊各諭令知之。○又諭。前據琦善等奏。新江口江面有賊船駛赴上游。本日復據李嘉瑞奏。接據江浦縣曾勉禮稟稱。二十七日卯刻。南岸逆船多隻。乘風逆流行至西江口。遇水營礮船轟擊。暫停北岸。旋即揚帆駛過三山江面等語。前據向榮等奏。設法遣散船戶水手人等。現在

實錄卷九十三

甲

上竄船隻。是否即係解散各船。被脅難民。抑係逆匪被勦窮蹙。分股由水路潛逃。希圖竄擾上游等處。著向榮等。嚴密偵探。如係逆匪乘間回竄。即督飭上游礮船。極力攻勦。並飛咨湖北。安徽。江西。各督撫。合力夾擊。總須彼此聲息迅速相通。慎勿墮賊奸計。若此項船隻。實係被脅難民。何以水營礮船。又復轟擊。且琦善。李嘉瑞兩處。亦未據稱向榮等知照。情節甚屬可疑。著一併確查迅速具奏。將此由六百里加緊諭令知之。○又諭。據駱秉章奏。江西上猶縣鷺形山等處。有匪首劉洪義。聚眾在桂東縣地方滋擾。將把總呂志漳戕害。嗣據永州各屬兵役。拿獲唐潮漢等。供稱有郴州人劉清平。聲言廣東火燒山賊匪。欲分股滋擾。又廣東陽山縣各屬。均有土匪數百肆搶。該處與宜章。臨武。等縣接壤。亟宜嚴防會剿。四月十三日。沙田墟溪源等處。有賊匪三千餘人。肆行搶劫。經該署縣會營協剿。

實錄卷九十三

甲

斃賊六十餘名。該匪分五股衝突。兵勇紳士受傷甚多。該署撫已飭派參將玉山候補知州張榮組署鹽法道夏廷樾帶兵前往相機剿辦。該處與江西廣東壤地毗連。本日已諭令葉名琛柏貴張芾派兵會合兜剿。仍著張亮基駱秉章迅即督飭文武員弁設法剿捕。如必須大員督辦。即著提督鮑起豹親往督率將弁。將首要各犯迅速殲擒。毋得稍留餘孽。將此由五百里諭令知之。○又諭駱秉章

實錄卷九十三

聖

奏江西上猶縣匪首劉洪義聚眾在桂東縣地方滋擾。廣東連州火燒山及陽山縣戊壬坑星子境屬之潭源洞均有匪徒屯聚。該處與宜章臨武等縣接壤。亟宜加意嚴防等語。土匪糾眾肆擾。必當及早撲滅。方免蔓延貽患。已據駱秉章選派員弁分帶兵勇前往堵拏。惟該處係三省交界。難保不此拏彼竄。著葉名琛柏貴張芾遴委幹員合力兜拏。並將該匪等巢穴先行搗毀。俾賊匪回竄無路。自

不難迅速殲除也。將此由五百里各諭令知之。○暫停齊齊哈爾黑龍江墨爾根呼蘭四城輓運米石。○甲寅諭內閣禮部具題。六月初九日升殿慶賀禮儀。所有在京王公大臣官員著照例行禮。毋庸宣表。並著停止筵宴。○又諭張亮基崇綸奏剿辦廣濟匪徒。連獲勝仗一摺。另片奏擒擒匪黨。躡緝逸犯等語。湖北廣濟縣匪徒抗糧戕官。經臬司江忠源於前赴江南軍營之便。先行率兵剿捕。並經

實錄卷九十三

聖

署提督阿勒經阿署漢黃德道徐豐玉前往會剿。四月二十三、四等日疊次接仗。獲勝斃賊五百餘名。生擒數十名。二十七日遴委員弁帶勇跟追。復捕賊十七名。餘匪迫入湖汊。溺斃無數。該匪大受懲創。勢窮力蹙。現經江忠源等傳示賊巢。廣為曉諭。被脅愚民解散甚多。此後辦理較易。該臬司現已啟程。由九江赴皖會剿。著即責成署提督阿勒經阿署漢黃德道徐豐玉督飭兵勇迅速搜捕。務將

首要各犯悉數擒獲。盡法懲治。勿任一名漏網。○又諭。西凌阿等。奏陳軍械馬匹糧餉情形一摺。西凌阿以都統大員。統帶黑龍江官兵。經琦善派令與明慶。烏凌額。魁福。駐劄浦口。防剿逆匪。是其專責。乃於賊船竄擾之時。並未能督兵奮力攻擊。輒行退回。並將鍋帳遺棄。可見西凌阿等。漫無準備。為賊所襲。前據琦善奏。當經降旨。暫行革職。仍責令戴罪。勦賊。以觀後效。該革員等。於奉到嚴旨後。

實錄卷九十三

聖旨

應如何愧懼感奮。稍贖前愆。乃以軍械馬匹糧餉不足。噉噉置辯。藉以掩其敗走之罪。且所稱與賊接仗。及追勦情形。支離掩飾。情狀顯然。近來帶兵大員。賊來不擊。賊去不追。幾成錮習。猶復於敗退之後。藉詞諉過。他人昧良。取巧實堪痛恨。若不嚴行查辦。懲一儆百。何以肅軍律而服人心。西凌阿等。摺著發交琦善。按照所陳。逐一詳查。如係飾詞卸罪。即著按律定擬具奏。候旨懲辦。現在江北各路。

實錄卷九十三

聖旨

大兵雲集。曾經降旨。統歸琦善節制。悉聽調遣。帶兵各員。於軍情緩急。自應就近咨呈。欽差大臣。酌量覈辦。事權既可歸一。亦不致有延誤。若以空言異議。動發急遽。或被叅之後。希圖飾辯挾制。此等巧偽惡習。豈能逃朕洞鑒。耶懷之慎之。○諭軍機大臣等。向榮等奏。被脅賊船。乘風上駛。並無焚掠情事一摺。昨據李嘉端奏。江南賊船。乘風駛過三山江面。當諭令向榮等。查明是否。即係遣散散船隻。本日據奏。自二十七日至三十日。先後有賊船千餘隻。由金陵駛過蕪湖。並未焚掠。其船中或六七十人。或二三人。有已薙髮者。有未薙髮者。均未包紮紅巾。及穿號衣。詢之船上逃出難民。據稱兩湖賊目。皆言粵匪不公。不如仍順聖朝。雖強受偽職。念切思歸。今見賊首勢衰。因紿楊逆回攻長沙。兼擾南昌。分我官兵之勢。實欲為星散潛逃地步。本日復據張亮基等奏。探據金陵城內賊匪。多屬難民。薙髮。

而出。冒充官兵。又龍潭地方。有船百餘隻。稱係難民。然貲財甚富。已委員往查。各等情。所聞各有異同。或真係脅從。思散。或竟別有詭謀。皆不可知。已由該大臣。飛咨上游。各督撫。設法防堵。嚴查。諒已一體防範。此等裏脅之眾。並非甘心從逆。地方官若能相機解散。曉以大義。遣令回籍。各營生理。即是化莠為良之法。儻操縱失宜。偵探不確。或妄拏無辜。難民轉任真賊。漏網必致別生事端。反墮奸計。

實錄卷九十三

吳

此中機宜。諒該大臣督撫等。必能豫為籌及也。本日據楊文定奏。水師復獲勝仗。進據金山。俾瓜鎮賊匪。聲息隔絕。辦理尚屬得手。鄧紹良等。業經移營。逼近鎮城。該大臣等。務當趁此機會。迅速督飭水陸各營將弁。合力剿擊。並設法杜賊勾結。斷其往來之路。則賊勢益孤。兵威益壯。自可指日克復也。將此由六百里加緊各諭令知之。○又諭。本日據李嘉端奏。已將鳳陽收復。定遠土匪。亦擒獲多名。

惟該逆北竄之路。在在均宜嚴防等語。現在呂賢基。駐守宿州。周天爵。馳赴懷遠一帶。跟蹤追剿。李嘉端。即可統帶兵勇。相機堵剿。仍知照奕經。托明阿。陸應穀。四面兜擒。互為應援。本日又據向榮奏。被脅賊船。乘風上駛。並無沿途搶掠之事。賊情詭譎。不可不防。著該撫飭令地方文武。一體嚴防。勿使與竄擾懷蒙之賊。暗相勾結。將此由六百里加緊諭令知之。○又諭。怡良奏。據蘇松太道吳健彰。稟

實錄卷九十三

聖

稱。本年亞美里。駕國公使馬沙利。面交致大學士文書一封。囑遞兩江總督寄達。該督現將原書咨送兩廣總督。另錄底彙進呈等語。該夷呈遞文書。向由欽差大臣兩廣總督。酌量陳奏。本日已諭令葉名琛。即將怡良遞往之該夷使文書。拆看酌量情形。奏明辦理。該國素守信義。著該督仍飭該道吳健彰。妥為曉諭。仍遵舊例。聽候欽差大臣兩廣總督。覈辦可也。將此由六百里諭令知之。○又諭。怡

良奏。亞美里駕國公使馬沙利。交致大學士
文書一封。囑為轉遞。現將原書咨送廣東。另
錄底彙進呈。向來夷務。均歸欽差大臣兩廣
總督酌量辦理。怡良已將該首封固原書。咨
送葉名琛酌辦。該大臣接到後。即就近查訪
夷情。所遞文書。因何起見。其所請求之事。應
如何回復。據實具奏。總以堅持定約。不致別
生枝節。方為妥善。將此由六百里諭令知之。
○引見癸丑科繙譯進士。得旨。訥仁。毓瑞。著

實錄卷九十三

東

以庶吉士用。達綸。慶亮。瑞靈。額哲克。李長安。
著分部行走。斐菱額。博冲武。善昌。著以主事
用。○惇郡王奕諒奏。太監曹鳳林。受責身死。
自請議處。得旨。奕諒著交宗人府議處。尋議
罰俸二年。從之。○陝甘總督舒興阿等奏。遵
飭各紳耆妥辦勸捐事宜。得旨。妥為勸諭。以
遂伊等報效之忱。如有不肖地方官。及吏胥
等勒索舞弊。即從嚴叅辦。加等治罪。○山東
巡撫李德泰。察看黃河北岸。及分防徐宿情

形。得旨。布置俱妥。尤能不分畛域。協同緝拏
土匪。更屬甚善。○已革江蘇巡撫楊文定奏。
水師獲勝。進據金山。得旨。辦理尚屬得手。俾
該逆聲息不通。賊勢益孤。兵威日壯。自可指
日克復。○以安徽鳳陽府城被賊竄陷。革知
府裕恭。知縣黃元吉職。予陣亡主簿張士林。
祭葬世職。

實錄卷九十三

東

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十四

監修總纂官禮部主事太子太保上書房總纂文淵閣副總裁翰林院侍讀學士福康安上諭旨由禮部奏准

大學士管理兵部事務加十三級紀錄十四次

大學士管理戶部三庫事務加十三級紀錄十四次

鑲藍旗滿洲副都統戶部尚書管理三庫事務加十四級紀錄十二次

遼陽副都統兵部尚書管理三庫事務加十四級紀錄十二次

教修

咸豐三年癸丑五月乙卯

皇貴太妃慈壽節

上詣

壽康宮行慶賀禮奉

皇貴太妃幸漱芳齋進午膳○諭內閣裕瑞等
奏請校閱駐防官員槍礮等語槍礮為行軍
利器與馬步箭並重成都駐防各官向來僅
練弓箭不習槍礮即有由烏槍出身者日久
亦就生疏嗣後該將軍等於春秋兩操及隨
時考驗均著兼閱槍礮俾駐防官員嫻習火

器以資教練而重操防○又諭裕瑞奏四川
撤任大竹縣知縣楊得質鹽源縣知縣盛朝
輔列款稟許署藩司蘇敬衡請欽派大臣查
辦一摺著即派裕瑞會同副都統伊琿額親
提楊得質盛朝輔秉公查訊據實具奏蘇敬
衡著暫留四川備質○丙辰

上詣

壽康宮問

皇貴太妃安○諭內閣朱嶠奏轉運漕糧豫籌

寄國以速運務一摺現當驗收海運漕糧喫
緊之際設遇大雨時行道遠難於轉運自應
豫籌寄國以期迅速起卸著准其援照成案
暫行寄國太平倉三十萬石俟通壩埽數完
竣再行分投起運如果天晴路乾仍飭該監
督等督令趕運毋稍遲延○諭軍機大臣等
本日據陸應穀奏亳州失守已帶兵進剿又
據奏勦匪獲勝賊竄汴梁各一摺現雖連獲
勝仗而大股賊匪竟由柘城直撲汴梁已成

滋蔓之局。覽奏。曷勝憤懣。本日已諭令托明阿。奕經。善祿。江忠源。迅速督兵赴援。並令恩華帶兵趕赴該省救應。直隸山東兩省。亦令一體嚴防矣。現在河南情形緊急。該撫已調錫普常阿等。迅速折回。督同堵截。並調永城駐劄之兵。折回歸德。以防賊匪東竄之路。一切調度。自應相機辦理。此股半係裹脅之眾。且後路無援。各路官兵。必可迅速趕到。務當會同夾擊。剋期殲滅。萬勿令再有蔓延。張集

馨現駐臨汝關。已諭訥爾經額。轉飭該藩司赴黃河北岸。惟防守直隸要隘。亦關緊要。張集馨能否前往。尚難豫定。該撫責在守土。當此萬分喫緊之時。總當力籌防勦。保全大局。慎勿專待援兵。致誤事機。將此由六百里加緊諭令知之。○又諭。寄諭欽差大臣琦善。幫辦軍務陳金綬。勝保。署四川總督慧成。據陸應穀奏。賊由柘城直竄汴梁。又據陳啟邁奏。拏獲奸細。據供賊目遣令探聽徐州虛實。欲

由亳州前撲汴梁。儻汴梁不能得手。即由黃河下竄清江等語。賊匪竄出浦口。不過二三千人。又經六合官兵擊敗。人數愈少。如果西渡阿等認真堵截。何至裹脅蔓延。深入皖境。現聞欲撲汴梁。若再逼近黃河。豫省兵單。愈難堵禦。朕每披警報。焦灼萬分。該大臣統領江北諸軍。自應統籌全局。乃近日奏報揚州接仗情形。仍未能克復郡城。累月經旬。頓兵堅城之下。坐使分股餘匪。任意衝突。由皖而豫。所謂調度者安在。慧成督兵前赴揚州。現在如何與琦善等籌畫克復之策。若再日久相持。必致顧此失彼。未知該大臣等計將安出。勝保帶兵赴皖。是否業已啟程。係由何路進勦。此時賊情緊急。萬不可再有濡滯。致誤事機。將此由六百里加緊各諭令知之。○又諭。據陸應穀馳奏。亳州失守。賊匪直竄汴梁。各摺。此股賊匪。前無援引。後無接續。何以由滁州直趨蒙亳。未聞該省官兵與之接仗。所

過城池○到即失陷○亦未聞地方官如何守禦
殊不可解○現既全股闖入豫境○其皖省有無
匪黨盤踞○急應迅速擒捕○毋令更生枝節○周
天爵諒已抵亳○或應跟蹤追剿○或應留辦土
匪○嚴防該匪回竄之路○務須斟酌緩急○毋失
事機○呂賢基駐守宿州○李嘉端在廬鳳一帶
均須備豫不虞○毋令江甯揚州竄出之賊○復
來窺伺○儻賊來不能截擊○賊去亦不復追擒
專以收復各城○紛紛馳報○於事何濟○本日已
諭令奕經○托明阿○善祿等○各帶所領官兵追
賊○直赴豫省協剿○皖省境內○專責成該侍郎
等○防禦外侮○肅清擒匪○毋得再有疏虞○將此
由六百里加緊各諭令知之○又諭河南省
城○濱臨大河○沿河考城等處○與直隸之東明
長垣○接界○迤北之武安等處○亦與直隸之邯
鄲○磁州○一帶壤地相連○直隸為畿疆重地○亟
應嚴密設防○且為豫省後路聲援○著訥爾經
額體察情形○何處緊要○即於何處撥兵防堵○

如須親自出省○即著迅速奏明○前往駐劄○陸
應穀奏請飭張集馨馳赴豫省黃河北岸之
處○亦著該督酌量辦理○若該司出境能與豫
省聲勢聯絡○則嚴扼黃河○亦足以保衛直隸○
毋得稍存畛域○致誤事機○將此由四百里諭
令知之○又諭前以賊竄蒙城○降旨令恩華
於沿途確探賊蹤○僅全行西竄○即馳往豫境
會同陸應穀督剿○河南情形○現在緊急○著該
尚書確探賊蹤○竄往何處○即由何路進剿○該
匪本無甚伎倆○總由我兵未與接仗○致令紛
竄○若督兵痛加剿洗○定易撲滅○務當相機前
進○及早殲除○將此由六百里加緊諭令知之○
○又諭前有旨○令奕經○迅赴徐邳一帶○托明
阿○迅赴永城○此時皖境之賊○直撲豫省○汴梁
切近大河○該撫雖經帶兵折回○第該省兵力
甚單○賊勢猖獗○急需大兵會合追截○方不至
過河北竄○善祿自宿至亳○諒已得信○奕經托
明阿○現已行抵何處○均著於接奉此旨後○迅

速帶領官兵兼程馳赴河南沿途探明賊蹤所在疾趨赴援萬不可稍事遷延據陸應穀奏遇賊接仗獲勝可見該匪無大伎倆所過各城皆因無兵守禦致令出入自由若痛加勦洗自可一鼓成擒該侍郎將軍提督等務當勦力同心與陸應穀會同夾擊賊情變幻難於懸度總期相機進取迅速掃除將此由六百里加緊各諭令知之○又諭前因訥爾經額奏察哈爾馬匹於江南水土未習請停止調往軍營當降旨諭令辦理糧臺之藩司陳啟邁等於河南山東等處就近購買毋誤軍行茲據陳啟邁等奏稱河南山東等處素非產馬之區一時難以購辦請於直隸山西兩省額設營馬內共調五千匹解赴軍營備用等語軍營急需馬匹既難購買山東河南防勦喫緊亦難抽調自應於就近直隸山西等省酌量撥用著訥爾經額哈芬於接奉此旨後迅即調選臚壯營馬直隸三千匹山西

二千匹共五千匹委員星速解赴江南徐州糧臺以應急需該督等務即遵旨妥辦不必再行請旨以免遲延至各該省應補馬匹亦關緊要或即以察哈爾捐備之馬挑選臚壯者照數撥補或由各該省購買若干匹補足額數著該督撫等自行籌酌辦理可也原摺著鈔給閱看將此諭知訥爾經額並由五百里諭令哈芬知之○又諭陸應穀奏賊陷亳州竄入豫境另有大股由柘城欲撲汴梁等語賊蹤靡定往往避實擊虛陝西與河南毗連處所現在防兵甚少著舒興阿等察度情形應如何派撥援應豫為設防如河南省城有警該督應親往何處駐劄可期調度得力即著一面奏聞一面前往但當嚴密籌備勿庸過事張皇致駭民間觀聽將此由六百里諭令知之○又諭本日據陸應穀馳奏亳州失守並探有大股直撲汴梁各一摺山東與豫省唇齒相依該撫現駐宿遷昨奏察看黃

河北岸及分布徐宿各情形。辦理尚屬妥善。惟逆情詭譎。往往乘虛肆擾。著李德察看何路緊要。即於何路設防。仍須兼顧黃河渡口。勿令稍有疏虞。將此由六百里加緊諭令知之。○又諭陳啟邁鄭敦謹奏請調撥馬匹一摺。並據陳啟邁片陳。盤獲奸細等語。已諭令訥爾經額。於直隸省挑備營馬三千匹。哈芬於山西省挑備營馬二千匹。星速解赴江南糧臺應用矣。官兵需馬甚急。各該省解到若干。即先行儘數撥用。按照大學士等原奏馬六步四輪流出隊。庶足以資周轉。而免稽延。本日據陸應穀奏。歸德勒賊獲勝情形。殲斃甚眾。復探聞有另股圖竄汴梁之信。逆情詭詐。往往乘虛肆擾。徐州糧臺不可不加意嚴防。著該藩司等。督同道府各員。諄飭城鄉紳士。設法團練。以資保衛。仍嚴拏奸宄。確探賊情。勿任稍有疏虞。將此由六百里傳諭知之。○又諭前因賊竄蒙城。豫省防勦喫緊。有旨

令江忠源帶勇迅速赴勦。昨據張亮基奏。該臬司已由九江赴皖。自係由水路行走。現據陸應穀奏。賊自亳州分竄歸德。經該撫督兵擊敗。復探有大股。由柘城直撲汴梁之信。是各路援兵皆已落後。該臬司所帶練勇亦未能徑出賊前。豫省兵力單弱。深為可慮。著江忠源迅速兼程前進。確探賊蹤。併力截擊。此股賊匪本無大伎倆。總由我兵未與接仗。致令竄突。該匪避實擊虛。明知我兵分道赴援。每多緩不濟急。該臬司熟悉賊情。果能間道出奇。乘其不意。痛加勦洗。當可一鼓殲擒。賊情變幻。殊難遙度。無論皖豫何路緊急。該臬司即迅速應援。毋失事機。為要。將此由六百里加緊傳諭知之。○又諭王懿德奏。據報漳州鎮道被賊戕害。永安沙縣先後失守一摺。覽奏曷勝焦急。該省會匪雖時有蠢動。半係烏合。何至府縣城池連次失陷。該省地方官毫無準備。實堪痛恨。廈門距省不過六百里。

永安沙縣亦在五百里以內該署督兩次奏報均據探稟之詞並無確實見聞朕久聞該省驛站廢弛即此已可概見究竟漳州府城是否失陷該管鎮道如何被戕永安沙縣各文武如何下落即著迅速查明具奏閩省除水師外陸路兵額四萬有餘為數不少泉州駐兵尤多何至一聞警報即須調兵鄰省現在江西浙江皆當防堵之際兵力恐亦難分該署督所請飭調兩省官兵已諭令張芾黃宗漢酌量調撥但恐緩不濟急該署督仍當與提督炳文會商就本省所有之兵迅速調撥勒辦萬不可坐待援兵致滋延蔓炳文是否已赴永安沙縣等處勒捕賊匪該署督應統兵前往何處督勦均著迅速籌辦勿誤事機本日據御史蔡徵藩奏勒捕匪徒全恃紳士練勇無須大費兵力等語朕前此曾降諭旨飭令莊俊元莊志謙王朝綸等勸諭團練原以地方紳士之力保衛鄉閭該署督等如

果撫馭得宜自可收指臂之效即如該署督所奏同安縣民克復城池漳州義民攻殺賊匪數千可見民心足恃即著剴切曉諭認真籌辦至該御史奏請暫停採買臺米一摺並著該署督體察情形奏明辦理原摺片著鈔給閱看將此由六百里諭令知之尋奏招商運米赴津此時未便舉行合如該御史所奏暫行停緩從之○又諭前據王懿德奏會匪壘陷廈門同安安溪本日又據奏收復同安安溪查探漳州府城被擾鎮道聞俱被戕延平府屬之永安沙縣先後失守請調江西浙江官兵各二千名會勦各摺浙江現在籌防江南賊匪喫緊之際江西嚴防賊踪回竄並湖南廣東各土匪亦關緊要兵力自難多分惟閩省與江西浙江地界毗連專守本境不如協勦鄰疆庶期早淨賊氛則本省之藩籬自固著黃宗漢張芾酌度情形迅調官兵派委鎮將大員相機赴援仍嚴密防守毋任賊

匪竄入將此由五百里各諭令知之○丁巳遣官祭

關帝廟○諭內閣張芾奏應行發遣之員捐銀贖罪等語已革總督程喬采所犯情節較重著仍遵前旨即行發遣其族房程青藻等代捐軍需懇免發往新疆之處著不准行○又諭奕興等奏遵旨查明奉天省現存米石情形一摺奉天錦州府屬現存米石無多不惟陳米難資儲備且當此青黃不接之時恐

致有妨本處民食自係實在情形著准其暫緩採辦俟本年秋成後再行酌量情形並將燒鍋津貼銀兩核定章程奏明辦理○諭軍機大臣等據沈兆雲等奏賊匪竄入歸德現分二股一走劉家口一趨汴省該省兵力過單請調兵應援等語本日已諭令勝保帶兵直赴豫省復據托明阿奏親督官兵馳往會剿奕經善祿等不日均可趕到陸應穀現在柘城是否為賊梗阻著即與托明阿等會合

夾擊據稱賊匪無能又云賊紀律嚴入數多

我兵見賊易潰等語近來軍營習氣即患在紀律不嚴遇賊輒避守土之官但望調兵救援不能竭力防守賊匪未到城中官民先已搬移似此情形即有援兵亦復何益歸德郡城設防多日何以一時遽爾失守必應嚴參按律懲辦至河南省城民心最為固結前次祥符大工即賴該處紳民登城守護得保無虞現在省城兵力單薄即著沈兆雲林揚祖等督率地方文武剴切勸諭該省紳民團練鄉勇合力守禦以待援兵並隨時嚴查奸細無令滲入致有疏虞江忠源由廣濟赴皖已諭令探明賊蹤改道赴豫該撫即飛催前進協剿可也將此由六百里加緊諭知陸應穀並傳諭沈兆雲林揚祖知之○又諭據沈兆雲等奏河南歸德府城失守賊分兩股一趨劉家口一趨汴梁陸應穀現帶兵在柘城一帶勦賊托明阿奕經善祿之兵均令迅赴豫

省追勦周天爵此時諒已行抵亳州若跟蹤追勦直入豫境又恐潁毫鳳宿等處土匪勾結江面賊匪乘間北竄該侍郎總宜酌量緩急扼要截擊內顧徐州糧臺外遏賊匪來路埽除土匪保衛皖疆如擾豫之賊沿河下竄亦可就近截勦無誤事機將此由六百里加緊諭令知之○又諭本日據托明阿奏逆匪已竄歸德該將軍即由鐵佛寺改道趕往會勦並將續調未到之綏遠城官兵五百名截

留永城防勦等語現在逆匪分股欲竄汴梁河南省城兵力單弱著托明阿即督兵迅赴該處應援毋稍延緩截留永城之兵亦當移緩就急令其前進以備攻勦所有奕經善祿統帶各兵均歸該將軍調遣即著知會陸應穀合力會勦互為聲援保衛河南省城嚴防賊匪北竄是為至要將此由六百里加緊諭令知之○又諭據代理河南布政使沈兆澐等奏歸德失守現在賊分兩股一走劉家口

一趨汴梁等語已飛飭各路帶兵大員星速前往豫省援勦矣豫省四通八達無險可扼山西與該省壤地毗連亦應豫防該匪分股奔竄著哈芬妥籌布置派委得力員弁前往要隘處所嚴密防堵毋稍疏虞此股匪徒多係烏合之眾該署撫若能認真堵截自不致闖入晉境也將此由五百里諭令知之○又諭本日據沈兆澐等奏歸德府城於本月初十日失守賊分兩股一趨劉家口一趨汴梁

現在河南防勦萬分緊急著勝保即帶赴皖之兵星速兼程馳赴河南探明賊在何處即由何路進勦不可稍有濡滯致失事機將此由六百里加緊諭令知之○又諭寄諭大學士直隸總督訥爾經額現在賊勢紛竄豫省情形緊急直隸與河南壤地毗連防堵尤宜嚴密張集馨現駐臨潁關如能出境會勦擊散賊匪自可固畿輔藩籬著該督體察情形妥速籌辦毋失事機直隸提鎮大員應如何

調遣扼守要隘之處。一併迅速籌備。該督如須出省督辦。省城大員。祇有臬司。能否得力。均須豫為布置。勿致臨事周章。將此由四百里諭令知之。○又諭。本日據戶部奏。兵餉支絀。請飭附近籌款。移緩就急。一摺。現在寶泉局。雖經復卯兼鑄大錢。尚有不敷備支之勢。著訥爾經額。速飭藩司。於沿河州縣起運各款內。酌提錢文。舟運至京。並派大員催提。毋任延宕。並著長蘆鹽政文謙。即將本年鹽課

按照時價。全數改解制錢。或覈明銀款。先行酌解若干。原摺著鈔給閱看。將此由四百里諭知。訥爾經額。並傳諭文謙知之。○陝西提督桂明。奏請飭兵丁兼習槍礮。得旨。認真演習。不可徒飾外觀。○命山東布政使劉源灝來京。以哈密辦事大臣崇恩為山東布政使。○戊午。諭內閣。前有旨。將賽尚阿。徐廣縉。按律定為斬監候。秋後處決。因思賊匪現已由安徽竄入豫省。各路帶兵大員。奉命徵調。星

速赴勦。而該革員等。以失律羈囚。置身事外。值此軍務緊急。豈容安坐待斃耶。賽尚阿。著發往直隸。交訥爾經額差遣委用。徐廣縉。著發往河南。交陸應穀差遣委用。均責令戴罪自效。該員等具有天良。宜如何感愧。力圖報效。儻再不知奮勉。或有貽誤。朕惟有執法從事。決不寬貸。○又諭。刑部奏。定擬揚州失守官員罪名一摺。已革漕運總督楊殿邦。已革前任鹽運使但明倫。均著照部議。從重發往

新疆充當苦差。仍令暫留清江浦。隨同楊以增等。辦理防堵。戴罪自效。○諭軍機大臣等。琦善等奏。鳳陽股匪。係由江面登岸。並保舉出力人員各摺片。此股賊匪。現已由安徽竄擾河南。歸德失守。又分二股。一赴汴梁。一趨劉家口。本日復據恩華奏。逆匪於曹河上游。搶撲北岸。兵力單弱。恐難抵禦等情。覽奏殊深憤懣。琦善。向榮等。統領大兵。分駐大江南北。原期防勦兼施。一面進攻。仍一面防賊分

竄乃頓兵城下。幾及三月。至今一城未能克。復又任賊由浦口北竄皖省。既竄之後。西凌阿等又不能迅速追剿。以致賊勢日肆猖狂。現在汴梁省城十分緊急。即山東直隸一帶處處堪虞。所有各省官兵均先後調赴該大。臣等軍營。此時北省徵調緩不濟急。幾於無兵可調。無款可籌。朕日夜焦思。寢饋難安。琦善尚榮等身為統帥。何以通籌全局。為朕分憂耶。僅將金陵鎮江揚州。剋期收復。則北竄之賊自必聞風膽落。該大臣等亦可分兵北來。遏其肆竄之路。現聞勝保已赴河南。托明阿等亦計日可到。歸德赴汴之賊。冀可殲除。其由劉家口渡河股匪。僅有恩華李德等抵禦。兵力尚單。已命慧成馳往河北。會同勦捕。揚州城東。即著福濟帶兵防堵。毋令空虛。琦善等保舉出力人員。既有勞績。自應甄敘。惟值此賊勢緊急。朕實難降諭。旨即受恩各員亦難自安。除所保之高槍長雙興等十四名。

千總李長春等一百二員名。並勝保軍營之千總聞樹棠民勇鍾玉龍陳得魁李平均照所請。即行獎賞外。其餘單開各員。並另片所保雙來武慶二員。均著存記。俟克復揚州後。定當一併論功。從優獎勵。現在北省防剿緊要。著向榮即飭瞿騰龍酌帶兵勇。馳往河南山東一帶。確探賊蹤。協力攻剿。毋稍遲誤。將此由六百里加緊各諭令知之。○又諭本日據恩華馳奏賊匪於曹河上游搶船撲過北岸。現催各路官兵前往堵剿等語。已諭令恩華統帶官兵迅往迎擊。堵賊北竄之路。該處兵力尚單。恐難抵禦。著慧成酌帶官兵星速折回東境。由黃河北岸探明賊蹤。迎頭截擊。俾賊匪不能深入東境。其灣頭酌留兵弁。著即交福濟統帶督同查文經防剿。毋致疏虞。將此由六百里加緊各諭令知之。○又諭恩華奏逆匪於曹河上游搶渡。現催各路官兵馳赴兗州防堵。一摺。兗州水陸衝要。自應加

意嚴防而曹河一帶尤為北渡要路著恩華統帶已到官兵迎賊堵剿所需馬匹已諭令訥爾經額協濟三千匹著即飛調應用其未到各兵仍著催令前進托雲保容照所帶之兵是否應一併折回堵賊北竄之路著恩華酌量辦理將撲過黃河之賊痛加剿洗俾不致闖入東境是為至要將此由六百里加緊諭令知之○又諭周天爵等奏探明賊竄歸德即日前往赴援一摺此股賊匪係由鳳陽竄擾而西當其由臨淮入鳳都時若能督飭兵勇迅速堵截何至任其奔竄擾及豫省乃於賊擾亳州之後又成尾追之勢周天爵素稱勇敢所保賊紆青練勇可當一面獨不能與賊決一死戰痛加剿洗耶著即督帶兵勇兼程馳赴歸德一帶併力攻剿毋稍延緩賊勢甚屬飄忽然烏合之眾一經痛剿勢亦易散若不乘其紛竄未定及早撲滅燎原之火何所底止該侍郎其何以慰朕耶臨淮徐宿

各路已截留善祿所帶兵五百名以為聲援蒙城土匪業已委員前往彈壓諒不致別生事端仍知會李嘉端呂賢基等嚴防妥辦勿稍疏忽將此由六百里加緊諭令知之○又諭昨因逆匪由安徽竄入河南諭令訥爾經額酌調鎮將防守要隘畿輔重地防守最關緊要本日又諭令舒興阿張祥河調陝甘兵四五千名由河南一路分起前進會同攻剿如山東直隸地方喫重即著北行追擊復諭令哈芬調山西兵三千名迅赴直隸交訥爾經額派撥防剿矣恩華行至東阿即聞賊匪由曹河上游搶船撲過北岸現今與李德會同防剿所須馬匹著訥爾經額即行撥付已諭令察哈爾都統迅調馬五千匹解送直隸山西以補缺額長蘆鹽運使楊霽著該督調往扼要處所派令帶兵協同防堵將此由四百里諭令知之○又諭據陸應穀恩華等奏逆匪竄入河南欲撲汴梁並分股由曹河上

游渡河入山東交界等語。現在賊勢紛竄。各路大兵多在淮徐一帶。河南山東兵力既形單弱。而直隸與該二省處處毗連。防堵尤關緊要。陝甘兵徵調已多。但因附近河南應援較便。著舒興阿、張祥河於各標營內就近酌量抽撥精兵四五千名。配齊軍裝器械。揀派得力將弁。由河南一帶分起前進。探明賊蹤。相機進剿。如山東直隸地方情形喫重。即著北行追剿。毋稍遲誤。其潼關等處為入陝門戶。並著實力嚴防。以杜賊匪窺伺。現在軍餉最關緊要。不能不借資捐輸。惟山陝兩省尚可濟急。著該督撫速飭地方官會同紳士等籌辦。以備撥用。俟捐有成數。即行奏請優獎。想該士民等志切同仇。定必竭力輸將。以期迅殄逆氛。共享樂利也。將此由六百里加緊諭令知之。○又諭。前因逆匪竄擾江南。屢次諭令李德嚴防黃河渡口。將船隻收入北岸。茲據恩華奏稱。逆匪由皖竄豫於曹河上游。

擄船偷渡等語。若使該處防守嚴密。何至任賊偷渡。所謂防河者安在耶。現在東省兵力空虛。李德聞得此信。諒必帶兵擇要堵截。茲已諭令恩華帶兵前往迎剿。又命慧成由黃河北岸截擊。勿令該匪深入東境。著李德速即籌畫機宜。嚴飭地方文武員弁。加意防範。並將各渡口船隻盡行收至北岸。毋得再資賊用。將此由六百里加緊諭令知之。○又諭。據陸應穀奏。歸德失守。進剿失利。各情形。現在省城緊要。必須嚴防逆匪竄擾。前已諭令勝保、江忠源各帶赴皖之兵。馳赴河南進剿。諒已兼程前進。本日據周天爵奏。已帶兵勇馳赴豫省援應。托明阿等想亦趕到。該撫即會同迅速攻剿。所有現在河南官兵均歸托明阿調遣。並著嚴防黃河渡口。遏賊匪北竄之路。是為至要。將此由六百里加緊諭令知之。○又諭。據陸應穀、恩華等奏。賊匪竄擾河南山東。現在直隸防堵甚為喫緊。該省官兵

調赴軍營者。一時難以撤回。著哈芬迅即揀選精兵三千名。酌帶軍裝器械。派委得力將弁管帶。馳赴直隸。交訥爾經額調遣。毋稍遲誤。前調山西營馬二千匹。赴徐州糧臺備用。著即迅催前進。再前因軍餉緊急。諭陝西山西等省。妥速勸捐。現在大兵雲集。需餉孔亟。庫款不敷。籌撥山西省前次捐輸。頗稱踴躍。雖係紳民出力。亦由該地方官勸諭。始能迅速集事。此次朕命京員保舉紳士。原為幫同

地方官辦理。更可得力。並非令地方官藉詞諉卸也。哈芬到任。辦理尚屬認真。著即速飭地方官。會同紳士等。設法勸導。如捐有成數。即行奏請從優獎勵。務使踴躍源源接濟。以濟急需。賊勢由南而北。勢雖蔓延。聞多係裹脅之徒。若能及早痛剿。不難撲滅。河南為北省扼要之區。肅清豫境。正所以保衛京畿。想各士民志切同仇。必能竭力捐貲助餉。殄此逆氛。共享樂利也。將此由六百里諭令

知之。○又諭。前有旨。令葉名琛等雇募紅單船。派南澳鎮遊擊黃開廣管領。由海入江。聽向榮調遣。現在福建漳泉會匪滋事。廈門失陷。黃開廣統帶師船。必道經福建。如廈門海面有賊船遊駛。即著協同該省水師。併力攻剿。仍行前赴江省。再朕聞署潮州府知府佛岡同知吳均。管帶潮勇。素著恩威。前辦惠州盜賊。已有成效。前任澄海鮑浦司巡檢章坤人頗強幹。能馭衆禦。現寄籍廣東。為吳均所

識。潮州毗連漳泉。著葉名琛等。即飭吳均與章坤帶領得力兵勇。馳往會剿。現在漳泉會匪初起。出其不意。迅速掩捕。尚可及早撲滅。否則滋蔓難圖矣。將此由五百里諭令知之。○署安徽廬鳳潁道兵科給事中袁甲三。奏請回籍終養。得旨。覽奏具見汝之哀。然多事需人之際。遽告歸養。料汝亦不忍出此。○以駐藏辦事大臣文蔚為奉天府府尹。○實授長臻河東河道總督。○以浙江布政使麟桂

署江甯布政使○調庫車辦事大臣赫特賀為駐藏辦事大臣○烏什幫辦大臣常清為庫車辦事大臣○賞二等侍衛德勝副都統銜為烏什幫辦大臣○命江蘇按察使查文經幫辦江蘇防勦事宜○以河南歸德府城被賊竄陷○革巡撫陸應穀職○仍留任○知府陳介眉下部嚴議○調察哈爾馬五千匹解赴直隸山西備用○己未夏至祭地於

方澤○遣恭親王奕訢恭代行禮○諭軍機大臣等○本日據李嘉端奏○賊匪回竄○安慶失守○並查明分竄賊匪○係由揚州分股竄出○復據張芾奏○賊船上竄九江○籌防等語○賊匪分踞三城○疊經降旨○令琦善○向榮督兵速勦○及早克復○並嚴防其紛竄各路○乃至今未能收復一城○又任賊匪分竄○自皖而豫○汴梁戒嚴○安慶復被竄入○賊兵四出○防堵愈難○現在賊船千餘隻○汴流上竄○聞向榮遣伊子向繼雄前往

追擊○復經敗退○究竟此項賊船○是否即江南遣散之船○抑係被攻逃遁○賊船既多回竄○我軍艇船師船○早經到齊○正當乘勢衝擊○著向榮○怡良○許乃釗○督飭麟桂○和春等將江面賊船○盡行攻勦○焚毀○不可再延時日○至各城逆匪○屢被殲擒○又多竄出○其黨諒必不多○著該大臣等設法趕緊進攻○僅三城以次收復○則北竄之賊○自必聞風膽落○分兵追勦○更易為功○現在賊匪又竄入安慶○於三城之外○又營

窟穴○若水路不將賊船截斷○但於陸路兩岸頓兵不進○甘墮賊匪牽制奸計○自問於心安乎○當此萬分喫緊之時○籌餉既難○徵調亦復不易○朕每一念及寢食俱廢○該大臣等統領大兵○應如何迅圖進取○以副朕望耶○將此由六百里加緊各諭令知之○又諭張芾奏賊船回竄○請飭江忠源速赴安慶下游迎勦○並請挑選湖廣精兵來江會勦○各等語○前據向榮奏被脅賊船乘風上駛○當降旨令湖廣江

西各督撫一體偵探防範。本日據張芾奏有向榮之子向繼雄與賊打仗敗回九江之事。而李嘉端亦有賊船重竄安慶焚燒房屋該處文武退守集賢關之奏。是此項船隻不盡係脅從解散之船。沿江一帶自應合力攻剿。該撫業經飛調贛袁各處官兵來省。即著知照湖北張亮基等會商堵擊。一面認真舉行團練以定人心。儻江岸情形緊要。必須出省調度。即著酌量前往。勿徒株守南昌。張亮基

等亦當實力偵探。迅派精兵出境應援。萬不可專恃設防。徒分畛域。無濟於事。江忠源昨已疊降諭旨。令其馳赴河南。此時歸德失守。賊近黃河北省軍情。重於江路。勢不能不先其所急。如該臬司未出江境。即著張芾催令兼程前進。毋誤事機。將此由六百里各諭令知之。○又諭李嘉端奏賊船重擾安慶一摺。該處瘡痍未復。何堪再遭蹂躪。覽奏實深焦灼。集賢關為通北要路。必應嚴密防守。該撫

已飭粵兵折回交臬司張印塘相機堵剿。並令李鴻章帶勇嚴守裕谿口。鳳定懷壽等處土匪均責令該地方官認真緝拏。並派李登洲往來搜捕。俱著照所奏辦理。現在豫省緊急。周天爵已帶兵赴援。勢不能兼顧南路。即各路赴豫之兵亦難驟令折回。呂賢基係特派辦理團練之員。當此時事多艱。惟當會同該撫督飭幫辦團練之署廬鳳道給事中袁甲三。荆宜施道趙昉。並在籍之前任南河總

督潘錫恩等剴切宣布朕意。無論紳民人等果能奮勇殺賊。嚴緝土匪。著有成效者。即著破格保奏。朕必立沛殊恩。此項義勇別處不得徵調。以本地之勇勦本地之賊。較客兵更為得力。且該紳民等各有身家。與其被難轉徙。何如互相保衛。諒必能深明大義。志切同仇。以期共膺懋賞也。將此由六百里加緊各諭令知之。○又諭本日據李德奏請調直隸精兵二千名來東操練等語。直隸為畿輔重

地與河南山東接壤處所亟應嚴密布置此
時固不能再加徵調以分兵力然與其畫地
自守不如出境協勦即以自固藩籬著該督
選派精兵於河南山東兩省毗連處所準備
嚴防確探賊蹤所至即行出境會勦現在山
東劉家口已有股匪渡河恩華帶兵迎勦如
兵力尚單即著訥爾經額酌量撥兵援應至
畿疆重地一切布置朕惟訥爾經額是賴其
隨時妥辦以慰朕懷將此由四百里諭令知

之○又諭本日據李德奏東省布置情形請
添調直隸官兵二千名以資戰守等語逆匪
現已由皖竄入河南攻陷歸德府直隸為畿
輔重地正當堵禦喫緊之際已諭令訥爾經
額派兵扼要防守即可出境協勦現在直隸
營兵調赴琦善恩華等軍營已有六七千名
若再調往山東則畿輔兵力益形單弱著李
德體察機宜隨時與訥爾經額知照互為聲
援並就地方情形飭屬曉諭紳耆實力團練

自固桑梓官民合力保衛眾志自可成城如
紳民中有奮勉立功材具可用者即著覈實
保奏候朕施恩其應如何嚴密布置之處仍
著該撫竭力妥籌毋任該匪分股偷越據稱
曹州鎮總兵三星保帶兵駐劄劉家口何以
曹河上游有搶船偷渡之賊若能將船隻收
盡或乘賊偷渡擊之何致任其肆竄該撫務
當派委得力員弁加意巡防免致貽誤將此
由六百里加緊諭令知之○兵部侍郎銜周
天爵奏賊破歸德請調兵固守黃河得旨汝
能追賊至河南甚好奕經已飭令帶兵勦賊
此時若令保守徐州糧臺尚可行○山東巡
撫李德奏曹州情形較急請截留吉林等處
官兵得旨現時東省情形緊急無論何路官
兵酌量截留與恩華瑞昌商之○命降調兩
江總督牛鑑赴河南交巡撫陸應穀差遣委
用○以安徽安慶府城被賊重陷革按察使
張印塘副將富惠松安知府牛鎮知縣馮元

靈職仍留營效力。予陣亡知縣宋維屏祭葬世職加等。○庚申諭內閣吏部等衙門奏遵議藩司兼祧服制一摺。直隸布政使張集馨於兼祧父生有親子後未經呈請歸宗。現在聞訃自應照例持服。聞缺治喪。惟該省現辦防堵未便遽易生手。張集馨著無庸開缺。暫署直隸布政使。俟防堵事竣再行回籍治喪。○又諭據光祿寺少卿黃兆麟翰林院侍讀孫鼎臣奏失律之將不宜差遣各一摺。所奏

自係正論。惟現在賊竄豫境河南直隸均須辦理防堵。賽尚阿徐廣縉係軍營獲罪大員。豈得置身事外。且該革員等前在軍營與賊接仗。於賊情當能略悉。是以發交訥爾經額陸應穀差遣。責令戴罪自效。並非將該革員等應得重罪遽行寬宥。昨降諭旨甚明。儻該革員等仍不知愧奮。國法具在。豈容幸免。賞功罰罪。朕心自有權衡。大小臣工諒能共喻也。○又諭據雷以誠奏訊明狂妄悖逆之已

革監生。即行正法等語。軍營用人不拘一格。如有才能出眾者。原不妨舍短取長。藉收指臂之效。若造作謠言。情同叛逆。豈可稍示姑容。據奏已革浙江監生錢江以發遣赦回之犯輒敢妄陳圖讎。搖惑人心。實屬狂妄悖逆。雷以誠將該犯訊明。立即斬首梟示。自應如此辦理。以肅軍律而靖人心。○諭軍機大臣等據雷以誠奏揚城已有可克之機。應合力圍攻。請令勝保從緩啟程等語。現在賊匪已

由皖入豫。周天爵等竟未能堵截。以致攻陷歸德。北省情形萬分喫重。必應先其所急。勝保諒已帶兵啟程。著琦善催令前進。毋稍遲滯。至揚城賊匪困守已久。該大臣等務當懍遵。疊降諭旨。迅圖克復。勿致該逆再行分竄。琦善自到揚州。初猶奮勉。逮賊虜至。雖亦屢獲小勝。總未大挫賊鋒。頗不如前。汝係曾經獲罪之人。朕知汝之才。故特用汝。汝若不能收一蕞爾揚城。朕為汝實覺愧憤。是時不迅

圖克復更待何時著限於季夏以前全行掃滅不致又有他虞福濟計已到任與查文經嚴扼灣頭一帶合力進攻雷以誠在仙女廟等處勸諭練勇亦足以資策應慧成業已有旨令其折回河北勦賊徐州糧臺應如何分設其保護糧臺兵丁應留若干並著琦善咨明慧成酌量辦理將此由六百里各諭令知之○又諭黃河上下游各渡口早經李德暨前河督福濟等加意防範何以賊匪一到仍

復搶船渡河據王履謙奏稱山東劉家口係邵懿辰駐劄之地當逆匪撲來自必飭令地方官將船隻收歸北岸何以忽有偷渡之事著長臻查明情節將疏防渡口之文武員弁一併叅處現在李德已調兵前往恩華亦帶兵迎勦著該河督酌量情形有可派兵協勦之處即行派員帶兵前往以為聲援仍著王履謙等分飭地方文武嚴防黃河渡口勿令賊匪踵至自干咎戾將此由六百里諭知王

履謙長臻並傳諭邵懿辰知之○又諭訥爾經額奏調兵籌防一摺歸德失守汴梁戒嚴劉家口已有賊匪竄至直隸大名地方與豫接壤黃河口岸尤關緊要急宜嚴密設防該督調撥精兵令總兵董占元統帶督同員弁分路守禦並飭藩司張集馨已革副都統德順帶兵前赴大名會同該總兵擇要屯駐計前後調撥防兵共有五千名布置情形尚屬周妥現署正定鎮之山東兗州鎮總兵花里雅遜布尚未啟程赴任著准其暫留直隸會同防堵惟賊情詭譎避實擊虛是其慣技務宜分設偵探嚴密查訪一有賊蹤迅速迎頭截擊如兵力不敷即於附近各路官兵趕緊調撥移緩就急總期聲勢聯絡互相策應斷不可株守一隅致令顧此失彼山東河南毗連各要隘有需協勦之處即飭令帶兵大員出境會勦更可自固藩籬該督出省應駐劄何處督辦著即酌量情形相機調度朕亦不

為遙制也。又據奏安肅安家莊天主堂既係歷年相安。查無不法情事。著照所奏暫行緩辦。將此由四百里諭令知之。○翰林院侍讀學士李聯琇編修廉兆綸充日講起居注官。○辛酉

上詣

壽康宮問

皇貴太妃安。○諭內閣吏部奏遵旨嚴議議處一摺。此案劉秋貴係持旨交審要犯。刑部承

審司員郎中陳魯員外郎馮栻不能審出實情。懼于嚴譴。輒復那改日期。實屬有心規避。提牢主事志善司獄彭善扶同捏報。厥咎維均。陳魯馮栻志善彭善均著照部議即行革職。郎中上行走怡昌郎中馮志沂員外郎尚阿布候補主事王金鏐羅寶森堂主事上行走文荃於陳魯等捏改日期未能覺察檢舉亦屬疏忽。均著降一級調用。准其抵銷。尚書周祖培意存了事。草率塞責。著照部議降三

級調用。毋庸查級抵銷。其失察司員捏報日期之尚書阿靈阿左侍郎德興羅惇衍署右侍郎培成右侍郎許乃普俱著降一級留任。准其抵銷。○又諭逆匪竄擾河南歸德一帶已有旨諭令江南安徽各路統兵大員並陝甘山西添派精兵分路進剿矣。本日據訥爾經額馳奏遵派張集馨楊需並飭大名鎮總兵董占元升任山東兗州鎮總兵花里雅遜布督帶提標大名宣化正定官兵先行馳赴

河北會同河北鎮總兵專辦防剿事宜。訥爾經額即日出省督兵接應。現在東三盟蒙古王哲里木盟長巴圖卓索圖盟長色伯克多爾濟昭烏達盟長那木濟勒旺楚克等各派蒙古勁兵由熱河圍場前來並調集察哈爾官兵近畿一帶大兵雲集著訥爾經額即督飭直隸帶兵大員奮勇前進以為山東河南後路應援。京師十萬禁兵均已簡調齊備諒茲么膺小醜裹脅匪徒定可指日殲除也。○

諭軍機大臣等據張集馨奏賊蹤密邇並請派重兵各摺片覽奏殊深焦急據稱接長垣縣稟報河南甯陵睢州蘭儀三州縣俱已失守現在賊匪聚集蘭儀四十五里之高小集地方長垣逼近該處僅隔一河情形萬分喫緊該署司已將提標兵五百名飭令先赴長垣並將臨汝關屯劄之宣化鎮兵一千名飭令趕赴大名一帶防堵自應先其所急惟據稱到防弁兵僅二千名未免仍形單弱此外

該督所調之兵一時未能到齊著即飭令帶兵各員趕緊前往黃河北岸一帶扼要堵截毋得稍有延誤直隸為京師保障賊勢剽悍異常必須急派重兵嚴密堵禦著該督再於該省各營內酌調精兵源源接應並督同張集馨董占元等扼要截剿堵其北竄之路該督仍須趕緊出省督辦一切文報飭令地方官隨時偵探驛路妥慎馳遞勿致稍有阻隔致誤事機將此由六百里諭知訥爾經額並

傳諭張集馨知之○又諭前據恩華奏探聞賊匪由曹河上游搶船北渡當經諭令恩華等星速督兵前進扼要堵截數日以來該處情形若何朕心實深懸繫渡口船隻即被該匪搶渡若趕緊截擊尚易勦散如有續來匪徒或乘其半渡要擊或於水路要隘處所豫伏官兵遇其登岸之路著恩華瑞昌李德相機妥辦務令大股賊匪不敢渡河窺伺則勦辦較易得手將此由六百里諭令知之○又

諭勝保奏現在帶兵啟程距徐州糧臺漸遠所帶餉銀無多請於山東河南安徽等省藩庫鹽務項下隨時撥解等語賊匪現已竄偏汴梁勝保帶兵追剿無論行抵何處如糧臺未能源源接濟准其就近提動各府州縣庫銀倉穀以濟急需現在賊撲汴梁河南情形萬分喫緊勝保著即星速前往救援毋稍遲誤將此由六百里加緊諭令知之○又諭本日據陸應穀暨河南藩臬兩司馳奏本月十

三日逆匪竄至汴梁。往來攻撲城中兵勇。不過四千餘名。萬難支持。請飛催援兵各等語。前已有旨。令周天爵兼程馳赴河南。併力攻剿。昨據奏稱。十一日馳抵永城。擬彙齊兵勇。決計追剿。此股賊匪。由鳳陽竄出。周天爵援應已屬遲延。刻下河南省城萬分危急。若再不奮力窮追。汴梁設有疏虞。將何以對朕耶。周天爵著仍遵前旨。督帶兵勇迅速兼程馳赴汴省。內外夾攻。既可以救大梁之危。即可

聖

以遏北竄之路。將此由六百里加緊諭令知之。○又諭。現在賊勢紛竄。河南省城情形萬分喫重。著舒興阿迅即親帶官兵馳赴河南。合力進剿。如山東直隸情形緊要。仍遵前旨。北行追剿。毋稍遲誤。其陝豫交界地方。著舒倫保張祥河扼要設防。不可稍涉大意。將此由六百里加緊諭令知之。○又諭。賊匪竄至汴梁。往來攻撲。城中兵力單弱。難以支持。情形萬分緊急。著托明阿奕經善祿等統帶官

兵兼程前赴汴梁。會合陸應穀等併力夾擊。以解豫省危急。並遏賊匪北竄之路。奕經善祿所帶各兵均歸托明阿調遣。該將軍務與該侍郎提督奮力督剿。迅殄賊氛。毋稍延緩。將此由六百里加緊各諭令知之。○又諭。前有旨。令察哈爾都統豫備馬隊官兵四千名。赴張家口屯駐備調。現在賊匪竄至河南。畿輔重地。自應豫為防範。著華山泰迅即統帶此項官兵來京聽候調遣。再前調察哈爾馬

聖

五千四。計已解赴直隸山西兩省。著再挑膽壯馬五千四。迅解來京。以備官兵乘騎。毋稍遲誤。其察哈爾都統著盛桂暫行署理。將此由五百里諭令知之。○又諭。前據張芾奏。賊船回竄九江。當經諭令張亮基等會同堵擊。派兵應援。本日據江忠源奏。所帶楚勇僅存一千二百餘名。戰守俱形單弱等語。著張亮基等迅即揀派精兵數千名。馳赴九江。交江忠源管帶。如能遏賊紛竄。亦可以保固楚省。

藩籬至湖南現勦土匪亦屬需兵之際已諭令雲貴督撫調兵四千前赴湖南以備遮撥該署督等接奉此旨著即先將本省兵酌調前赴江西諒能統籌全局先其所急斟酌辦理也將此由六百里加緊諭令知之○又諭據陸應穀及沈兆澐等奏賊匪已至省城各一摺覽奏曷勝憤懣現在汴省情形萬分喫重本日已諭令舒興阿迅帶陝甘精兵四五千名馳往河南周天爵統帶兵勇已於十一日馳抵永城勝保亦帶兵於十二日啟程本日復諭令趕赴汴梁應援托明阿及善祿等諒均已帶兵趕到陸應穀一俟調兵稍集即迅速馳赴省垣擇要駐劄與周天爵托明阿勝保等合力奮擊以保危城現在兵力不敷該處團練鄉勇亦可藉資策應該撫即出示廣為曉諭令其家自為守人自為戰如有殺賊立功者一面奏聞一面即破格優加獎賞至賊眾數萬多係沿途裹脅之人有無可以

設法解散之處著該撫相機辦理豫省人心固結朕所素知沈兆澐等務當激勵兵民嬰城固守以待援兵指日大兵雲集會合夾攻諒不難轉危為安也並著該撫飛飭署河北鎮總兵崇安嚴防北岸毋稍疏虞將此由六百里加緊諭知陸應穀並傳諭沈兆澐林揚祖知之○又諭據江忠源奏現因賊匪回竄彭澤督帶兵勇駐守九江一摺又片奏兵勇單薄請飭雲貴湖南督撫簡派精兵數千來營等語九江為江西湖北兩省關鍵賊既回竄堵禦尤關緊要此時鳳陽之賊竄入河南江忠源馳往救援已恐緩不濟急著即駐劄九江府城妥為布置本日已諭令湖廣督撫迅調重兵前來策應另片奏擬差弁回湖南添募壯勇以資戰守具見急公恤該臬司感受暑溼是否業經全愈此股賊匪中有無被脅難民堪以解散之處並著會同該撫張芾相機妥籌辦理現在賊勢飄忽靡常僅由

江西被擊逃散而北省一帶情形緊急。該臬司仍遵前旨。先其所急。馳赴救援。毋稍拘泥。○又諭理藩院。前據哲里木卓索圖昭烏達三盟長等。以軍務未經歲事。情願各備兵一千名。前往軍營等語。目下逆匪尚未剿滅。著由哲里木卓索圖昭烏達三盟內。各選健銳蒙古兵一千名。將器械火藥鉛丸等物備妥。由該王公台吉塔布囊等各盟。各派精明之人。帶兵前往熱河木蘭牧場劄營。以備調遣。毋庸該盟長帶兵前來。該院接奉此旨。即馳驛由五百里依限行文。傳諭該盟長等知之。○又諭。前據錫林郭勒盟長多羅郡王齊旺扎布等。懇軍營應用馬匹。不敷調用。情願捐馮三千匹等語。目今已調東三盟兵丁。必須馬匹。著即照該盟長郡王齊旺扎布等前次所請。由各名下捐馬三千匹。擇其臚壯者。護送熱河木蘭牧場。以備調撥。該院接奉此旨。即馳驛由五百里依限行文。傳諭該盟長等

知之。○又諭。本日有旨。調哲里木卓索圖昭烏達東三盟蒙古精兵三千名。諭令迅即前赴熱河哨內地方屯劄。以備撥調。著毓書飭令地方官豫備米麵接濟。其鉛丸火藥等項。除該官兵自行備帶外。仍須寬為備辦。並飭圍場總管那敷德前往照料。應如何劄營操練。一併妥籌辦理。至錫林郭勒盟長齊旺扎布等前次呈進馬三千匹。現已調來。著那敷德擇水草茂盛之處牧放。俾皆臚壯。可期得力。俟調用時。官兵馬匹均可由十八盤一路進口。仍應先期知照。經過地方一體照例豫備。將此由四百里諭令知之。○引見內閣六部。保送御史人員。得旨。蔡燮錢慶善劉廷檢錢寶青王發桂錢以同李希郊段晴川郭樟林廷選李文珩孟洋王兆松汪槃吳艾生湯修俱著記名。以御史用。○宗人府奏請瑞懷親王之繼福晉薨逝。所食郡王半俸及伊府內原設官員甲數。應如何裁減。得旨。該門上

原設官甲仍毋庸裁撤。所有瑞懷親王福晉現食郡王半俸著給瑞敏郡王福晉。○河南巡撫陸應穀奏河北防守宜嚴請添精兵保衛京城得旨所見甚是。汝毫無粉飾處亦是。汝天良發現處。汝省能守與否。惟在

天也。非人也。朕心不敢惶惑亦甚定。或可挽回補救於萬一。嗚呼。汝不必念朕竭力為之。○

調工部尚書翁心存為刑部尚書。以刑部右侍郎許乃普為工部尚書。都察院左副都御

史雷以誠為刑部右侍郎。未到任前。以內閣

學士李鈞署理。降調刑部尚書周祖培為都

察院左副都御史。○調刑部左侍郎德興為

工部左侍郎。未銷假前。以禮部右侍郎瑞麟

署理。以兵部左侍郎常志兼署刑部右侍郎

○調盛京工部侍郎恆春為刑部左侍郎。以

前任烏里雅蘇台參贊大臣善燾為盛京工

部侍郎。○以山西巡撫易棠署陝甘總督。實

授哈芬山西巡撫。○命刑部右侍郎雷以誠

幫辦揚州軍務。○命直隸通永鎮總兵官保恆赴直隸省城交總督訥爾經額調遣。○命前任山東布政使劉源灝暫留幫辦防堵事宜。○調雲南貴州兵各二千名赴湖南備撥。○壬戌

上幸瀛臺。○諭內閣逆匪負固金陵揚鎮分竄皖豫蔓延城池狡譎兇殘神人共憤方其初竄浦口不過一二十人經吉林官兵於六合地方奮擊痛殲不下數百其長髮真賊自臨

淮西奔者為數實已無幾乃沿途裹脅擄掠貲財焚燒廬舍滁鳳蒙亳之間被其蹂躪實惻朕懷現在各路大兵分道攻勦諒茲小醜不難計日掃除惟該逆鋌而走險飄忽靡常所過地方居民人等或因猝不及防紛紛遷徙轉遭荼毒是避害而適以罹害何如自相保衛奮勉圖功乎本年正月特降諭旨令各省仿行嘉慶年間堅壁清野之法旋諭中外大員各舉所知襄辦團練諒已次第舉行我

朝

列祖

列宗深仁厚澤。淪浹民心。凡食毛踐土之民。莫不尊親共戴。當此逆氛未靖。必有忠義勇敢之士。奮跡草茅。建奇功而膺懋賞者。如從前楊遇春。楊芳等。均起自鄉里。致爵通侯。比年廣西湖南等省。紳民團練。勦賊無不立予恩施。即如幫辦軍務之湖北臬司江忠源。亦以居鄉團練。屢著勞績。超擢監司。可見練勇之

中。人材輩出。凡爾士民。同茲觀感。至北地民風。素稱驍勇。安徽。河南。山東。江南。交界地方。不乏奇傑之材。能為民禦災捍患。其有自備資斧。募勇投效軍營。殺賊立功者。統兵大臣。即覈明該士民募勇名數。立即奏請優獎。或給官職。或給翎枝勇號。以為急公嚮義者。勸其在本籍團練。保衛鄉閭。一遇賊匪竄至。即行合力殲擒。則捍禦之功。亦與效力行間。同其賞賚。地方官吏。仍不得擅行徵調。致令遷

地弗良。如此實力奉行。以兵衛民。即使民自衛。俾賊進無所掠。退無所據。散其黨與。殲厥渠魁。烏合之寇。不足平也。至從前被脅之徒。或以驕橫結怨里黨。或以桀驁誤蹈刑章。若能勦賊自效。即可立荷恩施。如張國樑之洊擢都司。張鳳山等之賞給頂帶。明徵具在。即或先被賊誘。自拔來歸。但能改過自新。亦可同邀寬典。此朕仰體

上天好生之德。除惡安良之意。各該大臣將軍

督撫等。著即刊刻謄黃。徧行曉諭。咸使聞知。○又諭。自逆匪竄擾粵楚以來。所過州縣地方。動輒失陷。即省會郡城。如安慶。九江等處。亦未聞有摧遏兇鋒。嬰城固守者。推原其故。總由地方各官。先存一倖生畏死之心。遂將土地人民。委之不顧。實堪痛恨。前經降旨。諭令統兵大臣。及守土大吏。將失守城池各員。查辦。乃或稱下鄉募勇。或稱遇救得生。曲為隱飾。且有久未查明入奏者。似此遇賊逃避。

之員。若不嚴行懲辦。何以肅國紀而儆將來。著各該督撫大吏。凡有失守地方。未經覆奏各員。迅即查明。按律定擬具奏。並著該部分別催查。儻仍延玩。即將該管上司叅處。○又諭自逆匪竄踞金陵。揚州。鎮江。以來。屢經降旨。令琦善向榮。迅速督兵克復。並嚴防逆匪分竄之路。乃至今兩月有餘。該大臣等各擁重兵。未能收復一城。以致另股賊匪。由安徽竄至河南。重煩徵調。琦善向榮。均係獲罪之

員。經朕棄瑕錄用。若再不知感懼。剋期收復三城。坐使賊勢蔓延。勞師糜餉。國法具在。該大臣等。其各懍之。○江甯將軍托明阿等。奏歸德賊已奔竄。商同進剿。得旨。應如何進剿。截留。隨時斟酌辦理。河南諸軍。既統歸托明阿調遣。責有攸歸。無可推諉。汴省緊急。萬分。以速速援救為要。又奏鹽菜口糧。請統歸徐州糧臺支領。批。汝所帶兵。原係徐州糧臺支應。若應有變通之處。可即行知照。勿庸事

事。請旨。徒延時日。○命御前大臣僧格林沁。步軍統領花沙納。右翼總兵達洪阿。內閣學士穆蔭。督辦京城巡防事宜。○調鑲藍旗漢軍副都統常志。為鑲紅旗滿洲副都統。以吏部右侍郎愛仁。兼鑲藍旗漢軍副都統。○命刑部主事楊熙。回籍募勇。投效軍營。○癸亥。諭內閣。前經屢降諭旨。令步軍統領順天府五城。遇有形跡可疑之人。密訪嚴拏。懲辦。乃數月以來。報獲之案。甚屬寥寥。總由各司坊

營汛。地方文武官員。奉行不力之故。京師重地。豈容奸宄潛藏。著步軍統領巡視五城御史。於內城各按地段。認真嚴查。其外城地方。著巡視五城御史。及營汛各員。實力稽察。並著於東城添派袁溥。黎吉雲。南城添派彭久餘。賈世行。西城添派張祥。晉湯雲松。張煒。北城添派雷維翰。吳廷溥。史策。先。中城添派李宗燾。姚福增。會同各該城御史。於城外所屬地面。嚴密稽查。仍著左副都御史文瑞。載齡。

李萬周祖培於內外城隨時稽察。無論司坊營汛地方各員。稍有疏懈。即行糾叅。並著順天府飭令地方官一體巡緝。毋得因循視為具文。致干重咎。○諭軍機大臣等。據御史陳慶鏞奏。漳泉會匪滋事。請飭調幹員以資勦辦。一摺。臺灣道徐宗幹著即飭令酌帶弁兵。內渡赴漳泉等處。協同勦辦。所有臺灣道印務。即著該府護理。以便徐宗幹交卸。迅速啟程。該署督仍於通省道員內。遴選派往署理。

其所稱已革知府王光鈺降調知縣吳金華二員。是否現在閩省。堪資委用。著查明酌量差遣。丁拱辰係晉江大族。即可派令辦理團練。以助兵力。將此由五百里諭令知之。○又諭孫瑞珍奏。請迅發馬隊精兵赴豫迎勦一摺。逆匪自皖竄豫。紛擾無定。昨據勝保奏。已由揚州啟程赴豫。又據托明阿善祿奏。行抵歸德。賊已星散。該將軍即赴省追勦。本日又據恩華奏。已自曹州渡黃。迎頭截擊。周天爵

亦由永城前進。各路大兵計可陸續抵汴。昨復諭舒興阿由陝西出省截勦。並諭訥爾經額李德等嚴防黃河北岸矣。其察哈爾官兵及東三盟蒙古官兵。並捐備馬匹。均經飭令來京聽調。該尚書現駐天津。務當飭令地方晚諭居民各安生業。不可造作浮言。自相驚擾。將此諭令知之。○又諭訥爾經額奏。請調察哈爾馬隊兵二千名赴直隸備防一摺。已諭令華山奏迅速統兵來京。以備調撥矣。現

在直隸防堵喫緊。本省之兵必應移緩就急。不可專恃鄰省派兵協防。前調山西兵三千名。恐到直尚需時日。該督仍當飛催本省各營已調之兵趕緊前進。並須就近添調以資策應。毋稍遲誤。直隸全省輿地並與山東河南交界。水陸要隘處所。何處駐兵若干名。何人管帶。著即詳細繪圖貼說具奏。將此由四百里諭令知之。○又諭前已疊次諭令周天爵馳赴汴梁奮力救援。本日據沈兆霖林揚

祖奏省城防守情形一摺。十三十四兩日賊匪於城東南兩面施放槍礮。並有股匪從東而來。不計其數。官兵雖小有擒斬。該匪退至繁塔寺屯。劉又有竄赴朱仙鎮之信。非外援迅速趕到。與城內防兵協力夾攻。難解倒懸之厄。周天爵不能於亳州一帶開賊北竄。致令直撲汴梁。遲誤已難辭咎。若再遷延不進。於心何安。該侍郎即星夜兼程赴援。與恩華托明阿善祿陸應穀等急籌解圍。毋再遲延。致誤事機。原摺片鈔給閱看。將此由六百里加緊諭令知之。○又諭恩華奏馳赴河南會同進剿一摺。前因賊匪由曹河上游搶船北渡。當有旨令恩華等星速前進。昨因東省緊要。復明降諭旨。令恩華瑞昌李德專辦山東防勦事務。茲據奏稱曹州之賊大半土匪。已向西南竄去。東境情形尚可稍緩。該尚書由曹州渡黃。馳赴河南。自應如此辦理。所帶黑龍江官兵二千名。著即督帶迅速前往。其托

雲保容照所帶之吉林官兵著令其一併赴汴。惟河南固宜趕緊赴援。河北尤應嚴密防範。李德曾否帶兵折回。所派曹州鎮兵是否已到。足資防勦。瑞昌是否同恩華一路前進。抑係分路兜剿。總期於進剿時兼顧後路。勿令逆匪乘間渡河。轉致官兵落後。墮賊奸計。所有官兵火藥鍋帳馬匹口糧。據稱擬由兗州就近支領。自較徐州為便。著即知照辦理。直隸景州知州李麟遇前因李德奏請飭赴山東。嗣據訥爾經額奏留現在直隸辦理防堵。亦正在需人之際。李麟遇係有地方之責。著毋庸帶往河南。將此由六百里加緊各諭令知之。○代理河南布政使沈兆澐等奏省城防守急待援兵情形。得旨。能如是固守甚好。各路援兵陸續可到。著固守以待之。○命已革大學士賽尚阿襄辦巡防事宜。○調工部尚書許乃普為刑部尚書。刑部尚書翁心存為工部尚書。兼管順天府府尹事。○調盛

京步兵四千名。吉林馬兵二千名。大凌河馬二千匹。命錦州副都統維祿伯都訥副都統倭克精額統帶赴天津備調。○甲子諭內閣理藩院奏遵議諾們罕等名號一摺。此次查辦番務出力之掌辦達賴喇嘛商上事務阿齊圖諾們罕。遵奉達賴喇嘛諭飭撥調土兵將鄰境不法番民認真查辦。俾地方悉臻靜謐。著加恩作為呼徵阿齊圖呼圖克圖。並著准其轉世。察木多帕克巴拉呼圖克圖額爾德尼諾們罕之呼畢勒罕。雖在幼齡。即能督飭屬下。拏獲兇犯多名。著賞加敕達禪師名號。以示優異。○諭軍機大臣等。琦善等奏會攻揚城情形。並擊退浦口賊船一摺。據稱連日會攻揚城。雖經獲勝。總未得手。逆匪窮而思竄。若能嚴防水陸竄路。並用反間解散黨與。自可計日克復。該大臣既知官兵奮勇直前。逆賊即行敗退。正當乘此激勵將弁兵丁。一鼓作氣。若再遲延。試問貽誤之罪將誰屬。

耶前有旨令慧成帶兵折回河北。授雷以誠為刑部侍郎。畀以幫辦軍務重任。著琦善陳金綬與雷以誠會同迅速攻剿。毋再觀望。現在汴梁被圍。待援孔亟。如早復揚城。賊匪聞風膽落。分兵會擊。不難迅掃妖氛也。北省軍營熟悉賊情者甚少。著琦善於所帶將弁。並直隸弁兵中。各揀數人。迅飭前赴直隸交訥爾經額差遣。毋得遲誤。將此由六百里加緊各諭令知之。○又諭自賊匪由皖入汴。節次諭催周天爵赴援。朕意該侍郎定已兼程前進。茲據奏請扼守宿徐黃河。以固中路一摺。該侍郎奉命勦辦賊匪。未聞督率兵勇與賊接仗。今大梁危急。而該侍郎折赴碭山。欲其援救汴城。已屬無及。既據奏稱徐州水陸各路形勢均為緊要。即著該侍郎扼守徐州。妥為布置。沿河要隘督飭嚴查。僅有賊匪偷渡。惟周天爵是問。徐州糧臺現已移往宿遷。該縣係賊紆青原籍。著即飭令帶同練勇守護。

糧臺並嚴緝土匪。毋稍疏虞。將此由六百里諭令知之。○又諭。昨據沈兆澐林揚祖奏省城防守情形。並請飭催援兵各等語。已諭恩華等。星夜前進赴援矣。該紳民等志切同仇。協力固守。甚屬可嘉。現在托明阿善祿計已抵汴。恩華亦由曹州南下。計日當亦到汴。勝保早經啟程由皖赴豫。指日大兵雲集。定可保此危城。著沈兆澐等傳旨曉諭該闔城文武紳民人等。如能始終不懈。保守省城。必當

實錄卷九十五

十一

破格施恩。以酬勞績。並著沈兆澐等將尤為出力官兵士民。先行酌賞軍功頂翎。以作士氣。至賊匪藏匿民房。及繞道遠行。難保非別有奸計。或係潛用地雷。或係偷挖隄岸。皆須密為偵探。加意防範。黃河北岸。已飭長臻李德撥兵嚴防。陸應穀此時是否到省。所調集之兵。共有若干。鄆陵巡北。有無梗阻。總須內外夾擊。勿徒株守。並密探賊中動靜。嚴察城內奸細。廣為曉諭。以定人心。將此由六百里

加緊諭知。陸應穀並傳諭沈兆澐林揚祖知之。○又諭。前因賊匪於曹河搶船偷渡。疊經諭令李德等加意嚴防矣。茲據長臻奏稱賊氛逼近黃河北岸。請截恩華所帶官兵分布堵剿一摺。現因汴梁待援情形緊急。已降旨催令恩華迅往援剿。計此時已出東境。未便截留。著該河督該撫等體察機宜。應如何就近籌調兵勇。嚴密設防之處。隨時知照妥辦。尤當扼守黃河各渡口。勿令賊匪偷越。將此

實錄卷九十五

十二

由六百里各諭令知之。○又諭。陳啟邁奏移設糧臺一摺。賊匪紛竄。皖豫距徐州較近。糧臺自應移設。著准其移往宿遷。相機保衛。仍著隨時偵探賊情。嚴查土匪。徐州兵力較單。賊紆青籍隸宿遷。已諭周天爵飭令該舉人帶領練勇。協同官兵守護糧臺矣。陳啟邁係承辦慧成恩華等北路官兵糧餉。茲慧成已赴河北迎勦恩華赴汴。應如何分派糧臺各員源源接濟之處。即著陳啟邁會同鄭敦謹

来

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十四

救修

咸豐三年癸丑五月乙丑

上
詣

壽康宮問

皇貴太妃安。○諭內閣。戶部奏倉場寄囤漕糧請飭覈實辦理一摺。漕糧偶因陰雨暫囤太平倉。亦不必豫定成數。三十萬石作為兩次起卸。徒費開銷。著倉場侍郎即飭坐糧廳趁此天晴路乾。備齊口袋車輛。照例每日三萬石趕緊運赴原派各倉。即遇雨暫囤。亦不准多延時日。仍隨時造冊送部查覈。如有藉端

浮冒情弊著該部據實奏○又諭陸應穀奏參徵調不前之總兵參將請分別降革留營以觀後效各等語河南河北鎮總兵王家琳帶兵駐劄永城經該撫飭調赴省屢催罔應山西潞澤營參將達凌阿奉札赴援四日之久僅行數十里似此畏葸遷延膽敢不遵調遣實堪痛恨王家琳達凌阿均著先行革職仍責令帶兵作為前隊儘再不知奮勉即著於軍前正法以昭炯戒近來將弁遇有檄

調往往意存觀望藉詞逗遛甚至屢奉札催悍然不顧此等貽誤軍務之將弁若不按律懲辦何以儆戒將來現在北省均辦理防堵如有臨陣退縮及不遵本管官徵調或託故遲誤者著統兵大臣督撫等一面據實奏奏一面即行正法斷不可有意姑容自干罪戾○諭軍機大臣等向榮統領重兵株守金陵城外日久未能克復而賊匪分股肆擾由皖入豫安慶滁州歸德等處相繼失陷現

在直撲開封勢甚危迫雖調兵援應深恐緩不濟急總由各路精兵皆在金陵鎮江揚州三城之下以致不敷調撥正中賊匪牽掣之計思之不勝憤恨著該大臣等懍遵疊次諭旨督率將弁激勵兵勇剋日進攻收復省城毋得再有觀望金陵為賊首盤踞之所一旦攻破其勢瓦解並可分兵協勦他處且首逆既殲餘匪不難殄滅矣向榮經朕屢次赦罪錄用自當奮發天良勉力圖報若不能攻克

金陵何顏對朕總當一氣辦到底不可半路又歇逆匪迅除共享安樂不能因向榮一人之高興埽興愛辦不辦從前在廣西時賽尚阿優容寡斷不能用汝之力勿謂現今可用故智欺朕朕非賽尚阿比也本日據張亮基等奏賊船上竄抵彭澤後數日未聞攻城掠地是否實係解散之眾未接江南大營來咨礙難辦理等語此股賊船既不沿途搶掠何又竄擾安慶又與向繼雄接仗殊不可解著

向榮確切查明飛咨上游各省督撫妥為豫備以後遇有散出人船或給與護票免死牌遣令分起行走即須知照前途免致驚疑但須偵訪確實毋致中賊詭計並飭令麟桂和春等督率師船迅速相機攻剿勿任賊船竄過北岸再致蔓延大營近日軍情未據奏報並著迅速詳奏以慰朕懷直隸現辦巡防該大臣營中有熟悉賊情通曉劄營接仗事宜之將弁兵丁著即迅派一二十人前來直隸

交訥爾經額以備差遣前有旨令瞿騰龍酌帶兵勇馳往河南山東一帶確探賊蹤協力攻剿現在想已啟程仍著向榮飛催前進河南山東何處緊要即著帶兵赴援無任延緩將此由六百里加緊諭令知之○又諭前因賊匪竄至汴梁當經諭令舒興阿親帶官兵赴河南進剿諒已遵旨辦理昨據周天爵奏逆匪竄至劉家口欲紮筏渡河被河北轟擊不能過渡又分三四路盡赴汴梁等語陝西

與河南交界地方各關津要隘著舒倫保等派委得力將弁扼要駐劄層層布置毋稍疏虞舒興阿現已出省陝省防守事宜即著舒倫保張祥河相機會商妥辦昨據張祥河奏籌備銀二十萬兩聽候部撥現在賊撲汴梁大兵雲集需餉甚急著即將此項銀兩就近派員解赴河南以資接濟毋得稍有遲誤將此由六百里諭令知之○又諭陸應穀奏省城被圍緊急催調各路官兵一摺逆匪大股

圍攻汴梁賴該處紳民兵勇登陴固守業經數日必須各路援兵趕赴救應方能轉危為安陸應穀駐劄許州催調各路官兵若必待兵皆到齊始行前進豈不有延時日貽誤事機經文岱已有旨令暫署河北鎮總兵著即管帶現到之兵一千九百餘名迅赴省城援應萬不可稍有遲誤托明阿善祿統帶之兵前據奏稱於十二日行抵歸德十三日即帶兵前進該處去省二百餘里計兩三日即可

趕到何以至今尚無到省信息。省城萬分危急。若有疏虞。陸應穀為守土大吏。豈能當此重罪。托明阿總統河南諸軍與善祿等均係特派大員。屢次催令迅援汴梁。亦豈容稍事遲延。陸應穀仍飛催所調各路援兵。迅赴省垣以資接應。勝保自皖入豫。恩華由山東赴汴。計日均可趕到。昨據沈兆澐等奏。賊於十四日傍晚望西南行走。在遠村屯集。層層埋伏。尚未測其動靜。本日據陸應穀奏。賊分股竄擾朱仙鎮。約有萬餘人。阻塞歸路。賊情詭譎。往往以退為進。總宜探明賊蹤。扼要兜剿。萬不可墮其奸計。將此由六百里加緊各諭令知之。○又諭瑞昌奏。行抵汶上。據李德差官截留。請旨遵行。一摺。瑞昌所帶盛京兵一千名。本令赴慧成軍營。昨因河南緊急。復令與恩華酌量前進。現在恩華想已抵汴。而該將軍尚住汶上。山東與豫省毗連。兵力較單。亦關緊要。瑞昌即著統帶盛京官兵會同李

德相機防剿。聞李德已折回東境。何以數日未見奏報。現在山東地方如何布置。曹河上游究竟有無賊匪偷渡。著李德隨時飭令地方文武嚴加防範。萬不可稍有疏虞。將此由六百里加緊各諭令知之。○又諭王履謙奏。探明賊匪圍攻汴梁。已飛催河督來工會辦。並飭沿河衛輝懷慶兩府保禦北岸等語。賊匪攻撲汴梁。業已逼近河干。必當嚴密巡防。遏其偷渡。長臻想已到工。著即會同該少詹事督同員外郎邵懿辰嚴飭沿河地方文武晝夜巡查。勿得稍有鬆懈。現在各口渡船雖已封禁。但恐賊匪由南岸紮筏偷渡。亦不可不豫為計及。總須兩岸要口設有防兵。隨時截擊。方為妥善。此時遠處徵兵。緩不濟急。河標存兵。仍當設法抽撥。並知會李德酌調各營存兵以資防剿。密為守禦。毋稍疏虞。將此由六百里各諭令知之。○又諭據哈芬奏。派兵籌防要隘。並請調撥鄰省官兵以資捍衛。

一摺該撫因賊竄汴梁已派太原鎮總兵烏勒欣泰帶兵駐劄澤州府隘口復派道府大員防守黃河渡口並飭各州縣嚴密盤查奸細辦理尚屬妥協惟據請調鄰省官兵現在直隸山東俱與河南接壤陝甘亦防守綦嚴實屬無可徵調著該撫於本省存兵移緩就急相機布置如再不敷即著於綏遠城及察哈爾官兵內酌量調撥以資防守賊匪避實擣虛是其慣技惟在偵探確實嚴防要隘勢

難處處派有重兵且兵分則力單該撫體察情形隨時相機籌辦尤須鎮定人心勿任紛紛遷徙將此由五百里諭令知之○又諭據張亮基崇綸奏賊匪分股沂江上竄於五月初七日停泊彭澤臬司江忠源駐劄九江防守該署督擬即親帶兵勇赴道士洑黃石港一帶駐劄等語另片奏探得賊船抵彭澤數日未有攻掠或係被脅解散之眾已委員持示前往密探再行酌辦並鈔錄示臺呈覽所

辦尚合機宜賊黨回竄江西湖北適當上游情形均極喫緊前諭令張亮基等與江西省會商堵擊現在彭澤江面既有賊船駛至該署督帶兵出省籌辦著確加偵探如實係解散投誠之人即剴切曉諭令其呈繳軍火器械妥為招撫安插儻查係賊匪迅即迎剿並知照江忠源合力夾擊務當即速殄滅毋任上竄又致蔓延本日已諭令向榮等密探賊情妥慎籌辦矣將此由六百里諭令知之○

命兵部尚書桂良赴直隸省城督辦巡防事務○以巴里坤鎮總兵官經文岱著河南河北鎮總兵官幫辦河南軍務○丙寅諭內閣本日傳旨詢問貝子載華據稱早間接班時並未與惇郡王見面著惇郡王奕諱明白回奏○又諭太僕寺少卿趙東昕禮科給事中長秀奏嚴緝奸宄並請飭部從重問擬等語京師重地豈容奸匪溷跡土棍橫行現當巡防緊要之時尤當申嚴法紀以遏奸萌著步

軍統領衙門。順天府五城一體認真查拏。送部從嚴懲辦。○又諭給事中長秀奏順天府屬各營武職請歸兼尹府尹稽查一摺。順天府本有兼轄武營之責。當此籌防之際。稽查尤關緊要。現在直隸總督既赴南路巡防。所有順天府屬各營武職。即著該兼尹府尹督率嚴定巡緝章程。實力奉行。以昭周密。儻武職內有不能得力之員。及疏防案件。即由該府尹等一體嚴叅。○又諭前據沈兆灃林揚

祖奏賊匪於十三日竄至汴梁。經該司等會督文武員弁紳士人等登陴固守。施放槍礮。斃賊多名。餘匪竄避近城村莊。十四日復令兵勇出城將賊踞村屋燒毀。茲復據奏十六日賊仍分起自東南撲來。當派兵勇緹城而下。擒殺賊匪多名。並生擒黃巾偽監軍賊目一名。奪獲槍礮礮車等件。現仍會督各員嚴密防守。稽查奸細。飛催各路官兵趕緊會剿。又據李德奏賊於初八九等日分竄劉家口。

經防河兵勇開礮擊沈賊船二隻。傷斃賊匪二百餘名。現在河岸船隻盡行收泊。賊匪不能搶渡。各等語。逆匪分股由皖入豫。竄撲汴城。屢經我兵擊退。刻下各路援兵計已先後趕到。著托明阿恩華勝保善祿經文岱等分督大兵齊赴汴梁。會同陸應穀與城內官兵合力攻剿。並著鄰省各督撫派兵四路兜擊。毋令賊匪竄逸。至劉家口賊船被擊沈溺。未能偷渡。仍著該撫會同該河督等嚴密防堵。

毋稍疏懈。○諭軍機大臣等。向榮許乃釗奏兩攻金陵。連破賊營。及查探上駛賊船各摺。片。逆匪攻撲汴梁。勢甚危急。昨已頒發硃諭。責令向榮剋日收復金陵。或可分兵援應。北省朕連日望報甚殷。乃據向榮許乃釗報到。仍係小有勝仗。並未攻入省城。殊深焦急。北路勁兵多在大江南北。若不及早克復三城。更有何兵可以派撥接應豫省。且山東直隸均已籌辦防堵。而統兵大臣仍復徘徊江上。

貽誤之罪將誰屬耶著向榮等仍遵前旨迅速進攻毋得再有觀望甘蹈重罪至安徽江西湖北上游駛竄各船究竟是否均係真賊所奏殊未明晰仍須確查隨時知照鄰省嚴防妥辦江水盛漲賊之浮橋木筏俱被衝斷正可趁此督飭艇船乘風進擊和春已調回大營即吳健彰趕到與麟桂皆屬文員仍著向榮嚴飭統帶水師鎮將各員迅速相機進取毋得互相推卸致誤事機將此由六百里

加緊諭令知之○又諭琦善慧成陳金綬奏賊陷歸德請添調重兵防剿一摺朕連日盼望揚州克復即可分兵援應北省乃本日琦善等奏報但稱賊竄歸德請派北路重兵扼要堵剿並未敘及揚城近日如何攻擊祇以雨大河漲難以駐足為詞似此空談何濟於事刻下北省勁兵多調赴大江南北琦善等坐擁不戰觀望遲延試問尚有何處重兵可以徵調若不能早復揚城坐視賊匪北竄僅

以地勢軍情敷衍入奏豈遂能辭貽誤之罪耶琦善陳金綬師久無功應如何愧奮雷以誠已授為幫辦責無旁貸著即會同迅圖克復毋得以空言塞責將此由六百里加緊諭令知之○又諭沈兆霖林揚祖奏現在防守情形一摺據稱本月十六日賊匪自東南而來當飭兵勇緹城擒斃各數名並於城外閒房內搜獲十餘名並獲偽示一張城上槍礮齊施該匪輒向隄外隱匿等語逆匪圍攻省

垣該處兵勇紳民登陴固守且屢次緹城殺賊甚屬可嘉惟城大兵單全賴各路援兵趕緊齊集方能痛加剿洗已屢次催令托明阿善祿等帶兵兼程赴援何以至今尚無到汴信息似此任意耽延設有貽誤自問當得何罪著即星速前進無得再有延緩陸應穀為地方大吏更屬責無旁貸昨已有旨將經文岱暫留河南飭令統帶現到之兵先赴應援該撫所調各路官兵諒亦陸續到齊著即飛

催前往恩華諒亦指日可到城外大兵雲集則城內人心益堅膽氣益壯著托明阿等妥為布置相機進剿並隨時密咨城內會合夾擊沈兆濤等務當激勵紳民兵勇竭力守禦無稍疏懈如有殺賊立功者隨時酌保朕必破格施恩以示嘉獎將此由六百里加緊各諭令知之○又諭前據恩華奏曹州賊匪已向西南竄去東境情形稍緩擬由曹州渡黃馳赴河南已諭令迅速前往現在逆匪竄擾

汴梁河南省城萬分喫緊著恩華仍遵前旨迅即前赴河南應援勿得稍事游移致有延誤前有旨令慧成帶兵折回東境探明賊蹤迎頭截擊本日據李德奏此時賊未渡河豫省情形較東省更為緊急請飭慧成管領兵丁由黃河南岸直偏汴梁迎擊等語現在恩華業已赴汴慧成著仍遵前旨由黃河北岸徑赴山東與李德嚴防河口等處如東省情形較汴梁尚可稍緩即帶兵渡河赴豫援應

賊勢飄忽靡常統兵大員總宜擇要進剿若稍涉拘執牽制轉恐耽延時日致誤事機至李德奏嚴防黃河兩岸本日復諭令東南兩河並直隸總督一體嚴查妥辦該撫仍當相度機宜嚴飭地方文武員弁於要隘口岸加意防範毋得稍有疏虞致該匪乘機北竄將此由六百里加緊諭令知之○又諭昨因賊竄汴梁疊經諭令舒興阿親赴河南進剿並令舒倫保張祥河於陝豫交界地方關津要

隘嚴密防守陝西提督桂明著即迅帶得力將弁兵丁馳赴陝西省城會辦防剿事宜毋稍遲誤將此由六百里諭令知之○又諭本日據李德奏賊匪由曹河上游乘船搶渡駛至中流經曹縣知縣姚景崇督率兵勇用礮擊沈斃賊二百餘名後遂無船繼進等語東省曹單河岸僅二百餘里餘皆直隸江南河南三省所轄現在賊撲汴城直隸之東明長垣一帶豫省之衛輝懷慶等府江南徐州上

下各河口岸均關緊要。如果節節嚴防。逆船斷難飛渡。著訥爾經額長臻楊以增各飭沿河文武員弁實力防守。如有匪徒偷渡。務當立時截擊。毋令片帆北駛。儻該管官巡防不力。或因地界犬牙相錯。藉詞諉卸。致令賊船乘間搶渡。朕惟該督等是問。將此由六百里各諭令知之。○又諭寄諭正白旗滿洲都統前據該都統奏稱。已革署湖南岳州營參將阿克東阿之子恩榮呈報伊父殉難自盡。現

由揚州扶柩到京等語。本日楊以增奏阿克東阿在海州呈遞親供。就近自首。是該革員並未陣亡。前次恩榮所扶之柩。必須確查。係何情弊。現已傳旨派王明前往。著即傳集阿克東阿家屬。眼同開棺查驗。據實具奏。將此諭令知之。○署江蘇巡撫幫辦軍務許乃釗奏。張集馨家屬呈報丁憂。請簡放直隸布政使。得旨。許乃釗違例奏請。殊屬非是。著該部照上次李德案議處具奏。○以御前大臣僧

格林沁署正藍旗漢軍都統領侍衛內大臣德勒克色楞署正紅旗漢軍都統。○以催調江南艇船不力。總兵官和春李德麟下部議處。○丁卯

孝恭仁皇后忌辰遣官祭

景陵。○諭內閣。淳郡王奕諒遵旨回奏一摺。據稱。本月二十二日交班時。因聞奏事處傳旨詢問。趕緊進乾清門。未及與載華見面。載華接班時。亦未俟與奕諒面晤交替。淳郡王奕

諒貝子載華。雖未誤班。究屬不合。均著交宗人府議處。○又諭趙光奏。遵查礦山情形。開單呈覽各等語。所有宛平縣屬珠窩山等處。業經招商開採。及此外單開各屬。勘有礦苗處所。著直隸總督順天府按照該侍郎所擬分別試行開採。至各商呈報之遷安縣屬桑園山。房山縣屬礦硎坡。匣兒嶺。毘盧寺溝。懷來縣屬之閻家石盆。牛站窪等處。既據奏稱風水攸關。不應試採。即著嚴行封禁。○諭軍

機大臣等。寄諭倉場侍郎。戶部奏籌畫收放倉糧。請變通辦理一摺。所有本年王公及三品以上大員。應領秋季俸米。著照所請。於六月內先行支放。其六七兩月。應放八旗兵丁甲米。著於城外四倉內已收米石。先行儘數動支。現在抵通起運之米。著即全數運入城內七倉收儲。毋庸寄囤太平倉。其西中兩倉及城外各倉。應行轉運城內。一切變通辦理之處。著該侍郎等。迅速妥議。報部覈辦。原摺

著鈔給閱看。將此諭令知之。○又諭。據張芾奏。江路賊船阻梗。所有江南大營糧餉。請飭江蘇。浙江。就近接濟等語。江西至金陵一水直達。即粵東撥解餉銀。亦須由江西經過。是以令該省轉運。源源接濟。若遽議更張。恐於大營急需。致有貽誤。本日已諭令張芾。仍當設法妥籌。或繞道撥運。毋得藉詞諉卸。惟江面既有賊船上竄。設或竟有梗阻。一時供應不及。應於江浙兩省。何處擇要安設糧臺。不

可不豫為籌及。著該大臣等。即行咨商該督撫。迅籌妥辦。以濟軍需。至此股賊船。是否即係解散之眾。何以張芾即欲退守省垣。遽議添兵。現在大營正當攻勦喫緊之際。想未能分兵前往堵截。已令該撫與張亮基酌度辦理矣。又據順天府丞張錫庚奏。賊匪易於埽除。一摺。並鈔錄賊情呈覽。該逆到處搶掠焚燒。兇殘萬狀。尤為神人所共憤。著該大臣等。懍遵前旨。迅速進攻。剋期收復。毋再觀望。遷

延致干重戾。原摺片並鈔給閱看。將此由六百里諭知向榮。許乃釗。並傳諭彭玉雯知之。○又諭。寄諭兵部侍郎銜周天爵。據李嘉端奏。需餉甚急。請飭糧臺隨時應付等語。著該侍郎即飭令王夢齡。遇有李嘉端雙成玉山支領餉銀。即照數付給。以免遲誤。前有旨。准該侍郎扼守徐州。自必妥為布置。所有沿河要隘。務宜督飭嚴查。斷不可令賊匪偷渡。其宿遷糧臺。諒已飭令臧紆。青督帶練勇協同

官兵防守矣。將此由六百里諭令知之。○又諭訥爾經額奏派兵籌防。並請飭山西官兵毋庸改道等語。已諭知哈芬飛飭赴調。各官兵徑由平定州馳赴直隸矣。直隸防堵緊要。經該督先後調撥本省兵八千名。茲復添調督標及天津通永二鎮標兵二千名。為數亦不為少。該督既經出省。即著先就現到之兵酌量緩急。擇要屯劄。一面飛催後起官兵兼程赴防。如有應須出境援剿之處。即著相機策應。直隸與豫省河岸毗連之處。雖以東明長垣為最近。而彰衛各屬與大名廣平處處接壤。若豫省稍有疏虞。則直隸藩籬亦難自固。陸應穀現在赴援汴梁省城。恐未能顧及河北。該督既探聞河南考城祥符蘭儀各渡口並無一兵防守。即應趕緊知照陸應穀王履謙長臻等。迅將船隻收集北岸。仍飭所屬一體認真稽察。方為不分畛域。若必俟請旨轉飭已遲誤矣。本日有旨令花里雅遜布。

暫署河北鎮總兵。仍歸該督調遣。該督呼應既靈。該總兵亦責無旁貸。其彰德等府所屬凡在大河迤北者。均可一律布置。果能嚴扼河口。直省自可無虞。該督於應辦事宜。及應隨時知會鄰省情形。俱著迅速籌辦。無誤事機。將此由六百里諭令知之。○又諭本日據張芾奏稱。賊船蔽江。欲撲省城。請添派大兵援應一摺。昨據張亮基奏。賊船上駛沿途未聞殺掠。擬持示曉諭。分別良莠。是否將現辦

情形知會張芾。兩省勦撫未可兩歧。如果此股賊船半係前途解散難民。急宜安撫遣歸本籍。毋再驅而從賊。現在江西見多船上竄。頗覺驚惶。並有退守省城添兵防守之說。著該署督商同張芾。密加偵探。相機妥辦。為要。再已革湖南岳州營參將阿克東阿。昨因楊以增奏在海州呈遞親供自首與伊子恩榮前報扶柩到京情節不符。當有旨著正白旗都統開棺查驗。茲據該都統等眼同該革員

家屬開驗。棺內但有衣帽等物。是該革員實未殉難。兵丁李廷徵等之捏報陣亡情弊。顯然。著該督確切查訊具奏。並迅將岳州水師目兵李廷徵。並湖北中營目兵邱正清。一併押解來京。交刑部審辦。該旗原摺並鈔給閱看。將此由六百里諭令知之。○又諭李嘉端奏。安慶賊船自集賢關退回。經張印塘會同文武帶領兵勇乘夜進攻。賊眾紛紛登舟。全行竄逸。下游又有賊船數十隻。由蕪湖上竄。

現在催提粵兵雇募民勇。設法防守等語。軍中以偵探為先。所稱上竄賊船。是否係金陵解散難民。抑另有股匪在內。如係解散之賊。沿江覓食。該地方官見其船隻較多。驚惶逃散。必致入城搶掠。轉滋事端。昨據張亮基奏。先行持示曉諭。分別良莠。然後或加勦辦。或加撫綏。更易為力。該撫務宜多設偵探。查詢明確。斷不可賊至即驚。妄費兵力。轉驅解散之眾。又成賊黨也。安慶重遭蹂躪。勢難駐守。

自係實在情形。應如何擇要分兵扼守之處。著該撫斟酌辦理。至鳳亮一帶土匪尚多。仍宜嚴行緝捕。殲除淨盡。毋令勾結為患。另片奏需餉甚急。已有旨諭周天爵飭令王夢麟於徐州糧臺酌量支付。惟各路籌餉孔殷。該撫務當飭屬撙節動用。仍須設法勸捐。奏請鼓勵。若專恃官帑。恐後難為繼矣。將此由六百里諭令知之。○又諭張芾奏。江西兵勇不敷防勦。請飭各路大兵赴援一摺。並浙兵不能調回。大營糧餉請由江浙就近接濟等語。前據該撫奏稱。逆匪順風揚帆。未必即係回竄。江省九江鎮道稟請厚集兵勇。未能熟計全局。本日即奏稱。逆船乘風直上。欲撲省垣。究竟該匪船是否已至九江。曾否與官兵接仗。欲撲省垣之說。係憑何處探報。聲敘均未明晰。江忠源前奏亦祇稱賊船千餘隻。於初七日至彭澤縣。並無登岸搶掠。昨據張亮基等奏。賊船上竄。沿途各州縣未聞擄殺。擬委

員持示前往曉諭分別辦理諒已知會該撫
儻該逆實係心懷叵測則九江不能飛渡該
郡雖係蹂躪之餘亦當嚴飭該鎮道竭力守
禦並令江忠源相機堵剿何得遽為退守省
城之計至向榮攻勦江甯鎮江各城正在緊
要之際該撫欲令其統領重兵由陸路赴援
江西省城豈不慮金陵大股賊匪又將縱之
紛竄耶賊情變幻靡常即遇緊急亦不可驚
惶失措現在江西情形喫重該撫當與在籍

尚書陳孚恩悉心妥籌將本省各路防兵移
緩就急或就近咨商湖北撥兵接應且有江
忠源所帶勁勇可以擇要扼截其入湖要口
及吳城等處應如何防守惟當相機布置不
可徒事張皇所留浙江兵丁即著照議辦理
仍咨會浙江另籌調撥如此股賊船查係金
陵解散難民安慶既誤認真賊驚疑退避江
西又毫無偵探辦法遽棄九江不但自行擾
亂又將驅之從賊此中機宜不可不慎向榮

大營糧餉關係全軍支用仍著妥為接濟已
有旨令向榮與該撫籌商辦理矣將此由六
百里諭知張芾並諭令陳孚恩知之○兵部
議奏漕運千總季光斌營私革職照例不准
捐復得旨仍照雷以誠原請開復原官嗣後
如非特旨准者爾部即行議駁○大學士直
隸總督訥爾經額奏請飭山西官兵仍由平
定州入直得旨何不即行咨照免費周章○
江甯將軍托明阿等奏馳抵汴城賊匪敗竄

得旨並未與賊打仗賊已先竄斷非因畏兵
到而逃著趕緊進剿勿墮賊詭計勝者論功
挫者罰罪無別言可諭也○以戶部左侍郎
全慶署倉場侍郎○以直隸按察使恆福為
大理寺卿○以山東兗州鎮總兵官花里雅
遜布署河南河北鎮總兵官○命前任河東
河道總督文冲赴直隸軍營交總督訥爾經
額差遣委用○戊辰諭內閣托明阿善祥西
凌阿等奏馳抵汴城逆賊奔竄跟蹤追剿各

一摺該逆由睢州直撲汴城先被守城將士用礮轟擊殲斃多名復聞大兵將至即奔竄朱仙鎮及中牟縣地方現在托明阿善祿西凌阿等跟蹤追剿陸應穀經文岱計已由許州前進恩華勝保不日亦可帶兵抵汴會合攻剿該逆紛撲汴梁一經追剿即行逃竄此時大兵雲集不難迅速殲除該將軍等務當分路兜擒毋稍遲緩致令蔓延西凌阿係獲罪之員應如何感激思奮僅能勉力自效尚可稍贖前愆如仍不知奮勉朕必當執法從事決不姑貸懍之○諭軍機大臣等本日據

僧格林沁等奏請豫籌撫恤難民等語京師重地如有難民紛至人心必致驚惶自應隨時安撫俾不至流離失所而奸宄亦無從溷跡現在近京一帶辦理巡防先以安定民心為要務著直隸總督順天府府尹於近畿各府州縣及口外府廳州縣勸令官紳等量力捐輸米麥即在各處豫為儲積遇有難民逃

至隨時散給口糧或遣令回籍或擇地安插自不至庸集京師別生事端也將此諭令知之○又諭哈芬奏請設立糧臺等語山西現在籌辦防堵事宜著照所請准其於平陽府城安設糧臺所需經費即在本年地丁銀兩內動撥給發該撫惟當派委妥員搏節動用不得稍有浮冒另片請調員扼守要隘之處本日已諭令舒興阿等飭令延綏鎮總兵金萬全帶兵馳赴陝州一帶擇要設防矣將此

由四百里諭令知之○又諭本日據哈芬奏河南陝州靈寶等處為由豫赴山陝兩省大路黃河各渡在在毗連此二處如能得人帶兵鎮守則山陝可保無虞等語著舒興阿張祥河即派延綏鎮總兵金萬全酌帶精兵迅速前往陝州靈寶縣等處擇要堵截以杜賊匪紛竄之路將此由四百里諭令知之○山西巡撫哈芬奏請飭調官兵以資防禦得旨已有旨令汝酌量緩急准調綏遠城察哈爾

兩處官兵鄰省之綠營萬不能再行調撥○御前大臣僧格林沁等會議京城巡防章程十二條○查獲奸匪以軍法從事容留者同罪獲犯弁兵升賞○住戶鋪戶五家互保不得容留匪人○飭地方官驅逐倡賭○嚴緝私造火器火藥加等治罪○夜犯加重懲治○起更後不准售賣物件○嚴禁酗酒滋事○無賴之徒訛詐搶奪照棍徒律發遣○平人鬪毆加等科罪弁兵叅革○嚴禁米石出

城○士宦商民不得無故遷徙○謠言惑眾嚴拏治罪從之○以藉病回京前江蘇布政使聯英下部議處○己巳

上詣

大高殿行禮○諭內閣代理河南布政使沈兆澐按察使林揚祖奏知縣奮勇殺賊等語署祥符縣知縣何懷珍不避危險奮力殺賊洵不愧守土之官何懷珍著先行賞加同知銜仍著陸應穀督同沈兆澐等查明與守城出

力之文武員弁兵勇及紳民人等○併奏請獎勵候朕施恩其歸德等處失守各員著陸應穀等查明該員等如係畏賊退避以致失守城池著即一面奏聞一面以軍法從事逆匪紛竄本多裹脅烏合之眾該地方文武如果督率官兵紳民嬰城固守以待大兵何至遽爾失陷總由該員等畏死倖生先期逃避致令賊匪肆行無忌各省督撫大吏責任封疆遇有此等貽誤方員即當從嚴懲辦如意

存徇庇或巧為開脫經朕查知必將該督撫等從重治罪決不寬貸懍之○諭軍機大臣等寄諭河南巡撫陸應穀等沈兆澐林揚祖奏連日緹城殺賊現已西竄等情一摺自本月十六日以後賊分兩股一向西北一向西南經沈兆澐等選派兵勇分路截殺先後擒斃不少並生擒賊目偽官數名奪獲器械多件該紳民兵勇等奮勉出力甚屬可嘉著即隨時查明據實保奏候朕施恩惟訊據生擒

之賊供稱自揚州逃出。不過千人。沿路裹脅。至汴梁約萬餘人。隨裹隨散。現贖五六千人。到處號稱數萬。及一二十萬。恐嚇鄉愚。到汴後。因懼城上大礮。不敢逼近。分赴朱仙鎮屯住。擬分路裹得人多。再來圍攻。各等情。是賊匪為數並不甚多。即所稱現贖五六千人。亦多係裹脅之眾。若能乘此奔竄未定之時。各路官兵迅速併力追剿。使賊無暇喘息。定可一鼓殲除。若但憑傳聞虛喝之詞。驚惶無措。

守土文武聞警先避。而封疆大吏一戰兵潰之後。退居遠地。毫無策應。任賊從容裹脅。或竄山陝。或渡河擾及近畿。遷延貽誤。自問當得何罪。中牟偪臨黃河。為北來要道。若北竄懷衛一帶。則蔓延更不可問。朱仙鎮為該省繁庶之區。人煙輻輳。若賊搶掠飽颺。其勢又將復振。該撫為守土大吏。地方被賊蹂躪至此。若不及早剿滅。稍贖前愆。不惟無以對朕。又何以對中州數萬生靈耶。托明阿。西凌阿。

等均已到汴。經文岱亦自許州啟程前進。該撫續調之兵。現到若干。著即督率將弁。探明賊蹤。與托明阿等會商。分路兜剿。或迎擊於前。或追剿於後。或設伏旁抄。使賊進無所掠。退無所據。自不難聚而殲旃。仍當嚴飭沿河州縣。將船隻收盡。嚴密巡防。絕其渡黃之路。並通行各屬曉諭紳民。實力團練。互相保衛。一遇賊匪竄至。即行合力擒殺。勿任遠逸。沈兆澐。林揚祖等。仍須督率城內文武兵勇紳民。固守嚴防。毋因擊賊屢勝。稍涉大意。將此由六百里諭令知之。○又諭。本日據沈兆澐等奏。汴梁城外賊匪。現已西竄等語。前已疊降諭旨。令舒興阿等於山陝與河南交界地方。派員擇要堵截。諒已遵照辦理矣。此股賊匪。本屬烏合之眾。如地方各官。皆如署祥符縣知縣何懷珍。督率役勇。緹城而下。赴鄉殺賊。何至該匪肆行無忌。若如歸德等處文武。一聞有警。闕然退避。即有援兵。亦何能及。陝。

山西與河南毗連要隘關津必須嚴密防守。所有扼要之州縣各官務即揀選才能出眾素為百姓愛戴之員酌量調派其不得力之員即行甄汰免致貽誤並曉諭紳士商民實力團練盤緝奸細並嚴防黃河口岸將船隻概行收藏萬不可任賊偷渡稍有疏虞將此由六百里各諭令知之。○命廣州副都統松玉已革南贛鎮總兵官德坤赴直隸軍營交總督訥爾經額差遣委用。○庚午

上詣

壽康宮問

皇貴太妃安。○諭內閣。博郡王奕諒貝子載華均著照宗人府議各罰職任俸半年。准其抵銷。此後值班之王公大臣凡遇交班時務須見面接替以符定制。○以理藩院左侍郎綿森署戶部左侍郎兼管三庫事。○以理藩院右侍郎培成署正藍旗護軍統領。○以浙江臨安縣鄉民圖減錢糧聚眾滋事革知縣陳

鍾彥典史徐桂詵職。○辛未諭軍機大臣等。周天爵奏經奏扼要設防一摺。徐州重地自宜扼要設防。經該侍郎等會勘徐州上游十八里屯減水牆與北岸蘇家山頭斜對。可以劄營並豫備架礮大船三十隻草船一百隻分貼兩岸埋伏復啟放牆水以截南竄之賊。宿州亦經酌量布置著即妥速辦理一遇南來賊匪即督飭水陸兵勇截擊毋令竄逸如擾豫之賊沿河下竄亦著就近截剿。奕經所

帶之兵四百餘名准其留於徐州會同周天爵體察情形相機防剿並嚴防土匪勾結。儻有疏虞惟周天爵奏經是問。將此由六百里各諭令知之。○又諭據舒興阿等奏設防情形一摺。現在逆賊自開封敗後退至朱仙鎮中牟縣等處難保不窺伺陝西該督已豫派官兵調提鎮大員統帶即著飛飭趕緊前進扼要設防另片奏俟調到官兵即行派員酌帶二千名赴豫迎剿。此時諒已陸續趕到著

舒興阿仍遵前旨。飭令帶兵將弁。確探賊蹤。出其不意。迅速馳剿。該督仍須於陝豫交界扼要地方。駐劄調度。如河北衛懷一帶。有警亦即出關攔擊。毋誤事機。仍隨時知照山西巡撫一體嚴防。儻賊匪竄近山西交界。並著不分畛域。協力兜擒。其本省應防要隘。及黃河上游口岸。即會同舒倫保張祥河。飭令帶兵員弁。及地方官認真嚴查。萬不可稍有疏失。將此由六百里各諭令知之。○又諭寄諭

陝甘總督舒興阿。署四川總督裕瑞。山西巡撫哈芬。陝西巡撫張祥河。徐澤醇奏。賊氛未靖。宜豫防山陝四川等省。請飭捐貲練勇等語。該逆現在分竄河南。計日大兵雲集。不難迅速殲除。惟山陝四川等省。尚稱完善之區。自應設備豫防。以消後患。著該督撫等體察情形。各飭所屬勸諭紳民。認真團練。俾知為保衛身家起見。無事則足以壯聲威。有事亦可以資攻剿。其所需經費。即由各該處公正

紳耆設法籌辦。無論富者出貲。貧者出力。事竣後俱准覈實保奏。候朕施恩。至應如何妥議章程。俾無擾累之處。各該督撫等。惟當慎選廉明牧令。會同辦理團練紳耆。專司其事。總期官民聯為一氣。庶足以禦外侮而備不虞。儻委用非人。或以勸捐為名。自肥囊橐。或假胥吏之手。致啟侵漁。是以善舉轉成弊政也。該督撫其詳慎行之。以副朕意。將此由五百里各諭令知之。○又諭本日據許乃普奏。

賊蹤逼近地方。請將監獄重犯。先行正法等語。逆匪竄擾地方。開獄縱囚。勾結死黨。是其慣技。是先決重囚。亦豫除逆黨之一策。著陸應穀督同臬司查明距賊較近各府州縣。在監入犯。如實係強搶重犯。及火器殺人在獄待決者。即著酌量緩急。一面奏聞。一面先行正法。毋涉拘泥。其案犯較輕。罪不至死者。應如何妥為設法。密加防範之處。亦著嚴飭各屬妥速籌辦。以免勾結。將此由五百里諭令

知之○又諭徐澤醇奏廣籌經費請飭各直省將社倉穀石分成提解或充軍餉或變價備撥並借用濟倉之糧為本省防堵之用等語著各該督撫按照摺內所陳各就地方體察情形斟酌妥辦原摺著鈔給閱看將此各諭令知之○兵部侍郎銜周天爵奏陳折回徐州原委得旨軍營必有探報何得信若是之遲可見偵探不實著著落後○陝甘總督舒興阿奏遵籌變通新疆兵制得旨著迅速

妥商議奏總期有裨國用而收實效不可豫存成見也○壬申諭內閣禁門重地理宜整齊嚴肅若值班人等任意玩懈何以嚴稽察而肅觀瞻據給事中吳廷溥奏本月二十六日○天安門值班僅一二人甚至袒衣倒卧似此疏懈實屬有違體制著該管大臣等隨時嚴查值班官兵人等嗣後如有不遵定制仍前玩誤者即著嚴叅懲辦毋稍姑容○又諭工部奏請飭催直隸山東應解硝斤一摺硝

斤為軍火要需前經該部先後行文直隸山東辦解淨硝各四批迄今限期已逾尚未解到實屬任意遲延著訥爾經額李德迅飭該省辦解之員將應解硝斤趕緊如數辦齊於六月內飛解到部儻再遲誤即將承辦不力之員嚴行叅處以儆玩延○又諭張亮基等奏遵查道員防禦賊匪情形等語上年賊竄岳州荆宜施道文輝查無退離防所情事惟奉委防堵未能阻賊下竄雖因兵力單薄咎

亦難辭文輝著交部議處其荆宜施道員缺既據該署督等奏稱無員可委著准其仍以蔣徵蒲暫行署理○諭軍機大臣等寄諭欽差大臣向榮幫辦軍務許乃釗據張芾奏賊蹤逼近江省已調回湖北臬司江忠源至省協防並請飭向榮添兵赴援等語此股賊船沿途有無搶掠其竄至彭澤是否與官兵接仗均未據該撫詳細聲敘前降旨令查明向繼雄追賊退入九江一節尚未據該大臣覆

奏張亮基前奏。又有刊刻告示。委員持往各船散遣之說。究竟此股賊船。是否均係真賊。意在直撲南昌。牽掣江南大軍。據張芾疊次奏報。情形緊急。著該大臣確探賊情。酌量撥兵援應。如實係遣散匪黨。應如何設法彈壓解散。亦即飛咨張亮基與張芾妥籌辦理。金陵鎮江兩城。日久尚未克復。而賊船紛紛上竄。致令鄰省告警。請兵勢將掣動大局。不知該大臣等現在如何籌畫。紓朕南顧之憂耶。

前有旨。令瞿騰龍帶兵赴山東河南一帶。此時諒已啟程。著即催令北上。毋稍遲誤。將此由六百里加緊諭令知之。○又諭陸應穀奏。省城解圍。派兵會剿一摺。據稱逆賊由中牟鄭州竄至汜水。該處文武紳民。先將要路挑斷。該逆奔往山內村莊搶掠。刻下西竄無路。恐由密縣紛竄。該撫咨令托明阿善祿由中牟鄭州進剿。並令經文岱柏山由新鄭趕赴密縣堵截等語。逆匪紛撲汴城。雖被擊敗。而

夥黨紛竄。沿途裹脅。若不趕緊追剿。致令肆行搶掠。更恐滋蔓難圖。現在托明阿善祿西凌阿等先後督兵抵汴。疊經嚴諭併力剿賊。何以未據續報與賊接仗情形。陸應穀係封疆大吏。若不及早將逆匪撲滅。但株守省垣。以剿匪委之客兵。儻有疏虞。豈能置該撫於不問。陸應穀著仍遵前旨。督兵出省。乘該匪喘息未定。會同托明阿善祿西凌阿經文岱柏山等迅速進剿。總須探明賊蹤。專力攻擊。

令其無暇搶掠。則被脅之眾日散。賊勢益孤。自可一鼓殲滅。若徒分兵於遠處堵截。賊來不擊。賊去不追。又蹈從前覆轍。統兵大員。及該撫豈能當此重罪耶。近來軍營惡習。病在遲緩。以致屢失事機。若此股賊匪。河南不能撲滅。又令竄擾鄰省。朕惟知執法從事。決不姑寬。省垣防守。仍責成沈兆霽林揚祖督同所屬。勸諭紳民。嚴密巡查。不可稍有疏懈。其近賊各州縣。即飭令該地方官與紳民人等。

一律嚴防。查拏奸細、僮賊、匪竄至。即行合力擒殺。毋留餘孽。前已疊降諭旨。令舒興阿派員出關援應。該撫仍宜隨時知照。山陝兩省一體防範。勿稍疏虞。本日光祿寺少卿黃兆麟奏守城事宜十二條。可否仿照辦理。著採擇施行。原摺鈔給閱看。將此由六百里加緊各諭令知之。○又諭據張芾奏賊入江境。江忠源帶勇赴省守禦。並江忠源奏兼程進省各一摺。此項船隻自停泊彭澤。已將旬日。該

臬司駐劄九江府城。相距咫尺。自必確有見聞。此次奏報情形。僅有賊船已入湖口一語。究竟賊船於何時入湖。沿江一帶。有無失事。九江是否安堵。船上人等。曾否抗拒官兵。搶掠地方。該臬司及張芾摺內。均未詳細聲敘。朕心實深懸繫。如果此項船隻實係逆匪分股。自應亟籌勦滅。但恐其中多係難民。下游既已免死遣散。而該省復加以截擊。豈不激成事端。又勞兵力。轉使賊中被脅之人。聞風

生畏。從逆愈堅。且即以真賊而論。連踪千計。人數眾多。亦豈株守南昌。所能了事。該撫等務當偵探明確。統籌全局。毋誤事機。張芾另片所奏。拏獲奸細。是否即係船上之人。抑或從別路潛來。何以竟敢彰明較著。來往河干。至四十餘名之多。其所帶前營左營字樣布袋及偽號封條。亦難保非遣散後。未暇燬棄之物。該撫既經訊明臬斬。即亦毋庸深究。其實係船戶良民。自當迅速審明釋放。不可再

令久羈。張亮基前奏辦理情形。甚合機宜。該撫仍當趕緊會商。分別應勦及應行遣散之處。妥籌速辦。一面會同陳孚恩。督同江忠源嚴密布置。固不可自相擾亂。徒事驚惶。亦不可恃為無虞。稍存大意。向榮軍營官兵。能否抽撥。尚難豫定。本日已諭令酌量調派。即著該撫飛咨商辦。另片所請革員清保。音德布。德保。李崇勳。李輔等。均著准其暫留該省。戴罪自效。其應得罪名。仍著定擬具奏。本日又

據光祿寺少卿黃兆麟陳奏守城事宜十二條。據稱皆係湖南守城之法。是否可以仿照辦理。酌量採擇施行。原摺著鈔給閱看。將此由六百里加緊諭令張芾並諭知陳孚恩傳諭江忠源知之。○工部奏製造各項礮車。請派大臣承修得旨。各旗應修礮車。是何等緊要事。乃爾部仍行照例緩辦。不過聽司官之言。何事應奏。則唯唯是聽。要如是堂官何為也。嗣後遇有此等事。著將原咨奏准之日俱

詳細註明。勿稍含混。○以湖南團總拏獲逆首周惲。愚賞監生李英等藍翎。○以江西拏獲奸細出力。予升任知府鄧仁堃等升敘有差。○以江廣土匪竄陷湖南桂東縣城。革知縣范鑫。千總吳延雄職。○賞南苑察哈爾官兵。每日銀兩有差。○癸酉諭軍機大臣等。訥爾經額奏。現飭河北正定各總兵分路防剿。杜賊北竄一摺。前撲汴梁賊匪。現由鄭州汜水一帶奔竄。其河北之彰德懷慶衛輝等府

及延津一帶柳園等口。最為喫緊。據該督奏稱。已飭署河北鎮總兵花里雅遜布督同宣化遊擊穆隆阿帶兵五百名。由長垣前赴延津渡口一帶。扼要巡防。又派署正定鎮總兵雙祿督同都司劉承翼帶兵五百名。由磁州前赴安陽以南黃河北岸。會合堵剿。其大名長垣一帶。已飭該鎮總兵董占元駐劄嚴防。自應如此辦理。著即嚴飭帶兵各員。分段扼要實力巡防。遇有賊匪偷渡。或大股竄來。即

行迎頭攻剿。不准一賊北渡。儻逆匪因有黃河阻隔。雖未能一時搶渡。而盤踞黃河南岸。逼近滋擾。著即飭令該總兵等帶兵於上下游。繞渡南岸。出其不意。痛加剿洗。不得株守河干。轉將有用之兵。置之無用。直隸河南。雖係兩省。當此軍務緊急之際。斷不可稍分畛域。致誤事機。無論大河南北。有應行調度籌辦之處。訥爾經額儘可隨時酌辦。豫省既固。直省自安。此理易明。不待朕諄諄告誡也。本

月十九日。曾降旨調盛京步隊兵四千名。吉林馬隊兵二千名。馳赴天津聽調。原因彼處人心浮動。藉資彈壓。惟現在軍情。是否必須重兵駐守津門。抑或應調撥他處。擇要屯紮。以備策應。著訥爾經額悉心體察。迅速具奏。不必因有前旨。稍事拘泥。如酌定駐兵處所。即一面知照盛京吉林各將軍。並飭地方官妥為豫備。勿致臨時周章。將此由六百里諭令知之。○又諭。少詹事王履謙奏。探聞賊匪

由洛河搶船。意欲北渡。現籌防禦一摺。覽奏殊深焦灼。據稱汜水縣有東來賊匪數千人。闖入縣城。無船北渡。又西往鞏縣一帶搶奪。洛河船隻。意圖由洛入黃北竄。溫孟二口。旦夕可危。柳園等口。亦須籌防。長臻尚未到工。北岸別無駐守大員。兵力單虛。恐難抵禦等語。黃河南北兩岸。最關緊要。屢次諭令該河督實力巡防。何以至今尚在濟甯。殊屬不知緩急。長臻身任河督。防守河岸。是其專責。儻

任賊乘間偷渡。自問當得何罪。陸應穀馳回汴梁。已令其帶兵出省剿賊。正在喫緊之時。王履謙長臻察看情形。緩急應如何就近調派。即行相機辦理。本日已有旨。令訥爾經額飭令帶兵大員。趕赴黃河北岸。扼要堵剿。即著長臻督帶河標官兵。探明賊蹤。嚴密堵截。並隨時知照河南各路統兵大員。迅速追剿。及直隸帶兵鎮將。一體嚴防。萬不可稍有疏虞。將此由六百里各諭令知之。○又諭。昨據

陸應穀奏。攻撲汴梁之賊。由中牟鄭州竄至汜水。亟須援應。以保洛陽並衛山陝等語。逆匪分股竄入豫省。屢次諭令舒興阿等嚴防陝豫交界。並諭該督統兵進剿。現在匪黨紛紛逃逸。奔突靡定。陝西與河南毗連地方。情形十分喫緊。著舒興阿嚴催所調各兵。迅速趲行。無論何路兵丁先到。即派得力將領管帶前進。偵探賊蹤。迎頭截擊。或設伏旁抄。斷其歸路。該督亦即察看情形。出關督剿。近來

軍營惡習。病在遲緩。失機。此股賊匪。若不及早殲除。致令裹脅蔓延。又蹈從前覆轍。僅渡河北竄。擾及畿輔。勦辦更難得力。本日已諭令訥爾經額。遴委總兵大員。帶兵渡河。痛加勦洗。不得稍分畛域。舒興阿督兵出境。不特為山陝屏障。即河南地方文武。有可以就近調遣之處。亦當統籌全局。一面奏聞。一面相機辦理。總期激勵將士。奮勇攻擊。迅殄賊氛。勿留遺孽。現在托明阿。善祿。西凌阿。經文岱。

奉
上
諭

事

十

等。均由汴省分兵追剿。該督即飭令鎮將合力兜擊。毋稍延緩。其陝豫交界要隘各處。仍須與舒倫保。張祥河等嚴密籌防。斷不可稍涉大意。該督片奏。請將總督關防。帶往軍營鈐用。著照所請行。易崇現署陝甘總督。即仍用甘肅藩司印信可也。將此由六百里諭令知之。○御前大臣僧格林沁奏。巡防京師。請派旗營嚴行巡查。得旨。所籌甚屬周妥。著照所奏。五日內一律添派。○欽差大臣湖北提

督向榮奏。飭瞿騰龍帶兵會剿北竄賊匪。並自請治罪。得旨。汝所請治罪。亦係汝之取巧故智。勿謂朕不能看出。續有廷寄內。硃諭。皆是誅心之論。不知汝知警否。總之若能迅克金陵。則汝功最大。前罪都無。若仍喫緊時巧為嘗試。則汝之罪難寬。朕必殺汝。懍之又奏。丹陽紳董擊沈賊船。並擒獲逆書。批該逆詭計多端。不可不防。丹陽紳董奮勇可嘉。○以內閣學士載堪署正藍旗護軍統領。○改鑄

奉
上
諭

事

江甯布政使。江甯府知府。上元縣。江甯縣知縣印信。江安糧道關防。從兩江總督怡良等請也。○賞南苑察哈爾官兵。每月米石。○賞江甯駐防官兵。每月口糧有差。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十五

實錄卷之九十五

東

清 實 錄 咸豐三年六月上

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十六

牧修

咸豐三年癸丑六月甲戌朔

上御乾清門聽政○諭內閣戶部奏截卸漕糧
例外浮銷請飭查繳一摺南糧截卸北倉歷
年辦有成案豈容任意浮銷致多冒濫茲據
該部查明本年倉場奏借長蘆運庫銀六萬
兩辦運北倉糧石所開款目多有牽混浮濫
之處著倉場侍郎嚴飭坐糧廳按例覈實報
銷其多借銀二萬四千兩除抵撥銀二萬兩
外尚餘銀四千兩迅即解部毋稍延緩並著
該侍郎查明咸豐元年經手辦運北倉漕糧

三四九

例外多銷銀兩。於各該員名下勒限還繳。以清庫款。而昭覈實。○又諭。刑部奏。審擬已革提督失守罪名一摺。已革丁憂湖南提督余萬清。係奏留幫辦防堵之員。與現任專城者不同。且帶兵僅二百名。亦與坐擁重兵。遇賊先逃者有間。惟既赴道州防堵。輒因兵力過單。出城堵截。以致被賊衝突。失陷州城。究屬守禦不力。仍應按律問擬。余萬清著照部議定。為斬監候。秋後處決。○理藩院尚書恩華奏。催兵馳赴河南。得旨。著咨行李德。令該撫迅速督解。李德向無外官習氣。相商必妥。○以太常寺少卿王茂蔭為太僕寺卿。調江南狼山鎮總兵官吳元猷。為廣東瓊州鎮總兵官。以廣東崖州協副將泊承陞。為江南狼山鎮總兵官。○乙亥。諭內閣。吳文鎔奏。請將約束不嚴之帶兵官。革職審辦一摺。雲南署昭通鎮遊擊升補鶴麗鎮中軍遊擊色欽額。由湖南長沙縣統帶官兵。回滇歸伍。行抵辰

谿縣地方。於船戶捐索水腳。兵丁至縣署逞兇傷差。並不親往彈壓。難保無縱容滋擾情弊。色欽額著先行革職。交湖南巡撫提同兵丁差役船戶人等。嚴訊確情。按律懲辦。以肅戎行。○又諭。托明阿。西凌阿。善祿奏。追剿獲勝一摺。該逆自汴梁西竄。經托明阿。西凌阿。先督馬隊。跟蹤進剿。沿途疊有新擒。於二十五日。迨至汜水縣城。分兵三路進攻。善祿亦督催步隊趕到。從後會剿。該逆敗匿縣西北土山大溝。迨後。勢已窮蹙。亟應迅速殲除。絕其搶船偷渡之路。著托明阿等。分督官兵。趕緊剿擊。毋令占踞河干。現在恩華已帶兵前進。慧成循黃河北岸截剿。勝保亦將抵汴梁。陸應穀即日帶兵出省。並派令經文岱。柏山。帶兵追剿。即著各路統兵大臣。四路兜圍。分投截擊。諒此股匪。不難悉數埽除也。○又諭。前據王懿德奏。會匪滋事。漳州鎮道被戕。及延平府屬之永安沙縣。先後被擾。當經降旨。

令將失事情形。查明具奏。並飭調撥兵勇。激勵紳民。迅速勦辦。茲據奏稱。四月初十日夜。突有會匪數千。攻撲漳州。復於城內潛伏。縱火。以致府城失陷。該署鎮曹三祝。該道文秀。罵賊不屈。同時遇害。旋於十二日午刻。經近城鄉民。及在城紳士。密相邀約。會合遊擊饒廷選所帶官兵。奮勇追擊。殺斃賊匪千餘名。生擒賊匪謝厚。偽軍師陳金斗。並匪黨數百名。即行正法。餘匪逃竄。府城收復。又延平

府城。於四月二十九日。亦有賊匪率眾攻撲。經署副將李壽春。護道胡應泰等。先後擊斃二百數十名。又大田德化兩縣。均有匪徒闖入肆搶。經大田紳士。雇勇聯鄉。殺斃賊首黃有。及匪黨數百名。永春州官紳。擒獲偽軍師林仁德等二名。當即正法。又另股匪首林俊。竄入永春州城。經署遊擊恩霽。守備歐陽斌等。與在城官紳。併力勦殺。斃賊一百餘名。奪獲器械無數。生擒首逆林俊之兄林倫。及夥

黨十五名。即時正法。賊匪紛竄。當將州城克復等語。此項會匪土匪。本係烏合之徒。總由地方文武守禦無方。以致賊至。即將該省士民深明大義。協力勦擒。克復城池。實屬忠義。可嘉。即著該督先行傳旨獎勵。並查明出力人員。據實保奏。一面仍遵前旨。剴切曉諭。乘此勦辦得力之時。認真團練。自相保衛。協助官兵。並嚴飭帶兵及地方文武。合力兜拏。迅將首逆纖擒。脅從解散。以期一律肅清。毋留

餘孽。至廈門匪徒。經提督施得高。調集兵船追擊。擒斃多名。該署督並飭漳州鎮總兵郭仁布。鹽法道瑞璜等。定期水陸並進。著將攻勦情形。迅速具奏。諭軍機大臣等。王懿德奏。漳州失守。鎮道被戕。旋即克復。並永春被陷。旋亦收復。各摺片。該匪疊陷城池。殊堪痛恨。漳郡克復。是否因該道之子恩志。殺賊復讎。該處紳民。激於公憤。不邀而集。抑實由海澄縣知縣汪世清等。出城邀結紳民。密圖克

復著該署督確查具奏至於鄉民之出力紳士之內應具見民心忠義守禦堪資該署督諭令團練並示以殺賊立功從優奏獎自應如此辦理現在江西用兵徵調已多福建僻在一隅鄰省兵力亦俱不足不如教勵紳民自相保衛較為切近而易圖况聞該省民情甚為可用果能眾志成城可助兵力之不逮前調廣東兵二三千名浙江兵二千名本日已催令該督撫星速調撥來閩應援至江西

現在設防緊急未能再行調撥所需餉銀准其將解往貴州兵糧銀四萬兩一併截留備用該署督又請飭部撥銀三十萬兩已令戶部速議具奏矣將此由六百里加緊諭令知之○又諭前因福建會匪滋事當經諭令黃宗漢酌調官兵相機赴援本日又據王懿德奏稱延平大田等府縣續有匪徒竄擾請速催前調官兵協同防剿浙閩唇齒相依衢州與延建毗連撥兵進剿較為便捷現當閩省

待援緊急之時著該撫接奉此旨後迅即於衢州等鎮屬挑選精兵二千名配帶軍裝器械速委得力員弁星速管帶前往以資攻剿毋稍遷延仍當加意防守本境勿令匪蹤闌入將此由六百里加緊諭令知之○又諭前因福建會匪滋事諭令葉名琛等於惠潮各鎮協內抽調精兵二三千名派員管帶就近赴閩協剿並諭迅飭佛岡同知吳均前登海鮑浦司巡檢現在寄籍廣東之章坤帶領得

力兵裹馳往剿辦諒已遵旨辦理茲據王懿德奏閩省待援緊急請催調官兵會剿著葉名琛等迅即挑選精兵二三千名揀派得力員弁星速管帶前進並飭令吳均章坤二員一併帶勇迅速赴閩會合剿洗毋得稍有延誤更滋蔓延將此由六百里加緊諭令知之○又諭前據訥爾經額奏豫省賊匪敗散已飭河北正定各總兵分路防剿當諭令該督妥為調度毋誤事機本日據托明阿等及陸

應穀奏稱賊黨分竄搶船偷渡請派兵迎勦各等語該逆自汴梁敗散後由滎陽竄往汜水搶船偷渡亟應嚴密堵勦以固畿疆著訥爾經額迅即嚴飭帶兵各員於要隘處所確切偵探一遇北來之賊即行迎頭截擊遇其竄路值此軍情緊急之際不可心存畛域有誤事機該督惟當懍遵疊奉諭旨隨時調度籌辦萬勿稍涉大意致有疏虞將此由六百里諭令知之○又諭本日據托明阿陸應穀

等先後具奏賊匪搶船偷渡當有旨令訥爾經額哈芬派員迎勦頃據王履謙奏賊匪渡河於五月二十六日溫縣失守覽奏憤懣之至該縣距懷郡僅四十里直隸山西俱與毗連著訥爾經額即選派得力將弁飭令星馳前往迎頭截擊該督亦應相機進勦勿示賊以弱俾該逆大受懲創方好並著哈芬派委大員酌帶兵勇馳往會勦此股渡河賊匪原非大隊果能迅速堵禦無難一鼓殲除然不

可稍存輕易之心現已有旨令恩華兼程前進惟該尚書所帶之兵需用馬匹如尚未能解到即著訥爾經額於直隸營馬內抽撥迅速解往以利遄行毋稍遲誤將此由六百里加緊各諭令知之○又諭據托明阿奏賊竄汜水追勦獲勝情形並陸應穀奏賊匪偷渡黃河北岸已過汜水竄擾鞏縣等語該匪在鞏縣趙莊等處搶船行駛或北竄懷衛或順流直下均未可定若任其奔竄則直隸山東

山西陝西各省皆有蔓延之患恩華由濟甯進兵所需車輛諒已陸續齊備慧成循黃河北岸而行均與賊蹤相近即著探明賊勢與托明阿陸應穀等協力會勦勝保計日可抵汴城並著跟蹤追躡何路緊急即往何路攻勦無論河南河北恩華慧成勝保等總須極力兜圍不難殲除淨盡現已命花里雅遜布署理河北鎮與長臻同防河岸山東有李德瑞昌帶兵守禦陝西山西亦命該督撫派兵

出境於交界處所不分畛域偵探勦捕聞此股賊匪多半脅從並非大隊經各路重兵圍合斷不能西入山陝北至山東直隸恩華等務當趁此兵力迅速前進早殄妖氛以固北地藩籬朕不勝盼望將此由六百里加緊各諭令知之○又諭前因王履謙奏探聞賊匪由洛河搶船意欲北渡降旨令該河督等察看情形相機防勦矣本日據托明阿等奏賊匪在汜水縣搶船渡河長臻身任河督防河

是其專責賊匪一渡北岸則直隸山西山東陝西等省隨處皆可肆擾幾於防不勝防著會同王履謙實力巡查儻有賊蹤該河督即帶兵協同各路統兵大員跟蹤追勦不可稍有疏虞至托明阿所奏乘船東下及竄往北岸之賊諒亦無多著該河督速派弁兵搜查撲滅勿令蔓延勾結將此由六百里加緊各諭令知之○又諭本日據托明阿等奏賊由汜水鞏縣搶船偷渡已諭恩華等探明賊蹤

何路緊急即往何路攻勦頃復據王履謙奏賊由洛河搶船渡過北岸溫縣失守等語賊匪渡河直隸山陝隨處震動各路援兵惟該尚書相距最近著即不分晝夜飛速前進即使餉帳未齊馬匹未到亦須一面飛催一面啟程萬不可片刻耽延此時賊匪初過黃河勢尚不大乘此撲滅當易得手若稍有遲延事勢將不可問恩華身係宗室在內廷多年必能知朕心之憤急勇往向前也直隸山西

等省已有旨催令各派精兵飛速赴勦並諭令訥爾經額先將直隸營馬抽撥解赴該尚書軍營備用矣將此由六百里加緊諭令知之○又諭本日據托明阿等奏追勦渡河賊匪並陸應穀奏探聞逆賊偷渡黃河請派兵防勦各摺片賊眾奔突靡定一經逾河而北則山陝等省隨處皆形喫緊昨諭舒興阿察看情形出關督勦著該督迅即嚴催所調各官兵探明賊蹤迎頭截擊其陝豫交界要隘

即著舒倫保張祥河嚴密籌防勿涉大意至山東山西與河南毗連處所著李德哈芬嚴飭鎮將帶領得力兵勇分赴各要隘相機堵截勿令闖入蔓延當此軍情緊急之際該將軍督撫惟當不分畛域合力兜擒以期一鼓殲除毋稍延緩將此由六百里加緊諭令知之○又諭托明阿等奏追剿獲勝並陸應穀奏探聞賊匪偷渡黃河各一摺據稱賊匪被勒紛竄間有乘船東下及竄往北岸者汜水

縣西北河岸復有大小船筏百餘隻一時難以殲除並有賊在鞏縣趙莊等處搶船駛行之事是該逆潛蓄詭謀必欲渡黃已無疑義恐該將軍等一時未能勒除淨盡已分諭恩華慧成勝保等迅速赴援並據陸應穀奏稱先派經文岱柏山帶兵無論黃河南北跟蹤追剿該撫亦即日帶兵出省督剿該將軍等務當不分南北併力攻圍將賊匪悉數殲擒勿留遺孽其經文岱柏山所帶官兵即著飛

催夾擊毋稍遲延將此由六百里加緊諭令知之○又諭陸應穀奏探聞賊匪偷渡河北竄擾鞏縣並托明阿等奏連日獲勝賊竄汜水西北土山各等語賊匪由開封西竄節經降旨令陸應穀出省督剿現在該匪竄至汜水意圖北渡所有與豫接壤之直隸山東山西陝西等省急宜扼要設防已有旨令該督撫嚴密防堵並督兵協剿復諭令長臻等嚴防渡口恩華慧成勝保三路官兵兼程前進

矣該匪經托明阿等殲獲甚多勢已挫衄果能合力夾攻不難迅就撲滅該撫令經文岱柏山帶兵追剿該撫亦即日出省計各路官兵已不為少若盡力北驅則河南肅清問該撫是何居心總當併力追擒殲除淨盡勿令偷渡黃河或往南逐剿亦可萬萬以固北省藩籬為至要陸應穀斷不可被紳民留住仍在省城著先其所急統兵剿賊據托明阿等奏沿途州縣多係先期遷徙城垣一空以致

任賊竄掠並無嬰城固守者似此情形殊堪髮指。著陸應穀迅即查明如有先期逃避及賊至即行潰散者著即一面奏聞一面正法庶足以作士氣而飭戎行。將此由六百里加緊諭令知之。○署閩浙總督王懿德奏設立軍需總局得旨。摺節辦理。○命福州將軍有鳳兼署閩浙總督。杭州副都統巴彥岱署將軍。○以福建閩安協副將鍾寶三為金門鎮總兵官。兩廣督標中軍副將慶寅為福建甯鎮總兵官。○廣西左江鎮總兵官周鳳岐因病休致。以貴州永安協副將色克精阿為廣西左江鎮總兵官。○予福建漳州殉難總兵官曹三祝道員文秀祭葬世職。廈門陣亡守備鄭振纓祭葬世職如遊擊例。○丙子

上詣

壽康宮。問

皇貴太妃安。○諭內閣。本月初九日。著王公百官。在乾清宮行禮。照圓明園正大光明殿例。

豫備有無應行酌改之處。著御前大臣會同該衙門查明舊例議奏。又諭毓書奏請將隨員留辦礦務等語。甘肅涼莊理事通判穆翰熟悉熱河地方情形。現在隨同該道總辦礦務。著准其留於熱河。遇有口外州縣缺出酌量補用。其涼莊理事通判原缺著該部照例辦理。○又諭陳啟邁奏清江局員支款與例不符。現飭造冊登覆等語。陳啟邁奉命總理徐州糧臺。准揚防堵經費。自應歸其稽覈何以清江分局支發各款屢經飭查。延不登覆。迨經該藩司親向查詢。始據開報。而雜用名目又多與例不符。似此冒濫含混殊屬不成事體。著陳啟邁即將飭造各冊逐款細覈查明浮支之員。據實嚴參。勒令著賠。儻該局員等藉端推諉致有貽誤。亦著一併嚴參。毋稍徇隱。○又諭華山奏奏兵丁奪取驛站羸馬車輛。請將帶兵官分別議處一摺。此次察哈爾二起官兵行至昌平州地方擅敢奪取

羸馬車輛。實屬目無法紀。前鋒諾爾津扎普。護軍阿玉什。親軍依什旺扎勒。護軍班扎拉克察。均著押交培成。查訊懲辦。所有不能約束兵丁之領隊世管佐領蟒噶拉瑪。公中佐領蟒噶拉瑪。驍騎校索特那木塔業依。及失於覺察之營總瑪克素爾扎普。著交部分別議處。華山泰著一併交部察議。○諭軍機大臣等。周天爵奏守城之法。以石礮為第一利器。請飭直隸等省各州縣。俱如式製造。並於賊匪經過之地。下毒藥於井中。又於民房牆垣。挖礮眼以守禦。請通飭一體遵行等語。現在賊已渡河。直隸山東山西等省隨處皆虞肆擾。亟宜嚴密防堵。以遏賊鋒。著訥爾經額李德哈芬。按照原奏。體察地方情形。斟酌妥辦。如石礮實堪應用。即著趕緊豫備。如式製造。先行試驗。總當密為布置。勿涉張皇。俾各州縣堪資守禦。原片均著鈔給閱看。將此由六百里各諭令知之。○又諭。昨據王履謙奏

賊匪渡河。溫縣失守。當降旨令恩華等星速前進。攻剿矣。該逆甫經北渡。匪眾無多。若不將南岸賊匪迅速剿除。設令跟蹤而北。則勢若燎原。更難撲滅。著托明阿等。迅將沁水西北土山賊匪。奮力搜捕。悉數殲擒。所有賊營並傍岸船筏百餘隻。即行設法邀擊。燒毀淨盡。其鞏縣趙莊一帶搶船賊匪。諒即王履謙所奏由洛河北渡之賊。該處如尚有匪黨窺伺河口。亟應密籌掩襲。長臻尚在濟甯。策應較遠。恩華到豫亦尚需時。中陸應穀身任地方。兼管河防。若不及早籌畫。自問於心何安。經文岱柏山諒亦馳抵沁水。著該撫督飭該總兵等。會同托明阿等合力剿洗。毋稍延緩。並將已經渡河之賊。盡力兜擊。勿令更滋延蔓。將此由六百里各諭令知之。○又諭。據周天爵奏。宿遷緊要請就近策應一摺。逆賊自汴城擊散後。現又紛紛西竄。聞有渡河零匪。擾及溫縣。該侍郎赴援已屬無及。既據奏稱

宿遷徐州土匪尚多。恐有續來之賊。表裏為患。非躬親督辦。斷難勝任。即著責成該侍郎。扼要設守。妥為布置。所有嚴緝土匪。查拏奸細各事宜。皆其專任。儻有賊匪從黃河下竄。即著帶兵截擊。毋令登陸滋擾。奕經著仍駐劄徐州。保衛糧臺。毋得疏失。將此由六百里諭令知之。○又諭陳啟邁鄭敦謹奏分派委員隨營支應。并請催續撥餉銀一摺。現在各路官兵分道進剿。距宿遷糧臺遠近不一。既經該藩司等分派委員隨營支應。即著照所擬辦理。昨據托明阿等奏報情形。賊蹤漸向西北。各路征兵跟蹤追剿。勢不能按一定道路行走。奕經已留駐徐州。瑞昌已暫留山東。會同李德籌防。本日據慧成奏折回河北。行營糧臺暫歸李德處支發。又據琦善奏勝保探賊迎剿。距揚較遠。請行抵何處。即由何處糧臺支應。恩華兵餉前經奏明由兗州糧臺支放。今既催赴河北。將來與托明阿等會合。

其糧餉仍應一律辦理。該藩司等務當通盤籌計。俾隨時隨地均能應手。方免貽誤。清江分局支應各項。既據陳啟邁查明。多有例外名目。即著據實叅奏。托明阿所需餉銀。先由河南借撥。自較便捷。已諭知陸應穀等。如數支給。該處糧臺如尚未將此項銀兩起解。即毋庸還款。亦無不可。各清各款。固為覈實之法。亦必須通融接濟。方免此盈彼絀。總期各路糧臺時相知照。自不至有重支互抵之弊。至山東省應撥陳啟邁糧臺銀三十萬兩。已飭戶部速議矣。將此由六百里傳諭知之。○山西巡撫哈芬奏謝實授恩。得旨。朕聞汝至晉省。操守甚好。若能始終如一。地方何患不治。屬員亦斷不能挾制。時加砥厲。勉為之。欽差大臣都統銜琦善等奏進攻揚州賊匪。並嚴防北竄情形。得旨。雖獲小勝。總未克復郡城。實深焦急。仍著迅速進攻。豫省之賊。現已有渡黃者。幸開封未失。○署四川總督慧

成奏遵赴河北防勒。並瀝陳賊情。得旨。此時賊已有渡黃者。汝惟有迅速進發。不可片刻遲延。○山東巡撫李德奏。賊竄劉家口岸。請將曹州鎮總兵官三星保等革職。得旨。邵懿辰何不查參。或因該員係河工差委。抑係因由軍機章京出去。礙難參辦。汝若止於拘泥。猶可。若別有掩飾彌縫之處。則大不可。若素知邵懿辰才長可用。而遷就模稜。則亦不可。況該員外似有才。內實詭譎。心地平常。似可

不必代為彌縫也。總之各省大吏。斷不可豫存揣度之心。李德非好交結者。尚且有不到之處。若庸劣之輩。不知何等揣摩也。李德著傳旨嚴行申飭。速將邵懿辰退縮情形。查明參奏。併著該部將此硃諭。徧行曉諭。各直省督撫知之。○以正白旗蒙古副都統定福署錦州副都統。○以山東沂州協副將多隆武。為曹州鎮總兵官。○調盛京兵四千名。赴直隸防堵。○撥河南司庫銀七千兩。解赴江甯。

將軍托明阿軍營。以濟要需。○丑。諭內閣。有人奏。山西五臺縣知縣張舒翰。賦性貪婪。遇案需索。又於兵差過境。藉口協濟。贏頭縱役斂錢。徇庇不究。且吸食鴉片。捕務廢弛。其同城教諭黃四如。亦以詐索生員為事。又稷山縣知縣王治成。貪暴朋淫。縱令門丁霸占民婦。並為其子娶民人之女。前辦捐輸。抑勒比追。必得賄而後已。此等貪污不職之員。若不從嚴懲辦。何以肅吏治而安民心。張舒翰

王治成。黃四如。均著革職。交哈芬親提嚴訊。如果屬實。即行按律懲辦。毋稍徇隱。○兵部尚書桂良奏。報馳赴直隸督辦巡防。得旨。應如何籌辦。即速行奏來。是時軍務喫緊。不可仍似常時之事事照例咨商也。○大學士直隸總督訥爾經額奏。豫省咨報賊竄情形。不同。得旨。王履謙奏報。五月二十六日。溫縣失守。已有寄諭。令相機進剿。現在渡黃逆匪。料不甚多。然不可稍涉輕忽。卿外任年久。莅任

直督又十餘年。於地方一切情形無不熟悉。第恐慎重有餘。應變時稍有疑惑。即貽誤非淺。事事妥速振作為之。○以鑲紅旗蒙古副都統都爾通阿署正白旗蒙古副都統。○戊寅。諭內閣。托明阿。西凌阿。善祿奏攻勦賊匪。續獲勝仗一摺。據稱逆匪盤踞汜水縣。於城內安設槍礮。抵死守禦。該將軍等。於二十八日。督兵進勦。分滿漢官兵四路圍攻。該逆見我兵槍礮緊急。欲由東門逃竄。經密雲滿洲兵斜放連環槍礮。隨打隨堵。斃賊多名。該逆復退回城內。維時綏遠城滿洲兵攻開北門。黑龍江馬隊。隨同入城勦殺。東南城角亦有我兵上城施放槍礮。該逆見我兵勇氣百倍。由西門逃竄。二十九日。復由南岸用礮轟斃賊百餘名。挖擒長髮賊十餘名。西北山溝。已無藏匿等語。逆匪由開封竄擾汜水。經該將軍等督兵追勦。疊獲勝仗。帶隊官員及滿漢兵丁。無不勇往直前。一可當百。覽奏實深欣

慰。托明阿追賊迅速。連次接仗。大挫兇鋒。洵屬調度有方。著加恩賞戴花翎。並賞給白玉翎管一枝。白玉四喜搬指一箇。西凌阿係獲罪之員。此次擊賊。尚屬奮勉。若能趕緊追勦。續獲全勝。當與善祿同邀恩賞也。該將軍等務當乘此聲威。渡河追勦。諒此潰散餘匪。不難一鼓殲除。此次出力將弁兵丁。著托明阿查明。據實酌保候朕施恩。毋許冒濫。○諭軍機大臣等。前因河南逆匪搶船北渡。溫縣失守。諭令訥爾經額。選派將弁。星馳迎勦。本日據托明阿等奏。該匪數千。盤踞汜水縣城。我兵於二十八九兩日。連次攻勦。疊獲勝仗。克復縣城。惟北岸有賊營盤踞。虛實尚未探確等語。此股賊匪。半多裹脅。不過數千人。經托明阿等先後斬擒不少。其勢漸衰。惟賊眾業已渡河。懷衛一帶。甚屬空虚。現在南岸別無船隻。托明阿等所帶馬步隊。恐一時不能全渡。若任令賊匪過河。肆行裹脅。比及直隸境

界其勢又熾該督現派花里雅遜布馳往亦只帶兵五百名仍恐不敷攻剿之用河北密邇直隸若不趕緊派兵前往接應乘賊奔竄未定痛加勦洗豈竟坐待境上又蹈各省覆轍耶著該督迅派得力鎮將統帶精兵前赴河北與花里雅遜布併力迎擊本日已諭令托明阿等渡河追剿正可會合前後夾擊賊匪本係烏合之眾若我兵奮勇直前不難剋期殄滅該督務當不分畛域督飭鎮將越境

勦賊懷衛一帶肅清則直隸藩籬自固此係萬分緊要關鍵勿仍視為尋常防堵也將此由六百里諭令知之○又諭本日正在寄諭間據訥爾經額奏報接得豫省急報總兵董占元即率領將弁帶兵一千三百名馳赴溫縣一帶迎剿該督仍飭總兵花里雅遜布為後路聲援所辦甚合機宜並據稱遵查天津地方情形請將盛京步隊兵二千名吉林馬隊兵二千名改劉臨洛關留盛京步隊兵二

千名在天津彈壓著照所議分別屯劄該督即飛咨盛京吉林並飭沿途地方妥為豫備仍嚴飭赴豫援剿之鎮將等迅速前進奮力攻剿毋稍延誤將此由六百里諭令知之○又諭據戶部代奏郎中易文濬呈請建立碣座遏賊紛竄並繪具圖說呈覽著訥爾經額舒興阿張祥河哈芬查照原呈及圖說所稱各就地方情形是否可以仿照辦理督飭各該地方官悉心籌畫以資保衛原呈並圖說

著鈔繪發給閱看將此由五百里各諭令知之○又諭據周祖培奏請飭各該督撫詳察殷實之家剴切曉諭暫時那借以助國用等語現值軍餉浩繁借資民力實亦萬不得已之計陝西廣東山西等省素稱殷實近來踴躍輸將者亦復不少仍著各該督撫妥為勸諭並將此旨宣示紳民俾知此舉實為軍需緊要暫時那借以期速殄兇氛與吾民同享樂利軍務告竣即當如數發還仍先行給予

優獎。所有藩司印照。即飭令地方官。面為付給。不假胥吏之手。以杜流弊。各該督撫。其善體朕意。仍遵前旨。妥速遵行。將此由五百里各諭令知之。○又諭。據托明阿等馳奏。勦辦竄入汜水賊匪。續獲勝仗。將縣城收回。汜水地方業已肅清。惟北岸有賊營盤踞。虛實尚未探確。南岸無船。我軍不能全渡等語。已諭令托明阿等。設法渡河追勦。並諭訥爾經額。派兵出境迎擊矣。各省形勢。均應扼守險要。不宜盡分畛域。現在南岸賊匪。已經托明阿等殲除殆盡。北岸賊數多寡。尚未深知。若乘其奔突未定。裹脅未眾之時。一鼓殲除。較易為力。豫省與山西陝西山東水陸毗連。要隘必須鄰省派兵前赴豫省。據守北岸。會合協勦。使賊匪無暇喘息。方不致再有延蔓。舒興阿現已出省。李德哈芬均派兵防堵。著即探明賊蹤。或迎頭勦擊。或從旁追截。不可因未入本境。觀望遲延。致誤事機。將此由六百里

各諭令知之。○又諭。本日因賊已渡河。曾諭令舒興阿哈芬派兵防堵。迎頭勦擊矣。頃據陸應穀奏。賊匪大股渡河。已由溫縣竄入懷慶。意欲奔往山西等語。山西與懷慶一帶地方毗連。必須扼要堵截。杜其西竄之路。屢次諭令該撫豫為籌防。現在究竟如何布置。著即督飭帶兵將弁。迅赴懷慶一帶迎勦。舒興阿統帶官兵。計已出省。著即偵探賊蹤所在。前往會勦。山西兵力較單。該督當派兵直至懷慶一帶。互相應援為要。將此由六百里各諭令知之。○又諭。本日據托明阿等奏。連日攻勦獲勝。奪回汜水縣城。地方現尚肅清。惟北岸有賊營盤踞。現在南岸別無船隻。馬步隊一時不能全渡等語。該將軍等。正當追勦得手之際。若因船隻不便。阻隔南岸。豈不有誤事機。著陸應穀。迅即派員於黃河上下游。調撥船隻。以便大兵北渡。該撫不能先期調度。將船收泊淨盡。致賊搶渡。既已貽誤於前。

若再不設法。使我兵渡河勦捕。任賊紛擾。則貽誤之罪。更無可逭。該撫前派柏山。經又岱帶兵勦賊。現在行抵何處。托明阿等屢次與賊接仗。何以未見該總兵接應。現在托明阿等過河勦賊。所有黃河以南未淨餘匪。即責成柏山。經又岱等趕緊搜捕淨盡。勿留餘孽。一俟南岸肅清後。仍飭令該總兵等渡河會擊。現在懷衛一帶。甚屬空虛。該撫現已出省。著即酌量緩急。隨時策應。無稍遷延。觀望。將

此由六百里加緊諭令知之。○又諭陸應穀奏。賊匪搶船渡河。竄至北岸。復有船在河面遊奕。現在帶兵趕至鄭州進剿。又片奏。經又岱。柏山。欲往汝州。經該撫飛催折回。均未據咨覆。各等語。覽奏殊深憤懣。陸應穀身任封疆。鎮將以下。皆歸節制。似此疲玩不職之員。何不即行參奏。以肅軍律。著該撫傳旨經又岱。柏山。該鎮等。避近就遠。有意遷延。若再不遵調度。折回稍遲。貽誤事機。定以軍法從事。

所稱賊匪竄入懷慶。欲往山西等語。現在懷慶府城如何守禦。抑係被賊竄踞。所奏殊未明晰。山西鄰境。仍當隨時知照。一體嚴防。毋稍疏虞。將此由六百里加緊諭令知之。○又諭琦善奏。官兵登城接仗。苦無援應。尚未克復。又片奏。盤獲奸細。嚴顯俗。供稱賊匪欲分股進攻六合。由來安。天長。取道接應。豫省股匪。該大臣現令瞿騰龍赴六合堵禦。各等語。覽奏實深憤懣。賊踞揚州。數月以來。尚未克

復。現又有由六合分股北竄之信。僅賊勢蔓延。愈難勦辦。該大臣現令瞿騰龍在六合堵禦。著即飭該總兵迅速帶兵。徑赴六合防守。毋令賊匪北竄。其浦口。儀徵等處。亦應一律嚴防。並隨時知照李嘉瑞。豫為防範。毋稍疏懈。至此次攻城。雖未得手。該大臣等仍當督飭將士奮勉進攻。迅圖克復。毋得再蹈因循。致干重咎。將此由六百里諭令知之。○又諭有人奏。金陵逆匪脅從多。欲乘間脫逃。其真

賊懼被殺害。日夜遷避。暗作紅邊白團馬褂。布圖。圖跡官兵。賊兵間有雜髮者。意在私出探聽。城內有瓦木匠約四五百人。園戶機匠約五六千人。均欲俟大兵破城。內應擊賊。現在賊匪無多。守城皆驅老弱之民。賊營中百姓居多。逆匪不過十分之一。金陵如此。揚州鎮江更可想見等語。著琦善向榮等督飭將弁。激勵兵勇。剋日進攻。合力勦洗。並曉諭各城中被脅之眾。及早自拔來歸。妥為安撫。儘能設計殺賊。為官兵內應。功成之日。必當優加賞敘。至廬州府四鄉團練。是否以紅邊白團馬褂為號。著即知照。巡撫李嘉端等查明防範。毋任奸匪潛跡。其滁州清流關地方扼要著咨會該撫嚴密設防。以杜偷越。該大臣等頓兵城下。為日久矣。豈坐視賊匪竄盡。始以收復入奏耶。原奏鈔給閱看。將此由六百里各諭令知之。○又諭據托明阿等奏。連次攻勦賊匪。續獲勝仗一摺。賊踞汜水縣城。經

托明阿等痛加勦洗。地方漸就肅清。惟據稱北岸尚有賊營盤踞。南岸別無船隻。我兵一時不能全渡等語。昨聞溫縣失守。是河北之賊勢尚猖獗。本日已諭令訥爾經額迅派鎮將赴豫迎勦。托明阿西凌阿善保此次接仗。頗合機宜。軍行首貴神速。尤須同心協力。著即乘此聲勢。迅從黃河上下游設法覓船。渡過北岸。與花里雅遜布等併力圍攻。務使餘匪連就蕩平。毋令蔓延貽患。斷勿因賊已北渡。株守南岸。稍失事機。將此由六百里加緊諭令知之。○又諭本日據慧成奏請留容照所帶官兵五百名。暫駐清江等語。朕思容照所帶之兵。本係恩華統帶。自應仍赴恩華軍營。歸入吉林大隊。方能得力。毋庸留於清江。現在賊匪偷渡北岸。溫縣失守。懷慶衛輝所屬一帶。尤為喫緊。慧成督兵前進。仍須探明賊蹤何處。緊急即往追勦。軍情變幻靡常。不能豫為遙度。總宜神速應變。毋誤事機。將此

由六百里諭令知之○又諭現在竄擾豫省賊匪自汴梁省城擊敗後分路竄至汜水經托明阿西凌阿善祿追剿疊獲勝仗斬擒甚多惟餘匪已乘間搶船渡河北擾溫縣等處已諭托明阿等渡河追擊惟兵力尚單且恐賊渡河後又多裹脅必須趕緊撲滅勝保此時帶兵行抵何處著趕緊遵行察看情形探明賊蹤所在徑行抄截此股賊匪現尚無多乘其奔竄未定當可一鼓殲除切勿拘執致

誤事機將此由六百里諭令知之○以詹事府少詹事王履謙為太常寺卿○以進攻江蘇揚州賊匪調度失宜革欽差大臣都統銜琦善職仍留任摘幫辦軍務直隸提督陳金綬頂帶予陣亡守備楊發把總袁峻德外委溫魁王林祭葬世職○己卯

上詣

雍和宮行禮

柏林寺拈香○諭內閣前經疊降諭旨令各

省督撫曉諭紳民實行團練自衛鄉閭近聞河南奏報逆匪自竄汴梁屢經各屬鄉民協助官兵沿途剿殺遂至窮蹙西奔可見兵民同心賊眾即無從肆擾現在大兵疊次獲勝汜水一帶賊匪焚勦無餘難保其不亡命奔突希圖西竄所有毗連河南之直隸山東山西陝西等省業經諭令該督撫等各統重兵扼要防守出境會剿各該省風俗敦龐民情強固自能同心協力各保閭閻特恐地方官

吏不能認真董勸鎮撫居民致令風鶴驚疑紛紛遷徙殊非朕安輯黎元之意茲特再行申諭各該督撫嚴飭所屬實力舉行團練一州一縣之中地勢險夷民風柔勁身為牧令必皆纖悉皆知平日果能好惡同民臨事自能禦災捍患豈得以事勢難辦推諉因循各該紳耆世守田里聞見較真其應如何設防之處定能各就情形妥為布置總期先事豫防有備無患官民相信則眾志可以成城蠡

爾么膺。應不難剋期埽蕩也。軍興以來。徵調頻仍。供頓勞苦。不免重累吾民。朕念切民依。難安寢饋。封疆大吏。皆有司牧之責。其各體朕意。徧行宣示。毋再延玩。將此通諭知之。○諭軍機大臣等。本日據張芾奏。賊船已撲省城。急待援兵。助勦一摺。覽奏曷勝焦急。據稱五月十八日午刻。有賊船千餘隻。乘北風大作。直撲南昌省城。停泊城北城西兩門外。槍礮齊施。並有手執黃旗登岸者。當經該撫協

同陳孚恩。江忠源督率兵勇。施放大礮。擊沈逆船數隻。現在嬰城固守。待援緊急。請於向榮軍營。撥兵援救等語。朕思該逆分股竄擾。原圖牽掣江南大軍。現在江西省城。情形緊急。若多分江南兵力。又恐掣動大局。墮賊奸計。本日已諭令湖廣督撫。迅速撥兵應援。向榮軍營。能否撥兵前往之處。著酌量緩急辦理。如果金陵及早克復。何至賊黨紛竄。滋蔓難圖。向榮等前次遣散之說。殊不足恃。仍著

速籌攻克金陵。先將大股殲除。則餘黨亦聞風而潰。儻再不能統籌全局。迅埽妖氛。朕惟有執法從事。別無他諭也。至向榮糧臺。本由江西支應。現在該省道路必有梗阻。應改移何處為妥。各處餉銀。務須隨時知照沿途地方。繞道妥護。毋稍疏虞。將此由六百里加緊諭令知之。○又諭前因賊過黃河。溫縣失守。降旨令恩華帶兵飛速赴勦。本日據李德奏。東省西路喫重。已飛咨瑞昌統帶盛京兵一

千名。就近改調濮州。迎頭截擊。又知照恩華統帶現到之兵。取道東明。徑赴懷衛一帶。遏其北竄之路。該撫現駐劄曹縣。相機調度。所籌俱甚妥協。著恩華瑞昌均即起緊趨行。探明賊蹤所在。徑行抄截。此股賊匪。裹脅無多。掠取貲糧有限。乘其奔竄未定。當不難一鼓殲除。如河南懷衛等處。痛加勦洗。不但東省可免竄擾。即畿疆重地。亦可無虞。並著李德探明何路緊急。即馳往何路督勦。總當妥速

籌辦與直豫各督撫協力同心肅清河北將此由六百里各諭令知之○又諭據張芾奏賊船直撲省城現在守禦情形一摺賊船沿江上竄徑撲省城經該撫等督率兵勇乘其初到擊沈船五隻斃賊一百餘名現在城外民房已多拆毀城中糧餉軍火均尚充足亟應悉力固守以待援兵著即會同陳孚恩督同江忠源並在城文武各員分派兵勇激勵紳民認真防守毋稍疏懈城外兵勇既不能不撤回城中仍須時出奇兵於城外江干截擊挫賊兇鋒嚴防偷窺地道密拏奸細毋令內外勾結本日已飛諭張亮基崇綸駱秉章等於湖南北兩省派兵迅速赴援向榮亦已諭令撥兵協剿惟金陵尚未克復該處官兵又經瞿騰龍分帶二千北上儻因此分兵掣動大局亦不可不慮各省以自固藩籬為重朕則南北兼籌通計孰非吾土孰非吾民惟有先其所急以期有濟向榮之能否分兵應

援尚未可豫定聞吉南贛道周玉衡辦理防堵素稱得力若令管帶兵勇乘此灘漲順流急下較之湖南北官兵尤為近便該撫此次所發摺報與前次所發只後一日何以遲至六七日始行遞到如果道路梗阻即應知照沿途設法繞越以速為要廣東接濟兵餉現解在途者共有十四萬餘兩亦著迎探接護萬不可使有疏失九江等處是否為賊占踞沿途何處被賊擄掠前後奏報均未聲明殊

深繫念將此由六百里加緊諭知張芾並諭令陳孚恩傳諭江忠源知之○又諭本日據張芾奏賊船千餘艘直撲江西省城急籌固守以待救援等語此股賊船前經張亮基以設法解散入奏現經直撲江西省城自係辦理未能得手惟江西待援甚迫若待他處撥兵前往均屬緩不濟急湖廣為江西最近省分著該署督撫等即於湖北湖南兩省遴選得力鎮將帶兵迅速赴援俾得速解省城之

圖萬不可稍有耽延致誤事機其湖北應行設防之處仍著該督撫各就現存之兵移遠就近扼要駐劄以遏逆匪被勒上竄之路將此由六百里加緊各諭令知之○庚辰

上詣

弘仁寺。

仁壽寺。

時應宮拈香。○諭內閣奕山等奏。回子郡王。捐備軍餉等語。回子郡王前任葉爾羌三品

阿奇木伯克愛瑪特。呈請捐輸俸銀。以備軍餉。具見悃忱。惟念該郡王所得俸銀。藉資當差。著毋庸捐輸。以示體恤。○又諭。前因黃河渡口。巡防緊要。特降諭旨。令該河督會同王履謙。扼要設防。長臻到任後。早應親詣河干。督同京員邵懿辰等。暨廳營員弁。實力稽查。現在河岸已有逆匪偷渡。擾及溫縣。該河督始以大汛將臨。奏請赴豫督防。實屬不知緩急。長臻著交部議處。該河督赴工防汛。密邇

河干。巡查渡口事宜。是其專責。不得以督辦修防。藉口諉卸。所有軍營兵馬。及文報往來。需用船隻。著該河督。併飭屬妥辦。毋任延誤。再。干重咎。○又諭。奕山。布彥奉奏。廢員捐輸經費一摺。已革廣西提督閔正鳳。前在粵西督捕。廢弛。致令匪徒竄擾。流毒他省。所犯情節較重。著不准其捐輸。已革湖南提督英俊。已革喀什噶爾換防總兵豐伸泰。均著准其釋回。已革湖南永州鎮總兵雙德。已革安

徽署甯國府知府朱鳴雷。已革陝西郃陽縣知縣沈壽曾。著該部將該革員等原犯情節。詳細查明。覈議具奏。○又諭。李嘉端奏。亳州失守情形一摺。安徽壽春鎮總兵王山。於所管汛地。被賊竄擾。咎有應得。著與不同城之潁州府知府毛含昱。一併交部分別議處。○又諭。前據李嘉端奏。已革藩司李本仁之子監生李以牧。捐輸軍餉銀五萬兩。朕以該監生捐輸。意在為父贖罪。而國法所在。豈容開

此僥倖之門。降旨飭部照例將該監生議請
獎敘。茲復據李嘉端奏。據該監生呈稱伊父
現在繹綏。不忍仰邀獎勵等語。著戶部暫行
存記。俟軍務告竣。再行奏明請獎。○革職留
任安徽巡撫李嘉端奏。交還壽春鎮總兵官
玉山拜發

萬壽賀摺。因道阻折回。未便驛遞。懇請免其補
遞。得旨。西路賀摺。皆由驛遞。此事亦稍涉拘
泥。玉山係總兵大員。非汝屬員。此事固無緊

要。若有要件。亦可交還乎。汝外任尚淺。已扭
於文大武小之積習。可惡之至。嗣後痛加改
悔。該鎮賀摺。現已逾期。著不必補遞。○以進
攻江蘇揚州府城逆匪出力。賞總兵官雙來。
提督銜。鹽知事銜張翊國。花翎。五品頂帶。○
予安徽亳州陣亡知州孫椿等。祭葬世職。○
辛巳

上奉

皇貴太妃幸漱芳齋。進膳。○諭內閣。訥爾經額

奏。派兵會同勦賊獲勝一摺。據稱前派直隸
署昌平營參將烏爾清額。會同彰德府知府
戴鷺翔。於五月二十八日。擊獲逆船。該逆受
傷落河死者無數。又據前往彰衛迎勦之大
名鎮總兵董占元。稟稱賊匪竄進溫縣城內。
經該處紳民鄉勇擊退。竄至武陟縣。復經該
處紳勇。隨同營員攻勦。將賊匪逼至司馬集
圍困等語。此次逆船。徑撲北岸。經官兵會擊。
先挫其鋒。該地方紳民。復能協力勦賊。與官

兵聯為一氣。甚屬可嘉。現在陸應穀。經文公
等俱帶兵過河追勦。各路帶兵大員。俱亦陸
續趕到。本日已命訥爾經額為欽差大臣。著
即督飭諸軍。併力攻勦。並傳旨曉諭各屬紳
民。合志同仇。迅殄醜類。毋稍延緩。○諭軍機
大臣等。訥爾經額奏。相機進勦一摺。已明降
諭旨。命該督為欽差大臣。恩華。托明阿。幫辦
軍務。飭令合力進勦矣。逆匪船隻。經直隸將
弁兵丁。會同彰德府知府戴鷺翔。攻擊。奪獲

一隻其餘賊匪尚在河面游奕。自應趕緊用礮轟擊。勿任竄赴下游。滋擾他處。其竄入溫縣之賊。經該處紳勇擊退。該逆竄至武陟。復經該處紳勇隨同營員攻勦。將賊匪圍困。司馬集地方。現在如何勦辦。是否悉數殲擒。陸應穀與經文岱。是否已過河會勦。此時賊勢尚不甚熾。惟有迅速攻擊。不可稍緩。尤不可稍分畛域。致失事機。即如拏獲賊目莫應揚。陳亞秀。並逆匪十三名。或歸河南審辦。或由

直隸弁兵解回辦理。均無不可。此等小節。正不必斤斤計較也。該大臣現已統領河南河北諸軍。所有各路官兵。統歸節制。更屬責無旁貸。著即會同恩華。托明阿。統籌全局。相機調度。務將此股逆匪。剋期殄滅。若攻勦不力。任賊分擾鄰境。或竟竄入畿疆。惟該大臣等是問。朕惟知賞功罰罪而已。將此由六百里諭令知之。○又諭。桂良奏。省城存兵。現止八百餘名。不敷調遣。請將黑龍江吉林兵。撥給

二千名。可期得力等語。黑龍江吉林官兵。徵調已多。勢難再調。昨據訥爾經額奏。請將現調之盛京兵二千名。吉林兵二千名。駐劄臨洺關。業已降旨允准。此時賊擾溫縣。直隸交界地方緊要。自應先其所急。如保定省城兵力不敷分撥。尚有駐劄天津之盛京步隊二千名。該尚書即可體察情形。緩急。知照訥爾經額。酌量調撥。其提標兵五百名。一俟調齊。即飭署提督保恆。扼要防堵。一切戰守之具。

務須實力講求。並飭地方官隨時稽查奸細。嚴緝土匪。以杜勾結。尤須督率紳民。認真團練。不難收眾志成城之效。又片奏。請將泰甯鎮兵三百名。撤回原營等語。此項兵丁。業經訥爾經額調赴軍營。現在前途需兵甚急。著毋庸撤回。將此由四百里諭令知之。○又諭。前因逆匪搶船北渡。擾及懷慶。諭令恩華探明賊蹤。徑行抄截。並諭托明阿。西凌阿。善祿等。趕緊渡河。併力圍攻。諒已遵照辦理矣。現

據訥爾經額奏。探悉陸應穀。經文公俱過河北。並稱賊匪進溫縣城後。經紳勇併力擊退。竄至武陟縣。復經紳勇隨同營員攻勦。將賊匪逼至司馬集地方圍困等語。是此股賊匪勢已窮蹙。若合力兜剿。不難一鼓殲除。恩華需用馬匹。已由訥爾經額趕解前往。恩華著即赴懷衛一帶。探明賊蹤所在。與托明阿等併力夾擊。務將此股逆匪剋期掃蕩。以慰朕念。將此由六百里諭知恩華。托明阿。並諭令

西凌阿。善祿知之。○河東河道總督長臻奏。逆匪由上游北渡。自請治罪。得旨。汝至豫省。原覺遲延。汝奏啟程。摺到。已將汝交部議處矣。○江西學政沈兆霖奏。請速發救援。以保省城得旨。已有催兩楚援兵之旨矣。汝見到處即奏。具見汝留心地方之事。向榮大營。若分兵太多。則掣動大局。惟此次賊竄江西。張芾總未將賊所過處滋擾情形奏來。不知何故。汝可將逆匪真情陸續查明。速速奏來。

命大學士直隸總督訥爾經額為欽差大臣。理藩院尚書恩華。江甯將軍托明阿。幫辦軍務。○壬午。

萬壽節。遣官祭。

太廟後殿。○遣官祭。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。

昌西陵。

慕陵。○遣官祭。

孝德皇后殯宮。○遣官祭。

顯佑宮。

東嶽廟。

城隍廟。

上詣

奉先殿行禮。○詣

壽康宮前殿拈香。後殿

皇貴太妃前行禮。○御乾清宮。王以下文武大

臣官員蒙古王貝勒貝子等。行慶賀禮。○幸

漱芳齋。賜內廷王公大臣蒙古王貝勒貝子

等食。○諭軍機大臣等。據托明阿等馳奏。初

四日。馳抵榮澤河口。探聞逆匪竄偃懷慶府

城。並有另股土匪附從助勢。現已添調兵勇。

合力兜擒。另片奏。該逆竄入密縣。又竄新鄭。

該處距省一百餘里。經文岱。柏山遠在汝州。

勢不相及。陸應穀折回保護省垣等語。昨已

有旨。令托明阿幫辦軍務。著即與西凌阿。善

祿等。趕緊渡河。會同直隸官兵。併力夾擊。毋

失事機。陸應穀保衛地方。仍當相機出省剿

賊。勿但株守省城。毫無策應。仍著飛催經文

岱。柏山。趕緊帶兵。由汝州折回。迎頭截擊。如

再遷延觀望。遠避不前。朕必重治其罪。決不

姑寬。本日據周天爵等奏。五月二十八九日。

雷雨大作。豐北復成漫口。當此逆氛未平。又

遭水患。百姓流離失所。殊堪憫惻。陸應穀務

即督飭地方文武。遇有災民入境。妥為安撫。

勿使逆匪乘間勾結。將此由六百里加緊諭

知托明阿。西凌阿。善祿。陸應穀。並傳諭經文

岱。柏山知之。○又諭。據托明阿等馳奏。逆匪

竄入溫縣。逼近懷慶。並有另股土匪。附從助

勢。一經大兵攻擊。難保不由清化闖入晉省

等語。晉豫交界地方。必須豫為布置。嚴密堵

禦。著哈芬。仍遵前旨。速委得力將弁。扼要駐

劄。並設法偵探。合力兜擊。相機進剿。山陝地

方。與河南交界處所。一併嚴防。該撫現在是

否出省。應駐劄何處策應。迅即妥籌辦理。毋

稍延誤。將此由六百里諭令知之。○又諭。崇

綸奏逆匪分竄江西。現因該省兵單。擬由楚多發兵勇。派委幹員。統領前赴江西會剿。滅此股匪。勝於防範。戒嚴等語。所見甚合機宜。前因賊船直撲江西省城。諭令該署督撫等。即於湖北湖南兩省。遴選得力鎮將。派兵迅速赴援。江省被圍兩旬有餘。昨據沈兆霖由撫州馳奏。該省於二十一日開城打仗。頗有新擒。惟未據張芾續報。朕心實深懸繫。張亮基。現往道士袱一帶。履勘要隘。著即就近速

派得力鎮將大員。統帶兵勇二三千名。趕赴江西救援。駱秉章亦即酌派兵勇數千。遴委鎮將管帶。直赴南昌。合力攻剿。除江西之賊匪。即可以固全楚之藩籬。該署督撫等。務各不分畛域。協濟鄰封。江西待援孔殷。萬不可稍有延誤。豫省之賊。有渡河竄入溫縣者。有在密縣新鄭滋擾者。湖北防堵。不可稍疏。崇綸現駐省垣。一切防守事宜。著與張亮基會商妥辦。應行添補之槍礮軍械。著即趕緊製

造。毋誤事機。至所稱防堵經費。各就本省之徵收捐助應用等語。現在調兵累萬。部中籌餉。實形支絀。該省現辦防堵。著即照該撫所議辦理。將此由六百里加緊各諭令知之。又諭周天爵。奏經奏豐工決口。急宜嚴防土匪一摺。據稱豐工大壩。近因水長溜急。於二十八。二十九兩日。雷雨大作。黃水漫溢。過隄。刷開口門三十餘丈等語。覽奏不勝焦急。已諭令楊以增。查勘明確。設法撫恤災民矣。現

在江甯等城。尚未收復。豫省賊匪。雖屢經挫衄。而北岸溫縣武陟等處。已有餘匪竄擾。當此用兵之際。又復河決。豐沛淮海一帶。赤子何辜。復遭此劫。朕顧瞻南服。寢饋難安。儻逆匪探聞河決。勾結災民。為患更鉅。該侍郎等督帶兵勇。在徐州一帶。著即體察情形。妥為布置。應如何嚴防土匪。彈壓地方。務當妥速籌辦。並飭臧紆青。管帶壯勇。保護糧臺。毋稍疏虞。其難民中。如有材技可用之壯丁。亦宜

量為招募。俾為我用。不致流而為匪。將此由六百里諭令知之。○又諭。周天爵。奕經。奏豐北大壩。因水長溜急。五月二十八九兩日。雷雨大作。黃水漫溢過堤。陡身坐墊。刷開口門三十餘丈。大溜北趨十八里。也。牆水斷流等語。覽奏實深焦急。豐北大工。今春甫經合龍。現復漫決。當此賊氛未靖。籌餉維艱。又復出此鉅工。該汛文武所司何事。該河督此時諒已奏報在途。其決口處所。係何工段。是否即

奏奉

奉

上年開決之處。河流現在從何處入海。著楊以增。確切查明。繪圖貼說。據實具奏。並將失事員弁嚴叅。軍務未竣。又遭河患。皆朕不能誠格。

上天。朕罪復加。吾民何辜。汝亦諒吾衷也。至被災難民。蕩析離居。深堪憫惻。著即設法安速撫恤。勿致被賊黨及土匪。暗相煽誘。其丁壯酌量招充練勇。勿令流而為匪。該河督惟當體察情形。撫綏彈壓。迅速籌辦。將此由六百

里諭令知之。○命前任江南徐州鎮總兵官聶金鏞。赴南河交河道總督楊以增差委。○癸未。

上幸瀛臺。○諭內閣。刑部奏審擬爬城賊犯罪名一摺。此案爬越京城人犯王孝。素習拳棒。疊次行竊爬城。本非安分之徒。經該部問擬發往黑龍江給披甲人為奴。自係按律從重辦理。惟當此巡防喫緊之時。該犯膽敢攜帶火藥葫蘆。黃夜爬入京城。實屬目無法紀。若

奏奉

奉

僅擬發遣。不足以杜奸萌。王孝著即處斬。○諭軍機大臣等。據庫倫辦事大臣德勒克多爾濟等奏。俄羅斯國遣使至該處呈遞文件。據稱該國管船官普提雅廷。由海島買物折回。欲進上海歇息。並有懇祈進口貿易之語。上海本非俄羅斯應至之地。從前道光二十八年。三十年。該國船隻前來海口寄泊。均由英夷領事轉求通商。此次復向庫倫辦事大臣衙門。自行呈請。是其希冀通商。妄念未息。

所稱採買什物。整理殘缺等語。難保非因前
任督撫疊次拒絕。無可措辭。又復別生枝節。
意圖暫時允准。臨時復有要求。海禁攸關。不
可不豫防其漸。著怡良。許乃釗。密飭吳健彰。
如該國船隻。果有寄泊上海。懇求貿易之事。
即著查照成案。妥為開導。飭令即回本國。務
期堅守定例。正言聲覆。杜其妄念。萬不可稍
露遷就之意。致留間隙。並嚴禁內地民人。與
之交易。豫防夷商賈。與之勾通。以杜事端。
而絕覬覦。如並無來滬信息。但應隨時留意。
不宜先事聲張。該督撫等。其慎之密之。譯出
該國原文。著鈔給閱看。將此由五百里諭知
怡良。許乃釗。並傳諭吳健彰知之。

欽定大清會典事例

卷九十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十六

實錄卷九十六

聖

集丁壯會同營員收復城池。拏獲正法。安溪縣城賊匪亦經該代理縣陳鳳音集勇殺退。殲斃多名等語。此股匪徒旋起旋滅。本省兵民本已足數。勦辦現在廣東等省官兵不日即可到閩。會勦兵力愈厚。烏合之眾當不致再有蔓延。又據奏臺灣鳳山等縣均有匪徒戕官情事。已飭副將呂大陴前往接應。並由臺灣鎮總兵恆裕督兵分路進勦。著即嚴催速辦。務期悉數殲除。臺灣民情素悍。豎旗滋事之案本所時有。該鎮道等果能協力和衷。何至匪徒日肆。乃據王懿德奏。該道徐宗幹與該鎮恆裕意見不合。單銜密稟。意欲因病引退。非惟取巧亦甚屬無恥。當此勦匪喫緊之際。豈宜各挾偏私。致有貽誤。恆裕未能先事豫防。亦斷難辭咎。恆裕徐宗幹均著先行交部議處。仍責令該鎮道督率文武迅將滋事各犯按名拏獲。儻再推諉。即行嚴叅。其捕賊被戕之臺灣縣知縣高鴻飛鳳山縣典史

張樹春著交部照例議卹。○又諭琦善奏。遵查已革都統遇賊退避各情一摺。已革都統西凌阿管帶黑龍江官兵在浦口散住民房於帳房解到後。並不安劄營盤。漫無準備。為賊所襲。自應治以應得之罪。惟西凌阿現帶黑龍江官兵在河南勦賊。未便令其置身事外。西凌阿著暫緩治罪。交托月阿責令該革員戴罪自效。儻再不知奮勉。朕惟有執法從事。決不寬貸。○又諭張芾奏請將聞警遠避

事之案本所時有。該鎮道等果能協力和衷。何至匪徒日肆。乃據王懿德奏。該道徐宗幹與該鎮恆裕意見不合。單銜密稟。意欲因病引退。非惟取巧亦甚屬無恥。當此勦匪喫緊之際。豈宜各挾偏私。致有貽誤。恆裕未能先事豫防。亦斷難辭咎。恆裕徐宗幹均著先行交部議處。仍責令該鎮道督率文武迅將滋事各犯按名拏獲。儻再推諉。即行嚴叅。其捕賊被戕之臺灣縣知縣高鴻飛鳳山縣典史

之同知等官革職查辦等語。逆匪竄擾南昌。經該撫督率文武出城勦辦。該省官員或派稽察城門。或派巡查街道。乃閉城之後均未與該撫見面。並有未奉差委屢傳不到者。顯係先期遠避。若不嚴行懲辦。何以肅官守而勵人心。所有南安府同知楊正祥撫州府通判范壽椿饒州府通判王煊宇候補知縣劉世傳祁啟萼萬安縣知縣黃瑞圖峽江縣知縣蔡廷蘭試用知縣袁思韓均著即行革職。

交該撫查明畏葸避匿確情嚴叅治罪○又諭駱秉章奏查明上年嘉禾縣城失守情形並請將同城之文武員弁革職審辦一摺上年粵匪竄擾嘉禾該縣文武員弁如果實力捍禦保衛城池何至被賊竄入乃該縣知縣吳淳韶膽敢棄城逃走至今並無下落實屬畏葸偷生吳淳韶著即革職交該撫迅速嚴拏務獲即行正法以肅軍律該縣把總王萬年典史彭文徵教諭陳南紀著即一併革職

交該撫審明按律懲辦毋稍輕縱○諭軍機大臣等寄諭江南河道總督楊以增前據周天爵奏豐工決口當有旨著該督查明係何工段據實具奏茲據該督奏稱豐工於五月二十八日陡遇風雨水勢擡高致大壩西首土基立形坐墊雖經堵搶已致刷寬三十餘丈並二壩迤西隄身漫塌二十餘丈等語豐工既經決口自應趕辦裹頭以免愈刷愈寬堵築益形費事著該督即飭在事道將等迅

速妥辦毋許延誤所稱汛期正長萬不得已或須添啟禮字河以資減洩之處著斟酌情形妥為辦理至被難災民急應撫恤免被賊匪煽誘及招集丁壯作為練勇勿令流而為匪之處該督仍遵前旨妥速籌辦將此由五百里諭令知之○又諭吳文鎔等奏回匪滋事戕官一摺雲南東川府屬湯丹廠回匪馬二花等糾聚多人聲言欲報漢民從前焚搶之仇膽敢焚燒街市民居殺斃多命復將署

參將明恆傷跌殞命並拒斃官兵多名復有距城數十里之三官廟等處同教之匪聞風乘勢焚搶似此兇橫肆行不法已極現經該督撫等調兵會同剿辦並繕發告示曉諭回漢良民毋被煽誘吳文鎔現已統兵出省籌勦復招募土練以期一鼓殲除自應如此辦理前有旨令吳文鎔速赴閩浙新任此時勦匪緊要著俟羅繞典到任後再行奏明赴任該督等迅即督飭鎮道各員相機進勦及早

撲滅應如何彈壓撫綏之處並著體察情形妥籌速辦。總期綏靖地方毋致蔓延貽誤。署參將明恆跌崖殞命著查明請卹。將此由五百里諭令知之。○又諭王懿德奏臺灣南路匪徒滋擾並現辦內地土匪情形一摺。據奏臺屬匪徒滋事抗官臺灣縣知縣高鴻飛追捕被害臺地民情浮動居民皆非土著向有漳泉各府之人往來寄寓現在內地上下游土匪未靖臺郡為閩省屏障若不迅圖撲滅恐勾結潛滋為患更大據稱臺灣北路協副將呂大陞籍隸泉州自願回籍募勇渡臺會同彰化縣在籍京官王雲鼎添雇備調著即飭令該副將等迅速召募飛渡交該處鎮道調撥以助兵力至臺灣鎮總兵恆裕臺灣道徐宗幹身膺重寄不思和衷共濟靖此海疆乃竟意見不合該道輒藉詞稱病試問臺匪稍有蔓延該鎮道等豈能倖逃罪戾前令徐宗幹內渡會剿現在臺屬匪徒滋擾著無庸

馳赴漳州仍責成該道會同該鎮勦辦臺灣匪徒以贖前愆至漳泉永春所屬各州縣雖漸次收復延平府城亦連經獲勝惟賊蹤渙散亟應悉數殲除該署督所請催兵協勦本日又飛飭廣東督撫將前調兵三千名迅催赴閩矣閩省紳練素諳大義前次同安等縣義民殺賊並此次之副將呂大陞等自願募勇渡臺是其明驗該署督務當嚴飭文武官弁激勵士氣聯絡紳民滅此羣醜其本年應解臺灣餉銀著照所擬慎重起解毋稍疏虞將此由六百里諭令知之。○又諭據勝保奏行抵豫境確探賊蹤進剿並歷陳賊勢軍情各摺片前因竄豫之賊擾及汜水並乘間搶船渡河北竄溫縣當經降旨諭令勝保趕緊督兵趲行協同托明阿等相機抄擊昨復據托明阿等奏探聞逆匪竄偃懷慶府城並分股竄入密縣新鄭巡撫陸應穀已由滎澤河口折回保護省垣等語該逆勢窮分竄半係

烏合之眾。第恐勦辦遲延。則裹脅愈多。遽難撲滅。亟應重兵會合。庶可一鼓成擒。勝保現在由河南鹿邑一帶。取道前進。著即探明賊竄處所。無論大河南。北何路緊要。即由何路進攻。如汴梁喫重。亦即迅速帶兵。籌勦總期併力肅除。勿任再有延蔓。該學士。勇敢素著。諒必能通籌熟計。迅掃妖氛。以副委任。總兵經文岱。柏山。係領兵協勦之員。乃遠在汝州。疊經巡撫陸應穀。催令進勦。膽敢置之不覆。

顯係避近就遠。不遵該撫調度。著勝保嚴密查訪。如實有遷延巧避情事。即行從重叅辦。毋稍姑容。江南大軍相持日久。揚州諸城。尚未攻克。朕南望增憂。實深焦灼。本日據琦善奏。盤獲奸細二片。並逆書一紙。一併鈔給閱看。將此由六百里諭令知之。○又諭。本日琦善奏。拏獲緹城長髮之賊。並另獲奸細。撥出逆書各等語。據稱所獲犯供。有賊匪如得渡黃。即圖北竄。如不得渡。仍回長沙之說。現在

賊已過河。此種奸細。難保不到處窺探。著訥爾經額。恩華。托明阿。於駐劄扼要處所。各飭兵勇。盤詰奸宄。即有稱難民來歸者。亦須詳細查訊。萬不可墮賊奸計。再聞北竄之賊。所掠資糧有限。現乏米石。其逆書中所稱紅粉。即係火藥。該逆奔竄飄忽。斷無暇製造鉛藥。專恃掠取。該大臣等。嚴飭所屬。於糧餉火藥等項。加意防護。勿為賊掠。仍當迅速追勦。四路兜圍。斷其接濟。其被勦必竄之路。尤當豫為布置。嚴密防守。勿令滋蔓。原片並所獲逆書。均著鈔給閱看。將此由六百里諭令訥爾經額。恩華。托明阿。並諭令善祿。西凌阿。知之。○又諭。張芾奏。省城勦守情形一摺。南昌省城。自被賊匪攻撲以來。連日出勦。獲勝。並防守一切。均臻嚴密。江忠源所帶練勇。尤為出力。業已明降諭旨。將出力文武員弁。分別獎勵。並將陣亡之把總等。破格賜卹矣。張亮基現駐道士洑。昨已有旨。令其選派鎮將。督帶

兵勇馳赴救援。本日復令駱秉章曾國藩迅調鎮軍鎮兵八百名。並令曾國藩將團練得力之楚勇酌派數百名。遴委員弁管帶趕赴江西。交江忠源帶同攻勦。張芾務當會同陳孚恩。江忠源等。一面力籌守禦。嚴拏奸細。暗防地道。一面與各路援兵。內外夾擊。以期一鼓殲除。至江省民情。素稱懦弱。即紳士等。亦不免紛紛遷徙。以致人心惶惑。惟陳孚恩。暨在籍已革臬司徐思莊。郎中陳景謨。王事汪

茹鑑等。仍在省城巡防守禦。足為士民矜式。徐思莊。係已革大員。著先賞給六品頂帶。以示獎勵。至所稱在籍各員。或畏賊避匿。或聞警遠颺。著該撫再行剴切勸諭。並將幫辦團練首先逃避之紳士。查明具奏。總期眾志成城。勿為浮言所惑。致誤大局。該撫所聞調赴江南大營之四川兵勇。取道九江。擬請截留等語。此項川兵。並未徵調。恐係傳聞之誤。九江南贛官兵。仍即飛催赴省。無令遲延。將此

由六百里加緊諭令知之。○又諭本日據琦善奏。連日進攻揚城。賊眾兵寡等語。覽奏殊堪詫異。朕以琦善才尚可用。棄瑕錄取。特命督師江北。節制諸軍。原期一振聲威。殲除醜類。乃數月以來。擁兵邗上。收復無期。糜餉老師。咎將誰諉。茲復以妖氛肆擾。藉口兵力不敷。且云。即以揚城而論。亦有賊眾兵寡之虞。其將無計可施。任賊安踞乎。抑待賊全行竄出。中原糜爛。而後收復空城。以奏功乎。現在

度支告乏。軍餉不濟。大勢實屬可憂。是以特加硃諭。限於季夏以前。全數掃蕩。此朕不得已之苦衷。該大臣豈竟不動於心耶。總之。迅復揚城。惟該大臣之功。若日事遷延。以致兵驕將怯。皆不用命。則該大臣之罪。不可逭矣。罰罪賞功。國法具在。勿以疊奉嚴旨。視若弁髦也。瓜州紳士。雖有挫失。幸虹橋未失。水路尚有可扼。該匪不致任意往來。毫無顧忌。該大臣等。仍當剴切勸諭。紳士義勇。協力效忠。

功成膺賞。至於肅清江路。以斷賊蹤。當與向榮合謀。江面艇船。與瓜州團練。互相策應。庶可迅掃妖氛。所奏賊情片二件。並撥獲逆書一紙。已鈔給北路統兵大臣。及各督撫閱看。矣。將此由六百里各諭令知之。○又諭。本日據張芾奏。賊撲省城。出戰獲勝一摺。已諭令加意防守。並迅催援兵夾擊矣。此次南昌省城獲勝。多係江忠源所帶楚勇之力。惟賊鋒雖已稍挫。兵力尚單。昨已諭張亮基等撥兵

赴援。仍須湖南添派兵勇一同援應。據駱秉章等奏。調赴省城鎮守。永綏等營弁兵共一千六百名。著即於此項兵內抽撥八百名。馳赴江西省城。並將現募湘鄉等處練勇酌撥壯健者數百名。派員管帶。星夜前往。交江忠源調遣。以資守禦。江忠源籍隸湖南。其勇略素為鄉人所服。委以楚省兵勇。定能得力。若江省稍有疏虞。則楚省藩籬亦難自固。該署撫等。其妥速籌之。勿誤事機。將此由六百里

加緊各諭令知之。○署湖南巡撫駱秉章前任禮部右侍郎。曾國藩奏金陵賊船上駛調兵防堵情形得旨。賊蹤無定向。使處處防堵。焉有若是之多兵。防剿之事。惟應探逆匪與本省相近。即出兵痛剿。不可仍存疆界之見。冀免處分也。○內閣學士勝保奏。歷陳賊勢兵機。並周天爵不協輿情得旨。汝所見甚是。周天爵善受人欺。斷非有心貽誤者。○以江南豐工西壩漫塌。革河道總督楊以增職。仍留任。○以赴援不力。革護江西九江鎮總兵官羅玉斌職。○以守禦江西省城出力。賞把總何正杭。巴圖魯名號。知府林福祥。花翎。餘升補有差。予陣亡把總李光寬。祭葬世職。如都司例。○贈江南陣亡內閣中書鍾淮。知府銜。予祭葬世職。如知府例。已革守備方綱。祭葬世職。如千總例。外委連成榮。祭葬世職。如把總例。○乙酉諭軍機大臣等。前因賊匪渡河。竄擾懷慶一帶。降旨命訥爾經額督飭鎮

將前赴河北進剿哈芬於山西交界扼要截擊毋任紛竄茲據給事中張燁奏稱溫縣武陟皆與山西澤州潞安等府僅隔太行一山太行迤東為山西河南交界由東轉北為山西直隸交界現在賊匪被圍司馬集惟有聚而殲旃並扼據險要遏其竄逸等語現在訥爾經額所派總兵花里雅遜布董占元等想已與賊接仗日來未據奏報殊深懸繫托明阿等何時帶兵渡河思華是否趕到兵貴神

速該大臣務當相機調度迅掃賊氛萬不可稍有延誤山西與河南直隸唇齒相依哈芬是否出省如何設防籌剿何以日久亦未奏報澤潞為太行要隘有險可守若能派撥得力將弁帶兵扼要進擊不但自固藩籬並可為懷慶聲援著該撫遵照疊次諭旨迅即妥籌布置並親督兵勇進剿毋得稍涉延緩貽誤事機張燁摺著鈔給閱看將此由五百里各諭令知之○陝西提督桂明奏馳赴西安

擇要設防得旨地方情形隨時具奏若賊近陝境即帶兵迎剿不可先示賊有可乘之隙纔好況直隸山西兩省平安則陝西自無意外之虞汝謹記朕言勿稍有疑惑張祥河怕事書生若有留汝之意則相度機宜斷不可唯命是聽致誤大局若有防堵疏懈者無論文武即行叅奏○丙戌

上詣

壽康宮問

皇貴太妃安○諭內閣吏部奏遵議河督處分一摺河東河道總督長臻巡查河口是其專責乃先事未能豫防至賊已渡河始奏請赴豫修防實屬不知緩急長臻著改為降三級留任不准抵銷至太常寺卿王履謙經朕特派巡查黃河口岸於賊匪偷渡未能防範亦難辭咎王履謙著降二級留任不准抵銷仍責令會同該河督嚴密稽查毋稍疏懈○又諭李德奏遵旨查叅一摺分發東河學習之

刑部員外郎邵懿辰。經朕特派隨同河督。巡查黃河口岸。並有旨傳諭實力嚴防。茲據該撫奏稱。該員於河南歸德失守時。將劉家口船隻收歸北岸。尚未疏防。惟於燒毀船隻後。輒離防所。雖無守土之責。咎實難辭。邵懿辰著交部議處。所有李德自請議處之處。著加恩寬免。○又諭前曾壘次諭令黃河兩岸豫收船隻防賊偷渡。茲據李德奏。河南賊匪由洛入黃。聞係搶取汜水一帶煤船北渡等語。

洛河船隻。該地方官何以不豫為收集。致令該匪偷渡北岸。著陸應穀長臻查明賊匪所搶船隻。是否係汜水鞏縣管轄。即將各該管地方文武並河工員弁。一併據實嚴叅。按律治罪。並著嚴飭沿河地方州縣及河工廳汛。加意嚴防。毋得再有疏懈。○諭軍機大臣等。前據訥爾經額奏。探聞渡河賊匪在司馬集地方被民勇圍困。該大臣現已進駐磁州。相機勦辦。數日未見續行奏報。朕心實深懸繫。

此股渡河賊匪。雖為數無多。然不及早勦滅。恐裹脅日眾。又滋蔓延。該大臣務即督飭花里雅遜布董占元等。迅速進攻。毋稍延誤。前有旨令慧成折回河北。茲據李德奏稱。曹河現無逆匪。則慧成之兵自無須株守東省。該大臣即行知慧成徑赴河北。一帶有賊處所。協同攻勦。不可以有用之兵。置之無用之地。有人奏查乾隆年間。陝甘總督福康安奏請。每兵一名。備炒麵十五斤。足供半月糧餉。設遇調遣。立時攜帶啟程。即倉猝不能為炊。亦可拌食等語。著該大臣體察情形。酌量妥辦。將此由五百里諭令知之。○又諭前有旨。將前任同知陸有恒交桂良差遣委用。茲有人奏。該同知專事應酬。現赴直隸差委。意欲辦理糧臺。若令開銷一切。必多糜費等語。陸有恒本係廢員。經該尚書保奏帶往直隸差委。著即認真察看。如果該員尚知奮勉。自可節取其長。量為錄用。儻不堪驅策。即行撤回。不

得以保奏在先。稍存迴護。原片著鈔給閱看。將此諭令知之。○又諭。逆匪分股竄擾河南。江西。原圖牽掣大軍。分我兵力。前據張芾奏。江西省城情形危急。曾諭令湖廣督撫撥兵應援。江南軍營能否撥兵前往。並諭向榮酌量緩急辦理。原以金陵圍攻。正在喫緊之際。且著名首逆俱在城中。一旦分兵他去。恐致墮賊奸計。該大臣初到金陵時。攻剿似尚得手。乃迄今未能克復。而逆匪已水陸分竄。若

再遷延觀望。防範疏懈。致令著名首逆潰圍而出。向榮身為統帥。其何以當此重罪耶。近日攻剿情形如何。金陵鎮江二城。何時可以克復。江面上下游艇船。是否合力攻剿。著該大臣等迅速奏報。以慰廑念。將此由六百里諭令知之。○又諭。李德奏。調撥曹縣練勇二百名。飭令隨同長臻。前赴衛輝一帶攻剿。並派署遊擊張遇祥帶兵二百名。壯勇二百名。赴溫縣一帶迎擊等語。所辦均合機宜。逆匪

竄擾豫省。惟在統兵大員不分畛域協力兜剿。方能殄滅賊氛。該撫奏稱曹河現無逆匪。無庸另調弁兵。則慧成所帶之兵。自不必株守東省。惟現在慧成計已渡河而北。著該撫即行知照慧成。即由東省徑赴河北一帶。有賊處所。協同攻剿。本日已諭令訥爾經額酌量情形。咨會慧成。督兵與直隸派往官兵合力夾擊矣。將此由五百里諭令知之。○又諭。御史賈世行奏。請飭山西各州縣曉諭居民。

修補堡牆一摺。據稱太原等府四鄉村莊舊堡。歷年久遠。不無傾圮。現在逆匪竄至豫省。並有偷渡河北者。山西各屬地方。既有堡牆舊址。自應趕緊修補。以資捍禦。著哈芬即飭各該州縣官。剴切曉諭居民。遇有舊堡傾圮。各就地方情形。酌量修葺。即責成該處公正紳耆。妥為經理。無得假手吏胥。致滋流弊。一面實力舉行團練。俾民間守望相助。是即堅壁清野之善策也。該撫其認真妥辦。毋得視

為具文原摺著鈔給閱看將此由五百里諭令知之○山東巡撫李德奏賊由汜水渡河請飭叅玩泄之地方文武得旨豫省若如東省之認真收船何至有偷渡之事思之殊屬可惡○河南巡撫陸應穀奏報賊圍許州督兵進剿得旨許州緊急不可不援若東路續有賊來亦應籌及○賞調駐南苑察哈爾官兵羊四百隻○貸浙江回空各幫丁南漕餘米四千八百石有零接濟口食○丁亥諭內

閣有人奏河南陝州知州邱文藻辦理兵差浮開濫派贓逾二十餘萬又貢差過境苛派甲長並於前任交代賑濟捐項及富戶捐助軍需均未覈實報明又借修工之名罰及訟案中殷實之戶縱令門丁買妓為妾等事又署陝州知州劉學誠於該處甲長控告邱文藻門丁之案一味袒庇並強斷罰錢借修理之名以圖私肥此等貪污不職之員若不從嚴懲辦何以肅吏治而服民心邱文藻劉學

誠均著革職拏問交陸應穀親提嚴訊按律懲辦○又諭裕瑞奏審辦糾眾滋事首要各犯一摺四川江津縣土匪羅五因與王正通等挾嫌輒敢糾眾尋毆經官兵追捕復敢逃至雷坡溪山頂負隅抗拒疊傷練勇汎弁不法已極業經拏獲審明將羅五等三十四犯就地正法分別梟示外其餘各犯仍著嚴訊確情按律定擬具奏所有拏獲此案首夥各匪犯之江津縣知縣程祖潤與委員陸為炳等著該督撫酌量保奏候朕施恩以示獎勵○諭軍機大臣等長臻奏請飭催河工應撥款項等語據稱時交伏汛上年找撥之款及按時例撥之項多未支發當此水長工繁修防實關緊要該省軍需業已另撥有款司庫存項當可兼顧河工著陸應穀酌量籌撥毋誤要工現在豐北壩工復有墊塌上游水勢自必減落沿河工段或不致節節出險所撥銀數當酌加樽節不得稍有虛糜將此由六

百里諭令知之。○又諭。托明阿奏。督兵渡河。相機攻剿。長臻奏。稽查渡口。各一摺。據該將軍奏稱。督催馬步各隊官兵。四千餘名。晝夜趕渡。於六月初十日。業已全行渡過北岸等語。懷慶一帶賊匪。若不及早撲滅。恐裹脅日多。又滋延蔓。托明阿與善祿。西凌阿等。現已渡河。著即帶領官兵。迅速追剿。務將懷慶等處賊匪。盡數殲滅。該處與山西澤州接壤。清化鎮又係繁庶之區。若賊肆行搶掠。飽颺而

竄。太行只隔一山。已偏晉省門戶。哈芬雖已派員防堵。而兵力尚單。將才亦少。儻任賊匪竄入山內。則北達井陘。已踞直隸之險隘。關繫甚重。著托明阿等。督兵速往截剿。萬不可令其竄入太行。惟當乘勢緊躡賊蹤。與晉省防堵官兵。前後夾擊。必可一鼓殲除。至黃河南岸賊匪。據陸應穀奏。竄至許州。勝保前由鹿邑逃行。諒可不日趕到。著仍遵前旨。確探賊蹤。何路緊要。即由何路進剿。務使河南之

賊。不能搶渡北岸。則河北之賊。來源截斷。剿辦更易得手。至河面船隻。疊經嚴旨諭令陸應穀。長臻等。飭屬收集。而此股賊匪。即係由洛搶船過河北竄。地方文武。及廳汛各員。所司何事。儻再不實力防範。致令南岸之匪。乘閒偷渡。朕惟陸應穀。長臻。是問。王履謙。巡查河口。並著會同一體認真查緝。毋再疏忽。致干重咎。將此由六百里各諭令知之。○又諭。本日據哈芬奏。探聞山西澤州隘口。有賊匪

三千餘名。盤踞該省兵力甚單。請調兵援應等語。山西省兵。疊經調往河南。山東直隸等省。均難撤回。存省兵已無多。必須就近省分。撥兵援應。現在賊匪在懷慶澤州之間。著舒興阿。即撥兵二千名。配齊軍裝器械。遴委得力將弁管帶。迅速取道蒲州。直抵懷慶等處。會同托明阿等攻剿。毋稍延誤。該督仍當加意防守本境。陝州。蒲州。為山陝河南三省要隘。水陸均須嚴防。勿令匪蹤闖入。將此由六

百里諭令知之。○又諭哈芬奏賊蹤逼近晉省兵力甚單。並探聞澤州隘口有賊盤踞各等語。逆匪分股奔突。疊經諭令該撫相機設防。籌勦毋得稍涉延緩。茲據奏稱探聞山西澤州隘口盤踞之賊三十有餘。河南黃河北岸亦有賊船百餘隻。是否實有此數。抑係傳聞之訛。亟應偵探明確。妥為防備。惟前調赴直隸之大同鎮兵三千名。計今已抵直隸。若復令折回晉省。必致兩處均有延誤。著毋庸撤回。所請飭調西二盟蒙古官兵。亦屬緩不濟急。並著毋庸調取。該撫已飭總兵烏勒欣泰帶兵前赴澤州防堵。並撥兵往懷慶及蒲解一帶協守。計兵勇共六千名。而澤州要隘防守尤關緊要。本日據托明阿奏。已於初九日由滎澤河口帶兵渡至北岸。訥爾經額前亦派鎮將帶兵前往迎勦。均經諭令無分畛域。隨賊所向。併力埽除。著哈芬體察緩急情形。即行督兵出省。飛咨托明阿等會合夾擊。

諒不難一鼓殲擒。舒興阿督兵計已抵關。已諭令撥兵二千名。派員帶赴山西。由蒲州直赴懷慶。協同勦賊矣。徐繼畬曾任封圻。前有旨令其隨同辦理防勦。並可責成團練鄉勇。扼守要隘。以助官軍聲勢。近來各省一聞賊警。官眷先行移徙。以致民間驚惶。紛紛逃避。著哈芬嚴飭所屬鎮靜撫綏。毋為訛言所惑。另摺奏請通融酌給官兵鹽糧。事竣分別開銷。籌捐歸款。並馬匹草乾。援案就近支給之處。均著照所議行。嗣後事關軍務。該撫當照例由驛馳奏。勿稍遲延。將此由五百里諭令知之。○湖南永州鎮總兵官孫應照緣事革職。以廣西鎮安協副將奚應龍為湖南永州鎮總兵官。○戊子諭內閣。御史鮑繼培奏。京師城垣水門鐵柵。請飭履勘估修一摺。著工部迅速查明具奏。又另片奏東安門夾道地安門西直門等處溝渠坍塌。每逢大雨無從宣洩等語。著各該衙門查照上年工部議准

緊要段落即行勘估興修○又諭向榮奏參藉病久延及辦事乖方之都司守備一摺四川保安營都司蔣立勛廣西桂林營守備胡元昌因病請假逗遛楚省至數月之久未經報痊均屬有心規避四川廣元營守備張宗文派赴長沙管帶傷病兵丁來營輒敢不遵差遣藉詞徑回川省且不能約束兵丁致令在途滋事尤屬乖謬取巧蔣立勛胡元昌張宗文均著革職仍責令隨營效力儻再不知

奮勉即著嚴參治罪○諭軍機大臣等本日據訥爾經額奏續派官兵合剿並恩華奏現已行抵衛輝各一摺逆匪分股竄擾武陟懷慶現經該大臣添派署總兵雙祿帶同遊擊格洪額等統帶正定等鎮官兵一千名馳赴懷慶會同董占元剿賊並飭花里雅遜布甘恪修等分帶官兵屯劄後路以為聲援著即嚴飭該鎮將等確探賊蹤合力截剿斷不准遷延觀望致誤事機所有毗連豫省之澤州

潞安各要隘防守尤關緊要並著訥爾經額隨時知照哈芬協力嚴防勿任餘匪闖入恩華官兵需用車馬經該大臣飭令各州縣趕緊豫備仍須飛催前進勿令遲誤至該尚書隨營之兵雖祇有一千餘名現在托明阿所帶官兵四千名已於初十日全數渡河合計董占元等所帶之兵亦不為單弱著恩華星速前進會同托明阿督率河北各路帶兵大員併力追剿務使奔喘各匪不暇擄掠裹脅

則糧食火藥無從接濟定可一鼓殲除不留餘孽新任廣西左江道達鏞著准其留於恩華行營以資差委將此由六百里各諭令知之○又諭前經疊降諭旨令向榮等速籌克復金陵並將攻剿情形隨時奏報茲據奏屢次奮力攻城及鎮江師船接仗並撥兵援應江西及籌辦糧臺等情此次攻偪賊營直薄城隍兵弁俱奮勇爭先無所畏怯乃進攻兩晝夜總未得手而敢死之士復多有傷亡甚

為可惜。至該逆於東南北三城防守極嚴。惟旱西水西二門。備禦稍懈。該大臣等業經躡覓路徑。擬從西面攻其不備。著即相機布置。毋得再有疏虞。至此次鎮江師船擊沈賊船多隻。我兵礮船亦不免為賊擊壞。尚未能大加勦洗。本日怡良奏。吳健彰熟悉夷情。未可遠離上海。著向榮等。迅催麟桂李德麟等。會齊上下游艇船。趕緊肅清江路。則鎮江賊勢自孤。至金陵為大局所關。克復尤不可再遲。

該大臣既選擇勁兵。瀝血誓破此賊。將弁等自必踴躍用命。人思敵愾。務期設法迅速克復二城。則餘匪必皆破膽。若再遷延致令首逆潰圍而出。國法具在。斷難再加寬宥。此次攻城奮勇陣亡弁兵彭得標等。深堪憫惻。著即查明請卹。以示激勸。將此由六百里諭知向榮。許乃釗。並傳諭彭玉雯知之。○又諭前據怡良奏。亞美理駕國公使馬沙利。面交文書。並聲稱帶有國書。欲求呈遞。已諭該督妥

為曉諭。令其仍遵舊例。聽候兩廣欽差大臣覈辦。本日復據怡良奏。已在崑山與該夷酋相見。並將所遞夷書。拆封進呈。朕閱其情詞。不過新換公使。聲敘姓名。仍求和好。照常貿易之事。其所稱遣令入覲一語。雖係空言。亟須明白曉諭。杜其妄念。惟賜以覆書。則斷無此理。上海道吳健彰熟悉夷情。該督即密飭該道。堅持定議。妥為開導。中國撫馭外藩。惟年班及入貢諸國陪臣。乃有請覲之例。該國

遠隔重洋。素敦禮義。中外體制。自所深知。但須恪守條約。照舊通商。正不必遣使入覲。始見誠悃也。總以正論婉言。使其心服。該酋自不致別生枝節。儻或另有要求。不能理喻。即仍遵前旨。告以欽差大臣現在廣東。令其靜候查辦。一面知照葉名琛。妥為籌辦。務使該酋知奉旨不准之件。無論何省督撫。皆不敢再為陳奏。則無從要挾覬覦。自必安靜貿易。該督其慎密行之。另片一件留中。該道吳健

彭仍著留於上海本任無庸帶船前赴江面協勦將此由五百里諭知怡良並傳諭吳健彰知之○欽差大臣湖北提督向榮等奏疊次攻城及鎮江師船接仗情形得旨不克金陵大局不定向榮等激發天良鼓勵將士於夏末秋初之際務期克復堅城生獲渠魁若稍有耽延國法實難再宥也○命三等侍衛寬略在乾清門行走○補鑄兩江總督關防兩淮鹽政印信從總督怡良請也○己丑諭

內閣李德奏遵旨訊明知縣被參各款據實覆奏一摺山東樂陵縣知縣劉錞清查案內因公虧那銀兩業經摘頂議處其餘被參各款訊無確據惟於伊故父拖欠舊帳並不早為清理致令債主赴任所催索因招物議劉錞著交部議處無庸飭令回任其應完繳虧那銀兩仍著按限嚴追如逾限不完即著照例懲辦○又諭僧格林沁等奏駐劄南苑之察哈爾官兵現值盛夏請撥醫調治著理藩

院飭令醫生喇嘛數名前往南苑診視以示體恤所請撥補馬匹之處著依議行其應補給口糧之官兵著戶部查照成案辦理○諭軍機大臣等戶部奏度支萬分窘迫軍餉無款可籌密陳情形一摺覽奏實深焦灼國家經費有常自道光二十年以後即已日形短絀近復軍興三載庫餉已至二千九百六十萬餘兩部庫之款原以各省為來源乃地丁多不足額稅課僅存虛名朕軫念時艱特

發內帑數百萬金並命部臣等豫籌經費擬定條款頒行各直省酌量試行迄今數月覆奏者甚屬寥寥在督撫不過因事非易辦諉之部臣抑思部臣籌款豈能不取給外省耶即如各路糧臺需餉孔亟部撥各款該省既不能剋期起解而遇事輒復請撥鄰省款項徒託空言現在部庫僅存正項待支銀二十二萬七千餘兩七月分應發兵餉尚多不敷而三城尚未克復賊勢日見蔓延若不及早

籌維豈能以有限之帑金供無窮之軍餉乎。本日已嚴諭琦善向榮速圖攻剿以節糜費。特再申諭各直省督撫大吏其各就本省地方情形力籌濟時之策權宜變通其勢不得不。不然惟須得人經理自有實效豈可坐視大局渙散一籌莫展。戶部現行之官銀票招商分設官錢鋪俾官兵領票易錢並購買銅斤添鑪鼓鑄制錢之外加鑄大錢以為票本京師試行頗有實際已飭戶部妥議章程迅速

通行各省辦理各督撫大吏具有天良觀此支絀情形豈不思為朕分憂耶。戶部原摺鈔給密看勿庸宣示仍將現在如何籌辦之處迅速覆奏將此由五百里各諭令知之。○又諭本日據戶部奏自廣西用兵以來奏撥軍餉及各省截留籌解已至二千九百六十三萬餘兩。各省地丁鹽課以及關稅捐輸無不日形支絀現在銀庫正項待支銀僅存二十二萬七千餘兩等語覽奏各情實深焦灼逆

匪竄踞江甯揚州鎮江經朕特派琦善向榮督兵進剿乃數月以來不但不能收復而江面賊船竄至南昌浦口之賊擾及皖豫致江北各省紛紛調兵防剿國家經費有常安能以有限之帑金供無窮之軍餉推原其故總由該大臣等不能及早克復三城以致糜餉勞師無所底止若再遷延時日國家大勢將不堪設想琦善向榮皆獲罪之員經朕棄瑕錄用亦當知感知愧奮激圖功豈竟坐擁重

兵置國計民生於不問耶著琦善向榮等仍遵疊次嚴旨期限迅圖克復三城儻再觀望不前朕惟執法從事決不寬貸。戶部摺著鈔給密看毋許宣示該大臣等具有天良觀此拮据情形亦當為朕分憂也將此由六百里各諭令知之。○又諭王履謙長臻奏探聞懷慶被圍等情一摺本日已諭令訥爾經額恩華托明阿等督飭官兵剋期進剿矣。又據李德奏統帶官兵親赴懷慶一帶會剿兵力不

為不厚。惟該匪被勦後。難保不紛紛他竄。著王履謙長臻嚴飭沿河地方文武認真堵截。仍隨時於黃河上下游嚴密巡查船隻勿令賊匪踵至。乘間偷渡。其大河以南已責成陸應穀等帶兵搜捕矣。將此由六百里諭令知之。○又諭王履謙長臻奏探聞賊匪圍攻懷慶勢甚猖獗。並將城外所蓄沁水勾結土人盡行放洩等語。懷慶為河北要地。太行門戶。素稱繁庶之區。若任賊盤踞擄掠。西竄澤潞。

路險負隅。勢將繞出直隸腹地。且逼近衛輝。若由衛河入天津。勢甚便捷。亦不可不急為防範。該大臣前經派往之董占元等諒早趕到。托明阿等統兵四千亦早渡河。何以至今尚無進勦信息。本日據李德泰統帶官兵親赴懷慶一帶會勦。封疆大吏必應如此不分畛域。現在恩華隨營兵一千餘名。並該大臣續派之雙祿等。此時計均赴懷郡。兵力不為不厚。著恩華托明阿等即會同李德泰督飭官

兵與董占元等併力攻擊。速解懷慶之圍。萬不可任賊分竄。其衛河一帶為入天津之路。該大臣亦當設法豫為堵截。張集馨駐劄廟工。著即相機妥為布置。總之河北一帶肅清。則直隸山東山西等省均可安靜無事。況渡河之賊半係裹脅。乘其奔竄未定之時。合力圍攻。不難一鼓殄滅。兵貴神速。該大臣等務當剋期埽除。毋得稍有延緩。致誤事機。將此由六百里諭令訥爾經額恩華托明阿並傳

諭張集馨知之。○又諭據王履謙長臻奏稱該匪攻圍懷郡勢甚猖獗。懷慶為澤潞門戶。僅有疏虞。致令賊匪西竄太行。轉得踞險奔突。繞出直隸之後。所關非細。著舒興阿迅派將弁帶兵二千名。星夜催趲前進。由潼關渡河直從山西一路迎頭截擊。該督統兵由陝州一路進勦鞏縣一帶賊匪。以斷偷渡之路。萬不可稍有遲延。並著張祥河於陝州蒲州水陸要隘處所加意嚴防。是為至要。再有人

奏潼商道朱慶祺現患風痰半身麻木已經數年諸事廢弛現當防堵喫緊之際豈容衰病戀棧著舒興阿張祥河一面查明該員朱慶祺病狀即行叅奏一面先行派委幹員前往署理勿致貽誤將此由六百里諭令知之○又諭李德奏遵旨統率官兵親赴懷慶一帶會勦賊匪並派署遊擊張遇祥武殿魁等督帶兵勇馳赴懷慶聽候相機進剿一面咨會直隸河南剋期進攻等語此股賊匪半多

裹脅乘其奔竄未定之時協力兜剿不難一鼓殲除該撫不分畛域親自督兵出境會勦所辦甚合機宜其曹縣一帶已據札飭鎮道嚴密巡防瑞昌現駐濮州相離不遠聲勢自必聯絡該撫現已出境惟有探明賊蹤所在進兵攻擊所有渡河賊匪聞已竄至懷慶偪近澤州著即會同統兵各大員四面截擊勿使竄入太行致成負隅之勢其大河以南已責成陸應穀等帶兵接捕矣將此由六百里

諭令知之○又諭前經諭令勝保探明賊蹤迅往會勦陸應穀攻勦黃河以南賊匪本日據李德奏率兵親赴懷慶一帶協剿又據王履謙長臻奏賊匪圍偪懷慶郡城勢甚猖狂飛催各路官兵赴援各等語勝保行抵豫境黃河以南賊匪情形諒已偵探明確著即與陸應穀迅籌勦辦何處緊急即向何處進攻毋得稍涉遲緩並嚴飭經文岱柏山等併力合剿現在許州賊匪曾否殲除無論河南河

北勝保均應統籌賊勢先其所急聞洛陽鄉團現有萬餘人可斷絕逆匪西竄之路是否足資防守並著查明具奏將此由六百里各諭令知之○庚寅諭軍機大臣等前因山西澤州隘口有賊盤踞降旨令舒興阿撥兵二千名取道蒲州直抵懷慶等處攻勦茲據該督奏稱已飭總兵郝光甲帶兵由潼關渡河從蒲州大路前進等語所辦甚合機宜現在賊攻懷慶恩華托明阿等計已趕到該處與

澤州密邇賊匪被勦難保不四路奔竄著即飛飭郝光甲由蒲州至澤州一帶沿途確探賊蹤迅速進剿切勿使官兵與賊相左以致節節落後如逆匪尚在懷慶卽飭該總兵帶兵徑赴該處與恩華托明阿等合力進剿毋稍遲誤該督現駐潼關一俟後起兵到應由何路進兵卽著體察情形相機妥辦陝西河南交界要隘仍飭隨時嚴防毋稍疏懈將此由六百里諭令知之○科布多幫辦大臣輯

實錄卷九十一

十一

瑞奏敬陳愚悃一摺得旨汝原讀書少雖援引失當朕亦不肯切責現今時勢之艱非身任其事者不知其艱內外大小臣工皆係朕量材器使汝但言得人爲要然不知識人之難也汝亦係棄瑕錄用之人既出此言必能保朕用汝之顏面其勉爲之汝雖未多讀書然滿洲人差使甚多隨處皆可效力盡心斷不可以此爲恨朕猶記汝兄耆英在道光三十年間見面時屢請開缺伊曾奏曰宰相須

用讀書人是亦伊之見短處也○命江甯副都統綿洵隨同陝甘總督舒興阿辦理防剿

○辛卯以

神靈助順河南省城解圍加

關帝封號曰保民並頒

風神廟

御書扁額曰德著清塵

雲神廟

御書扁額曰廣大精神

雷神廟

御書扁額曰聲靈赫濯

雨神廟

御書扁額曰宣仁助順

河神廟

御書扁額曰仁恩永佑○諭內閣訥爾經額奏

永定河水勢陡長墊隄漫溢請將防護不力之道員廳汛分別懲處並自請議處一摺據稱本月初八日永定河水勢驟長南三工十

三號隄身坐墊時當昏夜人力難施致塌寬三十七丈掣動大溜民房田禾間有淹浸尚無傷損人口等語現當伏汛盛漲之時該廳汛員弁防守不力致有漫口實屬咎無可辭署永定河南岸同知王茂壩南岸守備王德盛均著摘去頂帶交部議處南三工涿州州判嵇蘭生汛弁額外委郭鳳林均著革職留工效力其管轄全河之永定河道定保著革職留任訥爾經額著交部議處該督仍嚴飭該道督同廳汛員弁趕緊裹築盤頭毋令續有坍塌其被淹各村莊即著分別輕重情形妥為撫恤○又諭福濟奏革員隨營效力請旨遵行等語已革漕運總督楊殿邦已革前任兩淮鹽運使但明倫均著留於福濟軍營差委○又諭陸應穀奏遵旨酌保守城出力文武員弁懇請鼓勵一摺逆匪分股竄撲開封省城經該地方文武各員登陴固守迅解重圍現據該撫開單保奏朕詳加披閱其

所保人數雖未免過多擬請恩施亦有過優之處惟念近來失事多由地方文武聞風逃散致令逆匪竄踞如入無人之境該地方官幾不知守土為何事思之實堪痛恨此次攻撲汴梁之賊該城文武員弁俱能協力同心率同紳民練勇奮力抵禦仰賴神威助佑轉危為安可見眾志成城足資保障自應從優獎敘以為守土者勸其歸德等處失守城池及被賊竄擾各地方文武員弁著該撫迅即查明嚴叅治罪庶使奮勉立功者得邀破格之恩而守禦不力者亦斷難逃憲典也○又諭陸應穀奏官兵追賊獲勝許州解圍一摺賊匪攻圍許州經該州知州金梁帶同兵丁登陴固守開放槍礮斃賊多名該州手被槍傷經文岱柏山王家琳等先後馳至賊匪聞大兵追及解圍南竄柏山率領將弁追至鄆城縣王店地方復經遊擊伊里綱阿督兵抄出賊後殲擒多名現在該撫已

飭總兵柏山馳往窮追並著督飭經文岱王家琳等迅將此股賊匪悉數殲滅毋令再有竄逸其懷慶一帶各路官兵雲集勝保現亦渡河會剿諒此股匪不難指日殲除該統兵大臣等務當迅速奏功俾大河南北一律肅清以慰朕望○又諭桂良奏參疏防門禁之驍騎校等官一摺直隸現辦巡防省會門禁尤宜嚴密防範驍騎校存祿於值班之夜並不留心看守經該尚書派員查出門鎖脫露

疏忽已極存祿著即革職以示懲儆城守尉岳奇未能督率弁兵慎重啟閉亦屬咎有應得著交部議處現當巡防喫緊之際仍著責成該城守尉督飭官兵認真稽查毋稍疏懈○諭軍機大臣等朕聞揚城賊匪每日止有南門出入取水取菜鈔關徐凝門亦間或一開近日賊中火藥不足放礮甚少油燭亦盡惟存糧尚多水道未斷以致賊勢雖蹙郡城尚難攻復逆匪竄踞揚城已將四月果能將

其接濟之路處處斷絕蕞爾孤城斷無不內潰之理現在琦善陳金綬大兵多在西北兩面福濟等所派兵勇亦偏近東北惟雷以誠所駐之萬福橋稍近東南其由南門下通瓜州之路僅恃福楙所帶兵勇及虹橋紳董防守未免較形單弱況自五月二十九日接仗之後該處紳董難保不挫動銳氣前次琦善奏報有該逆暗差奸細勾通瓜州之賊搶占虹橋從三汊河直抵揚州南門與城中逆賊

接應之語可見賊所注意者全在暗通江路而我之不能迅復揚城亦總由江路未能扼斷是南路一軍所關綦重至江浦六合儀徵皆為揚城西面要衝賊若被攻窮蹙欲下合金陵大股固須由此奔竄即金陵之賊欲上竄皖豫亦必從此經過六合現有德崇額等所帶吉林官兵並瞿騰龍帶兵駐守浦口亦有開隆阿武慶督兵防禦亟應認真堵截無任一匪闖入則西路之接應可斷西南兩路

俱絕則大兵併力專攻東北克復揚城始能杜其他竄慧成自抵清江後至今未見奏報不知現在行抵何處豐北壩工現復續有漫塌黃河下游必已斷流儻賊中聞此信息潰圍突出竟竄清江亦不可不先為防備著即知照周天爵奕經楊以增等一體嚴防仍知會李嘉端等防其續竄滁鳳援應河南之賊務使四面合圍俾城破之後不任一賊竄逸方為盡善又聞揚州西北南三門均難攻破其鈔關徐凝門缺口東關便益門天甯廣儲等門沿城從南北河下起至便益園田等處該逆不能盡行防守避堅攻瑕亦係行軍要訣既有城身單薄之處即可設法由此進攻或用礮轟擊或暗通內應但須偵探明確因地相機設法進取窮寇孤城自不難於迅克也將此由六百里諭令知之○又諭陸應穀奏許州解圍督兵進剿一摺賊圍許州經官兵追及並未接仗輒即逃竄柏山帶兵尾追

雖獲勝仗尚未能痛加剿洗該匪避實擊虛是其慣技大兵所到輒即竄逃兵所未至任其奔突以致所過城池多遭蹂躪此股賊匪本不甚多若不及早殲除則裹脅日眾或與皖楚各匪勾連剿辦更難得力前有旨令勝保會同該撫協剿本日據奏因河北緊要已渡河馳赴懷慶所有黃河以南賊匪即責成陸應穀勦辦該撫身膺疆寄責無旁貸著即督同經文岱柏山等將由許州南竄各匪迅速追剿或繞道截擊或設伏潛攻總期悉數殲擒毋任此拏彼竄再致滋蔓將此由六百里諭知陸應穀並傳諭經文岱柏山知之○又諭現在許州圍解南竄之賊業經該撫飭令鎮將等帶兵追剿勝保督帶兵勇渡河會勦懷慶一帶賊匪所辦甚合機宜此時思華托明阿李德等想已齊抵懷慶勝保正可會同攻擊四路兜圍將賊匪聚而殲旃不但杜其北竄並不可任其西竄太行致令負隅抗

拒更滋蔓延。至所奏調撥西凌阿馬隊官兵八百名。以便追擊。自應如此辦理。我兵盛暑遠征。殊堪軫念。並著勝保加意慰勞。隨時激勵。俾軍務速蒞。同荷恩施。將此由六百里諭令知之。○以河南省城守禦出力。賞代理布政使沈兆澐。按察使林揚祖。道員張昀。蔣啟敷。周煦徵。知府賈臻。同知寶福。陳兆觀。佐領春塔。參將崇安。遊擊徐榮。杆守備馬春華等。花翎。同知羅嘉恬等。藍翎。餘加銜升補有差。

○以河南紳士守禦省城出力。賞知府張光第。同知萬金鏞。花翎。訓導朱錫章等。藍翎。餘加銜升敘有差。○壬辰。

上詣

壽康宮。問

皇貴太妃安。○諭軍機大臣等。訥爾經額奏。續派官兵。馳赴懷慶。並移營彰德一摺。賊匪攻撲懷慶。已經旬日。各路進剿官兵。馳抵河北者不下萬餘。亟應迅速會剿。乘其蟻聚懷郡。

一鼓殲除。方不致再滋延蔓。昨據哈芬奏。探聞賊匪盤踞澤州隘口者。三千餘人。本日訥爾經額奏。攻城賊匪約有五六千人。當其屯聚司馬集時。鄉民即能圍困。人數自不甚多。乃數日間嘯聚至數千之眾。可見進兵稍遲。則裹脅愈甚。勦辦更難得手。該大臣現已馳赴彰德。居中調度。並派蘊秀。伊綿阿等馳往會同鎮將等。即日進攻。自應如此辦理。著即知照恩華。托明阿等。督飭帶兵各員。迅速進剿。切勿再有延誤。致令紛竄。據奏擬令慧成駐劄衛輝。以防賊匪潰竄。現在慧成行抵何處。著即飛催遄行。毋稍遲延。該大臣如須督兵前進。仍著隨時酌度。軍務情形。旦夕不同。萬不可延緩貽誤。董占元。已降旨薄懲。即傳旨該鎮。若再不改惡習。恐軍法難倖逃也。將此由五百里諭令知之。○浙江巡撫黃宗漢奏。報親勘嘉興湖州防堵情形。並解散台州匪徒。得旨。浙省防堵。不容稍懈。若果有逆匪。

聞入尤應越境迎勦。不可先示以弱。致滋蔓延。○山西巡撫哈芬奏報出省防勦日期。得旨。軍務情形著斟酌緩急。應用幾百里由驛奏報。○河南巡撫陸應穀奏報南陽鎮總兵官柏山追賊至西平。續獲勝仗。得旨。乘勝勦洗。不可使賊稍息。兩次獲勝。俱得抄後之力。可見賊之慣技。我即用以擊賊。必能得手。柏山甚為奮勇。俟此股殲盡。即行保奏。○以帶兵遷延。摘直隸大名鎮總兵官董占元頂帶。

下部議處。○癸巳諭內閣。御史福善奏。奸商剋扣。請旨嚴禁一摺。現在戶部設立官錢鋪。兌放八旗兵餉。必須嚴除積弊。方可取信軍民。若如該御史所奏。官錢鋪散放兵餉。任意扣折。攬用小錢。並該鋪商人強橫異常。不准取錢人詳細點數等情。殊非設立官鋪便民利用之本意。著戶部派員實力稽查。官鋪商人如有扣折剝削及攬用小錢情弊。立即嚴行懲辦。並於各官鋪出示曉諭。以杜奸欺。儻

取錢人等故意挑斥為難。亦著一併查究。○又諭。文瑞奏。豐工復蟄。請勒限賠修一摺。南河每歲工需數百萬兩。楊以增身任河督。數載於茲。宜如何搏節慎防。以期帑不虛糜。工歸實用。乃豐北決口。本年二月方報藏工。未經伏汛。新工即有蟄動。總由該河督不能實力稽查。承辦各員。辦理草率所致。前已降旨。將楊以增革職。仍留督辦河工。所有此次豐北應修工程。楊以增及承辦工段各員。著於

例賠之外。加倍罰賠。以儆玩泄。另片奏。參江蘇臬司查文經。請一併罰賠等語。查文經雖已離工次。其從前督辦草率。咎實難辭。著拔去花翎。仍交部議處。○又諭。王懿德奏。閩省上下兩路。勦賊獲勝。並收復縣城一摺。據稱署延建邵道胡應泰。署參將李煌。帶兵六百名。鄉勇三百名。五月十九日。行至沙縣鎮頭地方。即有永安逆匪二千餘人。設伏攔截。該護道等督兵勦殺二三百名。直抵城下。城中

先已探知典史江宿海商同紳士糾集義勇殺賊開城迎接我兵進城已潰之賊復聚攻城署參將李煌殲斃紅袍賊首一名執旗舞刀賊目十一名餘賊三百餘名生擒賊目姚興等五名就地正法奪回印信二顆旗幟槍礮器械不計其數我兵並無傷損又護興泉永道來錫蕃署參將韓嘉謨與總兵郭仁布在同安縣會剿賊眾繞路直犯縣城該鎮出城攻剿共斃賊目二名餘匪二百餘名賊始

敗退其廈門之賊經來錫蕃知會水師提督施得高護金門鎮總兵孫鼎鼐各領師船至浞尾地方擊沈大號匪船二隻小船一隻奪獲三桅大船一隻斃賊三百餘名受傷溺斃者二百餘名生擒偽軍師陳金一名餘匪十名搜獲偽印一顆大礮銅礮旗幟多件至永春州所屬大田德化二縣先後失守大田先經收復知縣李文照患病該匪乘虛復擾兩次占城該縣被戕經教諭鄒鴻鏞等糾眾殺

賊收回縣城該署州崔洲亦同陸路遊擊恩需各領兵勇驅除德化縣逆匪將城收復等語福建延平府屬沙縣永安二縣汛先後失守該地方文武員弁均有應得之咎惟念該員弁等撥拏賊黨連獲勝仗立將沙縣永安縣同時收復功過尚足相抵所有護延建邵道胡應泰署延平協副將李壽春署延平府知府毛健失察處分均著加恩寬免此外在事出力人員著該署督據實保奏其失守員

弁並即查明叅辦○又諭訥爾經額托明阿奏攻勦懷慶城外賊匪大獲勝仗一摺據稱托明阿會同提督善祿已革都統西凌阿督兵渡沁河分三路進剿該逆亦分三路由東南北三面城廂繞出抗拒我兵奮勇前進施放連環擡槍擡礮迎擊自己至申斃賊七八百名沁河隄北之賊亦擊斃二百餘名共殺賊一千餘名內有黃巾黃袍賊目二名執令旗一名據生擒長髮賊供指即係賊首偽丞

相吉文元等語。此次賊撲懷慶府城。該城文武官員尚能登陴擊賊。以待援兵。不負守土之職。托明阿督兵渡河。即會同善祿西凌阿。首先奮勇殲厥渠魁。大挫賊鋒。甚屬可嘉。現在托明阿善祿董占元雙祿等分兵三路夾擊。訥爾經額已飭署河北鎮總兵花里雅遜布等在扼要隘口攔截。防其奔竄。恩華勝保李德即日趕到。正可督兵接應。四面兜擒。此股賊匪諒無難剋日埽除。該大臣等不可以

已獲勝仗。稍存大意。其各鼓勵軍心。迅速蕩功。同膺懋賞。朕有厚望焉。○又諭張芾奏連日勦賊獲勝情形一摺。據稱該逆於永和得勝兩門外連創三營。分股在各門攻擾。經兵勇開放槍礮。並縋城追擊。先後斃賊百餘名。生擒七十六名。六月初二日江忠源等派令楚勇九江鎮兵川勇並六品頂帶前任臬司徐思莊。擅道鄧仁堃所練之勇分三路進攻。斃賊多名。又片奏該逆用地雷於得勝門新

築月城外轟塌城牆六丈有餘。蜂擁而上。經江忠源帶同伊弟江忠濟督率楚勇首先擊退。各等語。逆匪攻撲南昌。經張芾陳孚恩江忠源等督率兵勇縋城殺賊。疊獲勝仗。江忠源所帶楚勇尤能勇往出力。江忠源著賞給白玉翎管一支。白玉四喜搬指一箇。所有在事出力之文武員弁紳民兵勇著該撫覈實查明先行保奏。以昭激勸。現在向榮已派鎮將大員帶兵馳赴江西。並湖北湖南各督撫

亦派撥將弁兵勇前往助勦。指日大兵雲集。蠢茲醜類。不難剋日蕩平也。○諭軍機大臣等。寄諭陝西巡撫張祥河。據都察院奏陝西民人余萬榮等呈控懷遠縣蠹役勒折苛派等情一摺。此案前經都察院咨交辦理。何以至今一載尚未清結。且復有委員聽從書役誣良為匪。又發兵搶奪民財婦女。燒毀山村民屋等事。如果屬實。何以服民心而肅吏治。著該撫按照所控情節。虛心研鞫。按律定擬。

無枉無縱將此諭令知之○又諭王懿德奏
勦辦賊匪獲勝並收復縣城各情一摺現在
沙縣永安雖經收復而賊首尚未就擒廈門
漳州亦尚有賊眾盤踞且與臺灣一水可通
臺灣現亦不靖若使各匪互為勾結更將滋
蔓難圖該署督務當督飭在事文武分投勦
捕水陸合擊將內地匪徒剋期殄滅仍一面
嚴飭臺灣鎮將及策應之副將呂大陞等迅
將該處戕官攻城匪眾設法翦除淨盡無令

與內地各匪勾結為患所請籌撥軍餉銀兩
已由戶部籌款分別撥解現在庫款支絀萬
分前由戶部密陳情形業經分寄各省該署
督亦當代為焦急搏節動用設法籌畫也將
此由六百里諭令知之○又諭葉名琛奏勦
辦湖南交界匪徒獲勝並嚴防江西匪黨竄
逸一摺湖南郴桂一帶毗連廣東南韶連各
屬有匪徒數百紛竄滋擾經該督會同提督
崑壽派委文武員弁探蹤堵勦疊次殲擒賊

匪多名餘匪四散逃匿難保不復行糾聚廣
東與湖南江西接壤之區隨處可通著葉名
琛仍嚴飭各委員協同該地方官實力查拏
務期翦除淨盡至所稱江西匪徒竄入湖南
桂東縣境內屯聚桂陽縣復有另股匪徒肆
擾現飭南韶連鎮道督率所屬團練鄉勇並
著遴派幹員馳赴交界地方協勦其江西龍
南信豐各匪尚未殲除防勦尤為緊要毋使
闖入粵境所有交界各要隘惟當一體嚴防

兜捕勿稍疏懈近來粵洋匪船出沒經各鎮
將派帶舟師捕拏盜犯二百五十餘名尚有
外來匪船竄入伺劫著該督飭令該鎮將等
督派弁兵趕緊追捕以清洋面前據該督奏
稱雇備紅單船二十隻於五月二十一日啟
程駛赴江南刻下江南勦匪正在喫緊此項
船隻已否全數開行著催令迅往應用本日
據王懿德奏勦辦閩省會匪請飭催粵兵馳
往援應並著葉名琛即飭前調官兵迅速趨

行由漳州一路進發。聽候王懿德調遣。毋得延緩貽誤。將此由六百里諭令知之。○又諭。訥爾經額。托明阿奏。攻勦懷慶賊匪。大獲勝仗。一摺。覽奏稍慰朕懷。惟賊情詭譎。飄忽靡常。難保不窮蹙他竄。為避實擊虛之計。據稱該逆被勦後。現於懷慶四關散駐。恩華由衛輝前進。諒早趕到。李德已帶兵親往會勦。勝保亦帶兵渡河。此時大兵雲集。托明阿等於十七日。由府城東南兩關。往西攻勦。董占元等。由北路進擊。想已與各路官兵。四面兜圍。務期聚而殲旃。勿任竄逸。不惟北路一帶。宜加意嚴防。亦斷不可令其西竄太行。再致延蔓。該大臣等。乘此聲威。仍當嚴飭鎮將。鼓勵軍心。不可稍涉遲延。亦不可略存大意。其通籌全局。迅殄妖氛。以慰朕念。將此由六百里各諭令知之。○又諭。張芾奏。守禦事宜。並與賊匪接仗情形。各摺片。賊情變詐百出。仍須加意嚴防。且據湖口縣報稱。又有續到賊船

百餘隻。賊匪日增。而守城兵勇。相持日久。又恐各有懈心。前據向榮奏。已派總兵音德布。帶兵一千二百名。於六月初七日啟行。前赴江西。其湖南北各路援兵。諒均不日可到。該撫惟當激勵在事文武兵勇。竭力守禦。援兵一到。更可內外夾擊。將此股賊匪。剋期殄滅。至現擾江西之賊首。係何姓名。賊眾究有若干。是否洪逆分股。抑係金陵遣散之楚匪。另股分擾。現有生擒賊黨。著即訊明具奏。再該撫近來奏報到京。甚屬遲滯。自係因道路梗塞所致。其應如何繞道驛遞。迅速之處。並著酌量辦理。將此由六百里加緊諭知。張芾並諭令陳孚恩。汪忠源知之。○欽差大臣大學士直隸總督。訥爾經額等。奏報攻勦懷慶城外賊匪。大獲勝仗。得旨。渡河逆匪。受此勦戮。事機庶可挽回。朕泣感天恩深厚。嘉爾諸將士奮勇當先。然此時朕不敢稍萌輕易之心。訥爾經額等。尤不可略存

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十七

監修總裁官曰議起唐王官太子太保上書原總師傅又周鍾經閣事翰林院院學士稽察欽天監事務外又周史館總裁官云云

大興士官理兵部事務加十三級紀錄十四次以直貴輔導本朝勳旨經理謀官太子太保又周領閣事云云英殿總裁官制督臣呂士體仁閣

大學士官理戶部三庫事務管理刑部事務加二十三級紀錄十六次以周祖德總裁官太子少詹管理內繕書房事務計引見日軍機大臣

鑲黃旗滿洲都統戶部南書管理三庫事務加四級隨帶加五級紀錄十二次以寶善額舊職官經說謀官弘德殿殿前侍講文通達書房侍讀

通國史館總裁官正監謀蒙古都統禮部南書管理太常寺鴻臚寺事務加二級實功加四級隨帶加八級紀錄三次以傅什璘布多萊

教修

咸豐三年癸丑六月甲午諭軍機大臣等李

嘉端奏。縷陳江中賊情。亟宜籌防。及接琦善咨。防賊分竄。各摺片。據稱江面時有賊船。乘間四出。搶米接濟。欲保地方。困賊匪。非嚴防江面不可。現飭各州縣整頓鄉勇。遇賊併力合剿。並於練勇內。挑選精壯。可得二千人。再購大礮數十座。分守東西梁山。又咨副都統雙成。仍在滁州關山一帶嚴守。調前署鳳陽縣黃元吉。帶勇由巢縣含山。迎剿金陵鎮江。逸匪等語。已諭令琦善。向榮等。迅籌攻剿。並

飭向榮於廣東續雇之紅單船到江時提赴上游與下游艇船合力夾擊矣。逆匪竄擾豫省攻撲郡縣現經訥爾經額派委鎮將與托明阿之兵合力勦擊將河北懷慶城外之賊痛加勦洗河南許州之賊亦經柏山等擊退餘黨由西平一帶逃竄難保不復行竄回皖省交界防勦最關緊要周天爵現駐徐宿一帶設或該逆竄至附近地方必當竭力督勦並著李嘉端督同總兵玉山迅撥兵勇扼守

要隘毋稍疏懈至該撫所稱金陵鎮江賊匪欲赴六合報讎雖未可盡信仍當隨時確探周密籌防萬勿稍涉大意將此由六百里諭知周天爵李嘉端並玉山知之○又諭據李嘉端奏探訪江上賊情一摺逆匪分踞三城屢次諭令該大臣等設法收復並杜賊分竄之路乃數月以來均以進攻未能得手為詞且任賊分股北擾河南復有賊船上竄江西圍撲省城本日據李嘉端奏盤獲奸細楊恩

海一名訊隨賊首楊秀青自江甯竄至江西被官兵殺敗差周文邦回江甯邀賊助戰又該撫於五月內曾風聞楊秀青於十四日潛已上船以粵東寄籍金陵之人僭封偽王以圖影射與奸細供詞似相符合逆情詭譎異常如果楊秀青已離金陵故留餘匪在城牽掣大兵豈不又墮奸計且鎮江揚州城內逆首被圍日久亦恐乘閒潛出為竄擾他處之計並聞該逆匪假冒官兵號衣希圖溷跡琦

善向榮等頓兵城下於城內賊情虛實自必隨時偵探但恐師老力懈竟令賊首潰圍而出又蹈從前覆轍該大臣何以對朕耶至賊匪分撥一萬二千人前赴六合報讎之說雖未可盡信亦不可不豫為防範現在黃河南北股匪已屢被官兵擊敗其江南大股逆匪難保不續由江浦一帶北竄以為豫匪接應總之江面不靖則逆匪得以往來自如處處可到防勦諸形棘手所有下游艇船得力者

僅數十隻。止能防其一面。前調廣東紅單船。此時諒已趕到。即著向榮相機調赴上游扼要處所。堵賊上竄之路。其下游一帶。即責成麟桂。會同水陸提鎮大員鄧紹良等設法先將鎮江剋期收復。翦其羽翼。則賊勢自孤。其著名首逆如楊秀青等是否已離江甯。著向榮確切訪探。即一面嚴飭鎮將兵勇奮力攻擊。迅圖克復。至江北要口。前據琦善奏稱已派瞿騰龍帶兵二千。協同吉林官兵駐劄堵禦。著即隨時督飭。加意嚴防。毋稍疏懈。麟桂現署江甯布政使。著仍督帶船礮。會同水師鎮將相機攻剿。舟中儘可辦理地方公事。並可與鄧紹良隨時知照。水陸夾攻。無庸移劄丹徒。轉致不能兼顧也。將此由六百里諭知琦善。向榮陳金綬。雷以誠。許乃釗。並諭知鄧紹良。傳諭麟桂知之。○又諭。昨據訥爾經額奏。賊倡懷慶。經托明阿等。勦殺一千餘名。並殲斃偽丞相吉文元。是河北之賊。計日已可

蕩平。惟河南之賊。由許州南竄西平一帶。急須跟蹤痛加勦洗。或繞前夾擊。萬不可任賊竄入鄰省。遂為了事。著陸應穀即督飭經文岱。柏山。王家琳等迅速追剿。乘賊喘息未定。即可一鼓殲除。如餘匪竄入皖楚各界。亦即嚴飭該鎮等出境奮力追擊。並隨時飛咨鄰省合力防剿。毋誤事機。將此由六百里諭知陸應穀。並諭令經文岱。柏山知之。○又諭。前因哈芬奏。澤州隘口探有賊蹤。當即諭令該撫體察情形。出省會擊。茲據奏稱探聞賊匪在懷慶東關劄營。即派遊擊和昌帶兵前往救援。因沁河阻隔。仍回太行山口駐劄。其澤州大小隘口。及與河南相通處所。俱已嚴密防守。自應如此辦理。現在太原鎮總兵烏勒欣泰帶兵一千名。已到澤郡。續派之大同鎮兵一千名。亦可趕到。舒興阿督帶陝甘官兵由蒲州一路直達懷慶。兵力不為不厚。昨據訥爾經額等奏。勦辦懷慶城外賊匪。業已大

挫兇鋒。該逆被勒窮蹙。難保不西竄太行。著哈芬仍遵前旨。迅即督飭鎮將扼要截擊。斷不可任賊闖入山隘。致滋蔓延。將此由五百里諭令知之。○又諭。昨據陸應穀奏。逆賊由河南許州竄至西平等處。經該撫飭令總兵柏山等一路追勦等語。河南與湖北接壤。襄陽樊城地方尤扼形勝。急宜嚴密設防。杜其竄擾。將軍台湧現已啟行來京。陛見。無論行抵何處。著即折回荊州。探明賊蹤。如竄楚境。即著帶兵迎頭勦截。以遏賊鋒。並著張亮基崇綸速飭襄陽一帶文武各員一體嚴防。毋令賊匪乘間竄入。將此由六百里各諭令知之。○予安徽鳳陽縣殉節訓導吳耀文祭葬。世職陣亡封職王鐸等旌卹如例。○乙未。諭內閣。賈楨奏紳士團練緝獲土匪請飭地方官究辦一摺。山東黃縣東鄉地方土匪張九仔等糾眾結盟。聚黨至八十餘人之多。經該處團練局會同營弁設法緝拏。張九仔等六

犯送縣究辦。此種土匪聚集多人。不法已極。既經拏獲。即應迅速懲辦。何以該縣懸宕二十餘日。並不嚴加鞠訊。著該撫即派幹員前往將拏獲各犯提訊明確。就地正法。以儆兇頑。並查明該縣延玩情形。有無吏役人等從中徇庇。一併叅奏。其未獲各夥犯仍著該地方官協同團練紳士嚴拏務獲。毋任一名漏網。○又諭。陸應穀奏官兵追賊大獲勝仗。南竄股匪殲戮將盡一摺。該逆竄入遂平縣城。經柏山督兵緊追至城南。兩路埋伏。大隊官兵乘夜圍繞城北一帶。連放大礮。該匪聞礮棄城南竄。至沙河北岸。伏兵齊起。槍礮並施。柏山知賊陷伏中。即督大兵齊進。該逆抵死抗拒。我兵奮勇爭先。無不一以當百。賊匪紛紛投河淹死者不計其數。殺斃長髮賊二百餘名。餘黨三百餘名。並砍殺偽丞相李姓。復進城。按斬數十人。總兵經文岱帶同遊擊全喜都司蘇林趕至遂平。復分投按獲二十餘

名立時正法。此股逆匪業已剿戮殆盡。惟未經接仗之先。尚有偷渡沙河零匪。及王家琳在西平所遇之賊。亦有逃竄。該撫仍當嚴飭鎮將員弁迅速掩捕。務期悉數殲除。毋留餘孽。柏山奮勇直前。三獲勝仗。甚屬可嘉。著加恩賞戴花翎。其在事出力員弁。並著陸應穀酌量保奏。候朕施恩。毋許冒濫。○諭軍機大臣等。向榮許乃釗奏鎮江官兵接仗失利。趕派大員帶兵赴援。請將提督革職治罪一摺。

逆匪占踞鎮江。經該大臣特派提督鄧紹良帶兵剿辦。茲據奏稱本月十三日賊匪突於焦山一帶蜂擁而來。將湖南及各處營盤盡行蹋去。官兵退劄馬陵。鄧紹良現在丹徒鎮收集散兵等語。覽奏實深憤懣。鄧紹良身應專閫。付以克復重任。平素尚屬勇敢。何以如此潰敗。豈受恩超擢。志得意滿。以致兵心散渙耶。鄧紹良著先行革職。留於軍營效力。至焦山在大江之中。不通陸路。該匪由何路衝

來。情形亦尚未確。仍著向榮許乃釗迅速查明。因何失利。是否毫無準備。為賊渡江掩襲。據實參奏。鎮江為蘇常屏蔽。不可稍有疏虞。該大臣派令和春帶兵馳往應援。著即飭令迅速督剿。務將賊匪殲除。力圖克復。本日已有旨令怡良前往調度。督率提鎮水陸將弁併力進攻。並令嚴飭蘇常各屬文武會督紳士率同團練民勇一體嚴防。其下游師艇各船即飭令麟桂李德麟嚴督兵勇相機進攻。

毋稍疏懈。至金陵日久未復。該大臣現在如何布置。儻首逆楊秀青竟已潛竄江西。而以堅城牽掣我軍。或因官兵圍困稍懈。併力奔突而出。賊情詭詐異常。急須加意防範。設法攻剿。毋再遷延玩泄。致干重罪。大營糧餉向由江西支應。現因南昌被圍。未能兼顧。已諭令怡良會同許乃釗先由江蘇就近支應接濟矣。將此由六百里加緊各諭令知之。○又諭據向榮等奏稱探報鎮江官兵接仗失利。

一摺。據稱賊匪突於焦山一帶。蜂擁猖獗。將湖南及各處營盤。盡行蹋去。現已退剄馬陵。並鄧紹良。在丹徒鎮收集散兵各等語。所有官兵營盤。均緊偏鎮城屯剄。何以一經攻撲。輒被占踞。至焦山係在大江之中。所稱由焦山一帶。將營盤盡行蹋去。是否該逆由水路暗襲。所報殊未明晰。著怡良就近確切查訪。此次接仗失利情形。是否實係接仗。抑係毫無準備。為賊所襲。鄧紹良平素尚屬勇敢。何以如此潰敗。是否超擢之後。志滿氣盈。不能身先士卒。以致眾心渙散。即據實覆奏。毋稍遷就。四川等省官兵。退往馬陵駐剄。該處為下游蘇常門戶。所關緊要。現經向榮派令和春督帶官兵。前往援應。該城距大營較遠。著怡良體察情形。前往調度。即督率各提鎮及署藩司麟桂。水陸進攻。力圖克復。並督飭蘇常文武紳民一體嚴防。至江南大營糧臺。本由江西支應。現在南昌尚未解圍。一時實難

兼顧。即著與許乃釗商酌。於江蘇就近支應。仍飭彭玉雯。熊我督率委員等。妥速辦理。知府潘筠基。著仍留糧臺幫辦。俟江南肅清後。仍由江西糧臺專案報銷。將此由六百里加緊諭令知之。○又諭張亮基奏。現籌擇要防。勦並分兵援應江西一摺。據稱廣濟縣之田家鎮。對面有半面山。壁立江心。江流最狹。該署督擬於該處安設木筏大礮。防賊抄襲。並可兼顧南北兩岸。辦理尚屬得宜。至南昌現尚被圍。該省居閩浙皖楚之中。其地最關緊要。萬不可稍有疏虞。該署督已分撥兵勇。及招集廣勇等。共二千餘名。馳赴該省。著即趕緊催令星夜趲行。無稍遲延。所請將黃州副將張金甲。帶赴江西。著准其馳往軍前。戴罪自效。至襄陽樊城等處。與河南接壤。即著阿勒經阿。隨同台湧嚴密設防。惟該署督現已回省。署提督復回襄陽。其下游江防。專責該署道府接辦。是否可以放心。仍著隨時體察。

情形相機策應。無稍大意。本日據陸應穀奏南陽鎮柏山追賊至遂平。連日大獲勝仗。南竄股匪計將殲除殆盡。儻餘匪闖入湖北。仍當迅速堵擊。勿令滋蔓。又據蔣蔚遠奏已選精兵二千名。派得力鎮將帶赴湖南。現在計已到楚。該省防堵之兵不至單薄。前有旨諭令調赴江西之鎮筸兵八百名。湘鄉練勇數百名。並著迅催星速援應。南昌被圍情形萬分緊急。專望兩楚援兵。切勿延誤。該署督另

片奏請差委需人。已降旨令吏兵二部揀發各員。候旨發往該省矣。將此由六百里諭令知之。○又諭陸應穀奏官兵追賊獲勝。南竄股匪將盡一摺。並遂平縣剿匪情形等語。此股逆黨所餘無幾。萬不可稍留遺孽。令其流入皖楚。更相勾結。著該撫督飭柏山等速籌兜截。淨埽根株。南路肅清。則河北賊匪來源亦斷。更易勦辦。經文岱。王家琳與柏山同剿河南之賊。何以經文岱趕至遂平。已在柏山

得手之後。且所帶遊擊全喜等僅撿獲賊二十餘名。該鎮究在何處逗遛。因何遲到。王家琳行抵西平。因雨繞道。何以遇賊僅三十餘人。即被矛傷左脅。豈該革員所帶兵勇尚不敵賊匪之數。並因雨繞道。雖禾黍茂之時。亦不能任其藉口。王家琳顯有畏縮退避之情。著該撫訪查明確。據實奏。遂平縣知縣劉鴻勳因賊匪直撲縣城。迎頭堵截。獲勝該逆退至張塘。該縣復會營追剿。並與汝甯委

員一同殺賊。獲有偽腰牌號褂黃補邪經等件。又生擒匪犯多名。功過尚足相抵。著該撫存記。俟軍務告竣。再行請旨。惟該員所殺頭紫黃巾手執偽令逆匪。查驗補服有春官正丞相字樣。前據訥爾經額奏托明阿於懷慶殲斃偽丞相吉文元一犯。與向榮所遞逆書內春官正丞相吉文元名姓相符。是該逆吉文元已在河北伏誅。何以遂平地方又有該逆號衣。仍著該撫查明。一併覆奏。將此由六

百里諭知陸應穀並諭柏山知之○又諭張芾奏楚勇搶護省城出力一摺○此次賊匪轟塌城牆乘勢搶撲該楚勇等能於倉猝之間奮勇搶護俾城內得以趕緊修築在城紳士徐思莊陳景謨汪如鑑等亦能會同文武分段守禦斃賊多名均屬奮勇可嘉現在向榮所派音德布帶往赴援之兵計已趕到本日張亮基奏已飭都司戴文蘭管帶湖北兵一千名廣勇五百名川勇五百名星夜馳往又據蔣霽遠奏已撥貴州兵二千名前赴湖南亦經諭令張亮基即將前調之湖南鎮筵鎮兵及湘鄉練勇催赴江西合計援兵已不為少該撫仍當會同陳孚恩江忠源督飭兵勇激勵紳民一面設法守禦一面出城夾擊以期迅解重圍毋令竄擾他處另片奏南康失守及湖口彭澤賊匪經過各情形南康濱臨鄱湖為由江入省必由之路湖口彭澤亦皆逼近江濱前此張芾奏報賊撲省城之時朕

即疑其沿途何以並無阻滯特降諭旨令其查明沿江一帶有無失事今覽所奏南康果有失守情事湖口彭澤兩縣雖據稟稱並未失守而兵丁既有陣亡衙署均有燒毀難保非賊船上竄後飾詞稟報署知府恭安又未有存亡確信可見江面備禦之疏省城偵探之懈著該撫即行確切查明據實具奏毋許稍有含混該撫所請從重治罪之處著俟省城圍解之後再降諭旨至所稱向榮軍營糧餉請飭江蘇浙江接濟等語已諭怡良許乃釗妥為籌辦江南軍營兵餉以廣東為大宗惟有江西取道最便若該省賊氛迅掃道路無阻仍應照舊辦理以歸畫一將此由六百里諭知張芾並諭陳孚恩江忠源知之○太常寺卿王履謙河東河道總督長臻奏嚴防渡口遏賊逃竄得旨使早為認真設備逆匪何能偷渡是時已為後著然亡羊補牢未為遲也河南若續有接應之匪斷不可使之來

往自如○以勦賊潰敗○革江南提督鄧紹良職○仍留軍營效力○以陝西延綏鎮總兵官和春○暫署江南提督○以守禦江西省城出力○賞職員江忠濟○都司景星○守備李朝輔○花翎楚勇唐邦興等○藍翎餘獎敘有差○以克復河南汜水縣城○賞參領常山○佐領平海○防禦庫克吉泰○遊擊成明○花翎驍騎校忠順等○藍翎餘升敘有差○以八旗漢軍兵丁添演槍操○加賞銀二千四百兩○丙申遣官祭

火神廟○諭內閣○所有殺虎口稅務盈餘銀一萬八千七百三十一兩零○著交廣儲司向來稅務盈餘○有賞給該監督若干兩者○均係特旨酌賞○從無該監督自行隨摺聲明之例○和潤於差滿回京○摺內附列上三屆盈餘清單○似有比較請旨給賞之意○殊屬不合○所有盈餘銀兩○著無庸賞給和潤○仍著傳旨申飭○又諭楊以增奏○遵查豐工漫口情形○並參奏疏防文武員弁各等語○豐工西壩尾土基

漫塌口門○至八十七丈之多○該員弁等堵築草率○臨時又搶堵不力○均屬咎無可辭○所有疏防之專管官同知借署豐北廳通判張漢署豐北營守備賀正捷○均著交部嚴加議處○兼轄之徐州道王夢齡○河營參將呂邦治○淮徐遊擊王基棠○徐州府知府趙作賓○碭山縣知縣賴以平○均著交部照例分別議處○其工次專委守壩之候補通判章儀林○著一併交部照例議處○仍責令該員等趕緊設法裹

築盤頭○並遵照前旨○於例賠之外○加倍罰賠○以儆玩泄○不得以現辦糧臺防堵等事○曲為開脫○其宣洩漫水○由六塘河下注歸海○以保運河隄工之處○均著照所議辦理○又諭前據御史隆慶奏保琦忠等四員請發往直隸差委一摺○除琦忠革職之案○朕所深悉○無庸覆查外○降旨令兵部將文興○常安○順保等三員離任原案查明○並令該部帶領引見○該員等或係海疆告病○或因病回旗○現已年老○或

因案革職。於查辦廢員案內。賞給藍翎侍衛。即使發往直隸。於該處軍務。亦未必遂有裨益。所有已革吉林副都統琦忠。前任福建漳州鎮總兵文興。前任雲南臨元鎮總兵常安。藍翎侍衛前任江南狼山鎮總兵順保。均著無庸發往。琦忠等。均係曾任二品大員。如果才堪驅策。朕心自有權衡。非如微末人員。其才具無由上達者可比。何必臚列薦章。希圖起廢錄用。致開倖進之門耶。○又諭。前因被

兵省分。地方官先將家屬移徙出城。以致士民紛紛遷避。特降諭旨。通行曉諭。各該地方官。自應恪遵諭旨。鎮靜撫綏。以期固結人心。保守疆圉。本日有人奏。近賊各省會府縣地方。仍有官吏先搬眷屬。致令紳士商民遷徙。不能禁止者。似此遇事張皇。何以為民保障。現在河南賊匪。漸就肅清。河北竄擾餘匪。亦經屢受懲創。其鄰近之直隸。山東。山西。陝西等省。防堵綦嚴。自不致再有分竄。各該省士

民等。諒能自安生業。共衛鄉閭。著再申諭各督撫。如地方官仍有遷徙眷屬。以致搖惑民心者。即行查明嚴叅懲辦。毋得扶同徇飾。致干重咎。懍之。○又諭。兵部等衙門。奏遵查安徽亳州失守文武。請分別議處。議卹一摺。壽春鎮總兵玉山。身膺專閫。禦侮保民。是其專責。乃於所屬汛地。被賊竄擾。實屬有乖職守。潁州府知府毛含昱。雖不同城。於屬州失守。咎亦難辭。玉山。毛含昱。著革職。仍各留於本

任。責令辦理防剿事務。以觀後效。其臨陣遇害之署亳州知州試用直隸州州判孫椿。為國捐軀。殊堪憫惻。著照部議從優賜卹。以慰忠魂。○又諭。刑部奏。遵議安徽省城失守文武各員。分別定擬一摺。已革安徽藩司李本仁。以二品大員。先經奏明在省守禦。不能妥為布置。以致失陷城池。自應從重問擬。著照部議定為斬監候。秋後處決。已革臬司張熙宇。已革署安慶協副將賡音泰。防守小孤山。

賊船竄至。開礮打仗。兵丁旋即潰散。實屬防堵不力。均著從重發往新疆效力贖罪。張熙宇賡音泰。仍著留於安徽戴罪自效。已革署潛山營遊擊德成。與賊接仗。身受重傷。雖係失事之員。尚無退縮情事。業已革職。著無庸議。○又諭刑部奏。遵議安徽退守之文武員弁罪名一摺。已革安徽按察使張印塘兼署副將富惠。係文武大員。署知縣馮元霖。係守土之官。不能禦賊。均著從重發往新疆充當

苦差。已革前任副將松安。係捕盜之員。與同城知府已革署知府牛鎮。均著從重發往軍臺效力贖罪。張印塘富惠馮元霖松安牛鎮。仍著留於安徽責令戴罪自效。○又諭刑部等衙門具題。審擬犯婦罪名一案。此案四川民婦任蘇氏。與李思沅通姦。李思沅起意將本夫謀死。該犯婦訊不知情。經刑部等衙門照擬絞候。酌入秋審緩決。自係按律覈辦。惟細閱案情。該犯婦於事後。既知李思沅謀死

伊夫。因被嚇禁。不敢聲張。何以於李思沅起意棄屍時。甘心聽從。擡棄。且與李思沅捏稱夫婦同逃。則所稱並未同謀。屢欲赴案具報。殊難憑信。是否戀姦忘讎。非詳加訊究。不足以成信讞。著裕瑞另委妥員。提集全案卷宗。悉心研鞫。務得確情。再行定擬具奏。在逃之李思沅。仍飭屬嚴緝。務獲究辦。尋奏任蘇氏委不知情。仍擬絞候。李思沅緝獲。另結。下三法司議從之。○以浙江甯紹台道畢承昭為安徽按察使。○丁酉

上詣

壽康宮問

皇貴太妃安。○諭內閣載鈐等奏

西陵樹株間有松蟲。業經捕捉稀少等語。著載鈐等督率官兵役。乘此透雨之際。按剔淨盡。務使松柏樹株發榮滋長。以肅觀瞻。○諭軍機大臣等。據德春奏。慎重守護豫籌巡防一摺。已於摺內批示矣。該鎮官兵調防三百

召前經桂良奏請飭回防守。當經諭以前途需兵甚急。毋庸撤回。現在竄匪正在勦辦。喫緊之際。仍應先其所急。毋庸撤回。該鎮惟當於所屬要隘處所。督飭將弁。分派汛兵。實力巡查。嚴緝奸匪。總以鎮靜民心為要。不可日久生懈。將此諭令知之。○又諭有人奏山東蓬萊縣知縣劉揚廷。前任昌邑縣時。因加船稅。當規撤任。現任蓬萊縣。復嚴刑逼徵錢糧。幾激民變。三月間。鄉民聚眾二三千人。將該

員坐轎擠碎。賴有總兵鎮撫始得脫逃。署濟甯州知州來秀。辦理團練。眾情不協。卡上捉獲奸細。送州不問。城牆拆去四十餘丈。勒令紳民捐輸。該員將捐項存款私用五千兩。借修城為名。希圖冒銷等語。州縣為親民之官。似此貪劣不職。斂怨地方。若不嚴行查辦。何以肅紀綱而懲墨吏。著李德督同藩司崇恩。臬司英桂。按照所參各款。詳細確查。如果屬實。即行嚴參懲辦。毋得稍有徇隱。又片奏山

東嶧縣土匪。斬約嘗率數百人。白晝搶劫。與江南海州之侯應元。宿遷縣之朱有穀。互相應援。又趙魁元。郟城縣人。原係武生。因案問流。逃回本籍。現充該縣壯役。收受搶犯規禮。代為包庇。又謝齊柱。郟城縣紅花埠人。交結各省搶匪數十人。汛弁薛連旗受其規禮。因而搶劫之案。層見疊出。現在逆匪紛竄。必須嚴緝土匪。以杜勾結。著李德等。即飭所屬嚴密訪拏。按名弋獲。訊明後。即照例定擬具奏。

原摺片均鈔給閱看。將此諭知李德並傳諭崇恩英桂知之。○又諭前因賊匪竄擾豫省。諭令慧成帶兵。逕赴河北一帶會勦。現在河南之賊。已經柏山追勦。殲除殆盡。河北懷慶一帶土匪。已經托明阿等大獲勝仗。訥爾經額。現派直隸鎮將進勦。恩華勝保李德均帶官兵。馳赴懷慶。兵力足資勦辦。昨據向榮奏鎮江官兵接仗失利。賊匪搶占各處營盤。已降旨將鄧紹良革職。令和春帶兵署理提督。

接辦鎮江軍務。現在我兵既有潰敗。賊勢自更猖獗。難保不乘勢渡江北竄。刻下江北一帶。江浦六合等處。雖有重兵。而安徽各要隘。及清江浦兵力尚單。設有疏虞。所關匪細。朕思慧成帶兵一千九百餘名。尚在邵徐之間。容照所帶之兵。亦甫由清江啟行。水陸紆折。即使趕到衛輝。已緩不濟急。軍情旦夕不同。必應隨時酌度辦理。勿失事機。著琦善體察情形。如江北需兵緊急。即一面奏聞。一面飛

咨慧成。並行知容照。將所帶官兵擇要屯劄。以便調度。慧成接奉此旨。亦即與琦善會商。相機籌辦。總以南防江口。北扼淮徐。廬鳳迅圖克復。揚城為要。毋稍延誤。將此由六百里加緊各諭令知之。○前任湖北布政使唐樹義奏報。遵辦湖北撫輯事宜。得旨。事事會同督撫振刷為之。又奏賊犯中州。以形勢而論。河北自可無虞。批。現在賊已偷渡河北。竄擾懷慶。朕為天下臣民主。何敢先自擾亂。驚惶

亦何忍不為民請命於

天。置大局於不問也。惟冀速救民劫。迅埽妖氛。彼時汝可來京。晤對有期。○陝西巡撫張祥河奏。添派官兵防堵。並委道員陳景亮督辦。得旨。商州防堵。似比潼關稍緩。著斟酌情形。毋致顧彼失此為要。○以前任湖北布政使唐樹廉為太常寺卿。○以前任湖北布政使唐樹義署湖北按察使。○恭修

昌西陵橋岸等工。從守護

西陵大臣戴鈞請也。○戊戌

上詣

闡福寺拈香。○諭軍機大臣等。琦善等奏攻剿情形各摺片。逆匪占踞三城。屢次諭令該大臣等設法收復。乃鄧紹良在鎮江營盤為賊掩襲。該大臣等會攻揚城。仍未得手。轉致損兵折將。虹橋兵勇又多潰散。似此情形。三城何日可復。逆匪何日可平。朕心實深焦灼。昨因鎮江官兵失利。恐賊勢愈張。江北一帶。

更形喫重。已諭令該大臣酌量將慧成及容照所帶之兵擇要屯劄相機調度。今虹橋既為賊占。揚城與瓜州之賊聯為一氣。難保不潛圖北竄。著琦善等遵照前旨。飛咨慧成並行知容照。即將所帶官兵擇要布置。以為大營策應。南門一帶應如何設法阻隔賊路。虹橋要地。仍當激勵該處兵民紳勇併力收復。其東路堵禦事宜並著雷以誠與福濟嚴密籌辦。務與琦善陳金綬大營聲息相通。瞿騰龍及所帶各兵著准其留於揚州。隨同攻勦。惟六合等處及安徽近江要隘萬不可再有疏虞。應如何扼要堵截著琦善體察情形通籌辦理。並知照周天爵李嘉端等一體嚴防。總之防守江北克復揚城係該大臣等專責。今江北之賊已竄至豫省。重煩兵力而揚州之賊又將鋌而走險。老師糜餉不知身膺統帥者將何以對朕耶。將此由六百里加緊各諭令知之。○欽差大臣都統銜琦善等奏報。

會攻揚城。未能得手。現仍設法攻勦。並總兵官雙來傷亡得旨。雙來何如是不幸。旋即出缺。朕隕涕覽奏。不勝悲憤。然視彼貪生退縮者。奚啻霄壤。朕即有恩旨以慰忠魂。以勵臣節。雙來靈柩回京時。專摺馳奏。又奏瓜州揚州賊勢益張。實為可慮。批誠然可慮。然豈能歇手不辦。○以鑾儀衛鑾儀使武慶為甘肅肅州鎮總兵官。鑾儀衛冠軍使威福為鑾儀使。○予江南傷亡甘肅肅州鎮總兵官雙來祭葬。世職如提督例。謚忠毅。並賞銀一千兩治喪。○朝鮮國使臣姜時永等三人於神武門外瞻覲。○己亥諭內閣。訥爾經額恩華奏前隊勦賊獲勝情形一摺。賊匪擾及懷慶。經恩華派前隊火器營營總烏蘭都等統兵於十八日行抵懷慶府東北距城三十里之清化鎮。探知懷慶北路沁丹二河之間賊匪聚集甚眾。率領將弁兵丁行抵樂村。丹河北岸見隔河樹林內賊匪用礮轟擊。斃賊多人。火

器營官兵施放火箭燒毀賊眾所占房屋數十間外委常山等奮不顧身跳入丹河探路大隊官兵全行渡河槍礮連環攻擊共殲斃紅衣賊目二名賊匪三百餘名生擒十一名此股賊匪已被我兵痛加勦洗現在托明阿善祥西凌阿分路進攻勝保李德亦先後會勦該大臣等著即督率官兵會同勝保李德迅速兜勦務將懷慶盤踞賊匪悉數殲除毋稍延緩○諭軍機大臣等訥爾經額恩華奏

官兵勦賊獲勝一摺據稱總兵董占元與烏蘭都等同行至懷慶二十里鋪分路董占元由西北小路進攻烏蘭都等由西北大路進攻今烏蘭都既經獲勝其董占元一路同時並進自必亦已得手托明阿善祥等既與該總兵約期出隊想接仗情形續當奏報勝保渡河後計已馳抵該府李德想亦趕到各路精兵會合正可將此股賊匪盡數殲除毋令紛竄昨據哈芬奏本月十五夜太行山口有

賊匪攻撲經官兵轟退等語是賊聞大兵雲集已作西竄之計澤潞為懷慶要隘最關緊要若任賊窮蹙入山則大兵又成尾追之勢該大臣等務當嚴飭官兵四面兜勦聚而殲旃勿留餘孽恩華另片奏請將蘊秀留營辦理翼長事務等語蘊秀准其留於恩華軍營辦理營務毋庸設立翼長名目將此由六百里各諭令知之○以翰林院侍講學士何彤雲侍講周壽昌充日講起居注官編修何桂

珍署日講起居注官○蠲緩湖北江夏武昌咸甯嘉魚蒲圻通城興國大冶漢陽沔陽黃岡蘄水蘄黃梅廣濟監利十六州縣暨屯坐各衛被賊村莊新舊額賦漕項銀米○庚子諭內閣福濟奏參進兵遲誤之遊擊等語本月十八日該漕督與琦善同時進攻揚城賊匪署揚州參將河標右營遊擊馮景尼逾時始到其所帶練勇亦未遵令上船實屬遲誤馮景尼著即革職仍暫留本任責令戴罪自

效。儻再不知奮勉。即著嚴叅治罪。○又諭昨

日引見之布政使銜候補鹽運使庚長。候補

鹽運使韓椿。俱著發往南河。交楊以增差遣

委用。○諭軍機大臣等。前據向榮奏鎮江官

兵接仗失利。當降旨令查明如何失事情形。

據實叅奏。本日據麟桂奏稱賊匪數百人。由

鎮江北門轉至東門。直撲陸路大營。各營火

起。官兵同時潰散。鄧紹良移劄丹陽等語。是

此次鎮江失事。該官兵並未與賊接仗。其漫

無準備可知。且各營一時火起。難保非奸細

內應。鄧紹良久歷行陣。何以如此疏失。實不

可解。丹徒鎮為蘇常緊要門戶。經該藩司飛

飭地方官豫調潮勇前往埋伏。雖於十五日

擒斬賊匪多名。而十七日該逆擁眾出城。潮

勇等眾寡不敵。旋即退走。其江北虹橋一路

亦復被賊焚燒。官兵潰散。大江南北兩岸。陸

路可守之處。險要既失。使賊匪上聯揚郡。下

達蘇常。則我兵節節被阻。而賊蹤路路可通。

師船停泊江心。亦必勢成孤注。該大臣等或

身為統帥。或職任疆圉。豈能坐視逆氛直擾

東南。一籌莫展。向榮所派和春帶往赴援之

兵。已於十五日啟程。計期早可趕到。此時丹

徒鎮。是否收復。應於何處進攻。遏其下竄之

路。副將瑞格等退駐馬陵之兵。尚有一千五

百名。應如何會合策應。怡良接奉前旨。定當

剋日赴該處督辦。著即迅速進兵。水陸嚴防。

萬不可再有疏失。至麟桂所帶水師艇船。據

奏。北固山下有賊設大礮。舊處恐難停泊。擬

調泊丹徒江面。自係丹徒鎮未經失利以前

之語。現在應作何布置。亟須妥籌。但不可任

令艇船散漫退避。致陸路援兵到齊。水路師

船又難應手。和春李德麟均有水師之責。毋

得稍存諉卸。糧臺船隻尤關緊要。該藩司既

令暫移圖山關下。有大舫舢板等船。一同分

泊。儘可妥為保護。現在師船需餉孔亟。著怡

良許乃釗源源籌解。毋致潰散。向榮軍營糧

餉前已諭怡良等。於蘇省籌撥運解。此時餉道有無梗阻。其繞道行走。如何接護。並著迅速籌辦。廣東所雇紅單船。前據該省奏。先於五月二十一日。開放二十隻。計一月上下。已可駛入江口。本日復諭葉名琛等。將續雇船隻。趕緊催令出洋。此項船隻。多係生力水勇。會合進剿。必能得力。一俟入江。即著和春。麟桂。李德麟等。相機調遣攻剿。至十五日。擒斬賊匪各勇。經麟桂先行賞給翎頂。係為鼓勵

兵心起見。自應如此辦理。募勇多非土著。未可盡恃。而潮勇一項。尤當妥為駕馭。稽查彈壓。以防後患。該大臣等。務須飭諭地方。聯絡兵民。迅圖克復。蘇松為財賦重地。現當辦理海運。若再有疏虞。豈能當此重罪耶。將此由六百里加緊諭知向榮。怡良。許乃釗。並諭知和春。傳諭麟桂知之。○又諭。本日據麟桂奏。上下游艇船。俱甚單薄。江面萬分喫緊。必得舟師迅往援應。著葉名琛。柏貴。迅飭署海安

營遊擊吳全美。將續雇之紅單船若干隻。配足弁兵。礮械。火藥。鉛丸。趕緊管帶啟程。駛往江南。聽候調遣。並飛咨經過各海口地方官。沿途催趲。至前次陳國泰管帶船二十隻。於五月二十一日。業已啟程。現尚未駛入江口。著一併飛咨沿海口岸。毋任稍有逗遛。總期早到一日。早得一日之用。萬不可遲延貽誤。將此由六百里諭令知之。○又諭。福濟奏。揚州東北路。兵力單弱。請撥兵接濟一摺。據奏

督帶兵勇。扼守揚城東北。兵力甚單。請飭令勝保。折回灣頭。並請撥壽春鎮兵千餘名等語。灣頭係清江鎖鑰。自應添兵接濟。以期防剿得力。惟勝保現已行抵豫省。渡河會剿。懷慶賊匪。未便遠道折回。安徽兵力亦單。壽春鎮兵能否分撥。亦難懸度。惟慧成所帶官兵一千九百餘名。及容照所帶官兵。均由徐邳一帶水路行走。可以就近截留。著琦善等仍遵前旨。分別咨照。慧成容照等。何路緊要。即

將所帶官兵扼要布置。其東北一路亦可添兵策應。琦善等與慧成福濟務當迅速籌辦。嚴防賊匪北竄。及早克復揚城。毋再延誤。將此由六百里加緊各諭令知之。○以察哈爾蒙古官員兵丁續捐馬匹。賞參領布達扎普德什克扎普嘎勒丹。副參領策旺多爾濟。委副參領奇旺。公中佐領拉什棟魯普三等台吉達里扎普翼長拉蘇倫扎普等花翎騎校拉什達克丹等藍翎。餘加銜升敘有差。○

辛丑

上詣

壽康宮問

皇貴太妃安。○諭內閣。九江關監督義泰奏。本年九江關稅請暫行儘收儘解一摺。現在軍務未竣。江路一帶商旅未能暢行。自係實在情形。所有九江關應徵本年稅銀。著准其暫行儘收儘解。俟軍務告歲後。即按照常額徵解。仍著該監督嚴查丁胥人等認真徵收。毋

得藉端侵漁。致滋弊混。○諭軍機大臣等。據戶部奏請急籌接濟庫款一摺。本日已諭令四川山西陝西各督撫遵照辦理矣。現在部庫存銀不敷支放。自宜迅籌接濟。前議暫停各官養廉。除山西業經覆奏外。其餘省分。或咨請起扣。或並未議覆。值此籌款緊急之時。豈容竟置部庫緩急於不顧。著戶部分別行文。迅催奏報。不得任意稽延。至各省現均籌辦捐輸。四川山陝廣東等省。現在辦理想已

各有成數。惟需餉孔亟。總宜迅速集事。以備撥解。方有實際。著戶部一併行文各督撫。催令設法籌辦。至殷富之家。如有捐銀多至百萬數十萬者。其急公紓難之忱。即與統軍奏績無異。五等之封。賞延於世。垂諸史冊。立功揚名。何榮如之。其有量力捐貲。暫濟急需者。即如周祖培所奏。由藩司發給借單。事竣如數給還。仍先予優敘。以示鼓勵。朕念軍興日久。生民塗炭。寢食難安。而帑餉孔亟。萬不得

已借資民力。各省督撫應如何善體朕意。督率紳士耆民。速籌妥辦。以濟時艱。該部接奉此旨。著即通行各督撫。將現辦情形。及捐輸成數。隨時具奏。至各省倉穀。為數甚鉅。均可酌量售變。以濟餉需。著該部分咨各省一體遵辦。毋得藉詞諉卸。將此諭令知之。○又諭戶部奏。急籌接濟庫款一摺。現在庫存銀兩。尚不敷七月分應放各款之用。必須妥為籌畫。以應急需。前據裕瑞奏。糶變倉穀一百萬

石。該部照成案覈算。約可得價六七十萬兩。著即飭屬趕緊糶變。惟該省距京較遠。所變穀價。恐一時未能解到。著哈芬於山西省先籌銀十五萬兩。張祥河於陝西省先籌銀二十五萬兩。均無論何款。迅即湊足。委員趕解。於七月內到部。以供支放。毋稍遲誤。至山陝二省。現辦防堵。需用亦亟。著裕瑞先將應糶穀價。籌墊銀四十萬兩。分解山西陝西還款。如此一轉移間。庶部庫供支。可以不誤。其餘

變價銀兩。仍著裕瑞迅速報部候撥。毋令屬員藉詞延宕。至庫款萬分支絀。前有旨諭令哈芬張祥河於殷商富戶。暫為那借。並勸諭捐輸。現在究有若干。迄今未據覆奏。軍餉待用甚急。朕心實深焦灼。哈芬現已出省。郭夢齡前辦捐輸。頗有成效。著即督同紳士。迅速籌辦。徐繼畲幫同辦理防堵。即可就近與該撫藩商酌。隨時知照各屬紳士。勸諭商民。以期及早集事。其陝西捐輸。並著張祥河督同

紳士。設法勸諭。集有成數。隨時奏聞請獎。朕念軍興日久。生民塗炭。寢食不安。而籌餉維艱。不能不借資民力。前已疊降諭旨。該督撫等應如何剴切申勸。妥籌速辦。為民除患。為朕分憂也。將此由六百里諭知裕瑞。哈芬張祥河。並傳諭山西布政使郭夢齡。前任太僕寺少卿徐繼畲知之。○熱河都統毓書奏。礦工阻雨。採砂不敷。升課請展限開採。得旨。既因雨阻逾限。著俯允所請。准其自秋初起限

辦理現今經費支絀總期收實效不可畏難
礦務實在情形隨時奏報○壬寅諭內閣前
有旨令步軍統領巡視五城御史於內外城
各按地段認真嚴查並添派御史巡查外城
地面仍著左副都御史文瑞等無論城內城
外隨時稽察茲據光祿寺卿富興阿奏城內
地面寬廣請於左右兩翼添派大員幫同巡
查等語步軍統領衙門稽查地面是其專責
且有副都御史等一體稽察但能實力奉行
巡查自臻嚴密若再添派大員轉恐互相推
諉著步軍統領左右翼總兵仍遵前旨認真
稽察並於夜間親加巡閱俾官兵皆知振作
京城地面可期一律肅清其副都御史等仍
著隨時稽覈至海澱地方亦著該御史等時
往稽察毋稍疏懈○又諭禮部尚書銜杜壩
奏請停支全俸以備軍餉一摺杜壩全俸銀
米著照舊支領以資養贍用示朕篤念耆臣
之意○又諭曾國藩奏保武職人員開單呈

覽一摺據稱湖南署撫標中軍參將遇缺升
用遊擊之藍翎都司塔齊布人甚奮勇能耐
勞苦深得兵心藍翎永綏協左哨千總諸殿
元管帶壯勇精於操練等語塔齊布著賞給
副將銜諸殿元著以守備補用先換頂帶以
示鼓勵○又諭曾國藩奏請將性耽安逸不
理營務之副將革職治罪一摺湖南長沙協
副將清德於去年賊匪攻撲省城時輒自行
摘去頂帶藏匿民房迨至常澧一帶查辦土
匪又復苛索供應每逢校場操閱該副將並
未到過一次種種荒謬實堪痛恨當茲防勦
喫緊之際豈容此等不肖將弁濫列戎行毫
無忌憚清德著即革職拏問交張亮基駱秉
章訊明定擬具奏○諭軍機大臣等訥爾經
額奏續獲勝仗一摺此次烏蘭都及董占元
兩路斬擒賊匪已不下七百餘名若托明阿
等所攻東南一路亦能得手則賊勢窮蹙自
易殲滅惟董占元在懷慶二十里鋪迤北安

營未免距賊太遠。仍應飭令移營前進。逼近賊壘。進剿方能應手。賊營恃其木板土堆。匿不出戰。非踞守堅城可比。且城外各路官兵聲勢甚壯。若與城內約期夾攻。使賊無容身之地。何難一鼓殲除。該大臣現已統兵進駐衛輝。去懷慶密邇。著即就近嚴飭各路官兵合力圍剿。迅速藏功。萬不可任其竄逸。致滋蔓延。所稱後路布置一切。均尚周密。惟慧成與容照所帶之兵。甫至邳徐一帶。水路紆折。

即使趕到衛輝。已屬緩不濟急。前已有旨令其折回。為琦善等大營聲援。該大臣所稱扼守河岸之處。著即另派得力文武在彼駐劄。可也。將此由六百里諭令知之。○又諭駱秉章奏江西土匪竄擾桂東等縣。業經斬擒多名。並派員赴永州寶慶等府屬防剿粵匪各摺片。據稱永興興甯桂陽等縣匪徒不難埽數殲除。惟桂東一股雖已追殺數百名。並獲首匪沙老七一名。而首要各犯尚多未獲等。

語著張亮基駱秉章務即督飭帶兵員弁不分畛域趕緊追剿。毋令日久蔓延。所有派赴江西之鎮筴鎮及附近各營兵六百名委都司孫漢煥統帶赴援。現在江西剿匪喫緊之時。務令趕緊前往。毋稍延緩。其前調赴江南大營之鎮筴辰州兵五百餘名。儘江西不及截留。仍須續撥楚兵急籌接應。至全州恭城一帶匪徒。本日已諭令勞崇光派兵兜剿。仍著駱秉章督飭帶兵文武員弁合力夾擊。及

早殲除。其部撥粵海關餉銀仍由該撫就近催提。摺節動用。將此由五百里諭知張亮基駱秉章並諭曾國藩知之。○又諭據駱秉章奏探聞廣西興安縣土匪千餘人。於五月二十二日燒毀衙署。戕害縣官。二十八日竄至全州。又恭城縣於五月二十四日夜有匪徒入城燒毀衙署等語。廣西餘匪伏莽。按捕未淨。刻下復出肆擾。竟敢戕官焚署。實屬罪大惡極。全州恭城與湖南永州府屬之零陵東

安。水明等縣均係接壤。若不迅速翦除。恐匪徒裹脅日多。更滋延蔓。駱秉章現飭署衡水道徐嘉瑞。馳赴永郡。調撥兵勇。督帶防剿。著勞崇光。即派得力文武員弁。率兵迅往。合力兜拏。務當不分畛域。及早殄滅。毋稍遲延。現在廣西各屬情形。並如何籌辦土匪之處。均著該撫詳晰具奏。將此由五百里諭令知之。

○陝甘總督舒興阿奏報。催兵會剿。並移駐陝州。相機防擊。得旨。陝西省防堵著專責桂

明辦理。○以勦辦湖南瀏陽縣土匪出力。賞職員江忠濟。花翎。把總蔣大勝等。藍翎。餘加銜。升補有差。○癸卯。諭內閣。金國均著授惇郡王。讀。匡源著授鍾郡王。讀。○又諭太僕寺卿王茂蔭。奏發往軍營各員。請飭察看。以別去留等語。自軍興以來。內外臣工。保奏各員。屢經降旨。發往各軍營差遣。委用。惟該員等能否得力。自須從實甄覈。以免濫竽。著各省統兵大臣。於各該員到營後。隨時察看。凡已

經著有勞績。及才具可用。實有裨益者。自應留營差委。其於軍務不甚得力。或查有別項劣蹟者。即著奏明。分別撤回查辦。不得以特旨發往之員。稍事姑容。○又諭本年正月間。逆匪自武昌潰圍而出。竄入江省。直撲金陵。經江甯將軍祥厚等。督飭文武官兵。登陴守禦。竭十數晝夜之力。旋因城大兵單。應援未至。省城失陷。朕聞祥厚於外城陷後。力守內城。猶復騎馬督戰。手刃數賊。被賊砍折馬足。

倒地。身受數十傷。殞命。忠勇捐軀。被害尤烈。深堪憫惻。祥厚著追贈太子太保銜。照將軍陣亡例。從優賜卹。伊子乾清門二等侍衛恩全。著賞給二等輕車都尉世職。副都統霍隆武。與該將軍同在小門騎馬督戰。被鉤落馬。身受數傷。遇害亦慘。霍隆武著照副都統陣亡例。從優賜卹。以慰忠魂。已革兩江總督陸建瀛。由九江遇賊。遽行折回。貽誤事機。罪無可逭。前降諭旨。革職拏問。查抄。茲據怡良查

明二月初十日。賊陷儀鳳門。陸建瀛於十廟地方遇賊被害。該革督雖經失律於前。尚不失城亡與亡之義。陸建瀛著加恩賞還總督銜。即照總督例賜卹。所有查抄家產。均著賞還。已故江甯布政使祁宿藻平時辦事認真。朕所素悉。乃以籌防積勞。於賊匪攻城之次。日嘔血殞命。亦屬歿於王事。祁宿藻著加恩照藩司軍營病故例加等賜卹。所有各該員任內一切處分。悉予開復。應得卹典。各該衙

門分別察例具奏。其餘同城文武各員。如何殉難情形。著該大臣督撫等確查具奏。候旨賜卹。○又諭。向榮許乃釗奏查明失守營盤。及接仗出力人員。請旨分別懲勸一摺。前因鎮江城外官兵營盤被賊焚搶。當降旨將提督鄧紹良先行革職。令向榮等查明失事情形。據實具奏。並飭和春迅帶勁兵馳往扼剿。茲據奏稱。六月十三日。賊匪自鎮江城中擁出。直撲官兵營盤。我兵整隊接仗。該逆即回

身奔逃。復於北固山下另出一股抄我後路。並於城垣開一暗門。從旁衝出。拋擲火箭等物。天熱風猛。七營同時被焚。鄧紹良退守丹陽。捐職都司劉廷鏞。遙見火起。即隨同參將站住督帶潮勇趕往救護。自未至酉。斃賊甚多。賊始敗入城中。嗣於十五十七等日。賊匪竄擾丹徒鎮。復經劉廷鏞帶勇奮擊。殺斃賊匪多名。奪獲器械甚夥。現在和春督帶湖南廣東官兵已由馬陵進剿。辛豐劉廷鏞所帶

潮勇現已馳抵辛豐。副將瑞格等督帶川黔官兵屯劄南門。賊匪不敢南竄。丹陽常州一帶現均安靜。此次官兵失利。實因備禦疏懈。致賊分頭誘戰。墮其詭謀。鄧紹良平素打仗尚知奮勉。是以疊加恩擢。洵升提督。乃身統重兵。未能迅速攻克鎮城。轉以無備失事。實屬辜恩。有負委任。僅予革職。不足蔽辜。著向榮等即將該革員按律定擬罪名具奏。仍交向榮軍營責令戴罪自效。其失守營盤之將

備若概予革懲轉得置身事外所有湖南撫標參將韓世禧著以都司降補永州鎮右營遊擊朱占鼇著以守備降補鎮草守備儘先都司鄺益茂辰水道標守備儘先都司劉嘉祥辰州城守營千總儘先都司鄧紹英均著註銷儘先都司與寶慶守備田宗揚一併降為千總韓世禧朱占鼇劉嘉祥鄧紹英均著拔去花翎鄺益茂由宗揚均著拔去藍翎以示薄懲仍責令勦賊自效儻再不知愧奮即

行嚴叅治罪捐職都司劉廷鏌管帶潮勇駕馭得宜屢挫賊鋒著以都司儘先補用其陣亡之鎮草鎮千總唐彪著交部照例議卹舉人揀選知縣賀長庚著交部從優議卹和春已有旨令其署理江南提督即著督率鎮將迅復郡城毋令逆匪竄逸○諭軍機大臣等南城御史隆慶給事中吳若準奏書吏查傳不到請旨飭拏一摺據稱書吏金崇玷於該御史等到任後連次告假並不當差經出票

差傳日久未到訪聞該吏家住通州外號金大侑子在通州坐糧廳衙門兼有一缺並往天津辦海運等事當此巡城喫緊之際該吏在城當差竟敢遠颺票傳不到膽玩已極且既身充兩役難保無包攬回漕與城上差役串通情弊著孫瑞珍慶祺順天府倉場侍郎即飭天津通州各該地方官將金崇玷一體緝拏解交刑部究辦以懲猾吏而儆效尤將此各諭令知之○又諭前經疊降諭旨令訥

爾經額等嚴飭各路官兵迅勦河北賊匪諒該大臣等定已妥籌迅辦矣朕思懷慶西北直通澤潞東界衛輝距畿輔甚近賊匪渡河以來瞬將匝月該郡城火器最多賊所覬覦且堅守已久城中乏食逆匪盤踞城外分布四門並於要路及交戰處所均挖濠坑蓋板鋪土外紮木營時用地雷攻城城中危急情形不堪設想官軍雖屢次獲勝而城圍未解內外信息不通設再延時日城中糧餉不支

事有不可測者。恩華托明阿等勝保李德現均帶兵趕到。兵力不為不厚。而我軍劄營距城每在十里二十里之遙。外援雖多。與城內隔絕。何能約期並舉。內外夾擊。力解重圍。前命訥爾經額為欽差大臣。責以肅清河北。諸臣亦皆統帶重兵赴援。戰勝攻取。豈容稍事遷延。著該大臣即督率諸軍。揀選驍勇精銳。或四面圍攻。或出奇兵衝入賊營。使該逆驚擾。不能相顧。則城中官兵便可開門追擊。賊

勢必潰。乘勢兜剿。定可一鼓殲除。河北關繫萬分緊要。餉需亦接濟維艱。該大臣等豈不知之。儻懷慶稍有疏失。以致賊匪盤踞分竄。朕惟該大臣等是問。又聞二十一日之戰。董占元已逼近賊壘。黑龍江官兵忽勒馬退回。以致自相踐踏。並被賊追殺。傷亡兵丁且有參將千總在內。何以未見奏到。西凌阿係戴罪圖功之員。此次黑龍江官兵是否另員管帶。若仍係舊隊。又有失機。則西凌阿罪無可

逭。抑係續調之兵。即著該大臣迅速查明。按律叅辦。毋得稍事姑容。至懷慶迤北東西一帶山徑叢雜。均著派兵密防。並知會哈芬嚴加防範。不可稍涉大意。朕日盼捷音。難安寢饋。日來如何接仗解圍情形。著迅速具奏。以慰廑念。將此由六百里加緊各諭令知之。○又諭。向榮許乃釗奏派往鎮江官兵扼要駐劄。逆匪不敢南竄。一摺。現在和春管領官兵已馳抵馬陵。旋由馬陵前駐辛豐。以扼逆匪

水陸南竄之路。大局尚未決裂。惟鎮城日久未復。急宜督兵進剿。著該大臣等嚴飭和春等分路進攻。務將丹徒鎮賊匪悉數殲滅。麟桂所帶水師艇船現在調泊何處。作何布置。怡良接奉前旨。諒已馳赴該處。著即督同將弁水陸夾攻。剋期克復。並宜加倍嚴防。斷不可以南路無虞。稍涉大意。至金陵與賊相持已逾數月之久。疊經降旨嚴催。何以悠忽至今。尚謂無可乘之隙。兵力疲乏。總因日久無

功該大臣等現在如何籌畫隨時奏聞以慰朕念前發往向榮軍營差委之已革廣西候補州同楊培堃有人奏稱該革員出身不正著向榮詳加察看據實具奏無稍徇隱將此由六百里各諭令知之○又諭陸應穀奏官兵追剿賊匪屢次斬獲情形一摺賊匪渡河經柏山經文岱於十二至十六等日屢次追剿斬獲甚多餘匪竄往羅山正陽一帶其遂平縣逆匪亦經知縣劉鴻勳督同兵勇斬擒十餘名該匪卽經剿殺所餘諒亦無幾惟羅山正陽一帶為擒匪聚集之所急宜防其勾結該撫繞道上蔡汝甯遏其東竄並咨催經文岱等迅往會剿著即嚴飭該總兵等分路兜捕務將此股賊匪悉數殲滅毋令與擒匪勾結為患另片奏桐柏縣知縣潘澍霖緝匪被圍經知府顧嘉衡帶兵赴援該匪恃眾抗拒知縣被戕急應嚴拏懲辦顧嘉衡於南陽地方情形素所熟悉何以於此次土匪滋事

竟未能盡數捕獲柏山追剿逆賊正在喫緊之際今該撫飭令赴桐柏會剿土匪其羅山一帶情形是否兵力單弱仍著酌量辦理總宜先其所急不可顧此失彼至請調精兵四千現在河北正當會剿之時斷不能分兵前進儻兵力實有不敷該處與陝楚毗連著該撫卽行咨商舒輿阿於所帶防兵內酌量分撥襄陽防兵亦可咨商張亮基就近酌撥協剿相機妥辦勿涉張皇將此由六百里諭令知之○欽差大臣湖北提督向榮等奏遵探逆首洪秀泉等狀貌形跡得旨該逆殘忍為心豺狼成性斷不為天理之久容也○內閣學士勝保奏報行抵懷慶會同進剿得旨總以速解懷慶之圍盡殲逆匪為要諒汝在軍營已久不至不能和衷○兩江總督怡良奏遵查前任兩江總督陸建瀛並未從賊實已遇害得旨陸建瀛身係大員斷不至昧於大節汪大成任意污毀可

惡之至。○江南河道總督楊以增奏。清江緊要。請調撥勁兵協防。得旨。揚州後路太覺單弱。已有旨令慧成折回矣。

中奏本主人

上十

大清文宗協天翊運執中垂謨懋德振武聖孝淵恭端仁寬敏顯皇帝實錄卷之九十八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之九十九

校修

咸豐三年癸丑秋七月甲辰朔享

太廟遣恭親王奕訢恭代行禮。諭內閣。勞崇光奏。奏疏防土匪劫獄之知縣各員等語。廣西恭城縣屬大眼停鑪丹皮等村匪徒糾眾屯踞。膽敢分股爬城。直至縣監將監犯劫出。仍由原處越城逃竄。並有拒傷壯丁情事。似此目無法紀。實屬情同叛逆。該署縣高鏞等。事前既疏於防範。臨時又不能實力掩捕。均屬咎無可辭。著恭城縣事揀發知縣高鏞。署恭城縣典史試用從九品施廷槐。恭城汛把

總趙步瀛均著革職留於該地方勒限協緝逃匪並被劫監犯務獲完解限滿有無弋獲再行分別覈辦又諭勞崇光奏會匪擁入縣城直撲省垣旋經克復擊退各一摺廣西興安縣屬馬坪村匪徒聚眾拜會經該縣知縣蔡映符前往查拏輒敢糾約夥黨闖入縣城戕官奪犯復竄入靈川縣城盤踞經該撫先派臬司許祥光候補知府張其翰馳往勦辦該匪膽敢擁眾出城開砲抗拒許祥光督飭兵勇三面夾攻約斃賊匪一千餘名生擒一百三十五名即將縣城克復其分股屯劉海洋坪之匪猶敢自熊村一帶直撲桂林省垣經遊擊福格石江道張敬修水陸進勦通計殺斃燒斃賊匪約二千名生擒六十餘名餘匪翻山四竄省城內外均極安謐此股會匪倉卒肆擾連入二城分竄數處狂悖已極現在靈川縣城業已克復桂林撲城之匪亦已擊退即著乘勝追勦迅速撲滅毋任蔓延

巡撫勞崇光提督惠慶於縣城失事未能先事豫防均著交部議處靈川縣知縣聯凱防守未能周密致令賊匪闖入咎無可辭姑念其隨同臬司收城出力著即革職免其治罪仍責令帶兵追勦以觀後效候補知府張其翰先抵靈川雖因賊眾兵單致令縣城失事究係救援不力著交部議處其興安縣知縣蔡映符及同城文武著該撫迅速查明具奏○諭軍機大臣等昨以懷慶被圍緊急復降旨諭令訥爾經額等迅籌進勦本日據恩華奏懷慶府知府余炳燾等遣人馳城稟報該郡城被地雷轟擊三次雖經搶護得完而城內糧食僅數數日民壯萬人嬰城固守勢甚危急等語覽奏彌深焦灼賊營逼近城垣四圍周下知我大軍踵至勢必併力急攻希冀入城踞為巢穴此時惟有速飭各路官兵合力進勦速解郡城之圍萬不可稍有延緩據稱二十七日會齊進勦諒已捷報在途矣行

軍期約最關緊要稍有參差便恐誤事儻機
事不密為賊暗防或意見不同致失期會皆
於大局甚有關係該大臣等統領諸軍同心
合力密籌速辦務將懷慶一股賊匪立即殲
擒淨盡肅清河北惟諸臣之功若遷延時日
郡城或有疏虞以致震驚畿輔該大臣等自
問當得何罪訥爾經額等同辦一事尤貴以
大局為要和衷乃克有濟豫省軍營距京甚
近朕無難隨時訪聞况訥爾經額身受

皇考及朕簡畀深恩亦應涕零感激以圖報稱
能慰朕盼捷之心即是安

列聖在天之靈此時機宜萬不可失據懷慶府
縣所稟賊匪至多不過四五百人南門之賊
較少西門更少該逆所樹各色旗幟亦難保
非虛張聲勢以疑我兵總須確實偵探迅速
攻剿軍情變幻旦夕不同惟在諸臣相機速
辦和衷共濟朕亦不為遙制也至恩華所帶
大半皆直隸弁兵一切糧餉自應歸直隸辦

理著該大臣即飭知張集馨等妥速籌辦訥
爾經額前請由河南糧臺支應恐該省勢難
兼顧轉致貽誤本日已諭知哈芬於山西省
籌畫協濟該大臣等即咨行商辦可也將此
由六百里各諭令知之 又諭琦善陳金綬
雷以誠奏三汊河擊賊獲勝並浦口擊退賊
船各摺片瓜州賊匪進占虹橋復敗率帶賊
黨直撲三汊河營盤經遊擊安勇黃志配都
司毛三元侍衛德興阿等分路進攻嗣復合

兵會剿大獲勝仗浦口賊船亦經武慶開隆
阿西昌阿伊興額等迎剿斬獲甚多惟瓜州
之賊與鎮江聯作一氣並據奸細及所獲偽
總帥各供有添集賊黨來揚接應並由北岸
竄擾之說急宜嚴防北竄乘勝進取該大臣
續派瞿騰龍赴三汊河協剿復派薩炳阿馳
往儀徵修築港壩收集船隻木簕陸路扼家
橋派有張瑚國駐守布置似尚周妥惟防守
固不可不嚴而進攻尤不可不力諄諄降旨

令該大臣等迅速勦辦並批令於季夏以前將揚城克復朕焦勞宵旰盼捷音乃瞬息月餘雖獲有勝仗而克復仍無把握該大臣等清夜捫心能無自愧前有旨諭令將慧成容照所帶官兵截留以備調撥想琦善等已遵照布置矣將此由六百里各諭令知之○又諭前據駱秉章奏廣西興安恭城均有土匪闖入縣城已降旨令勞崇光迅速兜拏並令將現辦土匪情形詳晰具奏本日據該撫

奏到五月二十八六月初七先後拜發各摺件朕詳加披閱如興安一股攻陷縣城後即竄擾靈川直撲省城雖經該省兵勇先後勦殺將靈川立時收復並擊退撲城賊匪而長岡嶺海洋坪屯劉之賊均尚未散其界首唐家市嚴關靈田墟等處或直達全州或環近興安該匪等尚在盤踞裹脅勞崇光所派臬司許祥光等馳抵靈川即遇賊接仗並未直搗賊巢若因兵力不及任令日久黨多勦辦

愈難得手昨駱秉章摺內有該匪於五月二十八日竄擾全州之語該撫所奏並未敘及難保該匪不以分股嘗試省垣而暗襲全州窺伺楚省著即迅速查明分路兜勦廣東額兵徵調已多本日據葉名琛奏已撥兵五百名由肇慶一帶馳往協勦此項官兵係汧流而上到省恐須時日該撫即一面飛催一面先就本省兵勇趕緊籌勦務當掃除淨盡不可少留遺孽片奏有謝開八一股竄擾遷

江縣城刻即收復等語該省伏莽未清現雖餉絀兵單辦理不易總當隨時隨地相機籌辦能撲滅一股即少一方之擾害勞崇光熟悉廣西情形平日辦事尚稱認真諒不致束手無策也所需銀兩據葉名琛奏廣東籌撥十三萬餘兩已諭令迅速起解矣將此由六百里諭令知之○又諭前降旨令哈芬督飭鎮將防賊西竄太行扼要截擊茲據奏催令總兵烏勒欣泰遊擊和昌等共帶兵二千名

已於六月二十日出太行山隘口劉營進剿該撫已行抵祁縣因防堵兵單擬赴澤州在太行山前駐劄以扼北竄之路惟該總兵所帶之兵齊赴懷慶後路有無接應不可不如意布置直隸兵丁需餉孔亟該撫仍須兼顧先籌接濟所有前調陝西兵二千餘名由蒲州取道計已馳入晉境著即催令前進以扼太行要隘兼可為懷慶接應毋稍延緩另片奏查拏軍營逃回之兵擬即就地正法此項

兵丁未經打仗輒自逃回其情誠屬可惡著該撫於拏到時訊明何人起意擇其尤者即行正法以肅軍令將此由六百里諭令知之欽差大臣都統銜琦善等奏揚城四面重濠急切未能克復得旨只言其難豈不籌破難之法耶理藩院尚書恩華奏遵籌全局會兵分剿得旨籌畫尚妥軍務機宜勝負決於頃刻斷不能悉遵諭旨有誤於事二十七之戰惟冀全勝諒此時已奏報在途矣○以

廣西省城剿匪出力賞千總張鑑等花翎並加銜有差乙巳諭內閣御史張澧翰奏守土印官開城逃走一摺前因河南歸德府城失守降旨令陸應穀將城內文武員弁確查奏奏茲據該御史奏稱署商邱縣知縣宋錫慶因賊氛漸近豫將眷屬送回原籍迨守禦喫緊之際輒擅將北門關鎖打斷開城逃去以致逆匪乘機進城肆行荼毒等語知縣為守土之官理應與紳士人等合力同心嬰城

固守若如所奏貪生無恥藐法已極著陸應穀迅速派員將該署縣宋錫慶查拏嚴訊如有開城逃避情事即將該員按律處斬以昭炯戒其餘各文武員弁仍著迅速查明具奏新授歸德府知府王之斌並部選該府文武各員著該部飭令迅即赴任毋稍遲延○諭軍機大臣等桂良奏相度全省形勢分兵布置一摺據稱河北形勢以清化鎮臨沼關為最要該處均有大軍駐劄正定府勢居後勁

離省城較近且與山西接壤地方甚多急應
籌防現據訥爾經額咨稱將所調山西大同
鎮三四起官兵一千名截留正定其五六起
官兵一千名留於保定如不敷調遣即酌調
駐劄天津之盛京步隊數百名等語布置尚
屬周妥即著照議辦理保定省城為畿輔重
地該尚書務即督率文武實力巡防並派委
員弁嚴密訪拏奸細不可稍有疏懈亦不可
過涉張皇將此由四百里諭令知之○兵部

尚書桂良奏豐工漫口請飭嚴守清江得旨
所見甚是山東布政使崇恩奏報到任日
期得旨汝此次復履舊任務須振刷精神不
准稍圖安逸從前在

皇考時屢經獲罪今朕復垂取錄用冀汝整飭
圖新並非欲翻舊案也辦事要認真度量要
寬洪然亦甚難朕看汝非真能放得寬捨得
脫者一切舊勢舊怨祇可付之東洋若時存
芥蒂不但有誤地方於汝身亦甚無益尤不

可有意沽名自誤誤他誠非淺鮮汝雖至愚
亦斷不肯以自己身家博眾人之譽也時加
警惕勉之懍之○命前任山東布政使劉源
灝仍留山東督辦團練○丙午

上詣

壽康宮問

皇貴太妃安○諭軍機大臣等前因鎮江虹橋
等處接仗失利諭令慧成等帶兵折回扼要
布置茲據奏稱已抵濟城料理一切候旨啟

行並知會容照帶兵先回清江聽候調度等
語懷慶賊匪現經各路重兵趕到會合兜剿
慧成尚在濟城候旨即使前往懷慶亦需時
日現在揚州後路空虛琦善等奏報亦以兵
力未敷為慮著慧成仍遵前旨督帶官兵迅
即折回清江浦與琦善等咨商扼要攻剿儻
賊北竄並可就近策應毋稍遲延將此由六
百里諭令知之○禮部左侍郎福建學政吳
鍾駿因病解任以宗人府府丞李維翰為禮

部左侍郎仍兼署兵部右侍郎。命翰林院侍讀學士李聯琇提督福建學政。改鑄福建興泉永道關防。從巡撫王懿德請也。丁未。諭內閣。聯順奏揀選營員請酌定章程一摺。向來保送營員均以弓馬嫻熟為憑。若如該侍郎所奏。派充揀選時。見有步射不到靶者數十員。似此技藝生疏。該旗營何以輒行保送。恐該員等有取巧規避情弊。嗣後保送營員著該王大臣等遵照定例。秉公保送至

派出揀選之大臣。亦當認真校閱。如有弓馬生疏技藝過劣者。該大臣即行指名叅處。以重考校而杜規避。又諭聯順奏請稽查海淀地面等語。現當辦理巡防之時。各城內外俱經按段巡查。海淀密邇園庭。尤宜嚴肅。茲據聯順奏稱。圓明園營汛更號燈火未能整齊。城坊稽查於鋪戶民居亦有疏漏。著步軍統領衙門並巡視西北二城御史遵照前旨。嚴飭營坊各員認真稽查。無論客店廟宇及

鋪戶民居均當隨時查對門牌。俾奸宄無從涸跡。地方日就肅清。毋得視為具文。稍形疏懈。諭軍機大臣等。本日據訥爾經額托明阿及勝保各具奏。連日獲勝情形。朕詳加披覽。賊勢已漸窮蹙。盛府城當可解圍。惟連日進仗皆係托明阿勝保善祿所帶官兵其攻破賊營及勒殺賊匪皆在迤東一面。該處賊匪固較西北兩面為多。而但由一路進兵。並未四面合剿。前次烏蘭都董占元所獲勝仗皆

近在丹河南北中間。尚隔沁河。未能直逼賊壘。懷慶孤城。完乏切近。援應此時托明阿勝保善祿等已破賊營兩座。斬獲甚眾。而各路營盤或距城十餘里。遠者至三十里。仍屬鞭長莫及。援兵雖眾。尚未能與城內聲息相通。仍不足恃。著訥爾經額即飭所派董占元花里雅遜布等與恩華李德迅即移營前進。合力攻剿。總以速渡沁河。緊逼賊壘為力。解重圍之計。其南通孟縣西通濟源之路均關緊

要哈芬所派烏勒欣泰管帶之兵聞已出太行山口但恐該省官兵仍形單弱勝保所請分兵駐劄崇義鎮自係扼要妥籌著該大臣等即行酌量分撥以為聲援儻進剿之兵一時不敷調遣其現駐臨沼關及該大臣隨營之兵均可移遠就近前路多一得力之兵即後路可省一分防堵之力董占元前此進仗雖有斬獲輒以厭熱收隊連日以來並未見其接仗花里雅遜布現署河北鎮責無旁貸何以亦未奮力進攻均不可解朕聞各路官兵即素稱勁旅者亦不過於距賊二百步外以槍礮轟擊不敢前衝如此槍礮安得不熟弓箭刀矛復成何用勁旅若此其他可知吉林官兵素習烏槍頗稱得力著恩華即行前進若能與勝保合隊甚好若勢難併隊亦可照勝保所請酌選五百名迅交勝保統帶與綠營步隊相輔進剿仍當與勝保營壘相接互為應援若劄營太遠不能聯絡則吉林兵

五百分出曷若仍在一處較善也本日已明降諭旨令勝保幫辦河北軍務各路官兵均可酌量調遣軍情旦夕不同總宜隨時相機辦理毋稍拘泥延誤懷慶被圍危急儻救援稍緩致有疏失朕惟後至者是問決不寬貸將此由六百里加緊各諭令知之○又諭雷以誠奏東路布置情形並請添兵一摺揚州東路自虹橋失利後瓜州之匪與揚城聲勢相聯儻乘間東竄不惟仙女廟難以抵禦下河州縣及淮安清河均在在可危該侍郎查明施家橋為瓜揚通行之路會商琦善派令張珩國帶勇數百名在橋北之褚家壩劄營以防賊匪由陸路東竄其通瓜州江口之錢家灣常家馬頭李墅河嚴家橋等處亦俱分撥協防布置尚屬周妥惟瓜揚協剿兵力不敷前已屢降諭旨令琦善等將慧成容照所帶官兵截留以備調撥昨據慧成奏行抵濟城仍諭令折回清江著琦善飛催慧成並容

照所帶各兵酌量布置以資防勦該侍郎軍營與福濟相距不遠正可互為聲援俟懷慶賊匪悉數殲除當再撥兵赴爪揚一帶協勦也至琦善大營糧餉向由鄭敦謹糧臺支應該侍郎所需糧餉著一併由鄭敦謹接濟毋庸由陳啟邁支付以歸畫一將此由六百里各諭令知之○又諭有人奏五月二十日前後河南府一帶有逃兵五六百人各持器械沿路搶掠行人詢問皆云自南逃回將及陝

界不入潼關轉而南行似欲竄入南山等語各路軍營兵勇徵調較多帶兵官員果能申明嚴紀律何至結隊潛逃至數百名之多而本營並無覺察前據哈芬奏山西官兵有由軍營逃回者現在嚴行查拏可見官兵沿途脫逃亦非風聞無據况賊情詭譎往往改裝窺探冀圖潛煽難保逃兵之內不有奸細涸跡其間著舒興阿張祥河哈芬陸應穀等嚴拏認真查訊如果實係逃兵即將原營領兵官

弁查明奏懲辦並互相知照於交界處所實力梭查毋得稍涉鬆懈致貽後患將此由五百里各諭令知之○以勦辦河南懷慶賊匪獲勝命內閣學士勝保幫辦軍務賞遊擊吳燦花翎並升銜予陣亡守備秦虎翼佐領那豐阿祭葬世職 戊申

上詣

永安寺拈香 諭內閣御史方俊奏統兵大員誤國殃民請旨撤銷卹典一摺已故兩江總督陸建瀛前因喪師失律降旨革職拏問查抄嗣經怡良查明該督於城破時遇賊被害尚非忍辱偷生是以仍加恩卹茲據該御史奏稱該督自九江逃回關繫天下大局祥厚霍隆武之死慘烈可矜江安數百萬生靈遭茲荼毒皆由陸建瀛一人所致請撤銷卹典等語所奏自屬公論陸建瀛業經賞還總督銜復將原抄家產給還已足示朕法外施仁之意著毋庸另議卹典以昭區別 諭軍

機大臣等琦善陳金綬雷以誠奏賊匪四出衝突官兵分剿獲勝並浦口焚毀逆船殲擒賊匪各摺片揚城賊匪於六月二十七八九等日由東關便益兩門及徐凝等門分路衝突經官兵分隊擊敗斬獲甚多其西門南門擁出及城上縋下之賊亦經官兵擊退浦口逆船經武慶開隆阿等燒毀多隻奪獲軍械多件是賊勢漸就窮蹙急思奔突必應嚴扼要隘以防其乘間逃逸據稱瓜州賊匪有至

三汊河報復之說恐揚城之賊突出夾攻特飭瞿騰龍帶領弁兵馳赴南門外防守並由三汊河繞至南門東岸嚴密巡查自應如此布置惟避實襲虛是賊慣技著琦善陳金綬會同雷以誠福濟等妥籌協剿合力進攻務將揚城之賊悉數殲除斷不可再令竄出復滋延蔓慧成容照所帶官兵計可先後趕到著即隨時擇要調撥俾得互相策應切勿以有用之兵置之無用之地其浦口逆船仍飭

令開隆阿武慶西昌阿伊興額等迅速進剿以期江路肅清毋再延緩將此由六百里各諭令知之又諭御史方俊奏請將豐北一帶災民募充民兵並多製鈔票濟餉備賑等語前因豐工復次當降旨令楊以增將被災難民設法撫恤其丁壯酌量招充練勇已據該河督奏飭屬妥辦其鈔票一項前經戶部奏請頒給各省設局通行亦經降旨允准從前戶部發給南河之銀票五十萬兩據該河督奏已經設法行用當此帑項支絀籌賑維艱自應變通盡利以資接濟至所稱酌撤西北勁旅卽以民兵充伍之處現當攻剿喫緊之時新募之勇斷不能得力所奏著毋庸議原片著鈔給閱看將此由四百里諭令知之已酉諭內閣勞崇光奏攻剿恭城縣匪徒大獲全勝一摺據稱匪徒陳亞求黃安兆糾夥劫獄竄赴恭城秧家街牛尾洞龍虎關等處分起屯踞該撫飭催藍翎候補守備萬明

魁等統帶團練兵勇分路進攻該逆竄入街內兵勇乘勢偪入生擒首匪陳亞求黃安兆二名夥匪黎正升等一百九十二名割取首級二百零五顆餘匪竄往湖南永明一帶復經兵勇團練追殺二三十名跌斃十餘名並經湖南弁兵殲斃多名又分飭兵勇團練入山探捕餘匪等語該匪陳亞求等因行劫夥犯被拏輒敢勾結匪眾入城劫獄抗拒官兵不法已極經該撫派員將大股匪黨殲擒殆

盡洵足彰國法而快人心候補守備萬明魁前經該撫派赴昭平一帶將積年通寇捕獲多名此次勦辦恭城匪徒尤能奮勉出力萬明魁著以守備遇缺儘先即補賞加都司銜並賞換花翎其餘在事出力員弁兵勇紳團人等均著查明覈實保奏候朕施恩毋許冒濫至此案首匪雖已就擒而被劫各犯尚未弋獲是否業經殲斃抑或乘間潛逃著即確切查明嚴拏務獲毋任漏網又諭勞崇光

奏進勦興安逆匪大獲全勝克復縣城生擒首犯一摺據稱臬司許祥光馳抵興安親督文武員弁攻進縣城該匪往南鄉一帶逃竄沿途追殺多名內有匪首王狗晚等八名並糾眾攻撲省城首匪偽元帥石生花一名其東路逆匪分踞長岡嶺海洋坪經石江道張敬修統帶兵勇殲斃一百餘名生擒二十七名內有首匪秦倡裕一名並生擒偽元帥廖老九偽副元帥蔣方澄及匪夥十五人攻撲

全州之匪經署守備王崐山選帶弁兵出城奮力攻擊斃賊一百餘名生擒首匪蔣得志及夥匪一百二十餘名現在全州已無大股賊匪等語廣西興安會匪連陷興安靈川兩縣又分股攻撲全州並敢直撲省城狂悖已極經該撫派令許祥光等分路進攻屢獲全勝該員等親歷行間身先士卒實屬勇敢可嘉許祥光著賞加布政使銜張敬修著賞加按察使銜其餘在事出力員弁兵勇及紳團

人等均著查明據實保奏候朕施恩毋許冒濫○又諭勞崇光奏知縣失守城池旋即克復請留營效力等語廣西興安縣知縣蔡映符於股匪初謀起事之先拏獲首要匪犯雍月耐等解省並續獲夥犯監禁迨該匪等入城劫獄蔡映符將印信交其子赴省呈繳即在署自縊經該縣紳士蔣方清等搶出救甦旋即選派練丁商同紳士收復縣城與失守城池隱忍偷生者不同蔡映符著革職准其

留營效力以觀後效蔡映符之妻萬氏罵賊被戕著照例旌表又諭駱秉章奏會勘土匪事竣一摺據稱江西上猶龍泉等縣土匪竄擾湖南之桂東永興等縣該撫派委候補府經歷孫第培候選縣丞王鑫等馳抵竹坑地方督率紳士團勇分路進攻賊眾奔避眾勇合力前進斃賊四百餘名墜崖溺水者不計其數並將分水坳洞頭石角圍等處匪巢盡行平毀等語上猶等縣匪徒竄入桂東戕

官拒捕擾及永興等縣經該撫派員深入江西境地將鵝形等處巢穴悉數掃除辦理尚屬迅速所有在事出力之文武員弁及紳士兵勇人等著駱秉章查明覈實保奏候朕施恩○又諭張亮基奏越南貢使請暫留荊州等語即著妥為安置無任稍有疏失一俟前途肅清再為護送前進○諭軍機大臣等據張芾奏逆匪工竄時不過數千人向繼雄既以無援而敗福興又復縱賊不追賊遂沿途

裹脅勢益披猖等語已革提督福興經該大臣派往追賊何以行至蕪湖遽爾返權不與向繼雄夾擊著向榮確切查明據實具奏再該處糧臺已撤歸大營統歸彭玉雯總理江西鹽法道熊義著即飭令速回江西本任無稍延緩將此由六百里諭令知之○又諭張亮基奏籌辦楚豫交界情形一摺本日據陸應穀奏汝甯及沈邱項城永城等處均有捻匪肆擾該署督復奏探報逆匪分竄新鄭許

州一帶土匪捻匪勾結突起有取道西平直
偏信陽之耗信陽與湖北接壤防堵最關緊
要該署督已調官兵一千七百餘名交唐樹
義馳赴三關等處扼要堵剿並分委官紳勸
諭團練以為策應又委羅遵殿馳赴襄陽防
堵所有兵勇俱由該署司調遣布置尚屬周
妥惟豫省大兵均在河北其黃河以南兵力
實形單弱現在各處匪徒竊發儻與逆黨勾
結更恐滋蔓難圖該署督務當嚴飭交界防
堵各員越境迎剿與豫省在事文武不分畛
域合力夾擊以期剋日殄滅萬勿自固藩籬
徒事株守致誤事機如楚北兵勇有可分撥
豫省之處即著迅派馳往協剿將此由六百
里諭令知之○又諭據張芾奏催集援兵以
圖剿賊並連日接仗獲勝各情形賊匪零股
窺探省垣經江忠源督飭員弁開放大礮擊
毀賊壘數處復於城內開挖暗濠以防地道
辦理甚合機宜又經總兵馬濟美都司戴文

蘭寺兩路夾攻斃賊三百餘名應已大挫兇
鋒現議於永和章江門外割營為左右二翼
偏近賊營著即趕緊設法剿辦東南四門雖
距賊稍遠防守較易仍當督率文武員弁不
可稍存大意致有疏虞該逆稟脅雖多一經
出示解散即有汪安惻等赴城下投誠哀懇
可見被脅之人並非甘心從逆惟在設法曉
諭使之自拔來歸既可絕逆匪之黨援並可
探賊營之虛實至江西攻城之賊是否係金

陵逆首分股遣來其頭目果係何人拏獲奸
細時詳細訊供具奏將此由六百里諭知張
芾並陳孚恩江忠源知之○又諭陸應穀奏
匪徒蜂起現在籌辦情形粵匪南竄逼近汝
甯若與捻匪勾結更將滋蔓難圖自應先其
所急柏山屢次剿賊尚屬勇敢著即飭令統
帶弁兵趕緊追賊先將此股粵匪盡行殄滅
即飭令統帶大兵剿辦捻匪總期一律淨盡
勿留餘孽經文依王家琳現在何處剿賊著

即飭令合力進攻毋稍延誤托雲保所帶之兵著准其截留吉林官兵素稱勁旅但令聚集一處調度得人必能制勝萬不可分撥各處堵守轉形單弱至請調兵四千現在河北正當會勦喫緊之際斷難分撥本日已諭令張亮基等酌撥兵勇協勦並令不分畛域派兵迎擊僮兵力仍有不敷著仍遵前旨即咨商舒興阿於所帶防兵內酌量分撥該撫仍飭帶兵各員跟蹤追勦總期一鼓蕩平切勿

以逐出豫境為了事也將此由六百里諭令知之○賞三等侍衛祥恩二等侍衛在乾清門行走以署湖廣總督張亮基兼署湖北提督以湖南永綏協副將虎嵩林為湖北宜昌鎮總兵官福建漳州鎮總兵官郭仁布緣事革任以興化城守營副將懷塔布署漳州鎮總兵官予故原品休致都統中山祭葬賞銀一千兩治喪諡恪僖予故署湖北提督宜昌鎮總兵官阿勒經阿祭葬如提

督例諡勇慎予廣西陣亡外委曾玉順廖起雲祭葬世職旌表守正捐軀直隸沙河縣民李汶明妻張氏庚戌諭軍機大臣等寄諭兩廣總督葉名琛等有人奏廣東高廉南雄一帶巨盜熾橫羣匪之拜會結黨者所在皆然省城北門外白雲山夜間時見列炬星羅以拜墳為名實皆無賴之徒乘間聚集一旦竊發良可深慮等語廣東各處土匪雖經屢次勦辦而餘匪仍復肆行其拜會結黨

盜匪萌竄尤宜設法翦除以防滋蔓著該督撫嚴飭各地方官隨時認真查緝並密派勤幹員弁分投查訪迅速掩捕以靖地方毋稍疏懈將此由五百里諭令知之又諭寄諭欽差大臣都統銜琦善等據巡視北城御史志文等奏拏獲形跡可疑之犯苗立仁供稱在家時跟乞丐揀豆人王姓學習畫字苗立道供稱有夏小老爺教我寫字等語本日已將苗立仁等交刑部嚴審矣該犯等行蹤詭

秘編造歌謠恐有不法情事據供夏世山混名夏小老爺又名夏希布及伊兄夏世興均住江蘇淮安府桃源縣倉家集西把頭集街上開小店為主乞丐揀豆人王姓亦在該犯附近地方著該大臣等即密派幹員就近訪拏如查有傳習邪教及勾通奸匪情事即行按律懲辦原摺著鈔給閱看將此各諭令知之○又諭本日據雷以誠奏賊匪窮蹙思竄連日鮑城撲營疊被兵勇擊退斬殺賊目挖

獲逆書等語該匪連次鮑城而下支搭浮橋撲我軍營均經雷以誠等派員督帶兵勇擊退擒獲多名並擒偽丞相林永年一名當即梟示並於夜間施放火箭黏帶解散脅從告示俾自相疑貳所辦尚合機宜惟賊匪既圖竄出則防範尤必加嚴著琦善陳金綬會同雷以誠福濟籌商布置正可乘其潛圖竄逸之時豫設伏兵以為掩襲之計慧成容照所帶官兵如已趕到即可擇要調撥務將揚州

之賊剋期殄除以慰朕念將此由六百里各諭令知之○又諭本日據御史黃經泰稱賊船占踞江面必須上游連備船隻酌撥將弁統帶乘風順流東下直抵金陵向紫陸攻東南舟師攻其西北知會下游水艇合力兜圍等語賊匪占踞長江來往自由總因我兵不能於江面攻擊致令蔓延該御史所奏自係目前緊要機宜勢難暫緩著張亮基崇綸駱秉章等即於各路水師船隻酌量調撥或設

法雇備民船多隻配帶礮位揀派得力將弁管駕自上游駛赴金陵與陸路官兵合力攻勦並與下游艇船兩路合勦方可肅清江面埽盡賊蹤所需經費較鉅此時甚難籌畫該省無論何款儘可先其所急暫行動用仍當飭部另籌歸款或有紳民團練人等情願雇備船礮隨同勦賊者該督撫等隨時保奏獎勵此係切要急務慎勿因辦理為難稍存諉卸也原摺鈔給閱看將此由六百里各諭令

知之 又諭前有人奏豫陝一帶逃兵持械搶掠當即諭令舒興阿等於陝河南交界處所嚴密稽查茲據河南學政張之萬奏稱五月初旬有陝西鄜州營都司曹鵬彪延安營參將業布崇額帶領調赴山東江南官兵在中牟聞賊竄至歸德當即折回行至鄭州該兵丁即將該都司曹鵬彪殺害並在偃師縣宣閣公堂糾搶洛陽民財及傷澠池居民輩慘之失先因該兵搶掠賊匪等乃尾之

而至該參將業布崇額不能禁制等語軍行以紀律為先似此肆行無忌竟敢戕害本營都司若不從嚴究辦何以整肅戎行著舒興阿即將滋事兵丁等訪拏嚴訊如果屬實即按軍律懲辦斷不可稍有寬縱再郝光甲所帶官兵二千名由山西取道前赴太行要隘防剿著即催令迅赴懷慶會同各路官兵攻剿賊匪迅解郡城之圍毋稍延誤將此由六百里諭令知之 又諭李德泰兵勇較單請

就近徵調一摺逆匪分踞懷慶城外不過數千人現在托明阿勝保等均已趕到剿賊獲勝將賊營平毀二座並有恩華董占元及該撫所帶之兵已不下萬餘人兵力不為不厚惟在領兵各大員會同協力進攻自能迅速撲滅若各軍自成一隊不相聯絡此進彼退此行彼止賊眾以全力拒我之偏師而併力攻城設被竄踞又成負隅之勢此刻總以急援懷慶為要尤以各路會合齊攻為制勝之

策托明阿勝保等六月二十五六七日與賊接仗先後擒斬二三千名何以該撫奏報尚未敘及豈因丹沁二河之隔彼此軍營竟不相聞問耶本日已諭令訥爾經額督兵前進並令舒興阿督催郝光甲帶兵二千趕赴懷慶郝光甲如已趕到並烏勒欣泰之兵該撫均可就近調撥至所請張集馨楊需所帶之兵並山西官兵著與訥爾經額酌量緩急以資援剿懷慶為畿輔屏障此股賊匪必須

剋日肅清則河北一帶始可安堵該撫越境
勒賊兵貴神速務當與懷慶在事諸臣聲勢
聯絡合力進剿懷慶圍解尤須兼顧東省勿
稍大意將此由六百里諭令知之○又諭據
河南學政張之萬奏賊匪初竄豫境不過數
千疊被各處兵勇勒戮夥黨漸少現在懷慶
之賊窮蹙日甚請飭帶兵大員迅速進剿復
據李德奏懷慶被圍日久非厚集勁兵難以
破賊巢穴請飭直隸撥兵三四千名迅往協

助各等語逆匪屢受懲創兇鋒大挫惟懷慶
被圍已久勢甚危急而各路援兵劄營遠近
不一聲勢未能聯絡屢經降旨諭令督飭諸
軍迅速合剿本日據該大臣奏報已函囑恩
華托明阿勝保李德定期四路齊進以期速
解懷慶之圍必應如此辦理惟該大臣駐劄
衛輝距各路軍營較遠尚恐咨稟稽延仍有
鞭長莫及之勢著即相機前進就近督剿李
德所請張集馨楊霨所帶之兵及山西官兵

並著酌量緩急以資策應除懷慶之賊匪始
可因直隸之藩籬該大臣諒能仰體朕意也
訥爾經額以大學士督師勒賊以大體時勢
料之斷難任賊猖狂滅賊惟汝之功肆賊即
汝之罪卿豈不知耶將此由六百里各諭令
知之○又諭御史蔡徵藩奏風聞臺灣府城
被圍請簡員解散一摺據稱此次匪徒滋事
該鎮並不親行僅委縣令會同守備孟浪前
驅以致被賊戕害現在直隸府城鳳山縣屬

亦被賊圍等語前據王懿德奏臺灣道徐宗
幹與該鎮恆裕意見不合當將該員等交部
議處仍責令該鎮道迅將滋事各犯拏獲現
在如何辦理尚未接據奏報臺地械鬪之案
所在時有地方文武各官果能和衷共濟消
患未萌何至釀成巨案著該署督即飭令澎
湖協副將邵連科前往臺灣會同恆裕等相
機妥辦或督兵進剿或設法解散總期迅速
藏功毋令蔓延為患現在漳泉二屬雖漸收

復而會匪盤踞廈門亟宜撲滅興泉永道趙霖才具是否勝任並著該署督察看據實具奏又據該御史片奏寶福局本欲開鑄錢委員錢堃勒索現例不遂以致中止並委員書役侵蝕舊存銅鉛幫辦委員甘麟藉隸本省不洽鄉評等語著該署督即將錢堃甘麟撤回如查有勒索等弊即行嚴叅懲辦至所稱藩庫及寶福局各存制錢五萬貫請發交當商舖戶以資兌換之處著該署督體察情

形妥籌辦理原摺片均著鈔給閱看將此由六百里諭令知之欽差大臣大學士直隸總督訥爾經額奏嚴飭各路官兵勦賊並稱大名鎮總兵官董占元雖損折兵將實屬奮勇出力得旨董占元甚屬奮勇著從寬免議責令即行前進攻破賊壘盡掃妖氛以解重圍訥爾經額亦應趕緊前往督辦以督辦海運經理得宜賞浙江巡撫黃宗漢道員周起濱花翎予河南陣亡遊擊薛成龍參領

趙炳琇守備張志江千總齊廣之把總邵青雲王武泰陶景武外委李枝桂董高陞蘇彩蕭剛武維楨祭葬世職緩徵山東長清縣安博平莊平清平臨清武城夏津邱高唐十州縣暨德州衛被雹被丹被旱被風莊屯新舊額賦辛亥諭軍機大臣等昨有旨將托雲保所帶官兵准令陸續殺截留以備堵剿河南賊匪茲據托雲保奏稱現已渡黃於本月初三日行抵延津縣卽日督兵前赴懷慶協勦等語此項官兵即著留於河北軍營交訥爾經額相機布置此時恩華諒已移營前進與勝保會合一處前據勝保奏請撥吉林馬隊現既添此勁旅正當來兵力厚集之時迅速圍攻殲除孽母得遷延觀望致誤事機並著該大臣等飛咨陸續殺另行的調以資協勦將此由六百里諭知訥爾經額恩華並諭托雲保知之又諭周天爵奕經奏徐州等處布置情形一摺據稱將大同兵調劉

泰山東西兩口熱河兵留劄九里溝密雲兵調劄雞嶺嶺賊紆青所帶練勇留劄雲龍山其宿遷糧臺已有山西兵一千餘名並號召團勇揀調河兵擇要扼守所籌均尚周妥惟所稱固鎮留防之山東兵不得調往他處等語自係為該處緊要起見如果遠處徵調誠恐徐宿兵單儻附近一帶或有土匪竊發或滁鳳等處探有南來賊蹤仍當迅速撥往剿捕豈可再蹈前轍致令土匪北竄如入無人

之境耶至招募災民一節原以弭患未形該侍郎等所稱先行訪察以防濫收似已見及募勇之不可深恃從前周天爵招募之勇多有不遵約束臨時遣散者其遣散之後並未聞收繳軍械亦未聞妥為安插朕聞河南之賊即有此輩散遣之勇潛跡其中是招募不慎非但無益且貽後患現在餉款籌畫甚艱該侍郎等亦所深悉亟應慎之於始無任徒糜帑餉也所請接濟餉銀已諭知李鴻迅速

籌解現在東省庫項亦甚支絀能否如數籌撥尚未可定本日復飭戶部迅催山陝兩省撥款俟解到後撥還山東外尚可酌量備用其經所帶之兵既歸徐州糧臺支應即著知照陳啟邁將此項應支之款劃停以免牽混將此由五百里各諭令知之又諭周天爵奏經奏徐州糧臺存款無多請飭山東省酌撥餉銀解徐接濟等語現在周天爵所帶兵勇駐劄徐州需餉孔亟前撥山陝等餉銀因

站道戒嚴未能迅解目下徐州糧臺僅數兩旬之用必得東省先行就近接濟著李鴻即設法籌撥銀十數萬兩分次陸續解往徐州並著不拘何款先撥四五萬兩於本月二十日以前迅速解往以濟急需其原撥山陝等省餉銀本日已降旨飭部催解即可於此款內歸還山東墊款也將此由五百里諭知李鴻並傳諭崇恩剴源瀨知之 壬子

上詣

壽康宮問

皇貴太妃安 諭內閣給事中仙保奏京城巡防章程請飭實力奉行一摺京城內外戶口殷繁奸究易於涸跡前經降旨著步軍統領巡視五城御史及營汛各員實力稽查復命副都御史於內外城隨時巡察糾參立法已為周密惟是偏僻地面客店廟宇往來租住之人其中藏垢納汙尤所不免仍著步軍統領衙門分飭五營及城內八旗地面各官於所屬鋪戶居民詳細查察並遴派幹員認真督辦務使宵小無從匿跡聞悉就肅清毋得視為具文 諭軍機大臣等琦善奏三汊河擊退賊船大獲勝仗現籌環攻揚城迅圖克復一摺瓜州賊匪欲糾鎮城之賊與揚城接應經該大臣等分飭鎮將晝夜嚴防合力圍攻並由雷以誠福濟各派兵勇分路進剿均獲全勝揚城瓜州之賊以三汊河為通津要路我兵扼守斷其往來今既屢獲勝仗是

賊匪已大受懲創惟江潮方長難保不糾眾復來冒死衝突且金陵賊船亦有接濟揚州之說尤不可不嚴加防禦著琦善陳金綬會同雷以誠福濟等分飭鎮將乘勝夾攻其黑龍江及河州湖南得力之兵尤須調度得宜總期迅復揚城則鎮江金陵亦可以次克復惟進攻不可稍懈分竄尤宜嚴防鈔關徐凝二門既稍覺空虛即於各營官兵內酌量調撥互為聲援總宜四面環攻令賊匪無路可竄方可聚而殲旃至浦口賊船經武慶等擊退尤應時加防範萬不可稍有疏失致賊又竄江北諒該大臣等必能妥籌全局迅殲醜類以慰朕望也將此由六百里各諭令知之 又諭陸應穀奏官兵追剿賊黨竄入楚境及折回省城布置情形並拏獲逆書等語逆賊自攻撲懷慶後其零股餘賊由汝甯一帶轉竄而南朕早知其必趨楚境茲據陸應穀奏該逆由羅山縣屬之宣化鎮渡河竄入楚

境總兵王家琳已跟蹤往勦此股零匪雖已無多但恐沿途裹帶又成滋蔓不得以已入楚境遂置之不問此時柏山已赴桐柏經文岱與伊里綱阿又赴正陽僅委王家琳一員追勦實難保其必能得力該撫折回省城意以擒匪為重歸德陳州等處逼近省垣布置誠不容緩而南路遺孽仍須速派幹員與湖北所派帶兵大員會合兜勦以淨根株至潁州擒匪本日已諭周天爵李嘉瑞迅速撲滅

使不得與豫匪勾連該撫即當妥為籌畫派兵前往歸德等處迅圖勦辦至前調各路精兵盡往河北該省南路誠慮兵單如攻勦實有不敷即遵前旨咨商舒興阿酌量撥兵協濟可也將此由六百里諭令知之又諭本日據陸應穀奏河南零股賊匪竄入楚境一摺前據張亮基奏稱已調官兵一千七百名交唐樹義馳赴三關等處扼要堵截又委羅遵殿督帶兵勇馳赴襄陽防堵著該署督即

飭各該員等相機迎擊勿留餘孽至潁州大股擒匪聚有數千之多皖省兵力甚單他省難於協濟惟周天爵固鎮行營有山東兵千餘名又截留漢中陝州兵現在宿州駐劄者一千名又撥交徐州鎮道之山西大同兵一千名奕經所帶密雲兵四百餘名均堪就近調撥著周天爵酌量情形除留守糧臺外將該處存兵派往潁州勦除擒匪賊紆青所募練勇並可令帶往協勦並著李嘉瑞嚴飭道

府各員督率得力兵勇與周天爵所派兵勇會合兜擊以期及早撲滅周天爵所派兵勇尤當迅速啟行庶不致匪黨勾結滋蔓難圖將此由六百里各諭令知之欽差大臣都統銜琦善等奏甘肅肅州鎮總兵官武慶擊退浦口賊船情形得旨武慶在浦口防堵甚嚴伊已年逾七十猶能如是奮勇深堪嘉尚著傳諭該鎮知之賞藍翎侍衛特克慎二等侍衛為科布多參贊大臣以堵勦江南

三汭河賊匪獲勝賞侍衛德興阿副都統銜

予故禮部左侍郎吳鍾駿祭葬 癸丑

孝懿仁皇后忌辰遣官祭

景陵 諭內閣勝保奏連日續獲勝仗現仍設

法進剿一摺據稱於七月初三日約會托明

阿善祿等攻賊東面李德董占元攻賊北面

勝保親督兵勇直撲南門賊營該逆分三股

由賊營後抄來我兵奮勇爭先槍礮刀矛並

進立斃賊匪三百餘名該逆敗退匿入木城

兵勇隨勒隨進城上川勇及天津兵丁亦繼

城而下直撲賊營後面該逆登時大亂兵勇

奮力撲入匪眾分股抗拒經天津正定固原

將弁與川勇頭目龐玉等擊斃賊匪七百餘

名該逆騎馬頭目八十餘人由西面奔來欲

抄我兵後路復經天津遊擊吳燦及黑龍江

馬隊烏凌額魁福等槍箭齊施立將賊目盡

行殲斃生擒十四名此次賊匪大受懲創勢

已窮蹙著勝保即會同各路統兵大員迅速

進攻務將懷慶城外賊匪悉數殲除無令乘

間竄逸 諭軍機大臣等詢爾經額奏添派

官兵會剿等情又勝保奏續獲勝仗及軍營

情形各摺片逆匪竄圍懷慶卅月以來各路

官兵雖有斬獲而賊巢未破城圍未解該大

臣現撥通永等鎮兵一千名統歸文冲帶赴

河北一帶勸諭團練再行進剿但恐團練有

需時日著松玉德坤迅即先行帶兵馳往交

托明阿勝保調遣文冲熟悉河北情形即著

親赴武陟溫孟等縣勸諭該處團練鄉勇協

力剿賊該大臣擬將盛京吉林官兵分撥二

千名留駐衛輝大營其餘二千名分撥滎澤

蘭儀等處並移設糧臺各事宜布置甚屬周

妥惟軍情緩急仍須隨時調度不可以有用

之兵置之無用之地至勝保所陳兵力單薄

不能分路出奇自係實在情形副都統雙成

帶領馬隊五百名業經至勝保軍營分撥駐

劄其防守柳園口之直隸遊擊吳璋帶兵三

百名並著訥爾經額飭令迅赴勝保軍營俾資攻勦仍另派弁兵前往柳園口接替現在各路兵力不為不厚恩華李德及董占元等駐劄北路去賊尚遠若止隔河施放槍礮徒糜火藥何能有濟現聞懷慶北面賊營林立著恩華等拔營前進逼近賊巢方能與托明阿勝保等分路夾攻聯為一氣現在勝保兵力甚單距賊甚近恩華所帶官兵即著酌量分撥若干名派員帶往勝保軍營協勦以壯聲威而期共濟李德越境勦賊利在速戰現聞歸德屬縣又有捻匪滋擾該處與曹單毗連山東地方亦關緊要著即會同統兵各員將懷慶賊匪剋期進剿一俟該郡解圍即可折回山東辦理地方事宜懷慶被圍月餘情形萬分危急該大臣等各統重兵共辦一事惟當同心協力緩急調遣互為策應以期迅殄賊氛毋稍延誤川勇鍾占魁奉派入城約期擊賊陣亡著勝保查明請卹將此由六百

里各諭令知之 又諭據李嘉瑞奏難民雷姓李姓自金陵城內逃出供稱逆匪楊秀青於三月杪病故現係偽丞相充偽東王近日出令皆偽北王韋姓主張仍假託楊逆之名城內長髮賊僅七百餘名湖南從賊者約千人湖北約五六百人因人少驅令婦女擄物守城等語逆匪占踞三城江面未能肅清陸路官兵亦難得力向榮初到江南即欲在上游準備礮船順流而下後因湖北既未能備辦即慮應翔所帶之船亦因不能得力旋即撤去現在下游雖有艇船而時屆西風司令更恐上汴為難昨諭湖廣督撫酌量調撥師船或設法雇備民船配帶礮位派員管駕自上游駛赴金陵以資攻勦向榮於湖廣情形素為熟悉應用何項船隻可以得力並需用兵勇為數多寡松礮軍械何項適用著體察情形迅即咨商張亮基等妥籌辦理如該大臣營中有堪帶水師之員即派往湖北統帶

進行總期兵力足資勦辦即可與下游艇船併力夾攻廓清江面以孤賊勢至金陵鎮江兩城仍當迅圖克復不得因籌調船礮株守坐待致誤事機也李嘉端摺片著鈔給閱看將此由六百里諭令知之○又諭李嘉端奏探聞近日水陸賊情及籌辦防勦一摺水路賊船自金陵竄出沿江搶掠河南旱路之賊攻陷羅山後拆屋紮寨意欲順淮東下又由仙花鎮東竄黃安逼近皖境該省水陸各要隘亟宜嚴密堵截昨據陸應穀奏潁州擒匪聚集滋事已諭令周天爵酌調徐宿一帶駐劄之官兵練勇會同該撫合力兜拏現在各路籌防著李嘉端即與周天爵咨商抽調並督同總兵玉山扼要布置毋令賊匪勾結為患將此由六百里諭令知之○又諭王履謙長臻奏會查渡口各情形據稱蒙澤孟津一帶渡口已將船隻收封飭赴下游柳園口收集備用上游渡口原派防兵現經撤回協勦

下游防兵無可抽調俟慧成到豫會防河岸等語前已有旨今慧成仍回清江浦駐劄現在懷慶城外賊匪尚未撲滅歸德一帶又有匪徒嘯聚乘機勾結尤為可慮著王履謙長臻即督率河標兵丁及隨營兵勇於黃河上宜加意揔拏斷不可令該逆南北聲息相通再致勾結遊擊吳璋帶兵三百名現經勝保調赴軍營所有柳園口防堵事宜已諭令訥爾經額迅派弁兵接替矣將此由六百里諭令知之○欽差大臣大學士直隸總督訥爾經額奏接奉廷寄分兵布置情形得旨所籌甚妥兵貴神速斷不可稍有遲延○安徽巡撫李嘉端奏請以已革臬司張熙宇幫辦防勦從之

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之九十九

實錄卷之九十九

果

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百

秋修

咸豐三年癸丑七月甲寅諭內閣張芾奏江

南軍餉請由各省徑行解往無庸由江西轉
解一摺向榮大營軍餉銀兩前由各省解至
江西省城轉解現在南昌被擾道路難免阻
滯所有各省應解軍餉著即由該省徑行解
赴江南大營無庸由江西轉解諭軍機大
臣等張芾奏逆匪攻撲省城連發地雷經兵
勇搶護獲勝一摺據稱六月二十三日寅刻
該逆於前次轟塌城垣缺口之西復用地雷
轟塌城身四丈有餘賊眾蜂擁而至江忠濟

與已革九江鎮總兵清保督同楚勇將賊擊退石邊復轟塌五丈有餘江忠濟伴死持刀督令兵勇向前賊目手執黃旗乘勢上城江忠濟與把總何正杭奮力迎殺將賊目殲斃眾勇槍礮齊施賊始敗退該逆於缺口之東又用地雷轟塌城身六丈守備李輔朝等站住缺口已革遊擊長春等督令兵勇抵禦糧道鄧仁莖等復帶領練勇將賊殺退張芾派令總兵馬濟美等自永和等門分路擊賊都司戴文蘭奮不顧身追殺賊二十餘名前後斃賊二百餘名奪獲器械多件等語逆匪圍撲南昌連次用地雷轟陷城牆經該省文武合力堵禦俾得化險為平所有轟陷城垣業已築復在事各員均屬奮勉可嘉著張芾擇其尤為出力者隨時保奏以昭激勸將此由六百里諭知張芾並諭陳孚恩江忠源知之

又諭本日據張芾奏逆匪連發地雷經兵勇搶護獲勝請飭催大營所派雲南官兵及

湖南所派鎮筵鎮兵星速赴援等語逆匪攻撲南昌連次用地雷轟塌城牆經張芾等督率文武紳民協力堵禦俾得化險為平惟省城被圍日久而逆跋方張援兵不至勢甚可危向榮前派總兵音德布帶兵一千二百名馳往援勦鎮筵鎮標官兵亦經該督撫派員帶赴江西現在該省情形萬分緊急著該大臣等迅即飛催帶兵各員星夜馳往合力會勦以解南昌之圍毋稍遲誤又據張芾奏沿江尚有匪船或數十隻或數隻駛往上游恐為江西接應著向榮派撥兵船沿途截勦勿使連檣西上將此由六百里各諭令知之

調廣東布政使鄭敦謹為河南布政使河南布政使嚴正基為廣東布政使江甯布政使陳啟邁為江蘇布政使以四川按察使文煜為江甯布政使陝西陝安道周鳴鸞為四川按察使

命降調江蘇布政使倪良燿仍留江蘇差遣並辦理海運事宜 以查拏江北

土匪出力賞知州郭世亨遊擊劉玉豹等花翎都司李成虎等藍翎餘升敘有差 緩徵兩浙橫浦浦東袁浦青村下砂頭下砂二三六場被賊竈戶新舊額賦 撫恤日本國遭風難夷如例 乙卯

皇后千秋節宮內行禮如儀停止筵宴及在外公主福晉命婦進內行禮 諭內閣怡良許乃釗奏參捏病規避之委署知縣一摺江蘇試用知縣王慶嵩委署吳江縣事該縣有應

行籌補前任欠解海運米石係緊要款項輒敢託病告假實屬有心規避王慶嵩著即行革職以示懲儆江蘇為財賦重地如果地方官辦理得宜小民具有天良斷無不踴躍輸將之理何至州縣視徵漕為畏途臨委捏病總由向來浮勒過甚以致民力凋敝追呼愈迫抗欠愈多後任無從著手病國病民莫此為甚江蘇如此他省可知嗣後著有漕各督撫嚴飭所屬徵收漕米當視向辦章程力求

樽節有減無增俾民知愛戴自無不感激輸將庶正供不致有虧而官民亦不致交困其有仍前浮濫刻剝民膏下拂輿情上虧國課者即著嚴參懲辦勿稍姑容 河南巡撫陸應穀奏拏辦桐柏縣捻匪殲除殆盡得旨拏逸匪務期淨盡不可再任勾結又奏請飭部撥餉銀二三十萬兩解赴徐州糧臺批戶部速行妥議江南河北各糧臺應行接濟之處著酌量緩急籌辦 丙辰

上詣

壽康宮問

皇貴太妃安 諭內閣勝保奏連日續獲勝仗現在內外夾攻一摺懷慶賊匪經大兵節次進仗斬擒甚多初六日托明阿勝保善祿會同分路進攻逆匪分股抗拒托明阿善祿將東北正東二股賊匪擊斃二百餘名其南股賊匪甚眾勝保督率將士揮兵迎擊先用槍礮擊斃一百餘名逆匪紛逃我兵乘勢掩殺

復斃數百名該逆復由東北擁出直撲勝保陣前我兵俟其撲入奮勇迎勦擊殺數百名其西南一股經西安馬隊副都統雙成及黑龍江馬隊分抄截殺槍斃百餘名中箭而逃者無數自辰至酉統計殺賊八九百名其搖旗領隊之長髮賊均被殺死逆匪圍城屢經官兵痛勦賊膽已寒無難殄滅現在恩華等各帶官兵移營前進著即會同托明阿勝保善祿等分路夾擊迅解懷慶之圍並嚴杜賊匪竄逸之路務將逆黨殲除淨盡肅清河北以慰朕懷諭軍機大臣等花沙納等奏編查保甲請設巷長總甲一摺並酌擬章程呈覽京城巡防章程前經降旨著步軍統領衙門分飭五營及城內八旗地面各官於所屬鋪戶居民詳細查察茲據花沙納等奏稱九城以內擬立十家總牌聯名互保添設巷長按冊稽查所奏各條是否可行有無窒礙之處著載銓體察情形覈議具奏原摺單均著

鈔給閱看將此諭令知之又諭勝保奏連日續獲勝仗一摺並令西安馬隊隨同進勦等語昨以恩華董占元等劄營均在丹沁兩河之北距賊太遠特諭令拔營前進逼近賊巢方能與懷慶城外勝保托明阿善祿西凌阿等兵聲勢聯絡若但於河北遙為聲援即使小有斬獲仍不能解郡城之圍且勝保等兵力較單儻無人接應懷慶致有疏失各路統兵大員豈能置身事外現在柳園口防河之天津兵三百名已由勝保札調赴營文沖勸諭團練緩不濟急著訥爾經額仍遵前旨迅即飭令松玉德坤帶兵馳赴勝保軍營並令由武陟渡河較為迅速不可赴丹河以北致延時日並嚴飭董占元移營前進不得因前次輕進失利又復觀望前有旨令將托雲保所帶官兵留於河北著即撥給馬匹飭令迅赴勝保軍營聽候調度恩華統帶重兵著即會同托明阿勝保督飭各路將弁相機進

勒速解懷慶之圍將賊匪殲除淨盡毋令復有竄逸至嚴防河口已有旨令該督撫暨河督妥辦並疊諭哈芬嚴防太行要隘矣恩華托明阿勝保等軍營均與訥爾經額相距尚遠若必待往返咨報聯銜具奏轉恐稽延時日嗣後何人接仗即由何人奏報如會同進兵即聯銜具奏以慰朕念將此由六百里各諭令知之又諭張芾奏賊匪撲營總兵陣亡經兵勇截擊轉敗為勝一摺逆賊圍攻南

昌我兵防守甚嚴復有馬濟美戴文蘭兩軍分扼東西兩面該逆前無可乘旁有牽制鉅而走險為此撲營之舉其意實圖擾我營盤進占地勢現在馬濟美既已陣亡所帶官兵必須統領得人阿隆阿雖兼署鎮篆其進賢永和兩門營盤能否兼顧亟須妥籌布置廣東援兵到尚需時未可株待音德布此時想已帶兵趕到湖南兵勇已於六月十八等日先後啟程計亦陸續可抵南昌該撫仍當會

同陳孚恩江忠源妥為調度以戰為守此次轉敗為勝該撫等均能親身督戰其帶勇各員分門出隊亦皆踴躍效命果能始終不懈逆匪必可殲除該撫務當激勵士氣相機進兵不可因小有挫折致形畏阻江面賊船續至後路既無追兵湖口又無重鎮惟有於附近河干設法堵禦近城居民若能自相團練如金陵之四十八社揚州之虹橋皆可稍助官兵之力隨同馬濟美出隊之將弁何以於

該總兵遇伏之時不能竭力救護是否接應不及抑係退縮落後並著該撫查明具奏將此由六百里諭知張芾並諭令陳孚恩江忠源知之又諭本日據孫瑞珍奏堵剿之策必先扼守黃河撤收船隻並將緊要渡口處處扼定南北岸船隻悉數撤收去其桅舵或牽置岸上或鑿沈水中該逆無船可獲自不能任意往來凡各該省收船之事專責沿河各州縣文武各就本境趕緊妥辦計旬日間

即可撤收淨盡至文報往來可留渡船數隻
備用並派誠實員弁嚴密看守等語黃河為
南北天險扼守要隘必應如此辦理但恐奉
行不力又有疏懈所關非細著直隸東河南
河江蘇河南山東山西陝西各督撫迅飭沿
河各地方文武並河道廳員弁各就本境不
拘何項船隻悉數撤收不特清江孟津蘭儀
等處渡口最關緊要即偏僻港汊亦當嚴防
偷越該督撫等仍遵委委員沿河往來察看
遇有玩泄員弁即嚴叅懲辦斷不可任賊匪
再有搶船偷渡之事至豐北既有漫口微山
昭陽等湖與運河聯為一片河流既廣形勢
散漫防守更屬非易並著各該督撫飭屬相
度地勢設法堵截前次北竄之匪係搶奪煤
船渡河雖經官兵疊次焚毀未能淨盡其船
現泊何處是否曾為賊踞著長臻陸應穀迅
飭查明焚毀杜賊奔竄之路儻經此次嚴諭
之後仍有賊匪偷渡惟該督撫是問懍之將

此由五百里各諭令知之 又諭昨因江西
省城被圍日久疊經諭令張亮基等飛催帶
兵各員迅速馳往會剿本日復據張帶奏稱
該逆於六月二十四日率眾數千突由得勝
門外向東南直撲永和門外官兵營盤雖經
兵勇邀擊轉敗為勝連日續到賊船又有數
百號賊眾已逾二萬我兵十分單弱急待援
兵早到方可解圍湖南距該省一水直達前
調之鎮筸等鎮官兵並所募湘鄉等縣練勇
著張亮基駱秉章並曾國藩於接奉此旨後
迅即飭催管帶各員星夜馳赴南昌會合剿
賊萬勿遲延致誤事機將此由六百里諭知
張亮基駱秉章並諭令曾國藩知之 戶部
尚書孫瑞珍奏請嚴飭撤收黃河船隻防賊
北竄得旨卿此奏甚是但外省玩誤習氣由
來已久非重法示儆不能挽回非獨此一事
為然也 欽差大臣大學士直隸總督訥爾
經額等奏續獲勝仗並催調官兵會剿得旨

是時惟以速解城圍盡殲逆黨為要屢次催令前進諭旨諒已陸續接閱矣以浙江湖州協副將佛隆為江西九江鎮總兵官予江西陣亡總兵官馬濟美祭葬世職武舉馬丙南祭葬世職如千總例調廣東兵二千名赴江西勦賊○丁巳

上幸瀛臺諭內閣給事中雷維翰奏江廣新漕部議由官折價請旨遵辦一摺前據戶部議奏江廣等省咸豐三年應徵漕糧由官折

價解京民間完納悉仍其舊不許以折銀之議向民間更改舊章藉口浮收勒折已降旨依議行矣第恐戶部原奏閭閻未能周知各屬州縣或藉口折價愚弄小民以為科斂地步致生事端著湖南湖北江西各督撫按照部議剴切出示曉諭俾窮鄉僻壤皆知此次新漕仍照舊章完納由地方官自行變價解京與民無涉儻不肖官吏有藉詞私改章程及浮收勒折等弊即行嚴叅懲辦並著各督

撫將此旨及戶部原奏一併刊刻徧行宣示咸使聞知將此通諭知之又諭給事中雷維翰奏請飭嚴拏私販硝磺以防影射而杜接濟一摺私販硝磺久干例禁若如該給事中所奏官役以採辦為詞恃有印文影射即拏獲到官亦可藉詞狡脫甚至沿途售賣各處土棍輾轉興販接濟奸徒弊端百出關津渡口兵役人等往往得規包庇是官役私販較之民間尤難破案亟應明定章程嚴行懲

辦著直隸山西各督撫順天府府尹於出產硝磺之處認真查覈嚴緝究辦並著各直省督撫一體查拏毋稍徇隱該給事中所擬章程著該部覈議具奏諭軍機大臣等向榮許乃釗奏金陵鎮江疊次接仗情形一摺金陵鎮江二城久被賊踞連日進剿雖有斬擒仍未得手且官兵勇多有傷亡似此師久無功城池何日能復逆匪何日能平據張芾奏賊船陸續駛往江西該處賊眾已逾二萬

顯係金陵等處賊匪潛行逃竄滋擾上游該大臣等頓兵城下坐視鄰省危急於心何安著向榮等即督飭將弁兵勇設法進攻迅圖克復若金陵得手傾其巢穴則各處逆眾自必聞風膽落前派音德布帶兵一千二百名前往何以至今尚未趕到著即飛催兼程赴援無稍延誤南昌被圍日久而江面賊船仍聞陸續上駛應如何設法派撥兵船扼要堵截之處著該大臣等一併妥速籌辦將此由

六百里諭令知之○又諭舒興阿奏進駐陝州並分派各路官兵防剿一摺現在河南賊匪已經陸應穀督率鎮將將大股殲滅惟虞城永城等處捻匪蜂起難保不勾結北來著舒興阿酌量緩急相機協剿河北竄擾之賊雖經托明阿勝保等疊加勦洗而懷慶尚未解圍朕心實深焦灼總兵郝光甲已會同山西將弁由澤州出山迎剿著該督飭令該鎮速赴懷慶聽候帶兵各大員調遣若河北情

形較河南緊急該督仍當渡河會剿昨有旨諭令沿河各督撫督率文武認真稽查口岸該督已派署副將珠克登統帶遊擊李伏殿富昌等帶兵馳往孟津渡口駐劄自應如此辦理惟緊要渡口既經設防其偏僻處所港汊紛歧尤須嚴防偷渡著舒興阿即就近督飭巡河各員弁無論何項船隻悉數撤收或分別焚毀以杜該匪奔竄之路前經疊降諭旨令統兵大員體察情形解散賊黨當已遵

照辦理本日據哈芬奏請曉諭被脅之民在賊前則倒戈在賊後則夾攻在賊營則擣穴等語並著該督於河南經過地方剴切出示曉諭可也將此由六百里諭令知之○又諭哈芬奏請曉諭被脅民人解散賊黨一摺前經疊降諭旨令統兵大臣等出示曉諭有能殺賊來歸者免罪予賞諒已遵照辦理矣茲據奏請再行剴切示諭以期速滅賊氛著該撫即按照所奏於豫晉連界地方徧為曉諭

如果被脅之民一遇官兵勦擊在賊前者倒戈殺賊在賊後者奮力夾攻其留於賊營者乘間焚燒毀其巢穴使賊情疑懼亦解散黨與之一法也惟賊情詭譎往往假作被脅難民潛入我軍潛圖內應該撫仍當隨時隨地加意防範勿致墮賊奸計另片奏現飭烏勒欣泰在校武營駐劄距懷慶二十五里懷郡被圍正在喫緊之際相距太遠聲勢仍未能聯絡著該撫飭令該鎮扼要堵截相機進剿

毋誤事機該鎮既入豫境即飭聽候統兵大臣恩華托明阿勝保等調度至直隸兵餉該撫已咨商訥爾經額先於直隸藩司籌款應用由山西藩司解往如數歸款均著照所議辦理將此由六百里諭令知之欽差大臣湖北提督向榮等奏報進剿鎮江金陵獲勝情形得旨雖稍挫賊鋒總未能克復堅城埽蕩羣兇向榮等職居統帥幫辦豈不知愧恨耶以查辦西藏夷務出力賞四品頂帶前

藏戴琫奪結頓柱五品頂帶銜納營官期美奪結花翎知縣陳禾生等藍翎餘升敘有差予江南陣亡遊擊朱占龍祭葬世職戊午中元節

上詣

壽皇殿行禮 詣

關帝廟拈香 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵 遣官祭

孝德皇后殯宮 遣官祭

端慧皇太子園寢 諭內閣前據花沙納等奏編查保甲擬設巷長稽查總甲互保章程當令載銓體察情形覈議具奏茲據奏稱十家總牌聯名互保並置立巷長就近稽查均屬可行惟舊例地面官查什家戶逐戶登記若竟歸巷長辦理恐地面官轉得藉詞推諉

殊於地方無益等語所有九城以內著仍遵前旨責成地面官遵照舊例認真稽查所請添設巷長之處著毋庸議其擬立十家總牌仍與什家戶舊例可以並行不悖即著步軍統領衙門飭令該管地面官妥為辦理以專責成至各門出入稽查尤宜嚴密並著花沙納等一體認真巡查毋得日久生懈 又諭吳文鎔等奏勦辦尋甸回匪獲勝情形一摺滇省東川回匪滋事前經吳文鎔帶兵出省

勦辦茲據奏稱該匪被勦逃至尋屬之柯肚地方勾結八甲各村寨回民恃蠻抗拒於六月初五等日經我兵圍攻殺賊數十人及百餘人首匪馬二花於十五日夜挈帶千餘人竄至尋城迤北之魯沖回寨煽惑八甲匪徒負隅不出經吳文鎔督令署臬司崔光笏及道府等分兵進勦並飭總兵愛興阿常存兩路夾攻該匪出隊迎拒我兵槍礮齊施斃賊無算直入賊巢斬馘數百人首匪馬鵬程等

亦經拏獲訊明正法現在八甲地方業已肅清等語回匪經官兵痛加勦洗該督務將餘匪悉數殲除勿留餘孽其在逃之首犯馬二花等仍著嚴拏務獲懲辦毋稍疏懈 又諭給事中長秀奏請查照料使臣不慎之文武交部嚴議一摺此次暹羅貢使道經河南突遇賊匪搶掠並有被傷情事該獲送文武各員並地方官漫不經心均難辭咎著陸應穀即行查明分別叅奏 諭軍機大臣等琦善

等奏攻勦賊匪續獲大勝焚毀賊船又福濟奏擊賊獲勝生擒偽旅帥等情各一摺揚州賊匪屢被我兵圍勦大受懲創而瓜州金陵鎮江等處賊船仍在沿江上下竄擾經該大臣等派委將弁兵勇分路進勦層層設伏傷斃賊匪甚多其瓜州賊船竄至三汊河及另股賊匪欲赴南門接應均經瞿騰龍等擊退斬獲無算並焚毀賊船數十隻賊勢窮蹙已極惟據訊供賊欲分門竄出並據探報連日

復有賊船數十隻及百餘隻陸續放至瓜州難保不又圖報復以為城中救援該大臣等務當督飭將弁兵勇趁城中賊勢已孤之時一鼓作氣剋期收復仍嚴防各路賊匪來路斷其救援攻勦更易得手再城破之後該匪勢必拌死奔突安徽徐州清江一帶本日已諭令周天爵奕經李嘉端等嚴密設防該大臣等仍當一體嚴防豫為布置無任紛竄又滋蔓延將此由六百里各諭令知之○又諭

給事中吳廷溥奏請扼要駐兵以防奔竄一摺現在懷慶賊匪疊被官兵圍勦勢窮思竄直隸接壤河南亟宜嚴密防範至揚州勦辦亦經屢獲勝仗指日即可殲除但恐餘匪乘間北竄直隸與山東毗連地方不可不認真籌防以期有備無患著訥爾經額桂良嚴飭派委各員並地方官於豫東兩省交界處所實力巡查盤詰奸細毋任賊匪闖入其山西太行山各隘口並著訥爾經額飭令將弁兵

勇嚴行堵截絕賊奔竄之路萬勿稍有疏虞將此由五百里各諭令知之○又諭本日據琦善等奏攻勦揚州賊匪大獲勝仗並焚毀瓜州賊船多隻斬殺賊目數名揚城賊匪勢已窮蹙訊據拏獲奸細供稱有賊欲分門竄出之語該逆困守無援勢必拌死奔突他竄揚州密邇皖省防堵最關緊要周天爵與奕經各帶官兵在宿徐一帶扼要布置前有旨諭令周天爵派兵勦辦潁州一帶土匪不知

現在情形如何若南路賊匪又圖竄擾必須於要隘處所極力堵剿勿任再有勾結致蹈從前覆轍李嘉端身任巡撫更屬責無旁貸務與周天爵奕經等咨商會合堵剿呂賢基督同趙昉等辦理本省團練諒已漸有成效即飭諭各處鄉勇併力剿賊以為官兵策應將此由六百里諭知周天爵奕經李嘉端並諭令呂賢基知之 又諭吳文鎔吳振械奏南掌國遣使啟關恭請入貢並呈進表文一

摺南掌國長召整塔提腊宮滿世守藩封情殷慶賀並例貢屆期遣使啟關呈進貢物所有該國使臣計七月內可抵雲南省城該督等於該貢使到省後即照例派委文武各員妥為護送啟程於封印前抵京將此諭令知之 漕運總督福濟奏官兵擊賊獲勝生擒偽旅帥並斃賊多名得旨惟冀攻克府城痛剿無遺此時捷報想在途矣 欽差大臣都統銜琦善等奏連次進攻揚城大獲勝仗得

旨朕日盼捷音早圖克復揚城斷不可再使餘燼復然琦善等其奮勉督辦 江南河道總督楊以增奏清江緊要添勇勤操以為揚州後路聲援得旨所籌俱妥現辦捐輸著隨時奏請即可降旨施恩以期踴躍 雲南昭通鎮總兵官清山因病解任以維西協副將福陞為昭通鎮總兵官 己未諭內閣訥爾經額奏叅帶兵官弁槍奪逞兇請將帶領之副都統交部嚴議一摺吉林官兵行抵延津

縣境該官弁等膽敢搶奪民間羸馬逞兇傷人領兵副都統托雲保不能嚴行約束實難辭咎托雲保著交部嚴加議處並責令將滋事官弁迅即查明交出由該大臣發交河北道訊究懲辦以肅軍律 又諭現在記名水師總兵人員將次用竣著兩江閩浙兩廣總督於水師副將內遴選堪勝水師總兵者各保奏一二員迅速送部引見候旨記名以備簡用不得以無員可保一奏塞責其水師參

將遊擊都司守備各員如有才藝出眾可備器使者並著叢實開單具奏。又諭現在各省保舉堪勝陸路總兵人員將次用竣著各該督撫於陸路副將內即行遴選曉暢營務堪勝總兵者酌保數員送部引見候朕記名以備簡用並著各路統兵大臣於軍營副將內察叢保奏其參將遊擊都司守備各員如有才能出眾勇敢有為者該督撫大臣一併叢實開單具奏。○諭軍機大臣等有人奏山

東曹縣知縣姚景崇於五月初七日河南歸德府失守即於初八日用八百里通報詭稱賊已渡河至曹縣界因城中無兵立時募勇三千名與其弟帶領打仗殺賊無算賊皆逃遁入河緣一時無餉可籌將徵存錢糧倉穀先行那用尚屬不敷請速發銀一萬兩以濟要需等詞通稟各上司以致曹州濟甯等州縣居民紛紛遷徙並省城居民為之一空旋據各處確查逆匪破歸德後徑往西行並未

渡河且河中亦無船隻惟有難民駕一小船北渡中流漂沒而北岸並無一賊曹縣亦無募勇接仗之事經該鎮總兵三星保及該署府博文查訪亦無其事該員知事已敗露轉求該署府為之掩飾等語果如所奏是該員意圖吞餉冒功居心險詐並恐藉此為侵蝕倉庫錢糧地步若不從嚴懲辦何以儆詐偽而肅官常著李德督同崇恩嚴切訪查按律究辦該撫諒不因有前奏稍涉迴護也原奏

片鈔給閱看將此由五百里諭知李德並傳諭崇恩知之。又諭周天爵奏請撥淮北票鹽十萬引運皖督銷一摺淮北行鹽引地自經賊匪竄擾商販裹足民間淡食自係實在情形該侍郎既稱海州王營西壩等處堆積票鹽數十萬引無人領運著准其酌撥十萬引招商認販以濟民食該侍郎既經籌議及此自必確有把握即責成一手經理務使行銷暢利私販絕跡俾課項藉資接濟並籌議

章程具奏至提回額課據稱可得銀十六七萬兩以此提備兵餉儘可敷用若續撥餉銀陸續解到即可將此項課銀通融協濟江北糧臺不得全數抵留以致此贏彼絀現在揚城賊匪窮蹙思竄該侍郎駐劄處所甚為喫緊即潁州永城擒匪亦在勦捕緊要之時仍著與奕經李嘉端迅籌扼勦慎勿顧此失彼又誤事機也將此由五百里諭令知之○又諭前據怡良等奏倪良燿承辦海運案內擅行截留漕米尚未籌補起運經該督等疊次嚴催泄沓如故已降旨將陳啟邁調補江蘇藩司令倪良燿留於江蘇仍責成辦理海運事務矣本日據倪良燿奏稱現於截漕民欠中續徵米一萬二千四百石暫存上海與未完米石統俟本年新漕一併搭運等語去歲徵漕時倪良燿業已遲延貽誤茲所徵米一萬餘石著怡良許乃釗飭令該員趕緊運赴上海妥為收儲其餘未完米二十萬數千餘

石著嚴飭倪良燿督同地方官陸續徵完一併運至上海統於本年新漕搭運由海抵津不准顆粒短少儻再藉詞推諉又致延誤即著從嚴叅辦將此由四百里諭令知之○又諭昨據福濟奏淮北票鹽辦理不善存引未認者至二十三萬之多本日據周天爵奏淮河上下道路梗阻商販裹足民間淡食請撥票鹽十萬引運皖督銷即以接濟兵餉等語已諭知周天爵准照所請引數酌撥運銷惟所稱票鹽十萬引止完正雜課十六七萬兩是該侍郎已將成本減輕是否能足向來定額如此次撥引行銷暢利則商情漸臻踴躍其餘積引是否可以一律推行又所稱海州距口岸較遠應就已運到壩之鹽無論有課無課先行借撥提運或俟新鹽運到歸還或俟岸銷後給價之處於向辦章程有無窒礙著福濟體察情形妥籌具奏總之變通必須盡利立法尤貴因時固不可拘泥定章束手

無策亦不得不權衡利害豫防流弊也周天爵摺著鈔給閱看將此由五百里諭令知之尋奏借撥提運室礙難行下部議仍照向章辦理報聞○又諭御史陳慶鏞奏福建賊匪情形一摺據稱福建下游賊匪始由海澄發難所至地方文武逃遁致賊得以占踞空城其賊船攻犯廈門由官兵之素預小刀會者與為內應同安縣知縣李湘洲有走匿情事現在同安西界多半從賊廈門為全省精華

急須選擇紳士召募馬巷義民三四十人一從劉五店徑渡五通一從同安前往官浔到處設法解散即以紳耆為嚮導並知會水師兵船駛入廈港賊必聞風逃回海澄各處仍令紳士勸諭使之互相疑忌自當迎刃而解其上游賊匪大都起於邵武建陽順昌崇安將樂沙縣等處其賊匪有衣扣髮辮各暗號並有燒紙坐臺大小會及鐵板令草鞋令過江龍各名目其汀州之江湖會匪亦略如坐

臺之會聞有著名會目廖彥如充當縣役等事其在邵武入會者與江西甯都賊眾嘯聚於長汀瑞金交界之黃竹嶺地方尤虞勾結等語至臺灣土匪前據御史蔡徵藩奏稱已有圍攻府城之語茲據該御史奏賊於五月十二日攻臺灣府城經商人等登城拒守並合民勇殺賊五六百名知府裕鐸自出家財助餉其在臺之商郊各幫與現赴天津之臺商各船均各踴躍捐餉以備軍需現在鳳山

縣有遊擊曾玉明守住大藥局被賊圍困救兵莫達賊目有林許為渠魁吳王二姓為主謀該御史籍隸閩省所奏自係實在情形閩省以臺灣為膏腴廈港為門戶延建則地據上游為省垣之屏蔽處處皆關緊要必應及早殲除前有旨令有鳳馳往福州署理總督篆務此時如已抵閩即著王懿德與有鳳按照該御史所奏查明各地方滋事情形應如何解散賊黨掩捕賊蹤迅速妥辦該御史又

稱臺灣在籍前任禮部員外郎鄭用錫候補主事施瓊芳候補道林國華道職林占梅均堪辦理團練勸捐事宜著該署督等諭令該紳士等或捐貲助餉或出力督團但使地方肅清必當優加獎勵總之以本地之捐項作本地之軍需以本地之義勇捕本地之盜賊較之轉餉調兵事半功倍諒該署督必能妥籌辦理也至該御史前保晉江監生丁拱辰現寓廣東著該署督咨催迅速回閩以備調遣其所刻則克錄等書即由該署督附摺呈進以備採擇原摺著鈔給閱看將此由五百里諭令知之欽差大臣大學士直隸總督訥爾經額奏移營駐劄清化鎮並撥兵防守柳園口得旨卿其迅速行走莫落後著又奏續獲勝仗設法會剿批現今賊勢已窮尤不可稍涉大意任其奔突又成滋蔓之局也訥爾經額現已移駐清化於軍營接仗情形見聞更確遇有奏報務須從實不可任營員之

掩飾奮勇出羣者亦須隨時保奏破格奏請前任江蘇布政使倪良燿奏截留海運漕糧請歸本年新漕搭運得旨汝真是一無用之人去歲徵漕時皆係汝遲延貽誤汝之罪將誰諉耶庚申諭內閣勞崇光奏興安會匪勦辦肅清一摺廣西興安縣城收復之後著名首要各犯及甘心從逆漏網稽誅者尚復不少經該撫分派文武員弁帶領兵勇分投馳赴各村令委員與該處紳耆相見曉以隱匿連坐之條並諭以良民被脅皆准自新之意各紳民皆知感悟立將各犯拏解計共一千五百餘名所有起意首犯黃老小王六子黃狗晚及著名要犯趙人淙雍月標鄧腥香等俱拏獲到案經臬司許祥光訊明供詞後即行分別正法傳首梟示各首匪皆處以極刑其全州靈川灌陽兵勇團練亦陸續拏獲逸犯多名著名各要犯均已次第就俘現在地方一律肅清辦理尚屬認真所有酌留

官兵分撥各城墟藉資彈壓並分派委員清查保甲勸諭紳耆實行團練各事宜均著照所議辦理該撫仍當飭屬加意按捕務使盡絕根株勿任蔓延用副朕除暴安良之至意另片奏武宣象州武緣馬平鬱林博白北流賀縣等處均有土匪滋擾現經該撫派撥官兵練勇委員分投勦辦南邕壯練械鬪之案業經查拏解散其廣東竄擾蒼梧之匪亦經兩省會合兜擒在逃之馬平縣逆匪韋藍氏

及其子韋扶果並主使附和各犯仍著嚴拏務獲盡法懲辦以遏奸萌又諭黃宗漢奏府城猝被水災現在委員查辦一摺浙江台州府地方於六月十九等日風雨大作山水下注江潮泛溢四鄉民舍田禾均遭淹沒至二十一日雨勢愈大西門城牆被水衝塌城內水深丈餘衙署倉獄幾成巨浸被水之民死傷枕藉覽奏實深憫惻該撫既已飭司委員齎銀前往煮粥散賑諒可稍資餬口著再

專派道府大員親往妥為撫恤並將積水疏通以奠民居其被淹田畝應如何分別蠲緩之處即著迅速查明據實具奏至錢塘等縣塘工因風潮潑損亟須搶護情形亦著詳查迅辦務使災黎得所閭閻乂安以慰朕軫念民依至意諭軍機大臣等據巡防王大臣等奏探聞望都縣有土匪四五百名滋事現經保定府發兵五百名前住等語畿輔為根本重地當此河北賊氛未靖內地吏宜肅清

望都縣與保定相距甚近如果所轄地面有土匪四五百名在彼搶掠滋事該尚書自必早有見聞且據探聞保定府已撥兵前往何以尚未奏報著桂良迅即查明具奏並督飭地方文武速將該處匪犯悉數捕獲懲辦勿任地方官稍有掩飾此外各屬仍應隨時稽察嚴密設防毋稍疏懈將此諭令知之尋奏查望都並無賊蹤惟聞唐縣有土匪百餘人當即派兵陸續拏解訊辦報聞又諭雷以

誠福濟奏東路兵單請就近添撥一摺前因江北兵力不敷疊經降旨令慧成容照折回清江並諭令琦善飛催以備調撥該逆屢受懲創現在糧少計窮意圖奔竄急宜四面兜圍杜其竄路方能盡數殲除據雷以誠等奏東北地勢綿長兵勇太單自應添兵以資防剿前據慧成奏已於本月初十日由濟城登舟折回清江著琦善等再行飛催儻水路船隻或有不敷即分兵一半先行趕到該大臣

等即體察情形酌量布置或於灣頭萬福橋等處添撥或於江北各要隘扼守至慧成到後應駐劄何處督兵防剿並著會商辦理總期同心協力迅復城池勿令賊匪再有竄逸將此由六百里各諭令知之阿克蘇辦事大臣倭什琿布奏謝賞議敘恩得旨阿克蘇地方緊要汝須振勉為之不可自圖安逸致有廢弛辛酉諭軍機大臣等前因逆匪北竄疊經降旨諭令沿河各督撫派委員弁於

南北兩岸實力巡防現在賊撲懷慶南岸之匪既宜防其踵至北岸之匪亦當杜其回奔該地方文武應如何嚴密稽查加意防範茲據訥爾經額奏連獲偷渡人犯供係管渡夫役受賄賣放且河南委員不知去向但派一二名夫役在河岸巡查等語殊堪駭異著陸應穀查明南岸委員嚴叅懲辦現在河南賊匪漸就肅清陸應穀已於本月初八日折回汴梁著即帶兵出省巡查河岸於上下游嚴防偷渡且可為河北聲援至河北道蔣啟勳本有地方之責現在防河緊要著即飭該員速回本任協同署河北鎮總兵花里雅遜布於河北一帶口岸會同直隸所派弁兵合力守禦毋許意存推諉並著長臻嚴飭河標弁兵協同地方文武實力防守王履謙職司巡查大河南北均應兼顧如有沿河員弁防守疏懈者即著指名叅奏訥爾經額統領大兵自當通籌全局不分畛域一體籌防以副委

任將此由六百里各諭令知之 又諭張亮基等奏賊匪南竄楚境疊獲勝仗一摺豫省賊匪由羅山縣竄入湖北黃安麻城一帶經該署督等派委文武兵勇水陸夾擊疊獲勝仗除臨陣擒斬外其餘股匪不過二三百人賊勢窮蹙已極勦辦尚屬迅速該署督等已飭各州縣曉諭各鄉團遇有零星賊匪竄入即行緝獻並飭將各要路多設陷穽水路將船隻提開橋梁撤拆布置亦合機宜楚北當

兵燹之餘豈堪再遭蹂躪張亮基等務當嚴飭各路帶兵文武趁此賊勢潰散四面兜剿將此股逆匪悉數殲除萬不可任其餘燼復然致滋蔓延都司善保臨陣先退著即查明叅奏其接仗出力之員弁兵勇並陣亡兵勇斬擒賊匪名目均著詳細查明具奏再前有旨令該署督等豫備船礮兵勇駛赴下游以助金陵攻剿並可截斷賊匪江面往來之路此係緊要機宜業經由部籌撥銀二十萬兩

以作經費張亮基等即飭屬迅速辦理該省無論何款先行籌撥俟部撥到時歸款毋稍遲誤將此由六百里諭令知之 又諭陸應穀奏勦捕敗竄零匪殲滅殆盡出力人員擬請恩施一摺豫省逆匪南竄惟柏山跟蹤追剿屢有斬擒王家琳此次帶兵勦截不過折回零匪既經楚省知照無須前進而本省邊界餘匪仍須實力挖捕不可以遂賊出境遂為了事該撫所請查明在事出力人員擬請

恩施之處務須認真覈實保奏毋許冒濫將此由六百里諭令知之 又諭呂賢基李嘉端奏賊匪分竄籌辦堵剿情形一摺逆匪分竄肆擾由黃安麻城攻陷羅田撲入英山竄至太湖亟宜翦除淨盡著該侍郎等即責令帶兵各員扼要堵截合力勦洗並飭各該地方官及營汛員弁等認真防守城垣巡查江面毋任匪黨闖入本日據周天爵奏遵旨捕拏潁州等處擒匪業經殲斃多名並擒獲匪

首正法擬即親赴該處統率兵勇剿除餘黨等語周天爵著即趕緊前往潁州一帶剿捕擒匪並著李嘉端飭令地方文武協力兜拏呂賢基分飭鄉團自相保衛互為應援總期及早廓清毋任勾結滋蔓將此由六百里各諭令知之又諭怡良許乃釗奏遵籌江南大營糧臺請以徵收關稅作為兵餉等語現在江南大營需餉孔殷該督等所奏自係實在情形著准其以上海道徵收關稅銀兩作為大營及鎮江各營兵餉之用除浙甯關所收稅銀及催繳捐項外並准其行咨浙省藩關運各庫如有可以協濟之處務令源源撥濟毋誤要需至於地丁徵銀為國家惟正之供江蘇本年上忙錢糧雖經緩至秋後徵收轉瞬即屆秋成開徵不遠著即飭令該州縣嚴禁向來浮濫之習以順輿情若能踴躍輸將較之關稅徵銀奚啻數倍當此軍需孔亟之時該督撫等具有天良必當設法曉諭並

密加訪察如有奸胥墨吏圖飽私橐以致刁民藉口有誤徵收者即將辦理不善之員嚴行叅處以重帑項而濟軍需將此由六百里諭令知之署湖廣總督張亮基等奏查明河南等處賊情並請飭行聞文武各上平賊方略得旨所見甚是現踞三城之賊未見有減於前而各處分竄幾於策應不及不知已後之局若何惟有懇祈天鑒速赦民劫而已掩敗為勝軍營通病每獲小勝極力鋪張不知勝報到來朕必降旨獨不慮及為賊所笑耶汝等既出此言必應事事從實也廣西巡撫勞崇光奏柳州潯州兩府屬等處捕蝗情形得旨地方捕蝗情形隨時查勘具奏理藩院尚書恩華奏軍營地勢情形並繪圖貼說呈覽得旨圖留中汝在清化無後路勢難前進朕已洞知矣又奏六品頂帶奕紀捐鑄礮位請飭交文謙查明運送批已有旨諭知文謙矣奕紀係曾任大

員屢獲重愆著傳旨與奕紀令伊奮勉出力
無難再邀恩遇此次捐礮著先行毋庸加恩
署湖廣總督張亮基奏請以已革廣東高
州鎮總兵官楊昌泗留湖北差委允之
以守禦河南許州懷慶兩城出力賞知府余炳
燾知州金梁都司穆奇賢穆特布等花翎並
升敘有差以河南勦擒賊目賞外委徐春
芳藍翎以把總升用予江南陣亡提督福
珠洪阿祭葬世職諡壯敏 壬戌

上詣

壽康宮問

皇貴太妃安 諭內閣訥爾經額托明阿勝保
奏續獲勝仗一摺懷慶城外賊匪負隅抗拒
本月十三日經托明阿善祿勝保分三路進
攻齊撲賊壘先有巡哨賊匪數百人直奔東
南抵拒托明阿善祿督兵分投迎擊槍斃百
餘人該逆復由東面擁出數百人我兵四路
衝擊殺賊一百數十名維時勝保分兵於各

賊壘放火喊殺阻其救援一面用土草填壓
濠溝揮兵真入賊壘殺斃逆匪二百數十名
多係長髮賊目賊遂大潰此次進攻托明阿
善祿分路勦擊勝保復揮兵深入奮勇可嘉
現在訥爾經額已抵清化鎮副都統松玉前
任總兵德坤及遊擊吳璋所帶各路官兵均
可趕到托明阿等軍營著該大臣督率各路
大兵四面圍剿掃蕩賊氛迅解懷慶之圍毋
稍延緩 諭軍機大臣等訥爾經額等奏續

獲勝仗一摺逆匪於懷慶城外深溝高壘負
隅抗拒托明阿勝保接府縣密稟知城中糧
米漸匱即商定日期攜帶米糧百石督兵分
路進攻直入土壘殲斃長髮老賊數百名去
南城門不及一箭之遙乃以勝保後路無重
兵接應不能深入以致功虧一簣殊為可惜
懷郡一城關繫河北全局疊經降旨令該大
臣迅往督率各路官兵合力勦賊速解城圍
現在城中米糧已匱若再不迅圖解圍則城

內人民勢漸不支難保不別滋他變該大臣現已前往清化先派松玉德坤帶兵五百名馳赴托明阿勝保軍營並令遊擊吳璋連帶天津兵三百名趕赴勝保行營助剿懷慶被圍危急正當攻剿喫緊之際托明阿等兵力較單僅派兵八百名前往協濟仍恐未能敷用著該大臣再行添派弁兵迅速前往以資調遣再陝安鎮總兵郝光甲帶兵二千由澤州馳赴懷慶此時諒已趕到即著該大臣飛

飭前赴托明阿善祿軍營聽候調遣毋令株守遠處無濟實用逆匪屢被懲創勢已窮蹙現當各路官兵雲集著即約期會剿迅解城圍萬不可再有延緩致誤事機將此由六百里各諭令知之又諭昨因探聞直隸望都縣地方有土匪滋事諭令桂良查明迅速拏辦本日恭親王奕訢由

西陵回京面奏聞唐縣地方有匪徒三四百名肆擾省中已派兵拏獲多名等語何以未見

奏報唐縣匪徒是否即望都影黨抑係另有股著桂良迅即查明據實具奏並嚴飭帶兵員弁會同該地方官趕緊捕獲悉數殲除毋得任聽屬員諱飾致滋延蔓將此諭令知之欽差大臣大學士直隸總督訥爾經額等奏續獲勝仗並催兵會剿得旨勝保揮兵深入奮勇可嘉懷慶府城萬不可稍有疏虞訥爾經額統領諸軍若不能保此危城咎固難辭復何顏見朕總以速速前進為要○命

休致山西大同鎮總兵官積慶赴河北軍營交欽差大臣訥爾經額差委癸亥諭軍機大臣等文謙奏天津地方緊要請派大員暫行駐守一摺天津為水陸衝要拱衛京畿所有稽查奸究彈壓地方均關緊要現在海運漕糧將次兌竣孫瑞珍於驗收完竣後即著回京慶祺著留於天津專辦巡防事宜其現駐天津之盛京官兵即歸慶祺調度文謙雖無地方之責現當辦理巡防之際著該鹽政

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百

欽此○
軍機處奏以理藩院在法太未作上○房總辦河洲領領回○歸牧院等語○以上事件係屬吏部職責○著吏部
大學士管理兵部事務加十三級紀錄十四次○戶部主事該管經歷清澤太子少傅文淵閣學士武英殿纂修官詹原善士體仁閣
大學士管理戶部三庫事務加二十三級紀錄十六次○內閣總理纂修太子少傅管理工部書寫事務劉引大員等機大臣
俱照舊例辦理○部尚書管理三庫事務加四級隨帶加五級紀錄十二次○戶部主事該管經歷清澤太子少傅文淵閣學士體仁閣
通判文館總纂官正副某古都統理部尚書管理太常寺儀衛寺事務加二級身功加四級隨帶加一級紀錄五次○日慎什璉等專奉

咸豐三年癸丑七月甲子

上御乾清門聽政諭內閣自軍興以來東南各省紳民練勇人等或協同官兵勦捕或自行保衛鄉閭均能深明大義前有旨諭各督撫凡在籍團練出力與效命行間同其賞賚其有殺賊捐軀者自應優加獎卹以慰忠魂而昭激勸茲據御史黃經奏上年廣東股匪何名科等擾及茂名之新垌經電白縣在籍候選知縣李景新親帶鄉勇子弟悉力捍禦殺賊數十人鄉勇及子弟陣亡者亦十餘人

該員旋以眾寡不敵被害等語李景新奮勇捐軀豈宜久任湮沒著該督撫迅飭查明該員死事情節奏明請卹此外被賊滋擾各地方如有紳士團練殺賊遇害者並著統兵大員及各督撫查明具奏候旨加恩諭軍機大臣等王履謙長臻奏調撥上游河口防兵一摺現在懷慶尚未解圍黃河上游孟津滎澤等口距賊營較近自應嚴密巡防以杜竄越既經王履謙等添調河屯協兵二百名移

劄防守著即照議辦理其木欒店地方應如何添募壯勇與官兵互相策應之處仍著妥為籌辦王履謙係特命巡查東河渡口大員無論河岸南北上下游均宜親身查看凡地方廳汛文武及派委各員收集船隻盤詰奸宄何處認真何處疏懈自不難目覩周知若但株守一處僅憑稟報難免被人蒙蔽著即遵照前旨親歷河干上下巡察如有奉行不力或官吏人等有賄縱情弊即著嚴叅懲辦

長臻職司河防責無旁貸並著督率沿河文武員弁會同各該地方官將渡口船隻概行撤收嚴防偷越毋得稍有疏失致干重咎至所陳懷郡情形疊據各路奏報已諭令統兵大臣迅速相機進剿儻潰竄餘匪潛圖偷渡必須悉數拏獲毋任一名漏網將此由六百里諭令知之又諭昨因恭親王奕訢奏聞唐縣地方有匪徒肆擾當降旨令桂良迅即查明嚴飭捕獲茲據該尚書奏此案賊匪因

景州捕役拏獲捻首該匪等挾嫌起釁於七月初六日竄至唐縣地方已派員帶兵緝拏現據清苑等州縣報獲夥犯等語唐縣近接省垣該匪等膽敢挾嫌逞殺疊搶滋事已屬腎不畏法且竄越祁州定州沿途嘯聚至百十餘人之多何得照尋常盜案辦理現僅據各州縣報獲夥犯七名而於首犯仍未拏獲地方官諱盜釀患希圖消弭實堪痛恨此股匪徒現往何處豈可任其遠颺糾結擾害閭

閩著桂良即飭帶兵員弁會同該地方官迅速掩捕毋令一名漏網儻該地方官不能挖除淨盡即著從嚴叅辦如所撥官兵不敷勦捕即著酌量添調總期悉數殲除不留餘孽將此由四百里諭令知之 又諭昨據毓書奏開它徧山綫地方銀礦每砂百斤得銀二十餘兩等語是該處礦苗頗形豐旺若認真採辦多覓綫道廣開礦硯必能速見成效第恐該商等以試辦為名稽延時日先飽私橐

置課稅於緩圖不可不防其弊著毓書督飭總辦礦務之委員穆翰會同該地方官飭令商人廣開礦硯加工採辦毋得遲延日久仍無實效其錫蠟片牛圈子溝等處亦著迅速開挖並責成該道府委員等隨時確切詳查不致以多報少開隱匿侵欺之弊至戶工兩局銅斤現當缺乏所有銅礦三處一併趕緊開採以濟要需將此諭令知之 戶部奏推廣鈔法以錢準銀凡地丁雜稅及一切解部

之款均請以錢鈔二千抵銀一兩從之 以山東鹽運使司徒照為四川按察使 賞江甯殉節將軍祥厚子乾清門二等侍衛恩全一等輕車都尉世職 乙丑 上詣

闡福寺拈香 諭內閣訥爾經額恩華奏官兵續獲勝仗一摺據稱十五日恩華同托雲保蘊秀等督率馬步隊官兵至丹河排隊先令吉林馬隊過河見西南一帶有賊百餘名

搖旗隱伏樹林內馬隊直趨向前追至木柵濠溝外槍斃賊匪過半步隊隨亦過河施放炸礮火箭大礮擊倒望樓一座轟斃賊匪無數本日又據哈芬奏陝安鎮總兵郝光甲於十五日帶兵由東路丹河抵水北關繞向西北進攻山東巡撫李德由北面進攻與恩華三面會合該鎮直抵木柵開放連環槍礮並施放火箭將該逆望臺燒毀太原鎮總兵烏勒欣泰亦同進兵接仗各等語該大臣現已

行抵修武著即趕緊前進駐劄清化督飭各路官兵剋期進攻將丹沁二河賊匪迅速掃除早解懷慶之圍以慰朕念又諭王懿德奏勦辦閩省上下游兩處賊匪獲勝情形一摺據稱六月初八日尤溪縣被賊竄擾署知縣金琳力戰受傷投水遇救商同卸署知縣蕭作霖密圖收復十四日適先經延建邵道胡應泰派委帶兵策應之署都司顧飛熊等兵抵該處與賊接仗斃賊二百餘名逆首林

俊踞七口橋抗拒官兵該縣金琳等帶勇前來會勦賊鋒大挫林俊被槍倒地賊眾擁去生擒偽將軍蕭虎及偽軍師僧人阿金二名殺斃賊匪並奪獲槍械無算餘賊竄至黃新口地方復被帶兵接應之署參將李煌等殲斃數百名縣城當即收復金琳旋因傷殞命其妻女家屬均各罵賊遇害逆首林俊竄伏二十四都一帶現仍派員擒捕至下游各匪前經飭令署總兵懷塔布商同已革提督李

廷鈺副將呂大陞協同勦賊六月十二日該匪攻撲金門水師提督施得高帶兵救護適陸路員弁將匪擊退該匪由水路直犯師船施得高會同護金門鎮孫鼎鼐並鹽法道瑞璜護興泉永道來錫蕃等所雇勇船堵截轟沈賊船八隻奪獲三隻殺賊三百餘名生擒七十九名並獲賊目林沙林桂二名起獲礮械藥彈多件此次上下游兩路勦辦業已得手即著王懿德督飭帶兵文武實力進勦悉

數殲除勿稍延緩傷亡之署尤溪縣知縣金琳著照例賜卹該員家屬著查明旌表以昭激勸諭軍機大臣等張芾奏連日戰守情形並籌辦泰和縣土匪各摺片逆匪攻撲省城四十餘日屢經該撫及陳孚恩江忠源等督同在事文武兵勇竭力守禦疊獲勝仗辦理均合機宜此次各路兵勇復斃賊百數十名賊之兇鋒已挫諒計已窮惟湖南所派兵勇三千六百名並向榮所派音德布帶兵一

千二百名何以至今尚未趕到著該撫即行飛催前途一俟援兵到齊務即約會內外夾擊以為一鼓蕩平之計至續來賊船五六百隻到省停泊旋即開赴上游究竟現往何處該撫已飭湖南未到各兵勇迎頭截擊並令地方文武設法守禦務當嚴飭各府縣隨時偵探賊蹤相機防勦堵其分竄之路其泰和縣匪徒擁入縣城焚署劫獄業經該撫飛飭周玉衡募勇馳往勦辦並飭帶勇來省之吉

安府知府王本梧折回會勦著即嚴飭上緊兜拏無任與逆匪勾結為患致滋蔓延至該縣匪徒因何滋事署泰和縣知縣郭椿齡是否受傷並該處文武員弁下落均著查明據實具奏將此由六百里諭知張芾並諭令陳孚恩江忠源知之又諭前因軍需孔亟疊經諭令山陝等省督撫申諭勸捐茲據哈芬片奏體察現在情形並巡防王大臣僧格林沁等奏函致該撫妥速籌辦現接覆函據稱

趕緊勸捐等語刻下軍務未竣仍須借資民力山西較之各省尚稱饒富風俗淳樸紳士商民中急公好義者必不乏人上次輸將踴躍於事不為無濟是以特降恩綸推廣學額中額以昭激勸並令在籍紳士廣宣德意徧諭閭閻捐助軍餉以冀迅殄賊氛共享昇平之福現在河北賊匪屢經大兵攻勦即日可望掃除惟接濟軍需晉省地屬鄰近必須趕緊籌辦方免貽誤哈芬業經出省藩司郭夢

齡前次辦理捐輸章程具在自應迅速查照辦理著該撫即責成該司飭屬實心經理並著於屬員中擇其官聲素著為民悅服者遴委數員分赴各屬會同地方官紳於該處殷實之戶剴切申勸使民間咸知捐貲助餉即保衛鄉閭並可渥邀恩獎如此實力勸諭諒皆樂於輸將其上次捐戶數目此次除已捐輸外如有已得獎勵不願重邀優敘者即著藩司給予印照暫行貸借軍務告竣按數

發還徐繼畬等現辦團練該司與就近商酌總期及早集事無誤要需該撫接奉此旨即著刊刻宣示俾該省紳民人等咸喻朕意將此由六百里諭知哈芬並傳諭郭夢齡徐繼畬等知之又諭前因賊匪竄擾懷慶曾經降旨諭令舒興阿速飭陝安鎮總兵郝光甲帶兵迅赴懷慶城外托明阿勝保等軍營協力攻勦速解郡城之圍茲據哈芬奏稱該總兵於本月十五日督同將弁由東路丹河直抵水北關繞向西北與恩華李德會合進勦現在勝保等軍營逼近懷慶城南屢獲勝仗因兵力較單未能迅解城圍朕心殊深焦急若各路官兵俱截留丹沁兩河之北遙作聲勢於事何濟著該撫即傳旨飭該總兵郝光甲將所帶之兵二千數百名迅赴勝保軍營以資調撥毋稍遲誤其烏勒欣泰所帶之兵仍咨李德酌量調撥會勦至太行山南一帶該撫仍須嚴防要隘毋稍疏懈將此由六百

里諭令知之又諭據王懿德奏勦辦閩省上下游兩處賊匪情形一摺尤溪縣城已經收復而逆首林俊現尚竄伏該縣二十四都一帶與永福閩清古田等附省縣分毗連難保該逆不潛圖煽誘再來肆擾著該署督等即督飭文武員弁等管帶兵勇認真搜捕勿留餘孽下游金門一帶勦辦現亦得手著仍知會水師提督施得高會督水陸兩路帶兵鎮將合力堵拏勿令稍存大意現在有鳳計可抵任兼署總督省城有大員駐劄人心諒可藉以鎮定該撫王懿德即可出省親赴泉漳一帶督率文武員弁迅將賊匪掃蕩以靖地方毋任廈門賊匪日久盤踞勾結為患至臺灣匪徒滋事現在勦辦若何該撫亦當設法偵探派兵應援勿稍延緩將此由六百里諭令知之欽差大臣大學士直隸總督訥爾經額等奏官兵續獲勝仗情形得旨是時斷不可稍鬆一步總應攻破賊壘直抵城下

若屢次進攻僅能過河使賊慢我勁旅不敢深入反致攻城愈急此數千之師何為耶况訥爾經額為後路策應聲援恩華自應前進無須朕諄諄飭催也 以江西省城擊賊出力賞知縣馬永熾花翎 以督兵不力革貴州古州鎮總兵官愛興阿職留營效力署貴州威甯鎮總兵官常存革職留任以雲南永昌協副將桂林為貴州古州鎮總兵官 予福建殉節知縣李文照典史潘振烈遊擊崇

安千總宋世超把總楊鵬南陳宗器外委陳逢亨柯元慶陳福基祭葬世職 丙寅

上詣

壽康宮問

皇貴太妃安 丁卯以

神靈顯佑頒福建臺灣府

天后廟

御書扁額曰德侔厚載 諭內閣文瑞秦州縣審辦命案罪名未協請飭該撫按律定擬等

語山西崞縣民人王長申強姦王劉氏未成致令投崖身死一案情節殊屬兇殘業經嚇偏拉手求姦謂其尚未污辱其誰信之難保非該縣秦用賓有心開脫可惡之至該管知州昌祿不行揭報經前任臬司看出罪名未協駁令復審該縣仍執前議又逾數月始行解省以有關名節之命案積壓年餘始終堅執已見顯有徇私枉法情弊該撫並未按因姦威偏致死本律駁正輒照原擬具題可見

由州至省覆勘之處全屬虛應故事現經刑部詳覈題駁所議甚是著哈芬覆查此案情節秉公按律定擬具奏並將該州縣因何開脫延玩之處即行奏參其審轉定讞之臬司一併查明具奏 又諭司業崇福奏在籍紳士隨同守土印官開城逃走請飭查辦一摺據稱河南在籍給事中陳壇當賊匪竄擾歸德時即同署商邱縣知縣宋錫慶由北門打斷關鎖開城逃匿以致賊匪竄入府城慘行

殺戮城內紳民無不切齒等語陳壇係派令辦理團練之員不能督率練勇保衛鄉閭已難辭咎若如所奏偷生避賊貽害地方實屬罪無可逭除宋錫慶業經降旨拏辦外著陸應穀即將該給事中如何與該縣開城逃避情形確查叅奏御史張澧翰前叅宋錫慶摺內何以未將該給事中一併叅奏並著傳旨申飭諭軍機大臣等本日據王履謙奏豫省無兵可調河標兵數無多不敷分布請由

直隸軍營撥兵一千名專歸管帶所奏自係為慎重防守起見現在懷慶城外各路進剿之兵勢難分撥著該大臣於防堵各兵內酌撥一千名或撥四五百名歸王履謙管帶以便巡查王履謙與長臻均駐北岸於南岸官弁防河勤惰既未目覩何從深悉現既帶有弁兵自不必株守一隅王履謙著即親赴南北兩岸上下巡查收集船隻緝捕奸細不得藉口無兵稍形鬆懈訥爾經額現已進兵清

化鎮後路已有聲援恩華亟應移營前進李德因山東緊要奏明回省所帶官兵已撥交勝保統領其北面一路著訥爾經額恩華督飭帶兵各員與南路會同夾擊務將丹沁兩河之間賊壘盡行剷除迅解懷慶之圍以副朕望將此由六百里各諭令知之又諭據李德奏酌留官兵協勦現在折回山東並因病請假各摺片前因勝保兵力甚單屢經諭令各統兵大臣分撥官兵調赴該營藉資攻

勦現據李德將所帶陝甘山西兵九百名由原帶將弁留歸勝保統領並酌留口糧銀一萬兩仍派知縣趙翼健等前往差委自應如此辦理現在賊勢漸就窮蹙如果各路重兵直抵城下合力進攻原不難立解城圍悉數殲洗該撫現因山東本省緊要折回辦理地方事宜所有毗連歸德之曹單等處應如何嚴防土匪揆捕奸細即著妥籌調度勿任稍有疏虞瑞昌仍著帶兵防守濮州等處毋庸

前往豫省至該撫因勞成疾著即賞假二十日安心調理一俟病痊即隨報奏聞以紓朕念將此由六百里諭知李德並諭瑞昌知之

戊辰

仁宗睿皇帝忌辰遣官祭

昌陵

上詣

奉先殿

壽皇殿行禮 諭內閣王懿德奏請添設鑪座

兼鑄大錢一摺現在京師戶工兩局添鑄當十大錢與制錢搭放行用甚為便利業據戶部奏明通行各直省照式增鑄大錢酌擬章程試辦茲據王懿德奏請於福建寶福局添設兩鑪試鑄當十當二十當五十當百大錢其原設鑪座仍按卯鼓鑄制錢與大錢相輔而行並將大錢式樣進呈著即照所議辦理其銅斤分數如何配製各省收放款項如何通行利用之處著戶部妥議章程具奏○己

已諭內閣本日召見惇郡王奕誼遲誤未到旋據該王進內告奏事總管太監陳鵬轉奏因昨日偶感微疾今日擬不進內適聞召見故此趕緊進來試問該王已遞膳牌本人併不到有是理乎即使有故不克進內亦應不遞膳牌乃如此怠慢已失敬謹之意迨趕來猶復託詞轉奏更屬非是設本日朕不召見更可不必進來朕雖不知該王在書房與否自問於心安乎否乎惇郡王奕誼著交宗人

府議處經朕此次訓飭嗣後務須黽勉在公勿得仍若是之率忽也 戶部尚書孫瑞珍等奏接奉廷寄遵照回京得旨孫瑞珍雖未留津原因統帶滿洲官兵非汝所長而在彼數月於一切情形自必深悉及直隸軍務光景如有所見所聞仍著隨時馳奏候朕採擇再今夏熱甚卿在差次身體好否 庚午諭軍機大臣等向榮奏遵查賊船上駛及現在籌辦情形並請留調糧員各摺片逆匪占踞

金陵已經半載有餘朕日夜盼望捷音乃該大臣屢次奏報總以未能得手為詞且該大臣亦明知帑項萬分竭蹶似此遷延日復一日何以支持現在南門賊匪拒守甚堅該大臣擬先於龍脖子朝陽門一路進攻使賊全力復趨東面然後進攻雨花臺即可由南而西自係相機布置著即督飭將弁兵勇奮力前進以期一鼓登城萬不可再有遲延鎮江賊匪為金陵外援若能設法先復鎮江肅其

羽翼則金陵賊勢自孤攻勦更易得手該大臣等務當嚴飭和春督兵進取無再延誤前據葉名琛等奏先後雇備紅單船三十四隻於五六兩月開行此項船隻計可陸續趕到即著於江面擇要調撥相機勦截遏賊來往之路並可與艇船合力夾擊熊裁總理大營糧臺既資得力即著咨明張芾仍留江南無庸回任至直隸現辦巡防隨在需人該大臣請以同知黃德坊知州陸為隸赴營差遣之

處著毋庸發往將此由六百里諭令知之○釋已革湖南提督余萬清發往江南軍營戴罪效力 辛未

上詣

壽康宮問

皇貴太妃安 諭軍機大臣等懷郡被圍已久前據各路奏報城中米糧缺乏有不能久支之勢若不趕緊攻破賊巢則城圍何時得解日內未據奏報攻勦情形朕心實深焦切現

在訥爾經額諒已進劄清化恩華即可拔營前進直偏賊巢與托明阿勝保等合力攻勦李德所留兵九百名及郝光甲所帶兵二千餘名計已前赴托明阿勝保等軍營以備調撥矣該大臣等統領諸軍雖分路進攻實共辦一事聲勢必應聯絡緩急必當接應總期四路兜圍直搗巢穴迅解郡城之圍萬不可再有延緩其被勦餘匪尤宜嚴防紛竄毋令遺孽潛滋將此由六百里各諭令知之○又

諭哈芬奏官兵會勦獲勝一摺本日已諭令訥爾經額等督率各路重兵剋期會勦迅解懷慶之圍至太行山口一帶要隘紛歧難保賊匪被勦窮蹙不由此路奔逸著哈芬督飭總兵烏勒欣泰悉力嚴防遇有賊匪竄至即當盡數殲除勿令餘匪闖入致有蔓延將此由五百里諭令知之又諭琦善等奏會攻揚城並浦口儀徵接仗獲勝情形一摺七月十一日至十九日揚城賊匪屢次出城均經

官兵即時擊退斃賊多名並獲賊目遣赴金陵求救之賊匪李二等犯可見該逆困守孤城望援甚切正當乘其窮蹙竭力圍攻三汊河既有重兵駐守瓜州之賊無從與城內接應江浦儀徵各口岸又經疊獲賊船木簞斬擒多犯是各路外援無從闖入該逆食盡計窮每圖奔突著該大臣即遵歷奉諭旨會督諸軍迅籌克復務須嚴杜接濟解散脅從該匪所搭浮橋悉數撤毀肅清河面毋令一船

溷入致奸細暗受雇募為之勾結影黨潛通消息庶勦辦更易得手城內賊目尤須密籌內應設法偵擒不可令其竄逸為要將此由六百里各諭令知之又諭周天爵奏帶兵復回固鎮詳陳擒匪情形並自請斥退一摺前以揚城逆匪窮蹙有分門竄出之語皖城防堵緊要特諭令周天爵等扼要嚴防茲據奏稱由臨渙復回固鎮扼守水陸要隘惟以募勇又復遣散致招物議輒自請斥退殊所

不解為大臣者果能殫竭血誠有益國事即生死亦所不計悠悠之口何足介懷該侍郎居心行事朕所素知且年雖老而氣不衰儘可為國家宣力著仍遵前旨奮勉圖功無庸請退亦無須嘵嘵置辯也本日據呂賢基李嘉端奏賊匪水陸並擾運漕突有賊船肆掠並揚言攻撲廬郡英山太湖亦被竄擾等語是防禦十分喫緊該侍郎片稱先將陝安鎮恆興所帶之兵五百名前赴廬郡交李嘉端

調度著即飭令星速前進無稍延緩固鎮為
徐宿門戶該侍郎既扼要嚴防務即妥為布
置毋令南路奸匪乘間竄入至所陳擒匪情
形固不可操之太蹙亦豈可聽其蔓延所有
潁屬蒙亳等處擒匪著即設法次第拏獲其
單開皖豫交界處所各擒首名目既有姓名
住址可查著即密飭兵勇跟蹤躡緝並知會
河南巡撫派撥官兵會同勦捕擒獲逆首餘
黨自可聞風解散務使江岸逆匪不致北竄

而土匪亦漸就肅清方為不負委任勉之慎
之將此由六百里諭令知之○又諭據張芾
奏連日殺賊並賊擾瑞州豐城一摺所奏京
家山七里街等處獲勝不過小有斬獲城圍
尚未能解而分股之賊肆行上竄忽又折回
下駛往來自如並未經我兵勦擊即江忠淑
在瑞州斃賊十數名亦未大勝以該撫現奏
情形而論似省城可保無虞而江面毫無把
握若不迅將省垣盤踞之賊勦盡則下竄之

賊勢難分兵追擊必至任其蔓延現在江南
所撥官兵及湖南兵勇陸續趕到當可一鼓
殲除不至曠日持久仍令逆匪猖獗也所有
各兵勇應如何分撥留守追勦之處著與陳
孚恩江忠源等通籌全局布置妥辦陳孚恩
捐錢備賞以為民倡著與另片所奏黃立誠
等一併交該撫存記事竣彙奏請旨○至派辦
團練之前任內閣侍讀學士吳光業患病未
痊不能遠行准其專辦本縣團練伊姪前任

編修吳嘉賓並准其隨同辦理所保之前任
河南道員劉澐候選道揭奎光均著幫同辦
理本省團練事宜福建延平會匪現據該省
奏報勦辦獲勝永安沙縣均已收復江西省
城勦捕喫緊自不能分兵遠戍建昌即著飭
令該府文武會同紳士嚴密防堵勿稍疏懈
將此由六百里諭令張芾並諭令陳孚恩江
忠源知之○又諭葉名琛奏遵查夷首所遞
文書緣由並請飭兩江總督諭令該首回粵

一摺據稱馬沙利來粵為接辦公使事務非有他故即前往上海亦為護貨後因江南有僭雇火輪船之說遂覺中國倚為禦侮因欲呈遞文書意圖嘗試現處上海已久應飭回粵等語本日已諭令怡良即飭上海道吳健彰諭知該酋速行回粵矣著葉名琛於該酋到粵後即設法防維相機控馭或另有要求仍當堅持定約杜其妄念不致別生枝節為要至所奏勦辦廣西興安恭城匪徒連獲勝

仗已將興安縣城收復著即嚴飭各員弁將被勦餘匪擒拏淨盡悉數殲擒勿留餘孽此外江西湖南各交界匪徒據奏亦勦辦獲勝該督仍當於交界處所一體嚴防毋稍疏忽將此由五百里諭令知之又諭前據怡良奏在崑山城内與亞美理駕國公使馬沙利相見並將該酋所遞夷書進呈當降旨諭該督密飭上海道吳健彰妥為開導告以欽差大臣現在廣東令其靜候查辦本日據葉名

琛奏稱該酋前往上海祇為護貨而行並無他意惟後因江南有僭雇火輪船之說遂覺中國倚為禦侮未免從而生心其所遞文書不過姑且嘗試如馬沙利早日回粵有所要求該督必能堅持定約相機控馭等語現在該酋久處上海難保無奸民慫恿匪徒勾結情弊著怡良即飭吳健彰諭令該酋速行回粵往見欽差大臣毋庸在上海久留迨該酋到粵後葉名琛自能設法曉諭杜其妄念不

致別生枝節也將此由五百里諭令知之安徽巡撫李嘉端奏請將刑部候補主事朱麟祺等留省以直隸州差委得旨朱麟祺劉存厚俱准其留在安徽差委不准請補地方官又奏請將前任布政使李本仁留皖差委戴罪自效批又開僥倖之門斷不准行予廣東陣亡千總謝汝恭祭葬世職貢生謝玉良從九品銜謝君蘭賞卹如例壬申諭內閣自軍興以來需餉浩繁特發帑金數千萬

兩以冀為民除害今逆賊困踞江城已極窮蹙河北之賊旦夕亦可翦除惟軍需各款不能不寬為籌備疊經降旨諭令山西陝西四川廣東等省督撫申諭勸捐以資接濟並特頒恩旨加廣中額學額以昭激勸通行各省諒已周知本日據僧格林沁奏請派山西四川廣東陝西京員回籍勸捐該郡王自係因需餉孔殷亟籌集事起見朕思各該省大吏身任封疆值此軍需緊要之時自無不督率

所屬盡心籌辦即如各省在籍大小官紳或經特旨簡派或由京員保奏奉旨幫辦捐輸團練事宜該員等桑梓情聯惻忱共抒亦必能協同地方官剴切勸諭踴躍輸將以申敵愾同仇之志前此山陝等省捐貲備餉不下數百萬兩即被兵省分及素稱瘠苦之區亦多竭誠報效可見急公好義人有同情經理得人易收成效正不必再派京員紛紛四出致令各省官紳轉生觀望著申諭山西陝西

四川廣東各省督撫督飭地方官及在籍紳士廣宣德意徧示鄉閭俾知捐助軍餉即與效力行間無異所捐之款一有成數即行奏明候朕優加獎勵各該督撫即宣諭官紳士民同心合力以濟軍需從此埽蕩賊氛綏靖疆圉朕實有厚望焉此旨並著通諭各省督撫知之諭軍機大臣等昨以懷郡被圍已久連日未據奏報攻勦情形殊深焦切諭令訥爾經額等迅速合力兜圍茲據該大臣會

同恩華托明阿勝保具奏勦賊獲勝各摺又據勝保奏稱該匪受創窮蹙現已移營進剿並嚴斷接濟添調精兵以防西竄等語此時賊眾堅匿不出郡城尚未解圍必應四面攻擊使賊首尾不能兼顧方可聚而殲旃訥爾經額現已駐劄清化鎮恩華等即可渡河合勦蠢茲醜類無難一鼓殲除該大臣等惟當懍遵疊次批諭併力環攻毋誤事機其西路七里屯小官路等處仍應迅速派兵防守嚴

斷奸匪接濟並可杜賊西竄之路至城中糧道如何能通亦須設法籌運現在大兵雲集該大臣等諒必能協力同心迅解城圍朕日盼捷音之至也將此由六百里各諭令知之

又諭勝保奏請調兵合勦等語懷慶賊匪經托明阿勝保等屢勦獲勝勢已窮蹙現在我軍緊逼賊壘城圍指日可解惟西路兵力稍單防勦均關緊要著舒興阿於所帶官兵內遴選精兵一二千名派委得力將弁管帶

配足軍裝器械由該督統領渡河與托明阿勝保等合力攻勦斷賊接濟迅解懷慶府城之圍並可杜賊西竄之路其陝州一帶仍應派鎮將帶兵嚴防毋稍疏懈將此由六百里諭令知之

幫辦軍務內閣學士勝保奏移營籌勦設法通糧並將劄營形勢繪圖呈覽得旨圖留中竭力攻擊必能得手南面攻勦愈緊自可掣動北面之賊城北賊少恩華等尤應渡河合勦必可迅就殲滅朕所料若是

汝等酌之 兵部尚書桂良奏吏部主事夏家泰呈請於近畿築堡請飭試辦得旨夏家泰著交順天府酌量試行京畿非外省可比毫無擾累方好若稍有未妥反不如實力奉行舊章為善也 欽差大臣大學士直隸總督訥爾經額等奏報丹河獲勝情形得旨本日勝保報到已有寄諭恩華後路無虞自可放心前進朕惟日盼捷音誠心籲天而已 革職留任河南巡撫陸應穀奏各路

擒匪肆擾因無征兵未能出省督辦得旨所奏自係實情然歸德一敗大損軍威汝若再弗振奮何以全朕用人之顏面以封疆大吏僕僕在道罔所措手獨不慮及通省官民笑汝乎 以攻勦河南懷慶賊匪獲勝予遊擊格洪額等升敘有差 予河南陣亡勇目鍾占魁祭葬世職如把總例

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百一

中錄卷之十

事

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二

此修德院宇建自魏起唐注云太子太保上書唐昭師傳文淵閣領閣事翰林院學士稽察錢穀上諭事件應國史館總纂官武英殿

大興寺管理戶部事務加十三級記錢十四次¹³賈植書本題或官照庭蓮寶太丁太伴文淵閣領事丞丞殿總裁官教習康志士體仁閣

大學士管理戶部三庫事務管理刑部事務加二十三級紀錄十六次^臣周祖培總纂官太子少傅管理內務府庫書事務對引大臣軍機大臣

秋歸離滿州府既尸部內書理三季事務加四次隨帶加五級紀錄十二次月分總場官劉一講官孔德殿教習齊文增連上書房總辦

遼東史館藏官止部旗蒙古都統博爾濟吉特理太子索福儀寺事務加二級功加四級自加八及紀錄五次聖優什璽寺等奉

救修

咸豐三年癸丑八月癸酉朔遣官祭

文昌帝君廟○諭內閣本年盧溝橋演放八旗漢軍礮位並演放滿洲火器營礮位之處均著停止諭軍機大臣等據查文經奏稱豐北西壩尾工程係豐北廳營承辦徐州道驗收之工非大工各員承辦之工查文經離工次時尚存銀十九萬餘兩錢五萬餘串正料八百堆繩纜以數萬計草石快木堆積甚多並非無銀無料惟因徐州道王夢齡見好屬員擅將大工要款那作他用以致大汛時

搶險無資河臣所稱人力難施之處亦有不
實至留壩文員係候補通判章儀林武弁即
係豐北原案失事合龍後開復之遊擊閻興
邦河臣未將閻興邦附參亦屬遺漏等語著
楊以增秉公嚴查王夢齡因何擅動大工要
款以致貽誤據實參辦遊擊閻興邦著一併
查明參奏毋得稍存迴護致干重咎將此諭
令知之尋奏徐州道王夢齡支發各廳禦水
埽工及募勇借用並借給豐碭等縣辦理兵

差等項尚非擅動惟借給銅沛同知沈文藻
宿南通判金安清銀兩雖係因公究屬不知
緩急請旨將前任徐州道王夢齡交部議處
遊擊閻興邦續派守壩該道初稟未經請參
亦屬遺漏應請將候補遊擊閻興邦一併交
部議處得旨王夢齡閻興邦著交部分別議
處○河南學政張之萬奏請速飭催解懷慶
之圍並擬勘防事宜八條得旨所奏俱係現
在辦理情形軍務八條亦多要著○調任塔

爾巴哈台參贊大臣豐紳奏捐造塔爾巴哈
台烏搶長矛完竣得旨勤加練習務期有裨
實用切勿徒壯外觀可也 免伊犁額魯特
被雪傷損應賠牲畜 甲戌

上諭

雍和宮行禮 諭內閣琦善奏勦擊浦口賊船
並進攻揚城連獲勝仗一摺據稱七月十八
日丑刻金堂門外賊船數十隻陸續駛至總
兵武慶帶領大隊兵丁前往分馬步二隊更

番疊進施放槍礮火箭及大藥口袋逆船為
風所阻不能退回立時延燒盡成灰燼獲有
偽總帥二名副司馬一名二十一日外委姚
長青帶勇赴徐凝鈔關一帶遇賊圍裹守備
葉萬春參將師長饒馮景尼率兵援應斃賊
多名二十三日西門迤南埽垢山邊有賊絕
城而下經官兵施放連環槍礮斃賊六七十
名又有賊匪由仙鶴嶺地方絕下經都司葉
舒青色普哲訥烏勒宏阿青州駐防佐領魁

斌帶領弁兵攻擊陳金綬復親督叅將那瑪善遊擊海明馳往接應開放槍礮斃賊七八十名等語此次賊船猝至浦口經總兵武慶等督率弁兵於昏夜之中乘風縱擊痛加焚勦盡數殲擒實屬奮勇出力著傳旨嘉獎其揚州逆匪亦經官軍截勦疊獲勝仗賊勢已極窮蹙著該大臣等仍督飭各路兵勇迅即克復揚城毋任賊匪乘間竄逸 又諭沈兆霖奏請飭各處團練保衛城池等語前因逆

匪各處紛竄勾結土匪擾害鄉閭疊經降旨令各省仿行嘉慶年間堅壁清野之法或築塞濬濠或嚴守險隘原期守望相助互衛身家所有團練壯丁自不宜遠行徵調若本邑城池有警則附近村堡團練必應糾集壯勇合力援應使賊進無所據退無所掠自不難一鼓殲除著各路統兵大臣督撫等剴切曉諭辦理團練各紳士凡附近郡縣鄉村一遇賊匪竄擾城池即行會同官兵併力攻擊慎

勿株守一隅致有疏失蓋城池為一方保障官民睥為一氣斯即眾志成城之效鄉團中如有援城殺賊立功者即行奏請優獎以示鼓勵其隔府州縣仍不得遠行徵調以免擾累將此通諭知之○諭軍機大臣等昨據張之萬奏請飭速解懷慶之圍並擬軍務八條開單呈覽懷慶賊匪被勦窮蹙疊次諭令訥爾經額等乘勢進攻剋期殄滅諒已遵旨籌辦矣茲據該學政奏各路大兵已集而圍尚

未解實由我兵未能合力環攻且未能斷賊接濟等語所奏自係實在情形著該大臣等速飭各路帶兵大員合力兜擊嚴斷接濟迅解城圍毋稍延緩原摺單均鈔給閱看將此由六百里諭令知之○又諭沈兆霖奏遵查賊匪所過地方滋擾情形一摺據稱專遣家丁至南康府城探詢五月十四日賊船尚未到城即有居民百餘人將署星子縣知縣羅雲錦擁至城內偏東之同善堂看守隨即却

獄放出監犯十五日署知府恭安往城隍廟
行香居民又擁至同善堂與署知縣一同拘
管十六日賊船到南門外未及登岸居民即
將守令獻出並餽賊銀米雞豚等物都司胡
瑤林乘馬出城亦被居民攔住執送賊船傳
聞府縣都司現尚被賊拘禁並聞署知府恭
安已經拘斃等語覽奏實深駭異此等土匪
劫官餽賊實出情理之外殊堪痛恨著張希
再行派人嚴密訪查如果實有其事即將為

首匪犯按名訪拏盡法懲辦其府縣都司等
是否現在賊船拘禁署知府恭安有已經拘
斃之說是否屬實湖口彭澤各城果否保守
完固著一併查明據實具奏毋得稍有諱飾
又據沈兆霖片奏賊船下竄誠得下游用戰
船由湖口而入內外夾攻不難聚而殲旃聞
省中現亦籌辦湖口堵截等事不知此時能
否兼顧若聽其紛竄搶掠將將何所底止應
如何豫備戰船及雇覓民船堵截竄擾之處

著該撫與陳孚恩江忠源及地方官紳等迅
速籌辦妥為布置仍隨時知照湖北並下游
各省一體設法堵截無任賊踪往來竄駛致
滋蔓延將此由六百里諭令知之 著四川
總督慧成奏報豫籌破賊情形得旨何路緊
要應在何處防勒汝等商之汝所帶之兵尚
未接仗著當慎重於勇猛之中好為之斷斷
不可高興不可自矜太甚 以勤辦安徽石
牌股匪獲勝賞已革按察使張熙宇五品頂

帶 乙亥諭內閣舒興阿奏參遇賊敗潰擅
自折回之帶兵參將一摺陝西延安營參將
業普崇額經該督派令管帶延綏鎮屬官兵
行抵河南中牟縣與賊接仗致將弁兵衝散
多名已難辭咎業經該督移咨河南巡撫確
查自應聽候查辦乃以支領鹽糧藉詞擅自
帶兵折回實屬怯懦無能昏憤已極業普崇
額著先行革職所稟敗潰情形是否屬實並
沿途有無別滋事端仍著該督徹底嚴查據

實具奏。又諭戴鈐等奏橋道復被衝陷請仍交地方官平墊一摺。本年七月下旬連日大雨山水漲發致將東口子門外迤北石橋二十里鋪石橋前次平墊處所復行衝陷著仍交易州知州迅即確勘修墊毋稍遲誤。○諭軍機大臣等訥爾經額等奏續獲勝仗一摺並擬親統馬步兵分隊環攻等語。逆匪屢經痛勦堅匿不出經托明阿勝保移營逼近賊壘該逆出巢抗拒我兵截勦焚毀附壘瓦

屋殲斃賊匪甚多松玉德坤等亦各有斬獲復經訥爾經額恩華派撥馬步各隊馳赴丹河郝光甲烏勒欣泰馳往水北關分路夾攻逆匪屢挫兇鋒急宜乘勝進勦訥爾經額恩華擬於二十九日親統馬步全隊於丹河口岸創營分隊環攻並暗用地雷另堆土壘拆賊木柵以期立破賊巢所辦均合機宜惟於丹河口岸創營距賊巢遠近是否得力該大臣等仍應督率鎮將渡河攻勦與托明阿勝

保等聲勢聯絡南北夾擊使賊匪腹背受敵方能立解城圍至賊巢既破尤須嚴防竄逸西南一帶尚覺空虛應如何撥兵堵勦杜賊紛竄之路均宜隨時籌辦毋稍疎忽將此由六百里各諭令知之。又諭奕經奏宿遷地方帶兵事務請飭接辦糧台之道員統帶等語宿遷為清江後路安設河南江南兩省糧臺最關緊要陳啟邁業經馳赴江蘇藩司新任所有前次派防之山西兵一千一百五十

名即著接辦糧之廣東高廉道法良統帶隨時相機調遣其揀選壯健河兵扼要布置事宜並著法良一手經理以專責成至所奏徐州近日辦理情形及捕獲擒匪多名現在揚州賊匪急圖紛竄該侍郎務當會商周天爵嚴密設防隨時偵探無稍疏懈將此由五百里諭令知之。又諭舒興阿奏酌調防兵先赴河南府相機進剿一摺昨因懷慶西路兵力稍單降旨令舒興阿督兵渡河合力進

攻斷賊接濟並杜賊西竄之路茲據奏稱河北逆匪意圖過河南竄若官兵全數北渡則南岸空虛難於措手所慮不為無見該督現駐河南府距孟津渡口不過三十里甚為切近巡查自易周密該處先有珠克登所帶官兵一千餘名合之該督所帶已及三千數百員名如果賊匪窮蹙南竄儘足截勒惟逼於既竄之後尤須防於未竄之先其緊要渡口既駐重兵而偏僻港汊亦應嚴密偵察如果

北岸實無一船而南岸渡河之具亦能收藏淨盡逆匪自無從偷渡所稱賊製羊皮渾脫此項器具非賊所能猝造難保不有土匪勾結尤應嚴拏奸細方能絕其竄路至懷慶城外各路軍情據連日奏報南面逼賊較緊而兵力稍單北路兵數較多又為丹沁兩河所隔一時尚未能聯絡前所以命舒興阿督兵北渡者不但防賊西竄亦以添助南路使得迅解城圍該督斟酌現在情形如河南布置

已妥河北仍須接應即行督兵渡河會勦勿誤事機將此由六百里諭令知之又諭舒興阿奏副將珠克登等統帶官兵一千餘員名駐防孟津渡口沿途向地方官支領口糧概以未奉該省上司明文推諉等語徵兵遠行糧餉最關緊要各省遇有軍務例由駐兵處所及經過州縣供支鹽糧等項即使不敷支放亦當先期妥籌墊用何以未奉本省上司明文拘泥推諉著陸應穀查明該官兵

自潼關至孟津缺乏口食至五日之久係何處地方官託詞不肯供支即行據實奏參現在懷慶尚未解圍各路援兵會集所需餉銀著該撫嚴飭各屬隨時籌款供支毋稍遲誤至該省被兵處所民間蕩析離居殊堪軫念其稍有餘力者諒已集資團練各抒悃忱若再將應徵錢糧照常徵收民力更恐拮据著陸應穀慎委賢員詳細確查應如何酌量蠲緩之處迅即馳奏候朕施恩將此由五百里

諭令知之 又諭車克慎孫毓淮奏現辦團練遇有形跡可疑之人請交地方官嚴辦等語各該紳士等鄉居練勇原以助官兵之不足無論外來奸宄本地匪徒該紳民均應協同盤緝而懲辦責在有司著李德嚴飭各屬於各該地方紳士盤獲奸匪拏送到官後務即立時訊明嚴加懲治不得聽信吏役人等從中徇庇任意延玩庶官紳聯為一氣地方漸可肅清儻查有延宕徇隱情弊即著隨時

指名嚴叅至各處商賈紳民良莠不齊如有煽惑浮言阻撓公事者並著一體嚴飭認真查辦庶於捐輸團練可期集事將此由四百里諭令知之 欽差大臣大學士直隸總督訥爾經額奏總兵郝光甲現駐七里橋未能前赴托明阿勝保軍營得旨郝光甲現駐要隘勢難調赴他處如該鎮實在得力自應仍在七里橋軍營情形朕斷難事事遙制總在卿等妥籌之 陝甘總督舒興阿奏請以前

任喀什噶爾換防總兵官桂齡留營差委允之 以帶兵遊玩革陝西延綏鎮總兵官金萬全職調甘肅伊犁鎮總兵官豐伸為陝西延綏鎮總兵官 予河南陣亡外委劉勤祭葬世職

上以祭

社稷壇自是日始齋戒三日 丙子遣官祭

關帝廟 諭內閣本日據訥爾經額恩華托

明阿勝保由八百里馳奏官兵攻破賊巢懷

慶城圍立解一摺逆賊渡河北擾攻圍懷慶環城築壘大肆猖獗經朕特命大學士直隸總督訥爾經額為欽差大臣尚書恩華將軍托明阿內閣學士勝保幫辦軍務督率各路精兵會合進剿托明阿勝保與善祿等由郡城東南一帶疊次進攻大獲勝仗恩華等由丹河東北率兵進剿亦屢有斬獲該逆負隅抗拒將屆六旬城中文武紳民極力守禦朕軫念生民方深焦灼七月二十八日該大臣

與尚書恩華親督侍衛托雲保蘊秀前任河督文冲六品頂帶夾紀運司揚需並各鎮將文武員弁練勇兵丁直過丹河徑撲賊壘該逆分四股撲出抗拒我兵分作五路以四路迎擊賊隊以一路從中直衝木柵復督吉林黑龍江馬隊從旁分路抄進我兵人人奮勇爭先搶入木柵並用大具一齊拋擲烈燄飛騰木柵房屋焚燒幾盡其柵外賊匪見柵內大起歸路已斷紛紛敗走經兵勇追擊殲斃五六百名斬獲首級百數十顆托明阿勝保會同善祿等移營逼近賊壘晝夜攻勦並張貼告示解散脅從密用反間離其腹心悔罪投誠者不下數百人適恩華舒興阿將火箭等物解到勝保即於二十八夜選派兵勇暗撲賊壘兵勇隨進隨攻逆匪四路狂奔我兵往來截殺約數百人西凌阿明慶變成烏凌額等帶領馬隊生擒四十餘名我兵縱火焚燒賊巢守城文武亦派兵勇繞城助戰總兵

郝光甲烏勒欣泰並各督兵接應四面圍攻統計斬獲賊匪二千餘名奪獲槍礮一百五十餘件黃旗大小四百餘面器械贏馬無算懷慶城圍立解零星餘匪倉皇逃潰旋於二十九日有頭戴黃巾乘坐竹橋之逃竄賊目一名兵勇立即捕拏即有從匪數十人上前奪獲該兵勇即將該賊目擒出橋外割取首級並生擒擒護之賊匪十八名救出被脅難民二百餘人當將米糧運入郡城接濟民食

托明阿勝保善祿入城安撫紳民人心大定此皆仰賴

天恩默加眷佑朕心寅感倍增訥爾經額運籌決策調度有方著加恩賞戴雙眼花翎並賞穿黃馬褂恩華托明阿勝保幫辦軍務與善祿西凌阿力籌攻勦謀勇兼施洵堪嘉尚恩華著賞穿黃馬褂托明阿著賞穿黃馬褂並賞給西林巴圖魯名號勝保著賞加都統銜並賞穿黃馬褂給予霍鑒巴圖魯名號善祿

著賞戴花翎並賞給斐里巴圖魯名號西凌阿著開復都統原官仍加恩賞戴花翎以示嘉獎懷慶府守城文武官員前經降旨加恩念其力保危城始終不懈允宜再沛恩施以為守土者勸道員用懷慶府知府余炳燾著賞加按察使銜知府用河內縣知縣裴寶鏞著賞加道銜候補遊擊穆奇賢著賞加副將銜仍與在事出力文武員弁及守城官紳兵勇與首先登柵奮勇尤著之兵勇均著該大

臣等查明迅即保奏候朕施恩軍機大臣祁寓藻麟魁邵燦彭蘊章穆蔭夙夜在公贊襄樞務允宜先沛恩施均著賞軍功加一級兵部捷報處郎中保成著賞軍功加一級委署主事恆興筆帖式國英均著賞戴藍翎仍各賞給軍功紀錄一次員外郎舒弼文成主事壽齡筆帖式奎璋潘德成景新均著賞給軍功紀錄三次此次懷慶解圍逆匪殲除殆盡大河南北生民重登衽席軍威大振不難水

陸並下直抵江南惟琦善向榮均係特簡大臣各路重兵攻圍金陵揚城均經數月之久林守無功若必俟北軍南下助勒始克奏功能無汗顏且朕於諸大臣倚為干城切望同膺懋賞尚其同心戮力迅圖克復三城綏靖南疆式符朕望 又諭都察院步軍統領衙門奏遵旨會同查訊一摺此案中營參將前署南營參將李萬年於查拏賭犯時既將不服攔管之朱瀛洲一併拏帶回署何以因係

中城副指揮朱森堂弟即准領回既稱並無別情何以復行呈解雖訊無囑託部司蘇恩綬央求情事究屬任意嚴率朱森於伊堂弟朱瀛洲被拏之後輒遣人持名片往詢復用印移向李萬年詰問其所稟該參將妄拏請託各情亦無確據李萬年朱森均著交該部議處 諭軍機大臣等訥爾經額等奏官軍攻破賊巢斃賊殆盡懷慶城圍立解一摺逆匪屢受創懲猶復負隅抗拒經訥爾經額恩

華托明阿勝保善祿等晝夜攻勦殲斃殆盡立解懷慶之圍並運糧接濟民食入城宣布德意不但閭閻紳民同聲欣感即河北各郡人心亦可大定惟零匪西竄雖為數無多而奔突性成難保不散而復聚該大臣等派委將弁分帶馬步各隊官兵跟蹤追勦勝保亦擬親督兵勇追躡其後並據稱知照哈芬陸應穀長臻主履謙珠克登等一體堵截嚴密搜緝務期悉數殲除勿留餘孽斷不可因城

圍已解屢勝之後稍涉大意其割取首級之乘輜賊目係何姓名其逆首林瀾祥李開芳受礮傷後是否業已殲斃即向生擒各匪內細心研鞫如尚未殲擒必應迅速躡緝勿令免脫該郡甫解倒懸瘡痍未復該大臣等督兵分駐彈壓即飭令地方官鎮撫兼施以副朕軫念窮黎至意將此由六百里加緊各諭令知之予陝西因公淹斃知縣李廷燮祭葬卹廕 丁丑

上詣

壽皇殿行禮 祭

先師孔子遣協辦大學士賈楨行禮 諭軍機大臣等逆匪占踞揚城業經半載琦善等經朕特簡統帶重兵數月以來雖屢獲勝仗而未能克復朕心特深焦灼其竄擾懷慶之賊昨據訥爾經額等馳奏官軍攻破賊巢殲斃殆盡城圍立解稍慰朕懷該大臣等頓兵城下日久無功自問能無汗顏耶現在河北

一帶漸就肅清逆首吉文元早經殲斃林瀾詳李開芳等亦均受礮傷所餘零星賊匪不難盡數殄滅揚城賊匪勢本窮蹙一聞此信更應膽落該大臣等務當乘此聲威督飭各路將弁兵勇合力圍攻一鼓作氣迅圖克復本日據雷以誠等奏東路萬分喫緊存營之勇不敷攻勦陸續添募壯勇一千餘名著即照辦惟該處僅有壯勇四千餘名仍恐難資得力琦善與雷以誠福濟等雖分路駐劄其

實共辦一事著即相度情形如東路一帶緊要即行撥派弁兵前往接應慧成容照等所帶之兵計日亦可趕到一併酌量擇要分撥萬勿任賊奔突復滋蔓延僅稍有疏失致賊竄逸朕惟該大臣等是問將此由六百里各諭令知之 又諭昨據訥爾經額等馳奏官兵攻破賊巢懷慶圍解其零星餘匪窮蹙奔逃難保不復圖回竄著王履謙長臻督飭防河文武員弁嚴密巡查務將船隻設法收集

毋令餘匪搶渡現在官兵四路追勦儘必須渡河所有應用船隻仍著妥為豫備勿致臨時貽誤將此由六百里諭令知之 又諭昨據訥爾經額等奏河北勦賊大獲勝仗懷慶解圍餘匪西竄該大臣等復派員跟蹤追勦勝保亦親督兵勇追躡其後諒茲小醜無難悉數殲除惟該逆犬豕性成雖所勝零匪無多而四出狂奔難保不再圖勾結山陝與豫省交界地方必應嚴密防範舒興阿現在駐

劄河南府距孟津渡口甚近著即督飭署副將珠克登實力巡防如有餘匪南竄即行截勦其餘渡口著陸應穀督率該管地方官會同弁兵實力堵截所有渡口船隻固當無誤官兵往來仍須嚴防竄匪偷渡山西澤州與懷慶密邇防堵尤關緊要哈芬現駐太行山口著即督飭帶兵員弁會合各路官兵實力兜勦其逃竄之匪尚恐有頭目在內務當四面躡緝勿令一名漏網將此由六百里各諭

令知之 欽差大臣湖北提督向榮等奏報攻襲雨花臺等處賊營情形得旨似此等打仗不過僅免大敗向榮等豈有意耽延耶現在懷慶府賊匪殲擒殆盡朕已將督領大員分別施恩汝等聞之知愧否向榮在軍營數載豈反不如前耶自軍興以來聞汝營中法令尚嚴汝能箝制諸將朕亦能制汝若不能攻克金陵汝亦無顏見朕汝自度之又奏接奉廷寄遵辦上游師船批所籌俱是但望速

速成功也 暫署江甯將軍蘇布通阿等奏
佐領保全禦賊受傷驗實請將招集旗丁交
管得旨保全既實係受過重傷著准其管帶
旗兵此係朕格外恩施因江南駐防全行殉
節所存無幾不可視為常例致開僥倖偷生
之路以示朕愛惜旗僕之至意又奏遵查防
禦鍾祿等受傷非虛可否飭令回任批著從
寬免其置議仍著隨時查看若不能奮勉即
行嚴辦 河東河道總督長臻奏報節逾處

署黃水續長已消各廳平穩得旨覽奏俱悉
慎防秋汛不可稍涉疏忽 熱河都統毓書
奏報六月分糧價得旨嗣後每月奏報糧價
著用滿漢合璧摺清單仍用漢字封筒亦書
清字其餘一切照例事如巡查七道嶺情形
等類者亦仿此用合璧摺 戊寅癸

大社

大稷

上親詣行禮 諭軍機大臣等據裕瑞奏查明

川省各標鎮協營出師存營各兵確數一摺
據稱川省原額兵三萬三千八十一名疊次
奉調出師及本省派防實存營兵雖二萬八
千有餘而通省額設八十二營分布各處俱
形單弱據舒興阿咨稱擬調川兵現值防堵
喫緊之時未便再行外調等語川省與楚省
毗連現在賊氛未靖籌辦防堵尚恐不敷勢
難外調自係實在情形著舒興阿體察情形
如陝西等處有必須添兵設防之處另行酌

量揀調毋庸調派川兵以期兩有裨益將此
由五百里各諭令知之 以軍務紛繁當差
勤奮賞軍機章京郎中程恭壽花翎餘加級
紀錄有差 已卯諭內閣孫瑞珍慶祺奏海
運米石尾數請折價交納一摺江蘇省漕白
糧米由海運至天津除現已驗收八十萬五
千四百餘石其未到漕米一萬八千四百餘
石尾數無多該尚書等請照京倉折放米石
杭米每石一兩四錢之數飭令蘇松糧道折

價交納派員解部俾該糧道迅速回任趕辦
來年新漕著即照所請行至撤局後其續到
沙船即由慶祺督同生糧廳將經紀耗米驗
收撥運以清款目諭軍機大臣等吳文鎔
吳振械奏請免南掌國貢使入京一摺南掌
國貢使向由貴州湖南湖北河南各省取道
進京惟現在粵匪未盡殲除楚豫一帶尚有
繞越行走之處該貢使遠道輸誠若仍令照
例來京轉非所以示體恤著該督撫傳旨該

國使臣等此次毋庸來京仍著優與犒賞妥
為護送俾令先行回國貢物象隻即著賞收
由該督撫派員送京其應行頒賞該國長及
正副使臣等銀物由該管衙門照辦齊全發
交雲南派員齎送出關轉交祇領既可遂其
悃忱並可免其跋涉以示朕懷柔遠人曲加
體恤之至意吳文鎔已有旨調任湖廣總督
令其馳驛前往羅饒典現已接任著與吳振
械會同宣諭該國使臣可也將此由五百里

各諭令知之又諭前獲懷慶解圍捷報朕
心稍慰惟西竄餘匪約有若干人數未據詳
細奏報該大臣等分派將弁帶領馬步各隊
跟蹤追剿並勝保親督兵勇追躡此時餘匪
究係逃往何處是否竄入太行抑或由黃河
渡口回竄連日追擊情形如何著訥爾經額
飛速馳奏以紓廛念仍隨時知照舒興阿張
祥河陸應穀哈芬於各要隘一體嚴密堵截
務期悉數掃除斷不可令餘燼復然致滋延

蔓至逆首林淵詳李開芳果否殲斃並割取
首級之乘轎賊目是何姓名仍遵前旨迅即
查明具奏本日據王履謙等奏孟津北岸空
虛請飭舒興阿分兵五百名移劄該處以期
兼顧現在舒興阿駐劄南岸防勦亦關緊要
著訥爾經額於河北官兵內速撥五百名派
員帶往孟津北岸駐劄巡查較為妥速人有
人奏風聞懷慶賊匪分股於太行山建築石
城為負隅久抗之計虛實尚難遽定等語如

果實有其事該大臣務即相機勦滅以期及早廓清邾光甲烏勒欣泰均係特派堵太行山要隘大員並著飭令該總兵等合力追截毋稍遲誤將此由六百里諭令知之○又諭王履謙長臻奏拏獲逃匪請分兵移剿孟津北岸並王履謙前赴各口巡查各一摺現在懷慶解圍餘匪西竄孟津渡口兩岸皆須嚴防偷渡王履謙現已督同知府戴鸞翔等於黃河上下各口周歷巡查無論南岸北岸均須兼顧毋稍疏懈並著長臻嚴飭河標弁兵協同地方文武認真巡防毋令竄匪乘間偷渡至西竄餘匪約有若干究係逃往何處河北現派官兵追擊情形如何並著隨時奏聞以慰廑念將此由六百里各諭令知之○又諭本日據李湘荼奏清江防禦粗備擬帶兵往山東交界勦辦土匪一摺現在李德已於七月十九日啟程回省所有查拏土匪盤緝奸宄並捐輸團練各事已降旨令該撫飭

知各屬官紳一體認真查辦清江地方亦關緊要李湘荼著毋庸帶兵前往山東仍隨同楊以增操練兵勇巡查渡船嚴密防堵無稍疏懈將此由五百里諭知楊以增並諭李湘荼知之○又諭瑞昌奏拏獲逃竄賊匪並請旨督兵防剿一摺現在懷慶解圍其逃竄餘匪急應迅速嚴查李德已於前月折回東省妥為布置瑞昌著即留於濮州一帶督飭弁兵嚴密巡防一有匪徒竄入即行勦辦並宜

嚴拏土匪盤詰奸細毋令勾結為患現經拏獲從賊逆犯盧道談一名既經訊有確供著即行正法營總協領奇凌阿著交部議敘其隨同獲犯弁役即由該將軍酌與獎勵將此由五百里諭令知之○戶部奏山西巡撫哈芬疏稱改鑄鐵錢變通軍餉請飭將寶晉局鑄務酌覈妥協章程奏明試辦得旨部定章程迅速具奏不可專恃哈芬奏到一議覆准豈爾部反不如外省耶○陝西巡撫張祥河

奏嚴防黃河渡口並封禁船隻得旨言之甚
易而行之甚難汝遠在省垣稽查難周著咨
行桂明就近嚴查以防偷渡若該處文武陽
奉陰違即由該提督專摺奏參然汝係封疆
人員斷不可藉此卸責 調閩浙總督吳大
澂為湖廣總督以署四川總督慧成為閩浙
總督未到任前仍以福州將軍有鳳署理實
授裕瑞四川總督 調綏遠城將軍樂斌為
成都將軍以貴州提督善祿為綏遠城將軍
未到任前仍以歸化城副都統成璜署理以
廣西右江鎮總兵官佈克慎為貴州提督貴
州清江協副將德安為廣西右江鎮總兵官
以勦辦雲南灣甸土匪出力賞知府彭崧
毓花翎餘加級升敘有差 庚辰
上幸瀛臺 遣官祭黑龍潭
昭靈沛澤龍王之神玉泉山
惠濟慈佑靈護龍王之神昆明湖
安佑普濟沛澤廣生龍王之神密雲縣白龍

潭
昭靈廣濟普澤龍王之神 遣官祭圓明園
惠濟祠
河神廟 諭內閣色克通額等奏請將審訊
俄羅斯巴畢爾阿拉坦諾爾烏梁海等旗懇
乞都蘭欲行入卡因卡兵攔阻巴畢爾負氣
將烏思都爾羅堆等馬匹一併搶劫一案請
仍交庫倫辦事大臣等嚴行懲辦等語此案
著即查照辦過成案交庫倫辦事大臣德勒
克多爾濟訥勒亨額等由彼行文俄羅斯固
畢爾那托爾飭令將越境之俄羅斯巴畢爾
解送庫倫交界處所會同俄羅斯官員辦理
所有此案距烏梁海都蘭游牧較遠著暫留
科布多守候其餘烏思都爾羅堆都噶爾章
京烏爾金之子都噶爾協理台吉固魯扎布
等均著解交烏里雅蘇台飭交該旗嚴加看
守俟庫倫咨行定有會辦日期飭令各該部
落由旗派員解送庫倫以備審辦 人諭刑

部等衙門題駁奉天省審擬楊堂詳罪名一案所駁甚是此案承德縣回民楊堂詳因妒姦謀殺米儉脫逃至二年之久潛回探信經伊父楊希孟藏匿旋被米儉堂兄米漢孖獲送官楊希孟囑留不允爭鬪以致楊希孟被米漢砍傷殞命該府尹以楊堂詳罪犯斬候脫逃二年後被獲照例應改斬決因逢恩詔免其逃罪仍以斬候具題經刑部以楊堂詳謀命起釁致伊父被砍殞命與謀殺人致父自盡者事同一律即應按例擬以立決事犯雖在恩詔以前不准援免議請駁令該府尹另行按例妥擬報部該犯情罪重大毋庸交該府尹另題致稽時日楊堂詳著即處斬其米漢一犯依擬應絞著監候秋後處決所有錯擬罪名之審轉各官著該部查取職名照例議處人諭自賊匪竄擾大河南北豫省官紳兵民人等戮力同仇登陴守禦朕心實深嘉慰昨懷慶解圍守土各官均經優予獎

賞並特旨令統兵大臣將該處出力之官弁紳民兵勇查明保奏矣因思懷郡被困將近兩月竟能力捍危城保障河北固因守土官吏激勵有方亦由該郡士民深明大義允宜破格施恩用昭獎勵所有懷慶府縣學額著該部酌量增加以為紳民固守者勸至開封之擊退賊匪許州之保全城邑民心堅定均屬可嘉著一併賞加學額該部即查明該府州縣學額酌擬加額名數具奏以示優獎○諭軍機大臣等寄諭兵部尚書桂良昨因懷慶解圍餘匪西竄業據各統兵大臣跟蹤追躡復諭令舒興阿哈芬等一體嚴密堵剿本日據郭夢齡奏稱該逆於八月初二日竄入山西垣曲縣亟須添兵合剿以杜北竄之路等語現已諭知訥爾經額迅速派兵由澤州一路截剿並分兵由獲鹿井陘一路入山以為太原後路接應直隸為畿輔重地所有毗連山西各要隘該尚書仍當隨時妥為布置

慎密設防並須緝拏土匪盤查奸細勿任勾結為患但須持以鎮靜不可稍涉張皇將此諭令知之又諭本日據郭夢齡奏賊匪竄入晉境擾及垣曲一摺據稱該匪由懷慶府屬濟源縣竄入晉境於八月初二日圍垣曲縣城北門已開所有前派督辦防堵之河東道張錫蕃垣曲縣知縣晏宗望均無下落該縣距省九百里澤州平陽等郡均與毗連亟宜迅速勦辦著該大臣等迅派精兵由澤州

入山探明賊蹤迎頭截擊並著官兵由正定府獲鹿井陘一路入山以為太原後路接應前經調防直隸之山西官兵即可令其折回晉省以資攻勦山西與直隸處處毗連關繫甚重想該大臣等定能通籌全局迅速布置也本日人據勝保奏督兵追勦情形已與善祿西凌阿等兩路進勦由封門山邵原關濟源順黃河一帶直赴垣曲矣西竄賊匪數尚不少勝保統兵追勦必須將士用命方能有

濟即如總兵郝光甲前經托明阿勝保調赴西路堵截若即遵調早渡沁河前往何至該匪從此路竄逸著訥爾經額嚴飭該總兵等星速追勦如再有延誤定即重治其罪勝保等裹糧進行鑼鍋帳房未及帶齊著即催令糧臺迅速運送前進其火藥鉛丸均著隨時接濟毋令匱乏將此由六百里加緊諭令知之又諭本日據郭夢齡奏賊匪於初二日由濟源之封門口竄入垣曲縣城請調重兵赴晉分頭勦堵一摺該縣北界平陽西鄰河東距省亦不及千里惟該省官兵調赴他省已九千餘名巡撫岑甫於初二日自澤州前赴陽城尚未知垣曲失事是該處兵力既單聲勢亦不聯絡賊匪自懷慶敗竄之後奔突而西及早勦除尚易淨盡否則一路搶掠裹脅恐入成滋蔓難圖之勢前據訥爾經額等奏派托雲保松玉烏凌額吳燦達爾濟並善祿西凌阿郝光甲烏勒欣泰分帶馬步隊

跟蹤追剿勝保即於初二日拔營親督兵勇
前進諒必探明賊蹤設法兜捕茲已諭令訥
爾經額等迅即督飭鎮將大員帶兵由澤州
一路抄出賊前迎頭截擊著托明阿即統兵
馳往與勝保善祿合力夾攻乘賊匪喘息未
定一鼓殲除萬勿稍有遲誤仍將剿辦情形
隨時馳奏以慰廑懷其河東道張錫蕃垣曲
縣晏宗望有無逃避情事與平澤蒲絳各屬
防守事宜能否得力一併查明具奏將此由

六百里加緊各諭令知之○又諭據勝保奏
行抵濟源探明賊蹤一摺並片陳郝光甲遷
延情形據稱於初二日拔營徒步裹糧徑抵
濟源適該逆圍攻縣城聞大兵已到即時西
竄幸未失守現在勝保與善祿西凌阿分路
進剿而該逆已竄入垣曲且賊首傷而未死
匪黨尚有數千更恐分股竄突搶掠裹脅又
成巨患山西省籌辦防堵如封門山等處有
險可恃竟被賊匪衝過可見該省辦理全無

實際勝保現已賞加都統銜統兵追剿事權
必須歸一所有各路大營追剿官兵俱著准
其調遣以專責成山西本省將弁兵丁亦准
酌量調撥如有若郝光甲之不遵節制遲延
貽誤者即行嚴參治罪山西兵力太單哈芬
又未悉賊情恐其布置不能周密勝保善祿
西凌阿等既分兩路追剿務須設法繞出賊
前或飛咨哈芬令將何路官兵調至何處庶
可前後夾擊不至縱賊四竄也將此由六百

里加緊諭令知之○又諭本日據郭夢齡奏
賊匪西竄擾及垣曲亟請添派重兵赴晉剿
堵一摺舒興阿現駐河南府城著即就近派
委鎮將大員統帶官兵由平陸之茅津渡星
馳前往應援與勝保等合力夾攻總須抄出
賊前不令竄入平陽蒲絳一帶此股賊匪敗
竄之餘迅速兜圍可期掃除淨盡總兵郝光
甲與烏勒欣泰先由訥爾經額派往追捕該
總兵等由何路進兵即著該督飭令飛速前

進毋稍遲誤其黃河渡口有珠克登帶兵巡防仍當嚴密偵察潼關一帶與山西河南毗連均須加意防守不可稍有疏虞將此由六百里加緊諭令知之又諭本日據哈芬奏太行一帶布置周妥該撫啟程折回陽城據該撫所奏二十七日即探聞濟源之白荻村有賊匪四五百名盤踞尚在懷慶城圍未解之先據稱飛咨訥爾經額撥兵往剿何以垣曲尚無準備該撫此次所報僅防陽城各隘

於垣曲防守並未敘及是又墮逆賊避實擊虛之詭計現在本省兵力不能分撥出剿該撫已抵陽城急應前往扼要地方統出賊前截擊萬不可稍涉遲延再有貽誤山西素鮮土匪逆黨驟難煽脅惟民情素懦重身家而怯戰鬪若地方官聞警驚惶先將眷屬遷移必致居民紛紛逃避著該撫嚴諭各屬地方文武聯絡紳民悉力防禦但能固守城池援兵一到立可殲除此即堅壁禦寇之善策澤

州府在籍御史王通昭聞其倡辦團練頗有成效即傳旨諭令督率練勇商同本籍紳士妥為保衛潞安一帶防守亦關緊要僅賊匪由澤潞一帶分路竄入蔓延更不可問著臬司郭用賓現駐太行即責成嚴防不可稍有疏失哈芬遠在省南所有省城一切籌防著該藩司即督飭文武員弁並與特派幫辦之前任太僕寺少卿徐繼畬及前任鴻臚寺卿賈克慎前任內閣侍讀學士郭景倌等商同

辦理總以鎮定人心為要若官眷先移以致民情搖惑即著嚴叅重治其罪河東道張錫蕃垣曲縣知縣晏宗望是否先期逃避著該撫與該藩司一體嚴查僅有棄城先遁情形即著革職拏問按軍法從事斷勿姑容防守隘口各官兵是否遇賊即潰亦著查明具奏蒲解等處逼近陝省尤應亟籌堵禦著即知照舒興阿張祥河飭令派防文武一體嚴查至勝保進剿赴晉之兵應需糧餉著該撫與

該藩司即飭承辦糧臺之員隨時接濟毋稍
缺乏將此由六百里加緊諭知哈芬並傳諭
郭夢齡知之幫辦軍務都統銜內閣學士
勝保奏道勒西竄餘賊請飭山西撫臣及統
兵各大員撥兵截剿得旨惟有速速追剿勿
使餘燼復然况晉省富庶又密邇畿疆情形
緊要之至無論各路軍營及山西本省弁兵
俱准汝調遣方能得力又奏總兵官郝光甲
不遵調度批郝光甲既是有意遷延汝可隨

後據實奏來漕運總督福濟奏遵議皖省
請撥票鹽十萬引招商販運章程每引繳鹽
價撥費等項銀二兩有奇應完正雜課銀全
數在皖繳納以濟軍需下部議行以刑部
左侍郎恒春兼正黃旗漢軍副都統命候
補總兵官萬飛鷹赴江西本籍交巡撫張芾
差遣委用以勒辦安徽潁州府擒匪出力
賞知州張清元遊擊朱連泰花翎守備袁學
忠等藍翎並升補有差以盤獲從逆賊犯

予陝西知縣唐需霖等議敘 辛巳
太宗文皇帝忌辰遣官祭

昭陵 諭內閣朕惟致治之方安民必先察吏
各省府廳州縣皆係親民之官如能戢暴安
良留心教養俾小民咸趨正業何至惑於邪
說相習為非自軍興以來被賊滋擾地方固
因奸民煽亂亦由吏治廢弛釀成巨患即有
一二循良之吏力求整頓地方者或因資格
較深循例遷擢又或因該管上司調署他缺

未能久於其任致令司牧之官視職守為傳
舍置地方利弊於不問民風何由而淳吏治
何由而飭現在被兵省分瘡痍未復亟須廉
明之吏拯我羣生著各該督撫察看該省緊
要缺分及凋敝之區慎簡賢員俾令彈壓撫
綏力圖補救如果撫馭有方著有實效即行
奏請給予升銜仍留本任數年之後政成報
最朕必破格施恩超遷不次其餘各直省地
方並著各該督撫等隨時體察如有人地相

宜不須更調者亦可奏請加銜留任俾得盡心民事興利除弊日起有功朕將求才於循吏之中備他日封疆重寄其各勉圖報稱以副朝廷任官惟賢之意將此通諭知之○又諭僧格林沁等奏請將管帶三盟官兵之貝勒改派等語喀爾喀貝勒布彥巴達爾呼於上年承襲貝勒未經閱歷公事係初學當差於管帶兵丁要差不甚相宜著即照所奏改派乾清門行走之二等塔布囊布彥圖乾清

門行走之三等塔布囊多爾濟拉布坦布彥圖著分管喀拉沁三旗官兵多爾濟拉布坦分管土默特兩旗官兵仍著將三盟官兵交額外侍郎拉木棍布扎布總管那敷德等妥為訓練勤加操演並木蘭馬場內禽獸均准其自行槍射俾嫻技藝所請收好帳房支搭席棚存身之處著不准行○又諭昨有旨令該部酌增河南懷慶及開封許州各學額以示優獎因思上年廣西桂林湖南長沙各省

城先後被圍日久均能竭力捍禦轉危為安該處士民志切同仇深明大義自應一體破格施恩以昭激勸所有廣西桂林湖南長沙府縣學額著該部一併查明酌擬加額名數具奏欽差大臣大學士直隸總督訥爾經額等奏餘匪潰竄入山派兵追剿得旨昨已有寄諭矣據郭夢齡奏垣曲被賊竄入河北大局朕不放心卿等更不可稍存自矜之志庶期有成也○貴州學政黃統奏請飭直省堅定民志協守城池得旨所見極是已屢降諭旨矣壬午

上詣
奉先殿

專皇殿行禮遣官祭昭忠祠諭軍機大臣等前因賊匪竄入垣曲諭令勝保善祿等設法繞出賊前合力夾擊並令各路進剿官兵俱准勝保調遣本日復據郭夢齡奏賊匪於初五日由絳縣竄至曲沃縣地方逼近平陽

現在府城內存兵僅二百餘名等語該府為太原屏障關繫晉省全局賊蹤剽急若令其沿途搶掠裹脅踞險負隅或入築壘掘濠施其故智攻勦更覺費力勝保善祿等分路緊追諒不至稍有遲緩郝光甲現由澤州翻山迎擊不知現抵何處著勝保統籌全局何路可以設伏何路可以迎擊何處官兵可以就近調撥酌量妥速布置務須設法繞出賊前合力夾擊萬不可任賊紛竄致有蔓延前曾

諭令托明阿統兵馳往夾攻此時諒亦行抵晉境其應如何扼要堵截之處並著勝保隨時知照此股西竄賊匪人數尚多總以及早撲滅為要本日據哈芬奏懷慶賊匪該大臣等原擬於七月二十九日卯時出隊進攻該逆已於二十八日全行逃竄二十九日始行知覺俱係已空木城等語著勝保查明據實覆奏將此由六百里加緊各諭令知之○又諭寄諭欽差大臣湖北提督向榮等有人奏

逆首楊秀青妖幻自恣被雷擊其木人驚眇一目又金陵城中人民日夜望大兵入城各藏白布白綫以備臨時改裝投首賊營瘟疫盛行食盡無資西北一帶賊兵甚少每城堡不過一二年老之賊城內真長髮賊不及千人榔桂一帶挖煤人夫甘心從賊者不過萬人其餘皆脅從難民等語逆匪久踞金陵如果長髮真賊為數無多被脅難民亟思投首該大臣等即可督率兵勇設法乘機攻勦儘

能克復金陵則鎮江揚城之賊自必聞風膽落又有人奏揚城克復之後賊既不能安踞長江金陵會勦之時更須防其分頭潰竄宜於池太各屬扼要嚴防庶不致乘虛竄擾等語並著該大臣等統籌全局毋稍疏忽原摺二件均著鈔給閱看將此由六百里諭令知之○又諭本日據郭夢齡奏賊匪竄至曲沃縣境又據哈芬奏帶兵往勦一摺賊匪由豫竄入垣曲茲復於初五日由絳縣竄至曲沃

縣地方逼近平陽該府為省城保障城內存兵僅二百餘名實形單弱著哈芬迅即統帶弁兵兼程馳赴扼要地方迎勦杜賊北竄之路毋得稍有延誤現在勝保善祿等統領大兵分路緊追郝光甲由澤州翻山迎勦該地方文武及紳民人等如能於賊過處所登陴固守即各村莊亦皆團練自固則賊匪前無可掠後有追兵當不難立即殄滅著哈芬郭夢齡即行剴切曉諭各屬城鄉紳士商民慎

實錄卷一百三

聖

勿驚惶紛紛遷徙務宜安靜固守自相保衛若地方官有移春先避棄城不守者即行按律嚴叅重治其罪並嚴飭曲沃及平陽城內文武兵民同心守禦以待援兵太原省城即責成郭夢齡會同徐繼畬與同城官紳兵民人等密為防範嚴查奸宄總以鎮靜安定人心為要將此由六百里加緊諭令知之○又諭據郭夢齡奏賊匪竄至曲沃縣境平陽府開城防守者垣戒嚴一摺著納爾經額即飭

官兵趕緊翻山前進合力攻擊正定近界山西並著迅派將弁帶兵由獲鹿一帶入山往援可期速到該大臣即酌量調撥移遠就近毋稍延誤此股西竄匪徒人數尚多總以及早撲滅為要山西地方廓清直隸交界自臻安謐桂良駐劄保定係因該大臣督兵出省派令前往以資彈壓該尚書於直隸情形未必遽能熟悉所有各處防守事宜仍著該大臣妥籌布置前調之盛京吉林官兵四千名

實錄卷一百三

聖

昨據奏稱已飭令暫行停撥現在軍務未竣直隸地方緊要其應如何擇要防勦之處並著該大臣相機調遣將此由六百里諭令知之○以河南按察使林揚祖署布政使賞已革兩江總督牛鑑五品頂帶著河南按察使

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二

寶錄卷一百一

集

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三

救修

咸豐三年癸丑八月癸未

太祖高皇帝忌辰遣官祭

福陵○諭內閣山東巡撫李德秉性方剛持躬正直由即用知縣洊升順天府府尹外任藩司朕御極以來知其辦事認真不避嫌怨擢授巡撫即欲畀以兼圻重任適值逆氛未靖東省為畿輔屏蔽藉資保障是以暫緩遷擢嗣因賊擾河北自請帶兵越境進剿不分吟域忠悃可嘉乃以積勞成疾給假回任調理方冀速痊久承恩眷詎料回任後病勢日增

遽聞溘逝。軫惜良深。李德著追贈總督。並加太子少保銜。照總督例賜卹。任內一切處分。悉予開復。應得卹典。該衙門察例具奏。靈柩回籍時。由山東藩庫賞給銀五百兩。並著沿途地方官妥為照料。伊子拔貢生李啟訥。李啟恩。伊孫李善初。著俟服闋及歲時。由該部帶領引見。候旨施恩。以示朕篤念蓋臣之至意。尋予祭葬。諡恭毅。○諭軍機大臣等。訥爾經額恩華奏。餘匪潰竄入山。派兵追剿情形。

一摺。又片稱。賊入垣曲。添派將兵。赴陽城會剿等語。勝保此時。想已由濟源追賊前進。而郝光甲翻山由陽城進剿之兵。恐已落後。該大臣等先後所派馬步隊各兵。現在追至何處。是否與勝保等會合。晉省存兵甚少。惟有嚴飭諸軍。迅速追捕。毋令待援不至。以致失事。恩華現擬移營濟源。以為後路聲援。恐賊蹤尚遠。仍屬無濟。著即相機前進。毋稍延誤。晉省為畿輔屏藩。處處壤地毗連。關繫甚重。

若各路追兵。及早趕到。尚可即時撲滅。為亡羊補牢之計。據奏。前派雙成防守西路。何以不令郝光甲前往協防。哈芬既以晉省兵累賊數甚多為詞。該大臣等。又以西路竄出事。後歸咎他人為解。總之賊匪由豫竄入晉境。兩省督兵大員。均難辭咎。若再遷延推諉。致令賊匪踞險負隅。餘燼復熾。咎將誰執。朕賞功罰罪。一秉至公。調度有方。固不吝特加懋賞。儻玩延貽誤。亦豈能不執法從事耶。懍之。

將此由六百里加緊各諭令知之。○又諭本日據訥爾經額恩華奏。餘匪潰竄入山。一摺。已責成該大臣等。懍遵疊次諭旨。迅速派兵前往合剿矣。據稱派吉林協領台祿。黑龍江佐領巴揚阿。帶馬隊兵二百名。托雲保帶馬隊兵五百名。復派馬隊兵四百名。攜帶米糧。送往接濟。又於初一日。派總兵郝光甲。烏勒欣泰。帶兵四千名。翻山截擊。董占元帶兵八百名。以為托雲保接應。沿途追擊賊匪。現

已行抵何處。與勝保等兵是否會合。又片奏。續派天津通永宣化並山西兵共一千三百名飭令副將孔廣順管帶。取道攔車口直赴陽城。此時賊匪已竄至曲沃。逼近平陽。勝保與善祥西凌阿等務須迅速追剿。以馬隊繞出賊前。遏其北竄。斷勿任賊狂奔。肆行搶掠。裏脅。又成滋蔓之勢。訥爾經額所派官兵。前已有旨。均歸勝保調遣。著即嚴催速進。尾追已屬落後。若再遷延觀望。餘匪何時翦除。晉省為畿輔屏藩。人民富庶。斷不可再致蹂躪。至直隸正定。亦太行之要隘。已諭令訥爾經額派兵由獲鹿一帶入山。以為太原後路接應。勝保等著即通籌全局。迅掃妖氛。以副朕望。本日據御史黃經奏請解散脅從。務須廣張告示。俾得周知。以孤從逆之勢等語。並著隨時隨地。體察情形。相機辦理。將此由六百里加緊各諭令知之。○又諭。昨因賊匪竄至曲沃。諭令哈芬。迅即兼程馳往扼剿。本日據

訥爾經額等奏。派令副都統托雲保等入山。剿賊。探知該匪於初三日。已由封門口直趨邵原關。先曾咨會該撫派兵堵截。當不致任其闖入等語。昨據該撫奏稱。賊數尚多。晉省兵單。固係實情。何以一經賊匪竄至。並未聞如何接仗。而該撫所派防守垣曲之道員張錫蕃等。何以並無稟報。顯係見賊即行逃避。著即查明奏。現在賊已逼近平陽。該撫由陽城鳳臺一路前進。已恐落後。總兵烏勒欣泰。現在帶兵。是否先抵平陽。其府縣文武。如何防守。若再似張錫蕃等之遇賊即潰。勢將何所底止。但能固守城池。則各路援兵齊至。何難一鼓殲除。該省民力富厚。且為畿輔屏藩。哈芬職在守土。責無旁貸。訥爾經額先後所派馬步隊官兵。計已陸續追及。勝保與善祥。西凌阿。分路追擊。想亦緊蹙賊蹤。其郝光甲等。翻山由陽城進剿之兵。尚恐落後。必須飛催前進。毋任觀望。該撫即遵昨降諭旨。迅

速馳赴平陽一帶扼要迎擊此股賊匪為數尚多如稍涉遲延致賊分竄汾霍之間則省城情形益形喫重該撫其能當此重咎耶又據御史黃經奏請飭廣張告示解散脅從殺賊自新者不獨免罪且予厚賞等語著該撫等酌度辦理亦所以孤賊勢而速奏功也將此由六百里加緊諭知哈答並傳諭郭夢齡知之○又諭本日已降旨令張亮基調補山東巡撫未到任以前即著崇恩署理現在懷

慶解圍賊匪西竄歸德一帶擒匪時尚出沒金陵揚州圍攻日久賊勢亦漸窮蹙難保不奔竄北來山東與河南江南交界地方並黃河各渡口均關緊要張亮基到任尚需時日著崇恩督同文武各員實力巡防毋稍疏忽所有按捕土匪盤詰奸細並捐輸團練各事前經李德布置甚為周妥務須查照章程認真辦理不得因暫時署任稍存推諉勉之慎之將此由五百里諭令知之○山東布政使

崇恩奏報巡撫李德因病出缺並代遞遺摺得旨不料汝志未伸竟至不起朕屢欲授汝總督第因東省緊要故爾遲遲所幸懷慶圍解雖餘賊竄入晉省河北大局稍有頭緒汝竟未及見汝其有知尚能為朕憤志殺賊乎此諭李德之旨○若該撫靈樞尚未啟程著崇恩另錄一通在靈樞前焚化○以署湖廣總督張亮基為山東巡撫未到任前以山東布政使崇恩暫行署理○實授駱秉章湖南巡

撫○甲申命於

大高殿設壇祈晴

上親詣行禮○詣

時應宮拈香遣惠親王綿愉詣

凝和廟惇郡王奕諒詣

宣仁廟成郡王載銳詣

昭顯廟拈香○諭內閣張芾奏叅剿捕土匪

失利之道府一摺江西泰和縣土匪滋事經

該撫札飭贛南道周玉衡吉安府知府王本

梧先後馳往會同勦辦七月初一日該道督帶兵勇馳抵泰和縣境探聞賊聚水南地方該道督兵涉水往勦該匪千餘人逞兇拒敵我兵施放槍礮斃賊一百二十三人奪獲黃旗一面鐵礮五位匪黨乘舟竄逃時該處祠內尚有賊匪屯駐該道用火焚攻兵勇等急於滅賊冒險趕入祠內致有傷亡該府王本梧由省聞警折回督帶兵勇往勦因協同領兵之守備未能趕到該府馳抵倉背嶺地方

駐劄亦被賊傷退保郡城周玉衡久任江西捕匪向稱得力此次失事雖因兵勇貪功所致而文武員弁受傷陣亡究屬咎無可辭王本梧雖經受傷亦屬防勦不力均著革職暫行留任以觀後效其吉安營守備兵殿卿奉調領兵因何遲延貽誤之處著即查明具奏現在總兵阿隆阿已帶兵馳往勦辦著即會同該道府迅將此股土匪殲除淨盡毋稍遲延諭軍機大臣等本日據郭夢齡奏縣

已於初五日失守賊匪現擾曲沃逼近平陽太原省城兵力甚單無可調撥請飭各路重兵星速援應等語是晉省曲沃平陽一帶情形萬分喫緊雖勝保等已由濟源追賊前進該大臣已派馬步隊各兵繞道前往但俱係從後尾追不能抄出賊前仍恐緩不濟急若賊奔竄汾霍之間則太原省城甚屬可慮其東路直接井陘等處乃畿輔最要關隘前有旨令訥爾經額即派將弁管帶正定防兵星

夜啟程由獲鹿山口直抵太原徑趨霍岳即可迎頭截擊此舉萬不可緩至正定一帶為畿疆門戶即著該大臣酌調他處官兵前往防守如此一轉移間即可速援晉省而正定要隘防堵仍不稍疏前派帶兵之郝光甲等現已行抵何處著即飛催速勦並將各路追賊接仗情形隨時奏報以慰廑念將此由六百里諭令知之又諭據舒興阿奏探聞賊匪西竄撥兵堵勦等語晉省為京師屏蔽關

繫甚重。該督現將觀音堂駐劄之涼莊滿兵五百名。派副都統綿洵統帶。於初七日由茅津口渡河前進。著即飛催迅速馳抵勝保軍營。以資協剿。其孟津渡口。仍嚴飭珠克登等實力巡查。毋任匪黨偷越。至陝州一帶情形。喫重該督仍即暫駐該處。相機調度。應如何撥兵進剿。或必須出境扼截之處。均著隨時妥速籌辦。仍須與晉省聲勢聯絡。不可稍涉疏虞。所派總兵桂齡帶兵折回聽候調撥之處。即照所議辦理。將此由六百里諭令知之。

又諭郭夢齡奏省垣兵勇無多未便遵調出省一摺。太原省城關係全省大局。現在防守亦極緊要。存省兵勇僅三千餘名。自未便再調出省。以致人心疑懼。著哈芬於調往澤州防口官兵內酌撥一千名。繞赴韓侯嶺堵截。仍將所調大同鎮兵一千名。催令迅赴霍州一帶駐劄防守。現在賊匪占踞曲沃之上西關及三里橋等處。並焚燒東門。急宜迅速

勦辦。勝保善祿等追剿之兵。計已趕到。哈芬想亦馳赴平陽扼要迎截。務須前後夾攻。與各路援兵聲勢聯絡。萬不可稍涉延緩。太原為畿輔屏蔽。該藩司即督同紳民妥為布置。嚴密設防。毋令紛紛遷徙。尤宜偵緝奸細。毋稍疏忽。絳縣失守。文武下落及張錫蕃等逃遁情形。均著確查奏報。毋許稍有隱飾。平陽以南道路既有阻隔。一切文報即飭繞道行走。毋稍遲滯貽誤。將此由六百里加緊諭知。

哈芬並傳諭郭夢齡知之。又諭據江忠源奏請製戰船以清江面一摺。賊匪自攻陷金陵揚鎮三城以來。擄掠民船數已逾萬。我軍攻剿未能得手。皆由戰艦無多。致令長江天塹無所控扼。近又攻撲江西省城。分擾瑞州豐城饒州各府縣。逆氛猖獗。亟宜設法先清江面。前有旨令張亮基等購募船礮。酌派兵勇順流而下。與下游師船兩路夾攻。想已遵辦。惟江路綿長。必須廣為製造。著裕瑞張亮

基崇綸駱秉章等於四川湖廣等處仿照廣東挖罟船式速即雇覓工匠共製戰船百餘隻每船約載兵五十名均著剋期三月一律齊備以資調遣本日已令葉名琛等迅將船隻式樣咨行各該督撫查照辦理並備五百斤三百斤礮位千餘尊應用矣川省應造船隻或在該省或在湖北宜昌一帶製造即由裕瑞酌量辦理所需經費亦著該督籌款趕辦又據奏四川嘉定府知府俞文詔熟悉工

實錄卷一百一十五

十一

程著即飭該員監造總期妥速堅固為要至此項船隻成造尚需時日前諭湖北湖南兩省購募船隻仍著張亮基等遵照趕辦儻能與下游艇船併力肅清江面金陵揚州先經收復所有新造戰船尚可為他日江面水師之用原摺著鈔給閱看將此由五百里各諭令知之○又諭前經疊降諭旨令葉名琛等雇備紅單船隻載礮駛赴江南助勦業已前後開行茲據江忠源奏製造戰船以廣東挖

罟船為式著葉名琛等速將此號船式咨明各該督撫仿照製造即選派熟習工匠數名令赴兩湖南北俾資製造並著葉名琛等購備夷礮五百斤三百斤重者合千餘尊剋期三月解至武昌以便配搭船隻分布水師各營為水陸夾擊之計又廣西石江道張敬修籍隸廣東購備礮位雇募水勇均所熟悉著葉名琛飛咨勞崇光如該員能前往督率辦理當可得力也將此由五百里各諭令知之

又諭張芾奏省城堵禦接仗情形一摺七月十八日至二十七日江西守城官兵疊次破賊地道並經湘勇楚勇與滇兵楚兵川勇貴勇分路進攻乘勝追殺賊匪從後左右抄出兵勇支持不住致陣亡百餘名之多幸武生楊虎臣帶領湘勇橫截賊前得以轉敗為勝其餘各路先後出隊誘戰均未得手是南昌城外賊眾尚多並無潰散之勢該省拒守兩月有餘而饒州瑞州又疊次失事吉安贛

州一帶土匪復肆行滋擾。著張芾與陳孚恩、江忠源督率在事文武員弁迅籌堵剿。毋稍疏懈。另片奏。七月十三日。饒州失守。該府以下各官均無下落等語。著即查明具奏。其鄱陽縣知縣沈衍慶、樂平縣知縣李仁元、力盡捐軀。著與被戕之萬安縣典史及被匪殺斃之縣署眷屬均即查明奏請議卹。署高安縣知縣如何下落。著一併查明具奏。該撫自請從重治罪之處。著暫行存記。其保奏守城出力之糧道鄧仁謨。知府林福祥、署鹽道王訓。雖有微勞。惟於所轄府縣均有失事。該員等未便即行免議。著一併存記。均俟軍務告竣再降諭旨。現在吉安府城被匪攻撲。總兵阿隆阿帶兵六百名前往剿捕。兵力尚單。該撫已派令湖南道員夏廷樾。知州朱孫詒等帶領楚勇湘勇馳往援應。著即督飭該員等合力攻剿。迅速撲滅。江忠源奏請製造戰船。購備戰位一摺。本日已分別諭知四川、兩湖廣

東各督撫辦理。其保奏各員除已革同知勞光泰毋庸派辦外。知府俞文詔、道員張敬修已諭令裕瑞、葉名琛飭知該員等一體遵照。其夏廷樾、林福祥二員現在江西。應於何時飭往何處監督船工。購備募勇之處。著張芾、江忠源酌量妥辦。將此由六百里加緊諭知張芾並傳諭陳孚恩、江忠源知之。陝甘總督舒興阿奏遵查都司曹鵬彪被兵戕害情形得旨。如果業普崇額有逃避情事。必應嚴

辦示懲。若曹鵬彪懷疑妄控事關軍務。亦不准以痛兄情切代為解脫。以江西省城防剿出力。賞都司戴文蘭守備李輔朝巴圖魯名號。知府耆齡參將柏英遊擊祥麟常海守備藍蓉等花翎。從九品汪寶樹等藍翎。已革按察使徐思莊五品頂帶。餘升補開復有差。以江西豐城縣被賊竄陷。知縣陳繼思革職逮問。並革知府盧琳都司高彬職。均暫留任。予江西陣亡千總蔡文源照磨湯恩釗

縣丞汪普慶祭葬世職○以江西勦賊帶兵
挫衄革總兵官音德布等職仍留任○予陣亡
千總楊受春訓導謝邦翰從九品易良幹羅
信東羅鎮南祭葬世職○乙酉

上詣

壽皇殿行禮○詣

壽康宮問

皇貴太妃安○諭軍機大臣等○本日據哈芬奏
盤獲逆賊偽軍師張維藩賊犯任學體及河

南孟縣帶路民人許完偏等三犯嚴加拷訊
據供係張維藩帶賊八百名令許完偏帶路
陸續入山西境定於八月初九日襲取長子
縣如有準備即回大名等語此等奸細所供
雖未盡確亦不可不嚴密防備且直隸與山
西接壤當此賊蹤肆擾難保無土匪乘間竊
發潛相勾結即如七月間唐縣等處匪徒搶
掠嘯聚至百數十人疊經寄諭桂良僅據奏
稱各縣捕獲夥犯七名首匪在逃未獲若不

實力查拏必至釀成巨患著訥爾經額督飭
各該地方官不動聲色密速擒捕毋任竄逸
其大名府屬如有山西竄回匪黨並著嚴緝
懲治以杜奸萌將此由六百里諭令知之○
又諭陸應穀奏派兵嚴防河岸情形一摺逆
匪由懷慶竄入晉境沿河一帶地方自應嚴
密防範所有汜水等處各渡口該撫已添派
兵勇防守並著嚴飭各地方文武晝夜巡查
無任偷渡豫省現獲奸細訊有賊欲分股前

來汴梁之說雖不必遽信為真亦不可不豫
為防備該撫現擬折回省城務當鎮定人心
無令驚惶遷徙歸德擒匪自徐廣緝到後漸
次解散該撫現派都司常啟雲帶領壯勇前
往隨同徐廣緝擒捕不難一律肅清王家琳
等所帶各兵准其裁汰疲弱選擇精銳千名
派往永城駐劄以堵賊匪北竄之路該撫仍
當隨時密加偵探何路緊急即應親往督辦
切勿株守省垣致誤事機經文岱本文訥爾

經額差遣委用。今已勦匪回省。著即飭令該總兵。前赴訥爾經額行營。聽候差委可也。將此由五百里諭令知之。又諭哈芬泰。探聞垣曲失守。現已撥兵追勦一摺。此時勝保善祿追勦之兵。諒已趕到。訥爾經額先後派令副都統托雲保。總兵郝先甲。烏勒欣泰。及副將孔廣順。帶領馬步各隊。約六千餘名。跟蹤前進。並舒興阿。將觀音堂駐劄之涼莊滿兵五百名。派副都統綿洵統帶。由茅津口渡河前進。兵力已足。資勦辦該撫諒亦馳抵平陽。著即督飭總兵烏勒欣泰。扼要堵勦。並飛催各路官兵。四面兜圍。以為一鼓殲除之計。該撫前派張錫蕃等。防守要隘。何以賊至並未接仗。遽爾失守。即訊因賊匪假作難民。內應何以該員等。平時漫無偵察。臨時又任聽該縣晏宗望誤認釋放。顯係事後捏詞掩飾。其畏葸逃避之罪。此等庸劣貽誤員弁。必應按律嚴懲。著該撫迅即查明。據實定擬。不准稍

有迴護。至監掣同知魯鴻疇。前據藩司奏稱垣曲失守。係接該員稟報。何以該撫處並未稟知。著一併確查具奏。將此由六百里加緊諭令知之。又諭前因江北防守緊要。疊經降旨。諭令慧成折回清江。與琦善咨商。扼要設防。茲據慧成奏。據琦善咨稱。東路添兵。尚可從緩。皖省情形喫緊。擬親自督兵。前往和州一帶。相機迎勦等語。賊匪竄至廬州。運漕鎮。並有賊船。欲由巢湖等處。攻撲廬州。皖省兵單。不可不嚴加防堵。慧成著即帶兵馳赴和州一帶。會同李嘉端。迅籌進剿。以遏賊北竄之路。其揚州東北一帶。疊據雷以誠。福濟以勇。多兵少為慮。奏請添兵。亦係實在情形。著琦善統籌全局。於奕經容照所帶官兵。內酌量調撥。前往協剿。毋令賊匪乘虛竄逸。將此由五百里各諭令知之。山西巡撫哈芬泰。防堵曲沃縣境。並陳山西民情。得旨所奏山西民情懦弱。自係真情。然亦不可自恃無

恐汝正摺所陳。防其回竄。是亦太拙。此時賊往北竄。其得在速。豈肯前無巢穴。又行回竄。官兵追剿。惟虞稍緩。若能趕上痛剿。後使賊匪在晉省。無利可圖。則須嚴防回竄。汝之料事。易弗了然也。○命署戶部尚書左都御史朱鳳標。刑部左侍郎恆春。馳往山西。查辦河東鹽務。○以禮部尚書徐澤醇。兼署戶部尚書。戶部左侍郎德馨。兼署刑部左侍郎。○以山西垣曲縣城被賊竄陷。革巡撫哈芬職。仍留任。

丙戌。諭內閣。京師自七月以來。雨水過多。雖連日天氣晴明。而秋收未免歉薄。糧價稍昂。貧民度日維艱。向例京師每年十月初一日。開設飯廠。著加恩先期於九月初一日。各該城照舊設廠。煮飯散放。俾資接濟。○諭軍機大臣等。本日據郭夢齡奏。賊匪於初十日已刻。已在平陽府東西南三門。放火攻城。各路援兵。尚未趕到。請於附近防兵。飭調二三千名。星夜來晉等語。覽奏實深焦灼。平

陽為太原南路保障。若有疏虞。不但太原等處。被其滋擾。即畿輔亦恐震動。著訥爾經額。遵照前旨。即撥正定官兵數千名。星速入山。赴援。並著揀派曾經行陣。得力將弁管帶。前進直趨太原以南。至霍州靈石韓侯嶺一帶。險要地方。駐劄堵賊。北竄太原之路。並可沿途偵探賊蹤。迎頭截擊。其獲鹿井陘一帶。為山西直隸交界要路。山徑險峻。著即調撥重兵。移遠就近扼要防守。現在懷慶附近地方。

仍應嚴密扼守。其臨洺關等處防兵。及盛京吉林各兵。均可酌量移撥正定一帶。以資守禦。晉省賊匪。一日不除。近畿各處。一日不能安堵。訥爾經額。身為統帥。責無旁貸。吟域之見。不可稍存。尤不可以殘賊視之。率曰不至於夫。不至於一語。誤人甚多。尤可笑。是彼昏愚者。至不可為。猶曰斷不至於。卿其戒之。將此由六百里加緊諭令知之。○又諭本日據郭夢齡奏。曲沃失守。賊圍平陽一摺。覽奏曷

勝焦急。前因賊竄山西。勝保等跟蹤追擊。諭令迅速剿滅。現在平陽府城被圍。守兵僅二百餘名。極為羸弱。總兵烏勒欣泰。自澤州攔車鎮。前赴平陽。至今未到。哈芬帶兵無多。赴援亦甚迂緩。恐係聞賊勢剽急。遷延不進。若平陽稍有疏失。關繫非輕。且平陽迤北。霍州韓侯嶺一帶險隘。現俱無兵扼守。踰嶺而北。則太原省城正當其衝。若任賊突過霍州。由太原直下井陘。踞險內竄。勢將何所底止。賊

匪冒險深入。利在速奔。乘我不備。勝保善祥。西凌阿等。務須帶兵疾馳。使賊無暇喘息。勦辦方可得手。訥爾經額所派各路援兵。並著飛催前進。尤須設法繞出賊前。此係最要機關。不可稍緩。澤潞山徑。可通太原之路。勝保等諒已探明。即派奇兵繞道開出。扼定霍嶺前後夾擊。此股逃匪。當不難迅速殄滅也。前有旨各路進剿官兵。均准勝保調遣。務當統籌全局。相機督勦。如有不遵調遣。畏葸貽誤。

者。即著嚴叅。以軍法懲辦。並將勦賊情形。隨時奏報。以慰廑念。將此由六百里加緊諭令知之。○又諭。寄諭陝甘總督舒興阿。本日據郭夢齡奏。曲沃失守。賊圍平陽。請添兵迎勦。一摺。著該督仍飛催前派之兵。星夜進行。毋稍遲滯。山陝交界地方。尤宜嚴防。即酌量緩急。妥籌辦理。鳳邠道文海。已調補山西河東鹽法道。著即飭令速赴新任。賊雖竄入晉省。幸河東鹽池一帶地方。現尚未遭蹂躪。該員

及早到任。並可督率團練。綜覈經費。為我軍追賊後路接濟。於山陝交界地方。亦可聯絡。至陝西應解部款。均已啟程。現在道路梗塞。務即設法運解。改道前進。勿致遲誤。將此由六百里諭令知之。○又諭。寄諭山西巡撫哈芬。本日據郭夢齡奏。初十日賊匪已在平陽府東西南三門。放火攻城。洪洞相距六十里。百姓均皆逃散等語。覽奏實深焦灼。已諭令勝保善祥等。督兵前進。星速赴援矣。平陽府

城存兵僅二百餘名。當此賊勢猖獗。兵力實形單弱。該撫於初六日。始由澤州啟程。取道潞安。繞赴平遙。再往韓侯嶺迎剿。烏勒欣泰於初三日。自澤州攔車鎮起身。距平陽僅四百餘里。尚未趕到。似此行走迂緩。必致貽誤事機。平陽為省城屏障。設有疏失。則汾霍一帶。在在堪虞。該撫身任封疆。自問當得何罪。烏勒欣泰現在行抵何處。該撫即傳旨該鎮。儘再延誤。軍法具在。決不姑寬。平陽以南。道

路阻隔。一切文報軍餉。務須設法繞道行走。毋致遲誤。將此由六百里加緊諭令知之。又諭郭夢齡奏賊匪已在平陽府放火攻城。一摺。覽奏實深憤懣。勝保善祿。西凌阿等。帶兵追剿。計此時已可趕到。訥爾經額先後派托雲保等領馬步各隊官兵六千餘名。分路追擊。又諭令派兵由正定入井陘山口。為太原後路應援。即可向前路迎剿。本日復諭令勝保等及哈芬。烏勒欣泰星速馳赴平陽。指

日大兵雲集。合力攻剿。此股賊匪無難速就殲除。省城防守。關繫緊要。該藩司惟當督率文武員弁。及紳民人等。嚴密巡緝。總以鎮定人心為要。其霍州要隘。仍須設法。飭令地方文武紳民。厚集練勇。力扼賊衝。萬不可聞警紛紛逃散。轉遭搶掠。洪洞趙城一帶。情形如何。隨時具奏。又諭本日據許乃普奏。閩廣東內河外海各廳縣。均有捐造緝捕快船。船道光年間辦理夷務時。土匪蜂起。添造此船

為數不少。沿江沿海緝捕盜匪。悉藉其力。嘆夷之大輪船。駛入河內。惟此船可以制勝。蟹船形如蜈蚣。上無篷窗。利於用武。船頭暗藏大礮。旁列子母礮。護以魚網。槍礮不能擊中。船勇皆係各廳縣雇募練習之人。技藝嫺熟。洵為水戰第一器械。均由該廳縣捐辦現成。無須另行籌辦。各等語。現在江南勦辦賊匪。此等船隻。是否能由大洋入江。著葉名琛。柏貴體察情形。如果此船可期得力。著即派委

得力員弁管帶快蟹船二三十隻。迅由海道馳赴江南。駛入長江。合力圍剿。並著派軍功五品頂帶梁恩升千總王耀吉。已革千總陳高。守備衛佐邦。隨同水師乘駕快船。前往江南聽候調遣。將此由五百里諭令知之。○幫辦軍務理藩院尚書恩華奏。賊匪潰竄。沿途續有斬獲。得旨。已有旨令汝前進。豈可株守一縣。置賊竄於不問也。○以前任庫倫辦事大臣玉明署正黃旗漢軍副都統。○以籌辦

江南浙江海運事竣。賞戶部尚書孫瑞珍。倉場侍郎慶祺。花翎出力員弁。加銜升敘有差。以廣西行營糧臺冊報無誤。並攻勦新墟等處賊匪出力。賞知縣鳳貴。花翎餘關復升敘有差。○以拏獲安徽定遠縣土匪。賞知州李登洲。花翎。旌表守正捐軀。河南河內縣民劉可秀妻朱氏。○展緩湖南被賊各州縣。咸豐二年未完額賦。○丁亥。諭內閣。慧成楊以增等奏。察看已革知縣官聲才具。據實聲

明一摺。江蘇署邳州知州溧陽縣知縣焦肇瀛。前因遲誤兵差。由慧成奏革職。嗣經周天爵以查拏擒匪出力保奏。當交楊以增差委。並著周天爵會同察看。茲據慧成。楊以增會同周天爵奏。查明該革員官聲尚好。緝匪認真。焦肇瀛前叅革職處分。著改為革職留任。仍飭令署理邳州印務。○又諭楊以增奏。遵查專辦豐北西壩尾工程之員。據實叅奏一摺。此次豐北西壩尾漫溢處所。係邳北守

備徐成宗承辦工段。實屬咎有應得。徐成宗著交部嚴加議處。○命前任湖南布政使潘鐸。馳赴山西省城。會辦防勦事宜。○戊子。諭內閣。刑部奏。覈議妄著私書人犯罪名一摺。陝西郃陽縣民人呂益謙。編著無瑕玉私書。囑伊表姪王向離。攜帶來京。希圖呈獻。實屬謬妄。著照部議。杖六十。徒一年。仍著該管地方官嚴加管束。隨時察看。如再不安本分。即著從嚴懲辦。其王向離一犯。著照例杖一百。

折責發落。遽回原籍。交地方官嚴加管束。○又諭。前因賊擾懷慶。密邇山西。疊次諭令哈芬嚴密防堵。該撫前奏。布置隘口情形。據稱已屬周密。乃賊匪突陷垣曲。擾及絳縣。曲沃直撲平陽。疊據藩司郭夢齡馳奏。而哈芬近在省南。奏報轉遲。且由陽城親帶官兵進剿。自應迅赴平陽迎擊。何以遷延旬日。至今尚逗遛潞郡。本日始據奏到。絳縣曲沃失守。於賊擾平陽府城情形。茫無聞知。該撫統轄全

省。不知所司何事。即如同知魯鴻禔稟探垣曲賊情。郭夢齡據以入告。哈芬並未接閱。是文員之不遵調度可知。烏勒欣泰。係本省總兵。例歸巡撫節制。何至屢催罔應。尚須請旨飛調。是武職之不遵調度可知。至請以所帶兵百名。守護入京要隘等語。直是束手無策。似此調度乖方。畏葸無能。若仍令待罪封疆。必致更滋貽誤。哈芬著即革職拏問。由郭夢齡派員解京。交刑部按律治罪。河東道張錫

蕃垣曲縣知縣晏宗望。監掣同知魯鴻禔。著參將玉恆。著與絳縣知縣潘名魁。曲沃縣知縣丁璜。一併革職拏問。交郭夢齡嚴行審訊。如係避賊先逃。棄城不守。即於訊明後。奏請按律正法。以肅軍令。現在進剿之各路官兵。前已有旨。俱准勝保調度。著即申明紀律。嚴定賞罰。迅掃賊氛。以副委任。○又諭。前以賊竄豫省。大兵會剿。特命訥爾經額為欽差大臣。各路官兵。統歸節制。迨賊圍懷慶。朕以該

郡與晉省接壤。屢經降旨。令該大臣派兵分路嚴防。杜其西竄。諄諄訓示。至再至三。訥爾經額身為統帥。自應通籌全局。嚴密堵截。乃懷慶之圍甫解。而賊匪竟由西路竄入晉境。由垣曲絳縣曲沃。擾及平陽。雖經勝保等跟蹤追剿。訥爾經額派撥官兵。先後援應。而該大臣調度布置。未能周密。實難辭咎。現已將山西巡撫哈芬。革職拏問。治罪。訥爾經額著即褫去黃馬褂。以示薄懲。仍著懷遵前旨。嚴

飭援兵迅速前進並飭繞出賊前扼要攻勦痛加勦洗務將賊匪殲滅無遺儻再延緩致令紛竄滋蔓惟該大臣是問恐不能當此重咎也○又諭哈芬奏貽誤軍行之知縣等語山西陽城縣知縣孫培舍於陝安鎮總兵郝光甲帶兵行抵該縣並未將所需贏頭先為豫備咎實難辭孫培舍著摘去頂帶仍交部議處惟軍行首貴迅速該地方官如有應付不齊者原應治以遲誤之罪而近來帶兵各

員往往心存畏蒞遷延不進率以守候軍裝贏馬為詞以遂其躲避取巧之計此等惡習尤堪痛恨郝光甲經訥爾經額等飭令帶兵進剿乃遲之又久始由鳳臺行抵陽城交界地方猶復藉詞逗遛著勝保查明該總兵如係畏蒞巧避即著一併嚴叅治罪○諭軍機大臣等昨聞曲沃失守賊圍平陽已諭令勝保等帶兵疾馳赴援諒已星速前進惟連日未據奏報不知行抵何處是否與賊接仗實

深懸繫平陽關繫晉省大局豈可稍有疏失現在各路進剿官兵俱准勝保調度著即統籌全局飛催各路帶兵員弁前進有緊追賊後者更須有抄出賊前者必使該逆腹背受敵方可悉數殲擒其霍州要隘係由平陽通太原之路必須設法派兵繞道扼守方為上策想勝保定能酌量調度也將此由六百里加緊諭令知之○又諭昨據郭夢齡奏賊匪圍攻平陽一摺晉省為神京右臂固關等處

皆與畿輔毗連關繫甚重昨有旨令訥爾經額撥兵由獲鹿一帶進剿以為太原應援惟直隸與山西錯壤處所甚多不可不豫為防備訥爾經額遠在清化鎮誠恐未能兼顧桂良駐劄保定著即於交界地方妥籌堵禦督飭文武官弁嚴密布置總以查拏奸細鎮定人心為要前此唐縣匪徒現在拏獲若干未見續報是否搭捕淨盡並著桂良查明具奏將此諭令知之○又諭昨因曲沃失守賊擾

平陽諭令舒興阿嚴防山陝交界地方並飛催前派之兵星夜遄行以援晉省本日據桂明奏陝省防務緊急兵力單薄不能帶兵前往山西一摺所奏自係實在情形現在賊圍平陽該處距陝不遠潼關大慶關等處以及沿河一帶均關緊要業經該提督於各要隘分駐官兵務當嚴密防守實力巡查至所稱撤收沿河船隻以免搶船偷越等語著即嚴飭地方認真辦理勿稍疏懈目下晉省情形

喫重儻山陝交界處所賊蹤已遠該督等仍當酌度緩急以為鄰省援應毋失事機將此由六百里各諭令知之○又諭逆匪由懷慶竄入山西境內連陷城邑直逼平陽已明降諭旨將哈芬革職拿問解京治罪並命郭夢齡署理山西巡撫矣郭夢齡前奏省城防守事宜已嚴督文武官紳趕緊布置此時當已周妥賊攻平陽又已數日現在守禦情形何如澤潞進追之兵業經遲誤其勝保等兩路

一由封門山入口一由濟源縣沿河追勦均係緊躡賊蹤此時是否已抵平陽日內未見奏報或因南路文報梗阻該署撫即速探明具奏以慰廛念平陽迤北一路平行除韓侯嶺外別無可扼之險省城存兵誠無可撥他處有無可以移緩就急之處即著迅籌緩急調往堵截並飭所派委員曉諭該處紳民集勇嚴扼萬不可任賊稍有竄越前諭訥爾經額派撥正定官兵由獲鹿井陘入山赴援著

即飛催前途儻能趕到霍嶺扼要夾擊勦辦當可得力山西巡撫兼任提督通省營伍皆歸節制應如何布置即著嚴催迅撥如查有不遵調遣畏葸避賊及地方官吏聞警先逃者均著按律以軍法從事不可稍事姑息其郝光甲烏勒欣泰之兵亦即加緊催督以為夾擊之計不可聽其沿途逗遛又蹈哈芬故轍本日又有人奏介休縣之烏鼠谷交城縣之葫蘆峪均為通藪太原縣山中多產硫磺

亟須嚴密防範。亦著該署撫一體訪緝。認真查察。毋得稍有疏懈。將此由六百里加緊諭令知之。又諭據德勒克多爾濟等奏。俄囉斯固畢爾那托爾谷稱。果爾畢齊河地界。並未立有界牌。以及近海一帶。呈請定立界限。一摺。俄囉斯近海一帶地方。有無設立界牌之處。理藩院定例。並未詳載。著英隆先行查明。該果爾畢齊河東山之南北兩處。從前如何分定界限。以及伊等近海一帶地方。究係

應否設立界牌之處。著即行文。知照德勒克多爾濟等。循照舊例。妥為辦理具奏。俄囉斯原文。著即鈔給閱看。將此諭令知之。又諭適閱德勒克多爾濟等奏。俄囉斯固畢爾那托爾谷稱。果爾畢齊河地界。並未立有界牌。其近海一帶地方。請立定界限。一摺。當寄諭黑龍江將軍英隆。令其就近查明矣。惟此事乃我國與俄囉斯國疆界。所繫甚重。著德勒克多爾濟。訥勒亨。額體查該果爾畢齊河東

山南北兩界。究係有無界牌。以及近海一帶地方。應否立界之處。體查情形。照舊辦理。著俟英隆行文庫倫時。詳細查明。辦理具奏。俄囉斯原文。著一併鈔給閱看。將此諭令知之。兩江總督怡良等奏。風聞嘉定上海匪徒滋事。並赴蘇查辦。得旨。起事緣由。著先行查明具奏。尋奏。因恩旨豁免道光三十年以前民欠。民間誤會。以為三十年漕糧亦奉蠲免。疑吏胥滋弊起釁。報聞。以刑部左侍郎恆

春為山西巡撫。未到任前。以布政使郭夢齡署理。以山西太原府知府吉祥暫護布政使。以山西勦賊帶兵耽延。革總兵官烏勒欣泰職。仍留任。己丑。諭內閣。前經降旨。令各直省督撫。率同紳民等。認真團練。保衛鄉閭。並刊刻嘉慶年間。明亮德楞泰。築堡禦賊疏。龔景瀚。堅壁清野議。頒發各省。諒已實力奉行。茲據光祿寺卿宋晉呈進。鄉守輯要合鈔一書。朕詳加披閱。於團練事宜。頗為詳備。

著一併交武英殿刊刻進呈候旨頒發○又諭戶部奏淮南鹽務緊要請飭江督責成運司妥辦一摺淮南引鹽因道路梗塞未能銷運而產鹽各場尚屬完善若任聽私煎私售致自然之利棄之如遺於釐網全局大有關係著兩江總督飭令運司移駐通泰適中之地督同運判場員就場徵課即照戶部所議章程變通酌辦期於課項實有裨益現在運司更長尚未到任即責成署運司郭沛霖悉

心經畫將來度長到任後仍著郭沛霖幫同辦理以資熟手○又諭戶部奏派查礦山情形並有肆行私挖等弊請旨嚴行究辦一摺赤城縣屬之九龍山佐金硎有旗人領催穆通阿張挂兵部旗號私挖礦硎經戶部司員查詢據稱領有兵部路引前來開挖堅抗不服該領催穆通阿因何得有路引前往該處偷挖礦硎著兵部並該旗查明具奏以憑覈辦尋兵部奏鑲紅旗滿洲領催穆通阿請假

往直隸赤城縣等處採辦礦苗據該旗來咨照例給與路引並據都察院奏穆通阿以委員串商霸占礦硎等詞具控得旨交刑部審明辦理又鑲紅旗滿洲都統載垣等奏查明私挖礦硎案內參領行文正臺及原呈與副臺不同顯有情弊得旨參領伊昌阿著即解任交刑部歸案審訊尋刑部奏穆通阿冒領路引私掘礦硎比例從重定擬發邊遠充軍並訊明誣控委員霸占礦砂等情伊昌阿於

穆通阿欲開礦硎改補文臺事後查知並不究辦應交部議處餘俱問擬如律從之○又諭戶部奏關稅情形請照常辦理以裕課稅而杜弊端等語各關課稅向例俱按正額盈餘額定銀數徵收自本年二月逆匪竄擾江南游野淮安九江蕪湖鳳陽等關紛紛奏請儘徵儘解繼而崇文門臨清關亦援案奏請業經降旨允准惟各關距賊氛遠近不一情形亦各不同若概以儘徵儘解為詞漫無限

制必至任意侵虧弊端百出著照部議嗣後各關均宜設法整頓仍遵額定稅數照常徵收不准以儘徵儘解違例奏請致滋流弊如將來虧短實屬有因著俟一年期滿奏報到時由戶部酌量情形分別奏明請旨覈辦○又諭前據禮部進呈福建舉人林昌彝所進三禮通釋一書當交南書房翰林詳加閱看茲據奏稱該舉人尚能旁徵博引留心載籍不為浮靡之學惟繕寫尚多脫誤業經逐卷

黏籤著禮部仍將原書發交該舉人照籤改正再行進呈○諭軍機大臣等琦善等奏連日圍攻情形一摺逆匪久困揚城屢次絕城思竄均經該處兵勇分路截擊殲斃不少其通船各水路均已沈石釘樁陸路各要口亦均嚴密堵禦復嚴禁粒米入城斷其接濟外援既絕自有生困之勢惟賊勢愈窮則愈圖竄逸一旦潰圍而出分擾他處又成蔓延之勢不可不嚴加防範該大臣等務當分飭官

兵各路守禦勿墮奸計其金陵鎮江賊船尤須嚴防竄入琦善陳金綬當以誠福濟雖分路駐劄實共辦一事琦善身為統帥更屬責無旁貸趁此賊勢窮蹙同心合力迅圖克復久困之賊不難聚而殲旃也將此由六百里諭令知之○又諭駱秉章奏請調廣東挖罟等船駛赴金陵以資堵剿一摺據稱挖罟快蟹等船可由廣西陡河入江前赴金陵等語此項船隻既可由內河駛達江南自無須遠

涉大洋轉稽時日著葉名琛柏貴迅速雇備挖罟船百隻快蟹船數十隻選派得力將弁配帶礮位火器駛駕入江與前赴江南之紅單船及各師船會合夾擊以期迅掃賊氛所有應需經費該督等即設法妥速籌辦毋稍延誤原摺著鈔給閱看將此由六百里諭令知之先是幫辦軍務刑部右侍郎雷以誠奏請在江南泰州寶應分設捐局按照糧臺酌減二成收捐銀錢米石均准交納並以足

制錢一千六百文。作銀一兩。下部議。至是戶部議奏。據雷以誠奏稱。給發實收。有關防可用。稽查捐局。聲息相通。支放並無虧折。錢米按時值銀價扣算。其制錢百千。加費二千。毋庸另議運腳。章程尚為覈實。應如所奏辦理。從之。○欽差大臣都統銜琦善等奏。揚城賊匪。復圖奔突。經官兵擊退。賊計漸窮。現仍竭力圍攻。迅籌克復。得旨。琦善統領江北諸軍。蕞爾揚城。尚不能迅速克復耶。無論東西兩

路。賊匪逃竄。皆汝之責。不准稍分彼此。豫為站腳地步。○陝西巡撫張祥河奏。賊匪已入晉境。添兵防禦。大慶關等處。得旨。近接桂明奏報。有汝與該提督札商。令桂明過河進剿之語。此非上策。已有旨。令桂明仍駐陝省。汝此次摺內。何以並未提及。○命鑲黃旗蒙古副都統佟鑑。馳往山西。隨同巡撫恆春。辦理防勦事宜。○以烏魯木齊領隊大臣承芳。為刑部左侍郎。未到任前。仍以戶部左侍郎德

興兼署。○以鑲紅旗滿洲參領二等男侍順。為正黃旗漢軍副都統。○賞內閣侍讀學士奎英。頭等侍衛。為烏魯木齊領隊大臣。○庚寅諭內閣。理藩院奏。章嘉呼圖克圖呼畢勒罕之父端噶布。呈請情願報捐馬五百匹。轉為請旨一摺。該呼圖克圖呼畢勒罕之父端噶布。因勦辦逆賊未竣。呈請情願報捐騎馬五百匹。實出誠悃。朕深嘉焉。惟軍營應需馬匹。現已備妥。尚屬足用。章嘉呼圖克圖呼畢

勒罕。現在年幼。且供用較多。若收此項馬匹。朕心深為不忍。著毋庸賞收。仍加恩賞給端噶布大緞二匹。呼畢勒罕哈達一方。著西甯辦事大臣轉交伊徒。俟該呼圖克圖呼畢勒罕坐牀時。再行賞給。○又諭。勝保奏追剿逆賊。沿途斬獲一摺。據稱。初三日。督兵至封門山口。從關門兩旁分抄而上。賊眾棄關逃走。經勝保會合善祿。西凌阿。跟蹤追趕。殺賊數百名。初十日申刻。賊竄平陽府城。經西凌阿

等奮力斬殺三百餘名。追殺十餘里。殲斃坐轎頭目偽丞相及偽將軍等。復被我兵衝截兩段。分竄洪洞平陽。勝保飭令郝光甲托雲保等分帶馬步各隊堵剿平陽城內賊匪。並會同善祿馳抵洪洞。繞出賊前。與西凌阿馬隊兩路夾擊。斃賊五六十名。又片奏郝光甲移營平陽北門外。逆匪突出二三千名。拚死撲入三次。皆被我兵殺退。各等語。逆匪自竄擾垣曲。晝夜狂奔。因前路無兵兜剿。以致平

陽府城倉猝失事。擾及洪洞。現在勝保已繞出賊前。扼要駐劄。托明阿恩華等帶領大兵計日亦可趕到。著即督飭各路弁兵合力夾擊。毋稍延誤。其殲斃坐轎之賊。是否逆首。著即查明具奏。曲沃縣知縣及幕友等殉難情節。著查明請卹。其失守城池文武各員。並著確查嚴叅懲辦。至所請殺賊出力各員弁量予鼓勵之處。著准其據實保奏。候朕施恩。○又諭勝保奏查明道員知縣被賊戕害。並請

將督兵不力之都司從重治罪等語。山西河東道張錫蕃帶兵在垣曲防剿。被賊戕害。垣曲縣知縣晏宗望因防兵潰散。猝不及備。身受七傷殞命。深堪憫惻。張錫蕃晏宗望均著開復革職處分。交部照例議卹。其已革都司王恆署都司景亮帶領大同鎮兵在垣曲防守。賊至不敢接仗。先自潰逃。以致縣城失守。逆賊鴟張實堪痛恨。景亮著一併革職。即著勝保查明王恆景亮避匿何處。派員拏解到

營。即於軍前正法。以為臨陣退縮者戒。○又諭容照奏委官傷斃請飭查辦一摺。據稱驍騎校格綢額等押送乘騎馬匹行抵臨城驛地方。突有鄉勇擁入店內。將委官隆常戕傷殞命。並據滕縣知縣黃良楷稟稱隆常在利國郝山兩驛搶取驛馬。有不法情事。並不服查究。刃傷鄉勇邵魁蘭等語。著署山東巡撫崇恩親提人證。秉公確訊。按律定擬具奏。容照自請議處之處。著俟定案時再降諭旨。○

諭軍機大臣等。本日據勝保馳奏逆匪初十日竄入平陽府城失守。官兵跟蹤追剿。斬獲甚多。該逆復竄至洪洞。被我兵衝作兩段。勢甚窮蹙。沿途拏獲長髮賊。據供該逆欲由山西直犯京師。勝保等令郝光甲與托雲保等堵剿平陽城內之賊。復令西凌阿魁福等在洪洞縣北關大路攔截。勝保等督兵從東面兩路夾擊。斬擒甚眾。今勝保已至趙城。繞出賊前。將該逆全行兜住。惟所帶兵勇尚恐不

敷分撥。仍應添兵扼守前路。茲據訥爾經額奏。已派副將孔廣順帶兵由澤州一路前進。所有前調山西兵三千名。亦已飭令由獲鹿井陘一帶回省。又據托明阿奏遵旨帶兵赴援。已令其迅速前進。並令恩華帶兵前往與勝保會合攻剿矣。至直隸與山西交界地方。除固關正定等處。該大臣已撥兵駐守外。其餘大小隘口。均著嚴飭地方文武加意巡防。杜賊奔竄。將此由六百里諭令知之。○又諭

勝保奏逆匪竄擾平陽洪洞督兵繞出賊前各一摺。覽奏焦急之至。逆匪西竄晉省。該處防兵望風先潰。以致後路追剿之兵不能得手。殊堪痛恨。現在勝保帶兵備涉艱苦。已經繞出賊前。賊勢既分。攻剿較易。前有旨令各路官兵統歸勝保調遣。著即相度機宜設法進剿。並嚴飭各路帶兵將官四面兜圍防其奔竄。本日據哈芬奏令遊擊和昌帶兵八百名駐劄韓侯嶺一帶。著即催提前進。扼要堵

截。恩華托明阿所帶之兵計日亦可趕到。均著勝保咨商妥為布置。趙城霍州等處竟有餽賊羸馬豫備糧石之事。該處素有習教之人。難保不密為勾結。勝保駐劄該處務須加意慎重。嚴密調度。勿露風聲。並曉諭紳耆自相保衛。固結人心。勿為賊誘。至軍餉一節。本日已諭令郭夢齡迅即撥銀二萬兩解赴大營。如一時不能解到。所有各州縣倉庫錢糧均准隨時動用。再晉省素稱富庶。急公報效

者諒不乏人。著即徧為曉諭。如有紳民人等情殷助餉。或資送米食。接濟軍營者。均著勝保隨時獎賞。保奏將此由六百里加緊諭令知之。又諭托明阿奏。統兵馳赴晉省會剿。一摺。前據恩華奏稱。初九日。移營濟源。當令其不可株守一縣。遵旨前進。諒已星速跟追。該將軍於十四日。始行裹糧進山。由澤州小路偵探賊蹤。迎頭截擊。已屬落後。本日據勝保馳奏。平陽府城於初十日失守。我兵跟蹤

追剿賊復竄擾洪洞。現已將該逆衝作兩段。勝保等已繞出賊前。遏其北竄。惟所帶馬步各隊官兵。僅止四千餘名。各處隘口。不敷分撥。北路韓侯嶺最為扼要之區。必須添兵駐守。防其奔竄。托明阿著即由陽城一路前進。無分星夜。馳赴韓侯嶺一帶。扼要迎擊。斷不可稍有遲延。恩華著即由垣曲一路進兵。飛速遄行。直赴平陽洪洞。合力攻剿。所有赴晉各路官兵。並山西省官兵。已有旨均歸勝保

調度。該尚書將軍等務須和衷共濟。趁此賊匪喘息未定之時。一鼓殲除。不留餘孽。萬勿再令紛竄。將此由六百里加緊各諭令知之。又諭本日據勝保奏。拏獲長髮賊訊供。意欲由山西乘虛而入。直犯京師等語。十三日。勝保等馳抵洪洞。探知該逆排隊出城。即欲北竄。經勝保派令西凌阿等。繞出賊前。扼要截擊。已將該逆全行兜住。即在該縣城北之上紀落鎮劉營扼守。杜其東竄北竄之路。晉

省與直隸毗連。交界處所甚多。因關等處為北上通衢。尤關緊要。其餘小口。亦尚不少。著桂良將若何布置情形。隨時具奏。並派員實力巡查相機防守。不可稍涉大意。懍之慎之。將此諭令知之。又諭御史李宗憲奏。山陝要隘急宜防堵。一摺。據稱。山西平陽迤西處。處與陝西連界。所隔僅一黃河。必須沿河一帶嚴密布置。並請飭陝甘總督移兵河子。扼守險要等語。平陽逼近陝境。黃河兩岸情形。

最為喫緊。著舒興阿選派得力員弁管帶兵勇。擇要駐劄。飭令認真巡查。收藏船隻。嚴防偷渡。該督駐劄陝州。原為防堵懷慶賊匪。刻下賊竄晉省。惟以防守陝境為要。或應移兵河岸截擊。或應渡河前進攻剿。著即體察情形。趕緊籌辦。毋稍延誤。原摺鈔給閱看。將此由六百里加緊諭令知之。○又諭本日據勝保奏。追剿逆賊一摺。據稱沿途新獲逆匪數百名。奪獲槍礮器械大藥等件。不計其數。惟

糧臺相距日遠。山路難以如期轉運。現已咨明直隸督臣。轉咨山西巡撫。作速撥給銀二萬兩。以濟軍需等語。逆匪本欲全股北竄。經我兵繞出賊前。使賊首尾不能相顧。本日復諭令托明阿恩華督率大兵。分路兜剿。自可迅就蕩平。又據哈芬奏。已派遊擊和昌帶兵八百名。扼守霍州韓侯嶺等處。該處為太原要隘。著郭夢齡飛催該遊擊前往駐守。毋令賊匪竄越。其勝保軍營所需糧餉。著該署撫

迅即撥銀二萬兩。以資接濟。其餘追剿各路官兵。據訥爾經額奏稱。均應由山西糧臺支應。諒該大臣已飛咨晉省。並著該署撫飛飭各屬。所有過境官兵。一體接濟。毋得貽誤。將此由六百里加緊諭令知之。○又諭前據慧成奏。皖省情形喫緊。必須親自帶兵前赴和州一帶迎剿。當諭令督兵馳往會籌剿辦。茲據雷以誠福濟奏。請留慧成等駐兵揚州。會同攻剿等語。揚州東路兵力較單。固須添兵

協助。惟皖省賊蹤肆擾。亦在防剿喫緊之際。著琦善慧成酌量情形。如揚州東路喫緊。應留慧成督兵防剿。所有皖省和州一帶。應撥何項官兵前往會剿。抑或慧成仍赴安徽。由琦善另撥兵勇協防揚州東路。總當統籌全局。毋得顧此失彼。將此由六百里諭令知之。○欽差大臣大學士直隸總督訥爾經額奏。餘匪西竄晉省。毫無準備。以致各屬被擾。現已遵旨派兵扼守正定。得旨。賊竄晉省。直晉

均難辭責。況訥爾經額統領諸軍。責難旁貸。事後百口辯論。於事何濟。懷慶解圍。是汝之功。俾賊匪西竄。餘燼復然。是汝之咎。功過自不相掩。目下平陽失守。幸勝保抄越賊前。設非

上天默佑。竟達太原。直犯京師。汝等有何為耶。卿敬歷中外多年。斷不至昧於事機。視京闕為無關緊要。欲京師鎮定。必籌阻晉省關隘。欲保直隸無擾。尤應以山西前路為咽喉。昏

齒相依。猶非一家。直一身耳。再哈答已革職逮問。卿更須事欲速而見大。勿以常時常事觀也。革去前賞之黃馬褂。不過僅予薄懲也。懍之又奏。勝保行營糧餉。請飭山西就近應付。批已有旨。飭令郭夢齡妥籌接濟。卿係欽差大臣。無論何路何事。皆應籌畫調遣。若必待請旨而後行。豈不有誤機宜。著申飭。予福建陣亡知縣王廷幹祭葬世職。辛卯上詣

永安寺拈香 詣

壽康宮問

皇貴太妃安。諭內閣。毓書奏外藩蒙古人等沾染漢人習氣。漸失根本。請旨嚴行禁止。一摺。蒙古地方素性淳樸。不事浮飾。近來蒙古人起用漢名。又學習漢字文藝。殊失舊制。茲據毓書奏稱。蒙古人詞訟亦用漢字。更屬非是。若不嚴行禁止。斷然不可。著理藩院通行曉諭內外各扎薩克部落。嗣後凡蒙古人務

當學習蒙文。不可任令學習漢字。以副朕敦厚蒙古淳樸風俗之至意。又諭。前據王懿德奏。福建海澄同安廈門安溪等廳縣會匪滋擾。戕官劫犯。失守城池。自請治罪。有旨令查明失事情節具奏。後再降諭旨。嗣據該署督先後奏報。所有失事地方均經次第收復。惟廈門尚在攻勦。該署督未能先事豫防。咎有應得。王懿德著交部照例議處。尋部議降二級留任。從之。又諭。王懿德奏請將浮開

鄉勇名數之知縣革職嚴辦一摺福建同安縣知縣李湘洲先因該處會匪攻城不能固守致有失事迨收復後稟報所雇鄉勇自一二十名遂增至八千餘名其為虛報冒銷情弊顯然該員失守城池本有應得之罪茲復於雇勇任意浮冒更屬貪污李湘洲著革職拏問交有鳳王懿德查明冒濫情節追賠嚴辦○又諭黃宗漢奏溫州府屬被水情形現飭撫卹查辦一摺前以浙江台州府城猝被

水災降旨令該撫專派道府大員前往撫恤並查明被淹田畝分別蠲緩具奏茲復據該撫奏稱溫州府地方於六月十八日起狂風大雨歷八晝夜之久山水漲發江湖泛溢入城低窪田廬及城廂內外鋪戶均遭淹浸小民謀食維艱現經該道府飭縣勸捐錢米設局散放並請於溫處二府屬借撥常平倉穀以資接濟著該撫即飭查明迅速覈辦其應如何分別蠲緩之處著與被水之德清等二

十三廳縣一併詳查據實具奏○又諭王懿德奏艇匪伺劫餉銀請將該管鎮營並督運護解之員分別懲處摺福建委員押解臺灣澎湖等處餉銀在海壇鎮轄萬安汛澳內泊船候風突遇艇匪將雇備防護商船行李貨物搶劫並毆脅知縣縣丞不法已極雖餉銀並未疏失該管營員漫無覺察督解護送各員不能督率攻擊均難辭咎護海壇鎮總兵現升金門鎮總兵鍾寶三著先行交部議

處護海壇鎮標左營遊擊水師提標前營守備孫思庭著革職留任與鍾寶三均著勒限一箇月嚴拏艇匪務獲究辦限滿無獲即著嚴叅督解官准升烽火門參將提標左營遊擊林朝瑞護送官護海壇鎮標右營遊擊閩安左營守備周向辰署閩安左營都司提標右營守備蘇起鵬均著交部議處○諭軍機大臣等王懿德奏請飭已革臬司張熙宇迅赴閩省等語前有旨令張熙宇赴閩差委嗣

經李嘉端等。以皖省緊要。奏請將該革員暫留效力。業已降旨允行。此時安徽和州巢縣一帶。時有賊匪竄擾。張熙宇勦辦尚屬得力。著仍留安徽。俟該省防勦事竣。再行飭赴福建。又昨據該撫奏。廣東紅單船。行抵閩洋。現今協同水師。攻勦廈門賊匪。此項船隻。專為江南勦賊。遠道調來。冀其迅速。趕到肅清江面。現在金陵揚州鎮江。尚未克復。匪船南北竄駛。肆行無忌。較之廈門洋面。情形更為緊要。所有此項紅單船隻。著即飭令迅赴江南會勦。毋庸再留閩洋。至所帶軍裝礮械鉛藥。均由廣東備辦齊全。現既在閩勦匪。不免動缺。所帶盤費。亦恐不敷。著該撫一併照數配足。毋任短絀。以利進行。並著知照浙江江蘇各海口。一體催趲入江。將此由五百里諭令知之。○署閩浙總督王懿德奏。請於省標餘丁內。選補標缺。以資調遣。下部議行。○河東河道總督長臻奏報。焚勦河灘賊匪。獲勝。得

旨。勦除欲偷渡賊匪。尚屬得手。○署山西巡撫郭夢齡奏。賊陷平陽。撫臣失機。恐致激成事端。得旨。覽奏各情。實係該革員荒謬已極。不料哈芬。辜恩喪良。若是。現雖逮問。於事無補。朕無知人之明。咎將誰諉。朕若有傳哈芬密旨。亦不應向人道及。況本無此密旨。伊所行若是。意欲何為。○前任鴻臚寺卿賈克慎等奏。參巡撫棄軍逃避。紳民憤激。恐釀變故。請降旨安民。得旨。可笑之至。亦哈芬自貽之戚。可惡已極。○壬辰遣官祭賢良祠。○諭內閣。朕以吏治民風。相為維繫。曾諭直省各督撫。於府廳州縣。慎簡賢員。政成報最後。必當破格施恩。超擢不次。茲據給事中吳若準奏。浙江省州縣中。如段光清之循聲卓著。素洽輿情。楊裕深之才具開展明練。皆係出色之員。著黃宗漢悉心察看。該二員如果名實相符。無懈循吏。即著據實保奏。候朕擢用。○又諭。前因賊匪竄擾山西。哈芬調度乖方。遷延

不進。以致垣曲平陽府縣等城相繼失守。已降旨將該撫革職拿問。解京治罪。茲據郭夢齡並賈克慎郭景僖等。懇陳巡撫退避失機。民心驚擾。各摺覽奏各情。種種荒謬。不料哈芬辜恩昧良。一至於此。現已另簡恆春為山西巡撫。並令郭夢齡先行署理。值此賊氛逼近。總以防勦兼施。鎮定人心為要。現在勝保等統帶各路精兵。抄越賊前。扼要堵截。恩華托明阿等所帶馬步官兵。計已趕到四面兜

勦。蠢茲小醜。無難一鼓殲除。該署撫即督飭地方文武。並剴切出示紳民人等。嚴密防守。斷不可聞警遷移。轉致橫遭擄掠。至圍練為禦賊善策。疊經諭令該省實力奉行。何以賊蹤一至。如入無人之境。可見該地方官並不認真督率辦理。著郭夢齡再行傳諭所屬官紳士民。合力同心。互相保衛。迅殄逆氛。以靖疆圉。毋負朕諄諄訓誡至意。○又諭穆騰額等代奏達賴喇嘛因賊匪擾害。數省軍民不

能安生。情願各率呼圖克圖喇嘛等。嘯經祈禱。俾賊及早殲除。迅奏膚功。實出伊等誠惻。朕甚嘉之。加恩著賞給達賴喇嘛哈達一方。捻珠一串。著交駐藏大臣轉賞達賴喇嘛。○又諭扎薩克喇嘛朗結曲丕。為人老成。經理通達。平日徒眾傾服。現在班禪額爾德尼涅槃。其呼畢勒罕降凡後。所有後藏徒眾。皆交該喇嘛管束。加恩著賞加朗結曲丕色勒本諾們罕名號。一切應辦印信敕書等項。著交

理藩院查例議奏。給予。○諭軍機大臣等。昨因賊擾平陽洪洞。諭令勝保相度機宜。設法進剿。並嚴飭各路帶兵將弁。四面兜圍。防其奔竄。惟勝保所帶馬步各隊。僅止四千餘名。各路隘口。不敷分撥扼守。茲據訥爾經額奏。分駐保定等處之山西兵二千七百名。已飭原帶官弁管帶。由獲鹿井陘一路折回晉省。現在計可趕到此項官兵。即著勝保調赴行營。或令協同攻剿。或分撥韓侯嶺扼守要隘。

至所需糧餉據郭夢齡奏已委汾州府知府胡長庚帶同各員前往靈石安設糧臺軍營供應諒可不誤勝保著即相機督勦並催恩華托明阿等飛速前進趁此賊匪奔竄未定之時一鼓殲除不留餘孽將此由六百里加緊諭令知之○又諭據郭夢齡及賈允慎等奏奏哈芬謬妄情形各摺片前已有旨將哈芬革職拏問交部治罪矣郭夢齡等奏哈芬所稱奉有密旨出示借銀一節前據戶部奏

奏奉聖旨

奉

請勸捐山陝等省尚稱完善曾有旨諭令哈芬郭夢齡酌量情形或捐或借飭將諭旨刊刻宣示並非朕另有密旨也哈芬措詞失當又不知緩急直至賊氛逼近始行出示並令將捐項解赴行轅以致民情驚擾種種荒謬大負委任郭夢齡現署巡撫著即督飭地方文武實力防勦曉諭紳民力行團練互相保衛值此賊匪竄擾之時總以鎮定人心為要其靈石縣設立糧臺務須妥為保護源源接

濟不可使進剿之兵餉糈缺乏仍嚴飭遊擊和昌帶兵駐劄韓侯嶺扼守要隘儻聞警惶懼稍有退縮致令竄匪突越軍法具在決不姑寬昨據訥爾經額奏撥回大同鎮兵二千七百名此時省城兵力固單而迎剿尤為緊要本日已諭勝保酌量調遣省南賊匪盡太原自可無虞其省北石嶺關地方現在兵力勢難顧及然賊蹤飄忽忻代大同一路界連直隸宣化亦不可不早為之備前調之大

奏奉聖旨

奉

同鎮兵一千名此時是否趕到著即酌量布置以固後路藩籬並著將山西省輿地繪圖貼說呈覽其與直隸交界各隘口尤須詳晰註明道里遠近勿稍遺漏將此由六百里加緊諭令知之○引見翰林院保送考試御史人員得旨邊浴禮周玉麒宋玉珂李載熙呼延振袁芳瑛吳惠元包燁孫觀沈葆楨唐士森何璟尹國珍均著記名以御史用○戶部議覆江南道御史黃經疏稱變通繳銅章程

推行各省。請仿照勸捐事例。按各省買銅時價。以銀覈計。照例奏請議敘。應如所奏辦理。從之。○撫恤琉球國遭風難夷如例。

奏奉

奉

十

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四

敘修

咸豐三年癸丑八月癸巳秋分夕

月於西郊遣成郡王載銳恭代行禮。○諭內閣自逆賊竄擾懷慶勝保與托明阿善祿等。逼近賊巢。戰功屢著。迨懷慶解圍。餘匪西竄。勝保與善祿西凌阿等跟蹤追剿。行走迅速。獨能繞出賊前。杜賊北竄。現在平陽府業已收復。賊匪由洪洞東竄。勝保等統帶馬步各隊。扼要迎剿。所有各路進剿官兵。前已有旨均歸勝保調遣。茲據訥爾經額奏請馳回正定一帶嚴防各路要隘。與晉省相距較遠。一切

調度勢難兼顧。著即授勝保為欽差大臣。並著訥爾經額派員將欽差大臣關防齎送山西軍營。交勝保祇領。所有各路官兵及地方文武統歸節制。著即嚴催追剿各兵迅速接應。毋稍延緩。如有不遵調遣畏葸貽誤者。即行嚴參。按律治罪。恩華托明阿仍著幫辦軍務。與勝保同心協力。嚴飭各路帶兵員弁。四面兜剿。將奔竄賊匪剋期殄滅。朕必加以懋賞。直隸與山西毗連各隘口。即著訥爾經額

督飭地方文武派委得力將弁嚴密防守。偵察奸匪。毋有疏虞。懷慶一帶即責成河北鎮道督率地方文武與紳民練勇合力嚴防。並著陸應穀察看情形擇要駐劄隨時調度。其河岸南北渡口仍著王履謙長臻實力巡查。陝西交界各要隘著舒興阿桂明等嚴密布置。勿令餘匪偷渡。該大臣等其各懍遵朕命。毋負委任。○又諭張亮基崇綸奏遵查遇賊先退之員弁請分別嚴辦等語。河南賊匪回

竄湖北麻城縣宋埠鎮地方。經該署督等派兵分路進剿。都司善保臨陣退縮。首先逃避。幾至兵眾大潰。實堪痛恨。著即行正法。以肅軍令。○又諭青慶奏援案酌量變通考試一摺。湖北省現辦善後事宜。各屬府縣考試未能依期報竣。著照所請。准其歲科並試。以免遲誤。嗣後不得援以為例。○諭軍機大臣等。光祿寺卿宋晉奏請嚴斷濱江接濟一摺。據稱上游聚糧之地。首在廬州府屬之三河運

漕兩處。其次則太平府屬之官圩。甯國府屬之灣沚鎮。又次則安慶府屬之中央鎮。皆係聚米之地。欲斷三河運漕之路。必扼裕溪荻港兩口。欲斷官圩灣沚之路。必扼采石蕪湖兩口。欲斷中央鎮之路。必扼土橋口。如能處處周防。斷其搶掠。則三城之賊不攻自潰。又稱沿江一帶商舶漁船可設法招致。選派得力兵勇帶領藏伏要口。迎擊橫衝各等語。剿賊之方。以嚴斷賊糧為第一要著。現在百穀

登場濱江產糧處所。囤積必多。著琦善。向榮。陳金綬。雷以誠。許乃釗。李嘉端等。體察情形。簡派舟師。及團練兵勇。分赴各要口堵截。斷賊接濟之路。並嚴查商販米船。毋許偷漏。至招致沿江商舶漁船。是否可以得力。一併查明。妥速籌辦。本日據張亮基等奏。籌備船礮。以利攻剿。有廣東防禦李松柏。熟悉水師。現在調赴金陵大營。請飭來楚等語。著向榮。即速飭令該員。前赴湖北。以備差委。無稍延誤。

宋晉原摺。均著鈔給閱看。將此由五百里各諭令知之。○又諭。訥爾經額奏。馳回正定。嚴防賊匪北竄。又據勝保奏。平陽府城。現已收復。賊匪全股。竄入洪洞。復由洪洞全股竄出。東奔各等語。逆匪紛紛竄逸。飄忽靡定。直隸正定地方。多與山西接壤。情形重要。該督現由清化馳回。堵賊北竄。畿輔重地。自應迅籌扼守。著提督保恆。帶兵赴固關駐劄。該處係直隸門戶。最為喫緊。著飭該署提督。嚴密防

範。至宣化各屬。及易州紫荆關一帶。亦多毗連山西。並著嚴飭各地方文武員弁。一體設防。認真巡查。盤詰奸宄。毋任匪黨偷越。該督務當統籌全局。妥速布置。以期保衛畿疆。本日已命勝保。為欽差大臣。接辦剿匪事宜。恩華。托明阿。仍令幫辦軍務。即著該督。飛咨恩華。迅速督兵前進。與勝保會合攻剿。毋庸留於懷慶。所有該地方應行防堵之處。已降旨令陸應穀。督同河北鎮道。妥為布置。仍著該

督酌留官兵。協同防守可也。將此由六百里加緊諭令知之。○又諭。據勝保奏。賊匪全股竄入洪洞。由洪洞復行東竄。督兵過韓侯嶺。扼要迎擊。各摺片。現在賊由洪洞突出東奔。我兵未能抵禦。即派西凌阿。魁福等。帶領馬隊六百餘名。跟蹤追剿。兵力未免單弱。現已諭訥爾經額。飭令恩華。統兵迅速前進。與勝保會合。兜剿。毋庸暫留懷慶。托明阿。帶兵由澤州過山。此時計當趕到。著即飛催。應由何

路接應。妥速布置。賊勢剽急異常。軍情隨時變幻。該大臣務即督飭諸軍。相機進剿。如有畏葸不前。貽誤軍務者。即行嚴叅。按律懲辦。朕以勝保臨陣奮勇爭先。戰功屢著。是以特授為欽差大臣。俾事權歸一。該大臣其嚴明賞罰。以振軍威。埽除餘逆。用副委任。勉之慎之。至訥爾經額所稱山西追剿之兵。數已逾萬。現在未到之兵。著即查明。嚴催前進。毋再遲延。將此由六百里加緊諭令知之。○又諭。

桂良奏。遵旨嚴密布置。並查辦匪徒一摺。固關為直隸門戶。宣化一郡。接壤山西大同。易州紫荆關一帶。亦與山西毗連。均係最要地方。該尚書已飭署提督保恆。帶兵前赴固關防守。並知照泰甯鎮總兵德春。嚴防紫荆關等處。茲復飭宣化鎮道等一體設防。現在訥爾經額已由清化鎮折回正定。著即隨時咨商。嚴飭各文武員弁。實力巡查。盤詰奸宄。毋任匪黨偷越。至唐縣滋事匪徒。現經續獲三

十九名。並獲首犯張洛汰。著即提省訊究。從嚴懲辦。未獲各犯。仍飭趕緊探捕淨盡。勿留餘孽。將此諭令知之。○又諭。前因賴屬捻匪滋擾。當諭令周天爵、李嘉端相機剿辦。經該侍郎等派委壽春鎮總兵玉山。並附近各府州縣地方官。及委員張清元等。分路兜剿。數月以來。斬獲甚多。惟此種匪徒聚散無常。苟非大股殲除。難免餘黨肆擾。現在賊蹤逼近廬州。情形最為喫緊。恐賴匪暗中勾結。其害

更不可勝言。著周天爵即帶兵勇親赴潁州駐劄。督飭剿辦。其固鎮之兵。仍著該侍郎派委得力人員管帶。以資防守。將此由六百里諭令知之。○又諭。張亮基等奏籌備船礮各情形。並繪圖貼說。覽奏均悉。賊匪占踞江面。必須礮船會剿。方可肅清。前據駱秉章奏。廣東挖罟船及快蟹船。向俱安設礮位。轉運輕便。已飭葉名琛等速為籌備。茲復據該署督等奏。稱現擬買船更造。委已革同知勞光泰

張曜孫估買江船五十隻。改造戰船。駱秉章亦飭屬買鈞等船五十隻。運赴湖北。一律改造。另備中船小船。並募勇鑄礮各事宜。均著照議辦理。該署督等務將各船所需兵勇挑選足額。勤加練習。迅飭駛往下游。以備攻剿。至所需經費。前經部撥廣東銀二十萬兩。據奏尚未解到。並請暫借四川銀十萬兩。已飭戶部一併速為籌議。將此由六百里各諭令知之。○又諭據哈芬奏與藩臬兩司因批駁案件。不能和衷。紳士復因團練經費。以致不和。藩司郭夢齡設立糧臺遲緩。太原同知沈巢生因撤出軍需總局。挑播藩司恣憑紳士布散謠言各情。哈芬現已革職拏問。所奏情節是否確實。著恆春於到任後詳細訪查。沈巢生在軍需局有無弊端。因何撤出。程震佑係應行發遣之員。何以在省逗遛。該藩司等有無徇情之處。一併據實具奏。原片著鈔給閱看。將此諭令知之。○又諭奕興奏派員

查辦邊外山場等語。奉天東邊以外山場久經嚴禁。不准奸民偷越。乃近年來仍有無業遊民在彼潛藏謀利。雖尚無不法別情。究屬有干例禁。著奕興即責令坐卡總巡各官就近妥為開導。設法解散。毋致別滋事端。並嚴飭秋季統巡城守尉春英帶領各守卡官兵認真緝捕。以清山場。而杜奸匪。將此諭令知之。○太常寺卿王履謙奏。汜水口拏獲武昌監生鄒逢寅。解省審辦。得旨。鄒逢寅顯係逆

賊。何不立正典刑。梟首示懲。著飭羅景燾解赴至省。即行正法。○以內閣學士穆蔭管工部火藥局事。○以荊州將軍台湧兼署湖北提督。○以勦辦湖北黃安麻城兩縣賊匪出力。予署按察使唐樹義優敘。賞都司許連城。花翎署同知伍煜等藍翎。餘加銜開復升敘有差。○以勦辦安徽石牌股匪出力。賞都司伍登庸。花翎翰林院編修李鴻章等藍翎。餘加銜開復升補有差。○以山西勦賊不力。革

職。○以山西勦賊不力。革

副都統托雲保頂帶直隸大名鎮總兵官董占元等職仍留軍營效力。○甲午諭內閣本日召見工部右侍郎前任安徽學政錫齡據奏本年出棚考試徽州府因該郡辦理防堵未能開考即駐徽州至新任學政孫銘恩到後回署交卸等語該學政駐劄太平府非因考試例不外出錫齡在徽州並未開考日久逗遛殊屬有違定例著以三品京堂降補。○又諭周天爵奏潁州回漢械鬪京員紳士府

縣各執一詞請將該府縣撤任提案審訊一摺安徽潁州府阜陽縣回民械鬪該府毛含昱批駁訴呈不為審理以致捻匪乘釁滋事實屬辦理不善潁州府知府毛含昱阜陽縣知縣劉夢松均著先行撤任交周天爵會同李嘉端親提人證秉公嚴訊按律定擬具奏其遊擊守備二員著該侍郎等查取職名一併叅撤審辦。○諭軍機大臣等現在勝保與善祥西凌阿等所帶馬步各隊僅四千餘名

兵力尚形單弱亟須各路官兵會勦本日據訥爾經額奏留駐懷慶清化鎮馬隊尚有三四千名此項馬隊勁旅最利追勦著恩華迅即帶領前進不可以有用之兵置之無用之地其清化鎮應留兵若干即著該尚書酌量辦理賊匪飄忽靡常由洪洞以東可由浮山岳陽竄赴潞安北可由山僻小徑竄入沁源一帶勝保等督帶各兵擬由趙城霍州過韓侯嶺繞出賊前保護太原托明阿由澤潞一

帶進兵正可迎頭截擊恩華由垣曲前進著即沿途確探賊蹤與勝保會合相機追截馬隊行走迅速不難繞出賊前經過地方被賊滋擾之處夫馬等項恐一時未能齊備勝保所帶之兵即不免星夜步行瓜菜充饑事有緩急豈可拘泥延誤恩華托明阿等務宜設法飛催進勦激勵將士兵丁奮勇爭先迅殄羣醜廓清晉境即以保衛畿疆勉之懍之將此由六百里加緊各諭令知之。○又諭雷以

誠奏籌辦團練情形一摺。並繪圖貼說呈覽。據稱裏下河一帶地方緊要。疊經飭令各州縣勸諭紳民等捐貲團練。復派同知孔繼鏞。偏赴山陽等十二州縣會同籌辦。現在各路團練一律嚴密。設卡處所認真盤詰。匪徒均已斂迹等語。所辦尚屬周妥。著即督飭各該州縣等實力奉行。務期聲勢聯絡。足資捍衛。斷不可有名無實。至揚州賊匪勢已窮蹙。著會同琦善等督率兵勇。剋日殲除。尤當嚴密

堵截。毋任匪黨乘間竄逸。委員孔繼鏞及各州縣出力紳董人等。俟克復揚城後。即行酌量保奏。另片奏宿遷縣知縣林德泉雇募廣東挖罾戰船。已抵上海。不日即可入江。著飭該員迅催廣艇駛入江口。即令進泊瓜州口要隘。相機截擊。斷賊接濟之路。將此由六百里諭令知之。○又諭前因江忠源奏請製戰船。以清江面。當即諭令四川總督裕瑞並湖廣各督撫。仿照廣東挖罾船式。製造百餘隻。

以資調遣。昨據張亮基等奏現已估買江船五十隻。改造戰船。駱秉章亦飭屬買鈞鈎等船五十隻。運赴湖北。一律改造。另備中船小船募勇鑄礮。並請借撥四川銀十萬兩。協助經費等語。此項船隻已由楚省製備。川省毋庸製造。惟所需經費較多。著裕瑞即設法籌撥銀十萬兩。趕緊解赴湖北。以濟要需。毋稍延誤。將此由五百里諭令知之。○大學士直隸總督訥爾經額奏。馳赴正定。並留兵防守

河北要隘。得旨。已有旨催恩華速赴晉省。與勝保會勦。勝保現已授為欽差大臣。卿久任畿疆。情形必熟。朕因卿回正定。調度較遠。莫若勝保在彼就近為妥。目下卿雖不是欽差大臣。仍應與勝保聲聞相通。保護直省為要。卿若能籌畫盡善。俾直隸安堵如常。即係卿首功。總在勝保之右也。○以署正黃旗漢軍副都統玉明為工部右侍郎。兼管錢法堂事務。○追予前明湖南石門縣殉難幕友劉幼。

入祀本籍忠義祠。從署巡撫潘鐸請也。○旌表守正捐軀直隸清豐縣民盧留住妻常氏。○乙未。

世宗憲皇帝忌辰。遣官祭

泰陵。

上詣

壽皇殿行禮。○諭內閣。前以逆氛肆擾。疊降諭旨。令直省各督撫。曉諭紳民。舉行團練。自衛鄉閭。茲據奉天府府丞兼學政張鐸奏稱。直

隸省捐輸團練。是否辦有成效。未見入奏等語。現在晉省賊匪。經勝保等痛加勦洗。平陽一帶。悉就廓清。餘匪由洪洞東竄。已飭各路官兵。四面兜擊。自不難悉數殲除。直隸界連山東河南。與山西尤多接壤。所有各口要隘。雖經派有重兵防守。尤賴兵民同心。藉收眾志成城之效。著訥爾經額。再行申諭地方官吏。認真董勸該紳耆等。各就地方情形。妥速布置。其能實力奉行。團練有效。以及捐貲集

事者。著卽隨時保奏。朕必立予恩施。畿輔民風。素屬急公好義。其各協力保衛。毋負諄諄誥誡至意。○又諭黃宗漢奏。勦辦新城縣抗糧拒捕匪徒一摺。浙江新城縣屬南新莊。匪徒僧慧心等。因欠完錢糧。裹脅鄉民。抗不交納。著知縣宣汝珍親往查拏。復敢糾聚數百人。持械迎拒。將該署縣並親丁等毆斃。實屬罪大惡極。經該撫派令署湖州府知府王有齡等。統帶兵勇。馳往圍捕。並派署紹興協副

將王邦慶等。分投阻截。諭令紳耆解散脅從。該鄉民等。均知感奮。卽行捆獲駱潮應。高大妹。洪生澱。徐倌春。徐景岳。徐德培等六犯。僧慧心。及陳幅惺二犯。亦自行赴縣投首。地方現已靜謐。著卽將首要各犯。嚴行審訊。按律懲治。並飭委員等督率紳耆。查拏餘匪。一併懲辦。以儆兇頑。黃宗漢未能先事豫防。著交部照例議處。署新城縣知縣宣汝珍。據該撫奏稱。該員官聲素好。茲因拏辦抗糧匪徒。致

被戕害情殊可憫。宣汝珍著照陣亡例議卹。○又諭御史啟文奏請嚴門禁等語。據稱本月二十日寅刻。該御史由東華門赴左翼門。伺候引見。其時值班護軍人等。俱在門洞兩旁睡卧。並無一人盤詰出入。實屬玩忽。著該管大臣。懍遵前旨。督飭各門實力稽察。毋得日久生懈。並著隨時親查。如值班官兵仍前玩忽。即著從嚴叅辦。以肅禁衛而昭慎重。○諭軍機大臣等。前據怡良奏嘉定縣匪徒滋

事。該督親赴蘇州督辦。本日又據奏稱上海縣閩廣匪徒聚眾戕官。巡道不知下落等語。上海華夷雜處。又為海運總匯之地。較之嘉定尤為緊要。該匪倉猝滋事。何以署知縣即至被戕。上海道吳健彰現在何處。該匪曾否踞城。究竟因何起釁。著該督迅速查明具奏。向榮軍營已派兵勇前往。黃宗漢復派兵勇協剿。該督即當督飭文武迅籌撲滅。萬不可稍延時日。儻能曉諭解散。即將首犯拏獲。不

致重勞兵力。尤為妥善。所稱閩廣匪徒是否在上海貿易。仰係突來艇匪。有無逆匪勾煽。雷以誠奏有宿遷縣知縣林德泉管帶廣東挖罾船行抵上海。擬催令入江助剿等語。此項挖罾船隻。如果尚在上海停泊。可否用以攻剿閩廣匪徒之處。著即相機辦理。其嘉定滋事之案。現在查辦情形。若何著一併具奏。將此由六百里諭令知之。○又諭據向榮許乃釗奏進攻南門賊匪。並鎮江水陸攻剿情

形一摺。此次焚毀南門外賊巢。雖有燒斃斬獲。究未能攻奪雨花臺。斷賊援。應即鎮江水陸進攻。亦未能得手。該大臣等頓兵城下。為日已久。若不別圖良策。設法圍攻。必致師老餉匱。其患何可勝言。金陵揚鎮三城。該逆聯為一氣。總由不能肅清江面之故。節次諭令葉名琛等雇備船礮。並令湖南湖北製造戰船。其紅單船隻已抵閩洋。著即飭令和春麟桂等迅速催提。駛入江口。為水陸夾攻之計。

至所稱張國樑擬遣親信壯勇。濶入城中。為奪門之計。既未得施行。此外有無善策。可以出奇制勝。著再集思廣益。速奏膚功。現在部庫籌餉之艱。萬分支絀。大營需用甚急。應如何通融協撥之處。仍著該大臣等。隨時咨商怡良。黃宗漢等。妥籌辦理。將此由六百里諭令知之。○又諭。前因賊匪由洪洞東竄。當諭令勝保飛催南路援兵。應由何路接應。妥為布置。本日據哈芬奏。祁縣子洪口。介休縣關

子嶺。太谷縣黃花嶺等隘口。均於向南迎勦兵內。分撥防堵。所稱迎勦之兵。係何人統帶。哈芬現已拏問。其原帶出省之文武員弁。及隨帶兵丁。應否撤歸省城。抑併歸勝保軍營。著該大臣與郭夢齡。斟酌分派。昨據郭夢齡奏。續調之大同鎮兵一千名。已飭赴韓侯嶺。分布各隘口。此項官兵。曾否與勝保相遇。是否隨同勦賊。又哈芬奏。稱遊擊和昌。於八月初十日。抵平陽府東南呂堡村。遇賊千餘。當

即開放槍礮。斃賊甚多。又有賊匪三四十名來拒。旋即繞至東關。我兵追勦不及等語。該遊擊係哈芬派赴靈石之員。若如所奏。是賊至平陽之時。該遊擊已經接仗。何以勝保前奏未經敘及。該遊擊係從何處行抵平陽。哈芬原帶官兵。疊次奏稱。止有一百餘名。是否該遊擊接仗之兵。即在哈芬行營撥出。著勝保。郭夢齡。一併查明具奏。托明阿由澤潞一帶前進。正可截擊東竄賊匪。恩華所帶官兵。

為數不少。並著該大臣。迅催前進。如賊蹤折向北竄。勝保等自應扼要迎擊。即可保衛太原省城。若賊由潞城黎城等處山口關隘。乘虛竄出。即係入直隸之路。勝保仍須跟蹤窮追。盡力殲勦。逆賊避實擣虛。是其慣技。切勿大意致墮奸計。將此由六百里加緊各諭令知之。○又諭。昨因直隸與山西毗連隘口較多。諭令訥爾經額。通籌全局。布置防守。現在賊匪由洪洞竄出。是否經沁源太谷。徐溝。徑

趨太原。抑由岳陽長子直撲潞安。該督甫自懷慶啟程。定已就近探知賊蹤所向。嚴密籌防北路大同宣化一帶。直達居庸關。固與京師接壤。即由龍泉倒馬各關。東趨紫荆關。亦可徑抵易州。各路關繫均屬緊要。現在勝保已由趙城等處帶領馬隊。扼賊北竄之路。該逆若聞風東竄。分股蔓延。潞安緊接清漳。由黎城武安至臨洺關。或自平定固關而入。井陘獲鹿均須節節嚴防。庶可杜其竄越。前據

該督奏請將盛京兵二千名改駐正定。吉林兵二千名分駐保定省城及臨洺關。朕思吉林勁旅合則勢壯分則力單。應如何歸併一處以壯聲勢。著該督體察情形妥籌辦理。並通飭各屬於界連山西各隘口實力勦堵。不可令匪蹤闖入。勝保與善祿西凌阿所帶馬步各隊現止四千餘名。該督咨稱追勦赴晉之兵已有一萬四千餘名之多。除郝光甲董占元共帶兵二千三百名尚未趕到其餘七

八十名係何處官兵於何時啟程由何處行走抑係在途逗遛著即查明具奏仍嚴檄飛催迅赴澤潞一帶與勝保合力迎勦萬勿遲誤並著將一切布置機宜隨時知照勝保等大營總須直隸山西聯為一氣聲息相通是為至要將此由六百里加緊諭令知之○又諭桂良奏飛飭接壤文武嚴密防守並於省城加意設防一摺賊匪由洪洞東竄所有直省毗連之固關紫荆關各要隘及宣化一郡

已據該尚書飭令提督鎮道等一體設防茲據奏稱順德廣平均與晉省相距不遠已飛咨訥爾經額迅速派兵就近堵截仍飭接壤各地方文武嚴密防守畿輔重地拱衛京師防堵不可稍懈除著名關隘業經布置防守外其偏僻路徑並著飭令各地方官實力巡查訥爾經額已回正定該尚書鎮守省垣尤宜盤詰奸宄毋令乘間溷入其團練鄉勇是否著有成效並著督飭地方官會同紳士實

力妥辦以期有備無患其各路探報情形著隨時據實奏聞以慰朕念將此由四百里諭令知之○又諭哈芬奏兵行所用贏馬向由鄰近州縣協濟嗣因藩司郭夢齡飭知各州縣不准協濟以致兵行遲滯係由同知沈巢生悠憑等語著恆春於到任後詳細查明各州縣協濟贏馬有無定例該藩司何以不准是否沈巢生從旁悠憑並將該藩司未設糧臺未發軍餉各情一併確查據實具奏原片

鈔給閱看將此諭令知之○欽差大臣湖北提督向榮奏發往軍營各員分別撤留得旨甚是文員多於軍務無濟況武員既於行陣未嫻留之更覺冗濫又奏兵力分調太多請飭瞿騰龍等折回金陵批瞿騰龍開隆阿之兵此時斷難調回江南○浙江巡撫黃宗漢等會奏查明浙省兵數統計水師存營兵三千九百九十一名陸路存營兵三千五百九十四名其調防潰散無著兵丁俱按名扣餉

下部知之○補鑄湖南嘉禾縣知縣印信從署巡撫駱秉章請也○加賞普濟堂功德林焚賑小米二百石○丙申

上詣

壽康宮問

皇貴太妃安○諭內閣昨命勝保為欽差大臣勦辦亂擾山西逆匪各路官兵統歸節制並飭領兵大員等合力兜圍自不難迅速殲除剋期奏凱惟軍律首貴嚴明將士方能用命

近覽軍營奏報鎮將備弁中或以守候軍火夫馬藉口逗遛或以防堵遠僻地方抗不遵調畏葸玩誤幾至相習成風縱賊殃民深堪痛恨勝保特膺簡任總統師干果勇有為朕所深悉著頒給康熙年間安親王所進神雀刀由恆春齎往山西交勝保祇領如有不遵調遣任意遷延甚至臨陣退縮貽誤軍情者提鎮以上著該大臣據實奏聽候諭旨其副將以下各員弁即著一面正法一面奏聞

以肅軍令。該大臣其嚴申紀律。迅埽賊氛。用副委任。○又諭前據戶部奏變通俸餉放款。請派王大臣覈議。當派惠親王、吏部尚書、柏後、會同議奏。嗣經惠親王等陳奏分別准駁。復交戶部再行覈議。茲據戶部覆覈具奏。所有八旗兵丁生計艱難。差操繁重。若照搭放餉錢之例。以一串折銀一兩。不足以示體恤。著即照此次部議。除原搭餉錢照舊支放外。其餘應領餉銀。自十月為始。均按制錢兩串。

折銀一兩發給。其滿漢官員俸銀。著自明年春季為始。照戶部前奏。應停應折各數。分別覈辦。現值推廣鼓鑄。流通鈔票之際。必須錢法暢行。以濟銀款之不足。其應如何寬備銅斤。添錢濟用。仍由戶部會同工部錢法堂。妥速籌辦。俾經費日充。變通盡利。其地租賞項。著於本年冬間。暫行停止。俟帑項寬裕。即行賞給。至所稱宗室覺羅及八旗紅白賞卹。請一併暫停之處。著該衙門體察情形。妥議具

奏。○又諭前據僧格林沁等奏籌備察哈爾官兵禦冬衣服。當降旨交內務府覈議具奏。茲據奏稱擬折給銀兩錢文等語。所有駐劄南苑之察哈爾官員兵丁。著加恩賞給銀二百七十六兩制錢二萬二千三十串。由火器營捐輸項下給發。以為製辦冬衣之用。○又諭葉名琛、柏貴奏廣州等府各屬被水。現在委員勘辦一摺。本年廣東省六七月間雨水較多。東西北三江先後並漲。據奏韶州府屬

之曲江、樂昌、英德、廣州府屬之南海、東莞、三水、清遠、肇慶府屬之高要、高明、四會、潮州府屬之海陽、大埔、饒平、惠州府屬之歸善、博羅各縣水長一丈有餘。至二丈餘不等。田畝淹浸。房屋傾圮者甚多。覽奏實堪憫惻。現經該督撫飭司委員攜帶錢米。馳赴被水各處。先行撫恤。並著查明有無淹斃人口。其被淹田畝。勘明是否成災。應如何分別蠲緩之處。據實具奏。以副朕軫念民依至意。尋奏遵查廣

東被水各屬。本不成災。業已分別撫恤。給與修費。毋庸蠲緩接濟。報聞。○諭軍機大臣等。副都御史文瑞奏。逆賊東竄。逼近直隸。請飭防截要路各等語。直隸與山西接壤。路徑分歧。疊經降旨。令訥爾經額。於各關隘派兵防守。南路臨洺關及固關。并陘獲鹿等處。固須節節嚴防。其北路宣化一帶。與易州。紫荆關等處。均為扼要之地。訥爾經額想已分路設防。第恐偏僻路徑。布置未能周密。所派將弁。

不能得力。設有疏失。關繫非輕。即如懷慶未解圍以前。若西路豫設精兵。何至餘匪奔擾晉境。況畿疆重地。密邇京師。尤宜加意設備。著該督查明。與山西省毗連各要隘。共有若干處。派委各路防堵官兵。係何人統帶。詳細籌辦。據實具奏。至偵探賊蹤。不可株守關口。務須分派精細弁兵。於前途險要處所。密探確報。並晝夜巡查。緝拏奸宄。如有難民入境。即行截回鄰省。設法遣送歸籍。儻查有形跡。

可疑之人。立拏嚴訊懲辦。以期周密。而肅疆圉。將此由六百里諭令知之。○盛京兵部侍郎耆瑞因病解任。以盛京副都統富呢雅杭阿。為兵部侍郎。委散秩大臣承志為盛京副都統。○丁酉。諭內閣。訥爾經額奏。參領縱兵釀命。請旨革審一摺。吉林委參領德楞額。管帶兵丁。行至大名縣龍王廟地方。因跟役貴福。沽酒未得。輒令額外委官依林保。將鋪民李天有揪扭上船。加以板責。致令氣忿投河。

屍無下落。實屬任性妄為。德楞額著先行革職。交訥爾經額嚴審懲辦。跟役貴福。委官依林保等。並著歸案嚴訊。失察之伯都訥副都統倭克精額。佐領委營總墨爾賚額。著交部分別議處。尋奏審明定擬。如律。查德楞額。於叅革後陣亡。應無庸議。下部知之。○諭軍機大臣等。寄諭大學士直隸總督訥爾經額。本日據陸應穀奏。晉省與直隸毗連東路。則固關為要。北路則由代州出雁門為一路。由忻。

州出甯武為一路。皆匯於大同。惟由五臺出龍泉關。路甚便捷。又有小道由代州通紫荊關。直達易州。僮賊匪由此兩路奔竄。關繫匪輕等語。逆匪飄忽靡常。避實擣虛。是其慣技。易州一帶。雖有泰甯鎮。駐劄兵力。實形單弱。該督務當派委得力鎮將。統帶精兵。馳赴紫荊。龍泉兩路。擇要防守。萬不可稍有疏忽。保恆已抵固關。則獲鹿井陘一路。即飭令探明賊蹤。迎頭截剿。直隸與山西交界。要隘甚多。

該督自應統籌全局。扼要調度。若統兵由獲鹿入山。直赴晉省。僮賊從他處竄出。我軍又恐落後。總當體察情形。密速偵探。何路緊急。即督飭官兵。由何路迎剿。仍隨時與勝保等互相知照。毋失事機。如兵力不敷分撥。所有駐劄南苑之察哈爾官兵四千名。駐劄天津之盛京官兵二千名。均可酌量奏明調遣。陸應穀摺著鈔給閱看。將此由六百里加緊諭令知之。○署山東巡撫崇恩奏報到任日期。

得旨。汝非不堪造就之人。第恐漸失因循。欲振不能。豈真不能耶。身家之念。重周旋之情。深也。時刻銘心。戒之。○烏魯木齊提督業布冲額奏謝優敘恩。得旨。邊外營務最關緊要。著時加訓練。總期均收實效。不可日久因循。○命莊親王奕仁暫在御前大臣上行走。○以河南睢甯陵三州縣被賊竄陷。革知州梁協南吏目張守清。知縣蔣大森典史周世裕職。

予殉節通判章光熊。知縣錢文倬。孫惠霖。呂贊揚。錢世瑞。縣丞呂鍾堉。通政司經歷陳勳。祭葬。世職並建專祠。教授殷聚五。訓導王吏三。附經歷劉以檢。道紀司潘合祿。典史汪鏞。慶未入流蕭敬輿。汪裕慶。沈貴春。從九品王鳳池。參將范正倫。守備張運至。李師孔。把總吳連元。孫學連。外委閻金標。劉文鼎。祭葬。世職。武舉李登科等。及陳勳家屬。旌卹如例。○戊戌諭軍機大臣等。桂良奏偵探嚴防。並拏

獲奸細審辦一摺逆匪由洪洞東竄所有直隸毗連山西各處隘口著迅籌布置嚴飭文武員弁實力堵截隨時偵探盤緝奸宄勿任偷越東明縣既經拏獲奸細陳登心即當嚴訊究明賊匪東竄蹤跡豫為準備此等奸徒涸入直境諒必不少仍著嚴飭各地方官密速查拏毋稍疏縱昨據陸應穀奏山西省與直隸交界要隘頗為詳悉原摺著鈔給閱看將此由四百里諭令知之○又諭勝保奏馳

抵平遙籌防各隘口情形一摺並繪圖貼說披覽均悉逆匪由洪洞東竄後該大臣即督兵由霍州靈石介休一帶馳抵平遙繞出賊前並於各處隘口分撥嚴防探明該逆現在岳陽沁源縣屬地方盤踞二日欲圖他竄該大臣已咨催托明阿督兵由東南路迎擊西凌阿及郝光甲由西南路跟追調回之山西兵二千七百名令在遼州一帶駐劄並飛調德坤雙成帶兵由澤州取道潞安一帶扼要

截擊布置尚為周匝惟賊勢剽悍異常該處隘口紛歧山西兵丁未經戰陣仍恐難資得力托明阿由澤州取道潞安著即督兵星速前進一路探明賊蹤迎勦恩華統帶馬步各隊此時行抵何處著即督催前進沿途偵探賊由何處分竄即迅赴何處追勦萬不可稍事遷延致誤事機勝保身為統帥並頒給神雀刀俾肅軍令該大臣一切賞罰務須公正嚴明以期人人用命恩華托明阿幫辦軍務

均屬責無旁貸其各同心協力迅掃賊氛山西與直隸交界要隘甚多恐賊匪被勦窮蹙又從山徑來虛竄出必須四面兜截聚而殲旃萬不可稍有延誤將此由六百里加緊諭令知之○又諭寄諭大學士直隸總督訥爾經額本日據勝保奏該逆現在岳陽沁源縣屬之舊縣府城鎮等處盤踞二日欲圖東竄恐其由潞城黎城和順遼州一帶竄入河南武安涉縣等處滋擾不可不防等語直隸與

山西省毗連地方。此路亦最關緊要。必應派委得力將弁。扼要堵截。仍著該督卽飛催調回之山西兵丁二千七百名。迅速前行。卽遵勝保札飭。在遼州一帶駐劄。扼其東竄河南直隸之路。其獲鹿并陘固關龍泉等處要隘。並著該督選派妥員。帶兵防守。仍隨時將布置情形。飛速知會勝保。以期聲息相通。迅殄羣醜。將此由六百里加緊諭令知之。○己亥。諭內閣。易崇奏。查勘秋禾被災情形一摺。本

年甘肅省甯朔甯夏靈州平羅中衛等州縣。因夏秋暴雨。山水陡發。渠流泛溢。淹沒田禾民房。並鄉倉分儲糧石。人畜均有淹斃。復有被雹之處。情形較重。殊堪憫惻。現經該署督委員馳往會同該府縣查勘。著卽飭令宣洩積水。妥為撫恤。其應如何蠲緩之處。著卽查明據實具奏。其被旱被雹之皋蘭等州縣。被雹之洮州等廳州縣。被旱之隴西等州縣。及被雹被水被旱之安定縣。或續得雨澤。或被

災較輕。並著該署督一併迅速查明。分別覈辦。用副朕軫念民依至意。○諭軍機大臣等。慧成奏行抵揚州。留兵協同防勦一摺。揚城東北一帶。勇多兵少。慧成現已行至灣頭。著將所帶之宣化陝西兵九百五十名。駐劄該處。會同雷以誠福濟等相機堵勦。其和州堵禦亦關緊要。既據慧成飭令常清管帶青州官兵八百餘名。先行馳往扼要截勦。卽飛催前進。毋令稍涉遷延。致有貽誤。至城內賊糧

將盡。窮蹙思竄。勢所必至。該大臣等亟宜妥籌協勦。合力進攻。萬不可再事稽遲。致令乘虛竄逸。琦善身為總統。陳金綬雷以誠均係幫辦。慧成福濟督兵協勦。雖分路劄營。而所辦共此一事。儻稍存畛域之見。不能協力同心。滅此窮寇。無論該逆由何路竄出。該大臣等均不能辭罪半載以來。老師糜餉。蕞爾揚城不能迅圖克復。豈坐待賊匪全竄。又復滋蔓他處。乃以收復城池入奏。為謝責地步耶。

將此由六百里諭令知之。○又諭據托明阿奏。勦賊獲勝。因傷請假一摺。該將軍由澤州翻山迎勦。於屯留縣豐儀鎮地方遇賊接仗。擊斃二百數十名。追殺五十六名。勦辦甚為得手。該將軍被槍子穿帽受傷。猶忍痛督兵鏖戰獲勝。甚屬可嘉。現在傷痕是否平復。朕心實深懸繫。著將朕是日所佩之大荷包一對。小刀一把。由驛寄去。賞給托明阿。並頒賞五等淺八兩。給假調養。該將軍素性勇敢。老

當益壯。惟盼醫治速痊。以慰朕念。明慶打仗多次。奮勇出力。著即賞還副都統。所有該將軍現帶官兵。即令明慶暫行統帶。趕緊進勦。不准稍有延緩。並著勝保酌派熟悉軍情之大員。飭往托明阿軍營。幫同明慶相機調度。現在賊竄屯留。距潞安甚近。似有回竄東南之勢。惟數止千餘。又似分股旁竄。而大股尚在迤北。勝保既由平遙進兵。定能嚴扼北路。其南路追兵。萬勿稍遲。恩華現抵何處。著勝

保再行飛催。務令兼程前進。南北夾擊。庶餘孽得以全數殲擒。至翻山敗竄之賊。現往何處。臂受槍傷之佐領巴揚阿。是否平復。均著查明具奏。將此由六百里加緊各諭令知之。○以守禦福建延平府城。並克復沙縣出力。賞知府胡應泰。都司常福。花翎。餘加銜升補有差。○以福建廈門。永安。沙。德化。各廳縣被賊竄陷。革同知王江。知縣信和。來署。知縣邵榮。申達。吉職。均逮問。○庚子。諭內閣。英隆奏。

請將秋獵改為間二年舉行一次。以重操防。一摺。黑龍江各城官兵。著准其循照舊例。每年按春秋二次。操演鳥槍馬步騎射。仍間二年舉行秋獵一次。由該將軍與副都統輪流督率。俾資習練。○又諭給事中賈世行奏。各省實缺人員。無輕徵調。以杜規避。一摺。前曾通諭各督撫。慎簡賢員。凡撫馭有方。人地相宜者。准其奏請給予升銜。仍留本任。原因地方官吏。非久於其任。不能於地勢民情。周知。

熟悉。因念軍興以來。府縣之失守城池者。多藉詞防堵他處。或調赴軍營差委。雖事後照例分別治罪。而該員轉得避重就輕。遂其取巧之計。即如歸德府知府陳介眉。調離本任。該郡官紳。遂有開門逃避之事。懷慶府縣。合力固守。而城池賴以保全。孰得孰失。昭然共著。現在被擾地方。舉行團練。若將實缺人員。調赴他處。其暫行署事者。不能熟悉地方情形。防勦安能得力。嗣後著各直省督撫。於府

廳州縣實缺人員。隨時察看。除人地不宜。例得酌調外。其有整飭地方。著有成效者。非他處情形緊要。人地實在相需。毋得輕為更調。以杜規避。而專責成。將此通諭知之。○諭軍機大臣等。寄諭欽差大臣勝保。據給事中吳廷溥奏。扼險拒賊。防勦兼施一摺。所有山西毗連直隸各隘口。節次諭令訥爾經額嚴密防守。賊蹤飄忽靡定。亟應併力兜勦。尤須偵探確切。賊由何路竄逸。及盤踞何處。四面堵

截。庶可一鼓殲擒。不致乘虛竄入直隸境內。否則兵分力單。又恐墮賊詭計。該大臣務即密速調度。總以通籌全局。勿誤機宜為要。該給事中原摺著鈔給閱看。將此由六百里諭令知之。○又諭給事中吳廷溥奏。扼險拒賊一摺。據該給事中臚陳山西直隸險要處所。頗為詳晰。惟路徑紛歧。逐處分守。兵力轉形單弱。著訥爾經額查照摺內所陳酌量緩急。除擇要嚴防外。即飭帶兵各員。確探賊蹤。先

扼要隘。尤須迎頭前進。於各要口內。據險截擊。自不難悉數殲除。若畏葸遷延。聽賊竄出要隘。再圖邀截。不又滋蔓難圖耶。又稱鹽商巡役。藉查鹽為名。栽贓訛詐。甚至黃夜聚夥強竊。白晝攔車劫掠。總由雇募游匪。漫無稽查所致。現當賊匪竄擾之時。難保無匪徒潛伏勾結。已諭令文謙認真查辦。仍著該督一體飭屬嚴密巡查。無令奸匪潛蹤。原摺並片二件。均著鈔給閱看。將此由六百里諭令知

之○又諭給事中吳廷溥奏遵化州城垛邊及城樓庫內存有前明所鑄數百斤大礮甚多請派員密帶鐵匠前往該州會同地方官逐一查看等語著慶錫就近派員查看共存礮位若干礮身輕重若何是否尚堪適用即行詳晰具奏將此諭令知之○又諭據給事中吳廷溥奏近來各鹽商多招集無業回民不將姓名報司送部以致巡役人等借查鹽為名訛詐強竊並有白晝劫掠之事等語現在

賊匪竄擾晉境與直隸壤地毗連天津係商賈輻輳五方雜處之所難保無匪徒潛伏其間暗為勾結著文謙遵照定例將鹽務各巡役姓名查明造冊送部備有匪徒奸細竄名涸跡即行嚴拏懲辦並飭各鹽商詳慎雇募不得以無業游民充數以清盜數而飭緝網原片著鈔給閱看將此傳諭知之○戶部議覆欽差大臣湖北提督向榮等奏請將江蘇各屬捐項典本提充軍餉並漕米折銀轉

運章程擬准將蘇松各屬捐項及典本催提動用江北各款除場竈一項由部另行撥用外其各州縣收捐銀錢存典本息均准劃分一半解充金陵鎮江兵餉仍留一半為江北各路糧臺待支之用其徵存漕米請將道途稍遠各州縣每石變價折銀一兩覈算以昭畫一惟正供之外仍有耗米及應徵漕項米銀各款仍應劃出另算責令各州縣按數徵解備充軍餉以免牽混至所稱各捐局均宜

仿照籌餉例減二成收捐應如所奏辦理從之○以順承郡王春山署正白旗領侍衛內大臣○以廣西左江鎮總兵官色克精阿留署貴州鎮遠鎮總兵官○辛丑

上奉

皇貴太妃辛靜怡軒侍午膳○諭內閣彭蘊章基溥奏江西監生羅萬象呈稱直隸遷安縣屬之桑園山礦苗甚旺前經呈報未准開採等語著派柏復會同馬蘭鎮總兵慶錫隨帶

內務府郎中明新前往遷安縣。詳細查看。據實具奏。監生羅萬象著一併帶往。○又諭內閣侍讀學士德奎奏。保舉降調副指揮。留城效力等語。前任中城副指揮朱森現經部議降一級調用。並有交刑部查訊之件。尚未定案。具奏。德奎輒以該員平素緝捕勤奮。請免開缺。違例妄陳。實屬冒昧。似此奉旨降調。尚未定案之員。任意瀆奏。尚復成何政體。德奎著傳旨申飭。原摺擲還。○諭軍機大臣等。據

桂明奏。陝省黃河西岸船隻均已撤盡。惟山西省黃河東岸。暨汾河一帶。尚有船隻停泊等語。晉陝接壤地方。全恃黃河為天險。其汾州府屬之汾河。上至太原。下達絳州。亦通黃河。賊匪飄忽靡常。儻被勦窮蹙。難保不搶船偷渡。非西竄陝西。卽南竄豫省。勢將更滋蔓延。所關非細。著勝保郭夢齡迅速派委得力員弁。協同地方官。飭將黃河東岸及汾河一帶船隻。全行撤淨。以杜賊匪逃竄之路。並著

隨時與舒興阿桂明知會。如有匪徒偷渡。卽設法兩岸夾擊。昨據托明阿奏。賊竄屯留。數止千餘。其大股現在何處。是否全趨屯留一帶。抑係分股旁竄。各路要隘。據該大臣及郭夢齡奏業已派撥防守。惟須得力將弁管帶。方免貽誤。烏勒欣泰防守關子嶺。是否可靠。仍著勝保察看。如不得力。卽另派員管帶。其餘要隘。派守各員。並地方情形。緩急兵力。強弱。均須斟酌調度。毋稍大意。托明阿腦受槍

傷。實深繫念。是否漸就痊愈。恩華及蘊秀所帶之兵。曾否趕到此。股賊匪必須於晉境山內設法四面兜圍。剋期殄滅。勿令竄出口。滋擾直境。將此由六百里各諭令知之。○又諭張芾奏。逆匪攻陷饒州府城。擾及樂平縣。並土匪圍撲吉安府城。各摺片。現在江西省城尚未解圍。省外郡縣疊遭擾害。分兵既恐力單。籌餉又虞不繼。朕心實深懸繫。著張芾嚴飭地方文武。督率紳民兵勇等同心勦力。

共圖保衛。總兵阿隆阿趕到吉安。相機進剿。湖南候補道夏廷樾亦已赴援。著卽飭該鎮道合力攻剿。及早殲除。饒州樂平均著分派兵勇。迅往剿辦。其泰和萬安等處土匪。並著一體防剿。毋致滋蔓。人另片奏請截留軍餉。並飭籌款撥解等語。已飭戶部籌議。當此需餉孔亟之時。支絀情形。該撫既已深悉。若專恃部撥。儻指款一時未能卽到。豈可坐誤事機。設局勸捐。激勵士民。勢不能不藉資羣力。

或酌量行用鈔票銀錢。並用虛實相權。亦可有濟。所屬地方。除被擾各屬。其餘州縣。應行徵解各款。仍須設法趕緊催解。以濟軍儲。據稱儘徵儘解。地丁正款。從來無此辦法。卽鹽課關稅。亦不能開此弊竇也。其粵海關解赴江南大營銀十五萬兩。准其暫行截留備用。各省糧臺均係緊要軍需。該撫為一省計。朕為天下計。能不統籌全局耶。至前調廣東兵二千名。是否前來。與贛州文武會合截剿。饒

州府賊匪現在如何剿辦。均著隨時奏報。將此由六百里諭知張芾。並諭陳孚恩。江忠源知之。陝西提督桂明奏賊偏陝境沿河船隻均已撤盡得旨。緊急軍務。不可不加倍從嚴。所擬極是。欽差大臣都統銜琦善等奏。揚州賊匪思竄。堵剿獲勝得旨。東路欲竄。早在意中。琦善斷不能辭責。緩緩待之。俾賊盡出。以收復入奏。是何肺腑。豈不能力陷堅城。盡殲醜類。卽使稍有餘波。汝等功過尚足相

抵。自賽尚阿一誤之後。再誤者琦善也。琦善老而無志。若再不知愧奮。朕必用從前賜賽尚阿之過。必降刀將汝正法。江西巡撫張芾奏。連日戰守情形。並趕造船筏得旨。覽奏戰守各情。皆係小勝。未致大損軍威。惟盼南昌圍解。江路肅清。則金陵大股逆匪。自易埽除也。○兼署閩浙總督福州將軍有鳳奏。臺灣鳳山縣城收復。現在籌辦情形。得旨。覽奏各情。均悉。臺地軍餉甚屬緊要。既能設法通

融妥辦甚好。捐數較多者。速行奏請恩施。○以攻勦安徽巢縣及太平嶺賊匪出力。予勇目沈文鎧等。升補有差。○以江西泰和萬安二縣被賊竄擾。革署知縣郭椿齡。王家棟職。暫留任。○以江西饒州府城被賊竄陷。革知府胡正仁職。仍留任。○以江西吉安府勦賊不力。革守備岳殿卿職。並逮問。○贈江西陣亡知府王本梧道銜。予祭葬世職。建立專祠。並予照磨謝時霖祭葬世職。入祠附祀。○予

事

事

江西陣亡知縣沈衍慶。李仁元。祭葬世職。建祠致祀。並予李仁元任所建立專祠。伊父李予墀。母陳氏等。附祀。○予江西高安縣殉節署知縣胡光輔。祭葬世職。○壬寅。諭軍機大臣等。據恩華。郭夢齡奏報。賊匪於二十三日攻陷潞城。全數奔竄。黎城欲由該處出口。徑撲河南等語。黎城與河南武安。直隸邢臺。皆屬接界。托明阿。西凌阿。明慶。蘊秀等。據稱帶兵緊追。何以未能堵截。致賊旁竄。此時該大

臣是否仍在平遙。抑係督兵進勦。未據奏報。實深懸繫。據恩華奏行抵襄垣。擬由固關徑入直隸。迎頭截擊。是否不致紆迴遲誤。著勝保。迅即統籌全局。應如何扼要堵擊。不令竄入直境。並合力夾擊之處。相機調度。辦理賊情詭詐。勢甚剽疾。勝保等統兵遏其北竄。太原之路。安知賊匪不避實襲。虛橫出山口。由豫境擾及直隸境內。著該大臣隨時飛咨。訥爾經額。並嚴飭派守隘口官兵。認真堵截。無

事

事

稍大意。將此由六百里加緊諭令知之。○又諭。盛桂奏豫籌防堵一摺。據稱張家口額設滿洲蒙古駐防騎操兵六百八十名。連間散等統計。不過千餘名。協標綠營兵調赴直隸防堵。僅贖百餘名。宣化鎮屬各營兵丁所贖亦屬無多。請將所調直隸宣化鎮各協營官兵撤回歸汛等語。現在逆匪紛竄山西東北界。距張家口宣化府僅二百餘里。該處兵力單弱。自應亟籌添調。以資堵勦。著訥爾經額。

體察現在情形。或將所調宣化鎮營官兵速行撤回本汛扼要駐守。抑或另行酌量調撥。該督務當權衡緩急。妥速籌辦。毋稍遲誤。將此由六百里諭令知之。○又諭舒興阿奏。續派官兵赴晉協勦。並撥兵駐守聞喜。該督現擬馳往蒲州。就近堵勦等語。昨據托明阿奏。賊匪竄入長子縣境。數止千餘。其大股現在屯聚何處。尚未據勝保奏到。惟逆匪由洪洞分竄。難保不由黃河西擾蒲州。陝省防範。不可不嚴。該督帶兵前進。既可迎勦分竄之賊。又可扼守陝省門戶。所有山西沿途地方官員。如有延玩誤差者。著即據實嚴參懲辦。並著隨時知會勝保。郭夢齡。務當聲息相通。合力夾擊。迅殄逆氛。實深殷盼。昨據鴻臚寺少卿倪杰奏。賊擾平陽。宜防守陝西等語。軍務情形。旦夕不同。現在該督業經分兵嚴密堵勦。所有倪杰原摺。仍著鈔給閱看。將此由六百里諭令知之。○陝甘總督舒興阿奏。撥兵

駐守聞喜。並親往蒲州防勦。得旨。卿既赴晉協勦。即係護陝省前路。總以相機兼顧為要。又奏沿途馱載缺乏。批。貽誤地方。官著知照。郭夢齡。即日查明奏。○署山西巡撫郭夢齡奏。賊竄潞城。文武不知下落。飛咨直隸。河南撥兵堵擊。得旨。該逆奔而不留。其勢固窮。雖欲竄往河南。而太原前路防堵。猶屬緊要。不可稍疏。潞城文武下落。著查明具奏。恆春指日抵晉。郭夢齡仍應和衷籌畫。以大局為要。若遇要件。不及相商。即徑行馳奏。○署山東巡撫崇恩奏。拏獲捻幅各匪。正法得旨。嚴拏土匪。乃東省要務。汝前因此獲譴。今既署撫。尤應加意妥辦。力戒因循。況此時更非常比。不振作焉能有效。○欽差大臣湖北提督向榮等奏。報上海川沙等廳縣失守。撥兵進勦。得旨。數日間。四縣接連失守。深堪詫異。除業經自縊之地方官。有無逃避者。著迅速查明。向榮雖日久無功。而金陵賊匪尚不至肆

意竄往下游。此時斷斷不可離營。○伊犁將軍奕山等奏俄囉斯通商情形得旨。彼既安靜甚好。嗣後或別有要求。總要正辭拒之。以尊崇中國體制為是。但不可無委婉相商之處。隨時妥辦密之。○改鑄浙江歸安縣知縣印信。從巡撫黃宗漢請也。○予福建殉節知縣王廷幹祭葬世職。○貸察哈爾布魯圖等被災驛站買補駝馬銀。

實錄卷一百四

哭

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五

敘修

咸豐三年癸丑九月癸卯朔諭內閣訥爾經

額奏賊匪竄越直境催調官兵堵剿桂良奏臨沼關被賊竄擾勝保奏督兵星馳繞赴直隸截剿各一摺該逆自山西洪洞東竄復由屯留竄至潞城黎城一帶經勝保善祥托明阿西凌阿等分路追截勝保已將賊匪北竄太原之路扼要堵截托明阿由澤潞進兵復於屯留境內追及賊蹤亦獲勝仗將該匪擊退數里旋復奔突東竄而恩華赴晉迎剿之兵迄未與賊一遇以致該逆徑由涉縣武安

竄入臨洺踞關抗拒畿輔重地豈容逆匪竄擾該督訥爾經額由臨洺退回暫駐廣平調集官兵親督進剿勝保等已統帶各路大兵繞出賊前截擊托明阿西凌阿等跟蹤追擊並有舒興阿派來之副都統綿洵總兵桂齡與副將孔廣順官兵隨同勝保等擊賊現在本省防兵及盛京吉林官兵雲集已數勦辦著再添派培成多爾濟那木凱管帶駐劄南苑之察哈爾馬隊官兵即日啟程並派慶祺

維祿管帶駐劄天津之盛京官兵迅速馳往統計京外大兵數萬餘名併力奮剿諒此么膺小醜惡貫滿盈盡數殲除剋期可待前曾疊次諭令訥爾經額嚴防直隸各要隘據奏早經布置何以先期絕無偵探準備以致賊匪竄入直境該督調度乖方實難辭咎訥爾經額著革職留任並拔去花翎以示薄懲恩華會勒遷延致賊東竄著革職留任仍責令帶兵迅速繞出賊前會同勝保協力勦辦以

贖前愆托明阿勦賊奮勇出力身受槍傷惟未能遏其竄逸著降五級留任勝保督催不力咎亦難辭著降二級留任均著迅速會剿殄此羣兇肅清畿甸如帶兵大員及鎮將以下各員弁再有逗遛不進致誤事機者即著該大臣懍遵前旨嚴叅懲辦諭軍機大臣等本日據勝保奏賊匪東竄繞道獲鹿并陘迎頭截擊一摺逆匪被勦竄入直隸訥爾經額以兵力不敷退至廣平致臨洺關被賊占

踞業經該督暨桂良奏到披覽之餘殊深憤悶臨洺距直隸省城甚近若不及早殲除不但順德廣平被其滋擾即近畿一帶亦為震動勝保素稱勇敢且畀以總統重任各路官兵均歸調度著即迅由井陘一路出山迎截並飛催各路帶兵大員迅速會剿總期近畿地方及早肅清以慰廑念前據恩華奏報亦擬帶兵由固關一路迎截此時不知行抵何處是否已與勝保會合著即速催前進會同

勦辦。毋再延誤。托明阿槍傷想已痊愈。即著與西凌阿等併力追擊。使賊匪前後受敵。無難悉數殲除。董占元畏葸不前。至今屢催未到。實屬可惡。著即查明。如係有心貽誤。即奏請正法。以肅軍律。現派培成多爾濟那木凱帶領察哈爾官兵三四千名。前往正定。惟馬匹尚須調撥。此項官兵恐未能剋期趕到。其盛京兵二千名。由天津馳赴保定。如有應需調遣之處。即行咨調。協勦恆春已令暫留正

定。協同帶兵防勦。並將副都統佟鑑所帶礮位截留。著即酌量布置。滹沱河渡口船隻亦須飭令收集。毋令奸匪偷渡。畿疆重地。豈容逆匪滋擾。該大臣惟當申明紀律。嚴定賞罰。與在事諸臣同心勦力。迅殄妖氛。以副委任。將此由六百里加緊諭知勝保。並諭令恩華托明阿善祿。西凌阿等知之。又諭訥爾經額桂良先後馳奏賊竄直境情形各摺。自賊竄懷慶之時。節次諭令該督嚴防。畿輔要隘

即該督疊次奏報。亦似各處皆有準備。何以賊蹤竄及。一戰即潰。且軍火器械為兵丁衛身擊賊之具。自賊匪西竄。該督漫無布置。竟置軍械於後。致令如此勁旅徒手禦賊。事後歸咎車輛不敷。亦已無及。即此一節。該督調度無方。已可概見。逆匪已踞臨洺關。且離順德不過二十餘里。該督既在永年發摺。何以並不提及臨洺關失守之事。摺內又稱擬由南和冀州無極一帶繞出賊前。廣平至正定

自宜徑向北行。何以轉折而東。似此紆折遷延。是何意見。豈將任賊直奔正定。乃由冀州一帶為退回省城計耶。保恆帶兵由固關出山迎擊。自係正辦。蘊秀伊綿阿何以轉令留劄固關。不與保恆合力勦賊。勝保等現已由獲鹿井陘一帶督兵迎擊。該督務即迅赴正定。與勝保等會勦。萬勿再有延誤。致干重罪。滹沱河現當盛漲。有險可守。並著飭令地方官收集渡船。毋為賊用。所有派赴正定之察

哈爾官兵。即日由京啟程。該督不可專待此項兵丁。致有貽誤。其派赴保定之盛京官兵。著與桂良妥商布置。並嚴飭地方文武合力守禦。儻再有疏失。惟該督是問。逆匪肆意奔突。而前後均無應援。若勦截得手。難保不由磁州一帶回竄豫境。懷慶府知府余炳燾前已有旨補授陝西鳳郃道。令赴新任。該員熟悉河北情形。著該督即飭令暫留懷慶。會同河北鎮道籌辦防堵。其山東與直隸交界

處所。亦即飛咨瑞昌崇恩一體嚴防。以杜竄逸。將此由六百里加緊諭令知之。○又諭。臨洺距省不過六百餘里。畿疆重地。十分喫緊。著桂良嚴飭各員弁實力籌防。並飭各處隨時偵探。盤緝奸宄。密速查拏。總以鎮定人心為要。滹沱河在正定城外。現時盛漲。有險可守。著即速飭地方官將河內船隻盡行收集。毋令賊匪偷渡。並知照恆春一體嚴防。將此由六百里諭令知之。○又諭。賊匪由洪洞竄

出。因勝保帶兵過其前。竄太原之路。遂由潞城黎城一帶山徑竄入直境。占踞臨洺關。舒興阿已親督兵弁過河。駐劄蒲州。著即酌度情形。如晉陝之間不甚喫重。即行前進。探明賊蹤。應由何路督兵夾擊。總以廓清直境。迅掃逆氛為要。舒興阿現已出境。桂明係提督全省軍務。責無旁貸。著舒興阿飛咨該提督並該撫張祥河嚴密堵禦。盤詰奸匪。勿令匪蹤闖入。將此由六百里加緊諭令知之。○又

諭。現在勝保督兵由固關一路出山。直趨正定。截勦不日即可馳抵該處。恆春著即暫駐正定。府督率該處防兵相機布置。俟勝保到後再行奏明赴晉。據桂良奏現留副都統佟鐙協同防守省城。並截留礮位。著該撫體察情形。如須將礮位運至正定。以備攻勦。即行知照桂良妥速辦理。將此由六百里加緊諭令知之。○又諭。寄諭署山西巡撫郭夢齡現在逆匪雖竄出晉境。一經大兵截擊。難保不

復圖回竄。恆春一時未能赴任。該署撫務於毗連直豫各要隘嚴密設防。並撥除境內餘匪。飭令各地方官勸諭紳耆。實力舉行團練。互相保衛。切勿以賊已他竄。稍涉大意。其被擾各地方。尤宜慎簡賢員。設法安輯。將此由六百里諭令知之。○賞派往軍營理藩院侍郎培成。護軍統領多爾濟那木凱銀。各一百五十兩。○撥山西司庫銀三十萬兩。鹽庫銀五萬兩。捐輸銀十萬兩。陝西捐輸銀二十五萬兩。解京以備餉需。○調熱河馬三千匹。察哈爾馬二千匹。來京備用。○甲辰諭內閣。宗人府八旗都統奏。遵議紅白賞卹。分別酌辦。各一摺。著照所議。所有宗室覺羅現任食俸官員。本身紅白事。暨閒散宗室覺羅紅事賞卹銀。並八旗官員紅白事及兵丁紅事賞卹銀。均暫行停止。其閑散宗室覺羅白事卹銀。暫停一半。至八旗兵丁白事卹銀。仍照舊賞給。一俟庫款稍充。再行查照舊章辦理。○又

諭給事中。英綬奏鈔務錢法宜除積蠹一摺。據稱戶部承辦官鋪之商人蕭光浩。勒指把持。倡言不收官票。戶部錢法堂主事書年。猥鄙貪巧。留任多年。且有與鑪頭換帖宴會。並與私商通同舞弊情事。當此鈔務錢法辦理緊要之時。豈容此等劣員奸商阻撓敗壞。書年著即撤去。戶部錢法堂差使。仍著該部堂官按照所參劣款。嚴切查明。據實叅奏。不准稍有徇隱。蕭光浩即蕭三著戶部即行斥退。

所辦官鋪。另行招商承充。如該商斥退後。仍敢藐法指阻。暗中把持。即行從嚴懲辦。○又諭怡良奏查明匪徒滋事。請將各該地方官分別懲辦一摺。江蘇署嘉定縣知縣馮翰。於鄉民鬧署搶毀縱犯之際。該員棄城逃匿。實屬罪無可逭。馮翰著即革職。拏問。定擬具奏。兼理嘉定縣署鎮洋縣知縣鄭揚旌。於抵任後。如果撫馭得宜。何至匪犯復行踞城。著青浦縣知縣張銘曉。寶山縣知縣金行照。於匪

徒入城滋事時或不知下落或帶印出城均難辭罪鄭揚旌張銘曉全行照均著先行革職如查有聞警先逃情事即著從嚴懲辦現在署巡撫許乃釗署臬司吉爾杭阿先後帶兵前往勦捕著即將糾約滋事首犯周立春嚴拏務獲盡法懲辦並將夥匪悉數殲擒毋任一名漏網○諭軍機大臣等給事中雷維翰奏州縣浮收激變多以抗糧滋事為詞請旨飭各督撫妥辦一摺國家徵收賦稅各有

定額豈容不肖貪吏於正供之外任意勒折浮收以致民力告匱民欠日多中飽在於吏胥而虧損在於國課若如該給事中所奏州縣收漕竟有應交一石浮收至兩石之多並有運米不收勒折交銀以至民怨沸騰激成事變遂有聚眾戕官之案不得不發兵勦捕而各州縣反藉詞於抗糧滋事以掩其浮勒之咎究其起釁根由皆此不肖官吏貪婪所致現在東南財賦之區半遭蹂躪業經屢沛

恩施分別蠲緩其未經被兵州縣仍當照舊輸將以充國課若再任貪吏腹削以致民不聊生逋欠累累强者抗拒弱者流亡其何以蘇民困而裕倉儲著有漕各督撫於州縣徵漕之際留心察訪如有浮收勒折激成事變反借抗糧為名希圖蒙蔽者即將該員嚴叅治罪並即遴選賢員接辦妥為安撫綏靖地方務當實力奉行勿負諄諄誥誡之意原摺鈔給閱看將此各諭令知之○又諭寄諭署

山西巡撫郭夢齡惠親王等請飭晉省籌畫軍需一摺山西素稱富足軍興以來紳士商民人等急公好義踴躍輸將數已不少自逆氛擾入晉境平潞各府屬慘遭蹂躪眷懷西顧時深憫惻現在賊蹤他竄省垣一帶幸得保全惟揔捕餘匪防守要隘善後事宜均關緊要當此庫藏支絀之時一切經費不能不兼資民力以期共濟著該署撫遴選賢員會同公正紳耆推誠布公剴切曉諭各就地方

情形妥速辦理自有實效原摺鈔給閱看將此由六百里諭令知之○又諭寄諭欽差大臣琦善向榮兩江總督怡良署江蘇巡撫許乃釗安徽巡撫李嘉端等據查文經奏統籌江南大局酌擬四條呈覽一摺所奏甚是其速募戰艦一條尤為肅清江面要著前經疊諭湖北湖南各督撫趕緊製造嗣經該省奏稱民船不適於用業已收買江船照廣東船式改造可安礮位而利進行著即迅催張亮

基等派委得力員弁雇募舵丁水手駛赴江南以資攻剿廣東所募紅單船早抵閩洋此時當可入口又有知縣林德泉所雇挖罾船現泊上海均著飛催前進萬勿刻遲至逆匪於江岸偏設礮臺以致我兵船不能前進故自艇船入江以來雖屢次接仗未聞越北固金山而上至黃天蕩者該臬司所請攻奪五龍山北固山象山沙洲圩等處礮臺並扼守東西梁山實為安排水戰之急務尤宜及早

圖維先奪礮臺而後戰艦得以暢行無阻其區別練勇一條亦切中募勇情弊著該大臣督撫等體察情形迅速籌辦庶不致坐耗時日糜餉老師也原摺著鈔給閱看將此由六百里各諭令知之○以都察院左副都御史載齡署理藩院右侍郎○以工部右侍郎王明署正紅旗護軍統領○調察哈爾兵二千名赴直隸正定剿賊○命京營右翼總兵達洪阿管帶八旗兵二千名赴臨洺關協同剿

賊 乙巳

上詣

壽康宮問

皇貴太妃安 諭內閣理藩院奏請暫停年班來京一摺內外扎薩克蒙古王公等自軍興以來或捐輸經費或呈進馬匹均屬急公報效本年班若仍令其照常入貢費用浩繁恐增苦累所有本年內外扎薩克蒙古王公台吉額駙年班均著暫行停止一年其回子

伯克及後藏堪布如已啟程無論行抵何處即著折回無庸來京以示體恤○又諭黃宗漢奏保舉賢員請旨補授海疆要缺知府一摺浙江請補杭州府西塘海防同知段光清前在署理鄞縣知縣任內辦理要案寬猛兼施輿情愛戴當經降旨以同知即補茲據該撫奏稱該員歷任各縣俱能勞心撫字盡力緝捕現在委署甯波府事人地實屬相宜惟甫經題補同知未准部覆與例未符等語段

光清即著補授甯波府知府以為地方官能得民心者勸此外不得援以為例諭軍機大臣等寄諭欽差大臣向榮署江蘇巡撫許乃釗有人奏紅單船素習波濤慣於打仗該船以利謀生獎以功名不若賞以重利等語廣東所募紅單船早抵閩洋此時當可入江此項船隻是否堅固礮位是否猛利管帶各員是否得力著該大臣等認真體察總期有一船可得一船之用並著剴切曉諭如將江

面賊船轟燬除軍械火藥米糧照例入官外其餘財物概行賞給以期奮力勦賊早清江面原摺著鈔給閱看將此由六百里諭令知之○又諭寄諭兩廣總督葉名琛廣東巡撫柏貴有人奏廣東濱海之區沙田數千萬頃多未升科皆由辦理詳咨費用太多人皆畏縮若減價徵收計可得銀數百萬兩又據奏稱粵東紅單船與官兵不相洽習至臨陣機宜令自舉勇幹紳士為之董率又有快蟹船

與紅單船實能相輔可一併招募若能轟燬賊船即將銀物全行賞給等語現在經費支絀如果沙田多未升科該督撫等即體察情形妥為籌辦前募之紅單船早已馳抵閩洋其快蟹船隻亦經諭令雇備該督撫等諒已遵旨辦理著即派委明幹賢員將前項船隻擇其船堅礮利者再行設法雇募多隻並選派勇敢紳士令其管帶迅赴金陵會同協勦如能將江面賊船全行轟燬即賞以數十萬

金亦所不吝。該督撫等即酌量妥速辦理。毋稍延緩。原摺著鈔給閱看。將此由六百里諭令知之。浙江巡撫黃宗漢奏浙省米販不通商船改道運穀赴浙請與前奏米船一體免稅。如所請行。○以禮部左侍郎聯順署京營右翼總兵。○賞派往軍營右翼總兵達洪阿等銀兩有差。撫恤福建連江羅源屏南福清莆田仙游晉江同安南安惠安上杭永定霞浦福鼎福安壽甯十六州縣。平潭蚶江馬家巷三廳及金門羅溪縣丞所屬地方。被水災民。○丙午諭內閣前因逆匪竄入山西。訥爾經額折回直隸。疊次諭令將各路要隘嚴密防守。乃賊匪竟由山口竄入直隸境內。占踞臨洺關。該督退至廣平。自前次奏報後。數日以來並無續報。本日據尚書桂良奏。賊匪擾及隆平柏鄉等縣。正定郡城喫緊。催調官兵堵截等語。不知該督所司何事。現在行抵何處。殊堪詫異。該督久任畿疆。一遇軍務。

漫無布置。辜恩溺職。咎實難辭。訥爾經額著即革職。仍留於直隸。隨同桂良辦理防勦事宜。直隸總督著桂良補授。務即悉心籌畫。與勝保等調派將弁。兵勇迅速截勦。盡殄賊氛。以副委任。○諭軍機大臣等。寄諭直隸總督桂良逆匪竄入臨洺關。復陷隆平柏鄉。勢甚剽疾。正定情形極為喫重。慶祺等所帶駐劄天津之盛京兵二千名。已於初三日由水路啟程。前赴保定。其察哈爾官兵。並派出京兵。亦即日前往協勦。所有撤回之大同兵及龍王廟停泊之盛京官兵。並吉林官兵。均須飛催趕到。俟鑑所帶礮位。如已到省。著察看緩急。與恆春酌量布置。隨時知照勝保合力勦辦。前調大凌河哲哩木錫林郭勒等處馬匹。聞已入山海關。即行飛催前進。勿令稽延。該督身任畿疆。責無旁貸。惟當統籌全局。迅殄賊氛。以慰朕望。將此由六百里加緊諭令知之。○又諭前已諭令勝保由井陘一路出山。

迎截。並飛催各路帶兵大員迅速會勦。諒已遵旨辦理。賊勢剽疾異常。畿輔重地。豈容任其滋擾。該大臣務即督兵迅速前進。扼守正定。滹沱要隘。毋稍遲緩。本日已授桂良為直隸總督。所有一切防守事宜。仍著隨時知會桂良。妥籌辦理。該大臣等其協力同心。肅清逆匪。保衛畿疆。將此由六百里加緊諭令知之。○又諭前諭恆春暫駐正定府相機布置。俟勝保到後。再行奏明赴晉。現在賊匪勢甚

剽疾。逼近畿疆。甚關緊要。該撫諒已馳抵正定。著即督率地方文武。扼守滹沱。保護郡城。遏賊北竄之路。仍須嚴密偵探。毋任奸細潛入城中。桂良駐劄省城。如有緊急。咨照不及。即行相機調度。萬勿拘泥。勝保此時若已由獲鹿出山。繞出賊前攻勦。定可得手。至佟鑑所帶礮位。據桂良奏截留保定。以資防守。並著該撫酌量緩急。與桂良商辦。將此由六百里加緊諭令知之。○又諭張芾、江忠源奏逆

匪敗竄。省城解圍。各摺片。本日據李嘉端奏。賊船六百餘隻。停泊安慶府城外。乘夜入城。現在賊匪不下五六千人。等語。此股逆匪。顯係圍攻南昌。不能得手。復圖竄踞安慶。本日已諭令李嘉端、周天爵迅籌勦辦。並諭令張亮基、崇綸將造船隻。催赴下游。交江忠源調遣。其夏廷樾所造船隻。並著派員押送下游。以備兵勇乘坐。現在南昌省城解圍。所有被難居民。著張芾等妥為招撫。其竄踞饒州

擾及吉安等處土匪。仍著督飭各員弁。趕緊勦除。江忠源跟蹤追勦。總以肅清江北為要。著即與都司戴文蘭、李輔朝等督飭兵勇。直赴皖省。探明賊蹤。合力攻擊。勿令餘逆久踞皖城。又成巢窟。將此由六百里加緊各諭令知之。○又諭本日據江忠源奏竄擾江西省城之賊。屢受懲創。於八月二十二日。乘風下竄。現已跟蹤追勦。惟水路船隻。自被賊擾後。一時實難雇覓。又據李嘉端奏有賊船陸續

停泊安慶。占踞府城。請飭亟為應援。各一摺。是由江西擊退之賊。非上竄湖北。即全數下擾安慶。江忠源雖已跟蹤追剿。而苦無船隻。恐剿辦未易得手。張亮基等前奏籌備船礮。此時諒已辦有成效。如尚辦不足數。著即將業經改造若干隻。先行派委得力員弁管帶。星速駛赴下游。聽候江忠源調遣。協同截剿。毋得延誤。將此由六百里加緊諭令知之。○又諭安慶賊船。是否即係由江西紛竄。現在

匪徒五六十人。築壘沔濠。已有占踞之勢。必當早圖攻剿。已命張芾將江西新造戰船。由江赴皖。以備調遣。並命張亮基等將備赴江南船礮。先行酌撥。駛往安慶。以為援應。該撫務即嚴飭玉山張熙宇等。扼守集賢關。防其北竄。安徽現無重兵。惟周天爵在潁州。勦匪著迅撥兵勇。由桐懷一路。擇要進剿。並可保護廬州。仍飛咨江忠源。無論水陸。迅速赴援。慧成前由揚州分撥青州官兵八百五十名。

派常清管帶。馳赴和州。計日趕到。亦可酌量調撥。奕經現守固鎮。能否進守關山一路。著李嘉端與奕經周天爵咨商辦理。將此由六百里加緊諭知周天爵李嘉端。並諭壽春鎮總兵玉山知之。○以江西擊退賊匪。省城解圍。開復巡撫張芾革職留任。處分賞在籍尚書陳孚恩。花翎按察使江忠源。二品頂帶。以江西安福泰和萬安等縣城被賊竄陷。革知縣文明職。與已革知縣郭椿齡王家棟。併

逮問。○予江西陣亡把總應江祭葬世職。○丁未。

上幸瀛臺。諭軍機大臣等。據桂良奏賊匪已至趙州。該督飛劄署提督保恆。實力防守。並飭正定鎮總兵及該府知府。於滹沱河渡口。多派兵役。晝夜把守。船隻已收北岸。復於沿河安設擡槍擡礮。以防偷渡。惟趙州逼近正定。距省亦甚近。若不趕緊截剿。則近畿一帶。俱為震動。該大臣由井陘出山迎截。現在行

抵何處。連日未據奏報。朕心實深焦灼。所有培威。多爾濟那木凱帶領京兵。及察哈爾官兵。並達洪阿帶領京兵。均已催令啟程。統歸該大臣調度。著勝保即督兵星速兼程前進。繞出賊前。痛加勦洗。正定為省城門戶。不可稍有疏虞。恩華所帶之兵。亦由井陘一路出山。現抵何處。亦未據奏報。著即飛催前進。合力攻擊。托明阿西凌阿等追賊。是否跟蹤緊躡其後。何以未聞接仗。並著隨時知照。前後夾擊。所需糧餉。已諭令郭夢齡源源接濟。想該大臣定能奮勉圖功。速滅此賊。以副重任也。將此由六百里加緊諭令知之。○又諭桂良已授為直隸總督。本省各路防兵均可調遣。所有訥爾經額管帶各官兵。現在何處。該督即飛催調撥。扼要堵截。並嚴飭保恆實力防守正定。該郡為保定門戶。萬不可令賊匪闖入。務於滹沱河口。派委得力大員督率弁兵。不分晝夜。竭力巡防。該處船隻無多。易於

收藏淨盡。惟須嚴查兩岸居民。接濟賊匪。竹木等物。致令紮筏偷渡。所留省垣之佟鑑帶往礮位。應否移往該處。交恆春保恆派撥應用。著該督酌量妥辦。本日已飛諭勝保兼程前進。計該大臣現在必可趕入直境。杜賊北竄。至省城地方。尤屬緊要。藩司張集馨現在駐劄何處。何以賊由河南竄入直境。未見該司督兵堵截。省城藩臬。皆係署任。張集馨豈可置之空閒之地。著該督查明。飭令該司星馳回省。協同辦理防勦。至河間府一帶。亦係通衢。著該督一併飭屬設防。並通飭所屬曉諭紳民認真團練。互相保衛。以靖地方。將此由六百里加緊諭令知之。○又諭天津密邇京師。濱海要地。不可不嚴加防備。聞該處團練頗有成效。著文謙會同該鎮道認真督勸。實力操演。以資捍衛。並飭在籍前任巡撫梁寶常督率倡辦。至海口商民船隻。亦須隨時嚴密稽查。毋令奸細濶跡。其陸路商販難民

亦難保無匪徒假扮希圖窺伺虛實著文謙等密派妥幹之員隨處訪察僅有形跡可疑者即行嚴拏究辦惟須持以鎮靜切勿張皇將此由六百里諭令知之○又諭據怡良奏收復三縣城池一摺逆首周立春恃刁逞惡膽敢糾匪踞城現經委員丁國恩等督帶兵勇攻破嘉定城門立將該逆擒獲其寶山青浦二縣亦經都司景又春主事劉存厚等分馳攻剿先後收復縣城辦理尚為迅速所有撥捕餘匪撫綏良民各事宜即責成地方官並各該員弁妥為籌辦該逆周立春押解到省訊明後即行盡法懲治以儆兇頑南匯川沙上海三廳縣現在尚未克復前據許乃釗奏親督大營官兵前往剿辦著即兼程馳赴該處督同署臬司吉爾杭阿帶兵進剿以期迅速殲除勿留餘孽至上海華夷雜處且為海運總匯之地關係尤屬緊要必須及早攻克以靖人心該道吳健彰本有失守城池之

罪惟於地方情形素為熟悉著該督等即飭該道督同地方文武相機克復以贖前愆將此由六百里諭令知之○禮部尚書奕湘因病解任調工部尚書麟魁為禮部尚書以都察院左都御史花沙納為工部尚書調刑部尚書阿靈阿為兵部尚書以工部左侍郎德興為刑部尚書都察院左副都御史載齡為工部左侍郎○以禮部左侍郎聯順為都察院左都御史仍兼署京營右翼總兵內閣學士穆蔭為禮部左侍郎調禮部右侍郎瑞麟為戶部右侍郎兼管錢法堂事務戶部右侍郎青慶為禮部右侍郎○以內閣學士勝保為正藍旗漢軍都統未到任前以戶部尚書文慶署理○以工部右侍郎玉明為鑾儀衛鑾儀使○調鑲黃旗漢軍副都統奕經為鑲藍旗滿洲副都統鑲白旗蒙古副都統基溥為正白旗滿洲副都統以葉爾羌參贊大臣豐紳為鑲黃旗漢軍副都統護軍參領烏爾

棍秦為鑲白旗蒙古副都統○以福建銅山延平營汛被賊竄擾革遊擊游碩坊千總沈大魁林士魁林啟明把總王建祁職均逮問○賞察哈爾出征官兵羊五百隻○戊申遣官祭

都城隍之神○諭軍機大臣等五城御史等奏嚴查內奸一摺現在賊匪竄入直境京師重地尤宜嚴密巡查所有條陳各款除城門內外及大街添設柵欄一節窒礙難行外其

餘各條著步軍統領會同五城體察情形實力稽查彈壓總期事無繁擾實有裨益方為妥善不在多設章程也原摺著鈔給閱看將此諭令知之○又諭昨據勝保奏報初三日已到平定州計程日內可抵正定惟逆賊行蹤趨急現已擾及趙州我軍果能繞出賊前迎剿當不致任其北竄該大臣所稱探聞賊由順德東竄之說不知確否已諭長蘆鹽政文謙督同天津鎮道實力巡防慶祺統帶盛

京官兵二千名已由天津水路啟程其原坐船隻亦令於到省後暫留停泊儻天津有警即可折回截剿其由東而北河間一路由西而北易州一路均須密為布置此時兵力斷不能處處設防昨所派出之八旗精兵及京營兵二千五百名察哈爾兵二千名並慶祺所帶盛京官兵剋日均赴保定會齊保定扼東西之衝兩面皆可兼顧該大臣探明賊蹤所向應調往何路飛速調撥或前進迎擊或

東西兩路堵截並迅即知照桂良一體籌辦該大臣等帶兵或遏賊前或躡賊後總須前後來擊定當盡殲醜類現在恩華所帶之兵行抵何處未見奏報該大臣即嚴催前進如恩華不能親督迎剿其帶兵各員孰為勇往即著指名調取令其帶兵飛速前赴大營以備調遣兵機緊要斷不可遷就拘泥任令貽誤訥爾經額現奏續調到盛京兵及收集潰兵二千名交經文岱統帶跟追訥爾經額復

同文冲帶後到一千名。現在均在何處。署提督保恆所帶兵五百名。蘊秀、伊綿、阿留、劄固關兵一千名。並前調赴保定之吉林兵一千名。現在是否趕到。並著該大臣迅速催調。擇要調撥。以資防剿。仍確探賊情。隨時奏報。以慰廑念。將此由六百里加緊諭令知之。○又諭副都統阿彥達奏。賊由西而北。則易州一帶較為喫重。由東而北。則固安、廼南、天津、迤西。總路要隘。尤不可不豫為防備。所奏不為

無見。現在京旗各營及察哈爾官兵。俱於保定會齊。如賊匪竄過正定。則易州情形緊急。必須扼要嚴防。勝保如已繞出賊前。扼住滹沱。正定要隘。該逆被剿。勢必東竄。則河間、天津兩路。均極緊要。著桂良隨時確探。該逆由何路紛竄。即迅速知照。達洪阿、培成等趕向截擊。總宜與勝保前後夾攻。俾腹背受敵。方可殲除淨盡。昨令慶祺帶領盛京官兵前往保定。如探知賊匪窺伺天津。即知照慶祺將

原帶之兵折回勦辦。勝保片稱天津立有火會。但一鳴鑼萬人皆聚。若密飭該道府團集。諭以大義。可期擊賊制勝等語。已諭令文謙會同該鎮道等妥速籌辦。該督仍隨時知照。毋誤事機。原片鈔給閱看。將此由六百里加緊諭令知之。○又諭據慶祺奏帶兵啟程。派員鎮守地方一摺。該侍郎統帶各起官兵。由水路行走。務須催趲前進。斷勿延緩。並著知照勝保。以備調撥。並據勝保片奏盤獲奸細。

有分股東竄之說。若由衛河直達天津。亦不可不豫為防備。已諭知勝保。桂良隨時偵探。即知照該侍郎相機籌度。著於行抵保定後。仍將載兵船隻暫留水次。設或津門有警。即可統領原帶之兵順流下駛。為前後夾擊之計。毋失事機。勝保原片著鈔給閱看。將此由五百里諭令知之。又諭天津為畿東保衛。現值逆氛未靖。一切防守關緊。緊要必須事權歸一方。足以資彈壓。長蘆鹽政文謙係朕

特簡之員。所有地方防堵事宜。即責成文謙會同鎮道大員妥為籌辦。並隨時督率文武員弁及紳民練勇等實力巡防。總以嚴緝奸匪。鎮定人心為要。又據勝保片奏。天津街市立有火會。凡遇救火之時。鳴鑼立聚。萬人若發給器械等件。可以齊力殺賊等語。此項人夫。素多勇往。如果控制得宜。即可與兵練相輔而行。著該鹽政等體察情形。飭屬團集。務須曉以大義。俾知互相守衛。即所以自保身

家。儻逆匪有東竄天津之信。該鹽政等務即相機布置。勿稍疏虞。勝保原片著鈔給閱看。將此由五百里傳諭文謙。並傳諭特克慎。張起鵠知之。○又諭據崇恩奏。亟籌安輯災黎。請截留漕糧備賑一摺。山東濟甯等州縣。因今春豐工漫口。旋堵旋塌。秋汛來源甚旺。該處復被淹浸。數萬饑民。深堪憫惻。著准其於東省本年應徵漕糧內。截留十五萬石。以備賑濟之用。惟現在江省被兵。浙省亦多被水。

災。明年海運漕糧。恐有短絀。天庾正供。未便紛紛截留。該署撫仍當督率妥員。覈實放賑。如有餘米。可以節省。仍著運京。並曉諭官紳士民。如有捐輸米石者。亦可補漕糧之不足。此外能設法招徠。更為妥善。該署撫務當籌及全局。不可徒為一省計也。將此由六百里諭令知之。○又諭楊以增奏。軍務未竣。應行緩堵漫口一摺。南河現當辦理防堵。若興舉大工。誠恐數十萬夫。麇集河干。奸匪因而瀾跡。自應暫緩堵築。以昭慎重。該河督務將漫口盤頭。督飭廳營各員。竭力裹住。勿令續塌。俟來歲秋間。再行興辦。至另奏請撥歲料銀一百二十萬兩。已交戶部議奏。惟部庫支絀異常。各路軍需。尚有應接不暇之勢。斷難如數撥給。現在豐北上游漫口。下游工程。自必稀少。該河督必當撙節覈計。不可任聽屬員。仍前浮濫。並著剴切曉諭所屬。無論河工地方人員。有能捐貲購料。或分段承認歲料工

程者。即行開單奏請恩施。庶幾於萬難措置之中。力求補苴之術。或於官紳商民中。剴切勸捐。集貲濟急。或酌量情形。可以行用官銀錢票。較為便捷。並著該河督斟酌妥速籌辦。毋誤要工。將此由四百里諭令知之。○已革大學士直隸總督訥爾經額奏逆匪北竄。已派總兵經文岱帶兵追擊。並會同文沖督兵接續前進。得旨。真可謂辜恩溺職之至。汝久任畿疆。所籌何事。經文岱未必真能得力。汝

同文沖續帶之兵。亦不過遠遠觀望。希飾前非。朕若待汝奏到。不知誤了多少緊要機宜。○以正白旗滿洲副都統基溥署刑部左侍郎。戶部右侍郎瑞麟兼署禮部右侍郎。○以福建廈門勦匪出力。賞已革提督李廷鈺。二品頂帶。命協同辦理同安廈門勦匪事宜。○賞京旗各營出征官兵銀兩有差。○己酉。諭內閣軍機大臣。會同刑部定擬楊文定罪名。一摺。已革江蘇巡撫楊文定奉旨前往江甯

省城。辦理防堵。乃因陸建瀛自九江退回。輒以鎮江為蘇省門戶。遽行出省追賊。竄至鎮江。又不能嬰城固守。以致失陷。實屬罪無可逭。楊文定著即照祁寓藻等所擬。按律定為斬監候。秋後處決。○又諭。前因禮部奏福建舉人林昌彝呈進三禮通釋一書。當交南書房翰林校閱。尚多脫誤。因將原書發交該舉人。再行詳校。茲據改正。仍由禮部進呈。著即賞收。該舉人林昌彝留心經訓。徵引詳明。著

以教授歸部選用。以示獎勵。○又諭。賈楨等奏。豫籌城守。請令各舉京員協辦團練一摺。京城內外。前已派王大臣等辦理巡防。並令五城清查保甲。現復諭令吏部揀選道府州縣及佐貳佐雜人員。發往順天府五城。分別差委。果能實力巡查地方。自臻嚴密。若再添派京員。協辦團練。恐互相推諉。轉致疏懈。著步軍統領衙門。順天府五城。仍遵前旨。認真稽察彈壓。務使京城內外。一律肅清。並著曉

諭商民人等。各安生業。儻有形跡可疑之人。即行呈報。查拏懲辦。以戢奸宄。而靖地方。○諭軍機大臣等。昨有旨。令勝保探明賊蹤。前後夾擊。該大臣此時諒已趕到正定。現在西凌阿帶領勇隊。行抵臨沿關。會同經文岱。維祿由南路跟蹤追剿。托明阿。明慶等追賊之兵。尚未知行抵何處。仍即飛催前進。朕思該大臣帶兵出獲鹿山口。由西北一路迎頭截剿。西凌阿跟蹤追擊。賊匪被我軍前後夾攻。勢必東竄。或直撲山東。由運河搶船。窺伺天津。或徑竄河間一帶。乘虛奔突。現在達洪阿。培成。多爾濟那木凱等帶領京兵。及察哈爾馬隊官兵四千五百名。由京前赴保定。如該大臣在正定剿賊。業經得手。則此項官兵。即可飛飭沿途。令其直赴河間一帶迎剿。如此三面兜截。使賊匪奔喘不暇。當可一鼓殲除。惟軍情旦夕不同。勢難懸揣。該大臣務即統籌全局。相機調度。扼賊紛竄之路。毋任再有

蔓延。佟鑑所帶礮位。應否運赴大營。即著與桂良酌度調用。軍中利器。務宜慎重布置。毋稍大意。其滹沱河上下游及沙河新河等處。船隻著勝保飛飭各地方文武。收集勿令竄匪偷渡。並將近日擊賊情形。飛速奏報。以慰廑念。將此由六百里加緊諭令知之。○又諭。前因正定情形喫緊。疊次諭令桂良實力籌防。本日據奏賊匪擾及藁城。藁城至正定。惟恃滹沱河阻隔。前經疊諭該督飭屬收集船隻。以防偷渡。茲復據孫瑞珍許乃普等奏。亦以急收滹沱。並沙河新河。船隻為要。著該督嚴飭該地方文武員弁。趕緊將沿河船隻。概行撤收。其餘小河口。並飭一律照辦。晝夜巡查。盤詰奸宄。毋任匪黨乘間偷渡。該逆被剿。若不敢北渡滹沱。勢恐東竄。河間天津等處。著隨時與勝保知照。調撥各兵。併力兜剿。至省城重地。尤宜嚴加防守。勿稍大意。現在京旗各營。及察哈爾官兵。即日啟程。已飭順天

府雇備車輛贏頭應用。府尹宗元醇前赴良鄉督催趕辦。著桂良迅派大員攜帶銀兩沿途迎提接濟。以利軍行。毋稍延誤。將此由六百里加緊諭令知之。○又諭逆匪已竄至橐城。勢甚剽疾。我軍若能趕緊追及。何至任其猖獗如此。勝保現已由獲鹿馳至正定。扼賊北竄之路。訥爾經額現已革職。其統帶官兵並副都統維祿總兵經文岱所帶官兵及在後盛京官兵一千餘名均著西凌阿酌量調遣。飛速緊躡賊蹤。痛加勦洗。毋得稍有延緩。並隨時知照勝保桂良務使聲勢聯絡以期四面兜圍。托明阿明慶等追賊現抵何處未據奏報。並著飛催前進。儻賊匪被我兵前後夾擊欲圖東竄。即著相機截擊。該都統等追賊業已落後。若再不兼程前進。但事尾追自問當得何罪。懷之。將此由六百里加緊諭令知之。○又諭寄諭署山東巡撫崇恩逆匪東竄。勢甚剽疾。山東與直隸毗連。必須嚴密設

防。臨清德州一帶運河水路直達天津。必須將船隻收集萬不可令該匪奪船北竄。該署撫現赴東昌一帶。即著體察情形扼要防剿。毋誤事機。瑞昌帶盛京兵一千名駐劄濮州。如該處情形較緩。即可酌量咨調。毋稍拘執。並嚴飭各屬文武員弁實力堵禦。無任逆匪紛竄。又滋蔓延。將此由六百里加緊諭令知之。○又諭前因勝保軍餉孔急。諭令郭夢齡速飭糧臺妥為供給。現在逆匪竄入直境。各路大兵雲集。不難指日蕩平。惟部庫既形支絀。而直隸藩庫亦無款可籌。著該署撫查明無論何款速撥銀三四十萬兩解交直隸藩庫以資軍餉。其應行解部之款仍遵前旨派員迅速解京。不得彼此牽混。將此由六百里加緊諭令知之。○又諭據豐紳等奏商民呈請開墾地畝。並請試挖金沙一摺。據奏塔爾巴哈台商民報開荒地三千數百畝。業經派委查驗。不礙屯工游牧。引用之水足敷灌溉。

清 實 錄 咸豐三年九月上

俟明春開墾後。丈量收租。又雅爾噶圖等處。現產金沙。苗頭亦旺。俟見石工之時。照例增課等語。惟開挖金沙。開墾地畝。其間商民雜處。良莠不齊。著該大臣等留心稽查。認真彈壓。如果辦有成效。即著妥立章程。起課收租。務使商民各安生業。於經費亦有裨益。不致別滋事端。是為至要。將此諭令知之。命惠親王總理巡防事宜。命察哈爾副都統盛桂來京。調涼州副都統慶昫。為察哈爾副都

統。以荊州協領奎毓。為涼州副都統。予直隸沙河縣守城殉難知縣王衡。祭葬世職。庚戌。

上詣

壽康宮問

皇貴太妃安。諭內閣。已革大學士直隸總督訥爾經額。前奉旨督兵馳赴河南。於懷慶解圍。賊匪西竄。後疊經諭令嚴防。直隸與山西毗連各路要隘。應如何周密布置。乃於臨沿

關遇賊竄出口。即退守廣平。毫無籌策。現在逆匪紛竄畿疆。勝保已由獲鹿。統至正定一帶。而該革督本日奏報。仍在廣平株守。畿輔重地。較之他省。更關緊要。該革督統轄全省。貽誤事機。厥咎尤重。訥爾經額著即拏問。由桂良派員押解來京。交刑部按律治罪。又諭。理藩院尚書恩華。經朕特派帶兵剿賊。並令幫辦軍務。自應奮勇出力。乃自懷慶解圍而後。逆匪潰竄。該尚書帶兵尾追。並未與

賊一遇。經欽差大臣勝保屢次咨催。仍復任意遷延。辜恩溺職。大負委任。恩華著即革職拏問。由勝保派員押解來京。交刑部會同宗人府審訊。按律治罪。恩華所帶官兵。即交勝保統帶。飛催前進。如有不遵調遣者。即著以軍法從事。又諭。兩翼前鋒統領八旗護軍統領。向係輪流一人。在景運門外值宿。著添派一員。每日輪流。在隆宗門外值宿。並著六班值宿之王公文武大臣等一體認真稽查。

以昭嚴肅。○又諭有人奏。知縣因貪釀患。請飭查辦一摺。據稱江蘇婁縣知縣余龍光。素行貪污。前在署青浦縣任內。徵收免緩錢糧。時有棍徒周正春。又名周立春。聚眾滋事。該縣護庇延閣。未即懲辦。致令周正春肆行搶掠。甚至踞城抗拒。重煩勦辦。是該縣貪劣不職。釀亂殃民。若不從嚴查辦。何以整飭官方。余龍光著即革職。拏問。交怡良許乃釗嚴切訊究。按律懲辦。諭軍機大臣等。勝保奏。督

兵馳抵正定境內。審度賊勢。兜截追勦等語。該大臣甫出獲鹿山口。該逆已聞風東竄。勢甚剽疾。如不犯保定。即恐由趙北口竄入河間。天津等處。現在察哈爾官兵。及京營官兵。雖於初八日陸續啟程。猶恐緩不濟急。該大臣總宜帶兵星速繞出賊前。迎頭截擊。總以保衛畿疆為要。西凌阿維祿經文岱等。現由臨沿一路追勦前來。即著飛催應於何路截勦。相機調度。慶祺所帶盛京兵二十名。由水

路計已行抵保定。並著酌量調撥。恩華業經革職。拏問。其所帶馬步官兵。即著勝保嚴催統帶各員迅速前進。僅仍遲延觀望。即著指名叅奏懲辦。將此由六百里加緊諭令知之。○又諭桂良奏賊匪竄至定州。嚴守保定一摺。保定為畿輔屏障。最關緊要。該督務即督率文武員弁實力巡防。認真堵禦。斷不可令該逆竄越。勝保若能繞至賊前。自可會同進勦。其河間一路。亦須防其竄入。不可疏忽。至

易州一帶。據德春奏防守浮岡峪。係屬後路。此時賊從前路奔竄。著該督酌量緩急。有可撥兵協濟之處。即著分撥援應。京兵雖已陸續啟行。仍恐緩不濟急。該督仍當統籌全局。相機布置。賊情剽疾。儻越過保定直犯河間。或至天津。俱當隨時調度。一面知照勝保飛飭帶兵大員。攔截逆蹤。北竄。將此由六百里加緊諭令知之。○又諭前曾諭令恆春暫駐正定。督率文武據守。潯沱。遏賊北竄。茲據奏

稱行抵平定州與勝保相遇並接受巡撫鹽政關防等語該撫既已馳抵山西地方著即毋庸折回正定現在賊已竄至定州逼近畿輔勢甚剽疾昨已有旨諭令郭夢齡速撥軍餉三四十萬兩解赴勝保軍營此時由晉入都道路有無梗塞該撫務須確實偵探何處可以行走派委妥員迅速解赴大營備用毋誤事機至部庫需項緊急並著督同藩司郭夢齡遵照前旨盡心籌款迅速解部為要晉

省防守固不可疏失尤當以畿輔為重該撫甫經出京想近日情形亦所深悉無待朕諄諄詰誡也將此由六百里加緊諭令知之○又諭連日據桂良等奏賊匪北竄擾及定州一帶現當防勦喫緊之際著毓書再行挑撥熱河官兵數百名並熱河哨內駐劄東三盟官兵三千名飭令總管那敷德即日管帶啟程來京所有前調哨內牧放之錫林郭勒馬三千匹即速催趲前來再古北口提標兵丁

如有可以調撥之處即著該都統飭知該營員挑選精銳數百名派委得力將弁帶領來京以備調用毋稍延緩將此由六百里加緊諭令知之又諭逆匪被勦奔竄擾及直境畿疆重地自宜密為布置先事豫防著倫恭查明密雲官兵內現在存營若干酌派精銳兵丁數百名迅委得力將弁管帶來京以備調遣將此由五百里諭令知之○又諭奕經奏徐州緊要請旨暫留或另派大員接替等

語徐州為南北適中之地現在安設各路糧臺又值豐工漫口恐土匪乘機竊發該侍郎所奏自係實在情形奕經著仍駐劄徐州以資彈壓逆匪現踞安慶揚城賊匪又窮蹙思竄如該逆欲圖北擾務當扼要迎擊不可稍涉大意仍隨時察看皖省情形與李嘉端慧成等聲息相通互為援應軍情變幻靡常亦不可拘泥株守其各屬擒匪務宜查拏淨盡以免勾結被災饑民亦著隨時安插勿令流

離失所。將此由六百里諭令知之。○又諭據長臻奏逆匪分股竄擾彰衛兩府會籌防禦一摺。逆匪由懷慶竄入山西。復由洪洞東竄武安涉縣一帶。擾至直境。已有旨諭令勝保等督兵前後夾擊。諒可得手。彰衛兩府之賊。是否即是此股。抑係另股分竄。著該督即商同陸應穀。派員實力勦辦。勿留餘孽。陸應穀於初一日馳赴懷慶。著即督同河北鎮花里雅遜布。加意巡防。如有回竄賊匪。務須盡數

捕拏。楚旺鎮與直隸接壤。上通津浹。下達東昌。兗濟一帶恐有土匪乘機竊發。並著陸應穀派委妥員。設法彈壓。前據李嘉端奏賊匪復擾安慶。難保不又圖北竄。皖豫交界地方。該撫尤當統籌全局。派兵扼要防守。萬不可再蹈前轍。致令該匪紛竄。將此由六百里諭令知之。○命工部員外郎耆英在巡防處效力。以直隸臨洺關勦賊被傷。賞吉林佐領墨爾賡額花翎。予陣亡佐領依成額多明額。

防禦勝福祭葬世職。予河南防河跌斃參將斌慶祭葬卹廕。辛亥。

上詣咸福宮問

皇貴太妃安恭送。

皇貴太妃還

壽康宮。

上御乾清宮。授惠親王奉命大將軍印。御前大

臣科爾沁郡王僧格林沁參贊大臣關防。先

期遣內閣學士載堪奉印奉關防陳於乾清

宮案。大將軍參贊大臣暨從征各官。咸蟒袍

補服。竣於丹墀東屈時

上御龍袍袞服。至乾清宮入座。大將軍參贊大

臣。升自東階。從征各官從升。大學士裕誠。祁

寯。藩奉印奉關防。授大將軍參贊大臣。大將

軍參贊大臣祇受。率從征將士行禮。禮成。

上還養心殿。○諭內閣。前此逆賊滋擾懷慶。臺

經大軍攻勦。潰竄山西。復經勝保等飛追截

擊。該逆計窮東竄。復由臨洺北竄。正定一帶。

勝保等現已統領大兵出山繞至賊前該逆不敢抗拒殘喘苟延畿疆近地豈容逆匪肆行前命培成多爾濟那木凱達洪阿等統帶旗營官兵並察哈爾官兵出京進剿必須親近重臣總統諸軍以伸天討惠親王綿愉仁勇忠誠威德克濟著授為奉命大將軍御前大臣科爾沁郡王僧格林沁公忠體國謀勇兼資著授為參贊大臣本日朕御乾清宮親頒大將軍印參贊大臣關防並頒給銳捷刀

交惠親王祇領訥庫尼素光刀交僧格林沁祇領即日統領健銳營外火器營兩翼前鋒營八旗護軍營巡捕五營及察哈爾各官兵並哲哩木卓索圖昭烏達東三盟蒙古諸王等勁旅由京前往合剿與欽差大臣勝保等前後夾擊天戈所指自可剋日蕩平王等其勦力同心嚴明賞罰迅奏膚功以副委任○又諭翁心存宗元醇奏請將順天府屬各營弁兵暫准管調一摺順天所屬各營向係直

隸總督管轄現在軍務殷繁自應權宜辦理所有順天府屬各營將弁兵丁著暫歸該兼尹府尹管轄調遣以資防衛俟軍務告竣仍照舊例辦理○又諭恆裕奏擊退賊匪克復縣城並臺北獲勝情形一摺臺灣府屬南北中三路匪徒同時勾結滋事該總兵恆裕督令將備聯絡莊董防剿兼施澎湖遊擊王國忠等所調兵丁與臺灣道徐宗幹所派義勇屯丁水陸合剿斃賊不計其數其中路大股

首匪張佑南路大股首匪黃再基等中路股首林義等北路股首王烏番並偽總軍師等共十四名又股首黃義暨夥匪蔡南等一百八十餘名一併擒獲正法現在山海道路已通全臺漸就肅清著恆裕會同徐宗幹嚴飭地方文武各官與紳民人等按捕餘匪務獲悉數懲辦毋任一名漏網以安地面而淨根株○諭軍機大臣等勝保奏追賊獲勝並飛催各路官兵分道進扼一摺逆賊自竄直境

所過州縣並未堵禦官兵亦迄未追及以致窮蹙餘匪肆意奔突經此次痛剿及逃散不下三四十人自必愈形窮蹙惟該逆既已渡河而北恐南路進剿之兵又成尾追之勢本日特命惠親王為奉命大將軍並命僧格林沁為參贊大臣統帶健銳營兵五百名外火器營兵五百名兩翼前鋒營八旗護軍營兵二千名巡捕五營兵五百名察哈爾兵一千名即日出京與該大臣前後夾擊所有前次

派出培成等所帶各官兵皆係同時陸續啟程該大臣所稱催令分赴深澤無極及阜城驛等處進剿之處猶恐緩不濟急著即先將催到之兵扼要布置仍飛咨僧格林沁分撥進剿慶祺所帶之盛京兵已由水路啟程即可令其前赴河間扼截此時西凌阿等由南兜剿即可兼防東竄之路該大臣再能迅速北趨已不難兜圍剿滅勿因命將出師稍有延待總期同心勦力迅殄妖氛論功行賞朕

惟以剿賊之遲速為權衡也本日又據桂良奏永路由深州可通豫河直至天津現已移咨慶祺相機進止又滏陽河一帶界連冀州獻縣等處亦連天津為鹽船聚集之所等語著該大臣即酌籌妥防其訥爾經額原帶之兵現歸西凌阿管帶能否即將此項官兵調撥東南一帶即著酌量辦理將此由六百里加緊諭令知之○又諭順天府奏現飭大興宛平二縣赴鄉雇覓羸駝車輛價值較昂請

飭撥銀備辦等語著准其於火器營撥給協濟銀四千兩覈實給領以資籌備現在僧格林沁統領官兵即行啟程已令戶部撥給銀二萬兩交順天府趕緊設立糧臺派委妥員承辦送至直隸保定一帶再由直隸糧臺接辦毋稍遲誤將此諭令知之○革職留任河南巡撫陸應穀奏剿捕擒匪獲勝擒斬甚多在事文武員弁請擇尤為出力者酌量保奏得旨無論文武俱要覈實保奏不准為數過

多。以圖見好。○山西巡撫恆春奏。逆匪被剿。恐仍回竄山西。擬就近入省籌畫防守事宜。得旨。昨已有旨令汝勿庸折回。汝回省籌商。亦是。但不可株守省城。以圖自衛。○添派親王銜定郡王載銓內大臣壁昌辦理巡防事宜。○賞健銳營外火器營兩翼前鋒營八旗護軍營巡捕五營續派出征官兵銀兩有差。○賞察哈爾續派出征官兵羊二百五十隻。○士子。

上詣

壽康宮問

皇貴太妃安。○諭軍機大臣等。據桂良奏。賊由深澤擾及深州。恐東竄河間。天津等語。賊匪知大兵自西北兜圍。折向東南竄突。河間。天津。甚關緊要。僧格林沁等所帶勁兵。昨甫啟程。未必即能分路趕到。自應先就現到之兵。扼要布置。慶祺若折回天津。固嫌水程迂緩。令其嚴扼河間。正可迎頭截擊。但盛京官兵。

宜於陸戰。必須舍舟登岸。方能得力。慶祺究係文員。祇宜督率調度。仍須曾經出隊武職大員。管帶接仗。著勝保迅即酌派一二員。飛速前往。恩華所帶之兵。既併歸勝保大營。其隨帶礮位。儘可留用。所有佟鑑帶赴保定之礮。准其分攜前往河間一帶。此時滹沱以南。僅已無賊。西凌阿必已由臺城北渡。該處由東鹿東馳。距深州甚近。佟鑑由安平進兵。去深州亦祇數十里。必能前後夾擊。維祿所帶盛京兵。尚在南路。即由南宮冀州一帶。扼其東南。賊更無從紛竄。至天津一路。已諭知文謙嚴防。本日復諭令將船隻分別收撤。但兵力終覺單薄。著勝保妥籌布置。如佟鑑。西凌阿。均能追及賊蹤。河間扼守已嚴。或令慶祺折回。或另撥兵協助。即行飛咨辦理。河間文武。能否得力。省城守備情形如何。即著桂良隨時具奏。總之兵貴神速。不可專待京兵。是為至要。將此由六百里加緊各諭令知之。○

又諭天津一郡。為水陸要隘。屏障畿東。尤關緊要。衛河一水可達。所有沿河要隘。亟應嚴密堵禦。文謙現奉派辦理地方防守事宜。責無旁貸。著即督同鎮道各員及紳商士民等。迅速妥籌布置。該處團練諒已辦有成效。務須時加激勸。俾可協助兵力。該鹽政等即察看何路喫緊。即於何路設防。其要口渡船。亦應設法收集。偏僻汊港。實力巡查。並隨時飛探賊情。嚴拏奸細。如有難民人等。應資遣者。

即行遣令回籍。如有匪徒假扮冒充。即行嚴拏懲辦。務須明白曉諭地方。鎮靜彈壓。勿致驚擾。將此由六百里傳諭。文謙並特克慎張起鵷知之。○又諭給事中。英綬奏通州向有游民。專恃漕糧抵通盤壩。負米為生。今歲運通之米較少。請飭將游民募為鄉勇等語。現在賊匪竄擾直境。通州為近畿重地。最關緊要。游民負米為生。一經失業。難保不流而為匪。致滋事端。著全慶朱嶠密飭該地方官督

同紳士將該處無業游民。擇其年力強壯。可充技勇者。酌量收錄。作為團練。隨時操演。既足以資捍禦。並可消患未萌。至通州沿河一帶商船。甚夥。尤易藏奸。著即責成牙行。將逐日所到之船。查明報官。該侍郎等即督飭地方官實力籌防。嚴查保甲。以戢奸宄。而靖閭閻。將此諭令知之。○又諭琦善等奏。攻城斃賊。並盤獲奸細一摺。揚城逆匪。數已無多。兩月以來。疊據該大臣等奏報。不過待其絕城

而出。始圖轟擊。並未見併力進攻。今揚城克復之信。愈無憑準。而安徽廬巢一帶。危急萬分。逆賊以揚城餘黨。牽掣大兵。琦善等頓兵城下。久而不克。若皖省賊匪肆擾。則揚城各路之兵。必致腹背受敵。更難措手。現在北竄之賊。並無後援。尚且重煩兵力。若再聽其擾及皖省。全股北竄。該大臣等自問當得何罪。揚城餘匪。勢極窮蹙。著即併力進攻。迅圖克復。一面分派得力員弁。帶領兵勇。援救安徽。

母稍延緩琦善本係江北總統斷不能專顧一隅坐視貽誤也將此由六百里諭令知之○又諭李嘉端奏金陵賊船竄入裕溪巢廬情形危急一摺並片稱東關已經失守等語江西敗竄餘匪占踞安慶欲圖牽掣金陵大兵前已飭湖廣江西速備船礮下駛援應並諭江忠源跟蹤追剿八月二十八日復有金陵賊船數百隻駛至和州旋入裕溪東關即行失守是該逆進則窺伺巢廬退可接應安慶賊勢愈張兵力不足覽奏實深焦灼本日諭琦善等速籌應援並催令張亮基崇綸即將改造船隻速配兵勇隨帶礮械趕赴下游交江忠源管帶以資援應著周天爵遵照前旨迅撥兵勇前往堵剿保護廬巢杜賊北竄之路呂賢基所帶練勇既可援應廬郡仍須設法阻截安慶賊匪令不得與東關聯貫常清現經降旨摘去頂帶議處其所帶青州官兵現到和州即著傳旨該副都統協力攻剿

以贖前愆該撫一面嚴督在城文武紳士固守廬州一面知會河南山東豫防賊匪分竄並著周天爵李嘉端督率玉山恆興力籌堵禦萬勿更令舍舟登陸復行北竄將此由六百里加緊諭知周天爵李嘉端並諭令呂賢基知之○又諭江西下竄賊船占踞安慶前有旨令江忠源跟蹤追剿現在復有賊船數百闖入裕溪情形緊急該臬司行抵江西何處所帶船隻共有若干是否足敷應用著先會同李嘉端設法水陸防剿使該匪不致擾及廬州俟湖北船礮兵勇到時即可進援安慶力保皖疆萬勿再令賊匪北竄將此由六百里加緊諭令知之○又諭江南揚鎮三城均未收復若任該逆由廬郡一帶併力北竄更難收拾張亮基等前已委員估買江船改造戰船此時想已挑選兵勇配齊礮位著即迅委委員管帶駛往安徽交江忠源管帶以資攻剿毋稍遲誤山東地方緊要張亮基即

咨催吳文鎔到任。交卸後迅即前赴新任為要。將此由六百里加緊諭令知之。○添派恭親王奕訢辦理巡防事宜。○命恭親王奕訢署正白旗領侍衛內大臣。○命怡親王載垣管上虞備用處事。內大臣壁昌管火器營事。○以戶部尚書文慶兼鑲紅旗漢軍都統。大學士裕誠署正藍旗滿洲都統。○以江蘇揚州勦賊出力。賞總兵官武慶巴圖魯名號。副將松齡錫綸遊擊常萬清王巨孝毛三元守備余兆青協領富呢雅剛阿副總管圖庫祿佐領台祿傳奇烏里布防禦開奇哩花翎遊擊黃志配等藍翎總兵官瞿騰龍等優敘升賞有差。○以帶兵延玩摘青州副都統常清頂帶並下部議處。○撥山西司庫銀三十萬兩解赴直隸以備軍需。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五

著步軍統領將是日值班之門軍查明懲辦仍著隨時派員稽察如有前項情弊並將該管官嚴行叅處又片奏各堆撥步兵有缺額雇替等弊並著聯順等查明具奏○又諭羅繞典吳振斌奏勦除回匪首犯就擒一摺據奏回匪裹脅數千人盤踞東川之翠雲寺小雪山經該督等飭令護總兵王國才等帶兵進勦窮挖巢穴擊殺無算被脅回民紛紛赴營求撫首犯馬二花及餘匪悉就擒獲並將

難回一萬三千餘人派員遞回安插現在東川尋甸地方一律肅清等語此次勦辦回匪文武員弁著該督等擇其尤為出力者酌量保奏候朕施恩至該地方失事文武各官功過尚足相抵著加恩免其議處無庸再行保奏○又諭扎拉芬奏喀爾喀扎薩克圖汗三音諾顏兩部落盟長汗王貝勒貝子公扎薩克呼圖克圖等現因軍需未竣呈請情願共捐備銀四千兩馬一千匹懇請轉行請旨

一摺喀爾喀扎薩克圖汗三音諾顏兩部落盟長汗王貝勒貝子公扎薩克呼圖克圖等情願自行捐銀四千兩以充軍需足見惻誠此項所捐銀兩若予賞收朕心深為不忍惟將所捐馬一千匹賞收與前調取特穆訥馬匹一併交察哈爾都統以備調用俟軍務告竣由理藩院題奏候朕施恩○又諭扎拉芬泰等奏扎薩克圖汗銜郡王車林敦多普聞逆請情願捐輸銀兩以備軍需懇請轉行請旨

一摺扎薩克圖汗銜郡王車林敦多普聞逆匪滋事呈請情願捐銀一千兩足見惻誠朕深欣悅但軍營應用銀兩現已妥備足敷應用惟念蒙古生齒日繁自必藉此項銀兩贍將此曉諭該王伊所捐銀兩毋庸賞收以示朕嘉獎蒙古世僕優加體恤之至意○諭軍機大臣等本日據勝保奏彙城賊匪現已攻破逃往晉州等語著僧格林沁即催令培成多爾濟那木凱達洪阿等先將已到之兵

即刻管帶前進探明賊蹤與勝保等知會合力夾擊毋令逃竄將此由六百里加緊諭知僧格林沁並諭培成多爾濟那木凱達洪阿知之。又諭勝保奏續獲勝仗扼要堵剿一摺。豪城賊匪逃向晉州該大臣已派西凌阿經文岱等跟蹤緊追該大臣由定州至保定督兵進剿惟河間天津一帶甚屬空虚本日已諭令僧格林沁派令培成多爾濟那木凱達洪阿等將所帶之京兵及察哈爾官兵迅

催前進由高陽深澤一路迎擊惟培成等甫經出京道途紆折恐一時未能趕到且諸將中惟達洪阿曾經出兵其餘俱未經行陣仍著勝保迅派得力將弁帶兵前往扼要堵截勿稍延待慶祺帶領盛京官兵應於何處截擊遏賊東竄天津之路並著該大臣酌量調度僧格林沁所帶官兵四千餘名約在涿州一帶布置兼顧保定易州等處其河間天津等處何路緊要即著撥兵迅速進剿並隨時

知照僧格林沁等酌度緩急相機夾擊訥爾經額原帶之兵前已有旨飭令歸西凌阿管帶著勝保迅即飛調來營以資攻剿毋任逗遛遲誤將此由六百里加緊諭知勝保並諭慶祺知之。以前任禮部尚書奕湘為理藩院尚書以都察院左都御史聯順為步軍統領禮部左侍郎穆蔭署京營右翼總兵以正黃旗護軍統領綿勳為右翼前鋒統領正藍旗漢軍副都統伊勒東阿為正白旗護

軍統領工部右侍郎王明為鑲白旗護軍統領鑲黃旗滿洲副都統德全為正黃旗護軍統領正黃旗蒙古副都統肅順署正紅旗護軍統領添派都察院左都御史聯順辦理巡防事宜以兵部右侍郎李維翰知武舉都察院左都御史朱鳳標為武會試正考官翰林院侍講學士何彤雲為副考官甲寅諭內閣勝保奏恩華現已趕到可否責令戴罪自效等語恩華業已革職拏問惟當軍務

需人之際。既據該大臣奏留著暫緩解京。准其留於勝保軍營戴罪圖功以觀後效。又諭現在各路大兵進剿沿途豫備車馬及馳遞文報均屬刻不容緩。乃本日據勝保奏南路未到之兵尚多。皆由文報稽延。地方官不給車馬以致稽滯。並加緊摺奏亦多遲至二三日不等。值此軍務喫緊之際。各州縣驛站並不先期妥為豫備。實屬玩誤。著直隸總督山西巡撫飭查各屬將遲誤兵差稽延文報

之各地方官據實嚴參毋稍徇隱。○又諭怡良許乃釗奏紳民會同官兵收復縣城一摺。南匯縣紳民顧祖金等捐貲募勇與官兵會合攻破東南兩門殺斃賊匪二百餘名生擒四名餘匪逃逸。當將縣城收復其閩廣匪徒由上海竄至嘉定真如鎮經參將秦如虎分兵三面環攻殺賊無算辦理尚屬妥善。上海匪徒滋擾尚未殲除仍著該督撫即飭帶兵各員迅速收復紳民顧祖金等捐貲募勇洵

屬急公好義著與在事出力文武員弁一併確查請獎。○諭軍機大臣等載容等奏東陵額設旗兵輪流值班擬請加添兵丁守護以昭慎重等語所有

五陵宮門外東西班房每處每日值宿著加添官二員兵十名

妃園寢著加添官一員兵五名其

大紅門等處值宿官兵亦著一併加添至

大紅門外地面敞曠著載容等即將所挑精

壯滿兵二百名分撥駐守並將兼習鳥槍之兵丁飭令該管總管等分日操演以資習練至

大紅門以外駐守之章京著每員每日賞給飯食銀一錢兵丁每名每日著賞給飯食銀六分以示體恤此項銀兩准其於永濟庫變價閒款內動支一俟軍務告竣即將加添各項官兵裁撤以符定制將此諭令知之○又諭有人奏請嚴門禁以防奸匪一摺據稱內

外各城門。每日清晨黎明。開門放行。負販小民以及閒雜人等。於城門未開之先。或聚數十人。一二百人不等。城門一開。紛紛擁進。良莠無從辨認。各門皆然。守門員弁。向不查問。當此賊氛不靖之時。僅有奸匪。一同溜入。潛相勾結。所關非細等語。城門內外。均有官廳員弁住宿巡查。是其專責。若如所奏殊屬玩泄廢弛。著步軍統領衙門。嚴飭各城門員弁。隨時稽察。於城門啟閉時。尤應細心察看。遇

有形跡可疑之人。即行拏獲。如官員疏懈。或門軍得錢縱放。著即從嚴叅處。惟不可藉詞驚擾。別滋事端。庶奸匪無從溜入。而門禁自可肅清。將此諭令知之。○又諭給事中張祥晉奏請多發探報。偵探賊蹤。並飭附近順天州縣各發日報一摺。逆匪竄入直境。奔突靡常。探報最關緊要。據該給事中奏稱。由巡防王大臣撥發探報。每路各派員弁五人。輪流偵探。飛速稟報。並飭令直隸順天所屬各州

縣探明賊蹤所至。由驛徑報順天府。或兩日一報。或一日一報。或一日兩報。由府尹頒給格式俾按日照填印發等語。著巡防王大臣。順天府府尹等。查照該給事中原奏。妥速籌辦。總以偵探明確。稟報迅速。為要。另片奏軍營器械槍礮之外。以火藥罐為最利。請飭製造備用。並著巡防王大臣酌量豫備。將此各諭令知之。○又諭本日據勝保奏賊由晉州紛竄。又據奏賊匪分股竄擾深州等情。逆匪

奔突無定。若分股滋擾。又恐牽掣我師。西南兩路。固應防備。而東路河間天津一帶。尤關緊要。綿洵桂齡郝光甲蘊秀等。究竟在何處耽延。著即嚴催星速前進。毋得再有延誤。慶祺現在行抵何處。應於何路堵截賊匪。著勝保酌量調撥。勝保等。惟有併力進剿。迅殄醜類。以副委任。現在江西匪船下竄。安徽廬州一帶。勢甚危急。若不及早殄滅。此股賊匪。僅皖省匪徒北竄。更恐滋蔓難圖矣。保定防守

一切事宜。即責成桂良嚴密布置。並與僧格林沁商酌辦理。訥爾經額前由天津運赴清化鎮礮位。現在是否帶至軍營。著查明酌調應用。將此由六百里加緊各諭令知之。○又諭據勝保奏探聞逆匪欲由晉州竄擾安平。祁州蠡縣一帶。該大臣已抵清風鎮。即日由保定一路向南擊勦。頃又據勝保奏逆賊分股滋擾。攻陷深州。蠡縣告急等語。著僧格林沁即日帶兵馳赴保定。以防逆賊北竄。並防

備東西兩路。以便勝保專力進攻。並著飛催培成。多爾濟那木凱達洪阿等。即行管帶現到官兵迅速前進。知照勝保應由何路接應。即行調撥。毋稍延誤。將此由六百里加緊諭令知之。○又諭前因賊竄安慶。廬巢一帶危急。諭令琦善等迅圖克復揚城。分兵救援安徽。本日復據李嘉端奏巢縣力難支拄。勢必直撲廬郡。請飭慧成迅統重兵由滁州全椒一路會勦等語。現在安慶已被賊踞。廬郡

更被肆擾。則揚州大軍亦恐孤立。常清所帶青州官兵八百餘名。計已早到和州。而該處兵勇較單。仍恐未能得力。著該大臣等迅速添派弁兵前往安徽。會同勦擊。若頓兵揚城。任賊由皖省北竄。該大臣等自問安平否耶。將此由六百里加緊諭令知之。○又諭前因賊匪占踞安慶。竄入裕溪。已諭令周天爵派撥兵勇前往堵禦。現在廬州情形危急。若稍有疏失。大股賊匪復將北竄。勢更滋蔓。難圖

皖江為南北咽喉。李嘉端究係書生。不諳軍旅。周天爵慙直勇敢。朕所素知。此時江北一帶。惟該侍郎尚能辦賊。當此軍情緊急。地方待援甚迫。豈不能為朕分憂耶。臧紆青所募壯勇亦可自成一隊。用以擊賊。現在山西餘匪竄入直隸。勝保等統兵截擊。不暇南顧。該侍郎能保衛皖省。杜其北竄之路。朕所望也。將此由六百里加緊諭令知之。○又諭現在巢縣情形十分緊要。所有水陸各口隘。著李

嘉端盡力扼守廬州重地尤為喫緊務當設法保衛該撫出城駐劄店埠據稱團練人數尚多著即妥為勸諭激勵以助兵力呂賢基袁甲三趙昀等所辦團練想有成效亦可藉資捍衛總兵玉山勦賊是其專責豈容遇賊輒退著即嚴飭相機奮力堵截毋任逸匪北竄將此由六百里加緊諭知李嘉端並諭呂賢基玉山知之○又諭現在安慶已被賊踞僮巢縣合肥一帶再令該匪竄至勢更蔓延

不可收拾已諭令李嘉端周天爵等妥籌布置相機勦辦惟兵力甚單不敷分撥情形十分危急著江忠源仍遵前旨迅即馳赴皖省無論水陸總以力遏賊衝杜其北竄為要都司戴文蘭李輔朝等是否已由九江乘船下駛著一併飛催前進攻復安慶援應廬州毋稍遲誤將此由六百里加緊諭令知之○又諭有鳳奏閩省瘠困情形一摺福建同安廈門賊匪現經李廷鈺懷塔布等相機勦辦已

可得手王懿德現駐泉州永春大田之匪亦可次第進勦惟各屬兵力較單不敷分撥前調粵兵三千名是否行抵閩省著即飛催前進並督飭文武員弁迅將該逆林俊黃有使等按名悉獲首逆既擒餘黨自易解散至於軍餉支絀自係實在情形惟部庫既無可撥之款而各省藩關各庫羅掘殆盡所有該省應需餉銀仍著咨商浙江巡撫及廣東督撫設法通融以資接濟至以本地之團練捕本

地之盜賊最為切要雖各處人心不齊要在經理得宜自可漸臻實效總之調兵籌餉之艱不獨福建為然全在該督撫等悉心籌畫不可畏難自阻也將此由五百里諭令知之○命綏遠城將軍善祿察哈爾都統西凌阿在欽差大臣勝保軍營幫辦軍務○以四川督標中軍副將瑞格為山西太原鎮總兵官○予山西平陽府守城殉難知府何維墀同知郭陞阿通判顏瑩組知縣周春陽丁璜教

諭魏懸書訓導胡彭齡典史洪忠連遊擊扎克當阿守備萬順千總王登龍把總秦學魁在籍知府仇恩榮祭葬世職○以山西洪洞縣城被賊竄陷革知縣鄭翰職並逮問○以江蘇川沙等廳縣被賊竄陷革署同知實塾職並逮問予殉難知縣袁祖惠章惠祭葬世職○乙卯

上詣

闡福寺拈香○諭軍機大臣等慶錫奏

東陵內圍之外天台山左右設兵無多現將守護各營弁兵酌調駐守並飭都司田茂帶兵暫駐段家嶺一帶巡防等語該弁兵等應給津貼准其於永濟庫掣節歸公運米腳價款內動支銀三千兩以備散放至所稱古北口等處須派大員調度已諭令桂良派委副將前往古北口代辦提督營務矣將此諭令知之○又諭昨因賊陷深州蠡縣告急降旨令僧格林沁等進駐保定與勝保等合力攻勦

本日據僧格林沁奏蠡縣迤北無險可恃所統之兵總宜駐劄涿州不可遠離所見極是僧格林沁統領京兵現駐涿州實為京師屏障保定後路且足為該大臣北路聲援朕命將之意實在於此並非令該王等代替該大臣也直隸軍務一切仍責成勝保就現在統領之兵酌量調度以一事權不必疑慮昨又令西凌阿善祿幫辦軍務聲勢愈盛賊膽必寒該逆既擾晉州復竄深州奔突無定茲據

桂良奏深州鄉勇聚集萬餘人將城圍困專望槍礮接濟聞該大臣擬由張登集馳往進勦並令佟鑑帶礮隨往著即乘此機會迅速前進其晉州賊匪分股是否西凌阿善祿等追勦亦已得手東路河間一帶必宜嚴防慶祺繞由鄭州馳赴河間仍須該大臣派委得力大員協力截擊尤須扼賊東竄天津之路並隨時知照崇恩一體嚴防若餘匪窮蹙竄至山東必須迅速追擊東省兵單皖省情形

亦復喫緊。想該大臣全局在胃也。勝保等統帶之兵現有若干。催調未到之兵若干。訥爾經額所帶之兵。現亦歸勝保調遣。統計大營各路官兵共有若干名。著即詳悉奏聞。賊匪奔竄剽疾。其火藥鉛丸。雖沿途搶掠。亦豈能如許之多。著勝保密查。如有奸民暗中售賣。必須設法嚴拏。斷其接濟。且屢次擊敗賊匪。遺棄贏馬器械等件。充塞道路。安知非誘我兵奪拾耽延。藉得乘間逃遁。種種奸計。均須慮及。切勿大意。將此由六百里加緊諭知勝保。並諭西凌阿善祿知之。又諭慶錫奏實任提鎮無人。請派大員暫署等語。古北口為提督駐劄之所。現在署提督保恆帶兵遠出。其本營一切操防事務。均關緊要。著桂良選派諳練營伍之副將。前往古北口代辦提督事務。以資控制。將此由六百里諭令知之。又諭前經疊降諭旨。令崇恩嚴防臨清東昌德州等處。並將運河船隻收集。杜賊紛竄。現

在賊匪竄入直境。擾及深州。該逆被深州鄉勇圍困在城。勝保已由保定馳赴該處。進剿恐逆匪被勦緊急。勢必窮而思竄。東省與直隸接壤處。處皆可闖入。著崇恩懷遵前旨。督同鎮道大員。嚴密設防。並將運河渡口船隻盡數收集。毋令逆匪偷渡。東省團練。聞尚認真辦理。並著傳諭各屬官紳。合力守禦。以助兵力。昨據李嘉端奏。近有江西匪船。下竄安徽廬州一帶。勢甚危急。尤恐匪徒由皖北竄。並著該署撫。於江南交界處。所飛飭各該地方官。一併嚴密堵禦。盤詰奸宄。毋稍疏懈。將此由六百里諭令知之。又諭呂賢基奏。賊眾擁船千餘隻。駛進東關。並由攔鼓山旱路分竄我軍退散。知州李登洲在黃維河接仗。因援兵不至。退守芙蓉嶺。知縣黃元吉所帶練勇亦均逃散。總兵玉山見勢不能支。退赴含山等語。玉山以專閫大員。帶兵扼守隘口。何以任令賊蹤闖入。徑行他往。著即革職。仍

暫留本任責令戴罪勦賊李登洲黃元吉二員於賊船一至未能力挫兇鋒以致鄉勇四散均屬罪有應得著李嘉端查明奏奏皖省兵力尚單他省亦難徵調惟周天爵帶領兵勇可以移緩就急江忠源自九江來援計日當可趕到本省練勇亦可協助官兵該侍郎及趙昀等所辦團練已有成效且人數尚多務即妥為勸諭激勵令各該紳士等隨地堵截嚴密扼守總以保衛廬巢遏賊北竄為要

將此由六百里加緊各諭令知之參贊大臣僧格林沁奏賊蹤奔突靡定現統兵暫駐涿州不敢遠離勢難分撥防兵得旨所見是極雖續有廷寄汝亦可斟酌進止隨時軍情豈能拘於諭旨著暫駐涿州以為北路聲勢賊未至慎莫輕出賊既來必不使返朕見到如此料汝之見亦如此僧格林沁原摺並硃批著惠親王等同看○派都察院左副都御史文瑞鑲白旗蒙古副都統烏爾棍泰前往

通州帶兵防堵○以山東盤獲奸細賞協領奇凌阿恆泰慶豐書明額知州鄭映南花翎餘升賞有差○越南國使臣潘輝泳等六人於神武門外瞻覲○丙辰

上詣

壽康宮問

皇貴太妃安○諭軍機大臣等勝保奏由省進赴深州並飛飭各路兜勦一摺逆賊竄踞深州明知北面大兵雲集乃敢分股北擾安平蠡縣及張登集等處固因東南兩面水大難行亦難保非零星牽綴分我兵力現在賊眾約有若干何以擾及數處勝保既督兵由省啟程自可從北面隨勦隨進其善祿西凌阿由西面及西南面進勦自應如此布置惟東南兩面雖有大水仍不可不嚴為堵截深州鄉勇圍賊之事是否確實如果民心齊集加以兵威自必更易得手綿洵桂齡蘊秀郝光甲所帶各兵何以屢催未到著即查明現抵

何處飭令迅速趨行不得又以接咨遲延藉詞推諉訥爾經額所帶之兵並著速行催調以備攻勦惠親王現須留京調度京城內外一切巡防事宜此次派出官兵均係僧格林沁統帶出京僧格林沁培成多爾濟那木凱達洪阿等所帶官兵俱駐涿州保障京師所有保定省城防守事宜仍著桂良妥為布置恩華奏帶之文武員弁即著勝保察看分別去留將此由六百里加緊各諭令知之○又

諭賊情狡詐飄忽靡常被勦緊急仍虞奔突必得豫籌準備方足以嚴捍衛而固畿疆著奕興景瀄英隆舒倫保成凱盛壇毓書華山泰富勒敦泰各於所管官兵內迅即挑選精壯酌定名數操演純熟並備齊軍裝器械火藥鉛丸聽候諭旨一經調撥即刻啟程來京該將軍都統副都統等務當不動聲色豫為籌備斷不可稍涉張皇以致訛言四起驚擾兵民其直隸境內攻勦情形及賊蹤所向著

隨時偵探以備不虞並各將挑選官兵名數先行具奏將此由五百里各密諭知之○又諭陸應穀奏賊匪北竄添兵馳赴彰德截勦一摺逆賊竄入直隸大兵四路兜勦難保不竄回豫境彰衛等處自應加意嚴防該撫既行抵衛輝添訓練勇以助兵力著即前赴彰德督飭鎮道大員將界連直隸各要隘渡口分撥設防並嚴飭地方文武不得擅離職守儻有藉詞堵禦先行逃避各員弁即行嚴叅

以軍法從事至江西退回逆匪現踞安慶復有金陵賊船數百隻突入東關近偪廬郡皖省防兵單弱甚屬可虞河南歸德一帶土匪前經徐廣縉協同地方文武帶領兵勇勦捕尚為得力著即傳旨該革員與總兵柏山相機防勦該撫現駐河北一俟直隸竄擾餘匪勦滅彰衛一帶無煩防堵即當分兵策應皖省不可稍分畛域致誤事機將此由六百里諭令知之○又諭張亮基崇綸奏江西解嚴

賊圖竄楚現在辦理情形一摺楚省與江西安徽接壤處所凡水陸要隘悉經派兵防守所辦均屬周妥惟昨據李嘉端奏稱東關失守廬郡危急已有旨諭該署督等將前奏改造之戰船速行挑選兵勇配齊礮位派員管帶駛往安徽交江忠源以資攻剿賊情詭譎異常聲東擊西是其慣技此時情形深恐江西金陵兩股逆匪直撲皖省復圖北竄其竄楚之匪雖駛近田鎮仍徘徊不前是欲牽掣

楚兵使不能救援安徽已可概見著該署督等遵照前旨速將前項船隻派員帶赴安徽並飛催江忠源迅速赴皖勦辦萬勿稍有遲誤想該署督等定能統籌全局先其所急也將此由六百里加緊諭令知之○長蘆鹽政文謙等奏報防堵情形得旨俱照所議實力辦理果能紀律森嚴常川操演俾逆賊不敢覬覦方好○以直隸殲獲賊目出力賞佐領格綢額花翎藍翎侍衛索布多爾扎布三等

侍衛以湖北勦辦土匪出力予按察使江忠源優敘賞道員徐豐玉按察使銜知府徐繼鏞遊擊曠輔廷花翎通判王恆堂等藍翎餘升賞有差○予湖北禦賊被戕同知邵綸知縣鮑開運巡檢蔡文熙把總魯光貴夏開國祭葬世職○予河南禦賊被戕知縣李毓珍祭葬世職○丁巳諭內閣前有旨將恩華留於勝保軍營戴罪圖功以觀後效本日復據僧格林沁奏該革員業已行抵涿州可否

留營效力等語恩華即著留於僧格林沁軍營差遣委用戴罪自效○諭軍機大臣等逆賊竄擾畿疆該督駐劄省垣一切防守自己妥籌布置惟省南一帶仍須有大員經理布政使張集馨現在是否折回直隸省城所有省南各府縣防守事宜或即責成該藩司或另派道府大員前往各該處會同地方官撫綏彈壓著桂良體察情形奏明辦理將此由五百里諭令知之○命成郡王載銳管健銳

營事○以正藍旗蒙古副都統景壽署鑲紅旗蒙古副都統正黃旗漢軍副都統侍順署正白旗蒙古副都統吏部右侍郎愛仁署鑲白旗蒙古副都統○給貴州鎮遠思州松桃府廳各屬被水災民口糧籽種並坍塌房屋修費○戊午諭軍機大臣等本日據王茂蔭奏於宣武門外邀集鋪戶十餘家令其自相聯絡以為保衛咸欣然樂從擬將通街各戶聯絡既定告以條約即將辦理章程報明如

官紳商民人等有願倡率為保衛計者亦令仿照辦理等語京師地面商賈輻湊五方雜處最易藏奸若能彼此聯絡互相保衛稽查則匪徒自無從涸跡於地方大有裨益著步軍統領衙門順天府五城體察情形勸諭籌辦尤須示以鎮靜勿致驚擾為要王茂蔭原片均著鈔給閱看將此諭令知之○又諭寄諭欽差大臣向榮徐澤醇奏訪聞金陵賊匪情形一摺據稱賊眾薪米盡資於外若絕其

糧道勢將不攻自破其咽喉在下關若奪據此關則鎮揚與金陵之路不通下關既得累石築寨水陸皆可截擊並於上游梁山碭沙夾水狹處立寨則江防益為周密等語金陵近日攻勦情形久未據奏報焦灼實深徐澤醇所奏各情如果辦理得宜自可斷賊接濟著該大臣體察情形妥速籌辦紅單船諒已入江上游所造師船是否已經趕到著該大臣迅即飛催一面設法進攻急圖克復江面

匪船已踞安慶更窺廬州若不斷賊水路任令該逆紛紛北竄何所底止該大臣其激勵將士奮勉圖功毋再延誤原摺著鈔給閱看將此由六百里諭令知之○又諭李嘉端奏督同官紳辦理堵剿守禦情形一摺前因賊匪水陸分竄已諭令周天爵前往協防此時逆匪窺伺廬郡情形緊急著周天爵仍遵前旨趕緊督帶兵勇馳往勦辦勿誤事機李嘉端防守廬郡務當嚴密堵禦並飭玉山仍用

原帶官兵會同李鴻章收復巢縣東關以贖前愆江忠源尚未趕到著該撫飛催前進協力夾攻職員郭有訓督辦團練頗能得力如果防禦有功即著據實保奏刑部主事楊熙前由京回四川原籍募勇並著李嘉端咨明裕瑞催令該員迅赴江忠源軍營幫同攻勦另片奏請於江西請留餉銀十五萬兩內酌撥六萬兩解皖應用並著咨商張芾查照可也將此由六百里加緊各諭令知之○又諭

據給事中毛鴻賓奏辦理團練情形並酌提捐輸經費各一摺據稱該員辦理團練與在籍同知彭以竺知縣李鴻疇會同署理濟南府知府陳寬勸諭士民築堡濬濠認真操演先定章程次申文約統計六百餘村莊各為一團計得二萬餘眾數月以來民氣漸壯並勸諭捐輸經費各等語辦理尚屬認真現在賊匪竄踞深州與山東密邇如果該省各屬團練均能辦有成效自可眾志成城著崇恩

查照該給事中所奏辦理並著隨時察看飭令各屬地方紳士一律迅速籌辦不可有名無實所有幫辦團練士民擇其尤為出力者酌量保奏其踴躍輸將急公好義者並著先行奏請獎勵候朕施恩將此由五百里諭令知之○又諭恆春奏賊勢逼近畿輔撥兵兜防均交前任太僕寺卿徐繼畲在紫荊關一帶擇要派撥等語紫荊關等處係易州後路必須於易州前面設防方為周妥著恆春於

所派防守兵內酌撥一千名派員帶赴直隸易州並咨明泰甯鎮總兵德春應於何路要隘布置即行會商辦理將此由六百里諭令知之○兵部以武會試中額請得旨滿洲蒙古取中二名漢軍取中三名奉天取中一名直隸取中九名陝甘取中一名廣東取中一名河南取中一名山東取中二名山西取中一名湖北取中一名四川取中一名福建取中一名浙江取中一名雲南取中二名○撥

內庫銀十萬兩。交順天糧臺以備軍需。已未。

上詣

壽安宮西所問

如皇貴太妃安。諭軍機大臣等。戶部奏查明山東省應行報撥及續徵約徵銀款。請旨飭提迅解一摺。本年山東省各屬應徵上下忙錢糧。並道光三十年。咸豐元年二年。緩徵未完銀兩。除指撥及額支等款外。統計應解銀

一百五六十萬兩。前經戶部咨催奏報。迄今尚未撥解。當此部庫支絀。軍需萬分緊要之時。各省應徵之款。豈可任意遲延。著崇恩。即飭署藩司英桂。查照部指各款內。先行酌提銀二十萬兩。限於十一月內。悉數解部。毋得稍有耽延貽誤。再據該部奏前次提撥該省。節年協餉飯食等銀。十八萬五千餘兩。係屬歸公正款。並著該署撫迅飭解齊。不得與此次提項牽混。以清款目。將此由六百里諭令

知之。又諭據桂良奏。接准山西咨報。賊至平山縣西雄德店地方。並有占踞山西五臺縣屬陳家莊之事。如果實有其事。則紫荊關易州一帶。自應嚴密設防。儻係逆黨播散。謠言冀圖大兵西勦。則東面防備。未免稍空。著僧格林沁。迅速確探。應如何派撥堵剿之處。妥為籌辦。不可墮賊奸計。仍著德春就近確切偵探。務得實情。隨時知照。僧格林沁酌量設備。昨諭令恆春。派兵一千名。前赴易州。著

德春飛咨山西巡撫。催令前進。擇要布置。毋稍遲延。將此由六百里加緊各諭令知之。又諭寄諭欽差大臣勝保。直隸總督桂良。該逆盤踞深州。分股北擾安平。蠡縣等處。何以遽行竄至平山縣西雄德店地方。復有占踞五臺縣陳家莊之事。是否晉州賊匪分股西竄。抑係各該處土匪竊發。地方官急望官兵來援。倉卒具報。此股逆匪原甚剽疾。亦難保非乘虛奔突。為牽綴我師之計。勝保現由保

定統兵赴深州攻勦善祿西凌阿亦併力迎擊並綿洵桂齡郝光甲蘊秀所帶之兵均從西南一路前來何以未與賊遇接仗正定等處地方官何以並無稟報殊不可解偵探最關緊要設有舛錯貽誤事機所關非細該大臣與該督惟當相機布置應於何路分兵扼截總須嚴飭各路探明兜勦不可墮賊奸計致令我兵疲於奔命現在賊踞深州約有若干其西竄之賊是否即係晉州分股仍著確

切探明隨時馳奏近來各路文報遲延該督務須嚴飭地方官安設驛站馬匹妥速郵遞萬勿疏忽將此由六百里加緊各諭令知之○又諭寄諭山西巡撫恆春該逆自竄擾晉州分股攻陷深州以後未據直隸奏探現在復竄何處如已由平山潛入五臺何以兩省防兵絕無準備該撫已派尚阿太和昌帶兵一千五百名並練勇三百名交徐繼畬在紫荊關一帶扼要防守徐繼畬籍隸五臺且自

省而東北沿途必已得信曾否先往五臺堵禦竄入賊數約有若干尤須防其覬覦紫荊為擾及易州之計其固關以南遼州澤潞各隘口均著飭令潘鐸督同地方文武節節嚴防並剴切勸諭各屬紳民合力團練互衛鄉閭趁該逆甫經回竄匪眾無多奮勇截擊仍查明係由何路竄入所報是否確實即行馳奏舒興阿由蒲州前進現抵何處著即咨催迅速督兵接應勝保大營軍需銀兩及解京

餉銀並著嚴飭沿途地方妥速護解將此由六百里加緊諭令知之○又諭據有鳳王懿德奏勦匪事宜並捐輸團練各情形一摺現在徵調紛繁庫款支絀閩省會匪滋事若不借助於捐輸團練勢必兵餉兩絀更將何從措手該督等既經選派紳士協同委員分別勸諭即著實力妥辦不得徒以棘手為詞聽其渙散前據御史陳慶鏞奏保紳士林國華等辦理捐輸團練事宜現在若何設法勸諭

即著迅速辦理。至會匪蹤跡。詳閱所奏。以廈門為最要。同安次之。其九龍山及邵武汀州防堵。又當俟同安廈門勦辦歲事之後。再行籌及。自係通籌全局。著即照所議。次第勦辦。不可稍有遷延。廣東紅單船。係專為江南協勦之用。該撫奏請暫留十五日。刻期合勦。依限收復。自係為勦辦得手起見。惟自該省發報之日。至今已越兩旬。此項船隻。必已及早開行。著將何時開出閩洋之處。據實奏聞。不

准再請截留。致誤江南軍務。將此由六百里諭令知之。○命伊犁參贊大臣布彥奏來京。調葉爾羌幫辦大臣圖伽布。為伊犁參贊大臣。和闐辦事大臣法福禮。為葉爾羌幫辦大臣。賞頭等侍衛麟翔。副都統銜。為和闐辦事大臣。○命烏什幫辦大臣德勝來京。賞己革山東登州鎮總兵官德通藍翎侍衛。為烏什幫辦大臣。○以詹事府右贊善清安。右中允沈炳垣。充日講起居注官。○命陝西道御史

陳慶鏞回福建本籍。辦理團練各事宜。○撥廣東銀二十萬兩。解赴福建。以備軍需。○庚申遣官祭

歷代帝王廟。○諭內閣。惠親王等會奏請頒行銀錢鈔法一摺。據稱銀票以便出納。錢鈔以利流通。請令京師及各直省。均由戶部頒行銀票錢鈔。任聽民間日用行使。並完納地丁錢糧鹽關稅課。及一切交官等項。俾文武官員軍民人等。咸知銀票即是實銀。錢鈔即

是制錢。覈定成數。搭放搭收。以期上下一律流通等語。自來制用常經。銀錢並重用楮作幣。歷代通行。現在銀價昂貴。需用浩繁。民間生計維艱。必須與時通變。使鈔票與銀錢兼權並用。以冀裒多益寡。日見充盈。茲據巡防王大臣。大學士。軍機大臣。戶部。合詞籲請。實已詢謀僉同。著即照所議。由戶部製造錢鈔。頒發中外。與現行銀票相輔通行。其應如何搭收搭放。酌定成數。以昭限制。總期官民兩

便出納均平所有一切應辦事宜著戶部詳細酌覈妥議章程具奏○諭軍機大臣等各省地丁徵銀乃國家惟正之供豈容任意拖欠以致帑藏日虧現在逆匪滋擾凡被兵各州縣以及被災各區業經疊沛恩施分別蠲緩其未經被兵被災地方自應照舊輸將以充國課乃自加恩豁免積欠之後至今各省復有民欠錢糧即如山東省昨據戶部奏應徵未解之款尚有一百五十萬兩之多此

外如河南等省及江浙財賦之區未完積欠均復不少推原其故總由不肖州縣任意浮加不恤民瘼以致催科雖迫裹足不前又或胥吏隱匿侵吞以完作欠州縣官但以所收分數覈計得免處分即為了事求其釐奸剔弊為國為民者或難其人是以每逢恩詔豁免之數動以千萬計而每遇清查無著攤賠之款又以十萬計國家經費有常何堪此層層虛耗日積月累幾成習慣嗣後著各督撫

等嚴飭所屬除應行蠲緩之區均已刊刻謄黃徧行曉諭此外各州縣徵收錢糧毋許仍前浮濫並嚴懲吏胥侵漁積弊小民具有天良苛政蠲除自必輸將踴躍當此軍需孔亟惟賴各省完善之區所納錢糧以資供億若地方官仍前玩泄不思潔己奉公斂怨於民致虧正賦著該督撫即行從嚴叅辦並著將現在徵收積欠及上下忙如何實力督徵積有成數隨時奏明一面咨部備撥毋稍延誤

將此各諭令知之○又諭據全慶等奏請將通州白糧以放為運較為妥速著照所請即將天津西中兩倉白糧除現在提放春俸米石外其餘米五萬餘石即著於九月內趕緊接續開放來年秋俸務期十月中旬以前提放完竣以省轉運至寄國太平倉米八萬餘石並著准其暫行改撥城內七倉收儲所有圓明園各旗營甲米稔粟二色照舊由本裕豐益二倉開放其稔米一項即暫由京倉支

領仍著該侍郎等於明歲春融將城內暫存米石仍運赴本裕豐益二倉以備就近支放將此諭令知之○又諭勝保奏馳抵深州連獲勝仗並催兵圍勦情形各摺片逆賊困踞深州糧藥俱盡正可乘此聚而殲旃該大臣現由北面進勦西凌阿善祿等扼其迤西一帶巴揚阿分扼武強等處小路係在該州迤東惟正南一面細閱所奏竟似恃大水為險固因催兵未齊一時不能分撥扼守然逆賊舍命衝撲焉知不窺我北路兵多又圖南窺該大臣仍當密探嚴防或豫為設伏或多設疑兵使之無隙可乘方臻完備綿洵桂齡蘊秀所帶之兵既抵正定距深州不過兩日之程計期當可趕到郝光甲之兵並明慶所帶綏遠城土默特落後之兵均著飛催前進若令全數到齊儘可分扼南面此股逆賊即責成勝保西凌阿善祿等迅速圍勦一切布置切勿延緩各路未到之兵如有藉詞逗遛不

進者即著嚴叅訥爾經額無庸留辦圍練仍遵前旨解京伊子蘊秀並飭令隨同回京所帶之兵統歸該大臣等調撥其各處圍練事宜藩司張集馨此時計已由蘭儀折回省南一帶已諭令桂良飭知該藩司撫綏彈壓該大臣等其激勵將士曉諭紳民速殄兇氛以靖畿輔將此由六百里加緊各諭令知之○又諭向榮奏通籌水陸攻勦全局一摺覽奏俱係懸擬布置情形於實在打仗攻克事宜尚未確有把握金陵鎮江被賊占踞半年有餘雖疊次勦辦獲有勝仗而該逆負隅如故老師糜餉朕心焦慮時深現在賊匪由山西竄入直隸經勝保悉力窮追正在喫緊之際斷難分兵南向至朕特命大將軍惠親王參贊大臣僧格林沁總統重兵保衛畿疆並非令其遠行攻勦前因安徽賊踞安慶進逼廬州屢飭江忠源趕緊赴援須俟皖省勦辦就緒方能移兵協勦此時江南軍務該大臣責

無旁貸。惟有設法肅清江面。斷賊接濟。尤為急務。前命廣東督撫。雇備挖罟船百隻。快船數十隻。駛赴江南。並令購備夷礮。解至武昌。配船運往。會合夾擊。復經張亮基奏買船改造。戰艦兼備。中船小船共四百隻。駛往下游。此項船隻。曾有旨諭。令先儘所有交江忠源飛催赴皖。協剿。但為數較多。其續行改造成就者。該大臣亦可咨調應用。其紅單船隻。該大臣亦可飛札迎提。與鎮江艇船並新鑄

大礮。即分布江路。斷賊往來。接應與陸路兵勇夾擊。計上海土匪。指日埽除。想許乃釗於事竣之後。仍可進勦沿江逆匪。督率虎嵩林等先復鎮城。則金陵巨寇。援絕勢孤。可以剋期授首。該大臣當迅籌克復兩城。毋再因循株守。徒糜餉需。將此由六百里諭知向榮。並傳諭彭玉雯知之。○參贊大臣科爾沁郡王僧格林沁奏。紫荊關一帶。密邇陵寢。現派培成帶兵馳往。擇要駐劄。得旨。汝能

妥為布置。不致漫無主見。甚好。直隸西北兩路空虛。固應豫先籌畫。然大兵萬不可輕動。若疲於奔命。必致南西北三路皆誤。所關甚重。○廣西提督惠慶奏。粵西逆匪遠竄。伏莽未清。勦撫均難為力。惟有激勵團練。以禦外侮。講求保甲。以清內奸。或可漸就清釐。得旨。所奏甚是。汝好為之。朕拭目以待。須要還朕一實字。○以雲南曲尋協副將明安泰為甘肅涼州鎮總兵官。○予江南軍營病故甘肅

涼州鎮總兵官馬龍祭葬。世職如陣亡例。○辛酉諭內閣。龔寶蓮著授孚郡王讀。○又諭安徽巡撫李嘉端。自到任以來。毫無布置。致逆匪竄踞安慶。無為州巢縣等處。均被蹂躪。實屬調度乖方。有負委任。李嘉端著即革職。諭軍機大臣等。前因逆匪占踞東關。勢將直撲廬州。諭令江忠源馳赴皖省。力遏賊衝。並諭周天爵督兵會剿。本日據周天爵奏。赴潁之日。僅帶兵二百名。奕經帶兵一千駐守。

徐州兼護宿遷糧臺若揚城賊匪潰圍而出徐宿又當賊衝所領兵千餘名實難分撥等語朕因李嘉端到任以來毫無布置已將該員革職並授江忠源為安徽巡撫馳驛前赴新任矣現在廬州情形萬分緊急江忠源由江西追賊諒已行抵皖境接奉此旨後即探明賊蹤所向相機勦辦賊踞安慶築城窺濠復分擾巢縣等處欲撲廬州難保非意圖北竄該撫屢次勦賊著績深悉賊匪情形畀以

封疆責無旁貸務當統籌全局迅殄賊氛毋負委任又據周天爵奏賊船先至運漕鎮將積糧十六萬石插旗封住不許居民輕動該知州林蘭亦即不敢運動稟明撫臣及大夥再至將糧米全行運往江甯如果屬實尚復成何事體著江忠源查明迅速具奏都司戴文蘭李輔朝先已抵皖仍著飛催前進毋誤事機又據周天爵奏署亳州知州童和豐少年紈袴行止有虧且玩視軍務民瘼經周天

爵札飭延不稟覆以致各匪大股均竄亳州等語業經降旨將該員革職著江忠源仍查明該員劣蹟據實叅奏原摺片摘鈔發給閱看將此由六百里加緊諭令知之○又諭據周天爵奏遵籌防禦皖省並徐宿布置情形一摺潁州一帶土匪猖獗該侍郎督帶兵勇分投勦捕自當漸次廓清惟因徐宿中路緊要與奕經分防揚城竄匪兵力難以分撥而賊匪現竄巢縣窺伺廬郡情形亦甚緊要若

廬郡稍有疏失賊勢益熾該侍郎應如何派撥兵勇應援仍須移緩就急妥籌保衛之策以慰朕念將此由六百里諭令知之○又諭昨據桂良奏稱接准山西咨報賊匪至平山縣西雄德店地方旋又探稱已踞五臺縣屬之陳家莊本日恆春由六百里奏事何以並未提及賊情究竟五臺縣屬一帶曾否有賊竄入其占踞陳家莊是否道路訛傳抑或係逆匪偽作謠言意圖分我兵力以為他竄之

計當此進剿喫緊之際各路探報最關緊要豈容稍有舛錯致誤事機著該撫迅即查明據實具奏昨據勝保奏逆匪困踞深州糧藥俱盡難保不復圖潰竄該撫仍須督飭地方文武及各屬紳民團練嚴密防範毋稍疏虞勝保軍營需餉緊要據奏先後撥銀十萬兩尚恐不敷支用部庫萬難分撥該撫亦所深知山西平陽以南雖經賊匪蹂躪其霍州以北地方紳民捐輸款項應如何妥速勸諭以

濟軍需想該撫統籌全局自必迅速籌辦也將此由六百里諭令知之○命翰林院編修劉熙載在上書房行走廉兆綸金鶴清在南書房行走○以湖北按察使江忠源為安徽巡撫未到任前以安徽布政使劉裕鈐暫署盛京將軍奕興因病賞假以盛京刑部侍郎書元暫署將軍○壬戌

上詣

壽康宮問

皇貴太妃安○諭內閣何彤雲奏請派御史巡查各門一摺前因京師地方緊要特於五城添派御史稽查防範如能實力奉行立法已極周密著都察院堂官督同五城及添派各御史於內外城各門隨時認真巡查毋稍疏懈如守門官弁有曠誤賄縱等弊即行據實嚴叅如此互相稽察不至過涉煩苛正無庸多派人員轉致推諉也○又諭前經疊降諭旨令各直省辦理團練該督撫等諒已督飭

所屬各就地方情形妥籌辦理朕聞江南附近金陵各村社及揚州邇東各屬均能練勇自衛江西興安縣壯勇亦能將竄擾賊匪盡數殲斃可見辦理認真自有實效昨據勝保奏稱饒陽鄉勇集有萬人復據巡防王大臣等訪聞該縣督辦甚屬認真似此實力奉行自可為民禦災捍患著順天府府尹直隸總督嚴飭所屬各州縣迅將團練事宜妥速遵辦並著派委大員覈實查勘如果辦理周密

輿論允洽即著據實保奏候朕施恩若因循藐玩或致滋生弊端並著嚴叅懲辦至近畿一帶各村鎮距城遙遠難保無土匪竊發奸細潛蹤著即飭令地方官出示曉諭如遇有本地匪徒及外來賊夥乘間搶掠者准該紳民人等格殺勿論有能擒殺賊目及長髮賊黨者均著報明地方官詳請優加獎勵以昭激勸○又諭自粵匪竄擾以來地方文武官員或守城殉節或臨陣捐軀及紳士人等志切同仇盡忠效死者業經立沛恩施交部分別議卹並將被害較烈各員命於各該處建立專祠以昭忠節該官紳等忠義之氣允堪振起懦頑褒卹之典仍宜特從優厚著該部詳細查明已經給與卹典者再行分別酌議加增予諡或入祀昭忠祠其家屬殉難者應如何優卹之處一併酌覈具奏至未經奏報各員著各該省督撫迅即飭查被害情節奏請獎卹勿稍疏漏用示朕勵節勸忠之至意

諭軍機大臣等現在逆匪困踞深州糧藥將盡正可乘此機會一鼓殲除但恐勝保軍營兵力尚單不能四面兜圍僅致潰圍而出又須費手此股賊匪一日不滅則涿州大兵一日不能撤防朕與惠親王等商酌仍須添派精兵速往助剿著僧格林沁於所帶兵內迅即派撥京營官兵二千名察哈爾馬隊一千名剋日派委大員管帶前赴勝保軍營聽候調遣並據惠親王等奏酌撥哲哩木盟馬隊一千名熱河兵五百名古北口兵四百名派令速赴涿州以資防剿僧格林沁接奉此旨著即遵照辦理無稍遲延將此由六百里加緊諭令知之○又諭寄諭欽差大臣勝保昨據該大臣奏軍營兵力尚單不能四面兜圍東南一帶甚覺空虛本日已諭令僧格林沁派撥京營官兵二千名察哈爾馬隊一千名迅速前赴深州軍營聽候調撥此項官兵三兩日內即可趕到著即擇要布置乘機圍

攻痛加勦洗萬不可任賊分竄張集馨由廟工帶兵折回亦諭令在深州以南督率團練彈壓撫綏此時郝光甲及明慶蘊秀等所帶之兵諒可趕到再加以添派三千勁旅兵力不為不厚該大臣務當乘此機會與西凌阿善祿等迅圖圍剿一鼓蕩平毋稍延緩將此由六百里加緊諭令知之○又諭張集馨奏遵旨回省協同辦理防剿一摺逆匪竄入深州現經勝保等督兵圍剿僧格林沁駐劄涿州策應本日復諭令添派精兵迅赴深州協勦矣張集馨帶兵五百名練勇一千五百名由廟工馳回正可併力夾擊著即馳抵深州迤南一帶扼要嚴密堵截毋任逆黨偷竄昨據勝保奏深州東路饒陽縣圍集鄉勇萬餘人堪資堵禦可見地方百姓志切同仇洵足補兵力所不逮並著該藩司於沿途經過各處剴切曉諭實力團練俾皆奮勇殺賊盡殲醜類以靖畿疆將此由六百里諭令知之○

又諭自逆匪竄踞金陵已逾半載向榮統帶大兵雖屢挫賊鋒未能剋期收復朕宵旰焦勞無時或釋因念向榮帶兵以來將弁中奮勇打仗者頗不乏人即如湖北紅山之役一日破賊十三壘到金陵後連破賊壘七橋甕一仗尤為出力在該大臣以賊匪未平金陵未復不敢遽行保奏然從征將弁日久勤勞若不量加獎敘何以激勵戎行該大臣前保之副將德安瑞格明安泰均經朕簡放總兵此外軍營各員疊次打仗殺賊尤為出力者著向榮許乃釗秉公酌覈保奏候朕施恩總期無濫無遺以作士氣此旨著宣示軍營俾咸知感奮仍著該大臣等激勵將弁迅圖克復埽穴擒渠以副朕望將此由六百里諭令知之○又諭慶錫奏查明遵化等營礮位演放一摺據稱鑲黃旗漢軍都統派委副參領劉鎮帶領礮甲到馬蘭鎮演放各礮其用藥用子輕重高低遠近悉經講解該兵丁俱能

領悟並派妥弁隨該參領等前往遵化營將各項礮位堪用者揀選逐一演放均堪適用並於鮎魚關馬蘭峪城等處礮位亦查明開單存記當飭該參領等回京道經薊州會同將弁將該營礮位逐加演放俾得傳習以資防守等語以上礮位均著留於該營如法演習毋得日久生懈並著挑選二百斤上下礮位四十尊由薊州營解赴通州以備分撥應用將此諭令知之○又諭有鳳秦縣城失守

賊勢猖獗請添兵撥餉一摺福建賊匪攻陷仙遊縣城興化去仙遊數十里且逼近省垣土匪四處勾結尤宜嚴密設防該署督已飛咨提督炳文飭令總兵鍾寶三帶兵趕赴興化一帶實力攻剿並派文武各員分防江口及永福縣等處地方復經王懿德由泉州派令署遊擊耿元興等帶兵迎勦合力圍攻當可不致蔓延江西賊匪已順流東竄所有防堵該省之兵亦可分別調回應用現在徵調

紛繁經費支絀該署督等亦所深悉前次漳州府及沙縣等城被匪攻陷該處紳民激於公忿旋即收復可見士民忠義守禦堪資為今之計仍當揀派賢員勸諭團練保衛地方協助兵力至於需用餉銀著仍遵前旨即就本省地方酌量情形妥為籌畫或勸諭捐輸或試行鈔票搭放大錢惟在經理得人自可試行有效該署督等諒能統籌全局仰體朕意也將此由六百里諭令知之○又諭寄諭

兩廣總督葉名琛廣東巡撫柏貴有人奏舟師之銳莫如紅單船而欲紅單船之得用必由廣東紳士雇覓候選道伍崇曜素為該處民勇人等信服應即令該員辦理等語此事前已有旨諭令該督等籌辦著再傳諭伍崇曜按照所奏各情悉心籌畫即責成該員專辦儘江面賊船一律廓清即爵賞之榮亦所不吝該員身受國恩自當力圖報效也將此由六百里諭令知之○添派戶部尚書孫瑞

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六

[illegible]

咸豐三年癸丑九月癸亥以海運漕糧全數

抵津。頒浙江省城

風神廟

御書扁額曰宣仁利運

天后宮

御書扁額曰海涇流慈諭內閣太僕寺卿王茂蔭奏叅己革廬州府知府胡元煒貪污狼藉將蠹役徐淮收為門生倚勢擾害經周天爵奏叅革審李嘉端輒將該員仍留署任署懷遠縣知縣楊昌拔貪鄙婪贓遇賊潛逃並

任聽縣差王成等肆行搶掠李嘉端雖將該員撤任仍復委用等語似此貪劣之員若不嚴行懲辦何以飭吏治而服民心著劉裕鈐即將該員等劣款逐一確查從嚴叅辦並提同徐淮王成等嚴審確情按律懲治至合肥縣辦理團練之廩生唐會衡翰林院庶吉士黃先瑜監生郭有訓廩生吳毓芬監生姚恩祺舉人周沛霖趙鳳舉副貢生司璵廩生龔永孚文生剛德模等鶴章所辦團勇均有成

效著該署撫卽傳諭該紳士等加以獎勉令其實力董率保衛鄉閭並查明各屬紳士捐貲出力及殺賊立功者卽行奏請鼓勵候朕施恩○諭軍機大臣等崇恩奏拏獲奸細據供逆匪欲往天津等語天津地方緊要前據文謙等奏撥兵練勇情形防堵似尚周妥惟此時逆匪踞深州難保不急圖旁竄著傳諭文謙等總須嚴密設防不可稍形鬆懈盤詰奸宄尤為緊要仍當隨時偵探賊蹤務得

確信與慶祺知照聯絡互為聲援至原片所稱天津一帶習教之人頗多如果實有為匪不法重情自應照例懲辦若此時驟行查究恐人心驚擾轉致別生事端該鹽政等總宜密加防範不可稍涉張皇原片著鈔給閱看將此由五百里傳諭文謙並傳諭特克慎張起鵠知之○又諭據張亮基崇綸奏逆船竄撲田鎮官兵水陸獲勝情形自八月三十日至九月初二日三次接仗計斃賊三百餘名

擊沈溺斃者甚多防勦尚屬認真所有南北岸分擾餘匪著卽責成唐樹義及徐豐玉張汝瀛等督率各文武員弁帶領兵勇無分水陸扼要堵剿以期殲除淨盡毋稍疏虞該司道等均能深悉賊情相機堵剿當可得力昨有旨已將江忠源補授安徽巡撫並命唐樹義以二品頂帶補授湖北臬司矣前因賊竄安慶擾及巢縣竄伺廬州若不及早扼截必致紛紛北竄又成滋蔓之勢疊次飛催江忠

源迅赴皖省援應。現在該撫行抵何處。即著張亮基等飛催速帶兵勇馳赴皖省勦辦賊匪。萬不可稍有稽延。致誤事機。都司戴文蘭等所帶兵勇二千名。現已行至田鎮。並著飭令先行兼程赴皖。湖北省新造礮船。仍須駛赴下游。以助江面攻勦。該署督倭吳文鎔抵楚後。將現在地方情形。詳細告知。即行交卸。赴山東新任。此次擊賊出力員弁兵勇。及傷亡弁兵。著即確查。分別奏請獎卹。將此由六

百里加緊諭令知之。○署山東巡撫崇恩奏。遵籌防堵。地方安謐。得旨。總在時刻稽查。不可張皇失措。○以湖南勦匪出力。予縣丞王鑫。以同知直隸州升用。賞藍翎。甲子諭內閣。恒春奏。參誤報賊情。之知縣。請旨革職。一摺。山西五臺縣知縣林植棠。因誤聞賊至平山。並盤獲徐壩書函。有賊已踞該縣陳家莊之語。即經稟報該撫。迨查係訛傳。延至三日之久。始將錯誤緣由具稟。實屬玩誤。該撫僅

請革職。不足蔽辜。林植棠著即革職拏問。交刑部定擬罪名具奏。至軍行首重偵探。各地方官於賊蹤所至。總宜查探明確。隨時稟報。儻有輕率具稟。致誤軍情者。著各統兵大臣。及各該督撫。嚴行叅辦。亦不得因有此旨。匿不具報。以致遲延貽誤。又諭。文謙等奏。盤獲私行回籍之兵丁張貴。劉振遠等。請交馬蘭鎮及通永鎮。就近查辦。並形跡可疑之侯贊勳等。解回密雲。灤州。甯河等處原籍訊辦。

等語。當此用兵之際。紀律必應嚴肅。何以帶兵各員。任令該兵丁私行折回。且攜有軍械錢文等件。難保無別項情弊。著該總兵等嚴行訊究。如係私自逃回。即照軍法懲辦。斷難寬宥。並著各路軍營統兵大臣。隨時查察。如有似此私逃兵丁。即著按律嚴辦。毋稍輕縱。其形跡可疑人犯。著各該地方官嚴訊確情。分別辦理。諭軍機大臣等。據僧格林沁奏。派兵馳赴深州一摺。本日據勝保奏。深州賊

匪竄往東南。全股逃逸等語。著僧格林沁。即飭多爾濟那木凱達洪阿將所帶官兵內。先行分派馬隊。迅即直赴趙北口任邱一帶截擊。以遏賊北竄之路。其天津以北務關路等處。亦著酌派弁兵。一律嚴行堵截。據恆春奏查明山西五臺。並無股匪竄往。所有培成帶領兵一千二百五十名。即可飭令撤回。以備調撥。當此逆賊窮竄之時。果能四面兜圍。前後夾擊。當不難一鼓殲擒。該大臣務飭統兵

各員。與勝保等合力勦辦。萬不可再令他竄至訥爾經額著仍遵前旨。解京另片所請留辦糧臺之處。著不准行。將此由六百里加緊諭令知之。○又諭勝保奏獲勝情形。並逆匪全股竄逸各等語。逆匪被攻緊急。連夜向東南竄逸。雖據該大臣聲稱。較之負隅抗拒。更易勦除。第兇裏稍不得力。或致該逆上竄天津。下竄德州。勢必餘燼復熾。且此次抗拒之騎馬賊。尚有數百人。並有大礮。似尚非十分

窮蹙。慶祺所帶之兵。未可深恃。即所稱由景州一帶截其南竄之兵。亦未必竟能得力。昨諭僧格林沁。撥兵接應。令徑赴趙北口任邱等處迎頭截擊。毋庸繞道深州。諒可與該大臣前後夾擊。深州城內。是否尚有餘匪。該處文武。作何下落。各路未到之兵。係何員管帶。因何尚未催齊。著分別查明具奏。該大臣營中將士。前在懷慶屢次打仗。極為出力。嗣復追賊赴晉。亦能不避艱險。迅速統出賊前。奮

勇截勦。現雖逆匪由晉東竄出山。尚未勦洗淨盡。而將弁兵丁日久勤勞。朕心時深軫念。著勝保將懷慶出力人員。擇其立功尤著者。先行保奏。其餘各將弁兵丁。並著存記。如能迅將此股賊匪悉數殄滅。該大臣等即將屢次出力勞績。一併詳細保奏。朕必加等獎勵。此旨著宣示軍營。使大小官兵。愈知奮勉。至直隸地方。團練有效者。如饒陽等處。挑選壯練。隨營助勦。似亦可資得力。並著體察情形。

酌量賞戴頂翎。以遂其報國之忱。山西五臺縣被擾一節。已據恆春查明誤報。該大臣等正可全力專注東南。以期盡殲醜類。早靖畿疆。將此由六百里加緊諭令知之。○又諭。文謙等奏查緝奸匪。封禁船隻。遣散難民。辦理一切。尚屬妥協。不致張皇。本日據勝保奏。深州賊匪。經痛勦獲勝。後全股由東南竄逸。該逆說謀百出。必須先事豫防。著該鹽政會同鎮道。加意嚴防。其界連河間。各要隘及支河

港汊。務須飭屬。不分晝夜。嚴密防守。毋稍疏懈。如探知賊蹤有東竄消息。卽照所議扼要堵禦。仍一面迅速具奏。將此由五百里諭知文謙。並傳諭特克慎。張起鵠知之。又諭。據琦善等奏。會攻揚城一摺。所稱疊獲勝仗。並四次擊退瓜州賊船。各情形。均不過小有斬擒。並未力圖攻克。卽現將礮臺增高。臨城攻擊一節。亦不知何日築就。方能攻城。該大臣等。頓兵日久。每踰旬日。一奏塞責。似此老師

糜餉罪將。安屬現在賊踞安慶。窺伺廬州。疊經諭令由揚城迅速撥兵往援。安徽省為河南山東門戶。關繫北省。最為緊要。該大臣豈得諉為不知。且江北諸軍。統歸節制。設賊蹤復由皖江北竄。該大臣又豈得置身事外。琦善等祇顧一隅。朕不能不通籌全局。慧成既留揚城。總兵瞿騰龍。本係遵旨帶兵赴豫。勦賊之員。著琦善等迅卽飭令該員。並原帶官兵二千名。星速啟程。由間道赴皖。協勦不得

率請留揚。致誤事機。將此由六百里加緊諭令知之。○又諭。奕經奏。侍郎周天爵患病。擬抽換兵勇防勦一摺。皖省潁州一帶。土匪充斥。經周天爵督率兵勇勦捕。尚屬得力。昨因廬郡告急。令該侍郎撥兵應援。茲聞患病甚劇。實深懸繫。該侍郎年齒雖邁。精力未衰。著奕經傳旨諭令。趕緊調理。以慰朕念。徐廣縉現經陸續派往歸德。各屬勦辦。擒匪該處亦甚緊要。暫且無庸移兵赴皖。如周天爵一

時未得速痊著奕經飭令已革臬司張熙宇馳往勦辦周天爵所帶兵勇並臧紆青所募練勇均著交張熙宇管帶調遣其蒙毫連界之蕭宿永城各縣業經奕經飭令總兵百勝選撥兵勇一千名以備攻勦仍應隨時相機應援勿令賊匪北竄宿遷為糧臺重地奕經駐劄徐州並著就近加意防護毋稍疏忽將此由六百里諭令知之○又諭江忠源奏田鎮失守道員同時陣亡一摺該逆自九江竄

擾興國徑撲田鎮勢甚猖獗張亮基崇綸昨奏該處兵力不厚札委同知伍煒都司周祿帶勇前往會勦且有總兵楊昌泗兵勇分路迎擊何以此次接仗僅有該道等奮死抵拒鏖戰多時江忠源親隨楚勇亦皆血戰陣亡所存無多未見大兵隨後援應現在南岸興國一帶江面二千餘里悉經賊船分布雖候屆初冬東風未必時作難保該逆不由陸路窺伺省垣且江面俱是賊船該署督等所派

勞光泰帶去之新造礮船十餘隻能否不致疏失其餘續造船隻收集何處均須豫為準備江忠源現與唐樹義會同音德布馳赴武昌惟安徽安慶被賊占踞廬州又在危急李嘉瑞既經罷斥周天爵復值患病該處近接潁毫切須防賊北竄專待江忠源前赴皖撫新任該撫所帶兵勇仍酌量統道帶往安徽以資勦辦張亮基現未交卸且熟悉楚省軍情即與崇綸督同唐樹義嚴飭地方文武員

弁趕緊設法堵截逆船汴流而上如道士洑蘄州等處均可扼守萬不可令其肆意衝突其南岸陸路有無兵勇堵守亦著迅速布置此時賊踪聚集何處並著迅速查奏將此由六百里加緊各諭令知之○先是署山東巡撫崇恩奏官兵赴防請給予沿途行走口糧到防後撥捕土匪請照進征之例給予馬乾馱折等銀下戶部議至是奏前經奏定章程本省防兵給予鹽菜銀折色支發其進征者

概給口糧。該撫所奏未免漫無限制。仍應照前定章程。劃清防剿。分別支應。毋許節外生枝。得旨。著崇恩。傳節。妥辦。不准使屬員任意冒銷。將來若有例外之支。必將該省大吏屬員家產抵賠。仍將經手之員。以軍法懲辦。以前任烏什幫辦大臣德勝。為正藍旗漢軍副都統。以湖北官軍失利。革署總督張亮基。巡撫崇綸。職。仍留任。予陣亡道員徐豐玉。張汝瀛。祭葬。世職。予江南軍營病故正藍旗漢軍副都統開隆。阿。祭葬。世職。如陣亡例。並賞銀五百兩治喪。乙丑。

上詣

永安寺拈香。諭軍機大臣等。據惠親王等奏。通籌現在軍情。請將東三盟兵三千交德勒克色楞統帶。合兵進擊。一摺。深州逆匪全股由東南逃竄。已經該大臣及西凌阿等分路追截。復有旨諭令僧格林沁。派多爾濟那木凱達洪阿。帶領馬步隊兵三千餘名前往。

助剿。再加以東三盟勁旅三千。諒此敗竄餘匪。自不難剋期殄滅。現在安徽巢廬一帶賊匪。意圖北竄。昨復據江忠源奏。江西賊船自九江竄擾興國。官軍失利。河南山東與皖楚毗連。為畿輔屏障。若不將直隸賊匪及早殲除。淨盡。儻南來股匪。竄及豫東。南北合股。必又直犯京師。天下事尚堪設想。歟。惠親王等籌慮及此。與朕意適合。著勝保統籌全局。務將此股竄匪趕緊殄滅。其零星餘匪。或酌留。

西凌阿善祿一人帶兵與德勒克色楞搜捕。勝保即可選帶精銳官兵向南迎擊。軍威定可大振。勝保竭盡忠勇。心力俱瘁。朕甚廕於懷。德勒克色楞抵營後。伊所帶之蒙古兵俱係未經戰陣。必應隨同一兩仗方可獨用。諒勝保亦深悉朕之專倚畀也。惟軍情變幻靡常。難以懸揣。仍著該大臣悉心籌辦。無誤事機。多爾濟那木凱達洪阿等所帶官兵行抵何處。並著該大臣飛催前進。合力夾擊。將此。

由六百里加緊諭令知之。○又諭深州賊匪全股逃竄勝保分兵截勦恐賊匪窮蹙竄及河南山東境界現在陸應穀已馳赴河北崇恩扼守德州一帶著即督飭弁兵及地方文武於交界處所嚴密堵禦如有賊匪竄入即與勝保等大兵合力夾擊毋稍疏虞前由江西下竄匪船現在安徽安慶巢廬一帶滋擾昨復據江忠源奏賊匪由九江竄擾湖北興國田鎮失守河南山東與皖豫壤地毗連尤宜防賊北竄因思豫東現辦團練尚屬認真徐廣縉勦辦河南歸德各屬土匪已有成效著陸應穀即飭令徐廣縉會同總兵柏山及地方官督率弁兵與各屬辦理團練紳民併力嚴防瑞昌現駐山東濮州與鎮道等聲勢聯絡仍須各屬團練協助兵力聞劉韻珂毛鴻賓等均能熟悉本處地方情形著崇恩傳諭各員並所屬官紳一體扼要防堵毋令南來匪徒乘間闖入已革總兵三星保著留於

山東差遣委用此時徵調遠兵勢難濟急惟有官民合力保衛地方眾志成城必有實效其黃河各處渡口船隻仍當認真收集並隨時知照王履謙長臻楊以增實力巡查萬不可令賊匪偷渡將此由六百里各諭令知之○山西巡撫恆春奏賊匪並未回竄現在撥兵豫防隘口已飛咨舒興阿毋庸前來接應得旨舒興阿帶兵過來原為兼顧畿疆著知照該督迅速由澤潞出山酌量相機進剿直豫東三省俱可接應再朕聞恩華在山西時曾經拏獲奸細一名包士青至今尚未正法著即行正法不准故意曲全調任烏魯木齊都統樂斌奏濟木薩縣丞所屬東西戈壁地方開墾荒田二千畝有奇照例升科下部知之越南國王阮福時遣使奉表謝恩並賀萬壽進貢方物命留抵下次正貢賞賚如例命土默特貝子德勒克色楞統帶東三盟官

兵馳赴欽差大臣勝保軍營幫辦軍務。○以河南紳士守城出力永廣懷慶府學額五名。開封許河內府州縣各三名。祥符縣二名。○以湖南紳士守城出力永廣長沙府學額三名。長沙善化二縣各二名。○以廣西紳士守城出力永廣桂林府學額三名。臨桂縣二名。○丙寅諭內閣前因歸德失守將河南巡撫陸應穀革職留任。乃逆匪渡河北竄由山西復入河南武安涉縣擾及直隸地方陸應穀

不能先事豫防咎實難辭著革職即行來京交巡防王大臣差委。又諭李嘉端袁甲三奏潁郡漢回滋事脅從解散首犯尚未全獲請將知府先行革職勒緝一摺安徽潁州府漢回滋事經李嘉端袁甲三等督同地方紳士妥為勸諭各安本業所有前次乘機焚殺各匪徒經潁上縣知縣程鈺等督率各處團練拏獲多名並將漢民首犯張吟盤擒獲正法其回民首犯陳長泗肇釁釀禍漢回共忿

豈容久稽顯戮乃潁州府知府毛含昱辦理此案先既未能持平復於護解該犯漫不經心致令中途脫逃實屬庸懦無能毛含昱著即革職仍留於該地方勒限協緝務獲究辦至各處漢回共處相安已久孰非朝廷赤子嗣後該地方官等於漢回交涉事件務須一視同仁秉公辦理以昭平允而息紛爭儻有意存偏袒致啟釁端該上司即嚴行奏參毋稍徇隱。○又諭查倉御史怡康等奏領米車

輛短缺各倉米石礙難如期放竣請飭變通辦理一摺順天府辦理兵差應用車輛等項均有例定價值此次特發帑金原因需用較多俾得廣為雇備不至擾累民間若如該御史等所奏近日兵差絡繹不但民車概被拉用即大通橋運米官車亦復被拏甚至將車載米石棄擲道旁牽車徑去以致倉米乏車領運顯係胥役人等藉差擾累實堪痛恨至駝隻一項為運煤所必需近因被拏苦累亦

復裹足不前。殊於民間日用大有妨礙。著順天府嚴飭各屬。凡倉上載米車輛及民間運煤駝隻。一概不准任聽吏役強拉私押。並將雇覓車贏駝隻發價若干。明白出示曉諭。儻有囊役奸胥。從中侵蝕。即著嚴行懲辦。○諭軍機大臣等。僧格林沁奏撥兵移營情形一摺。多爾濟那木凱達洪阿所帶官兵。暫到新城。仍距勝保軍營尚遠。不能合力夾擊。直省南路之兵。現在催調既未齊集。若北路無兵協濟。恐賊匪沿途裹脅日多。勦辦更難得手。著該大臣仍遵前旨。迅飭多爾濟那木凱達洪阿帶領馬步各隊。探賊所向。趕緊馳往迎擊。與勝保合力夾攻。斷勿株守。致誤事機。直隸賊匪一日不滅。天下大局一日不定。多爾濟那木凱等萬勿使繞道迎擊。致落賊後。為要。其餘派撥一切。布置尚屬周妥。仍著隨時確探賊蹤。相機調度。此股賊匪。必須及早殲除。遠堵不如近勦。諒該大臣亦當通盤籌及。

另片奏。察哈爾患病各官兵。即著飭令回旗。近日京師因調兵需用車贏。致倉糧轉運不及。涿州軍營扣留駝隻車贏。著該大臣酌量令其輪流轉運。知照順天府通融辦理可也。將此由六百里諭令知之。○又諭。寄諭參贊大臣僧格林沁。據勝保奏。馳抵河間。知賊匪現在獻縣。即日督兵向南直擣。仍催多爾濟那木凱達洪阿等帶兵前進等語。現在勝保由河間向南迎擊。必須厚集兵力。方能痛加勦洗。著該大臣速即催令多爾濟那木凱達洪阿即日帶兵馳往河間一帶。與勝保合為一軍。併力圍攻。此股匪徒。必須趁此喘息未定。悉數殲除。萬不可稍有遷延。今早廷寄。朕意猶在持重。恐官兵落後。是時移步換形。萬不可拘泥前旨。總以越快越好。這樣好機會。錯過豈不可惜。該大臣仍與勝保隨時知照。確探賊情。相機布置。如賊竟往東竄。自應酌量移兵防堵。勿誤事機。將此由六百里加緊。

諭令知之。又諭本日據僧格林沁奏逆匪現竄獻縣一摺。昨派德勒克色楞幫辦軍務。統帶東三盟官兵馳赴勝保軍營。此項官兵到營尚需時日。而攻勦刻不容緩。多爾濟那木凱達洪阿所帶之兵。應於何處迎頭截擊。著勝保就近調撥。務將竄匪剋期殄滅。毋稍延誤。至東三盟兵陸續趕到時。並著勝保隨時知照。扼要兜勦。以淨餘孽。將此由六百里加緊諭令知之。又諭該匪意圖北竄。知大

兵扼其前路。勢必紛竄東南。此時自以防其北犯為要。惟南竄山東。該處兵力尚單。恐難抵禦。且恐安徽賊匪聲息相通。又滋勾結。總應在直隸境內殲除淨盡。俾免後患。茲復諭知僧格林沁。迅催多爾濟那木凱達洪阿飛速帶兵前進。與該大臣合力攻勦。其應由何路前進之處。著勝保酌量調撥。以免歧誤。至天津一帶。亦為賊所覬覦。必須截其要路。勿令乘虛東竄。將此由六百里加緊諭令知之。

○又諭現在勝保帶兵由河間向南進勦。並派西凌阿善祿等分路截擊。該逆被勦窮蹙。難保不紛竄東南。山東與直隸交界地方。著崇恩嚴飭文武員弁督率兵勇實力嚴防。與勝保合力夾擊。瑞昌現駐濮州。能否移緩就急。仍須酌量情形相機布置。至江南接壤地方。亦宜嚴加防範。不可令南來匪徒乘間偷渡黃河。其運河及南北要路尤應密設伏兵。以便追勦得力。該署撫務當統籌東省全局。

激勵兵勇保衛地方。並隨時知照勝保務使聲勢聯絡。崇恩經朕此次擢用。必須倍加奮勉。正汝竭力報效之秋。朕看汝心地才力若何。英桂現已簡放河南巡撫。諭令迅赴新任。以防楚匪北竄之路。厲恩官達鑄皆熟悉地方情形。與該署撫必能相助為理也。將此由六百里加緊諭令知之。又諭前由江西下竄賊船。半在安慶巢廬一帶滋擾。半由九江竄入湖北興國州一帶。河南與皖楚毗連。不

可不嚴加防範徐廣縉勦辦歸德等處土匪已有成效各處團練正可協助兵力之不足英桂接奉此旨自以嚴防楚皖賊匪為要迅即啟程萬勿稍有遲延並著察看情形何處喫緊即馳往駐劄督同總兵柏山及地方文武員弁與團練紳民一體扼要防堵黃河各處口隘務將渡船設法收集並隨時知照王履謙長臻實力巡查毋任賊匪偷渡其河北懷衛一帶即傳諭余炳燾會同該鎮道等加

意嚴防毋稍疏懈將此由六百里諭令知之○又諭據御史隆慶奏夏秋大雨連旬河隄坍塌被淹各村莊災民甚多現在賊氛未靖轉瞬嚴冬饑民聚集數千恐滋生事端著桂良速飭地方官設法安插災民妥為撫輯將此由六百里諭令知之○漕運總督福濟奏淮北徵存課項請先儘軍餉動支奉撥部庫銀兩無款籌解得旨若如所奏則部庫急需專待汝與慧成撤營後方能有望雖軍務緊

要亦不當不酌度緩急若是○以內閣侍讀學士梁瀚為宗人府府丞○以山東按察使英桂為河南巡撫山東兗沂曹濟道厲恩官為按察使○賞派往軍營土默特貝子德勒克色楞銀一百五十兩○予直隸陣亡協領三福祭葬世職○丁卯

上御乾清門聽政○諭內閣賈楨翁心存朱鳳標奏遵籌城守章程並保舉總辦人員等語京師為商民輻輳之區五方雜處清查保甲訪緝奸宄尤宜實力舉行著即派光祿寺卿宋晉太僕寺卿王茂蔭並新授福建興泉永道何桂珍會同五城御史體察情形有無窒礙之處酌覈具奏總以法簡易行不致擾累為要○喀什噶爾領隊大臣特克星額因病解任以庫車辦事大臣長清為喀什噶爾領隊大臣賞頭等侍衛烏爾清阿副都統銜為庫車辦事大臣○以候補總兵官黃慶春交巡防王大臣差遣委用 戊辰

上詣

壽康宮問

皇貴太妃安○諭內閣舒興阿奏巡撫膠執己見不肯撥兵協濟等語督撫共事一方遇有緩急自當通籌全局妥速辦理該撫張祥河於該督舒興阿咨調防兵帶領出省即因徵調過多未便遽行撤派亦應與該督和衷商榷乃竟以憤激之語敍入公文殊屬非是張祥河著交部議處○又諭自粵匪肆擾以來

曾疊次諭令各直省地方官勸諭紳民舉行團練並頒給堅壁清野議疏及鄉守輯要俾資效法如各地方官果能實力奉行何至任賊到處竄擾即如近畿一帶聞饒陽縣鄉勇萬餘人頗為奮勇天津團練亦甚整齊在小民自衛身家固無不踴躍從事亦賴親民之官倡率有方始收成效著各直省督撫再行嚴飭各該地方官於團練事宜務宜盡心勸諭實力講求其辦有成效之員即著據實保

奏至各紳民中有捐貲練勇保衛地方實在出力者並著統兵大員及各督撫隨時保奏候朕施恩以昭激勸○諭軍機大臣等僧格林沁奏催兵前進並移營固安一摺均著照所議辦理仍與勝保隨時知照以便相機防剿至需用馬駝及多倫諾爾購備馬匹均已分別諭催惟自口外解京恐需時日該大臣此次移營自涿州至固安道路較近不論民夫車輛均可於糧臺通融協濟切不可專候

此項馬駝致有遲誤將此由六百里加緊諭令知之○又諭舒興阿奏添調防兵赴直迎剿一摺逆匪由晉入直經勝保兼程迎擊該逆窮蹙東竄獻縣交河一帶勝保現抵河間向南迎剿僧格林沁復添派京兵隨營前進各路大兵均已逼近賊蹤若能盡數殲除即可肅清畿輔若餘匪東南奔竄則山東河南皆當其衝現在江西竄出賊匪占踞安慶廬州情形危急且湖北復有賊船上竄擾及蘄

州其勢亦甚猖獗該二省均與河南接壤巡撫陸應穀業經革職新任巡撫英桂尚未到任大河以南無人調度著該督卽帶兵馳赴楚豫交界要隘督同總兵柏山與徐廣縉所帶兵勇嚴扼楚匪北竄之路並可兼防皖匪竄及豫境其黃河上下游渡口仍嚴飭地方官收集船隻萬不可任賊偷渡現在吳文鎔已抵武昌張亮基自湖北馳赴山東巡撫新任已令其取道河南卽可於沿途相機勦辦分竄之賊就目下情形而論該督援應直隸則少覺迂遲進扼皖楚則其勢較順總以遏賊北竄為要仍須隨時與直隸統兵大員知照儻有警急卽行帶兵北上勿誤事機將此由六百里加緊諭令知之○又諭前據江忠源奏田鎮失守道員同時陣亡當有旨令張亮基等設法趕緊堵截茲據吳文鎔奏賊匪擾及蘄州距省甚近咨調援兵一摺該督歷任封圻朕所倚賴現值防勦喫緊之時著與

崇綸安撫省垣居民勸令協同固守並著台湧迅調荊州滿營官兵二千名剋日至省援應與唐樹義帶回廣濟兵勇並江忠源收集潰散之兵先行分撥布置江西之兵二千名雖經該督咨調恐一時不能趕到仍著就本省情形酌量遠近於他鎮協營飛札調遣並咨調湖南兵勇船隻自上游駛至漢江與張亮基購造各船會集迎勦如探明賊匪尚在蘄州卽於道士洑西塞山至黃石港一路險窄江面扼要堵截黃州為省城屏蔽不可令該匪竄入尤不可株守省城不為迎頭截擊之計也該逆既踞安慶復窺廬州恐其仍圖北竄其擾湖北之賊如由蘄水麻城延入光山汝陽等處亦屬可慮張亮基交卸後自己卽赴調任惟由安徽江蘇一路行走計惟徐州有奕經帶兵尚可左右策應而豫省南路空虛捻匪出沒無定深防竄楚之匪與之勾結張亮基卽由豫入東計程亦不甚紆折且

徐廣縉現在歸德一帶。辦理團練。舒興阿。又自閩鄉沿河而東。確探賊蹤。會勦張亮基抵豫時。設賊匪有北竄消息。可就近與舒興阿。徐廣縉等妥籌勦辦。至皖省情形危急。周天爵病劇未能兼顧。江忠源亦不能不迅赴新任。兼可於沿途帶兵出奇橫截。無論江面陸路。能將楚皖之賊隔斷。則兩處勦堵均易得手。所有楚北勦賊事宜。即著吳文鎔。崇綸會同台湧竭力籌辦。並可與駱秉章。曾國藩。迅

速咨商。接濟兵勇餉需。將此由六百里加緊各諭令知之。○以陝西督辦團練出力。賞同知孫治花翎。以知府升用。○已已

孝慈高皇后忌辰遣官祭

福陵。諭內閣。前任漕運總督兵部侍郎銜周天爵。由知縣擢任封圻。退歸田里。朕御極後。知其人秉性忠直。勇敢有為。特命前赴廣西督辦軍務。嗣奉旨來京。疊次召對。議論均極樸實。其心地品行。迥超流俗。本年特加兵部

侍郎銜。旋補授安徽巡撫。辭職後復督帶兵勇。將擒首陸遐齡等。擒獲並將餘黨殲除。辦事甚屬認真。現在皖省土匪未靖。方資勦捕。遽聞溘逝。軫惜殊深。周天爵著追贈尚書銜。即照尚書例賜卹。並著加恩。賜諡文忠。無庸俟內閣照例擬請。歷任一切處分。悉予開復。應得卹典。該衙門察例具奏。伊子候補守備周光碧著俟服闋後以都司升用。以示朕篤念耆臣。逾格褒崇至意。○諭軍機大臣等。吳

文鎔。崇綸。奏賊氛逼近省垣。一摺。逆匪由九江逆流而上。武昌城內居民逃避一空。存城兵一千餘名。不敷分布。該督等擬帶兵勇於附城四面分割。雖非守城正辦。亦係因時變通。有萬不得已之勢。惟逆匪上竄。若武昌不能固守。則長江上下。盡為賊踞。勦辦愈難措手。能否分扼南北兩岸。擇要固守。該督等雖勢處萬難。亦當力圖堵禦。以遏賊衝。其與豫省毗連等處。尤當扼其北竄之路。昨已有旨。

諭令該督等酌調本省官兵並荊州滿營官兵及湖南兵勇船隻本日復諭令駱秉章曾國藩酌派兵勇船礮前往協勦吳文鎔統轄兩省務當權其緩急酌量調撥與崇綸督率司道等悉心籌畫相機截勦仍督飭所屬勸諭居民團練俾各安生業互相保衛勿令紛紛遷徙僅能固結人心即可藉資守禦也將此由六百里加緊諭令知之 又諭武昌省城兵力單弱昨已有旨令台湧派滿營官兵

二千名馳赴省城並該督咨調江西兵二千名合計兵力尚恐不足勦辦長江上游武昌最為扼要若稍有疏虞則全楚震動著駱秉章曾國藩選派兵勇並酌撥船礮派委得力鎮將駛赴下游與吳文鎔等會合勦辦力遏賊衝毋稍延誤將此由六百里加緊諭令知之 又諭崇恩奏兵勢單弱請飭分兵協防一摺德州防兵無多未免單弱自係實在情形惟勝保所帶之兵現俱調派跟蹤追勦扼

要堵截畿輔重地必宜趕緊廓清一時恐難分兵前赴東省該署撫務當督率文武激勵士卒人等合力截擊毋令賊匪竄越在籍紳士毛鴻賓劉韻珂前任山東藩司劉源灝等督辦團練諒有成效如兵力不敷或調用練勇以資協助瑞昌所帶之兵並著該署撫體察情形斟酌調撥以資策應前據勝保奏後路官兵業已催赴景州一帶為南路聲援崇恩現赴德州距景州甚近即可隨時知照帶

兵各員互相援應相機兜勦迅殄賊氛將此由六百里加緊諭令知之 又諭奕經奏江皖緊要等情一摺現在廬郡情形危急新任安徽巡撫江忠源到任尚需時日徐廣縉雖在歸德一帶勦辦土匪去皖甚近惟湖北蘄州上竄賊匪恐其擾及豫境亦不能不兼籌並防著該侍郎傳諭該革員偵察楚皖賊蹤何處緊要即帶兵勇赴何路迎勦賊紆青所帶練勇據稱極為得力即可飭令該員統帶

練勇與署潁州府知府張清元遊擊武全等
兵勇分扼要隘勦辦土匪並力遏南來賊匪
紛竄之路前曾諭令飭已革臬司張熙宇統
帶周天爵所帶兵勇是否能兼顧臨淮固鎮
一帶地方該侍郎駐劄徐州仍須顧及前路
毋誤事機總以通籌全局遏賊北竄為要將
此由六百里加緊諭令知之○漕運總督福
濟奏賊竄直隸恐訛傳驚惶或妄進巡幸之
說伏願乾綱獨斷始終不疑得旨覽奏具見

汝之誠悃現在毫無此意亦無此奏勝保屢
挫賊鋒畿疆指日可肅清矣朕心甚定特諭
汝知○河東河道總督長臻奏報秋汛安瀾
命長臻詣

河神廟祀謝並下部議敕出力員弁升敘有
差○以安徽勦匪出力予江蘇舉人臧紆青
以通判補用以直隸任隆平柏鄉趙藥城
藥城六州縣城被賊竄陷革知州胡允植知
縣陳登漢陳暄胡蔭典史李鞏練朝楨張祺

趙秉熙守備德山把總張錦增外委李承膏
趙年泰職均逮問○予直隸臨洺關及深晉
藥城任四州縣禦賊殉難同知周憲曾知州
陳希敬楊雲龍知縣唐盛教諭張東廉典史
陳虎臣祭葬世職家屬幕友等旌卹如例
上以孟冬時享

太廟自是日始齋戒三日 庚午諭內閣德勒
克多爾濟等奏喀爾喀圖謝圖汗車臣汗兩
部落汗王等因逆匪勦除未盡情願呈請捐

輸銀兩以備軍需轉行請旨一摺圖謝圖汗
車臣汗兩部落汗王貝勒貝子公扎薩克台
吉等知賊匪勦除未盡情願呈請公同捐銀
一萬兩足見悃忱朕甚欣悅但軍營應用銀
兩現已妥備數用惟念蒙古等生齒日繁自
必藉此銀兩以資養贍著德勒克多爾濟等
轉行曉諭該汗王等將伊等所捐銀兩毋庸
賞收以示朕嘉獎蒙古世僕優加體恤之至
意 諭軍機大臣等寄諭參贊大臣僧格林

沁據給事中吳廷溥奏兵機必分利鈍賊遠宜防賊近宜勦等語現在逆匪由獻縣竄擾交河勝保等督兵由河閒向南迎擊已催令多爾濟那木凱達洪阿帶兵馳往河閒刻下想已與勝保合為一軍併力圍勦本日朕召見巡防王大臣等籌商此時自以保衛京師為重該大臣現已移營固安堵賊由東而北竄路駐劄甚為扼要仍當確探賊蹤隨時知會勝保體察緩急情形相機接應慶祺駐劄

河閒亦可為前路聲援其天津要路尤宜嚴行堵截總以防賊北竄毋令逸匪抄出我軍之後吳廷溥原摺著摘鈔閱看將此由六百里加緊諭令知之○又諭寄諭直隸總督桂良賊匪竄擾難保不由東而北窺伺天津本日據該督奏報業已飭令天津鎮道嚴加防堵並著迅飭各地方文武員弁於天津前路水陸要隘加意嚴防運河及各處河路港汊船隻均須收集淨盡去其桟舵以杜賊匪搶

渡並隨時知照僧格林沁勝保互為接應張集馨所帶兵勇此時諒已馳抵省南一帶著即飭令該司扼要截勦遏賊回竄之路省城及各屬團練務當督飭認真辦理毋稍疏懈前據勝保奏後路官兵業已催赴景州一帶為南路聲援此項官兵何人管帶現抵何處何以屢催不到並著飛催前進儻查有任意逗遛等情即行從嚴叅辦至偵探賊蹤最關緊要前次定州探報賊匪情形不實以致我

軍因而紆折此等誑報大誤事機著即查明該州誑報緣由據實叅奏將此由六百里加緊諭令知之○又諭前據慶祺奏探聞賊匪竄往交河一帶交河距運河甚近該匪被勦窮蹙或由水陸兩路紛竄則天津一帶在在堪虞該處練勇聲勢尚壯上游滄州靜海等處現在如何布置尤宜收集船隻使該匪無從搶渡其陸路等處亦宜嚴密防範杜其竄逸仍隨時確探賊蹤知照僧格林沁勝保於

前路截擊該鹽政即會同特克慎張起鵠妥速籌辦並督飭地方文武及紳士練勇等嚴查奸細毋稍疏忽○又諭現在江西逆匪竄踞安慶逼近廬州復有另股賊匪竄擾湖北蘄州一帶難保不意圖北竄黃河為南北要隘果能認真守禦逆匪豈能飛渡前經疊次諭令沿河各督撫並特派大員嚴查河岸乃該匪竟由河南之雒河搶船偷渡以致蔓延竄及直境奕經現駐徐州距河甚近此時豐

工漫口河湖交匯所有南北各處船隻即著奕經楊以增崇恩派委妥幹大員督令河工與地方各員設法收集其河南地面上接山陝下達江境楚皖匪徒尤易乘閒偷渡昨已諭令王履謙長臻等實力巡查並著英桂於南北兩岸嚴飭地方文武一體認真稽查黃河船隻固應收集即湖河支流港汊凡通黃河各處船隻均應一律收藏去其樂舵毋得再有疏忽致賊搶渡朕降旨飭諭不啻至再

至三該侍郎督撫等務當恪遵妥辦尤不可稍分畛域致誤事機懷之慎之將此由六百里加緊各諭令知之兩江總督怡良奏收復川沙廳城得旨上海必須迅速克復明歲海運漕糧所關甚大又奏拏獲臨陣脫逃千總施洪彥正法報聞荊州將軍台湧奏逆匪回竄楚境現即統帶滿兵二千馳赴武昌防剿得旨汝所帶之兵尚屬可用著相機進剿扼賊回竄尤須扼其北竄豫省之路為要

著賞調往直隸軍營東三盟官兵銀五千兩 辛未

孝敬憲皇后忌辰遣官祭

秦陵以保衛省垣祈禱靈應頒江西省城

許真君廟

御書扁額曰誠祈應感諭軍機大臣等僧格林沁奏逆匪欲竄青縣等語該逆擾及獻縣之後未據勝保續奏其由交河泊頭鎮上竄滄州復欲竄往青縣該大臣既據慶祺咨報

移營武清並飭多爾濟那木凱達洪阿帶兵迎擊尤須探明賊蹤所至迅速前往進剿與勝保合力夾擊總須抄出賊前在天津前路迎剿若任賊竄至天津再從後路堵禦則賊勢益熾剿辦更難得手慶祺統帶官兵現在進至何處如何設法截擊該大臣仍須與勝保隨時知照調撥毋失事機紫荆關之山西官兵一千名即著調赴固安其運河西通白溝河與良鄉迤南琉璃河等處已諭令桂良

酌量緩急妥籌辦理另片奏調撥官兵前往天津協同防堵並請將續到蒙古官兵暫行駐劄等語當交惠親王等酌度據奏布置尚屬周妥已議將卓索圖昭烏達兩盟官兵二千名暫劄通州以備調遣將此由六百里加緊諭令知之○又諭正在寄諭閒據文謙等奏逆匪竄擾天津接仗獲勝一摺並據稱勝保之兵追賊即日可到現諭惠親王等添派京營官兵前往應援著僧格林沁迅催奕紀

等所帶兵一千名星速進剿並著該大臣趕催多爾濟那木凱達洪阿所帶官兵馳往夾擊天津距京師甚近該處勇多兵少必須厚集兵力與勝保併力剿殺方足以殲除羣醜諒該大臣必能權衡緩急不至貽誤事機也將此由六百里加緊諭令知之○又諭等諭欽差大臣勝保天津逼近京畿該逆來勢剽疾必須前截後追迅速兜圍盡數殲滅現已諭知僧格林沁迅催奕紀所帶兵一千名前

進並再添派官兵移前進剿所有多爾濟那木凱達洪阿由固安武清迎擊之兵與慶祺所帶官兵均著該大臣星速飛調扼要迎擊萬不可令該逆再行紛竄頃又諭惠親王等迅撥京旗各營勁旅即日前往應援該大臣其迅殲醜類勿留餘孽將此由六百里加緊諭令知之○又諭寄諭參贊大臣僧格林沁頃復據勝保奏稱賊匪竄過青縣併一路追剿情形如該逆被官兵截擊或竄入淀河天

津河間以北務關路等處均應嚴防著該大臣迅速遴派將弁管帶精兵於各要隘實力堵剿並著飛催慶祺松玉等移兵趙北口以東及淀河一帶安設礮位擇要堵截現在該大臣從何路進剿如何分撥官兵即著飛速奏聞萬勿遲延將此由六百里加緊諭令知之○又諭賊匪竄過青縣顯係分股狂奔賊眾既能分竄豈我兵轉不能分西凌阿善祥係在勝保前路追賊何以轉落勝保之後近

畿勦捕何等緊要豈猶似遠省可冀掩飾西凌阿善祥均著先行摘去頂帶拔去花翎以示薄懲若再藉詞遷延必以軍法從事此旨著傳諭軍營如能奮勇立功亦必破格加恩也○總之此股賊匪必應趕緊盡數撲滅其務關路等處要隘已照該大臣所請諭知僧格林沁矣抵天津後一有勝仗或續有探悉賊情即行飛速奏報以慰懸繫將此由六百里加緊諭令勝保知之○又諭文瑞等奏請於

通州城外築立甃牆並籌辦團練各摺片已諭知順天府並倉場侍郎督飭署通永道擇要趕辦文瑞烏爾棍泰帶兵領隊是其專責現在駐劄通州南關外營盤是何地名形勢如何其由天津抵通之路共有幾處以何處為扼要通州迤西除常行大路外有無僻路繞越均須嚴密籌備此係文瑞等應辦之事其修理城池及勸捐等事係守土之責帶隊大臣不必兼轄其事轉致拋荒本職至軍情

緩急不同尋常營務事件均應報明奉命大將軍酌辦或事關緊要恐轉報稍涉遲延即當一面具奏一面呈報亦毋庸親身來京遞摺現據僧格林沁奏報賊匪擄有船隻欲由青縣北竄是東路巡防較他處尤關緊要所稱豎立木架攔阻船隻僅能禁其開行仍恐未能杜賊搶掠且由天津至通州陸路亦無險隘尤不可稍涉大意團練以助兵力原應與官兵聲勢聯絡但係民間自行舉辦不可

以兵法相督。使其聞而生畏。總之地方之事。應歸地方經理。軍務防勦。機宜則帶隊大員之責也。將此諭令知之。又諭文瑞等奏查通州情形。並辦理團練各等語。據稱通州城垣坍塌過多。若一律估修。工程浩大。非倉卒所能辦理。應如何設立甃牆。藉資防守。並團練各事宜。著順天府與倉場侍郎迅飭通永道體察情形。督率地方官紳實力趕辦。該處文武員弁現多調遣。署副將達年標兵不敷

應用。併著順天府於所屬地面內迅速酌撥兵弁以資守衛。將此各諭令知之。又諭據張芾奏請飭川廣等省撥兵籌餉以援楚皖等語。現在賊匪由九江逆流西上。昨據吳文鎔奏業已竄擾蘄州一帶。逼近省垣。又據李嘉端奏賊匪現從巢縣退出。仍在皖境滋擾。是楚皖情形必須於附近省分撥兵救援。若待川廣等省撥兵籌餉必至緩不濟急。目下江西甫經解圍。自應防賊回竄。然撥兵往前

協勦。使賊無暇分擾較之株守本境當更得力。著該撫於所留兵勇內酌量分撥。以為江忠源等援應。其夏廷樾所造船隻諒已完竣。應如何駛赴下游。交江忠源調遣之處著即妥籌辦理。至湖北需餉緊要。即著該撫於截留江南大營軍餉內設法分解以資接濟。另摺奏九江現辦防勦已派夏廷樾陳景謨前往吳城一帶履勘。著即照辦。仍著該撫督飭各員將饒州吉安等處土匪趕緊勦除淨盡。勿留餘孽。將此由六百里加緊諭令知之。○又諭李嘉端奏賊匪退竄巢縣獲全。並請將在事文武分別議處。開復各等語。逆賊分水陸兩路竄擾巢縣。該縣兵勇竭力攔擊。賊船現已全數由柘皋裕溪退去。雖巢縣現未失守。而賊匪有不久復來之語。東關隘口仍須加意扼守。李嘉端業經革職。江忠源抵任需時。著劉裕鈐添派弁兵督同練勇扼其回竄之路。勿任匪蹤再行闖入。至李嘉端所請除

已革知府胡元燁。毋庸開復外。其壽春鎮總兵玉山。候補直隸州李登洲。已革參將富惠。候補知縣黃元吉。辛本梅。及巢縣知縣邵啟元。典史李祖堯。外委陶金揚。與賊接仗失利情形。著劉裕鈐查明據實具奏。該革撫所稱縣城未陷。邵啟元。李祖堯。陶金揚。功過相抵之處。亦著一併查奏。劉裕鈐現署巡撫。甫經到省。於革員等無所用其迴護。至合肥縣人金姓。有無從逆。現在自行投出情節。是否可信。併著確查辦理。將此由六百里加緊諭令知之。○命江西南贛鎮總兵官阿隆阿。來京。

以浙江杭州協副將李壽春。為江西南贛鎮總兵官。○以勦殲江西上猶縣土匪出力。賞知縣周汝筠。都司遮克敦布。花翎。把總吳石麟。藍翎。餘升賞有差。○以江西九江府城被賊竄陷。革道員義泰。都司王殿甲。同知顏貽曾。知縣戴榮桂。職仍戴罪效力。○以江西浮梁縣汛被賊竄擾。革守備田明義。職逮問。○

予江西勦匪被戕知縣謝方潤。巡檢黃文楷。把總吳寶麟。祭葬世職。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八

出師總兵官經廷選請起居注字太子太保上書總辦海文周國領開事翰林院學士等謹奏欽奉上諭事仲慶國文館總纂官武英殿

大學士管理戶部事務加十三級紀錄十四次自實績奉題爲軍機處總辦官太子太保文淵閣領開華文英殿總纂官教習庶吉士體仁閣

大學士管理戶部事務加十三級紀錄十四次自實績奉題爲軍機處總辦官太子少保管理內務府事務引大臣軍機大臣

保蘇麟鴻州都統戶部尚書管理三庫事務加四級紀錄十二次自實績奉題爲軍機處總辦官引蘇麟鴻州都統戶部尚書管理三庫事務

引國文館總纂官正藍旗蒙古副都統禮部尚書管理太常寺鴻臚寺事務加二級軍功加四級總辦加八級紀錄五次自實績奉題爲

敕修

咸豐三年癸丑冬十月壬申朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮○遣官祭

端慧皇太子園寢○詣

壽康宮問

皇貴太妃安○頒咸豐四年時憲書○諭軍機

大臣等前經疊降諭旨令琦善等合力攻擊

迅圖克復揚城乃每逾旬日僅以一奏塞責

自雙來失事以後攻城之舉徒託空言揚州

一城關繫江北大局若能及早克復則瓜州

京口攻剿皆易得手且移此得勝重兵剪除

皖省餘匪勢如破竹朕睠懷南顧寢饋難安

該大臣係江北總統陳金綬雷以誠等皆係

特派幫辦慧成福濟統兵合勒均應協力同

心迅圖克復。琦善乃屢次獲罪。棄瑕錄用之。人更當如何感奮圖報。朕屢次批示於責備之中。仍有成全之意。若竟不知愧勵。坐擁重兵。虛糜帑餉。朕惟有執法從事。不必諄諄訓諭矣。礮臺當已築就。該大臣等即併力進攻。毋再延誤。致干重罪。將此由六百里加緊各諭令知之。○又諭。朕聞揚州賊匪日漸窮蹙。屢次絕城。冀圖逃竄。自雙來失事以後。未聞有攻城之舉。而安慶又被賊踞。江西匪船分擾楚皖江北一帶。若不趕緊肅清。賊勢蔓延。何所底止。朕思移緩就急。必以先克揚城為要。著向榮於和春蘇布通阿二員內酌量揀派一員管帶精兵馳往江北與琦善大兵協力攻剿。當可破其壁壘。迅圖收復。至和春現在防堵鎮江。該郡為蘇常屏蔽。亦關緊要。若派和春赴揚。則鎮江要地必當另派得力鎮將以資防剿。不可稍存大意。至揚州既復。鎮江賊勢自孤。當不難次第克復。其金陵巢窟。

現僅防其陸路。其水路賊船紛布。前令湖北改造戰船。順流助剿。今湖北因賊船欲撲武昌。已奏明無暇製造。著向榮先行設法將下游已到紅單各船並原備艇船酌量緩急調撥應用。許乃釗帶兵赴上海剿匪。若能迅速藏事。即可乘勝圖復鎮江。與向榮合力籌辦也。將此由六百里加緊諭令知之。○又諭。前因西凌阿善祿於河南山西勦賊出力加恩派令幫辦軍務。冀與勝保同心合力迅速奏

功。是三人共辦一事。猶如一人。朕所倚賴。方欲懸擬重賞。以待功成。乃賊氛日近。而該都統將軍經勝保催令先進。扼賊北竄。轉落勝保之後。若謂途中阻滯。何以勝保又能跟追向前。天津情形急迫。雖勝保趕到。與文謙等防守兵勇先行攻擊。而運河東西兩岸路徑分歧。若非分路兜截。何以盡殲醜類。天津距京師甚近。該大臣等何人奮勇迅速。何人遲緩貽誤。斷難掩朕耳目。罰罪賞功。皆由自取。

此旨著勝保閱後。即傳示西凌阿。善祿。懷遠。迅速合力兜剿。朕將拭目以俟捷音之至也。再運河現泊黔運鉛船。必須保護。或起運收藏。著該大臣即飭地方文武。趕緊妥辦。逆匪奔突。剿疾。其火藥鉛丸糧米。均須設法斷其接濟。將此由六百里加緊各諭令知之。○又諭。昨因逆匪竄及天津。已諭僧格林沁。迅催多爾濟那木凱。達洪阿。前往迎擊。賊勢如此。剿疾。後有追兵。前無堵截。豈不著著落後。僅勝保趕到天津。而逆匪猶復紛竄。該護軍統領等。僅往來於近京一帶。何時得與賊遇。前據僧格林沁奏車輛羸馬。均已撥往應用。豈尚不能迅速行走。即使地方供應不齊。亦當設法前進。多爾濟那木凱。雖未經出征。帶隊達洪阿。則久歷行陣。素稱勇敢。果能迅速直前。與勝保合力截剿。必可一鼓蕩平。天津距京師甚近。關繫萬分緊要。若再失此機會。又致賊匪紛竄。該護軍統領等。何以當此重罪。

耶懷之勉之。將此由六百里加緊諭令知之。○直隸總督桂良奏。賊竄滄州青縣一帶。距天津甚近。飛催各路官兵。勒辦得旨。以後情形。諒汝亦必知矣。逆匪雖至天津。猶不可不防其西竄。○河東河道總督長麟奏。東省防堵緊要。擬即馳赴濟城。擇要設防。得旨。前已有旨令汝毋庸回濟。是時楚匪恐由河南北擾。汝自應仍駐河南。稽查黃河偷渡。為最要。山東固難保無事。然汝又非地方官。即或東省有事。汝無考成。若黃河再有過來。大股逆匪。朕能治汝。輕則逮問。重則正法。豈有舍本職而他顧。又豈能恃有王履謙在彼。可以諉過。著即行酌量情形。折回河南。為是。朕惟持功罪之平。汝亦不必拘泥。諭旨有所藉口。○贈直隸交河縣殉節知縣孔慶銓。知府。予祭葬。世職。並建專祠。子舉人繁渥。議卹如例。○癸酉。諭軍機大臣等。昨有旨將熱河圍場總管那敷德。交僧格林沁差遣委用。本日復傳

諭該總管將現帶東三盟未起官兵前往該大臣軍營聽候差遣。此項三盟官兵本係勁旅。但未經戰陣。必須挑選精銳。以備攻剿。萬不可以疲弱充數。將此由六百里諭令知之。○又諭前有旨將臧紆青以通判留於安徽補用。並諭知奕經。仍令該員帶領練勇。與張清元、武全等勦捕土匪。兼遏南來賊匪紛竄之路。並非去其團練。專歸地方差遣也。該員帶本籍練勇協剿。既屬得力。若但責以一官

一邑。轉恐不足以盡其長。著奕經、呂賢基、劉裕鈐察看地方情形。何處緊要。飭令該員帶勇勦捕。如能倍加奮勉。著有勞績。即著隨時保奏。朕必破格擢用。將此由六百里各諭令知之。○又諭僧格林沁奏。現已馳抵東安。擬即移營楊村。並布置情形。楊村地方為由津北上水陸要衝。該大臣駐劄該處。正可迎頭截擊。本日據文謙等奏。賊匪被勦。奔回梁王莊一帶地方等語。賊情朝夕變幻靡常。一切

布置難以豫度。該大臣總須時時偵探。必應盡知賊之真情。並與勝保、文謙等隨時知照。何路緊要。即向何路堵截。機宜相關。聞不容髮。桂良未便遽離保定。慶祺、松玉、奕紀並多爾濟那木凱達洪阿等所帶各兵。應由何路扼要截剿。均著該大臣飛催前進。妥速布置。無稍延誤。天津至京水旱各路及抄近道路。可詳細具圖奏來。文謙等摺著鈔給閱看。將此由六百里加緊諭令知之。○又諭寄諭欽

差大臣勝保。本日據文謙等奏。賊匪被勦。回竄梁王莊一帶地方。又據僧格林沁奏。現抵東安。布置情形。已諭令與該大臣知照辦理矣。賊蹤剽疾。亟應趁其喘息未定。合力兜剿。西凌阿、善祿等兵。是否均已趕到。奕紀及多爾濟那木凱達洪阿所帶官兵。計亦可先後抵津。此股賊匪。必須於天津一帶勦戮淨盡。萬不可令其北竄。復致蔓延。水陸各要隘。均應嚴密籌防。其應如何派撥分布。並遏賊回

竄之路著該大臣隨時知照僧格林沁及文謙等妥速辦理連日未接奏報沿途有無接仗實深懸繫是時朕心甚定朕體亦安汝不必挂念急力勦辦無恤其他朕為天下臣民主若君心先自慌張蒼生何所賴也諒汝亦必明此理桂良未便離省慶祺松玉所帶之兵應由何路截勦著即飛催進毋稍遲誤僧格林沁摺著鈔給閱看將此由六百里加緊諭令知之○又諭傳諭長蘆鹽政文謙等

逆匪奔回梁王莊一帶地方此時勝保是否已至天津或沿途獲有勝仗朕心實深殷盼該鹽政等務即激勵兵勇相機攻勦即日各路官兵趕到合力兜圍定當殄此羣醜天津至京水陸程途及偏僻捷徑著繪圖填明里數迅速具奏並將賊情及大兵到津布置情形隨時奏聞以慰朕念將此由六百里加緊諭令知之○署直隸布政使張集馨奏報賊竄獻縣趕赴南宮棗強一帶偵探賊蹤得旨

隨時酌度進勦兼可橫擊○長蘆鹽政文謙等奏報賊匪被勦回竄並防禦情形得旨此次小有獲勝仍係二十八日夜之事賊雖回竄有隙必仍回天津滋擾或勝保這幾日打了勝仗亦未可定然情形甚急恐其由小路至京僧格林沁又無報來朕甚懸繫著惠親王等迅差可靠偵探為最要○以惇郡王奕訢署正黃旗領侍衛內大臣○以正紅旗蒙古副都統靈桂署正藍旗漢軍副都統○以

察哈爾副都統盛桂為內閣學士兼禮部侍郎銜○甲戌諭內閣本年豐工漫口屢次諭令該督撫等籌備銀米撫恤災民其被賊之湖南湖北江西安徽江蘇河南等處亦經諭令各督撫查明蠲緩乃逆匪由懷慶竄入山西復擾及直隸近畿一帶所過州縣均被蹂躪今秋雨水較多永定河決口地方復被水災赤子何辜遭此塗炭朕廑懷民瘼寢食難安本年秋賦錢糧若照常徵收民力不無拮

據著各該督撫即將被水被賊地方應徵本年下忙錢糧分別應蠲應緩迅速具奏江南山東被災饑民應如何賑恤之處著楊以增崇恩妥速籌辦其各省被災被賊地方業經諭令各督撫將來春應否接濟查明具奏如有應行蠲緩之處仍遵前旨迅即查辦奏請恩施並將此旨刊刻宣示咸使聞知○諭軍機大臣等據向榮奏遵籌攻守事宜並鎮江水陸擊賊情形前因三城久未克復降旨令

該大臣於和春蘇布通阿二員內揀派一員帶兵過江北協同琦善等先克揚城次第收復鎮江金陵現在該大臣因鎮城賊勢漸形窮蹙催令署提督和春管帶師艇各鎮將水陸夾攻亦係為急籌克復起見惟兩日勝仗均不過小有斬獲總未大挫賊鋒似此日延一日師老餉匱實屬不堪設想現在賊匪由山西竄出擾及直隸近畿一帶經勝保追擊屢獲勝仗江省若不趁此迅籌進取儻皖楚

賊匪乘間又復北竄該大臣等但擁重兵為賊牽掣坐視北省警急不思赴援於心何安向榮接奉前旨應派何員帶兵赴揚協同攻克著即密籌全局先其所急毋誤事機至該逆有南竄蘇杭之信許乃釗剿辦上海餘匪如已蕩事即著督兵由蘇赴鎮以遏賊匪南竄之路將此由六百里加緊諭令知之○又諭據宋晉奏外城各門稽查尤關緊要等語外城各門門禁自應嚴密以防奸匪潛跡若

如該光祿寺卿所奏近來門軍等狃於積習惟知需索飯食等費而於詭秘奸蹤盤詰轉多疏漏甚至入城車輛索費自三四十元至七八千文不等實於門禁大有關係著步軍統領衙門嚴飭所屬隨時稽查如有前項情弊即著嚴行懲辦仍著認真查緝毋使匪徒潛潛以重巡防而安行旅將此諭令知之○又諭宋晉奏請飭查官廠存礮運赴京營等語現在軍務緊要火藥一項自應寬為籌備所

有昌平州官廠積存礮斤。共有若干。著翁心存宗元醇卽飭查明。迅速運赴京營。以資配造。其官商等有在火器營捐輸礮斤者。並著按照捐數。全行運交京營。以備軍儲。毋稍延誤。將此諭令知之。○又諭前因江西賊匪竄擾湖北。逼近武昌省垣。當經諭令駱秉章會同藩派撥兵勇船礮。駛赴下游會剿。諒已遵照籌辦矣。現在台灣所帶官兵。及咨調江西官兵。未知何日趕到。武昌兵單。實恐不敷。勦

捕。曾國藩團練鄉勇。甚為得力。勦平土匪。業經著有成效。著卽酌帶練勇。馳赴湖北。合力圍攻。以助兵力之不足。所需軍餉等項。著駱秉章籌撥供支。兩湖唇齒相依。漢黃一帶。尤為豫省門戶。該撫等自應不分畛域。一體統籌也。將此由六百里諭令知之。○又諭慶錫奏揀擇精壯弁兵。並籌募餘丁。分練合操。加意嚴防等語。逆匪竄至天津。現經文謙等帶領兵練。接仗獲勝。殲賊多名。該匪被勦。復竄

回梁王莊一帶。勝保等督兵。卽日可到。僧格林沁亦已撥兵應援。合力夾攻。當可迅殄羣醜。惟賊勢飄忽靡常。尤應嚴防潰竄。著慶錫督率所練兵丁。相機扼要防守。至薊州西南一帶。此時兵力未能遽分。仍著隨時偵探賊情。酌量籌辦。將此諭令知之。○又諭玉明奏請飭嚴防天津大沽海口一摺。並繪圖貼說。呈覽。天津一帶水路。直通海口。逆匪被勦。窮蹙難保。不由水路希圖入海。亦須豫籌防範。

著文謙會同天津鎮總兵特克慎。天津道張起鵠。督率文武員弁。嚴密防守。毋令該匪搶船入海。又據羅惇衍奏。津門十三行人等。素稱勇悍。請飭招募等語。現在該鹽政等所募練勇。諒卽有此項人等。在內。現當勦賊之際。卽著設法廣為招募。以助防勦。原摺二件。均著鈔給閱看。圖一件。並發。將此傳諭知之。○馬蘭鎮總兵官慶錫奏。津門潞河。須重兵防守。並浮橋暫緩支搭。得旨。所籌甚是。然逆匪

已捨了船隻。○欽差大臣向榮奏遵籌攻守事宜得旨。汝之議論籌畫尚皆當時急務。然金陵久踞之元惡逆首。終未殲除。汝尚藉詞搪塞。何無恥之甚。朕既用汝。惟冀汝速藏偉績。克膺懋賞。汝竟以難辦入奏。豈能任其猖獗耶。汝之心地才力。及汝之用心。過人處朕無不知。威望人言皆不可恃。總以真仗真勝為確據。汝雖至愚。朕料汝斷不肯以自己身家性命博眾人之譽。及至國法臨身。方悟為

眾人所誤也。自己功業自己掙。無需他人之力。方為國家之干城。世間之奇男子。○以杜爾伯特鎮國公諾爾布子阿玉爾扎那襲爵。○以杜爾伯特正盟長棍布扎布為副將軍。○以正紅旗蒙古副都統靈桂為內閣學士兼禮部侍郎銜。○子江南陣亡六品軍功縣丞銜劉守正。祭葬世職。○旌表守正捐軀四川江北廳民王應民妻汪氏。○乙亥諭內閣。太常寺少卿張煒奏。各省捐輸奏報無幾。請

飭查辦一摺。自軍興以來。疊經內外臣工議請辦理捐輸。以助餉需。降旨准行。並令各直省在籍紳士。協同地方官勸諭。現已集有成數。各該督撫。自應迅速提解。奏請恩施。若如該少卿所奏。現在各省勸捐。或已經輸納者。不即解司。或書捐未繳者。並不催繳。甚至借別項公用為名。扣留捐款。似此玩泄。殊非覈實急公之道。著各直省督撫。嚴飭所屬。凡有捐項。總應隨交隨解。覈實請獎。並著明白示

諭。各屬紳士。先將捐生姓名銀數。呈報藩司。即由司飭令地方官率同紳士。催繳完數。由該督撫奏請獎。庶幾紳民報效之忱。得以隨時上達。而於軍餉要需。亦不致遲延貽誤。將此通諭知之。○諭軍機大臣等。有人奏江南河道陋規。向有墊辦一款。上下分肥。現因庫存短絀。不敷冒領。即以此充作捐項等語。河工經費。例應覈實支銷。豈容不肖河員。任意侵蝕。至捐輸以資軍餉。若因冒銷之款未

能入手即借以充捐項。是假捐輸之名以遂其侵漁之計。而所捐仍屬子虛。尚復成何事體。著奕經於南河各廳員內就近留心查訪。如有前項情弊。即著指名叅辦。以杜浮冒而濟要需。原片鈔給閱看。將此諭令知之。○又諭寄諭湖廣總督吳文鎔等。本日據青麐奏該逆大股撲到漢陽。於九月十八日入城。漢口一帶梗塞等語。前據駱秉章曾國藩酌派兵勇船礮迅赴湖北協剿。並著台灣帶兵赴省以資援應。未知何日可到。該督等只可就現有官兵妥為守禦。以待援兵之至。並將現在情形迅速奏報。以慰朕懷。又青麐奏稱賊至田家鎮已革同知勞光泰所帶潮勇倒戈相向以致官兵傷潰。如果屬實。亟應從嚴懲辦。著該督等查明勞光泰已通賊。即行凌遲處死。再行奏聞。如尚未通賊。亦應科以軍律從重懲治。至漢陽被陷。文報驛站務宜設法繞道行走。勿致疏失。將此由六百里加緊諭

令知之。○又諭寄諭陝甘總督舒興阿。本日據青麐奏探聞逆匪已竄入漢陽府城。前次吳文鎔等亦有武昌城空市絕勢難憑城固守之奏。是其情形甚屬危急。皖省逆匪雖據李嘉端奏業已退出裕溪口。而沿江一帶賊踪甚夥。顧亮等處捻匪尚未盡除。歸德一帶現有徐廣縉協同地方防剿。而楚北賊勢猖獗。恐復竄入豫省。該督雖現在河北。以目下情形緩急而論。自應仍赴楚豫交界。杜賊北竄為要。即直境剿敗餘匪。回竄豫境亦可隨時擒捕。如因兵力尚單。前據勝保奏請將郝光甲所帶之兵仍歸該督統帶。此項官兵現甫由晉入直。跟勦業已落後。該督即可酌量調回以資進剿。其黃河渡口並著嚴飭地方官認真收集船隻。盤查奸細。儻有奉行不力者。即行從嚴叅辦。將此由六百里加緊諭令知之。○又諭據青麐奏考試德安聞賊匪已擾及漢陽。現在督率地方官招募壯勇。並傳

諭紳士人等協力保衛等語。該學政雖無地方之責。值此賊氛逼近。著即暫駐德安。督飭地方文武嚴密防堵。賊匪已入漢陽府城。不知武昌省城情形如何。著即迅速探明具奏。所稱拏獲逃勇。據供田鎮之敗。係已革同知勞光泰帶領潮勇倒戈所致。實堪痛恨。勞光泰如已通賊。即由汝處將該犯解到。凌遲處死。再行奏聞。如尚未通賊。自有該督撫遵旨嚴辦。此時江面是否為賊所踞。南北驛遞文報。應如何繞越行走。俾免稽遲貽誤之處。並著該學政酌量妥速辦理。仍與吳文鎔崇綸等隨時互相知照。毋失事機。將此由六百里加緊諭令知之。○又諭呂賢基等奏報集賢關失守一摺。賊匪竄擾安慶。經張熙宇扼守集賢關。自應布置周密。何以逆匪自皖城分道撲出。遽將該關失守。是張熙宇等前次守禦之方。毫無把握。殊堪憤懣。該逆既向北趨。而前此退出裕溪口股匪。又有不久復來之

語。設令糾合來擾。廬郡益形喫重。奕經所帶官兵能否酌撥策應。或臧紆青所募之勇。可以前往協剿。即令該員帶領赴皖。呂賢基擬赴廬郡扼守。其桐舒一帶亦須布置妥協。再往廬州。與劉裕鈐竭力守禦。常清所帶官兵計已到皖。並著酌量調撥。玉山現在何處。未據呂賢基等奏報。著即飭令帶兵會剿。毋稍遲緩。總以收復集賢關。不令賊蹤乘虛北竄為要。袁甲三現署廬鳳道。其所帶之勇可否一併調來。以冀兵力厚集。均著相機妥辦。將此由六百里加緊諭知。奕經呂賢基劉裕鈐並傳諭玉山袁甲三知之。○又諭前因賊近廬州。授江忠源為安徽巡撫。諭令迅赴新任。嗣據吳文鎔等奏報。並未提及該撫是否已抵武昌。甚為懸繫。本日據呂賢基奏。逆匪分股由安慶徑撲集賢關。兵勇盡力鏖戰。因眾寡不敵。收退至練潭地方。已諭令奕經呂賢基劉裕鈐籌撥兵勇。前往攻剿。集賢關為扼

要重地。必須及早克復。該撫接奉此旨。著即星夜啟程。不分水陸。趕緊赴任。萬不可稍有延緩。所帶練勇。現在何處。務令設法渡江。以資攻剿。和州一帶。前由慧成撥兵。令副都統常清帶往駐劄。本日復有旨。催總兵瞿騰龍帶兵前赴皖省協剿。仍著該撫相機籌辦。總以力遏賊匪北竄為要。將此由六百里加緊諭令知之。○又諭。前有旨。令琦善等迅飭瞿騰龍將原帶官兵二千名。赴皖協剿。諒已遵

旨傳諭矣。本日據呂賢基等奏。賊匪於九月二十三日。攻撲集賢關。經張熙宇等督率兵勇。鏖戰多時。因眾寡不敵。竟至敗衄。已諭知奕經等。設法籌補兵勇。相機赴關進剿。迅圖克復。惟皖省兵力較單。恐賊匪乘虛北竄。著瞿騰龍遵照前旨。帶兵星夜啟程。馳赴皖省。合力攻剿。務將此股賊匪。悉數殲擒。毋稍延誤。並著將啟程日期。先行馳奏。將此由六百里加緊諭令知之。○以安徽集賢關防守不

力。革前任按察使張熙宇五品頂帶。陝西漢中鎮總兵官恆興革職。仍留任。予陣亡遊擊賡音泰。伍登庸祭葬。世職。○丙子。諭軍機大臣等。僧格林沁奏。籌調官兵。扼要堵截。一摺。西河一帶情形甚重。該大臣令培成移劄王慶坨。扼截。惟培成所帶多係察哈爾之兵。是不能獨當一面。逆賊搬運木植。恐未必專為作筏。或欲建立寨柵。或欲平墊泥淖。務須探聽確實。以便攻剿。奕紀所帶兵一千名。又添撥熱河古北口兵八百五十名。均應幫同天津官兵進剿。不可但令守城。置之無用之地。達洪阿由捷徑赴天津。係從何處行走。必須趕到協剿。萬勿遲延。軍情旦夕不同。總以相機布置。迅將逆匪兜剿淨盡。勿令分竄為要。另片奏。該大臣親往天津。籌商進剿。機宜留德勒克色楞暫駐大營。覽奏甚不放心。仍著僧格林沁折回楊村。以資鎮守。並可扼要調度。隨時與勝保知照。毋失事機。旋據文謙奏

報。初一日。勝保大獲勝仗。初三日。奕紀已至天津。現在賊在靜海之獨流鎮。運取木石。築壘以守。又用馬四出窺探。達洪阿必須趕緊到彼。方可無誤。汝總應仍回楊村為是。恐德勒克色楞不能禦賊北竄也。本日據順天府奏。大兵聚在東路。涿州良鄉一帶空虛。應如何兼顧之處。著該大臣酌量情形。妥籌辦理。將此由六百里加緊諭令知之。○又諭。現在賊竄天津。各路大兵會合圍剿。無難立就殲滅。惟逆勢剽疾。萬一乘虛西竄。亦不可不豫為之防。若待官兵尾追。又落後著。疊經諭令該督。飭屬舉行團練。以助官兵之不逮。如饒陽練勇集有萬餘。已命該督查明保奏。天津練勇亦頗稱得力。可見實力奉行。自有成效。著桂良嚴飭所屬。隨時隨地。剴切勸諭。各該紳民人等。設法練丁募勇。果能眾志成城。自不至被賊擾累。其實在出力之官紳。即著覈實保奏。朕必破格施恩。該督惟當相機籌辦。

總以妥速為要。省城情形及賊蹤所向。仍著確探飛報。以慰廑念。將此由六百里加緊諭令知之。○又諭。翁心存宗元醇奏。修城團練。酌調官兵一摺。據稱通州築立甃牆。有需時日。擬先修敵樓門扇。並以濬濠之土。堅築短牆。現在為時已迫。祇可照此辦理。總要妥速堅固。足資守禦。至通州現有重兵駐劄。所議抽撥西北各營官兵。如涿州昌平房山等營。均係近京要地。且兵數無多。現經檄調。如尚未啟程。即著停止。毋庸撥赴通州。其東安等處回匪。即飭各該地方官嚴密稽查。鎮靜彈壓。勿使與賊勾結。將此諭令知之。○又諭。據崇恩奏。賊竄天津。擬由德州馳往武定督防一摺。武定界連津南。固當分飭各地方加意嚴防。惟德州係水陸通衢。尤為扼要。逆匪現雖擾及天津。然已搶有船隻。一經大兵夾擊。其潰匪必圖南竄。德州實當具衝。該署撫將德州防兵撤向武定。僅留三百名。與滿營官

兵堵禦。設或該逆乘虛竄入。恐難抵禦。即臨清要地。亦宜撥兵防守。以為聲援。該署撫當統籌全局。偵探賊情。先其所急。不可帶兵輟轉紆道。致有疏虞。將此由六百里諭令知之。○又諭。昨因賊匪擾及蘄州。距省甚近。當經諭令台湧。迅調滿洲兵二千名。帶赴武昌。救援本日據江忠源等奏。省城危急情形。並探知黃州。漢陽亦經失守。該撫設法先圖收復。漢陽等語。現在該省兵力單薄。當此防勦喫緊之際。著台湧。迅將前調官兵。無分水陸。星速帶往省城。相機截勦。該將軍兼署提督。所有綠營未經徵調之兵。並著挑選勁旅酌量飛調。派委得力將弁。一併管帶前往。以資夾擊。萬勿稍涉遲延。致誤事機。並先將啟程日期。飛速由驛奏報。將此由六百里加緊諭令知之。○又諭。湖北自田家鎮兵潰以後。黃州。漢陽。均被賊陷。賊船上駛。省垣極為危急。凡川陝與湖北交界地方。均關緊要。必須一律

嚴防。著裕瑞。舒倫保。桂明。張祥河。迅即各派官兵於湖北接壤各要隘。嚴密防守。實力巡查。盤緝奸宄。萬不可令賊匪闖入。本日舒倫保奏。挑備官兵。摺內已批示。如遇調撥。即令該將軍統帶。現既防備楚省。舒倫保未可遠離陝境。如有旨調撥所備官兵。即派協領並滿洲鎮將統帶啟行可也。將此由六百里各諭令知之。○又諭。昨因湖北軍情緊急。諭令舒興阿。馳赴楚豫交界。扼賊北竄。本日據江忠源。唐樹義等奏。逆匪已至黃岡。府城失守。賊船全泊漢水。復據青麀奏。探聞賊於九月二十三日。竄至孝感。放火。德安人民逃徙。賊若由此北竄。逼近豫境。情形萬分喫重。總兵柏山。及徐廣縉所帶兵勇。均屬單薄。恐難抵禦。舒興阿接奉前旨。想已渡河而南。著即兼程前進。直赴楚境迎擊。與江忠源等兵勇併力堵勦。萬不可任賊北竄。郝光甲所帶之兵。昨已有旨。令該督調回備用矣。沿途偵探楚

匪蹤跡。並該督何時可抵楚境。隨時奏聞。以慰懸念。將此由六百里加緊諭令知之。○又諭本日據青慶江忠源唐樹義等奏報武昌被圍黃州漢陽兩府失守。孝感縣亦有賊匪滋擾。覽奏實深焦灼。吳文鎔等前奏有帶兵勇於附城四面分駐之語。現在是否駐劄城外。抑已入城據守。未據奏報。倍深懸繫。著即將近日情形飛速入奏。該督撫等務當激勵紳民兵勇。竭力堵禦。堅守待援。以冀轉危為

安。將此由六百里加緊諭令知之。○又諭江忠源等奏武昌被圍。會兵進剿。並青慶奏賊勢逼近德安。設法籌防各摺。覽奏焦灼實深。賊船布滿江路。進泊漢水湖北武昌危急。而德安襄陽緊接河南。尤為喫重。江忠源既不能渡江赴省。祇有與唐樹義合兵。先為收復漢陽之計。惟漢水賊船瞬息可到。襄陽青慶所奏賊蹤已至孝感。所有江北各路關繫自楚入豫大局。江忠源等既在北路。即著扼要

堵截。一面商同羅遵殿所募義勇協力夾擊。並號召各郡縣紳衿民勇。趕緊團集。合力堵禦。現已諭令舒興阿帶兵由河南直赴楚境。會剿江忠源等。探知賊蹤所向。何處緊急。即飛咨舒興阿由何路迎截。與該撫等官兵前後夾攻。庶可得力。總不可令該逆再行擾及豫境為要。將此由六百里加緊諭令知之。○又諭昨因武昌兵單不敷。勦辦諭令曾國藩即酌帶練勇馳赴湖北。並著駱秉章籌撥軍

餉。諒該撫等接奉諭旨。即遵照籌辦矣。本日據江忠源唐樹義馳奏。田家鎮兵潰之後。賊船上駛武昌被圍等語。武昌省垣情形萬分危急。江忠源尚須先赴漢陽。以圖收復。未能即抵武昌。著曾國藩遵照前旨。趕緊督帶兵勇船礮駛赴下游會剿。以為武昌策應。所需軍餉等項。著駱秉章即設法供支。以資接濟。毋稍延誤。將此由六百里加緊各諭令知之。○參贊大臣僧格林沁奏報親往天津籌商

進勒得旨汝帶多少兵去。為何不聲明。若數騎前往。僅遇逆匪。奈何。○長蘆鹽政文謙等。奏報勝保獲勝。賊踞獨流。並呈路程清單。得旨。逆匪在直省。若堅壘負隅。實堪憤恨。路程清單留覽。○以直隸武清縣辦理團練有效。予知縣胡啟文。直隸州陞用。○以拏獲奸匪出力。賞佐領圖善。花翎。驍騎校扎綸達。藍翎。○丁丑。

上詣

奉先殿

壽皇殿行禮。○

硃筆諭欽差大臣勝保等。本日據勝保奏。隨營將士。於饑寒交迫。遠道奔波之際。猶能奮勇殺賊一千餘名之多。皆由爾將士等同仇敵愾。素懷忠義。朕知賊匪必能迅就殲除。覽奏實深欣慰。尤廕於懷。惟願始終奮勇。大功早歲一日。我將士早膺一日殊恩。爾等遠離家鄉。音信隔絕。朕非不知爾等之心也。著勝保

將此硃諭與各大員看。併曉諭闔營將士知之。○諭內閣。理藩院。奏舊土爾扈特扎薩克多羅貝勒達什車楞。因逆賊未靖。呈請捐輸銀兩。以備軍需一摺。舊土爾扈特扎薩克多羅貝勒達什車楞。自行捐銀三百兩。以備軍需。足見惻誠。朕甚欣悅。惟該貝勒自必藉此銀兩。以備養贍。伊所捐銀兩。著毋庸賞收。以示朕嘉獎蒙古世僕體恤之至意。○又諭據勝保奏。九月二十七日。至靜海縣地方。追及

大股逆匪。沿途斬獲甚多。賊即遁入城中。二十八日。善祿。西凌阿。帶兵趕到。由東南進攻。勝保由西南進攻。逆賊分股抗拒。西凌阿。善祿。督帶馬步各隊迎擊。勝保帶兵由河西抄擊。賊匪大敗。我兵乘勢斬殺。統計斃賊四百餘名。奪獲賊船十一隻。槍礮器械百餘件。初一日。逆匪由南門運河東岸。蜂擁而出。勢甚兇猛。西凌阿。善祿。列隊堵擊。勝保由西岸策馬渡河。親往督陣。該逆復由南門北門擁出。

賊眾約七八千人。我兵分投前進奮力掩殺。殲斃甚多。逆匪復分數股撲來。勝保飛調德州西甯兵弁渡河接應。鏖戰兩時之久。馬步各隊四面抄殺。該逆紛紛倒地。長髮紅衣賊匪死相枕藉。統計殺賊一千餘名。逆匪復逃入城中。現飭官兵分布兩岸。亟籌進剿等語。逆匪自竄入直境。雖屢經官兵追剿。總未大受懲創。此次傾巢而出。經我兵合力夾攻。大獲勝仗。洵足寒賊膽而振軍威。勝保親歷行

間督兵鏖戰。實屬勇敢可嘉。西凌阿善祿前因追賊落後。降旨摘去頂帶。拔去花翎。此次督兵進剿。尚屬奮勇。西凌阿善祿均著賞還頂帶花翎。副都統維祿。明慶均受槍傷。雖不甚重。可見臨陣尚能爭先。著各賞給大荷包一對。小刀一柄。交該員等祇領。現在參贊大臣僧格林沁統帶各路重兵。扼要調度。德勒克色楞達洪阿。伊勒東阿。奕紀等各帶精兵馳赴天津一帶。會同勝保。西凌阿善祿等乘

勝圍攻。務將逆匪即日掃除淨盡。毋令竄逸。○諭軍機大臣等。昨有旨令僧格林沁折回楊村。以資鎮守。茲據該大臣奏稱。探聞逆匪奪有船隻。恐其由上西河北駛。現在仍劄營楊村等語。與朕意符合。此時該逆盤踞靜海。據稱飭令達洪阿赴津。與奕紀帶兵會同勝保南北夾擊。布置甚合機宜。本日復據勝保奏。初一日大獲勝仗。賊匪竄回靜海城中。惟勝保所帶兵力尚覺稍單。必須前後夾攻。迅

圖勦滅。萬不可任賊築壘立柵。又成死拒之勢。達洪阿此次進兵。太覺遲緩。著即飭催帶兵迅赴天津。與奕紀所帶官兵飛速向前。與勝保。西凌阿善祿等南北夾攻。毋再遲延。至德勒克色楞所帶東三盟兵。並伊勒東阿。綢闊等所帶之兵。及慶祺所帶盛京官兵。應於何處分布之處。均著與勝保知照。察看賊情。妥籌調遣。切不可有用之兵置之無用之地。勝保所奏摺片。著鈔給閱看。將此由六百

里加緊諭令知之。○又諭勝保奏兩次大獲勝仗各摺片覽奏甚慰。逆匪在靜海城外拌死衝突。經該大臣策馬渡河親身督陣以少擊眾大振軍威實堪嘉尚。昨據文謙等奏探聞賊在南運河沿距靜海八里許地方紮成木壘內實以土開列六門為踞守之計。本日該大臣具奏情形似逆賊全股俱在靜海城內屯聚究竟此時賊眾聚集何處是否全在靜海天津兵勇足資抵禦該大臣惟有激勵

將士迅催奕紀達洪阿由天津赴靜海會同夾攻以期迅殄羣醜萬不可令賊築壘自固。又延時日僅被勒紛竄應於何路扼要布置堵截著與僧格林沁妥商辦理另片奏軍糧匱乏該將士等尚能踴躍用命殊堪軫念發去硃諭一道著傳示軍營俾知朕意軍中所需米麵並著該大臣傳諭河間府知府吳廷棟就近趕緊購辦源源接濟附近各屬倉社穀米均准軍營動用勝保摺尾有布置周密

分兵南赴汴梁之語自係統籌全局而言此時情形必以肅清畿輔為要未可分身遠涉也初二日所發奏報何以初六日始到沿途因何稽遲著即查明嚴飭地方驛遞以後必須按限催送毋任遲延致干重咎將此由六百里加緊諭令知之。○又諭本日據勝保奏追勒逆匪大獲勝仗該逆全股皆在靜海兜勒殄滅正在此時雖天津以北兵力現已厚集而勝保所帶之兵尚虞單薄訥爾經額由

豫帶回之兵屢次諭令撥赴勝保軍營現當需兵之際著桂良迅即飭令馳抵靜海交勝保調撥毋稍遲延再據勝保奏稱軍中糧麵匱乏我兵枵腹接仗仍能奮勇爭先實深繫念何以糧員並不隨營前進著該督先為籌備糧麵迅速運赴勝保軍營以資接濟並查明遲誤糧員即行叅辦將此由六百里加緊諭令知之。○又諭琦善等奏連日圍攻情形一摺揚城賊匪窮蹙已極城外礮臺業經築

竣正可乘高下擊。晝夜環攻。克復揚城。毋任他竄。現在江面上游一帶。賊船分竄安徽。集賢關。及湖北黃州漢陽各府。均被竄擾。若不趕緊合力進取。儻皖楚賊匪乘間北竄。該大臣等豈能株守一隅。置大局於不顧。昨有旨令瞿騰龍帶兵二千。迅援皖省。復命向榮派提鎮大員。渡江助攻揚城。該大臣等若能趁此破攻。力圖克復。則移兵皖省。江北一帶。可望肅清。轉罪為功。在此一舉。懷之勉之。將此

由六百里加緊各諭令知之。○又諭袁甲三奏。勦辦阜毫巨匪獲勝一摺。阜毫交界地方。擒匪經袁甲三督率兵勇。大獲勝仗。兇燄已挫。惟擒首未獲者甚多。現仍嘯聚雉河集地方。著即乘此聲威。痛加勦洗。務將全股擒匪。盡數殲除。毋貽後患。前據呂賢基等奏。集賢關失守。已有旨諭令奕經。酌撥官兵策應。並令袁甲三帶勇協勦。如阜毫一帶擒匪。勦辦事竣。即當相機應援。以杜逆匪北竄之路。劉

裕鈐現署巡撫袁甲三現署藩司均屬責無旁貸。著即統籌全局。激勵兵勇。迅將逆匪與擒匪次第掃除。勿令勾結。將此由六百里加緊各諭令知之。○又諭御史蔣達奏。請飭京城各門。及近畿各地方。嚴防賊匪潛跡分竄等語。京師內外各城門。並近畿一帶地方。疊經降旨。令該管官督飭員弁嚴密稽查。現在賊竄天津。密邇畿輔。該匪詭譎異常。難保不扮作難民。乞正。婦女人等。希圖潛跡入城。著

巡防王大臣。步軍統領衙門。順天府府尹。都察院堂官。轉飭巡視五城御史。一體認真巡緝。實力稽查。遇有形跡可疑人等進城。務須細加盤詰。勿任奸匪潛蹤潛入。並著嚴飭所屬。毋令吏胥藉端擾累。將此各諭令知之。○山西巡撫恆春奏。參潞城縣知縣段金甌。黎城縣知縣李鍾杰。未能固守城池。被賊竄入。捏稱先期下鄉。以冀倖逃法網。得旨。段金甌。李鍾杰。均著革職。拏問。訊明後。即行正法。再

行奏聞。○四川按察使文燁奏報謝恩得旨。總應莫負委任。事事認真。事事從實。○賞兵科給事中袁甲三三品卿銜。署安徽布政使。○以打仗愧奮。賞還直隸提督陳金綬頂帶。○緩徵奉天牛莊各旗界被水災區新舊額賦。○戊寅。

上御懋勤殿。句到新彊雲南貴州廣東廣西情實罪犯。停決貴州斬犯一人。絞犯二人。廣東絞犯一人。廣西斬犯一人。餘三十三人予勾。

○諭軍機大臣等。勝保奏連日催兵未到。西北未能合圍一摺。覽奏曷勝焦急。據稱連日布置堵截該逆回竄之路。並派總兵經文岱帶兵由王家口繞赴天津。調取礮船圍剿。並飛調多爾濟那木凱馳赴楊芬港張莊一帶。聽候調撥。達洪阿赴天津。隨同合剿。並調慶祺馳赴王家口駐劄。以扼其西竄。文安大城之路。多爾濟那木凱達洪阿迄今並無信息等語。現在賊踞靜海縣城。亟須四面圍攻。以

為一鼓殲除之計。昨有旨諭令僧格林沁。催多爾濟那木凱達洪阿帶兵前赴天津。聽候勝保調遣。該員等帶兵行走。何以如此遲緩。當此事機萬分喫緊之時。豈無天良。若是著僧格林沁傳旨飛催。毋得再有遲延。致干重咎。並將該員等何日抵津。迅速奏報。又據順天府奏武清縣詳報。盤獲逆匪胡羣等供出逆夥王得等均往西南逃走等語。該大臣即嚴防軍營地方文武員弁一體嚴拏。毋稍疏縱。勝保摺並順天府摺均著鈔給閱看。將此由六百里加緊諭令知之。○又諭勝保奏馳抵天津相機督剿一摺。逆匪竄入靜海。連次被創。仍盤踞獨流鎮楊柳青一帶。並於獨流鎮兩岸紮立木城。意圖抗拒。勝保現在調撥各路官兵。擬與善祿西凌阿前後夾擊。著即激勵將士。剋日進剿。務須偪入一處。合力圍攻。盡數殲除。萬不可再令他竄。達洪阿多爾濟那木凱經該大臣調赴天津。現在行抵何

處當此攻勦喫緊之際。豈容任意延緩。已諭知僧格林沁。嚴催前進。並著該大臣再行飭催。毋任遲誤。昨據慶祺奏。留吉林兵七百五十名防守河間。此項官兵均係勁旅。應否調至軍營。著該大臣酌量派撥。至佟鑑所帶礮位。並著催提。以資攻擊。將此由六百里加緊諭令知之。○又諭。寄諭欽差大臣向榮。據李嘉端奏。池州被賊占踞。請撥兵協勦等語。覽奏。曷勝憤悶。安徽池州府城四面通江。據稱

咨商該大臣。將江西撤回之兵。安置池郡。該大臣已飭音德布。統帶川滇兵勇。在蕪湖一帶駐劄。至今尚未到防。安省南北兩岸。皆為賊踞。情形十分危急。現在集賢關又已失守。防堵綦嚴。江北實屬無兵可撥。該大臣統帶之兵。屢經分撥。亦覺稍單。音德布帶領江西折回之兵。能否迅速援應。殊深懸繫。著即權衡緩急。酌撥將弁。帶兵赴援。萬不可任賊竄踞。又致蔓延。將此由六百里加緊諭令知之。

○又諭。現在逆匪竄擾湖北。漢陽黃州先後失守。安徽集賢關亦有賊匪占踞。難保不乘虛北竄。據陸應穀奏。請派兵駐守襄陽。著舒興阿即體察情形。扼要堵截。至黃河口岸。疊次諭令王履謙。長臻等。收集船隻。嚴防河岸。此時楚匪情形緊急。更當加意防範。不可稍涉疏忽。其煤鹽各船。雖為便民起見。究不如暫為收集。使賊匪無從掠船偷渡。更為周密。前諭長臻。毋庸回濟。諒已折回。其所帶河標

弁兵。即可分撥防守。遏賊北竄。將此由六百里加緊各諭令知之。○又諭。據陸應穀奏。豫省東南防堵緊要等情。一摺。現在逆匪竄擾湖北。黃州。漢陽。相繼失守。武昌省城戒嚴。豫省南汝光一帶。處處與楚省毗連。信陽距漢陽尤為逼近。安徽集賢關已被賊擾。歸德一帶防堵亦關緊要。英桂現已補授河南巡撫。責無旁貸。著即兼程前赴楚豫交界。相機布置。毋稍遲延。並著將啟程赴豫日期。迅速奏

聞至黃河渡口各處均關緊要務須隨時與王履謙長臻知照飭令地方官加意嚴防收集船隻盤查奸細毋任賊匪乘間偷渡將此由六百里諭令知之○又諭李嘉端奏池州被賊占踞請撥兵防勦等語本日已諭令向榮由江南撥兵應援矣因思各處團練鄉勇原以助兵力之不及如江西興安及直隸饒陽天津等處均以練勇殺賊地方賴以保全可見各處鄉勇如果督辦有人自可得力著

孫銘恩即傳諭各屬紳民認真團練以為官兵聲援僅能著有成效朕不難破格施恩也將此由六百里諭令知之○又諭翁心存宗元醇奏盤獲逆匪並訊出逆夥姓名請飭嚴拏一摺據稱武清縣屬盤獲形跡可疑之胡羣胡妮即胡勝得弟兄二人供係天津籍貫又稱濟甯言語支離查驗該犯等頭髮用剪刀翦短鬚邊烙有圖記肩甲墨刺字跡袖內均有綫縫十字並據供賊匪現在靜海縣地

方伊等十六人坐船上來因在滄州天津敗竄四散其十六人除胡羣兄弟外頭目王得同賊夥沈明周張得興張廷周張老九趙幅貴王三黑王加水王宏王士曾王廷柱王青山王三及胡羣之叔胡得方俱往西南逃走等語著步軍統領衙門順天府府尹都察院堂官轉飭五城御史按照所供逆夥姓名嚴密訪拏並著直隸總督一體嚴拏務獲究辦又片奏探聞東安縣屬之劉家堡地方聚匪百餘人尚未舉動等語現在逆匪敗竄靜海一帶距東安甚近難保無匪徒暗相勾結並著順天府府尹直隸總督嚴飭訪查如果有此項匪徒務即迅速嚴拏按律懲辦毋使一名漏網仍須鎮靜彈壓勿致驚擾別滋事端將此各諭令知之○署工部左侍郎潘曾瑩奏請察覈人材以收實效得旨軍營人員撤回者甚少豈能皆係有用徒為若輩取利之數殊堪痛恨著該部即行文各軍營統兵大

員酌量分別去留。奉文後速行復奏。不准遲延。內外人材起用超升者頗多。殊不必另設一保舉之科。反致有名無實。○革職留任安徽巡撫李嘉瑞奏籌調兵勇設法收復集賢關。以圖進剿。得旨。賊在安慶。分占集賢關。險要已為賊有。一時欲圖收復。不過空言。又奏池州失守。請飭催兵克復。批。安省南北岸皆為賊踞。奈何。該府縣想必又係逃避。曷勝憤悶。○欽差大臣勝保奏。催兵未到。現在西北

未能合圍。恐失機會。得旨。達洪阿等兵恐為北路牽制。此時若不合剿。失機會所失尚小。長賊志所失甚大。本日有寄與勝保諭旨。令伊嚴催。並寄諭僧格林沁速速催進。當此事機萬分喫緊之時。豈能偽為持重。緩緩而行。該員等身為大員。豈無天良。若是耶。又奏。馳抵天津相機進剿。批。前後夾擊。諒可不致再行他竄。長蘆鹽政文謙等奏報偵探賊情。及會商迎剿。得旨。汝等既能和衷籌商。甚好。

命恭親王奕訢在軍機大臣上行走。○以禮部尚書麟魁為總管內務府大臣。勿庸在軍機處行走。命戶部右侍郎瑞麟。禮部左侍郎穆蔭均在軍機大臣上行走。○以協辦大學士吏部尚書賈禎充上書房總師傅。○己卯。

上詣

壽康宮問

皇貴太妃安。○諭內閣恭親王奕訢現在軍機

大臣上行走。事務殷繁。所有領侍衛內大臣班及王公班均毋庸進。○諭軍機大臣等。昨據勝保奏。催兵未到。西北空虛。當諭知僧格林沁。飛催多爾濟那木凱。達洪阿迅速赴津會剿。是否現已趕到。與賊接仗。此股賊匪必須及早併力合圍。悉數殄滅。若任其乘虛他竄。剿辦更難得手。著僧格林沁即行嚴督官兵扼要截剿。與勝保等四面兜擊。此時事勢喫緊。不可有一處稍鬆。若何路再有竄逸。朕

必將何路帶兵官治罪。如多爾濟那木凱達洪阿沿途藉詞逗遛貽誤。即著嚴行叅奏。將此由六百里加緊諭令知之。○又諭。現在逆匪經大兵痛剿。竄踞靜海。若不趕緊兜擊。恐該逆乘虛又圖他竄。多爾濟那木凱達洪阿。現在如已趕到。即飭令併力夾攻。如尚未到。即著勝保。選派得力帶兵大員。迅速前往。將該二員所帶官兵。盡數迎提來營。由勝保調遣。仍著該大臣查明多爾濟那木凱達洪阿。

因何帶兵遲延。不遵調度之處。據實嚴叅。以肅軍令。將此由六百里加緊諭令知之。○湖南巡撫駱秉章等奏。賊船上竄。現辦防剿情形。得旨。楚南防堵。尚可稍緩。前已有旨令湖南撥兵勇協濟湖北。若湖北賊匪殲滅。湖南自可無虞。務須不分畛域。統籌大局。不可祇顧一省。又奏。請留已革遊擊色欽額等差遣委用。批。色欽額著留湖南差遣。前任知縣賁德人。甚平常。况伊父身獲重罪。伊兄又經革

職。著不准留。王夢齡。王揆一。均著不准留。遣亦不准報捐。以杜僥倖。○湖北學政青麐奏。賊匪南竄。設法布置。以防土匪勾結。得旨。團練中有實在出力捐貲者。著隨時速行保奏。○命前任雲南普洱鎮總兵官楊青鶴。往陝甘總督舒興阿軍營。聽候差遣。○以挑挖城河出力。予副指揮任正訓等議敘。○庚辰諭內閣。王懿德奏。剿匪遲延。自請嚴議一摺。福建土匪竄擾廈門。數月未能收復。實屬延緩。福建巡撫王懿德。水師提督施得高。均著交部嚴加議處。原任浙江提督李廷鈺。前經賞給二品頂帶。飭令協同剿匪。耽延時日。咎無可辭。念係在籍人員。著先行交部議處。以示薄懲。該員曾任提督。僅能奮勉立功。保衛鄉里。尚可重邀恩賞。如仍不知愧奮。定當從嚴懲辦。○諭軍機大臣等。王懿德奏。督勦土匪情形。並請嚴定限期。及酌留艇船各摺。片。已降旨。將該撫等分別嚴議。議處矣。閩匪滋擾。

漳泉各郡已逾數月。廈島尚未收復。仙遊復被占踞。該撫現駐泉州。亟應督同紳士。並飭水陸將弁。剋期勦滅。以靖地方。李廷鈺因其係在籍人員。是以僅予薄懲。仍著該撫加以激勵。儻能奮勉圖功。尚可重邀恩獎。若始終瞻徇取巧。即行嚴參懲辦。並著嚴飭提督施得高。督率水師鎮將。并力攻勦。迅掃賊氛。毋稍延玩。前調廣東紅單船隻。本為江南勦賊之用。豈可久留閩省。致滋貽誤。著王懿德即

將吳全美所帶二幫艇船十四隻。飭令迅速駛赴江南。毋再稽緩。捐輸一事。著隨時設法勸諭該省紳民。果能量力輸貲。保衛鄉井。朕必破格獎賞。紳士林國芳已賞加鹽運使銜。並賞戴花翎。以示鼓勵。該撫仍當剴切宣諭。地方官紳合力同心。迅除醜類。以慰廑懷。將此由六百里加緊諭令知之。○又諭僧格林沁奏移營布置情形一摺。本日據勝保奏稱。賊匪由獨流逼近楊柳青。該大臣不及待兵

到齊。先行進勦。獲勝。現在劉營楊柳青街外。飛調達洪阿等官兵前進等語。該逆復經痛勦。退回獨流。與靜海城內之賊互為援救。非大兵迅速會集兜擊。恐其窮極思竄。達洪阿既已趕到。著即令其遵照疊降諭旨。趲赴勝保大營。聽候調度。萬不可令在遠處屯紮。坐失機會。其天津西北一帶。應如何分撥官兵扼要嚴防。並著該大臣妥速布置。毋任逆匪乘虛他竄。將此由六百里加緊諭令知之。○

又諭勝保奏進勦楊柳青逆匪一摺。逆匪由獨流竄擾楊柳青。經我兵痛加截勦。賸有騎馬餘賊向南逃去。自係竄至靜海獨流等處。此次接仗。該大臣督率奕紀、文謙所帶兵勇赴勦。各路會合之兵。何以尚未趕到。本日據僧格林沁奏慶祺已進泊隔淀隄口門。距獨流四五里。與賊接仗。擊斃百餘名。達洪阿現在獨流對直二十餘里之癰柳村地方。屯紮候船。著該大臣仍遵前旨。飛速迎催。督同進

勦以便與靜海迤南西凌阿善祿所帶之兵。水陸夾擊此時逆匪在獨流蟻聚必須合力。免圍殲除淨盡。達洪阿所帶之兵均係勁旅。可期得力。務即迅提前進。毋任再有延緩致誤事機。將此由六百里加緊諭令知之。○又諭寄諭欽差大臣向榮前因王懿德奏請暫留紅單船幫勦廈門土匪。當經諭令不准截留。本日據該撫奏已飭都司陳國泰管帶頭幫船二十隻迅速開駛。計期此時已可入江。其後幫船十四隻亦經諭令不准再留。計日亦可駛抵江南矣。現在焦山以東有艇船師船扼截下游而安徽湖北沿江千里賊蹤來往自如。必須於上游堵截方能斷賊接應。此項船隻礮械均稱堅利已有三十餘隻之多。如果管帶得人亦可協助攻勦。著該大臣豫派得力將弁一俟船到即候順風駛至上游扼要處所或可橫截賊艘斷其來往之路。本日又據侍講學士馮譽驥奏請調山東登州

水勇師船赴江南會勦等語。東省水師船隻無多且未知能否合用。著該大臣酌量籌辦。如不能得力即可勿庸調撥也。馮譽驥原摺著鈔給閱看。將此由六百里加緊諭令知之。○又諭據吳文鎔崇綸奏嚴守省城一摺。賊船乘風竄泊武昌迤北之塘角江面旋駛往對江之漢陽府城外及漢口鎮兩岸肆行焚掠。該督撫等現已入城堅守。著即督同在省文武將現到之兵勇妥為布置。臬司唐樹義前已帶兵行至黃陂。本日復飛諭該員星速帶兵回省以資堵勦。能否覓船徑渡並著吳文鎔等設法派員迎催前進。其從前救援江西之湖南候補道夏廷樾所帶兵勇數千名尚未撤歸。著該督等迅即飛咨張芾飭令該道即日帶兵赴援。萬勿稍誤事機。至所需餉銀已諭知裕瑞迅由四川省籌撥接濟矣。計日援兵齊集即可將此股逆匪痛加勦洗。此時武昌省城情形萬分危急。朕南望不勝懸

念該督撫等惟當登陴固守以待援兵勉之
張亮基交卸後是否已啟程前赴山東新任
著即查明具奏將此由六百里加緊諭令知
之○又諭吳文鎔等奏嚴守省垣情形一摺
前據江忠源等奏稱江面梗阻未能渡江諭
令即在江北扼截賊匪北竄之路現在該逆
已將停泊省城塘角江面之船全行開至漢
陽城外及漢口鎮兩岸計船約有六七百隻
該督撫等登陴固守雖經江西赴援兵勇到
有二千餘名兵力尚單省垣危急唐樹義係
本省臬司所帶各兵尚可得力即著設法迅
速繞赴省垣協同防守前經疊諭舒興阿帶
兵由河南直赴楚境會剿不日即可趕到江
忠源現係安徽巡撫皖省現在情形亦甚喫
緊此時台湧若由荊州帶兵已抵安陸則江
北一帶有大員駐劄尚可相機策應著該撫
斟酌緩急仍以速赴新任為是皖省自集賢
關失守後安慶賊蹤已有北向廬州之意池

州復又被賊占踞朕心殊深懸繫諒該撫必
能統籌全局先其所急也將此由六百里加
緊諭知江忠源並傳諭唐樹義知之○又諭
前因武昌緊急降旨令台湧迅調官兵星速
帶往省城相機協剿諒該將軍接奉諭旨即
遵照籌辦矣本日據奏賊匪逼近武昌該將
軍業經將到齊之五隊滿兵四百餘名帶赴
安陸並催齊提鄒二標兵一併由安陸繞道
前行以為省城應援自應如此辦理惟據奏
賊船布滿江面並有上竄荆襄之說是荆襄
一帶情形亦甚喫緊著該將軍酌量緩急如
能前往武昌即行赴援如江路梗阻不能即
抵省城祇可於江北要隘地方遏賊北竄並
嚴防荆襄等處萬勿令賊匪乘虛紛竄將此
由六百里加緊諭令知之○又諭前因湖北
製造戰船降旨令裕瑞籌撥銀十萬兩迅即
解楚以濟要需本日據台湧奏賊匪回竄湖
北漢陽等處有上竄荆襄之說因武昌被圍

道路梗塞。餉鞘不通。請飭部撥款解交等語。現在楚省軍務緊迫。庫款空虛。需餉甚急。著裕瑞遵照前旨。於造船經費內。先行設法籌撥銀數萬兩。即日派委要員趕解赴湖北。以備該省兵餉急需。其餘銀兩。仍著陸續解往。以資接濟。毋稍延誤。至川省界連湖北各要隘。前已降旨諭令嚴防。著該督即飭屬慎密防守。勿任賊匪乘間闖入。將此由六百里諭令知之。○福建巡撫王懿德奏紳士郭柏

蔭等請將紅單船留閩勒賊得旨。閩省生民。朕豈忍置之不顧。但粵艇專為肅清江面。較量全局。孰輕孰重。自可立見。况艇船為數並不甚多。合之尚恐無濟。分之必更單薄。兩處貽誤。罪將誰諉。該紳士所見甚小。只知顧伊等本地。汝為閩省大吏。何無定見。若是。亦何畏紳士掣肘。膽小若是。朕殊不解。此時雖嚴旨再催。已覺遲緩。○以河南懷慶府城解圍出力。賞知府周士鏗副都統松玉。雙成。佐領

喀勒喀副總管富勒何恩布。遊擊吳璋都司徐廷楷。文魁。守備馬成玉等。花翎縣丞張繼武等。藍翎餘開復。升敘有差。○辛巳諭內閣。御史黃經奏。太平倉放米情形一摺。前經查倉御史怡康等會奏。四倉放米車輛短少。當由戶部議准。展限十日。現在展限已滿。未放米數尚有七萬餘石之多。總因順天府拉備兵差。以致車戶避匿。無從雇覓。著各旗都統飭令章京等。趕緊設法雇備車輛。赴倉關領。並著順天府嚴飭所屬。凡各倉領米來往車輛。不准差役強拉私押。致誤放米限期。至各倉應放米石。展限已滿。仍著戶部再行酌展。即知照倉場衙門。並各該旗按限辦理。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九

纂修總裁官大員日講起居注官太子太保右詹事府傳事司馬周倫翰等翰林院學士周士琦等奉直學士鄭師範等纂修總裁
大學士管理吏部事務加十三級紀錄十四次有舊補授本體爲官監選議官十八人付文同開例同考或於殿試後實錄原書註體仁閣
大學士管理戶部三庫事務全理戶部事務加二十三級紀錄十六次自周相繼題奏官太子少傅管理內閣著詹事府檢討大臣舊撰文臣
雖監臨滿洲都統戶部尚書管理三庫事務加四級紀錄五十五次自寶興總裁官明定議官外德殿教習清文辯達上書房總辦
通國文館總教官正武謀蒙古新統額爾齊斯書院太常寺鴻臚寺事務加二級立功加四級紀錄八十八次自傳什喀等奉

咸豐三年癸丑十月壬午。

上御懋勤殿。句到四川情實。罪犯停決。斬犯七人。絞犯一人。餘五十四人。予句。諭內閣。恭親王奕訢。孫瑞珍等。遵旨會審。已革山西巡撫哈芬。並呈遞該革員親供一摺。哈芬身任大員。當賊匪竄入晉省。不能豫防。已有應得之罪。況軍務正在喫緊之際。尚負氣爭能。與郭夢齡互叅。亦屬見小忘大。意見鄙狹。至供稱該藩司有意誣陷。更不成話。一巡撫呼應屬吏。不靈可見。平日整飭無方。伊覺非伊之

咎。正不知是伊之大員委任處也。餘款曉曉置辯。不足與較。著毋庸議。哈芬係地方大吏。失守城池。罪止革職。但該員不知承受朕恩。種種紕繆。實屬糊塗之至。哈芬著發往軍臺效力贖罪。○又諭前有旨將舉人臧紆青。以通判補用。茲據奕經奏稱。該舉人願赴會試。不敢驟邀官職。臧紆青著賞給同知銜。仍令管帶壯勇以資防勦。所有前次賞給通判留於安徽補用之處。著即註銷。○諭軍機大臣

等。寄諭參贊大臣僧格林沁。本日據勝保奏。現籌圍勦逆匪情形。並繪圖呈覽。布置尚屬周妥。惟據稱達洪阿。於初九日帶兵七百餘名來營等語。該逆分踞靜海獨流二處。意欲分我兵力。必須大兵雲集。四面合攻。方可一鼓殲除。著該大臣將達洪阿未到之兵一千餘名。飭令趕赴勝保軍營。以備調撥。毋再遲誤。此時自以速殄逆匪為要。若前路進勦得手。則後路防守自可無虞。僧格林沁專為屏

障京師。酌留兵將。所見亦是。第勝保大營。若能多兵迅集。此股逆匪。無難殄滅。前路獲勝。後路自安。汝必能見到。及此況汝之忠忱。朕素深悉。總以國事為重。斷不致稍有齟齬。本日覽勝保摺。多有謂汝不能與伊和衷。朕知汝之心無他也。該大臣與勝保共辦一事。務須仰體朕心。合力同心。肅清畿輔。以副委任。勉之望之。將此由六百里加緊諭令知之。○又諭勝保奏軍營宜和衷共濟等語。所見極

是。逆匪占踞靜海獨流二處。現經勝保派撥官兵募備船礮。嚴密布置。剋日圍攻。惟在帶兵各員聽候調遣。合力兜擊。自不難殄滅賊氛。迅速蒞事。侍郎慶祺。副都統達洪阿。均係歸勝保調度之員。慶祺初七日擊賊情形。何以並未咨報。著該大臣嚴飭該侍郎。務當協力同心。毋得任意藐玩。自干罪戾。達洪阿。疊次降旨。催令赴勝保軍營。至今始帶兵七百餘名到營。實屬遲延。此次姑免深究。其未到

之兵千餘名。已諭僧格林沁嚴催前進。仍著勝保飛速調撥。毋任藉詞逗遛。至多爾濟那木凱之兵。應如何分撥催調。著該大臣斟酌辦理。此股賊匪。既責成該大臣勦辦。一切調度。朕斷不為遙制。若諸將觀望遷延。任意遲誤。必致又蹈懷慶故轍。畿輔重地。豈容再有貽誤。儻有不遵調度。致失期會者。該大臣一面奏聞。一面即以軍法從事。此旨著傳示軍中將士。俾各凜遵。將此由六百里加緊諭令

知之。○又諭據有鳳奏賊匪圍攻興化。仍退踞仙遊。楓亭等處。請撥兵籌餉一摺。賊匪盤踞楓亭仙遊。尚未收復。攻撲興化府城之賊。經提督炳文。總兵鍾寶三等會同守城兵勇夾擊敗退。該將軍復調郭仁布等前往合剿。諒可得手。惟該處距省甚近。且該逆又欲來永福窺伺省垣。亟宜設法派兵防禦。毋稍疏虞。江西省城雖已解圍。而湖北安徽賊蹤紛擾。仍須防其北竄。本日已諭令張芾酌量情

形。抽撥援應閩省。但恐江西兵力未能兼顧。該署督等惟有督飭所屬認真勸諭團練。保衛地方。並嚴飭官兵相機勦辦。不可坐待援兵。致失機會。至另片奏據王懿德咨稱。進剿仙遊陣亡受傷兵弁不少等語。鄉勇勾通賊匪。情節可惡。必當痛加勦辦。已革遊擊周兆麟。是否陣亡。併著該撫查明具奏。將此由六百里諭令知之。○又諭本日據有鳳奏賊匪竄擾興化盤踞仙遊。請添兵籌餉等語。前因

福建會匪滋擾。先後諭令葉名琛等調撥精兵二三千名。並籌撥兵餉三十萬兩。解赴閩省。以資接濟。諒已遵照辦理矣。茲據有鳳奏稱廣東僅撥兵五百名。粵餉亦僅解到二萬兩等語。閩省攻剿正當喫緊之際。兵餉在所急需。現在鄰近省分無兵可撥。著葉名琛。柏貴迅速挑選精兵二千名。派委得力將弁赴閩協剿。仍著該督等先行籌撥銀十餘萬兩。委員速解閩省。以濟要需。將此由六百里

諭令知之○又諭寄諭江西巡撫張芾據有鳳奏賊匪盤踞仙遊省垣喫重請將江西裁撤之兵酌撥協剿一摺福建廈門等處既未收復而楓亭仙遊一帶復有匪徒竄踞閩省兵力不敷分撥情形危急自應添兵救援以資接應現在湖北賊匪紛擾急須江西撥兵援應而閩省與江西毗連亦不能不兼顧著該撫酌量情形如有可分之兵迅即選派得力將弁管帶赴閩會同協剿將此由六百里

諭令知之○又諭據奕經奏皖北緊要請飭河南巡撫轉飭徐廣縉進駐蒙亳一帶懲辦土匪並遏南賊分竄等語歸德土匪經徐廣縉追剿多竄蒙亳境內該處與歸德所屬之商邱永城鹿邑連界現在安徽省城暨集賢關尚未收復皖豫毗連處所最關緊要著英桂即飭徐廣縉督帶兵勇進駐蒙亳勦辦土匪設有粵匪北來亦足以遏其衝舒興阿現已帶兵由河南赴楚並著隨時知照何路緊

急即由何路會剿毋誤事機將此由六百里諭令知之○又諭奕經奏皖北緝匪防逆均關緊要一摺潁州土匪經袁甲三督率遊擊武全等痛加勦洗餘黨逃匿雒河集該侍郎已飭遊擊李成虎帶領臧紆青馳往勦辦著即飭帶兵各員迅將土匪全數殄滅勿令日久蔓延為患袁甲三現署安徽藩司地方事宜是其專責該侍郎即與該員隨時商辦扼要駐劄總期迅勦土匪並嚴防逆賊紛竄是為至要奕經現在患病著賞假二十日安心調理徐州防剿事宜暫交百勝王夢齡恩錫等代辦遇有緊要事件仍須親身經理不可諉卸臧紆青已賞加同知銜仍著傳旨飭令該員督率練勇協同官兵認真勦辦如果始終奮勉不難再邀恩敘也將此由六百里諭令知之○欽差大臣勝保奏報籌辦圍剿逆賊情形並繪圖呈覽得旨布置尚屬周妥汝之軍令不可不嚴若稍顧情面必無了局圖

留中。○河南巡撫英桂奏報謝恩得旨著速赴豫省一切情形詳細具陳汝事事只有還朕一實字不可稍涉粉飾。○以河南城守尉哲克東阿為西安左翼副都統。○以浙江鹽運使韓椿為福建按察使。○以湖南道州江華永明嘉禾桂陽郴州永興七州縣城被賊竄陷革布政使恒福署按察使周顥道員張其仁知府徐嘉瑞職前布政使潘鐸道員張琴降調有差。○以辦理俄羅斯通商事宜出力賞章京薩畢屯花翎。○癸未諭內閣富興阿奏請定正陽門啟閉時刻一摺京城各門稽查理宜嚴密全在值班人等實心任事正不必更改舊章轉致窒礙富興阿所奏著毋庸議仍著步軍統領嚴飭值班各官兵無分晝夜認真稽查毋得稍有疏忽。鑲白旗滿洲副都統達洪阿奏報往返稽滯緣由及現籌會勘情形得旨往返奔馳致稽時日原屬有因現在汝已抵軍營朕總以汝能殺賊為

憑事後置辯徒無益也勝保屢立戰功人甚忠誠與汝相似必能與汝和衷汝若視勝保與賽尚阿等則是汝自誤也。馬蘭鎮總兵官慶錫奏賊踞楊柳青獨流鎮等處我兵約眾數萬不可全數進攻須戰者攻圍守者防竄節節設伏出奇以備不虞得旨所見尚是現在勝保大營所籌辦者正如是也。○四川總督裕瑞奏報謝恩得旨朕聞汝在川於地方一切事情未免涉於寬緩殊少果斷併有

二語謂汝嚴明不如琦善廉介不如徐澤醇朕料汝未必真敢過於因循第朕聞若是特諭汝知嗣後倍加感激有則速改無則加勉懍之。○陝甘總督舒興阿奏遵旨改赴河南並調原派官兵來豫以資酌撥得旨綿洵等所帶之兵勢難撤回現在勝保已飭郝光甲歸汝大營可速速催趨抵開封後再行相機進止英桂尚不能即日到豫一切機宜不可緩斷不可候伊商量又奏驛站遲延咨行查

叅批打越過站。地方官因何不即行叅辦。汝等外官分別疆域之見。總未除盡。山西巡撫恒春奏。平陽一帶被賊蹂躪。本年鹽課奏銷難望埒數。全完請將候補知府張思鐸署監掣同知。以資得力。得旨。諸多推託。緩辦。乃向來積習。豈可專俟直省凱撤後。再從新料理耶。○調山東兗州鎮總兵官花里雅遜布。為河南河北鎮總兵官。以騎都尉德坤為山東兗州鎮總兵官。○甲申諭內閣。勝保奏。攻勦獨流逆匪。大獲勝仗一摺。逆匪自經官兵於楊柳青地方。痛加勦洗。全數竄踞靜海。獨流兩處。勝保督帶官兵。並達洪阿。奕紀所帶官兵。於十一日辰刻。直抵獨流賊巢。用大礮連向賊壘轟擊。該逆傾巢撲出。我兵分東西兩岸衝殺。西岸出賊二三百名。為達洪阿等攻擊敗退。東岸逆匪甚眾。亦經各路官兵轟斃二百餘名。該逆復敢從東面擁出馬隊數百。自深林抄出。衝入河州官兵隊中。勝保望

見賊旗甚近。親身督帶吉林黑龍江官兵。向東飛奔。步行掩殺。河州天津各兵見勝保督兵接應。亦各奮勇抄擊。槍斃帶馬隊穿黃馬褂賊目一名。賊眾大潰。奕紀亦帶兵接應。佟鑑所帶銅礮。從旁轟擊。立將乘輦指揮逆眾之賊目擊斃。並槍斃輦前執大黃旗之賊。統計是日殺賊五六百名。此次進勦逆匪。我兵馬匹尚未到齊。當賊眾衝入河州隊中。欲將天津各隊圍裹。其勢頗為兇悍。該大臣揮眾步行督戰。各隊官兵。人人用命。奮力攻擊。遂致賊眾披靡。殲戮甚多。覽奏實深嘉慰。著發去黑狐鞍馬褂一件。珊瑚豆大荷包一對。交勝保祇領。該大臣即督率達洪阿。奕紀。佟鑑。及慶祺。經文代。所帶官兵礮船。四面兜圍。將獨流逆匪悉數殲除。並與西凌阿。善祿等。將靜海逆匪一律殄滅。以靖畿疆。古北口提標兵目海騰雲。首先撲入林中。將執旗之賊槍斃。以致手受矛傷。外委虎世德。用槍擊中坐

轎指揮賊目均屬奮勇可嘉均著賞給六品頂帶並賞戴藍翎以示獎勵○諭軍機大臣等勝保奏攻勦獨流逆匪大獲勝仗一摺該逆大股馬匹船隻聚集獨流其踞靜海城內者不過十之二三該大臣大營逼近獨流此次痛加勦洗賊膽已寒正當乘此機會盡力攻擊或先行收復獨流或分兵並取靜海該大臣相機調度即行勦辦所有馬隊各官兵著即飛催前進並督飭各路帶兵大員四面

圍攻務將此股逆匪殲除淨盡毋令竄逸如能將靜海城內股匪飭令西凌阿善祿與獨流官軍同時攻打俾該逆兩處不能互相救援勦辦更當得手該大臣疊受朕恩與軍士誠意相孚定能計出萬全剋期奏捷尤須倍加奮勉並剴諭各營將領同心協力迅掃妖氛自當普邀恩獎慶祺經文代所帶礮船應如何聯絡接應之處仍隨時酌量布置如賊匪被勦窮竄必須嚴密堵截斷不可任其免

脫擊斃乘轎賊目係何姓名可於生擒賊匪內訊供具奏此次接仗據稱東岸係英紀帶兵接應當賊匪撲入河州隊中英紀帶領旗營官兵一齊掩殺頗為出力著該大臣查明酌量保奏將此由六百里加緊諭令知之○又諭寄諭直隸總督桂良本日據勝保奏進勦獨流賊匪大獲勝仗賊勢日見窮蹙但靜海逼近淀河若零匪由西淀分竄一水可通保定省垣為畿輔重地尤當加意嚴防勿稍

疏懈將此由六百里加緊諭令知之○又諭據桂良奏官兵赴津防堵需餉緊急請由天津籌款支應一摺賊匪滋擾靜海獨流一帶各路防勦官兵雲集天津需餉甚鉅現在保定籌辦防堵司庫無銀可撥自應變通辦理以濟兵需據稱長蘆鹽政有經徵關稅運司有經徵鹽課天津道亦有應徵海稅皆可通融協濟著文謙等於鹽運兩庫及天津道庫無論何款儘數就近支應毋稍貽誤桂良摺

鈔給閱看。將此由六百里加緊傳諭文謙。並諭令張起鵬知之。○工部左侍郎呂賢基等奏。已革臬司張熙宇等。督率兵勇收復集賢關。可否以功抵罪。得旨。張熙宇等。此次尚屬出力。然賊眾並未大受懲創。仍著督催進剿。若果倍加奮勉。不但開復處分頂帶。猶應分外加恩。是時若即行開復。未免過優。○以直隸勦賊出力。賞還副都統托雲保翎頂。○蠲緩直隸保定。文安。固安。天津。甯河。永清。新城。

雄。安。高陽。獻。交。河。吳。橋。東。光。青。靜。海。景。城。豐。潤。玉。田。大。城。霸。薊。新。城。武。清。寶。坻。灤。清。苑。義。束。鹿。河。間。阜。城。滄。南。皮。鹽。山。慶。雲。正。定。無。極。南。和。雞。澤。元。城。大名。南。樂。清。豐。武。邑。深。深。澤。博。野。景。南。宮。新。河。甯。晉。武。強。谷。城。五。十。三。州。縣。被。水。被。風。村。莊。新。舊。額。賦。並。賑。保。定。文。安。固。安。天。津。四。縣。被。水。災。民。○乙酉。

上詣

壽康宮問

皇貴太妃安。○諭內閣。御史隆慶等奏。請飭申嚴門禁。一摺。京城各門。設有值班官兵。隨時嚴密稽查。各該弁兵等。果能實力奉行。自足以昭周密。正不必更改舊章。轉致有名無實。惟當此巡防緊要之時。自應加意防範。著步軍統領嚴飭值班各該弁兵等。隨時認真巡查。勿致日久生懈。至守門弁兵。拏獲人犯。解交該管衙門後。即應回本處當差。無得因案羈留。致曠職守。○諭軍機大臣等。據恆春奏。

前經勝保飭回綏遠城兵一千名。請旨調撥等語。前赴易州之山西滿漢兵一千名。業經僧格林沁調至固安。此項綏遠城官兵。應否調赴易州。抑或另調別路。駐劄著該大臣體察情形。酌量調撥。即一面飛咨恆春遵照辦理。又據阜保奏。逆匪竄入靜海。聞其火藥鉛丸俱盡。宜嚴防賄買等語。著僧格林沁嚴飭各營將火藥鉛丸妥為收藏。隨時稽察。儻有奸細賄買兵勇盜賣等弊。即著從重治罪。毋

稍疏縱。恆春早保摺均著鈔給閱看。將此由六百里加緊諭令知之。○又諭據吳文銘等奏賊匪盤踞漢陽漢口省城危急一摺。覽奏曷勝焦灼。逆匪占踞漢陽江面梗阻。此時自應急攻漢陽以掣賊勢。江忠源現已諭令暫留湖北。督帶兵勇進剿漢陽賊匪。並令唐樹義設法渡江。與該督撫等合力守禦。台湧自荊州帶兵赴援。不知現抵何處。前已疊降諭旨。令舒興阿由河南馳入楚境督兵援應。本

日復催令前進。計日當可趕到。夏廷樾所帶兵勇數千。已諭張芾飭催該員迅赴武昌。曾國藩亦可由湖南帶勇赴援。該督等嬰城固守。惟有激勵將士兵勇盡力捍禦以待援兵。前諭裕瑞於四川撥餉銀數萬兩先為接濟。該督等即行飛催可也。將此由六百里加緊諭令知之。○又諭前據台湧奏賊匪逼近武昌。催兵應援。當諭令酌量緩急前往赴援。本日據吳文銘崇綸奏省城困守危殆等語。已

諭令江忠源暫留湖北先行攻剿漢陽。唐樹義迅速渡江援應武昌。現在省城待援甚急。著台湧督催官兵飛速前進。如能設法渡江即可會同該督撫等併力剿賊援救武昌。設或江路梗阻不能前進。即會同江忠源殲除漢陽逆匪以圖收復。再行移兵保衛省垣。著該將軍酌量情形辦理。毋稍遲緩致誤事機。將此由六百里加緊諭令知之。○又諭前因賊匪竄踞漢陽一帶武昌省城危急。諭令舒

興阿帶兵由河南直入楚境赴援。本日據陸應穀奏稱湖北賊匪探由漢陽分為兩股。一竄嘉魚之牌洲。一竄蔡店窺伺德安江面賊船圍攻武昌。文報不通。孝感已被占踞。黃陂溝口均有賊匪等語。現在武昌危急必須先將漢陽一帶賊匪剿除。既可以杜其北竄之路。並可以解省城之圍。舒興阿已行抵汴梁。著即帶兵殲探賊蹤迎頭截剿。前在懷慶留防之甘肅提標遊擊王定堃管帶官兵五百

八十名。即著交舒興阿軍營酌量調遣。郝光甲所帶之兵。前有旨令調至該督軍營。著即飛速催調。勿任遲延。將此由六百里加緊諭令知之。又諭據吳文鎔崇綸奏逆匪竄踞漢陽一帶。江面賊船蟻聚。武昌省城勢甚危急。已命江忠源帶兵急攻漢陽。唐樹義前赴武昌助剿。惟賊勢猖獗。兵力甚單。著張芾迅速飭令夏廷樾將前所帶兵勇盡數帶往應援武昌。如該員業已啟行。無論行抵何處。著即飛催前進。無稍延誤。將此由六百里加緊諭令知之。又諭寄諭河南巡撫英桂。據陸應穀奏湖北逆匪由漢陽分為兩股。一竄嘉魚之牌洲。一竄蔡店。窺伺德安。江面賊船約二千餘隻。孝感已被占踞。黃陂溝口均有賊匪等語。河南信陽羅山距黃陂等處僅百餘里。統計防兵僅八百餘名。兵力實形單弱。已諭令舒興阿由河南帶兵直赴楚境剿賊。計已由汴梁前進。該撫此時已抵豫境。著即馳

赴楚豫交界。為舒興阿後路接應。柏山已由固始折回南陽。並著該撫體察情形。何處緊要。相機調撥。總以遏賊北竄為要。將此由六百里加緊諭令知之。又諭前因安徽地方緊要。諭令江忠源前赴新任。現在安徽集賢關業已收復。巢縣賊匪退去。皖省情形較緩。而楚北賊勢猖獗。江忠源著暫留湖北。統帶兵勇迅赴漢陽一帶。直搗賊巢。設法克復。以為武昌聲援。此時省城望援萬分緊迫。若我兵急攻漢陽。亦可牽制賊勢。以解省圍。唐樹義係本省臬司。仍應設法渡江。與該督撫等併力守禦。此時德安情形。如不甚喫緊。自應移兵先其所急。舒興阿由河南帶兵入楚。江北諸郡當可聲勢聯絡。遏賊北竄。總以統籌全局。保衛省垣為要。將此由六百里加緊諭令知之。又諭前因安徽情形喫緊。諭令江忠源速赴巡撫新任。本日據吳文鎔等奏賊踞漢陽漢口省城困守。勢甚危急。已諭令

江忠源暫留湖北督帶兵勇迅速援剿現在皖省防勦事宜著劉裕鈺會同呂賢基及署藩司袁甲三悉心籌畫嚴密布置萬勿稍有疏虞並著與奕經隨時知照總以力遏賊匪北竄為要將此由六百里諭令知之○又諭前經疊次諭令沿河各督撫等嚴查河岸收集船隻毋得再有疏忽致賊搶渡本日據陸應穀奏逆匪由漢陽分竄窺伺德安江面灣泊賊船約二千餘艘黃陂溝口均有賊匪難保不意圖北竄黃河為南北要隘必應認真巡查著奕經王履謙楊以增長臻英桂崇恩督飭河工地方員弁實力巡查收集船隻勿令奸細洩跡偷渡沿河地方遼闊兵力或有不敷仍須勸諭近河地方紳民團練幫助官兵緝拏奸匪嚴查口岸船隻務使兵民聲勢聯絡匪徒無隙可乘如有稽查不嚴致奸細偷越及逆匪搶渡之事必將該處地方文武即行正法該侍郎督撫等尤當不分畛域一

體稽查毋得稍有推諉致干重咎將此由六百里各諭令知之○戶部議駁兵科給事中吳廷溥奏花戶等捐輸無補軍需徒傷政體得旨有傷政體固不可行然所傷少而稍有益者未嘗不可試行該花戶經紀犯案固多然年老退役者必是平素安靜犯事尚少俾其坐擁厚貲苟延餘歲莫若量力輸將或可羣期踴躍朕每見爾部初駁一人後再有奏者復行議准何啻自駁自奏雖曰時勢不同未必事事盡然此事戶部照例辦理徒費周章著專交順天府翁心存等酌量情形變通辦理丙戌試中式武舉溫長湧等二十七人於太和殿前諭內閣勝保奏攻勦獨流逆匪續獲大勝一摺十三日勝保親督天津正定河州宣化西甯各隊分路進攻該逆盡在南面隄上蟻聚約有一二千人天津河州隊伍先行撲入逆匪放礮抵拒我兵奮勇回擊達洪阿帶領健銳火器兩營兵弁一齊進

攻極為奮勇。逆眾旗倒馬奔。死相枕藉。各營官兵聯隊掩殺。勇往爭先。佟鑑復用神威銅礮向西橫擊。經文岱松玉亦帶礮船接應。同時夾攻。文謙帶勇督運大礮轟擊。逆眾不敢抗拒。奔回木城。其木城外賊匪均被我兵擊斃。奕紀在西岸用擡槍斃賊數十名。復開放八千斤大礮轟毀賊營望樓。又用炸礮打入賊壘。統計斃賊千餘名。逆匪竄踞獨流。負隅死守。經我兵三戰三捷。其勢已極窮蹙。勝保

調度有方。各路帶兵大員及將弁兵勇均能用命。深堪嘉尚。著發去金鞘牙柄小刀十把。銀鞘牙柄小刀十把。銀鞘玉柄小刀十把。小荷包二百箇。火鑱十三把。著勝保擇其奮勇出力者傳旨分別賞給。並將疊次打仗出力之各員弁兵勇查明保奏。候朕施恩。該大臣務即督飭各路官兵乘此軍威。迅殄羣醜。毋令竄逸。諭軍機大臣等。本日據勝保奏。十三日督兵進剿。獨流逆匪大獲勝仗。斃賊千

有餘名。惟該逆窮極思竄。西南湖水空闊。無際。雖經各路兵勇堵截。仍宜嚴防。又據御史王兆松奏。餘匪窮蹙。勢必又圖他竄。薊州重地。必應嚴密設防。馬蘭鎮兵弁無多。請派兵於北路堵禦。各等情。薊州一帶空虛。然賊未必即肯東竄。嚴密防堵。不可稍涉張皇。反啟其覬覦之心。併著傳諭德勒克色楞。亦可兼顧東路。此股賊匪總須於靜海獨流一帶兜勦淨盡。儻被勦餘匪紛竄。著僧格林沁與勝

保隨時酌量情形。派兵扼要堵截。毋得稍有疏虞。將此由六百里加緊諭令知之。又諭勝保奏。續獲勝仗一摺。已明降諭旨。頒給賞件。分發將士。並令將出力各員弁兵勇查明保奏。以示鼓勵矣。逆匪在獨流一帶。負隅固守。此次又斃賊千有餘名。賊勢日見窮蹙。該大臣因西面湖水空闊。添派各兵扼要堵截。又催西凌阿善祿進剿。靜海賊匪以分賊勢。布置均合機宜。惟賊情詭譎。勢又剽悍。現既

刻刻思竄難保不冒死狂奔又如懷慶及洪洞城外詭計該大臣務當嚴飭各路將弁兵勇嚴密堵截無稍疏虞靜海城中賊匪無多即飭令西凌阿善祿趕緊克復移營前進與獨流官兵合力夾擊萬不可稍涉遲延致誤事機再據阜保奏聞逆匪火藥鉛丸俱盡宜嚴防賄買等語著即嚴飭各營將弁將火藥鉛丸妥為收藏隨時稽查並嚴防奸細賄買兵勇盜賣等弊聞天津勇目劉積德係監禁

回民經天津縣知縣謝子澄從獄中提出派令帶領鄉勇幫同官軍殺賊甚屬得力是否屬實著即查明據實保奏將此由六百里加緊諭令知之○又諭給事中汪元方奏賊情詭譎恐竄省垣請飭防範一摺據稱天津至保定有一僻路每遇水長時由附近天津之淀湖開帆不過二百餘里直達保定之南關現在積水未消恐賊由此路分竄省城等語著桂良嚴飭地方官於水陸扼要處所派撥

兵勇認真堵截以防被勒餘匪偷竄本日據勝保奏攻勒獨流逆匪續獲大勝賊勢愈窮時思乘虛由西面竄逸著桂良嚴飭河間保定所屬各地方文武員弁一體嚴防毋稍疏忽前因饒陽縣團練認真降旨令該督查明保奏當此勒匪喫緊之際此等督辦練勇出力之員及捐辦紳董人等自應早加獎勵以昭激勸著桂良即將督率出力之知縣並捐貲董辦之紳民人等迅速查明保奏候朕施

恩將此由六百里加緊諭令知之○又諭本日據江忠源奏大江賊勢蔓延盤踞漢水等情一摺賊船布滿江面荆襄一帶路通川省防剿最關緊要若將江面賊船剿除則川省可保無虞著裕瑞遵照前旨趕緊籌撥銀十萬兩迅速解赴湖北以濟急需如能設法購備船隻配齊礮械派委得力將弁帶兵駛赴下游武漢一帶協助攻剿即可杜賊上竄荆襄之路於川省大局亦有裨益前有旨令李

嘉瑞咨明該督。催令刑部主事楊熙雇募壯勇。迅赴江忠源軍營聽候調遣。此時募勇想有成數。著該督即飭該員管帶壯勇礮船。由宜昌荊州順流下駛。毋稍遲延。將此由六百里加緊諭令知之。○又諭前因武昌危急。諭令曾國藩趕帶兵勇船礮。駛赴下游會剿。並諭令駱秉章設法籌餉接濟。諒已遵照辦理。本日據江忠源奏。孝感業已收復。漢川賊匪亦聞風下竄。現至漢口劉營。派員於牛湖搭造浮橋。進攻漢口。十月初五日。擊沈賊船數隻。斃賊多名。因無船隻。不能追趕等語。湖北情形緊要。現已有旨令江忠源暫留勦賊。著曾國藩將選募擬赴江西之楚勇六千名。迅即酌配礮械。寄雇船隻。即由該侍郎督帶。駛出洞庭湖。由大江迎頭截剿。江面賊船肅清。不特兩楚門戶。藉可保衛。並可杜賊紛竄豫省及秦蜀之路。想曾國藩與江忠源。必能統籌全局也。將此由六百里加緊諭令知之。○

欽差大臣勝保奏報。攻勦獨流逆匪。續獲大勝。復撥官兵扼要堵截。得旨。此時藉軍威甚壯。埽除殄滅。萬不可又令他竄。幫辦軍務安徽巡撫江忠源奏。馳救德安。以防北竄。現已進逼漢口。得旨。已有旨暫留汝在湖北勦賊。茲覽汝奏。適相符合。武漢最為緊急。設法分路勦洗。兼杜北竄。亦應防其西竄。該逆匪即時北竄。患雖速。尚易為力。若任其擾及秦蜀。則大事無了局矣。○江蘇布政使陳啟邁奏報。籌辦捐輸團練。暨海運銀米。得旨。諸務自以妥速為妙。然不可操之太急。致多窒礙。此朕因汝心性素急。以救汝之失。應整飭者。不可一例看也。○丁亥。直隸總督桂良奏。擬調兵勇。請催馬匹。得旨。張集馨所帶兵勇。自應調至保定嚴防。伊係本省藩司。應如何調遣。豈能候旨。即非汝所屬。亦准調遣。不准拘泥。所請馬匹。著傳知兵部。迅速解往。○山東巡撫張亮基奏報。行抵河南。即赴新任。並豫

陳東省可慮情形得旨山東情形固屬棘手朕已命汝巡撫山東自應竭力籌維朕知汝之心未必竟敢豫存姑脚地步若兵餉一節汝尚未到即言其難汝到之後除束手而外祇有請帑而已此等疆吏雖有若無朕甚為汝愧極○戊子

上御懋勤殿句到福建奉天湖南浙江情實罪犯停決湖南斬犯二人浙江斬犯二人餘三十八人予勾○諭內閣惠親王軍機大臣會

同刑部定擬訥爾經額罪名一摺己革大學士直隸總督訥爾經額經朕特授為欽差大臣督兵馳赴河南勦辦逆匪自懷慶解圍逆匪西竄後所有直隸與鄰省毗連各要隘宜如何嚴密防守乃於臨洺關遇賊竄至即退守廣平毫無籌策以致逆匪紛擾畿疆該革督統轄全省貽誤事機實屬罪無可逭訥爾經額著照惠親王等所擬按律定為斬監候秋後處決○諭軍機大臣等向榮奏軍餉告

匱一摺已諭令戶部催解並寄諭怡良許乃釗於江蘇各庫無論正雜款項迅速籌解大營以濟急需矣惟該大臣攻勦金陵賊匪半載有餘該逆屢次竄出擾及上游江西安徽各省是金陵城內賊匪所存無多疊經諭令向榮迅圖克復而江鎮兩城賊匪至今負隅死守如故師老則調遣愈難餉匱則轉輸不繼該大臣受朕厚恩膺茲重寄坐延時日能無愧心現在廣東撥解紅單船隻先後可以

駛入長江前有旨諭令設法提赴上游遏賊江面往來之路或先行收復鎮江翦其羽翼亦可以孤賊勢如果南岸得手則揚城股匪便無援應更易掃除此時趕緊進攻該大臣已不免糜餉勞師之咎若再因循遲誤自問當得何罪近日直隸境內賊匪經勝保連次追剿擒斬甚多該逆竄伏靜海獨流旦夕可以勦除淨盡若待勝保統兵南向直搗賊巢該大臣尚有何顏復見朕乎從前所降硃批

寄信諭旨。均於責備之中。寓有成全之意。原以該大臣老成宿將。必能為朕分憂。自桂林解圍。以至武昌。將該逆窮追南竄。該大臣與諸將士辛苦艱難。朕夙夜在心。特懸不次之賞。以待奏凱酬庸。乃竟於抵金陵後。一味遷延。不知朕宵旰焦勞之苦。是向榮無福受朕恩眷。言之殊堪憤惜。如能感激奮發。速行籌攻。一有克復捷音。爵賞仍不難立予也。前命該大臣於和春蘇布通阿二員中。酌派一

員。赴揚州會剿。茲據百勝等奏。奕經因病出缺。該處地居扼要。近界廬鳳一帶。土匪出沒無常。逆船雖退出裕溪口。而窺伺北竄之說。謀未必盡絕。此時自應先其所急。著向榮於和春蘇布通阿二員內。趕緊派令一員。先行馳赴徐州。統帶奕經所領之兵。協力防守。並可保護宿遷糧臺。又片奏賊船三百餘隻。由蕪湖竄入灣汊。擄掠米糧。難保其不擾及東壩。覬覦蘇杭。著即照議撥兵馳往扼守。萬勿

貽誤。將此由六百里加緊諭令知之。○又諭。向榮等奏軍餉告匱。一摺。據稱浙江江西等省。應解餉銀。節次催提。解交均未及半。江蘇省僅解過銀二萬兩。九月分軍餉。不敷支放。急須接濟等語。本日已飭戶部於應解餉銀各省。迅速催解。惟江路梗阻。稍遠省分。恐不能剋期解到。著怡良。許乃釗。迅即妥籌。於蘇省下忙地丁。及關稅銀兩內。趕緊籌撥。先其所急。此外無論何款。如有可動支者。即設法

儘解。以濟要需。斷不可稍有遲延。致誤大營軍餉。至上海被匪徒竄踞。業經兩月有餘。尚未收復。前據許乃釗奏。親督大營官兵。馳往剿辦。月餘未據奏報。殊切懸繫。上海為通商要口。且來年辦理海運。江浙兩省漕糧。均須及早雇備船隻。趕緊開兌。若不將匪徒剋期剿滅。必致貽誤大局。所關甚重。著許乃釗。即督同吉爾杭阿。吳健彰等。迅速督兵剿辦。即日收復。毋再延誤。將此由六百里加緊諭令

知之○又諭百勝王夢齡奏侍郎奕經因病出缺請簡大員來徐督辦等語已諭知向榮於和春蘇布通阿內酌派一員赴徐州接辦防堵事宜第恐一時未能趕到現在皖匪未盡徐宿總扼南北之衝情形緊要楊以增本有防河之責著即就近兼顧徐州一帶稽查防堵事宜其調兵募勇一切均遵照前寄奕經諭旨並與百勝王夢齡等體察地方情形相機辦理刑部員外郎上行走恩錫係奕經隨帶之員著仍留徐州差委毋庸回京將此由六百里加緊諭知楊以增並傳諭百勝王夢齡知之○又諭前因有人奏江南河道向有陋規墊辦一款現以此項充捐等語當經諭令奕經就近查訪叅辦本日據百勝等奏奕經現已因病出缺著福濟即遵照前旨確切查明指名叅奏毋稍瞻徇原寄諭旨並鈔摺一併發給閱看將此由六百里諭令知之○又諭孫晉墀奏知縣稟緩考期請旨遵辦

一摺該學政按試關北現將考及苛嵐以次當赴大同先據該府恭善稟請暫緩考試經該學政並巡撫批駁後復據該縣吳承曾詳稱紳士等聯名具稟請暫行緩考等語山西省北現無軍務居民安堵如常原無妨於考試該縣所請暫緩試期之處是否因關北嚴寒士子礙難應試著恆春會同孫晉墀迅速查明酌量辦理將此由四百里各諭令知之○以都察院左副都御史文瑞為刑部右侍

郎○調正紅旗蒙古副都統靈桂為鑲藍旗滿洲副都統以工部左侍郎載齡兼正紅旗蒙古副都統○予軍營病故刑部右侍郎奕經祭葬卹廕○己丑上辛瀛臺○御紫光閣閱中式武舉馬步射○諭內閣翰林院侍講學士晉康奏部議失守城池各員分賠銀米如一年數月內全完應否免罪請旨定奪一節斷不可行等語所奏甚是軍營賞罰必應嚴明守土各員果能均

如汴梁懷慶之竭力守禦轉危為安朕必優加懋賞若庸劣之員平日既漫無準備臨事復藉詞脫逃竟有棄城不顧委銀米以資敵者喪心昧良實堪痛恨若復加之寬典何以整飭紀綱所有失守城池各員除將銀米勒賠外仍著各治以應得之罪毋稍寬縱○又諭勝保奏進攻靜海連獲勝仗等語據稱本月十五日西凌阿善祿攻勦靜海賊匪轟毀城上木柵三處木城一座逆眾擁出抗拒兵勇奮力齊撲傷斃逆匪多名該逆潛從南門撲出千餘經副將孔廣順遊擊成明范維清薩爾善都司薩炳阿文奎王建功等各帶兵勇四路夾擊殲斃賊匪二三百名十七日派撥天津正定等營官兵至靜海城北與西凌阿善祿合力夾攻該逆分三股蜂擁抄出我兵奮勇回擊斃賊三四百名其奔回墜濠復被我兵殲斃者甚眾逆匪分竄靜海獨流意在負隅抗拒分我兵勢現經大軍兩處痛加

勦洗其勢已極窮蹙該大臣等仍當乘勢合力進攻悉數殲除毋任竄逸○又諭袁甲三奏現在勦辦捻匪未能兼顧地方事務等語前降旨賞加袁甲三三品卿銜並令署理安徽布政使該給事中尚未接奉諭旨茲據奏稱劉裕鈐奏請以該員署理藩司現在勦辦賴郡捻匪正當喫緊之際一經署理地方則限於職守於勦匪事宜轉恐貽誤自係實在情形袁甲三著毋庸署理安徽布政使即以三品卿銜兵科給事中勦辦安徽捻匪該員膺茲委任責無旁貸務當督飭地方文武激勵兵勇將賴郡各屬匪徒迅速翦滅以專責成而靖地方○又諭袁甲三奏續勦捻匪擒斬首要各犯多名一摺安徽雉河集地方逃回之總捻首鄧大俊復在標里鋪糾眾訂盟經袁甲三分飭文武員弁前往圍擊該匪等膽敢衝突抵拒六品軍功徐曉峯遊擊錢朝舉守備戴世熙等生擒劉禿子等十九名遊

擊朱連泰署霍邱縣知縣徐毓寶候補縣丞李萼馨等生擒鄧天兒等十五名並奪獲大礮一尊火槍刀矛多件復追至亳州南境將家老莊將鄧大俊及夥黨于喜一併拏獲其高廬集安豐集義門集等處匪徒均有斬擒各鄉藏匿之匪亦經各團練查拏三百餘名人心漸就安定前據呂賢基等奏報集賢關業已收復此股擒匪又經袁甲三督飭文武殲除殆盡本日已有旨令該給事中專辦勒

匪事宜著即將北路先行廓清並將賴屬西南及東路各處擒匪一律埽除毋任蔓延○諭軍機大臣等僧格林沁奏王慶坨等處要隘分兵屯劄並選擇官兵添赴前敵以資協剿一摺布置甚屬周妥本日據勝保奏連日攻剿逆匪堅匿不出現擬分兵先攻靜海等語逆匪分踞獨流靜海築壘空濠負隅死守勝保擬攻靜海以分賊勢惟獨流係賊眾屯聚之所儻我軍向南攻剿靜海而獨流之賊

乘虛竄出亦不可不防現在該大臣駐劄王慶坨應否移營前進兩軍聲息不通何能取勝必須與勝保隨時知照相機接應總以計出萬全不使賊匪竄逸為要汝所帶之司員中或議論好無實濟者或心地欠醇者總得刻刻留心勿得入其計中汝之可以被欺處反因心裏公平無稍曲折朕非教汝不公不平總期公而能明外渾厚而內分明不受人欺即是可以用人處末世人心未能概以推

誠諭也將此由六百里加緊諭令知之○又諭據僧格林沁奏逆匪占踞獨流靜海堅匿不出其勢尚未窮蹙轉瞬河冰凍結頭頭是道設大股賊匪奔突即當處處攔截得力與否殊無把握等語朕度僧格林沁之意總以及早進攻乘機殄滅勿令他竄為要該大臣諒亦籌慮及此現在賊匪堅匿木城不出為死守計必須大兵圍剿方可一鼓蕩平若令僧格林沁帶兵前往助剿不知汝二人共事

一方有無牽制之處。此舉頗有關繫。著該大臣詳慎籌畫。於一二日內據實覆奏。無稍遷就。朕斷非疑勝保不能得力。先降是旨。以試汝。朕專為全局計。設僧格林沁到彼後。兩不統轄。致多掣肘。或分路進攻。有無窒礙。一併籌之。勝保度量甚洪。豈敢復有避忌。知而不盡言乎。本日據奏。連日攻勦各摺片。披覽均悉。逆匪分踞獨流靜海。往來奔救。該大臣擬先攻靜海。翦賊羽翼。亦出奇制勝之一法。惟

北面最關緊要。且由獨流至靜海。更恐有腹背受敵之虞。該大臣務須籌畫萬全。斷不可顧此失彼。致墮奸計。逆匪堅守木城。礮攻未能得力。是否可用土袋累成礮臺。自高擊下。或於獨流靜海之間。橫創營盤。斷賊往來接應之路。總宜隨地相機。妥籌布置。所請京營礮位。已諭令巡防王大臣挑選四尊。即日派撥官兵運往備用。另片奏。十七日出隊。火器營官兵遲延未到。該大臣僅將翼長玻崇武

申飭摘頂未免過寬。以後如有似此玩誤。不遵調度者。即一面奏聞。一面以軍法從事。斷勿輕縱。奕紀督隊。尚知奮勉。著暫存記。如該員續有出力之處。再由該大臣酌保具奏。將此由六百里加緊諭令知之。○又諭。勝保奏。前經奏明。飭令總兵郝光甲帶兵回至河南地方。聽候舒興阿等調遣。並由六百里札行遵照。茲據該鎮稟稱。現已行抵連鎮地方。所有前行札文。並未接到等語。近來驛遞文報。

每多遲誤。所關非細。著桂良即查明勝保前次札行郝光甲文件。係在何處延閣。據實叅辦。並嚴飭各該地方官。於往來文報。迅速遞送。毋得稍有延誤。致干重咎。將此由四百里諭令知之。○又諭。台灣奏。撤回官兵防守。荆郡一摺。前因湖北省城待援甚急。諭令台灣督催官兵前進。茲據該將軍奏稱。接准崇綸函稱。連日拏獲奸細多名。餘匪船隻盡泊漢陽小河口。內外大江上下。據供由水路直上。

荊州再到長沙。該將軍現已折回等語。前據江忠源奏稱。賊船現已駛赴下游陽邏一帶地方。武昌省城解嚴。惟賊情詭詐。難保不復圖上竄。窺伺荆襄。荊州為楚西重鎮。且為入蜀咽喉。自宜豫為防範。台湧著即將駐防官兵撤回。並添調宜昌鎮兵。扼守荊州。與官文貴陞督率官兵嚴密堵禦。如遇賊匪上竄。仍須於城外擇要截剿。不可株守城內。致失事機。該將軍現署提督。滿漢官兵均歸統轄。一

實錄卷九

四

切調度。必當酌量緩急。相機布置。儻有疏虞。惟該將軍及副都統等是問。並著與吳文鎔崇綸隨時知照。互為聲援。將此由六百里加緊諭知台湧。並諭官文貴陞知之。山西巡撫恆春奏。遵查哈芬前奏程震佑沈巢生各案。並藩司糧臺遲緩各情形。得旨。哈芬所奏各款。多無實據。著勿庸議。惟留程震佑幫辦防堵。實屬迴護積習。以冀事竣保奏。徐繼畲係本地紳士。著從寬免議。郭夢齡著交部議

處。又奏審擬被賊裹脅人犯包士青請發黑龍江。批。包士青著解京嚴訊。不准遷延。如有逃脫等事。必將該地方官及押解官照庇縱逆黨以軍法處之。又批。前有旨令潘鐸赴晉省辦理軍務。該員現已降調。著飭令來京。不准逗遛。以刑部員外郎候補知府恩錫暫署安徽布政使。以攻勦直隸獨流逆匪。獲勝賞石翼翼尉烏勒興阿花翎。予山西陣亡營總烏爾袞泰祭葬世職。庚寅。

實錄卷九

四

上御箭亭閱中式武舉技勇。御乾清宮。引見中式武舉親定甲乙。諭軍機大臣等。崇恩奏帶兵赴武定府防堵。並分兵德平縣。以為德州武定兩路聲援等語。逆匪現踞獨流靜海。疊經大兵進剿。賊勢窮蹙。難保不乘虛南竄。德州臨清等處。雖據該署撫奏稱。兵力足資調遣。仍應嚴飭該處文武實力防守。毋得稍有疏懈。其由天津至武定府屬係偏僻州縣。亦當加意防範。以杜逆匪奔竄之路。該署

撫統轄全省。責無旁貸。務當隨時確探賊蹤。何路緊急。即由何路堵剿。毋得株守一隅。致誤事機。將此由六百里諭令知之。○辛卯。上御太和殿傳臚。賜中式武舉一甲溫長湧。主虎臣。許夢魁。三人。武進士及第。二甲蔡若珍等五人。武進士出身。三甲強寅等十八人。同武進士出身。○諭軍機大臣等。有人奏本年廣西勦辦興安土匪一案。臬司許祥光未到之先。即經紳民團練等攻破賊壘。收復縣城。

實錄卷一百九

四三

該臬司虛冒戰功。捏稱勝仗。知縣蔡映符。陷賊偷生。許祥光曲為解脫。並飭令紳士具呈改填復城日期各等弊。現在廣西土匪尚未肅清。地方官督兵勦賊。半資團練之力。如果該臬司飾詞冒功。並有為蔡映符掩飾各情。該撫不加詳察。據以入奏。以致物議沸騰。亟應從嚴查辦。著葉名琛按照所奏情節。查明據實具奏。毋得稍有迴護。原摺單六件。並蔡映符原示一紙。均著鈔給閱看。將此由五百

里諭令知之。○又諭。文瑞。烏爾棍泰。續獲人犯。究出賊匪有潛竄情節。一摺。據稱現獲形跡可疑之馬世傑。龍幃幅二名。均係被賊裹去。隨賊探聽官兵消息之犯。並供有賊匪分起潛竄。涑水。紫荊關等處各等語。現在逆匪竄踞。獨流。靜海。堅匿不出。經勝保等屢次勦洗。勢已窮蹙。難保不乘虛潛竄。所獲犯供。雖未足憑。惟賊情詭譎。亦不可不嚴加防範。涑水毗連易州地方。關繫緊要。著桂良。德春。

實錄卷一百九

四三

分飭各屬。於涑水。紫荊關等處。及附近該處各要隘。一體嚴密設防。盤緝奸宄。毋稍疏忽。原摺著鈔給閱看。將此由四百里各諭令知之。○又諭。福濟奏。皖省撥運淮北粟鹽。現在嚴催趕辦。惟土匪不靖。運道梗阻。請飭帶兵大員迅速勦除等語。安徽需餉孔亟。此項撥運粟鹽。原欲銷售以期接濟。若因土匪未靖。以致商販裹足。不特皖省無以應急。於淮北全課亦多闕礙。楊以增現在接管。夾經所帶

兵勇。袁甲三勦辦。賴毫土匪。呂賢基督辦團練。劉裕鈐署任巡撫。一切勦匪事宜。均屬責無旁貸。著該侍郎等。迅將各處土匪逐股撲滅。不得稍分畛域。一面督飭地方文武設法護送粟鹽。務使道路肅清。運行無滯。於軍餉民食兩有裨益。方為妥善。將此由六百里各諭令知之。○又諭。前據周天爵奏。撥運淮北粟鹽。以濟皖省兵餉。疊經福濟等先後奏明趕辦。本日據該漕督奏。由淮北赴皖之路。土

實錄卷五十九

四

匪肆搶。商販裹足。自係實在情形。已諭知呂賢基。袁甲三。楊以增。劉裕鈐。迅速勦辦。並飭令設法護送。以利運行矣。惟淮北粟鹽。關繫正課。安徽借撥行銷。本係通融辦理。以濟軍餉。若必待安徽地方一律肅清。始籌撥運。豈不有誤要需。著福濟嚴督署運司郭沛霖等。仍行設法轉運。儻委員等辦理不善。或有意稽延。即著從嚴叅辦。該漕督係奉旨督辦大員。自應統計全綱。因時設法。不得以運道梗

阻。聽其滯銷。率以一奏卸責。將此由六百里諭令知之。○又諭。劉裕鈐奏。皖省軍餉支絀情形。一摺。該省屢經賊匪竄擾。其賴毫一帶。復有土匪乘機竊發。現在徵兵募勇。需餉孔殷。而庫款支絀。別無籌措之策。自係實在情形。所有前次准撥江西截留銅本項下銀十萬兩。又李嘉端前此奏請截留抵兌銀一萬六千餘兩。又於江西請留餉銀內撥六萬兩。現因道路梗塞。均未解到。著張芾迅即將前

實錄卷五十九

五

項准撥銀兩。遴委妥員。擇路兼程解赴安徽。以應急需。並飭該委員等。小心護解。毋稍疏失。再向榮軍營。現在需餉亦急。該省尚有應行解還留截之款。昨已諭戶部速速催解。亦著按款起解。勿誤為要。劉裕鈐摺著摘鈔給閱看。將此由六百里加緊諭令知之。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九

寶錄卷一百九

四六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十

取竹塹戴自履說日講起居注官太子太保上書房總師傅文淵閣領閣事翰林院學士等士稽察校奉上諭事件送國史館題藏主黃汝猷

大學士管理兵部事務加一三級紀錄十四次。並賞領奉天總兵官鑲翅講官太子太保文淵閣學士武英殿總纂官教習庶吉士體仁閣

大學士管理戶部三庫事務管理刑部事務加二十三級紀錄十六次
同知楊應彪官太子少保管理內務署房事務對引大臣軍機大臣

寶能銀州都政戶部西房管理三庫事務加四級隨帶加五級紀錄十二次日寶能總裁官經定議官孔德顯教習濟文靖達上書居德鎮

遼陽火龍廟義官正龍旗蒙古都統禮部尚書管理太常寺鴻臚寺事務加二級軍功加四級隨筆加八級紀錄五次臣倭什瑞布等奉

救修

咸豐三年癸丑十月壬辰諭內閣易棠奏請

將緝匪認真之地方官分別獎勵等語。甘肅會甯縣土匪滋事。該縣知縣耆壽據實稟報。立即會營拏獲。格斃多名。署城守營把總經制外委王允祿督率兵民生擒夥匪各犯。並殲斃賊首。該營縣於匪黨甫經聚集。即行撲滅。不致蔓延。辦理尚屬妥速。耆壽著賞加知州銜。王允祿著以把總即行升用。以示鼓勵。現當勦捕喫緊之際。各直省地方遇有匪徒潛蹤竊發。如能即時捕獲懲辦。不惟寬其處。

分並可量加獎勵。儻查係疏縱於前以致釀成巨案。仍不准以勦捕微勞巧為開脫。著各該督撫嚴飭所屬認真稽查。總期弭患未然。以儆兇頑而安良善。將此通諭知之。○諭軍機大臣等。琦善奏請暫留總兵協勦並滬陳攻勦情形一摺。朕前以皖省緊急。諭令瞿騰龍前往援應。今皖省賊情稍緩。該大臣復以瓜州緊要為詞。所奏尚係實在情形。著照所請。瞿騰龍即暫留揚州協勦。惟揚鎮諸城久

為賊踞。該大臣等頃兵株守。八月有餘。琦善以防賊北竄為解。而賊已擾及畿輔。向榮以防賊南竄為解。而賊已蔓延江西湖北安徽等處。尚稱維持全局。不知何處始是偏隅。現在瞿騰龍既已准留。若再不迅圖克復。更從何處添兵。何處籌餉耶。著琦善即督飭將弁迅速進攻。萬不准再有耽延。致干重罪。將此由六百里加緊諭令知之。○又諭向榮奏金陵兵力現難分撥一摺。和春進攻鎮江。蘇布

通阿。隨同向榮助勦。均難派赴揚城。所奏尚係實在情形。著照所請。該二員即毋庸前往。惟該大臣等頃兵日久。師老無功。大江南北幾成坐困之勢。雖於疊次所奉諭旨。捫心抱愧。亦復於事何濟。現據奏稱。造礮築臺。豫備轟擊。並布散疑函。焚燒賊壘。既有可乘之機。著即趕緊設法圍攻。迅圖克復。毋得再事遷延。致干重罪。本日據許乃釗奏。勦辦上海情形。已諭令該撫相機速辦。如果上海即日收

復。其挖甬等船及陸路各軍即可調回助勦。該大臣所稱收回上海。即調取得勝之師。齊赴京口瓜州。先後復鎮郡。再移兵協勦揚城之處。並著隨時與許乃釗等速籌妥辦為要。將此由六百里加緊諭令知之。○又諭前經疊降諭旨。令許乃釗等迅即督兵進勦。收復上海。本日據怡良許乃釗奏。上海之驟難克復。由於該城東北羅列夷館。該夷恐官兵向北門攻打。城中賊匪回放槍礮。夷館難免受傷。

因阻止官兵免攻東北並洋涇濱等處有夷人把守該逆米糧火藥難免由此路潛運接濟等語上海為海口通商重地必須設法控制各夷不令與逆匪勾結方可將城中麇聚匪徒四面兜圍斷其接濟吳健彰於夷情素所熟悉著怡良許乃釗即密飭該道將各夷妥為羈縻曲加曉諭俾知匪徒及早勦滅於通商事務方有裨益各該夷與逆匪不至聯為一氣然後督兵勦辦方可得手總在該督

撫妥速辦理不可遷延時日又致別生枝節另摺奏賊匪於黃浦江中暗雇閩廣商船業經該督撫派員前往解散令其駛出江口並多遣間諜入城相機離間又飛調水師各戰船並挖甬等船就近先勦上海事竣再赴鎮江所籌尚合機宜著即照辦另鈔錄撥獲逆書二件亦俱覽悉該督撫務即嚴飭各屬員弁明攻逆匪暗防外夷星速督兵進勦剋期收復毋再延誤並將通賊奸匪劉麗川設法

緝獲毋任漏網將此由六百里加緊諭令知之○又諭江忠源奏酌帶兵勇繞道赴任一摺前因賊踞漢陽武昌危急令江忠源暫留湖北該撫現已由黃陂一帶取道六安徑赴廬郡現在皖省情形亦甚緊要集賢關雖經收復潁亳土匪疊經袁甲三屢獲勝仗而安慶久被占踞仍恐該逆窺伺巢廬或與皖北捻匪潛相勾結所有防勦事宜該撫抵任後著即統籌全局與呂賢基袁甲三劉裕鈐等

隨時體察情形妥為辦理本日據吳文鎔崇綸奏江忠源原帶兵勇如武昌解嚴即可酌赴皖省該撫務當先將帶到兵勇迅速布置不可專待楚北撤回兵勇致有延誤至安徽與湖北河南交界地方均須酌度緩急相機防禦如有緊急該撫仍當馳往協勦毋誤事機昨福濟奏安徽借撥淮北票鹽道路梗阻未能接濟等語並著江忠源督飭地方設法轉運將此由六百里加緊諭令知之○又諭

據吳文鎔等奏賊船下竄設法追剿各一摺
逆匪竄擾漢黃等處經江忠源等沿江追剿
擊獲船隻該逆開帆駛去旋又有賊船數十
隻回竄至漢口下數里停泊現在陽邏以下
黃州一帶均有賊踪來往江忠源業已赴皖
唐樹義勢難渡江赴省應援所有漢陽各處
賊匪即責成該臬司扼要截剿並杜其北竄
之路將此由六百里加緊傳諭知之○予湖
北黃州漢陽二府殉節知府金雲門俞舜欽

祭葬世職○予湖北陣亡知州李標都司許
連城千總魏開第把總李成壽祭葬世職○
予江西陣亡遊擊李英魁外委吳支陟祭葬
世職○癸巳諭內閣呂賢基劉裕鈐奏賊匪
乘雨直撲集賢關各營兵勇潰敗桐城失守
一摺覽奏曷勝憤恨據稱桐城文生張勲面
稟本月十四日未刻賊匪大股已至附城十
餘里經張勲及孝廉方正馬三俊等帶領存
城練勇出南門迎敵張勲親赴張熙宇行營

請發援兵張熙宇竟以未接警信回復致各
壯勇腹背受敵同時潰散現在桐城失守張
熙宇退守大關恆興松安等均不知下落請
均從重治罪等語張熙宇係屢經獲罪之員
朕因其前在閩省剿辦會匪尚有小才是以
姑從寬典責令仍在皖省防剿宜如何激發
天良戴罪自效乃於賊將至時並不竭力堵
禦輒由小路退守迨張勲請救猶敢置之不
問以未接警信推託試思該生求救非警信

而何似此怛怯畏蕙無能之輩只知自顧身
家喪膽昧良尚何足惜張熙宇著即行正法
以肅軍令並著呂賢基劉裕鈐等查明總兵
恆興副將松安如有退縮逃避等情即著一
面奏聞一面正法新任巡撫江忠源帶兵計
日已可抵皖袁甲三現已帶領兵勇馳往協
剿著即督飭地方文武激勵紳民合力進攻
迅掃賊氛毋稍延誤○又諭前因江西九江
府失守當經降旨將廣饒九南道義泰署九

江府事九江府同知顏貽曾兼署九江前後營遊擊浮梁營都司王殿甲署德化縣知縣戴榮桂革職責令戴罪勦賊茲據奏稱該員等於九月二十六日督率紳民兵勇併力攻勦收復郡城請將該員等改為革職留任等語地方失守城池厥罪甚重如果殲除賊匪立時收復功罪尚足相抵自應量予恩施若來賊匪竄出遂謂收復城池該上司輒將獲罪之員奏請留任是使該地方官視失守城池為無足輕重其何以肅官常而重職守所有張芾奏請將義泰顏貽曾王殿甲戴榮桂改為革職留任之處著該部查照例案覈議具奏○又諭張芾奏遵保守城文武員弁等開單呈覽前因江西省城解圍降旨令該撫查明在事出力文武員弁據實保奏茲據單開文武各員保舉未免過優且文職人員為數尤多殊非覈實之道守城出力人員固應奏請恩施然其中亦有失守應得處分必當

確覈功過分別具奏請旨豈可一律保舉以致冒濫所有張芾單開文武各員弁請予獎勵之處著該部詳查覈議具奏○又諭張芾奏在籍尚書陳孚恩之子戶部候補郎中陳景謨隨同守城出力等語陳景謨著賞帶藍翎所請以知府儘先選用之處著不准行○諭軍機大臣等據溥吉德春奏稱東口子門外屯劉八旗馬甲間散等技藝均漸精熟現在逆匪東竄勢已窮蹙請將屯劉兵丁暫行

裁撤等語靜海等處逆匪尚未埽除淨盡各路要隘仍應加意巡防該處屯劉兵丁無庸裁撤著溥吉德春仍督飭該總管翼長等照舊訓練毋得稍有疏懈將此諭令知之○又諭青慶奏湖北江西安徽三省大江均被賊踞請責成江忠源會勦一摺昨據江忠源奏賊船下竄武昌解嚴已由黃陂一帶取道六安徑赴廬郡當即諭令該撫抵任後仍當於湖北河南交界地方相機防禦現在逆船雖

經下竄。尚在黃州一帶往來。不可不嚴加防範。青麇現在考試德安。著於試畢後暫駐該府。所有江北等處。即著該學政會同臬司唐樹義督率地方文武員弁。實力防剿。並勸諭紳民廣為團練。仍隨時知照英桂江忠源一體嚴防。以遏賊匪北竄之路。將此由六百里諭令知之。○又諭本日據呂賢基劉裕鈐奏賊匪大股直撲集賢關外。各營兵勇潰敗。桐城失守一摺。覽奏曷勝焦急。已明降諭旨。將

張熙宇正法。並諭江忠源速赴新任矣。袁甲三現在潁州。勦辦捻匪。著即統帶兵勇馳赴桐城一帶。相機勦辦。其蒙毫捻匪。即著飭令臧紆青帶勇勦捕。並著呂賢基劉裕鈐督飭員弁兵勇扼要截剿。以遏賊衝。瞿騰龍前經琦善奏留揚州。一時未能赴援。玉山扼守東關。常清駐劄和州。是否能聲勢聯絡。互為援應。著該侍郎等酌度情形。先其所急。力籌防剿。江忠源計日可抵皖省。應如何調撥兵勇。

杜賊北竄之路。並著會商籌辦。毋失事機。將此由六百里加緊各諭令知之。○又諭據呂賢基劉裕鈐奏桐城失守。請兵救援等語。現在皖省情形十分喫緊。呂賢基駐劄舒城。與劉裕鈐督率兵勇相機收復桐城。未知能否得手。江忠源計已馳抵皖境。著即統率所帶兵勇飛速前往。並調撥皖省兵勇合力防剿。既須防捻匪之勾結。尤宜於扼要處所。杜賊北竄之路。萬勿稍失事機。將此由六百里加

緊諭令知之。○又諭賊匪闖入桐城。難保不希圖北竄。徐宿等處情形甚為緊要。著楊以增撥派兵勇於要隘處所嚴密設防。恩錫前有旨令署安徽藩司。此時江忠源計已到皖。劉裕鈐即可回任。恩錫現在徐州。著即飭令該員協同籌辦。務當妥速布置。毋得稍有疏虞。將此由六百里加緊諭知。楊以增並傳諭恩錫知之。○湖北學政青麇奏報文報已通。賊船下竄。現在出示接考。得旨。武昌已解圍。

德安猶不可疏懈。一切情形隨時具奏。汝心斷不可先存無地方之責。成見當今時勢緊急。患最鉅者莫若因循。豈可尚拘向例耶。○命戶部右侍郎瑞麟、禮部左侍郎穆蔭鑲、黃旗漢軍副都統劉鈺、鑲紅旗漢軍副都統阿彥泰在紫禁城騎馬。○以直隸官紳團練出力。予知縣秦聚奎等升敘有差。○以奮勇急公。賞江西知縣蔡應嵩藍翎。餘加銜升敘有差。○以協勦江西賊匪出力。授翰林院庶吉

士郭嵩燾編修。賞候補道夏廷樾按察使銜。直隸州知州朱孫貽藍翎。○以江西團練赴援出力。予在籍通判劉于瀉等升敘有差。○以守禦江西省城出力。賞在籍縣丞徐德度等藍翎。總兵官音德布等升敘有差。○改鑄江西浮梁縣知縣印信。從巡撫張芾請也。○予江西陣亡外委許錦標祭葬世職。如把總例。武舉胡大魁等賞卹如例。○予江西新建縣殉節巡檢沈煥祭葬世職。○予江西遇賊

被戕。照磨黃而燠祭葬世職。○甲午諭內閣。禮部等衙門議奏。

關帝升入中祀。禮節一摺。我朝尊崇

關帝。祀典攸隆。仰荷

神威。疊昭顯佑。本年復加崇

封號。並升入中祀。茲據禮部等衙門詳覈禮

節。謹擬具奏。著照所議。自明年春季為始。悉

照中祀禮舉行。樂用六成。舞用八佾。以昭崇

奉。而答神庥。○又諭英桂奏驛遞遲延。請飭

查辦等語。現值軍務緊要之際。文報往來。豈

容稍有遲延。據該撫奏在山東及途次接奉

寄信諭旨。按日計程。驛站遲延。均在三日以

上。雖因繞道稽遲。而沿途地方官不能設法

按限遞送。實屬玩愒。著直隸總督山東巡撫

嚴飭查明何處遲延。即具實叅奏。並著各直

省督撫。遇有緊要文報。務當飭屬認真按限

遞送。毋得稽遲。如有貽誤。即行嚴叅。以儆延

玩。而肅郵政。○又諭太僕寺卿王茂蔭奏請

旌表殉難士民一摺。軍興以來。被賊滋擾。地方文武官紳及兵勇人等。或臨陣捐軀。或遇賊被害。經各督撫奏報。無不立沛恩施。給予卹典。並諭令各省督撫。查明被害較烈之員。再行分別酌議。加贈予諡。或令入祀昭忠祠。以勵臣節。而慰忠魂。復念被難各地方士庶人等。或因罵賊致戕。或因禦侮遭害。甚至全家罹難。闔室自焚。雖貴賤之不同。實節義之無愧。特恐僻處鄉隅。不獲上達。旌卹以致湮

沒弗彰。朕心惻焉。著各該督撫。通飭所屬。迅速查明。遇賊死節士民婦女等。除照例題請旌表外。其殉難尤烈者。並准其奏明請旨分別賜卹。該督撫等其秉公詳覈。毋濫毋遺。以副朕勵節褒忠之至意。將此通諭知之。○諭軍機大臣等。有人奏。近日江浙滋事。如江蘇之嘉定。青浦。浙江之臨安。新城。於潛。長興等縣。均因錢漕浮收折色。有加無已。民苦不堪。奸匪乘機煽惑。甚至拆毀衙門。聚眾戕官。當

此籌餉方殷。正供勢難覈減。惟各項陋規。必應裁革。若如所奏。有漕州縣。上司有規。紳衿有規。土棍人等。亦有規。上下相通。肆行無忌。以致匪徒藉口。滋生事端。於徵收錢漕。大有關繫。著怡良。許乃釗。按照所奏情節。秉公確查。務將上司各衙門陋規。概行裁革。其有不肖州縣。濫折浮收。紳衿土棍。包攬訛索。著即從嚴叅辦。以儆貪婪。而蘇民困。原片著鈔給閱看。將此由五百里諭令知之。○河南巡撫

英桂奏。報到任日期。並地方情形。得旨。豫省民間情形。隨時據實具奏。不准稍有諱飾。○以安徽桐城縣城被賊竄陷。革陝西漢中鎮總兵官恆興職。以甘肅平羅營參將珠克登為陝西漢中鎮總兵官。○乙未諭內閣。宋晉等奏。現辦團防情形。並遵籌保甲章程。開單呈覽。一摺。五城保甲事宜。自當分段派員督辦。以專責成。著即派稽察中城御史李宗壽。南城給事中彭久餘。西城御史張嗣衡。北城

給事中雷維翰專司其事。至東城保甲事宜著添派御史蔣達會同辦理。並著翰林院侍講學士銜編修陳介祺編修鮑源深彭瑞毓戶部郎中易文俊吏部主事惲世臨與李宗燾等會同各段京官紳耆認真經理。不許稍涉紛擾。儻有奸匪溷跡。即行嚴拏懲辦。片奏五城添募壯役。以資緝捕酌籌捐款。以免擾累。並清查保甲條約。著照所議辦理。仍著宋晉王茂蔭何桂珍會同巡視五城御史並巡防王大臣委令幫辦之李道生馮譽驥梁同新張祥晉黃經周壽昌等一體稽查實力巡緝毋稍疏懈。○諭軍機大臣等徐宗幹奏臺灣防捕緊要請飭籌撥餉需等語。臺灣孤懸海外所有水陸各營月餉需銀一萬餘兩。李餉需銀二萬餘兩。鎮標及南北兩路並澎湖各營未經散放業已數月。本年夏季以後正餉加餉統計需銀二十萬兩餘。現在餘匪尚未撈捕淨盡。水陸均須兵力防捕。海疆重

地餉需最關緊要。著有鳳王懿德於接奉此旨後迅即酌度緩急籌撥餉銀委員解赴臺灣以應急需。前令廣東籌解之款是否解到該署督等惟當趕緊設法措解毋稍延誤。將此由六百里諭令知之。○河東河道總督長臻奏行抵豫境駐劄陳橋鎮稽察河口得旨稽察口岸必須時時認真方妥。空言毫無補益。前次批示已詳朕惟看汝之任事何如有福無福耳亦不必再三諭也。○西安將軍托明阿奏受傷未愈懇請回旗調理。允之。○以直隸正定鎮總兵官張殿元著提督籌辦省城防堵。予直隸陣亡知州沈如潮城守尉尉德成祭葬世職並建專祠。沈如潮眷屬家丁等賞卹如例。附入專祠。丙申諭內閣御前大臣科爾沁郡王僧格林沁經朕特命為參贊大臣統領重兵出京扼要駐劄籌辦防剿一切布置均合機宜現值天氣嚴寒念該大臣在軍營中辛勞備至且聞其拊循士卒尤

能甘苦與共殊堪嘉尚著發去御用貂冠一頂黑狐毼馬褂一件綠玉煙壺一箇白玉四喜搬指一箇交僧格林沁祇領以昭恩眷○諭軍機大臣等本月十八日僧格林沁奏到布置情形以後未接續報殊深懸繫現在靜海獨流兩處賊匪攻勦情形近日亦未接奏報該逆詭詐百出難保不乘間竄逸且各處積水一經冰凍道路處處可通著僧格林沁悉心體察於靜海獨流迤北等處督飭帶兵

員弁嚴密堵禦其西路水陸各要隘尤須節節派兵扼守使該逆無隙可乘勦辦更易得手並須嚴查零星餘匪勾結本地土匪改裝偷竄甚至假扮官兵婦女乞丐僧道難民等項溷跡往來探聽軍情尤不可不加重嚴防一經緝獲務即訊究賊中虛實將該犯盡法懲治近日通州一帶查拏奸細不少可見該匪四處窺探形跡詭秘全在軍營又武員弁時時認真稽察令該逆不得乘間溷跡方為

嚴密至東路一帶亦須隨時偵探酌量緩急妥為布置不可稍涉大意將此由五百里諭令知之又諭王懿德奏廈門獲勝並廣東艇船尚須修補開行各摺片廈門逆匪既被圍窮蹙亟應迅速進攻此次進剿以陸路分道圍城以水師嚴扼海口布置尚為妥協至廣東紅單船前經疊降嚴旨不准再留據該撫奏稱船多損壞必須修補完固方資駕駛是現在此項船隻仍未由閩前赴江境實屬

耽延江南水陸攻勦情形較之閩洋尤關緊要若仍藉詞延宕必致貽誤事機所有遊擊吳全美署都司陳國泰兩起艇船著王懿德懍遵前旨飭令迅即開行即小有修理亦著趕緊督辦不准稍緩至孫鼎鼐督帶水師能否得力現當勦匪喫緊之際著該督撫仍須察看該提督施得高如病體稍痊即飭令趕緊督兵進剿並飭李廷鈺王朝綸等合力進攻迅圖克復毋稍遲誤將此由六百里諭令

知之○又諭有人奏豫籌招商海運米石請飭廣東省勸諭官紳士民捐辦一摺現在逆匪肆擾江南並江西湖北各省明歲漕糧到通道路恐有梗阻前經降旨令廣東省招商販米赴上海收兌迄今尚未就緒著葉名琛柏貴體察情形迅即勸諭官紳士民一體捐辦如有踴躍輸將捐銀辦米者與捐助軍餉一律請獎該省在籍候選道伍崇曜前曾總司招商事務辦理甚為妥協仍著該員總領

其事竣奏請獎敘總在該督撫斟酌盡善妥籌辦理不得以窒礙難行一奏了事至粵東夷商米船徑到天津一節殊多未便自不如上海兌收為妥原摺一件片二件均著鈔給閱看將此由五百里諭令知之○參贊大臣科爾沁郡王僧格林沁奏籌辦獨流賊匪仍駐王慶坨居中策應得旨覽奏俱悉汝此時仍駐王慶坨嚴防甚好本日另有寄諭並明發旨頒汝賞件朕意欲汝激勵將士策應

靈捷朕待汝之恩不知欲何等優加豈些微物件所能喻也○以攻勦廣西恭城縣匪徒出力賞把總蔣世英等藍翎餘升擢有差○以勦辦廣西南甯等府匪徒完竣賞在籍知州周德祚花翎千總郭承修等藍翎餘加銜升補有差○以勦辦廣西股匪出力賞遊擊馬東旭花翎把總張熾堂等藍翎餘開復升敘有差○以福建廈門廳被賊竄陷革參將游碩雲署守備陳晏把總蔡等賢職均逮問

○以兵勇潰散革福建都司陳光標從九品吳廷楓職均逮問○予福建仙遊縣殉節遊擊周兆麟知縣黃曾惠黃際虞縣丞李子鵠祭葬世職○蠲緩廣西新甯隆安左平南橫來賓遷江武緣臨桂靈川永安桂平貴武宣宣化永淳崇善象荔浦昭平脩仁二十一州縣被賊地方應徵額賦有差○丁酉諭內閣御史吉勒通阿奏請慎派糧員以防冒濫一摺所奏是自軍興以來各省設立糧臺以供

支應款目叢雜支發浩繁該省大吏自應揀選賢員董司其事以專責成若經手各員輾轉更換必致錢糧出納膠轕不清甚有因賊匪將至謀調糧臺規避處分及任意開銷自飽私橐者殊非慎重軍需之道著帶兵大臣及各省督撫大吏於辦理糧臺屬員務須慎揀賢能責令一手經理事竣覈實報銷如查有藉糧臺為利藪冒濫支銷等弊即著從嚴叅奏以軍法懲辦儻各該員有升調他省者

並著暫停赴任不得藉端更替致滋弊端將此通諭知之○諭軍機大臣等前因安徽桐城失守諭令江忠源統帶兵勇飛速前往並諭袁甲三馳赴桐城一帶相機剿辦本日據呂賢基奏桐舒交界之處惟大小關最為要隘非厚集兵力不足以資守禦等語江忠源於本月十一日由黃陂一帶徑赴廬郡計日當可抵任現在武昌之楚勇是否可以分撥赴皖音德布所帶之兵此時行抵何處務即

飛催前進皖省情形緊急該撫帶兵馳抵該省聲勢庶可少壯袁甲三剿辦捻匪已有成效前有旨令赴桐城一帶會同江忠源協力剿辦想能酌度緩急不致有誤事機舒城縣募勇一千餘名亦可濟兵力之未逮著呂賢基劉裕鈐認真招募實力團練毋得濫竽充數江忠源抵任後即將皖省全局妥速籌畫督帶兵勇收復桐城集賢關則安慶之匪自可次第剿除恆興松安均已革職著仍遵前

旨查明該員等如有退避等情即奏聞正法以肅軍律安徽借撥淮北票鹽著江忠源劉裕鈐仍飭地方官迅速設法轉運既可接濟民食兼可協助軍需皖省地丁錢糧應徵之款亦須隨時督催其捐貲助餉者即行奏請優獎近日撥款之難該侍郎等亦所深悉若不就本地籌畫專恃遠款恐難濟急所稱部撥江西截留銅本銀十萬兩因江路梗阻尚未解到已飭戶部速催並籌議撥款矣將此

由六百里加緊各諭令知之。○太常寺卿王履謙奏收集煤鹽船隻並嚴飭沿河文武實力巡防得旨。上次賊匪搶渡患延畿輔汝係專司查河已不能辭咎若再不知感愧是一負恩最甚之人也。戊戌諭內閣前據國子

監司業崇福奏請借徵山西省一年錢糧以濟軍餉朕以事關民瘼議屬創行而軍餉急需又難緩待特命軍機大臣大學士會同戶部速議具奏茲據恭親王奕訢等合詞議覆

奏奉

奉

該司業所奏度地權時亦係濟急之一策其指陳除弊各條均尚周密請照所議責成山西巡撫藩司妥速辦理並推廣陝西四川一律照辦朕惟軍興三載徵調頻仍各省被賊地方或耕作失時或益藏罄盡加恩賑貸猶虞民困未蘇何忍於完善之區復有徵求之舉第逆匪一日不滅民生一日不安畿輔之賊未除則山陝皆難安堵江路之賊不盡則川陝仍事籌防無論風鶴驚疑流離遷徙即

商賈不通貲財日耗已足坐困民生朕夙夜焦思不遑寢饋惟有叩顙

上蒼速殄逆氛以安黎庶比年內外籌撥軍需不下四千餘萬兩內府所積隨請隨發不惜鉅款為吾民求衽席之安中外臣工條陳軍餉凡有不便於民者朕必審慎再三不肯輕為允准誠念我朝二百餘年以來

列祖

列宗深仁厚澤浹洽寰區從無科斂病民之舉

此次議及借徵事定仍照數蠲免已非朕心所安即王大臣等亦未嘗不仰體朕意慎重諮諏特以除莠安良必須寬籌兵餉不能不借資民力以濟要需著照所議所有山西陝西四川三省咸豐四年錢糧即行借徵一年於今冬開徵明年春季全數徵完其咸豐五年錢糧即於明年秋季接徵按年遞推一俟軍務告竣國帑漸裕即將該三省應徵額賦停徵一年以舒民力而復舊制其山西省被

賊各州縣仍著毋庸借徵用昭區別各該省地方紳士商民比歲捐貲備餉為數較多忠義之忱朕所嘉許今就正供賦額提趨半年取之民者還以衛民凡我編氓同仇敵愾具有天良自無不輸將踴躍以助軍餉至借徵之議原為軍餉而設除弊之法尤須格外從嚴向來不肖官吏暴斂橫徵虐民病國弊端百出久為朕所洞知此次各該州縣及該管上司儻敢狃於積習縱容胥役多取絲毫一

經科道糾叅或被部民告發審實後即以軍法從事如各該督撫委任非人以致別釀事端除將本員正法外督撫藩司一併拏問治罪此係朕為民除害萬不得已之苦心天下臣民諒能共喻也此旨著該督撫刊刻謄黃徧行曉諭務使窮鄉僻壤咸知朕意○又諭桂良奏請將玩視調遣之署藩司交部議處一摺署直隸藩司張集馨經欽差大臣勝保札調防堵後並不趕緊稟報以致該督復行

飭調來省當此軍務喫緊之時豈容似此延玩致誤事機張集馨著交部嚴加議處以示懲儆○諭軍機大臣等勝保奏連日攻剿獨流逆匪獲勝情形一摺本月二十四五兩日勝保督率各路兵勇用大礮火箭轟燒賊壘約斃逆匪數百餘名惟所調京營礮位尚未趕到當此圍攻喫緊之際必須厚集兵力速破賊巢著僧格林沁即於德勒克色楞伊勒東阿二人中揀派一員酌帶精兵前赴勝保

軍營協勦務將獨流逆匪迅速殄滅俾軍務早竣以慰廑念將此由六百里加緊諭令知之○又諭勝保奏連日攻剿獲勝一摺逆匪在獨流一帶深溝高壘堅匿不出經該大臣督飭將弁兵勇於二十四五兩日分路進攻先後殲斃不下數百名勦辦尚屬得手著即趁此聲威激勵將士立破賊巢切勿專待京中運往之礮致稽時日再賊勢窮蹙兼之天氣已寒河冰漸合難保不圖他竄尤須加意

嚴防層層布置萬不可因我兵屢獲勝仗稍涉大意該大臣即行提催郝光甲帶兵星速來營如再抗延即以軍法從事並將張集馨所帶兵勇派委得力將弁迅速迎提應如何分撥布置即著酌量辦理將此由六百里加緊諭令知之○又諭劉裕鈐奏賊匪仍踞桐城現在廬郡籌辦情形一摺覽奏實深懸繫前已有旨諭令江忠源統兵迅赴安徽此時計已抵任袁甲三帶領兵勇由潁州馳赴桐

城一帶相距尚不甚遠呂賢基現在舒城辦理團練當可協助兵力瞿騰龍現留揚州未能赴皖常清駐劄和州帶兵八百餘名亦可就近應援現在廬郡情形緊急兵勇不敷分布著該署撫即遵照前旨酌度緩急相機籌辦並著設法招募壯勇實力團練加意嚴防毋以暫權撫篆稍有疏虞將此由六百里加緊諭令知之○又諭前因福建會匪滋事疊經諭令黃宗漢迅調官兵相機赴援本日據

有鳳奏閩省兵力單弱請飭調浙江精兵來閩協勦等語閩省賊匪糾黨分擾膽敢圍撲興化郡城經該督飛調各兵馳往會勦其上游賊匪疊經勦洗仍應嚴密防守兵力實形單薄閩浙唇齒相依撥兵進勦較為便捷現在江西逆匪竄散浙省防兵當可就近赴援著該撫即於衢州金華嚴州鎮協各屬挑選精兵各五百名配帶軍裝器械遴委得力將弁星速管帶赴閩以資協勦並著該署督迅

速催調以期早淨賊氛毋致蔓延將此由六百里各諭令知之○總辦徐州糧臺廣東高廉道法良奏請飭部行文各省按定例報解軍需撥款得旨各省督撫等不知部中籌解分撥之難率請改撥擅自截留殊屬不顧緩急往返查催宕延時日嗣後凡擅自截留者著戶部即行奏請分別議處嚴議○以帶兵遲緩革陝西陝安鎮總兵官郝光甲職仍留營效力以前任雲南普洱鎮總兵官楊青鶴

為陝西陝安鎮總兵官。○以福建澎湖協副將邵連科為海壇鎮總兵官。○以拏獲從逆要犯予直隸知縣段福廣等議敘。○已亥諭軍機大臣等。戶部奏豫籌海運事宜等語。江蘇海運漕糧向於上海設立總局。現在該縣尚未收復。有漕各屬曾否開徵運米沙船。曾否封雇。該處總局應行移設何處。未據該督撫豫籌奏報。至浙省漕米。前經部咨令由乍浦海口兌裝上船。放洋北上。亦未據黃宗漢

咨覆到部。漕糧為天庾正供。關係緊要。此時上海尚未收復。明年海運事宜。必應及早籌畫。設法轉運。著怡良。許乃釗。黃宗漢。迅即妥籌具奏。不得藉詞軍務紛繁。以致臨時貽誤。並著怡良。許乃釗。嚴飭帶兵各員。將上海賊匪迅速攻剿。毋任盤踞日久。再致勾結蔓延。如上海即日克復。則江浙海運漕糧。自可循照舊章辦理也。將此由五百里各諭令知之。○又諭戶部奏籌議川楚封存銅鉛改道運

京一摺。現在京局銅鉛短絀。各起運員多因江路梗阻。不能抵通。湖北省城現有存留兩運銅斤。四川巴縣現有截卸四運鉛斤。據該部奏請。均令運赴樊城。或河南新野縣登陸。即由商販雇車攬載。包裝卸之法。運抵河南內黃縣。計路程一千三百餘里。即由楚旺集入衛河。交豫省運糧軍船灑帶。歸各運員押運。以期迅速。抵通接濟。京局之用。著裕瑞。吳文鎔。宗綸。英桂。按照該部所指程途。辦法

派委道府大員。悉心籌辦。親往督理。監押各運員。通行各按省分交替。飭令經過州縣一體照料。以利運務。而資鼓鑄。此係必應變通之舉。該督撫等務當迅速妥籌辦理。毋得推諉貽誤。原摺著鈔給閱看。將此由五百里各諭令知之。○熱河都統毓書奏。豐甯縣監犯反獄。狀官現在嚴飭圍拏。得旨。未獲各犯。務期盡行拏獲。概予駢誅。監犯共有多人。因何起事。著速行查明具奏。尋奏該縣寄監人犯

九十五名口。管押人犯四名。脫逃者八十五名。未經出監者十四名口。監內因聞知平泉州監犯欲行越獄。已經嚴加鎖錮。恐豐甯亦將刑具加嚴。商同眾監犯反獄脫逃。委無別情。報聞。庚子。諭內閣。給事中永桐等奏。旗員放餉錢數不符。請飭查辦一摺。正藍旗滿州宗室佐領奕斌。開放本月宗室錢糧。以銀一兩折制錢一串九百文。與戶部原奏數目不符。著正藍旗滿州都統查明該佐領因何

短放之處。據實奏。此外各旗兵丁餉銀。該佐領等有無剋扣。並著各旗都統查明。如有短放情弊。即著隨時嚴叅。○諭軍機大臣等。通政司叅議慶賢奏。硝磺火藥軍器等物。應嚴防盜取私賣等語。賊氛逼近畿輔。京城內外。疊經拏獲奸匪。審有謀盜火藥情節。不可不嚴加防範。所有各旗營現存火藥。均著該管官督飭兵丁嚴密防護。無稍疏忽。其近畿地方出產硝磺。並京城內外花爆炸坊存留

硝磺。應如何實力稽查。杜絕逆匪私行購買之處。著步軍統領酌覈辦理。至烏槍腰刀等軍器。現因紳民辦理團防。原不禁其製辦。第恐奸民購買出京。以資賊用。亦應加意查察。如有私行夾帶出城。一經盤獲。即著從嚴懲辦。以靖奸宄。而肅門禁。將此諭令知之。○革職留任湖北巡撫崇綸奏。報謝恩。並稱已革同知勞光泰。所帶廣勇通賊。以致兵勇潰敗。得旨。廣勇固不可靠。然亦可駕馭驅使。勞崇

泰若從此無下落。朕斷不輕恕。朕聞張亮基欲用勞光泰。謂其才尚堪用。汝則曰。雖有才。怕靠不住。既中無定見。何不力阻。在張亮基原非意料所及。汝之依違兩可。大負委任。朕又聞勞光泰依附最多。音信最快。汝二人若不認真嚴緝。祇知遠避。誹謗不獨深負朕恩。亦無以對忠靈。幽魂昭昭在上。自有監臨。悠悠之口。何足畏也。前次諭旨。朕已定該革員極刑。往復思之。實不為過。惟看吳文鎔所辦

何如耳。此旨與吳文鎔同看。該督老成練達。必能補汝之不足。懷之。革職留任山東巡撫張亮基奏報到任日期。並地方緊要情形。得旨。團練鄉勇。為是時之急務。堵禦逆匪。兼緝土匪。誠為一舉兩得。○辛丑諭內閣。前因有人奏江蘇六合縣知縣都榮森遇事婪索。辦漕滋事等情。當交該督撫等查叅。本日又有人奏該縣都榮森吸食鴉片。任性妄為。於六合任內。徵糧加耗。闔城罷市。又借團練為

名。婪索富紳錢文。雇募壯勇。憑空捏報。儀徵調防官兵口糧鹽菜馬乾。俱由糧臺支應。該員又藉端苛派。並將文廟書院恤養銀兩。擅自動支。又索米鋪席鋪鹽商等銀錢。該員貪婪不職。劣蹟多端。若不從嚴查辦。何以整飭官方。著儀徵縣知縣都榮森者。先行革職。交怡良許乃釗按照各款確切查明。據實叅辦。又諭前因桂良奏叅署直隸藩司張集馨不遵調遣。當經降旨交部嚴加議處。茲復據

桂良奏。叅張集馨擅將要隘官兵調赴他處。並片奏該司經勝保札調既不遵令赴防。又不稟報該督。迨勝保飛咨催調。該督屢飭折回。仍復抗違進省。並稱該司自辦軍務以來。所費錢糧庫款甚鉅。半載以來。並未聞其接仗獲犯。遷延觀望。虛糜帑金。竟置官兵於無用之地等語。張集馨係棄瑕錄用之員。不知感奮圖報。帶領多兵耗費軍需。屢違調遣。現當防勦喫緊之際。豈容此等劣員玩延貽誤。

張集馨著革職。發往新疆效力贖罪。不准逗遛。諭軍機大臣等。英桂奏歸德府屬情形。請留原辦之員。一手經理。一摺前有旨。諭令徐廣縉赴蒙。毫一帶勦辦土匪。原以歸德各屬漸次肅清。該員自可帶勇前進。茲據該撫奏稱商邱永城虞城夏邑等處。本年夏間。捻匪肆起。經徐廣縉專駐勦辦。雖稍知斂迹。而潛伏尚多。勢難遽行撤調。且徐廣縉素為鄉里推服。該員隨處勸捐。屢有頭緒。即防兵亦

再難抽撥該撫現已馳赴南陽堵禦楚匪勢難兼顧歸德自係實在情形徐廣縉著暫留歸德以資防剿一俟該處土匪稍清或南陽信陽等處情形稍寬即仍遵前旨飭令該員赴皖舒興阿所帶兵勇刻下應已到齊著即由信陽一帶前赴楚省督同該臬司唐樹義將陽邏一帶逆匪合力兜擒迅速剿除毋稍延誤南陽界連湖北防剿喫緊英桂馳抵該處著即嚴飭地方文武督率兵勇實力巡防無令逆匪北竄至黃河各處口岸自應派委妥員認真巡查以防偷渡應毋待諄諄訓飭也將此由五百里諭令知之○河南巡撫英桂奏飭屬嚴防黃河口岸得旨防河一事空言無補總在實力稽查為大吏者尤當破除情面時刻嚴防○以長蘆鹽運使楊霽為直隸布政使○予湖南安仁縣殉節訓導吳崇祭葬世職

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十一

監修總裁臣徐鴻儒等奉 上諭 著將此卷交徐鴻儒等纂修

大學士管理戶部事務加十三級紀錄十四次 實錄纂修總裁臣徐鴻儒等奉 上諭 著將此卷交徐鴻儒等纂修

大學士管理戶部事務加十三級紀錄十四次 實錄纂修總裁臣徐鴻儒等奉 上諭 著將此卷交徐鴻儒等纂修

大學士管理戶部事務加十三級紀錄十四次 實錄纂修總裁臣徐鴻儒等奉 上諭 著將此卷交徐鴻儒等纂修

大學士管理戶部事務加十三級紀錄十四次 實錄纂修總裁臣徐鴻儒等奉 上諭 著將此卷交徐鴻儒等纂修

敘修

咸豐三年癸丑十一月壬寅朔遣官祭

先醫之神○諭軍機大臣等勝保奏連日攻
勦獲勝情形各摺片逆匪竄踞靜海獨流經
官兵圍勦雖屢獲勝仗總未能埽數殲除朕
心甚為焦急著勝保激勵將士奮力攻擊務
於十日之內殄滅賊氛毋再稽延該逆勢窮
思竄尤須處處布置周密嚴行堵截現在天
寒水凍到處可通若將要隘處所鑿冰斷道
使賊匪無從奔脫勦辦更易得手鄉勇馮玉
德能入賊壘探聽虛實又放火焚賊麥船甚

有膽勇此等得力兵勇必當留心物色善用
其長隨時存記賊平後即行加等保奏據稱
賊匪糧食將盡並聞其火藥短缺正可乘賊
窮蹙之際嚴斷接濟併力進攻此次賊壘逃
出難民數百人有無逆黨潛跡必應確切盤
查免墮奸計昨據給事中汪元方奏賊以固
守待援請飭速勦茲復據王慶雲奏現值河
冰凍結請飭官兵製備鉸齒以便截擊各等
語著即查照所奏相機籌辦毋稍延誤原摺
片均著鈔給閱看將此由六百里加緊諭令
知之○欽差大臣勝保奏獨流靜海勦匪獲
勝情形得旨屢次獲勝總未能埽數殲除曷
勝焦急著極力轟擊務期於十日內全行擊
斃併將偽丞相林逆等生擒至京盡法處治
勝保能成此功錫爵酬勲將士等同膺懋賞
若曠日持久國法豈能寬宥耶著徧諭各營
將士又批達洪阿從旁施放槍礮先占必勝
之勢進止合機奮勇尤堪嘉尚著傳旨嘉獎

右春坊右庶子麒慶奏請飭停山西等省
借徵得旨所奏尚是第伊未深悉時務之艱
此舉豈朕之初願耶此摺著存記俟何時可
停卽行題奏○命陝西巡撫張祥河來京以
戶部左侍郎王慶雲為陝西巡撫○以廣西
辦團勦匪出力予知州舒樺等升敘有差○
予直隸靜海縣勦賊陣亡侍衛興林副都統
銜祭葬世職如副都統例遊擊懷唐阿守備
阿克東阿恩騎尉李將花外委張士敏祭葬

世職○癸卯

上詣

壽康宮問

皇貴太妃安御懋勤殿旬到陝甘江西清實

罪犯停決陝甘斬犯八人絞犯二人江西斬

犯十一人餘三十三人予勾○

硃諭恭親王奕訢等本年冬至

南郊大祀朕親詣行禮惟因骭疾致累恐升降
失儀不足以昭誠敬况朕思兩邊配案三獻

往返行走亦稍覺繁朕意欲酌量改減以嚴
對越著恭親王等商量妥協於明日見面時
當面再奏諭內閣朕素聞天津地方民心
強固物力豐饒所練鄉勇人等類皆驍健整
齊足資禦賊是以疊降諭旨令長蘆鹽政文
謙等妥為激勸使之保衛鄉閭九月二十八
日逆匪由青縣突竄天津彼時大兵尚未到
齊經文謙等分督防守官兵迎頭截勦該處
練勇復隨同天津縣知縣謝子澄直前迎殺
擒斬甚多卽雁戶排槍亦足佐官兵槍礮之
不逮該練勇等忠義勇敢洵屬可嘉使各屬
地方盡能如此勦力同心不特自保身家並
可上為朝廷出力何慮逆氛不靖城守不堅
文謙特克慎張起鵬錢忻和謝子澄平日撫
馭得宜亦可概見著勝保傳旨嘉獎此時賊
踞靜海獨流尚在天津境內諒該練勇同仇
志切必不稍存畛域之心現在大軍四面合
圍窮寇不難立殄而偵探嚮導尤以本地鄉

勇為得宜。著勝保卽傳旨曉諭。明定賞格。如該練勇人等有能隨營帶隊力破賊巢者。卽破格保奏。優加賞賚。上次天津出力各勇目姓名勞績。朕已稔聞。僅能始終奮勉。剋期滅賊。該大臣等自能仰體朕心。有勞必錄。正無慮功績不能上達也。○又諭袁甲三奏。續勦擒匪。三次獲勝一摺。安徽潁毫擒匪。疊經官兵痛加勦洗。竄踞雒河集一帶。復經袁甲三督飭該地方文武協力進攻。委員徐曉峯。遊擊朱連泰等督帶兵勇。由花溝集直撲匪巢。生擒擒首擒夥馬在隴等七十一人。其最惡擒首孫重倫亦經兵勇擒獲。另股潛竄臨湖鋪。又經委員徐毓寶。李芾馨等會同該處團練。生擒擒首宮步雲。並韓李子等四十六名。其馬家柳林老擒頭馬九。馬老虎等。欲圖聚眾劫犯。經守備戴世熙。並遊擊李成虎等督帶練勇格殺無數。當卽生擒擒首擒夥馬九等四十七名。並另獲積年擒首陳建中一名。

另派候補千總連丕甲。鄉勇劉倫等追拏擒首紀黑升等三名。鄉勇王賢曾等追獲擒首龐富等四名。所有各處藏匿零匪。疊經官兵挖勦。團練查拏。及親屬縛獻。訊明正法者。統計五百三十餘名。歷次接仗。共殺擒匪千餘人。擒頭二百餘人。袁甲三督辦有方。實屬不負委任。仍著嚴飭在事文武官紳練勇。始終勿懈。務將各股擒匪。一律殲除淨盡。以靖地方。○諭軍機大臣等。有人奏天津練勇數千。類皆膂力超捷。氣質强悍。上月賊犯天津。知縣謝子澄率領禦賊。該練勇相率盡力。疊挫賊鋒。又稱該縣長於撫馭。是以練勇樂為效力等語。前因勇目劉積德幫同官軍殺賊。先後諭知勝保。並鹽政文謙查明保奏。旋據文謙等奏。以該處練勇人數眾多。須查明出力等差。分別保奏。昨又據勝保奏。鄉勇馮玉德能入賊壘探聽虛實。是天津練勇均知同仇敵愾。奮勇可嘉。本日已明降諭旨。優予獎勵。

矣。現在勝保軍營中。天津練勇。是否隨同打仗。此等驍捷壯勇。如能駕馭得宜。加以激勵。必可助官軍之不足。著該大臣與文謙悉心商酌。相機調撥。或歸文謙統帶。或卽令謝子澄帶領。來營助剿。第未知兵勇合在一處。有無牽掣情形。必須妥為布置。善用其長。以收實效。若官兵分割營盤。已數勦辦。或該練勇守城得力。而於調撥獨流靜海。轉恐遷地弗良。卽著據實具奏。勿稍拘泥。將此由六百里

諭知勝保。並傳諭文謙知之。○又諭前因湖北賊匪滋擾。諭令舒興阿將所帶官兵。由信陽前赴楚省。督同臬司唐樹義。迅將陽邏一帶逆匪。合力兜擒。本日據吳文鎔奏。賊已下竄。武漢江面。並無賊船。舒興阿所帶陸路之兵。可毋庸來楚等語。現在賊匪盤踞皖省。非厚集兵力。不足以資勦辦。已疊次諭令江忠源。星速赴任。皖省情形。實屬喫緊。舒興阿著毋庸赴楚。卽日帶兵。由豫迅往安徽。與江忠

源會合。進剿將安慶郡城及集賢關。桐城等處賊匪。迅速勦除。以期肅清江北。原片著鈔給閱看。將此由六百里諭令知之。○又諭據袁甲三奏。勦匪連次獲勝。並保舉出力員弁兵勇各一摺。懷遠縣屬擒匪張茂等。現復聚眾撲城。該給事中尚未能移營前進。著卽飭令遊擊錢朝舉守備戴世熙等。帶兵前往。會同該縣。併力攻擊。並卽飭附近各州縣一體撥派兵勇。援剿毋任勾結為患。另片奏北路

空虛情形。著照所請。卽飭刑部主事朱麟祺。在籍道員趙昀。趨程馳赴舒城一帶。督率練勇會合地方文武。辦理防剿事宜。務令桐城及早克復。以保廬郡。將此由六百里諭令知之。○湖廣總督吳文鎔等奏。陳已革同知勞光泰債事情節。得旨。俟查拏勞光泰到案時。據實訊明。嚴懲。上次批崇綸摺。已指示分明。總以實字還朕。不必諄諄徒勞訓諭也。又奏張亮基却署督篆日期。批。朕聞該撫於交卸

日乘夜渡江。不辭而行。有無其事。著據實奏來。不准迴護。○調刑部左侍郎羅惇行。為戶部左侍郎。兼管三庫事。仍兼署吏部右侍郎。禮部左侍郎李維翰。為刑部左侍郎。仍兼署禮部左侍郎。戶部右侍郎何桂清。為禮部左侍郎。仍留江蘇學政任。以太僕寺卿王茂蔭。為戶部右侍郎。兼管錢法堂事務。都察院左副都御史李鴻。著兵部右侍郎。○伯都訥副都統倭克精額。因病解任。以黑龍江協領穆特布。為伯都訥副都統。○以安徽阜毫一帶勒匪出力。賞縣丞李芾馨等。藍翎餘升敘有差。○予湖北巴河陣亡六品軍功何保元。祭葬世職。○甲辰諭內閣。昨將王茂蔭簡放戶部右侍郎。本日據該侍郎奏稱。現因辦理保甲事宜。戶部事務繁難。兼及等語。王茂蔭係戶部司員出身。於該部事務較為熟悉。是以特旨超擢。該侍郎惟當勉圖報稱。以副委任。毋得畏難辭讓。徒涉虛文。其現在所辦保甲

事宜。仍著與宋晉等兼籌妥辦。○又諭兵部奏。驛遞遲延。請飭查辦。並開單呈覽一摺。現當軍務喫緊之際。文報往來。最關緊要。據該部查奏。本年九十月間。接到河南等省奏摺。傳牌。數計遲緩。至五六日者。竟至八件之多。其由部外發文報。恐延閣者。亦復不少。前經降旨。諭令各省嚴查。參辦。尚敢仍前積習。實屬玩忽。著直隸。河南。湖北。山東。江蘇。安徽。浙江。福建。各督撫。按照此次單開。並前次奏請飭查。及由部咨查各案。一併查取職名。交部議處。仍著各省督撫。嚴飭驛站地方。遇有緊要文報。務須按限遞送。毋得再有遲緩。儻有藉詞。繞道。任意稽延者。即著從嚴參辦。將此通諭知之。○諭軍機大臣等。向榮奏。迎剿高淳賊匪。獲勝。並遵派和春。馳往徐州等語。高淳賊匪。雖經痛剿。而大幫船隻。尚在蕪湖黃池一帶。正不能不防其窺伺。蘇常。復來滋擾。該大臣現已嚴飭德安。鄧紹良等。加意堵截。

仍須設法追擊。將該匪船儘數焚勦。萬不可再令他竄。至金陵城中賊情。及現在如何籌攻。未據聲敘。該大臣擁兵城下。半載有餘。坐使該逆分擾鄰疆。往來自便。是誠何心。昨據袁甲三奏。八九月間。金陵賊匪驅城中婦女裹以賊中衣。以賊衣使之守城。近復於城頭布滿吠犬。藉作疑兵。可見存城之賊無多。茲據孫銘恩奏。十月十九日。有賊營女船七十餘號。自金陵上竄安慶。聲稱係偽益王家屬。

該逆潰圍之意。已屬顯然。朕聞向榮營中。自大礮鑄成後。逆匪業已膽落。金陵百姓有義約布告上江兩縣。約定數萬人。訂期併力攻城之議。該大臣何以不因民義憤。用助兵威。急圖收復。儻再因循日久。餉竭兵疲。該大臣計將何出。所稱與蘇布通阿籌商事宜。何時見諸施行。卽如鎮江軍務。派余萬清前往接辦。該革員如何較勝諸將。該大臣有無把握。亦未據詳細具奏。著向榮一面密籌克復金

陵。於該逆思竄各路。節節堵截。務將元惡大慙。設計殲擒。其密通內應情事。尤須慎重。迅速。不可稍有洩漏。轉為奸術所誤。一面剋期攻勦鎮城。務當水陸各軍同時並舉。俾該逆內外不能兼顧。庶可得手。現在許乃釗。勦辦上海土匪。大獲勝仗。如卽就肅清。可將黃浦江面挖甬夾板等船。迅卽調赴上游。並著許乃釗移軍鎮江。先籌攻剋。以孤金陵賊勢。仍飭余萬清統帶各軍。趕早布置。建功贖罪。不得藉口船礮未齊。株守以待。儻仍遷延貽誤。不能倖邀寬典也。至大營軍餉。著該大臣知照。怡良。許乃釗。於蘇省額徵正雜各款。並鹽關各課。與捐輸銀兩內。無論何款。先行就近接濟。毋得靜候部撥款項。致誤事機。將此由六百里加緊諭令知之。○又諭。怡良。許乃釗。奏江南大營軍餉。無可籌撥。一指該省自賊踞三城以後。所有地丁。漕糧。鹽課。關稅。均因逆氛未靖。徵解不前。此外如勸諭捐輸。亦屬

緩不濟急。現在江南大營糧臺兵餉不敷。萬一餉竭兵潰。所關甚鉅。著葉名琛、柏貴即於廣東藩關各款內移緩就急。設法接濟。即行遴委妥員。剋日解赴江南大營應用。并飭令沿途小心防護。毋稍疏失。並知照經過地方官。斷不准藉詞截留。致誤江省急需。將此由六百里加緊諭令知之。○又諭慶錫奏。薊州緊要請飭桂良撥兵駐劄一摺。前有旨諭令該總兵將薊州西南一帶隨時偵探酌量籌

辦。原為馬蘭鎮距薊州不遠。慶錫就近籌防。尚能兼顧。並諭僧格林沁勝保。令其體察情形。嚴防賊匪竄逸。該大臣等統籌全局。諒已妥為布置。本日據慶錫奏稱。薊州兵力較單。請飭桂良撥兵四五百名來薊駐劄等語。惟查桂良前奏省城僅有吉林兵五百餘名。無可分調。僅將善祿所帶陝甘兵內抽撥一百名赴易州等處駐守。是該督附近鎮屬各營內無可酌撥。自係實在情形。著慶錫仍遵前

旨相機籌辦。不可但以撥兵防守一奏了事。為諉卸地步也。將此諭令知之。○以湖南綏靖鎮總兵官和春為江南提督。陝西西安城守營副將錫綸為湖南綏靖鎮總兵官。○山西大同鎮總兵官恆安緣事革職。以四川馬邊協副將孔廣順為山西大同鎮總兵官。○以山西趙城縣防勦出力賞同知薛珊。花翎革霍州疏防土匪知州朱謹度職。○以克復江蘇嘉定青浦縣城賞同知劉存厚。花翎。巴

圖魯名號。參將秦如虎。巴圖魯名號。守備葛同華等。花翎。知州段洪恩等。藍翎。餘升敘有差。○以攻勦江南高淳竄匪出力總兵官德安下部優敘。○以江南浮山勦匪出力。予已革參將嵩瑞等。并用有差。○以直隸臨洺關接仗失機。革守備秦應龍職。補鑄江南鹽巡道。蘇松太道。江海關監督。關防。青浦。上海。南匯。三縣知縣印信。從總督怡良請也。○賑山西太谷縣被水災民。一月口糧。並蠲緩額。

賦有差○乙巳

上御懋勤殿。句到河南情實罪犯。停決斬犯十
二人。絞犯一人。餘三十二人。予○諭軍機
大臣等。戴垣等奏會審已革候選知州馮玉
衡。供出伊堂弟馮仲儒。冒名為匪。各情請飭
查拏解京究辦等語。此案馮玉衡於大功堂
弟馮仲儒。冒伊監生伯衡原名。帶領東勇。在
梧州搶奪鋪戶。復與波山艇匪。直闖鹽關。雖
未據供明馮仲儒曾否豎旗抗拒。惟當粵匪

滋事之時。事屬已行。即與謀逆無異。馮仲儒
現已潛回原籍。與其父馮謀同在廣東省城
小北門芳草街地方居住。亟應查拏究辦。以
期水落石出。著葉名琛。柏貴。迅將馮仲儒。嚴
拏到案。研訊確供。並將要證。休致守備鍾揚
威。舉人鍾汝麒。傳案質訊。取供先行報部。仍
將冒名馮伯衡之馮仲儒。押解來京質訊。以
憑究辦。將此由五百里諭令知之。○調都察
院左副都御史

實錄館總裁官周祖培為副總裁官。以左都御
史朱鳳標為總裁官。刑部左侍郎李維翰為
副總裁官。○以安徽巢縣勦賊失利。總兵官
玉山。知州李登洲。參將富惠。知縣黃元吉。辛
本梅。下部議處。革知縣邵啟元。典史李祖堯。
外委陶金揚職。○以託病規避軍務。革山西
知縣趙伯川職。並逮問。○予安徽陣亡外委
楊德標。祭葬世職。○丙午。諭內閣。逆賊竄踞
江南三城。九閱月矣。逞其兇狡。荼毒生靈。天
地不容。神人共憤。朕不惜重兵鉅帑。救民水
火之中。而統兵大臣。勒辦遷延。致令元惡稽
誅。堅城未復。朕念及三城百姓遭罹慘劫。輒
恨將帥無能。而每聞該士民等忠憤同仇。人
思自奮。又未嘗不幸民心之大可用也。本年
四月以來。疊據各路奏報。如金陵之四十八
社。揚州之虹橋紳董。皆能同心勦力。協助官
兵。即東壩紳士。盤獲偽官。擊毀賊船。六合等
處練勇。斃賊至數千之多。滁鳳徐宿之間。鄉

民殺賊自衛者比比皆是可見敵愾禦侮忠義自在人心特恐統兵大臣激勵無方或臨事不為援應或論功不能覈實以致義憤之民漸生疑慮功久無成在該士民等享國家二百餘年昇平之福感奮出於至誠當此逆氛肆擾鄉里摧殘公義私讐無不銘心刻骨逆賊奸詭殘忍惟以裹脅為能爾士民等既偏近賊蹤難保不為所窘迫不從則受其屠戮從之則自外生成利害權衡定能熟計近

聞三城賊匪勢已窮蹙且糧食不給專以擄掠為事克復之機時不可失又聞金陵百姓有義約布告上江兩縣約定數萬人併力攻城以義憤之民勒窮蹙之賊揆之天道人心斷無不克之理功成受賞朕將拭目俟之著通諭江南江北士民如果能設法破賊克城殲擒逆首倡義之人朕必優予爵賞其餘亦破格施恩並將該士民等應完錢漕免徵三年因一人之功推及一鄉因一鄉之功推及

一邑諒爾士民亦當同深感奮也至帶兵大臣師久無功朕已屢加譴責所以不即治罪者尚冀其自知愧奮力贖前愆若敢任聽將弁牽制義民使不得成此大功或功成之後冒竊邀恩一經訪聞法不稍貸如能兵民合力同破賊巢埽穴擒渠互相策應不特免其遷延之罪仍可同膺懋賞之榮其濱江一帶城鄉村堡強弱不同人心則一儻士民等力能殺賊破船奪其輜重除優加獎勵外仍以

所得充賞不准兵弁攘功其人少力微僅能自衛者能將糧食等物收藏嚴密斷賊接濟事平之後亦以功論至逆賊船隻皆自擄掠而來如船戶水手能乘間燒毀賊船擒殺逆匪自拔來歸者亦准報官論賞總之兵以衛民民以助兵心貴相聯功不相掩軍營將弁及各屬士民等務須合力同心盡殲醜類用副朕為民除害之至意此旨著該督撫等刊刻謄黃徧行曉諭咸使聞知○又諭王懿德

奏官兵克復廈門一摺。福建廈門自本年四月被匪占踞。王懿德馳赴泉州督同勦辦。節經施得高李廷鈺督率護金門鎮總兵孫鼎鼐副將呂大陴暨候選知府王朝綸等設法據險進攻。分路夾擊。於十月十一日克復全島。前因匪徒占踞廈門同安。我兵未能兼顧。以致仙遊等處日肆鴟張。經此次大兵進勦。克復堅城。辦理尚合機宜。其三都石碼海澄等處餘匪。著王懿德督飭帶兵各員乘此聲

威迅速勦辦。並將仙遊等處匪徒一律肅清。毋再延緩。逆賊黃德美黃位是否被擒。仍著確查具奏。並著查明係何人首先入城。及在事出力文武員弁分別保奏。候朕施恩。毋許冒濫。○又諭劉裕鈐奏舒城失守一摺。覽奏實深憤恨。據稱十月三十日丑刻。據舒城防勦之總兵恆興來至廬郡。告稱舒城已於二十九日申刻被匪攻破。賊已行至舒城所屬之桃村等語。恆興以專聞大員。前因桐城失

守。業經降旨革職。並查明如有退縮逃避等情。卽一面奏聞。一面正法。今既在舒城防勦。何以遽行折回。况舒城於二十九日申刻失守。恆興於三十日丑刻已至廬郡。距失守不過數時。顯係奔命逃回。似此遇賊退縮。畏葸無能之員。尚何足惜。恆興著卽行正法。以肅軍令。○諭軍機大臣等。將肅遠奏甕安縣榔匪滋事。拒殺差役。現飭臬司查辦一摺。據稱甕安縣地方有劉瞎么等糾眾齊榔。沿村勒索。不從者任意拷打。焚燒房屋。並建蓮經廟。為議事之所。民間詞訟不准到官。勒令出錢了事。經該撫委員查拏。該匪膽敢持械抗拒。將差役殺死。經黎平府知府胡林翼等督兵前進。格斃楊三三等多名。現在商賈不通。文報阻塞等情。該匪等聚眾立廟。陵虐無辜。已屬胥不畏法。迨官兵查拏。輒敢拒殺差役。若不嚴拏懲辦。何以肅法紀而儆刁頑。著蔣霽遠責成臬司孔慶鋤。及知府胡林翼等迅速

查拏盡絕根株。毋任一名漏網。並著設法解散脅從。勿令與苗匪勾結。別生事端。將此由五百里諭令知之。○又諭前因皖省情形喫緊。當令舒興阿、毋庸赴楚。即日馳往安徽。會同江忠源、勦辦安慶等處賊匪。本日據劉裕鈐奏稱。舒城於上月二十九日失守。廬州危急等語。現在江忠源已抵皖省。由六安馳赴舒城。惟該撫所帶兵僅二千名。不敷勦辦。著舒興阿遵照前旨。督兵飛速前進。會同江忠

源合力進攻。保衛廬郡。並設法克復舒城。桐城、安慶等處。以期肅清江北。遏賊分竄。萬勿遲延。致干重咎。將此由六百里加緊諭令知之。○又諭劉裕鈐奏。舒城失守。廬州危急。一摺。前因桐城失陷。諭令江忠源等合力進攻。茲逆匪復竄舒城。逼近廬州。情形更為緊要。袁甲三、勦辦穎毫一帶土匪。勢難兼顧。江忠源已抵皖省。由六安趕赴舒城。著即督率兵勇。剋期攻剿。速殄賊氛。該撫忠勇素著。屢立

戰功。朕所倚畀。現在初莅皖任。適值逆匪肆擾。防勦緊急。所帶兵僅二千名。不知前募楚勇。能否趕到。又聞該撫力疾前進。朕心殊深繫念。軍務一切。總須酌度緩急。相機籌辦。劉裕鈐招集團練。設法防堵。務當激勵固守。保衛廬郡。各處要隘。仍須布置周密。呂賢基在舒城辦理團練。尚無下落。實深懸繫。著即查明具奏。徐廣綬前經英桂奏留歸德防剿土匪。須俟豫境漸就肅清。方能赴皖。將此由六

百里加緊諭知江忠源。並傳諭劉裕鈐知之。○署安徽巡撫劉裕鈐奏報舒城失守情形。得旨。呂賢基尚無下落。實深懸繫。該侍郎素懷忠義。必能大節無虧。恆興又像逃回者。呂賢基已亡。恆興豈能使活。○齊齊哈爾副都統特爾清額因病解任。以圍廠總管那敷德為齊齊哈爾副都統。○賞護軍參領文元。副都統銜。為伊犁領隊大臣。○以直隸天津防勦出力。賞長蘆鹽政文謙布政使銜。天津道

張起鵷按察使銜總兵官特克慎。知府錢忻和。知縣謝子澄花翎。守備張振熊等。藍翎。餘陞擢有差。○予廣東勦賊陣亡守備鍾慶瑞祭葬世職。○丁未諭內閣。都察院奏遵查具題議處司員例案一摺。嗣後凡自行查出檢舉案件。應將所得處分寬免者。無論堂司各官。均著於具題時。將應否免議之處聲明請旨。○又諭全慶朱嶠奏請暫留道員幫辦團練城工一摺。通水道海瑛現回本任。前署道

金肇洛著准其暫留通州幫辦團練城工。以資熟手。該侍郎等現在清釐通濟庫款。著派戶部左侍郎羅惇衍。隨帶司員二人。前往通州。會同全慶朱嶠。督同金肇洛。辦理清查。詳細覈算。勿稍含混。○諭軍機大臣等。據勝保奏現在籌辦攻勦各摺片。該逆負隅死守。已逾一月。若不趕緊設法勦滅。恐賊窮必竄。師老則疲。又成餘燼復燃之勢。該大臣膺茲重寄。必應密籌全局。迅奏膚功。以紓朕念。現在

東南一帶尚覺空虛。據稱賊匪欲由東路奔竄。雖已嚴飭西凌阿善祿加意防範。仍恐兵力不敷。前諭勝保催提之張集馨。郝光甲所帶各兵。是否迎提到營。並著隨時相機布置。斷不可令賊他竄。德勒克色楞本係幫辦勝保軍務。現已諭知僧格林沁。迅飭該貝子赴營。協同攻勦。另片奏請增給馬乾銀兩等語。卽照所請。現在軍營馬乾。准其札行糧臺。每馬一匹。日給馬乾銀一錢。以示體恤。將此由

六百里諭令知之。○又諭前據僧格林沁奏。德勒克色楞未能帶兵至勝保軍營協勦等語。現在勝保軍營帶兵需人。德勒克色楞係特旨派令幫辦勝保軍務。著僧格林沁。卽日飭令該貝子迅速前赴梁王莊大營。其所帶蒙古馬隊各兵。著仍留僧格林沁軍營。以備防堵。德勒克色楞務須與勝保悉心妥籌。布置。將獨流靜海兩處逆匪。迅卽殄滅。無令他竄。將此由六百里諭知僧格林沁。並諭德勒

克色楞知之。又諭琦善奏連日設計督攻情形。並金陵逆匪欲援揚州各摺片。已詳晰批示。限於八九日內攻破揚城。諒該大臣必當懍遵諭旨。迅速籌攻。摺內所陳明攻暗擾各法。均係軍營中應辦之事。何必如此鋪張。詫為秘計。著琦善等。即遵批諭。依限克復城池。使逆黨勢孤望絕。則續來之逆匪。聞風膽落。易於殲擒。另片奏續提泰州等處存漕接濟兵糧。即著照議辦理。兵餉如此支絀。而帶

兵大臣。猶不趕緊籌畫。攻克揚城。坐視賊匪他竄。該大臣等。尚有何顏對朕耶。將此由六百里加緊諭令知之。○欽差大臣琦善等奏。連日設計督攻揚州情形。得旨。琦善在軍營日久無功。若再不將揚州克復。盡殲醜類。何顏對朕。何顏對天下之人。此時鋪張過甚。迨賊竄後。何以自解。即使盡屬實在情形。亦不必如此鋪張。朕總以能否收功為定斷。著琦善等於批摺到日。限於八九日內。務須攻破

揚城。殄滅無遺。不准再令蔓延。又滋他患。又奏揚城被圍窮困。聞金陵逆匪欲來援應。批觀此情形。更不可不急攻揚州。尤可慮者。尹逆豈肯坐以待斃。思竄無疑。設南路援應賊至。猶不可顧此失彼。朕日夜盼捷音之速至也。○欽差大臣勝保奏嚴堵賊匪竄逸情形。得旨。所籌各情均悉。萬不可再令竄逸。必就此處殲滅無遺。想汝必能稍慰朕懷。○以兵部左侍郎趙光為

實錄館副總裁官。轉刑部右侍郎雷以誠。為左侍郎。未到任前。以內閣學士潘曾瑩署理。以內閣學士李鈞為刑部右侍郎。光祿寺卿宋晉著禮部左侍郎。都察院左副都御史周祖培著工部左侍郎。○戊申。諭內閣。裕誠等奏。票籤前後不符。查明檢舉。並請旨更正。以歸畫一等語。此次內閣擬寫。句到籤式。與上年不符。並著查取票本。職名交部照例議處。嗣後凡遇瘋病殺人。並卑幼因瘋致死。尊長

及妻因瘋致死夫者均著票擬永遠監禁其應否查辦及不准釋放之處仍著刑部查照定例分別辦理所有上年勾到本內四川省舊事熊黑兒林懷毓山西省舊事石氏葉莊娃四起均著照例更正以歸畫一○又諭已革陝安鎮總兵郝光甲前經派往河南交舒興阿調遣嗣因該革員帶兵行抵連鎮經勝保奏令趕赴獨流大營聽候調撥復據勝保奏該革員遲延半月尚未到營當即降旨革職仍交勝保差委茲據舒興阿奏稱郝光甲所帶之兵已據呈報於十月初八日由直隸阜城縣奉文折回等語覽奏殊堪詫異該員既已行抵連鎮何以復行折回既據稟報未奉勝保飭令赴豫札文何以又有呈報舒興阿奉文抵豫之說且覈計程途時日種種情節支離實不可解當此軍務喫緊之際豈容此等庸劣畏蕙之員遷延觀望貽誤事機著勝保迅即查明郝光甲現在逗遛何處提

訊明確如係捏詞支飾不遵調度著即遵照前旨以軍法從事毋稍姑息尋舒興阿奏郝光甲呈稱十月初七日在阜城縣奉勝保札飭馳赴河南遵即兼程趨進於十月三十日行抵陳州又奉勝保劄赴靜海如已出直境即迅赴河南毋庸折回等語查陳州距靜海寫遠未便令該鎮折回已飭郝光甲隨赴安徽會勘並移知勝保報聞○又諭文韶奏逢次患病籲懇賞假一摺新放蘇州織造文韶著毋庸給假即令回旗交內務府大臣察看該員是否實患散疾如有捏飾規避情事即行據實奏奏○蠲免直隸沙河任隆平柏鄉趙臺城樂城晉深獻交河滄靜海十三州縣並永年武強南皮青四縣被擾村莊新舊額賦及原借折色口糧加賑貧民有差已酉上御懋勤殿勾到直隸熱河山西情實罪犯停決直隸斬犯一人絞犯二人餘二十八人予○諭內閣據江忠源奏逆匪攻陷舒城呂

賢基殉難等語。呂賢基由翰林科道。洊任京卿。朕因其品學兼優。超擢侍郎。本年春間。令其回籍督辦團練。頗能實力任事。該侍郎年力正強。方資倚畀。乃以逆匪竄擾。舒城捐軀盡節。悼惜殊深。呂賢基著追贈尚書銜。照尚書例賜卹。任內一切處分悉予開復。應得卹典該衙門察例具奏。伊子編修呂錦文著俟服闋後。以侍讀升用。尋予祭葬。世職諡文節。諭軍機大臣等。葉名琛。柏貴。奏龍川東江

等處匪徒滋擾。戕官各一摺。覽奏。曷勝憤懣。龍川縣土匪既經署遊擊王世英等帶兵進剿。各匪聞風潛逃。探聞現已解散。著即督飭該遊擊等乘機搜捕。盡數殲除。勿令再有勾結。致滋蔓延。其東江一帶土匪。即嚴飭總兵壽山並署廣州府知府郭超凡迅速籌剿。以期盡殄羣兇。至另片奏籌撥各路餉銀業已委員陸續起解。刻下各路軍營需餉甚殷。京餉亦待用孔亟。著該督撫即飭解餉委員迅

將所解銀十五萬兩分解宿遷鄭敦謹法良兩處糧臺。其餘銀兩趕緊解赴部庫交納。勿稍遲延。另籌捐輸及關稅銀二十萬兩並著迅即派員解部。並飛速知照沿途地方官一體催趲。進行並飭小心防護。不得稍有疏虞。至向榮軍營前據怡良等奏稱籌餉亦甚支絀。並著該督等隨時籌款迅速接濟。將此由六百里諭令知之。又諭江忠源奏舒城失守侍郎呂賢基殉難等語。舒城逼近廬州。逆

匪猖獗殊甚。該撫現因感受風寒不能前進。朕心實深懸繫。現當防剿喫緊之際。督辦需人。本日已諭令福濟兼程馳赴廬州。六安一帶會同該撫及劉裕鈐督率地方文武辦理防剿事宜。該撫如尚未痊愈。所帶兵勇即可交福濟酌量調撥。如已就痊。著即與福濟相機籌辦。飭將桐舒等處賊匪併力殲除。斷不可任令北竄。舒興阿現在帶兵由陳州赴皖。並著咨催迅速前進。袁甲三現在勦辦捻匪。

勢難兼顧廬郡仍著該撫隨時知照該給事中毋令潁亳一帶擒匪與該逆匪勾結為患將此由六百里加緊諭知江忠源並傳諭劉裕鈐知之○又諭舒城密邇廬州為南北咽喉最關緊要呂賢基業經殉難江忠源復因患病不能前進暫駐六安守禦袁甲三勒辦潁亳一帶擒匪又未能兼顧現值勒賊喫緊之際督辦無人恐誤事機著福濟卽行馳赴廬州六安一帶會同江忠源督率該處文武

擇要防勦江忠源如尚未痊愈其所帶兵勇卽由福濟酌量調撥以資攻勦總期力圖克復遏賊北竄安徽情形緊急該督接奉此旨務卽星速就道萬勿耽延所有揚州灣頭一帶防勦事宜卽責成慧成與雷以誠督同查文經等妥籌辦理毋得稍有疏虞將此由六百里加緊諭令知之○又諭賊匪竄踞舒城去廬州僅百餘里江忠源雖已馳抵六安又值患病不能前進本日已諭令福濟馳赴安

徽督辦前據袁甲三奏擬赴蒙懷一帶為廬郡聲援諒已移營前進著卽擇要駐劄迅籌勒辦毋使土匪與該逆勾結為患並探明賊蹤如廬州緊急應如何援應之處酌量辦理徐宿一帶亦須兼顧萬不可令賊北竄將此由六百里加緊諭令知之○戶部尚書孫瑞珍等奏派審存豐代父鳴寬一案究出德春託伊戚驍騎校邢辛轉央吏部書吏張五賄囑承審司員王式言請將邢辛革職王式言

暫行解任審訊得旨邢辛著革職審訊王式言著暫解任審訊餘依議此案雖關原審官受賄枉斷德興等皆係大員諒不至有心迴護爾等若將實情審出朕斷不問爾等失察之罪若故意開脫尤當將爾等加等治罪○實授周祖培工部左侍郎予廣東陣亡同知王治溥知縣扎倫布千總何泰鵬伍雲中黃雄陞黎英亮祭葬世職額外楊萬年監生黃鎮芳優卹如例庚戌諭內閣前因桂良

奏參署直隸藩司張集馨赴調遲延當經降旨將該員革職發往新疆效力贖罪茲據勝保奏稱張集馨現已管帶兵勇趕到著准其暫緩發遣留於勝保軍營帶兵隨勦儘再不知奮勉著即以軍法從事○諭軍機大臣等勝保奏近日攻勦情形又另片自陳衷曲等語朕因勝保勇敢忠誠特命統領諸軍廓清畿輔責任綦重倚畀至專惟望其迅殄賊氛拯民水火自逆匪竄踞靜海獨流距京較近

又命僧格林沁駐兵北路為京師之屏障即為該大臣之聲援實係必不可少之舉試思逆匪被勦窮蹙伺隙奔逃儻北路稍虛豈能杜賊紛竄勝保與僧格林沁共辦一事自應不分畛域兩營聲息時刻相通乃以僧格林沁遣官弁等至營探聽遽謂為監察軍情是自疑因以疑人其所見亦甚狹矣並稱請派親信重臣督率辦理尤屬非是試思該大臣身為統帥豈非親信重臣乎朕既畀以重任

豈復有所猜疑果能奮勉圖功盡殲醜類迅奏蕩平上可以慰朕心下亦可以孚眾望悠悠之口何足介意耶勝保以天下安危自任惟有上知有朕其他勿恤朕亦深知汝能體朕心成此大功但任事之人自有難處不待汝言朕已早鑒現在逆匪勢窮思竄若伏兵要路誘賊離巢為截擊之計是否確有把握儻徒為收復獨流靜海起見縱令竄逸勦辦更難得手至所稱於上游築壩洩水斷流以

冀剋期滅賊自係要著務即趕緊籌辦萬勿再有遲延該大臣忠勇素著諒能計出萬全不負委任也將此由六百里加緊諭令知之又諭琦善等奏另股賊匪擾及儀徵一摺據稱初二日有金陵賊匪竄至儀徵沙漫洲地方分股登岸哲克東阿張守仁帶兵迎勦初三日已刻賊匪先撲儀徵南門復撲西門縣城旋即失守儀徵距揚城甚近道路分歧皆為我兵大營後路形勢最為緊要該大臣

等何竟毫無防範一至於此此時若不趕緊設法克復儀徵我兵腹背受敵其患何可勝言著該大臣等迅即派委大員帶兵馳往勦辦所稱賊眾圍困營盤哲克東阿等打仗情形尚無消息是否派兵前往救援未據聲敘儀徵失守顯有內應該縣都榮森平素不得民心賊至並未堵禦現在何處著查明如有逃避情事即以軍法從事浦口瓜州賊匪經瞿騰龍等屢次擊退仍著督飭該總兵等加

意嚴防遏賊北竄將此由六百里加緊各諭令知之參贊大臣僧格林沁奏飭令德勒克色楞馳赴勝保軍營得旨現在北路最關緊要務須加倍嚴防汝在北路防嚴俾勝保及早成功肅清畿甸則汝捍衛京都之功為最○改鑄浙江烏程縣知縣印信從巡撫黃宗漢請也○予直隸陣亡守備傅文煥千總馬楨外委韓光耀祭葬世職○辛亥諭內閣王茂蔭奏保本籍人員回省帶勇防勦一摺

刑部郎中李文安著准其回籍督率練勇協力防勦所請賞加御史銜准令奏事殊屬非是著毋庸議呂賢基之子呂錦文並著回籍幫同勦賊至已革江蘇巡撫楊文定係因失守地方拏問治罪豈得以其曾在本籍招募壯勇遽從寬典所請飭令回籍帶勇協勦之處著不准行○又諭倫恭奏拏獲軍營逃犯一摺馬甲景福既據該副都統飭屬訊明由僧格林沁軍營逃回屬實即應在密雲本處

地方懲辦庶足示儆乃漫無主見率請飭交刑部審辦糊塗已極景福著即在密雲正法以肅軍令○諭軍機大臣等據恆春奏地丁銀兩礙難借徵一摺所奏自為體恤民情起見現在軍餉如此艱難鉅款萬無可措不得已而議及借徵不特非朕心所願即在廷臣工亦誰不知辦理之難該撫身膺疆寄督率屬員自當於萬分棘手之中力籌辦法乃甫經奉旨即先存畏難之見但顧一己之名其

如國計何。況被賊地方。悉與剔除。徵收限期。又准該撫酌覈辦理。朕於此事。亦已詳度再三。惟恐民間稍形苦累。卽下農小戶。曉諭畸零。有不能一概辦理者。法外之意。騰黃所未明言。全在大吏風示開導。使官與民隱微相喻。方為妥善。豈可因一州一縣。偶有災荒。遂將本省及鄰省大局。通行牽掣。果如該撫所奏。州縣徵糧。向不至浮收數倍。此朕所亟望於該省官吏者。真能絲毫不染。民間自必樂

從。著該撫卽行遵照前旨。妥為宣示。其一切詳細辦法。卽著隨時酌覈辦理。總期嚴除弊端。廣儲軍餉。不可首倡難辦之議。使愚歸於己。怨歸於上也。至該省現辦捐輸。據稱竭力勸諭。務較往屆加增。並催下忙錢糧迅速起解。著卽認真分別妥辦。毋稍遲延。本日據前任祭酒彥昌奏請給發官票。勸諭富戶出銀一摺。是否可行。著該撫體察情形。妥為辦理。原摺著鈔給閱看。將此由。六百里諭令知之。

史
以光祿寺卿富興阿為都察院左副都御

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十一

用副朕明慎用刑至意。將此通諭知之。○諭軍機大臣等。前經疊降諭旨。令舒興阿馳往安徽會同江忠源勦辦逆匪。未據該督奏報何日抵皖。昨因呂賢基殉節。江忠源因病尚在六安。賊氛逼近廬州。已令福濟馳赴該處督辦防勦。惟揚州尚未攻克。儀徵又復失守。福濟之能否分身前往。尚不可知。河南雖界連楚皖。惟楚北賊踪已經下竄。唐樹義帶兵跟蹤追擊。該匪必順流而南。設與皖省匪徒

黨為大股。北向奔突。不但廬州可危。即潁鳳蒙亳一帶。皆係曾被蹂躪之區。兵勇無多。人心未固。捻匪復時常出沒。儻經該逆勾結肆擾。勢將不可撲滅。惟有趁其未至廬州。迅速帶兵前往保衛。力遏賊鋒。方可設法收復舒城。桐城。安慶等處。該督前奏以陳州。歸德。光州各屬毗連皖境。因請駐守陳州。是藉防堵為名。置兵於無賊之地。於事勢緩急道途險易。絕不一加忖度。是誠何心。賊情剽疾異常。

我兵遷延愈甚。近來統兵大臣率蹈此種惡習。舒興阿乃亦出此實所不解。著該督於接奉此旨後。即日兼程馳抵廬州。與江忠源迅籌攻勦。其皖豫交界各處均在潁亳後路。大兵經行。便可隨處察度兼顧。不得因已派福濟帶兵應援。遂觀望不前。徒糜軍餉。儻該督赴皖遲延。以致賊蹤北竄。朕豈能置舒興阿於不問耶。仍著該督將行抵皖境日期。先行迅速具奏。本日據青巖奏。咨商該督撥兵防

堵信陽光州各要隘。已諭知英桂就近酌量派防矣。將此由六百里加緊諭令知之。○又諭前據英桂奏。馳赴南陽防堵。當降旨諭令嚴飭地方文武督率兵勇實力巡防。本日青巖奏報賊由黃岡逼近光州。又信陽州捻匪四起。與隨州緊連等語。是光州信陽等處均關緊要。信陽僅有派防兵勇一千餘名。實形單薄。該撫前奏即咨明舒興阿迅飭甘肅遊擊王定榮帶兵馳往信陽。擇要駐守。目下是

否已到著英桂嚴飭南汝光道會同各帶兵將弁將該處各要隘認真防堵無稍疏懈該撫現帶兵勇駐劄南陽郡城惟光州信陽一帶俱接壤湖北距南陽尚遠該撫務當統籌兼顧督飭總兵柏山撥兵防堵並飭光州所屬嚴密設防無令楚北賊匪闖入豫境仍派委妥員將黃河口岸認真巡查密防奸細偷渡是為至要舒興阿現已馳赴皖省勦辦逆匪豫境防勦事宜該撫責無旁貸務當竭力妥籌無稍貽誤將此由六百里加緊諭令知之○又諭前據吳文鎔等奏賊船停泊黃州省城未可撤防本日復據青譽奏德安精兵調空鄉勇未盡可恃是該督與該學政一則防賊回竄一則慮賊旁擾均係就所駐之地而言此時巴河一帶為賊蹤蟻聚之所自以急勦黃州逆匪為尤要楚省兵單即併力進勦猶恐不能得手豈可再於無賊之地分布設防現在青譽已飭副將駱永忠馳赴黃州

本日復傳諭唐樹義盡力跟勦著該督等悉心體察如防城兵勇尚可分撥即行酌量調往庶可得力其德安府城係北連豫省之地亦關緊要已諭知青譽妥為防守據青譽奏十月二十三、四日唐樹義獲有勝仗二十八日復有大股直撲黃州兵皆潰散未據該督撫奏報朕心甚為懸繫又據奏稱潮勇素稱頑健儻散布句結尤為可慮此項潮勇用之固難若驅之不用又恐助逆為患應如何駕馭彈壓著與青譽妥商辦理將此由六百里加緊諭令知之○又諭青譽奏德安府防兵不敷鄉勇未可盡恃等語所奏德安各屬處處喫緊自係實在情形惟據另摺陳奏黃州較德安尤為喫重駱永忠之兵不能不令其馳赴是該學政續接探報已深悉巴河一帶賊情緊急湖北兵力之單不獨德安一處當賊擾孝感時固須嚴扼該郡以杜北竄之路賊已下竄自應撥兵跟勦吳文鎔若祇顧省

垣誠屬不知緩急。惟移兵就賊。亦自應先其所急。前據該督奏。唐樹義馳抵黃州。擊賊獲勝。係十月十九日之事。今該學政片奏。二十三四日。復有勝仗。又有二十八日。賊撲黃州。兵皆潰散之語。所探是否確實。其賊由黃岡逼近光州一節。黃岡距光州二百餘里。既有唐樹義帶兵在彼。諒不至遽行逼近。本日已諭知英桂。於楚豫交界。一律嚴防。南陽信陽等處。均令兼顧。所有楚豫接壤地方。如何防

剿賊匪之處。該學政即可隨時知照。英桂相機妥辦。唐樹義剿賊情形。連日未據吳文鎔等奏報。駱永忠所帶之兵。現已調赴黃州。即著唐樹義督帶兵勇。緊躡賊蹤。盡力追殺。毋使再行回竄。另摺奏盤獲奸匪之廩生羅晉象。武童黃金龍等。懇請鼓勵。並審訊匪犯。究出重情之該委員等。著青麐酌量保奏。以獎微勞。將此由六百里加緊諭知青麐。並傳諭唐樹義知之。○又諭據怡良許乃釗奏進攻

上海米陸獲勝一摺。詳閱所奏。仍不過小有斬擒。並未能大挫兇鋒。該匪負隅抗拒。城內所存糧食本多。又向奸夷購買大礮。顯係意圖死守。若不趕緊設法攻克。不特有礙來春海運。且關繫松太各屬大局。該督撫所稱。現已占得地利。並囊土成堆。穴牆開礮。俾城上之賊立腳不住等語。自係已有把握。即著迅速布置。尤須嚴斷接濟。並飭吳健彰。密籌妥辦。毋令夷奸與該匪勾結。方可得手。現在水

陸各軍。已不為少。怡良許乃釗等。惟當嚴飭兵勇。及早克復縣城。以副委任。將此由六百里加緊諭令知之。○蠲減江蘇上元。江甯。江都。甘泉。丹徒。上海。江浦。六合。儀徵。泰。嘉定。寶山。青浦。南匯。川沙。太倉。鎮洋。句容。丹陽。長洲。元和。吳。吳江。震澤。崑山。新陽。金壇。華亭。婁。賢。金山。武進。陽湖。無錫。金匱。江陰。宜興。荆。潞。靖江。常熟。昭文。溧陽。太湖。四十三廳州縣。被擾村莊。並鄰近地方。新舊額賦。○癸丑諭內

閱嘉善師曾奏挑選看守園庭官兵舉行團練請動支該衙門生息銀兩等語此項守護園庭官兵為數無多團練是否得力未便動用公項著嘉善等設法辦理所請生息銀兩著不准開銷如此項團練官兵不能得力即著停止○諭軍機大臣等扎拉芬奏等奏請派員查驗礦苗等語據稱接到部咨奏准於新疆地方招商開採金銀礦砂當經行知烏魯木齊都統轉飭詳查旋據該都統覆稱並無認視礦苗之人著易棠揀派熟悉礦苗人員前往烏里雅蘇台產金處所詳細履勘有無可採據實覆奏將此由四百里諭令知之○又諭寄諭參贊大臣僧格林沁朕聞已革九江道士魁現在該大臣軍營該革員前據御史方俊奏參前在賽尚阿軍營狡詐貪鄙大煽威柄以致物議沸騰今復隨該大臣前往朕偶爾思及甚不放心在該大臣秉性忠直推誠待人朕所素知轉恐因此受人欺蔽

似此劣蹟昭著之員何必留於軍營再滋物議著該大臣飭令士魁刻即回京無稍逗遛據張錫庚奏天寒冰凍近畿南面亟宜嚴防並據彥昌奏斷賊接濟等情著該大臣體察情形妥籌辦理原摺片均著鈔給閱看將此諭令知之○又諭前據向榮奏遵旨派和春馳往徐州所有鎮江軍務即委余萬清接辦該革員能否勝任曾降旨查詢未據覆奏茲據怡良許乃釗奏稱鎮江地方緊要斷非生手所能接辦請仍令提督和春一手經理等語自係實在情形和春著仍留鎮江統帶水陸諸軍以資籌勦無庸前往徐州該大臣等即責成該提督迅速克復鎮江無稍延緩余萬清著即飭令渡江交江忠源酌量差遣本日據宋晉奏東壩為蘇省咽喉請於壩口一帶立木椿木城以資守禦等語如此布置能否得力該大臣等酌度辦理原片著鈔給閱看將此由六百里加緊各諭令知之○又諭

現據王大臣會同該部議裁南河河庫道一缺已依議行矣楊能格現署江南藩司著即令其接辦糧臺事宜並著琦善飭令鄭敦謹將糧臺經手事務移交清楚即回河南藩司本任毋稍遲延將此由六百里加緊諭令知之○又諭前有人奏請令廣東雇覓海船馳赴江南並令與候補道伍崇曜商酌雇覓當交葉名琛等查辦矣茲又有人奏請特諭伍崇曜迅再添募紅單船百號剋期前赴江南

助剿並稱前太常寺卿龍元僖可以幫辦此舉丁憂給事中蘇廷魁可以帶船入江等語江南賊匪四出竄擾總由江面為其所踞若此項船隻果能雇備妥速駛行入江則三城盤踞之賊自不難一鼓蕩平著葉名琛柏貴與伍崇曜龍元僖悉心商酌迅速辦理一切雇募之費即與該二員設法妥籌或分任或勸捐總期區畫盡善俟辦有成效即選派得力將弁管帶由海入江以資勦洗如蘇廷魁

能督帶前往諒必更可得力該員等果能辦成此事肅清江面自當破格酬庸渥加恩賞也將此由六百里加緊諭令知之○又諭本日據宋晉奏曾國藩鄉望素孚人皆樂為效用請飭挑選練勇雇覓船隻順流東下與江忠源水陸夾擊速殄賊氛等語前因湖北緊要諭令該侍郎督帶楚勇駛出洞庭湖迎頭截剿旋據該侍郎奏稱武昌現已解嚴擬暫緩赴鄂即在衡州趕辦戰艦添置礮位教練

水師各等情諒已辦有頭緒現在安徽逆匪勢甚披猖連陷桐城舒城逼近廬郡呂賢基已經殉難江忠源又復患病暫駐六安不能前進皖省情形甚屬危急總由江面無水師戰船攔截追剿任令賊踪往來自如以致逆匪日肆鴟張該侍郎前奏亦曾籌慮及此著即趕辦船隻礮位並將前募楚勇六千由該侍郎統帶自洞庭湖駛入大江順流東下直赴安徽江面與江忠源會合水陸夾擊以期

收復安慶及桐舒等城。並可牽制賊匪北竄之路。現在廣東紅單船數十隻。計已由閩入江。又有艇船數十隻。均可備夾擊之用。該侍郎忠誠素著。兼有膽識。朕所素知。諒必能統籌全局。不負委任也。將此由六百里加緊諭令知之。○又諭。張之萬奏擒匪聚眾。速宜撥剿。並請飭撫臣。將南汝光歸陳一帶州縣文武緝捕事宜。認真查辦等語。河南光州之固始。陳州之沈邱。項城。俱時有大股擒匪。焚搶

居民。必應及早殲除。免致與粵匪勾結。該撫現駐南陽。其光州一帶擒匪。即督飭總兵柏山。迅速剿辦。牛鑑交卸臬篆後。即著馳赴陳州等處。與徐廣縉專辦剿捕擒匪。分路撥緝。務將首夥各犯悉數殲擒。勿留餘孽。擒匪聚散無常。此等彼竄。全在地方文武員弁認真緝捕。不得以該匪逃散。即為了事。英桂到任未久。無所用其迴護。該地方官如有緝捕不力。不能固結民心。認真辦理團練者。即著從

嚴叅辦。毋稍姑息。原摺片著鈔給閱看。將此由六百里加緊諭令知之。○直隸總督桂良奏。報得雪情形得旨。現在賊匪未除。吾民何由欣忭。況冬雪雖霑。開歲農工。為日甚長。未至新秋。何能稍存侈大。覽茲幕客。閱文反增愁悶耳。爾為大吏者。尤當以從實為第一要務。○裁南河河庫道缺。以其職歸淮揚淮海。准徐各道管理。從戶部左侍郎王慶雲請也。○賞前湖北武昌陣亡總兵官常祿子中書

霍隆武員外郎。○甲寅。

聖祖仁皇帝忌辰。遣官祭

景陵。○

上詣

壽皇殿行禮。○詣

壽康宮問

皇貴太妃安。○以江蘇辦理海運出力。予同知

朱鈞等升敘有差。○賑山東濟甯金鄉嘉祥

魚臺滕嶧鄒七州縣。被水災民三月口糧。並

蠲緩新舊額賦有差○緩徵山東章邱鄒平
長山新城齊東濟陽臨邑德德平平原陽信
商河汶上陽穀曹鄆城朝城城武恩邱夏津
臨清歷城齊河禹城泰安東平利津滋陽壽
張荷澤單鉅野濮堂邑茌平清平莘館陶冠
武城范觀城憲化郟城沂水臨淄博興樂安
壽光濰聊城東阿濱費高苑高密惠民定陶
高唐六十州縣被水被旱被風被雹被擾村
莊新舊額賦及各項租課並原借籽種口糧
有差○展緩兩淮富安安豐梁垛東臺何垛
丁溪草堰劉莊伍祐新興廟灣板浦中正臨
興十四場被淹龜地壓徵新賦有差○賑廣
東南海三水曲江海陽豐順大埔澄海高要
高明東莞香山樂昌英德清遠四會饒平歸
善博羅封川連鎮平陽山二十二州縣被水
災民並給房屋修費有差○撫恤琉球日本
二國遭風難夷如例○乙卯諭內閣前據戶
部尚書孫瑞珍奏請援照成案捐輸舉人以

濟軍餉當交巡防王大臣軍機大臣會同戶
部議奏旋經御史何其仁錢慶善彭慶鍾等
各具摺請飭停議所奏均不為無見茲據惠
親王等遵旨悉心酌覈會議具奏並援引道
光年間
諭旨及上年朕所降諭旨聲明湖南附生李概
福建廩生黃貽楫均係捐貲助餉特旨賞給
舉人若定為捐例轉不足以昭異數等語著
照所議此後各直省曾應鄉試各生捐備軍
餉如李概黃貽楫捐數者由各該將軍督撫
等據情入奏或由部聲明請旨候朕施恩不
得徑行請給舉人致違定例所有孫瑞珍請
援案捐輸舉人之處仍著無庸議至錢慶善
請諭令孫瑞珍之子弟回籍試行勸捐識見
鄙屑殊失政體著傳旨申飭○諭軍機大臣
等戶部奏河東鹽務亟籌變通一摺河東鹽
務自有僉商之議百弊叢生近年以來酌議
章程屢定屢改不過調停於長商短商之間

仍未能經久不敵。今據該部奏請。就現在運商一百餘家。各按籤地之多寡家貲之厚薄。令其捐免充商。永無僉舉之患。該商無不樂從。所有鹽課另議。就場徵收恤商裕餉。誠為兩得之計。據該部約計捐貲可得銀數百萬兩。軍餉要需亦可藉資接濟。至就場徵課。該部所陳各條果能經理得人。必當日有起色。恆春前在山西。歷任有年。於該省釐政情形。定能洞悉。今任巡撫。釐政是其兼管。亟應妥

籌良法。與時變通。著卽照該部指陳各節。體察情形。速議章程。奏明辦理。並先將捐免銀數覈實奏報。聽候撥用。毋得任聽屬員蒙混遷延。致滋貽誤。原摺著鈔給閱看。將此由四百里諭令知之。○又諭勝保奏初九十二等日靜海獨流兩處剿賊獲勝一摺。此時逆匪窮蹙已極。自不難立就殄滅。北路一帶。經僧格林沁疊次奏報。防堵悉臻周密。惟西路一帶似尚不甚可靠。現在慶祺劄營。正在獨流

西面。著僧格林沁卽行傳旨諭知該侍郎。酌度緩急。嚴飭西路各營鎮將。悉力堵截。儻有防範不嚴。被賊竄逸情事。朕不但將不遵調度之鎮將從重治罪。卽慶祺亦不能辭咎。該大臣前派伊勒東阿。那敷德帶兵前往慶祺軍營協剿。想已早籌及此。務當嚴飭各營將弁。不分畛域。合力同心。殄此窮寇。以慰朕望。將此由六百里加緊諭令知之。○又諭勝保奏進剿獨流逆匪大獲勝仗一摺。逆匪窮蹙

已極。我兵攻剿愈力。該逆必思他竄。該大臣洞悉賊情。自能節節布置。無待朕之諄囑。所稱西路官兵不免稍存畛域。請旨責成慶祺嚴防等語。已諭知僧格林沁傳知該侍郎遵辦。勝保統領全軍一切調度。各營自應遵照著卽傳旨諭知慶祺盡力堵截。其西凌阿等防堵西南等處。亦著一體傳知。毋令貽誤。將此由六百里加緊諭令知之。○又諭琦善奏。剿辦揚城竄匪及三汊河賊匪一摺。並儀徵

營兵回揚情形等語。自本月初三。至初七等日。疊次接仗揚城。如何攻復。大軍如何布置。既未見有把握。所奏各情。不過數日中小。有新獲據各營稟報入告。於實在賊情若何。未曾查明。及此時。皖境賊氛愈熾。南岸江鎮兩城。亦收復無期。上海土匪猖獗。明歲漕運北來。河海兩途。俱難懸斷。朕心焦灼。該大臣豈不知之。稍有天良。亦當感愧思奮。現在大兵萃聚揚州。如先將郡城克復。則儀徵瓜州。

自必勢如破竹。儻先行分兵收復儀徵。乘賊入城。布置未定。易於得手。並將瓜州。三汊河。賊蹤截斷。不令互相援應。則揚城之賊勢益孤。亦不難於勦辦。該大臣等。擬如何進攻。當有成算。疊次所降諭旨。責備成全。均有深意。儻再因循日久。國法俱在。不能曲宥也。哲克東阿等。如何下落。儀徵賊匪。是否占踞。抑欲他竄。現派何員帶兵往勦。均著迅速查明具奏。其七里店一帶。即著陳金綬嚴防扼守。毋

令該匪竄越為要。將此由六百里加緊各諭令知之。○又諭前經降旨諭令台湧擇要截勦。與吳文鎔等隨時知照。互為聲援。茲據該將軍奏稱。應否帶兵赴省。並添兵派防襄陽。請旨定奪。一摺。軍情變幻靡常。全在酌量緩急。相機布置。若必事事請旨。則往返數千里。接奉諭旨之時。情形又各不同。豈可稍涉拘泥。現據吳文鎔等奏稱。省城業已解嚴。賊船停泊黃州。是目下楚省情形。黃州最為緊急。

武昌稍可從緩。據稱崇綸函咨該將軍赴省合勦。吳文鎔又咨稱不必來省。如賊船回竄。省城警急。再行飛咨帶兵前來。自應酌度緩急。照此辦理。至襄陽等處。亦應豫為防範。所請將提鄭兩標兵一千三百名。令遊擊翟萬林帶赴襄陽。著即嚴飭該遊擊會同安襄鄭荆道羅遵殿實力籌防。無稍疏懈。總之武昌省城。與荆襄均關緊要。該將軍現署提督。惟當統籌全局。與吳文鎔崇綸協力同心。先其

所急不可稍分畛域將此由六百里加緊諭令知之○又諭前因黃州緊急降旨令吳文鎔等悉心體察如防城兵勇尚可分撥即酌量調赴黃州本日據台湧奏崇綸函咨該將軍統帶滿兵赴省台湧因荊州重地未敢遠離且因十月中吳文鎔曾咨稱賊已退出不必添兵赴省與崇綸所咨似屬兩歧請旨定奪等語現在巴河一帶賊踪蟻聚該督等自以急勦黃州逆匪為尤要台湧所選滿兵二千如能統帶前往自可協力助勦惟荊州為楚西重鎮若將派防滿洲官兵全行調撥出境萬一逆匪乘虛竄入貽誤非輕據台湧奏稱省城內外兵勇已有萬餘以目下情形而論所有台湧前選滿洲官兵二千自應駐劄荊州以資防守軍情變幻旦夕不同著吳文鎔崇綸體察情形隨時知照台湧互相策應如巴河上下賊勢鴟張有必需助勦之處仍可咨商台湧酌量調撥總之省垣防守與荊

襄等處均屬緊要該督等務與台湧協力同心妥籌布置不可稍分畛域顧此失彼致誤事機將此由六百里加緊諭令知之○欽差大臣勝保奏攻勦獨流獲勝得旨汝之忠誠奮勇使朕欣慰實汝之福而朕任汝無疑亦無愧於知人也○山西巡撫恆春奏已革知縣程震佑起解並無鑽營逗遛情弊得旨若非嚴旨飭催此時必不能啟程朕亦不為己甚惟令汝捫心自知愧耳○以攻勦直隸獨流逆匪獲勝賞參將樂善副將銜復翼長玻崇武頂帶總兵官德坤副將邱聯恩以接應遲延摘去頂帶○丙辰諭軍機大臣等御史錢慶善奏稱僧格林沁勝保軍營情形一摺已諭知勝保嚴密布置矣朕思該大臣統領重兵扼要駐劄原為捍衛京師兼可為勝保後路聲援現當獨流靜海攻勦喫緊之際如該逆乘虛竄越必應防範周密方免疏虞該大臣當已籌慮及此務須隨時偵探逆情以

遏賊蹤北竄。其安置帳房及守夜巡邏。應如何倍加嚴密之處。惟當相機籌辦。勿稍大意。為要。原摺著鈔給閱看。將此由六百里諭令知之。又諭。御史錢慶善奏稱。近日攻擊逆匪木城。天津義勇先入官兵。未能接踵前進。以致勇人受傷。漸生怨懟等語。天津義勇素稱驍悍。前經諭令勝保查明兵勇合在一處。有無牽掣。據實具奏。昨據該大臣奏報。十二日勝仗情形。此項義勇亦甚出力。所稱兵勇

相睽之處。是否實有其事。著該大臣實力拊循。務使兵勇一心。互相策應。以期迅速滅賊。至所稱此股逆首。一思東竄。一思北來。詭計未定。乘此勦擊。必不相顧。又稱賊匪木壘頭二層均係空壘。假作礮位。第三層始用槍礮。該逆火藥不繼。為此虛狡之技。亦屬情之所。有。該大臣逼近賊巢。偵探較確。著即妥速設法。迅籌攻剿。但有可乘之機。不可坐失。前據彥昌奏決河淹灌賊壘等語。是否可行。亦著

該大臣體察妥辦。將此由六百里諭令知之。○又諭。本日據聯順等奏。拏獲來京探信奸細一摺。據該犯劉澄徹供。於十月初間。同李四兒。王貴子。由獨流來京。進廣安門。到菜市口。找覓房間。未得。仍回獨流。二十六日。復同崔五。艾三。來京。找房。十一月初六日。在正陽門橋頭分手等語。現在崔五。艾三。自必仍在城中潛匿。著順天府五城速即派委妥員。嚴密查拏。務獲歸案審辦。至該犯於十月間來

京潛住多日。並據開店人崔五供稱。有本年春間。曾留該犯住宿之語。若非開店之人。通同徇隱。則該犯何能來去自由。且恐來京奸細。斷不止此數人。著順天府五城密派妥員。將京城內外各客店。不動聲色。嚴行躡查。如有來歷不明。行跡可疑之人。迅即捕拏。並將容留之鋪戶。一併拏獲。從嚴究辦。毋稍疏縱。原摺著鈔給閱看。將此各諭令知之。○丁巳。諭內閣。本月二十二日冬至。

南郊大祀前經降旨朕親詣行禮茲因腰疾致累恐升降拜跪未能如常不足以昭誠敬著派恭親王奕訢恭代行禮○又諭刑部奏請酌定私鑄大錢罪名一摺本年刑部辦理王立兒私鑄大錢一案照新定私造官鈔章程擬以斬候業經照議允行惟原情定罪法在必行現當局鑄大錢膽敢玩法私造即立置重刑亦屬罪所應得但恐承審各官或因罪名甚重改移情節巧為開脫是峻法徒為虛設而貌法奸民轉因此而倖免嗣後私鑄大錢人犯著即照刑部所請首犯匠人俱發新疆給官兵為奴所有前議斬候之王立兒等一案即著照此辦理至私鑄大錢為數較多或數不及十千而私鑄不止一次者並著照私鑄制錢本例辦理○又諭詹事府贊善清安奏軍營獲罪發遣劣員不准逗遛並請飭令地方大吏嚴加考覈以儆官邪等語軍興以來地方文武各員不能先事籌防以致逆

匪經過地方慘遭蹂躪其武職將弁平日既懈於操防臨時又毫無布置積習相沿實堪痛恨總由各省督撫大吏平時瞻徇情面不能認真考覈屬員任令貪劣無能之輩濫竽充數及至貽誤事機即將該員等從重治罪於事何濟著各省督撫於該管文武各員隨時嚴加考察如有庸懦不職者即行據實嚴參毋稍徇隱至軍營失事各員業經定罪發遣著於奉旨後迅速起解不准藉詞逗遛以肅軍律而昭炯戒將此通諭知之○雲貴總督羅繞典等奏請將獲盜之文山縣知縣送部引見得旨馮峻才著送部引見該督撫接准部咨率行奏聞併未請旨實屬顯違定制羅繞典吳振械均著議處○蠲減雲南巧家會澤尋甸建水四廳州縣被賊被水地方本年額賦有差○戊午

上詣

壽康宮問

皇貴太妃安。○諭內閣。戶部奏遵議分賠欠解銀米一摺。此次江蘇省海運漕糧。除起運正耗米石外。尚有應行撥運米二十餘萬石。節省銀三十餘萬兩。借領司庫銀十五萬兩。該省實徵確數。業經奏報在先。截漕米石。亦係留作軍食。何以遲延至今。該稱民欠所有此項銀米。著怡良許乃釗責成總辦海運之前任江蘇藩司倪良燿。查明經手各員。及辦漕各州縣實欠數目。按成分賠。即照部定限期。

嚴催交納。如再延宕。即著該部嚴叅懲辦。○諭軍機大臣等。舒興阿奏遵旨赴皖進剿。需餉孔亟。請飭籌解等語。前有旨令舒興阿帶兵由豫迅往安徽。與江忠源會剿安慶等處賊匪。以期肅清江北。現當勦辦喫緊之時。所有進征官兵軍餉。最關緊要。前據舒興阿奏由陝西藩庫籌撥。茲已將次用竣。自應迅籌撥解。以資接濟。著張祥河督同藩司迅速籌款。趕緊派委妥員。即日解赴舒興阿軍營應

用。無誤要需。將此由六百里諭令知之。○又諭舒興阿奏派兵揔捕皖豫交界各處捻匪。並遵旨籌防各摺片。捻匪乘機肆擾。必宜及早殲除。英桂現駐南陽。其信陽光州一帶。自可督飭總兵柏山迅速籌剿。前已有旨令藩司鄭敦謹速回本任。牛鑑交卸臬篆後。即赴陳州等處。與徐廣縉專辦剿匪事宜。其潁鳳蒙亳各處土匪。袁甲三現亦辦理得手。惟廬州十分緊急。江忠源病尚未愈。福濟之能否

應援。亦難豫定。著該督仍遵照疊次諭旨。即行督兵兼程前進。飛赴廬州。與江忠源會籌攻剿。迅期收復安慶。及桐城舒城等處。毋稍遷延。致有貽誤。已革總兵郝光甲。自山西帶兵前赴直隸。沿途藉詞耽延不進。已諭令勝保嚴查。如係有心逗遛。即以軍法從事。現既帶兵折回豫省。著該督飭令該革員戴罪自效。派赴前隊剿賊。如再不知愧奮。即著於軍前正法。以肅軍律。近來領兵各員。畏葸退縮。

幾成錮習。實堪痛恨。該督務當振刷精神。以作士氣。毋視訓誡為具文也。將此由六百里加緊諭令知之。○戶部奏遵議淮安關監督福瑞短收稅銀。請寬免處分子限三年完繳得旨。福瑞處分原可寬免。該監督罔顧國課。攸關率行自請免議。殊屬膽大。著改為降四級留任。不准抵銷。戶部堂官並未看出。依樣議准寬免處分。亦屬非是。祁寓藻等著申飭。○賑福建永定。上杭。武平。三縣被水災民。○

己未。諭內閣。莊親王奕仁奏請諭外藩捐輸一摺。我朝撫馭外藩。恩義兼至。歲時朝覲。方且賞賚有加。前因籌備軍需。外扎薩克各蒙古部落呈請報效。朕嘉其忠悃。優予褒獎。不令捐輸。正期軍務及早告竣。與遠近藩服同享昇平之樂。豈有因其愛戴情殷。不加體恤之理。奕仁妄言無知。不識大體。著傳旨申飭。○諭軍機大臣等。朱鳳標奏守門兵弁藉法營私一摺。據稱侍讀全國均有家人從湖北

來京。由廣安門進城。門軍查問數語。即向索飯錢二百文。任意放入。並未將其人行行李查看等語。京師各城門弁兵。原為盤緝奸宄。而說現當巡防喫緊之際。更應加倍嚴密。逐細稽查。若索得錢文。即行放進。是奸細無難滲入。商民轉致擾累。其弊不可勝言。著步軍統領衙門嚴飭值班官兵。認真盤詰。如有形跡可疑者。即拏獲送究。其實係良民。不得以查察為名。刁難留滯。並著將廣安門勒索錢文之人。查明嚴辦。以杜弊端。原摺著鈔給閱看。將此諭令知之。○又諭有人奏廣東米價昂貴。請飭妥為籌辦一摺。粵省歲收歉薄。糧價驟增。粵西穀米。亦未能運東接濟。現在外洋米船到粵者。均囤聚香山澳下。此項米糧。如能分撥。令民間招商購買。亦足以接濟民食。著葉名琛。柏貴。體察情形。妥為籌辦。另片奏土匪竊發。須官紳聯為一氣。並添設游兵。抄探賊蹤等語。並著該督撫隨時飭屬認真辦

理總期弭患未萌勿致別滋事端為要前諭令招商販運夷米赴上海兌收現在如何酌辦至撥解江南大營及福建省軍餉諒已籌出款項即著妥速解往毋誤急需原摺片均著鈔給閱看將此由五百里諭令知之○又諭給事中賈世行奏捕役勾結土匪肆行搶劫一摺據稱本月十三日夜有土匪百餘人在夏店煙郊等處連劫數家搶奪銀物由通州東門外土壩過河通遼練勇跟追拏獲多名

經練局訊明內有通州捕頭散役及三河實坻官人等語捕役勾結土匪在近畿搶劫實屬督不畏法著順天府迅即嚴飭通永道親提該犯等嚴行審訊如果屬實即將該犯等不分首從概行正法並將逸犯勒限嚴拏盡數弋獲毋許一名漏網又據朱鳳標奏京東有重兵駐守其大城文安霸州固安涿州良鄉房山昌平順義三河等處均係進京要路至內城保甲亦未編查所有各州縣寺廟

客寓及京城內外庵觀飯堂車廠及雜院居戶難保無窩奸之處並著順天府迅飭各該管官一體認真嚴查以杜奸宄而靖閭閻賈世行摺並朱鳳標片均著鈔給閱看將此諭令知之○又諭本日據朱鳳標奏京東現有重兵駐守奸匪每由西北一帶進京近畿州縣如大城文安霸州雄縣固安涿州良鄉房山昌平順義三河等處應飭編查保甲嚴密稽察等語著桂良迅即嚴飭各屬於衝要處

所認真盤緝毋稍疏懈凡寺廟客寓飯鋪等處均宜一體嚴查如有來歷不明形跡可疑之人迅即捕拏究辦並將容留之鋪戶一併嚴懲以靖奸宄將此諭令知之○又諭連日疊降諭旨令舒興阿馳赴安徽會剿該督已早經奉到且該督先後接准江忠源與吳文鎔等信函皖省情形緊急自應迅速赴援何以該督屢次奏報仍在陳州並藉口於地方供備車馬維艱必欲俟一切齊備方能前進

此種惡習實堪痛恨。河南歸陳一帶喫重。已有徐廣縉在彼防守。並命牛鑑於交卸臬篆後。即行馳往。且在潁毫後路。該督果即統帶大兵赴皖。何患該逆之闖入豫境。若任意遷延。不顧大局於心。何安。本日又據袁甲三奏。請飭令舒興阿領兵赴皖。援應並稱。陳州四十里至沙河登舟。由沙河入皖。直抵六安。順流而下。一帆可達。是程途不遠。絕無迂折。繞越之難。著舒興阿迅速前音。即日前赴廬州。

該省勦辦事宜。即責成舒興阿會同江忠源。速籌攻克。毋稍延誤。並將抵皖日期。先行馳奏。將此由六百里加緊諭令知之。○又諭據唐樹義奏。追擊逆匪情形。及帶兵旋省。另籌勦禦一摺。逆船蟻聚。已河一帶。自二十一日。至二十八日。經唐樹義疊次攻勦。均不能得力。而該逆猖獗愈甚。現復聚集蘭溪。蘄州。田家鎮等處。並有添築土城情事。是黃州一帶江面全為賊踞。而下游賊船亦復不少。該處

毗連皖豫關繫北路大局。自應迎頭截勦。扼其北竄之路。乃該臬司一路尾追。復以省城兵單。遽行帶兵折回武昌。竟致置兵於無賊之地。實不可解。著吳文鎔崇綸傳旨諭令。該臬司仍即帶兵星夜渡江。前進督同候補知府伍煒等。務將黃州一帶逆匪併力夾擊。以挫賊鋒。仍兼防北竄之路。斷不准藉口兵單。致滋貽誤。至武昌防守事宜。並如何添撥兵勇協勦之處。即著該督撫等熟籌兼顧。毋誤

事機。將此由六百里加緊諭令知之。○又諭袁甲三奏。縷陳皖省南北兩路情形。並酌量駐劄地方各摺片。均能按切時勢。自應如此辦理。逆賊占踞江面。無論退出舒城之信。尚未確實。即使僅踞桐城。北路仍形緊急。江忠源病已漸愈。聞之甚慰。諒可即日帶兵迎勦。徐廣縉已有旨准留歸德。復嚴諭舒興阿。自陳州赴皖。毋庸折往湖北。該督所帶官兵。並郝光甲管帶之兵。已有四千餘名。果能剋日

前進與江忠源並力合勦當可得力福濟自揚州灣頭赴皖恐需時日舒興阿之兵必須趕緊前來方不致有誤事機昨復諭令曾國藩自湖南統帶礮船沿江下擊以備水陸夾攻但不知何時可以趕到至臨淮固鎮一路單弱情形甚為可慮楊以增未能即赴徐州和春已於初七日過清江浦但未曾詳敘帶兵若干諒因金陵大營無兵可分之故今欲嚴扼臨淮固鎮不能不就現有兵勇擇要布

置該給事中既經見及必須專防臨淮即與該提督妥籌商辦和州烏江地方現有副都統常清管帶兵九百餘名可否調歸一處亦著與和春商辦朕前命袁甲三兼顧宿徐現據奏報已抵蒙城自可就近布置該給事中勦辦捻匪甚為妥速頗有聲威其所稱隨時酌量駐劄地方亦非畏蕙諉卸徒託空言者可比諒必能悉心籌畫保障全淮也另摺所稱捻匪勦辦過虞恐其併歸逆黨自係實在

情形然該處徧地皆匪勾結最易急勦則尚知震懾緩圖則愈肆鴟張現在總兵百勝所撥之勇曾否趕到既有遊擊大員統帶自可盡力勦辦大股首匪如張茂等要犯萬不可使之漏網淮渦以上鹽船貨船總須設法通暢近來籌餉極艱不得已而借撥淮北票鹽實專為皖餉起見特恐鹽務官員意存畛域藉口遷延著該給事中咨照福濟楊以增迅速籌運以濟要需將此由六百里加緊諭令

知之○命陝西布政使吳式芬來京以四川按察使司徒照為陝西布政使四川北道胡興仁為按察使○以勦辦安徽潁州府捻匪出力復已革知州魏源職○以稽查河工曠誤革通判李彥森職○予廣西辦團勦賊殉難在籍知縣張秉亮縣丞甯明達祭葬世職武舉鄭鴻舉等賞卹如例○庚申諭內閣穆騰額諄齡奏請授案頒給呼圖克圖敕書印信並賞給管事喇嘛名號等語阿齊圖諾

們罕前因查辦番務出力。加恩賞給呼徵阿齊圖呼圖克圖名號。所有應得廣衍黃法。阿齊圖呼圖克圖敕書印信。著准其照案頒給。其原領之諾們罕印信。即著遇便繳回。至該呼圖克圖屬下管事達喇嘛噶勒藏熱布覺爾並著加恩賞給扎薩克喇嘛名號。以示優異。又諭穆騰額諄齡奏第穆呼圖克圖不守僧規一摺。第穆呼圖克圖近來行事。不守清規。劣蹟昭著。既據呼徵阿齊圖呼圖克圖及噶布倫等查明確實。先行拏禁。稟請奏。自應嚴切訊究懲辦。第穆呼圖克圖阿旺羅布藏吉克美嘉木參及屬下管事扎薩克喇嘛工噶嘉木白。所得名號。均著先行一併撤退。仍飭呼徵阿齊圖呼圖克圖等。按款訊明。取具確供。詳報該大臣等親提秉公研訊。據實具奏。又諭寶齡奏請籌借餉銀接濟兵食一摺。山海關地當孔道。山永協左右綠營差務殷繁。時屆隆冬。該官兵等衣食。皆賴餉

銀接濟。著照所請。准其在山海關監督衙門暫借一季餉銀。先行發給。俟通永道解到餉銀。即行照數歸款。○諭軍機大臣等。據恆春奏現議豫捐鹽課。仍請暫停借徵一摺。現在軍餉萬分緊急。但有可籌之方。不妨次第並舉。據該撫所奏。諭令殷商豫捐鹽課。可得二百萬兩。與戶部前議捐免充商大致相符。果能速收實效。自可接濟軍需。至借徵一節。係三省並辦之事。該省因有鹽課藉口停辦。其餘二省無可措詞者。又當如何辦理。況該撫明知按年遞推。不過早提一忙。則督辦當不至費事。著該撫督飭司道。先將鹽務捐課。及勸捐納監事宜。迅速籌辦。報部聽候撥用。一面仍遵前旨。妥籌借徵。總期並行不悖。毋誤要需。朕前次諭旨。指示甚明。該撫悉心體會。自能辦有成效。毋庸再為瀆請。再京餉待用甚急。晉省捐輸已有四五十萬兩。著即分批趕緊起解。於十二月中旬務須全到。萬勿

遲誤將此由五百里諭令知之○又諭張亮基奏督籌德州防堵情形並擬到省料理要務一摺現在山東武定德州等處均關緊要該撫因有藩司崇恩臬司厲恩官並杭州將軍瑞昌帶兵防堵足資守禦遽請回省料理刑錢各務殊屬不知緩急該撫統轄全省責無旁貸何得安坐省城轉以防勦事宜委之他人況省城團練現有劉源灝等辦理更有何應辦要事重於軍務者耶目下靜海獨流逆匪尚未勦除淨盡南路一帶處處與東省界連設有賊蹤闖入咎將誰諉張亮基接奉此旨著即出省馳赴德州扼要防堵仍探明何路緊要即向何路截擊總當統籌兼顧不得株守省垣致誤事機現據江忠源奏報賊由舒城圍撲廬州情形緊急餉需刻不容緩著張亮基於山東省無論何款先行籌撥銀五六萬兩即日派員解赴皖省以濟要需毋得推諉貽誤並將起解日期具奏將此由六

百里加緊諭令知之○又諭英桂奏遵勸捐輸以濟軍餉一摺近來部庫支絀各省維正之供亦多徵解不齊而各路軍餉需用浩繁不得已議及捐輸藉儲軍實如各封疆大吏果能風示僚屬勸諭有方該紳民等敵愾情殷自無不踴躍輸將之理茲據該撫奏稱籌辦捐借並行自應如此辦理但不可徒託空言無裨實用著英桂慎飭所屬務選各地方公正紳耆會同設法勸導一俟集有成數即行奏請獎敘其捐數較多者加額錫封亦所不吝或力能捐輸不願榮身者即給予印照事竣如數給還仍准先行請獎惟在該撫實力妥籌認真酌辦以副朕儲備軍需為民除害之至意現據江忠源奏報賊由舒城圍撲廬州情形緊急餉需刻不容緩著英桂於河南省無論何款先行籌撥銀五六萬兩即日派員解赴皖省毋得推諉貽誤並將起解日期具奏將此由六百里加緊諭令知之○又

諭江忠源奏逆匪於十一月十二日大股攻撲廬州郡城危急該撫所帶僅止兵七百餘名廬州新募勇亦祇二千餘名單弱已極江忠源前次飭令前赴武昌之楚勇一千餘名湖南兵六百名雲南四川兵未渡江者亦多留守武昌此項兵勇久隨江忠源應陣兵將相習湖北省城存兵尚不為少而廬州危急萬分稍有疏虞致賊北竄所關非細著吳文鎔崇綸迅飭原帶此項兵勇之都司戴文蘭

並備弁人等趕緊將江忠源原帶兵勇全數帶赴廬州聽候調遣萬勿遲誤其黃州逆匪即責成唐樹義實力追剿勿得株守省垣藉詞諉卸將此由六百里加緊諭令知之○又諭江忠源奏賊匪徑撲廬郡並請援兵並籌餉銀等語該撫病已漸痊朕心稍慰惟廬郡情形緊急殊深焦灼已飛諭張芾撥銀十萬兩解皖並嚴催舒興阿督兵馳救和春已抵徐州亦令即赴廬州會剿並命吳文鎔等速

飭戴文蘭統帶兵勇前來復諭令河南山東無論何項銀兩迅速籌解安徽以應急需矣袁甲三扼守北路剿除捻匪其能否赴援尚未可必前命曾國藩趕辦船隻礮位並將所募楚勇六千名由該侍郎統帶直赴安徽與江忠源會合水陸夾擊但恐到皖尚需時日該撫務須督率在城文武竭力固守俟援兵一到即可內外夾攻保全廬郡即以固北路藩籬萬勿稍有疏虞將此由六百里加緊諭

令知之○又諭江忠源奏賊撲廬州郡城危急等語袁甲三駐劄蒙城距廬郡不遠現在該郡兵勇甚單情形緊急著該給事中酌量帶兵前往協剿並兼顧北路不令該匪乘虛上竄迅即妥籌辦理將此由六百里加緊諭令知之○又諭本日據張芾奏請留借協解滇黔兵餉及銅鉛本銀以資善後一摺該撫祇知有一江西而應解應撥款項竟敢不遵諭旨任意截留置全局於不顧已於摺內嚴

切批示矣。茲又據江忠源奏稱前飭江西撥解銅本項下銀十萬兩，並未如數趕解皖省。經前撫李嘉端委員迎提，據稟江西僅能撥銀二萬兩等語。此項銀兩，疊經降旨嚴催。該撫乃置若罔聞，於事勢緩急輕重，全無審度。現在該省自舒桐二城失事後，廬郡情形危在呼吸，是該省之需餉緊急，視江西之豫備善後孰輕孰重。著張芾於接奉此旨後，迅即提款派委妥員，務將前項銀十萬兩全數撥

實錄卷百三

聖

解無分晝夜兼程前進，以濟急需，無得藉口遲延。致干重咎。將此由六百里加緊諭令知之。○又諭據和春奏行抵徐州，統兵防剿一摺。前因怡良奏鎮江軍務須一手辦理降旨，准令和春折回。惟現在皖省警急，宿徐甚關緊要，和春業已到徐，著毋庸折回鎮江。即知會向榮、怡良等一體遵照。本日據江忠源馳奏逆匪直撲廬郡，該處情形萬分緊急。著和春即日酌帶兵勇兼程馳赴廬州，會同江忠

源等合力攻剿，毋稍延誤。至所稱擬咨向榮酌派得力官兵一千名星馳來徐，以備攻剿著即飛速咨調。惟廬城危急，若待江南兵到再行赴援，已屬無及。現在舒興阿統帶陝甘官兵四千餘名，計日可抵廬郡。該提督即可與舒興阿酌量調撥，總以急援廬州。遏賊北竄為要。將此由六百里加緊諭令知之。○又諭連日諭催舒興阿赴皖救援，諒該督業已自陳州啟程。茲據江忠源奏本月十二日賊

匪徑撲廬州，該處兵力甚單，情形危急，亟請就近飭派援兵前往。著舒興阿帶兵星馳徑赴廬州，與江忠源內外夾擊，保護郡城。該處為賊匪北出之衝道，較之他處尤關緊要，不得藉口於車馬未齊遲延誤事。現在提督和春已至徐州，本日諭令馳赴廬郡。惟該提督帶兵無多，著該督即將所帶官兵分撥和春統帶，以資攻剿。將此由六百里加緊諭令知之。○又諭惠慶奏盜賊日熾，請籌經費並條

陳急切情形一摺。另片奏各營餉需。未能依限散放等語。廣西自會匪竄出之後。伏莽未清。蔓延通省。並應嚴飭各路文武員弁。上緊勦除。惟軍行首重糧餉。稍有遲滯。貽誤非輕。葉名琛統轄兩省。自應急籌兼顧。著於廣東藩運關庫各項下。迅即撥銀十萬兩。派員剋日妥速解往。以備支用。所有廣西省應扣養廉銀兩。著准其留備該省緝捕之用。仍俟期限一年後。撥歸庫款。至於勦辦盜匪。乃巡撫

提督專責。前曾迭次降旨。令行堅壁清野之法。並頒給明亮等疏議。與鄉守輯要一書。該撫等果能督率所屬。實力奉行。地方自可漸臻靜謐。著勞崇光與惠慶通籌全省大局。於匪徒聚集處所。揀選兵勇。派委得力文武大員統帶分頭兜剿。並察看何處險要。何處緊急。即行親往督辦。仍一面曉諭該地方紳民人等。舉行團練。自衛鄉閭。其能捐貲助餉。殺賊立功者。著該督撫等隨時從優保奏。據奏

各營兵餉。兵米因州縣解交遲延。未能依期散放。如所稱春季兵餉。至秋季始行到營。兵米有欠。至二十餘月者。殊非體恤兵丁之道。著勞崇光飭令藩司嚴飭各州縣。凡應解兵餉兵米。務各如期解交清楚。以備各營派員分別請領。如有徵解情誤。以致兵糈不繼者。即著從嚴叅辦。無稍疏縱。將此由六百里各諭令知之。○江西巡撫張芾奏。請將應解滇黔兵餉酌留。借濟軍需。得旨。戶部速議具奏。

屢次嚴催。不准截留。何不知緩急。置全局於不顧。實堪痛恨。汝自抵任以來。只知有一江西款項。則任意截留。保奏則太覺冗濫。一籌莫展。專以奉迎大紳衿為務。昧良喪心。至於此極。朕自愧用汝之庸愚。大吏實覺厚顏。但不知汝能汗流浹背否。又奏革督程喬采捐銀六萬兩代懇加恩。批。朕以蒼生為重。餘非所繫念者。所請著仍不准行。其先繳之款。及未繳之款。著一併擲還。○山東巡撫張亮基

奏飭各屬添募壯丁。籌備軍械。情形得旨。團練原為各守鄉閭。練勇亦祇能補兵之不逮。若事事作正開銷。何有如是多款。著設法變通。以免日後駁飭。○山東登州鎮總兵官武迎吉因病勒休。以廣東大鵬協副將陳輝龍為山東登州鎮總兵官。○予安徽舒城殉節主事朱麟祺。通判徐啟山。祭葬世職。副將松安。遊擊德成。以防守不力。下部治罪。○蠲緩甘肅甯朔縣被水被雹地方新舊額賦有差。

實錄卷三十三

聖

○辛酉諭軍機大臣等。勝保奏連日攻勦情形一摺。此次進勦。雖有新擒。我兵亦受傷不少。且限於地勢。仍未能直入賊壘。朕日望捷音。實深焦灼。現據獨流難民供稱。賊營糧米柴草將斷。匪眾離怨。正可乘機密派妥人。潛入賊壘。設法離間。賊情詭譎。其逃出難民。亦難保無奸匪。涸跡務須加意查察。勿墮詭計。靜海西南一帶。蘊秀帶兵在彼駐劄。能否得力。朕甚不放心。西凌阿善祿等移營高阜。去

靜海較遠。且與該大臣營盤隔絕。聲勢未能聯絡。深恐有誤事機。均著該大臣體察情形。酌量布置。務使聲息相通。聯為一氣。攻勦方可得手。所請山東巡撫派兵協堵一節。現在東省防堵緊要。兵力較單。不敷分撥。本日已令瑞麟帶領前鋒等營兵一千名前往軍營。即由該大臣節制。應於何處堵截。即著酌量調度。再瑞昌帶兵一千名。現在移營德州。並著隨時知照。扼要防堵。另片奏派員召募川

實錄卷三十三

東

勇等情。均著照辦。刑部主事楊熙。現由四川原籍募勇五百名。擬赴河南直隸軍營投效。據裕瑞奏該員已於九月十八日行抵新都。即著勝保提催來營。當可得力。將此由六百里加緊諭令知之。○又諭。據文煜奏自川入陝查看陝省情形。外少民團內無練勇。駐城兵力單弱等語。前因賊匪不靖。疊次降旨。諭令各省督撫實行堅壁清野之法。並頒發明亮等疏議。與鄉守輯要一書。各省大吏宜如

何實力奉行。認真督辦陝西與楚豫接壤尤宜嚴密設防。乃竟如此因循廢弛不知地方大吏所司何事。王慶雲甫經簡放巡撫無所用其迴護即著於抵任後督飭所屬文武員弁勸諭紳民實行團練保衛鄉閭其出力捐貲者隨時奏明獎勵並著查勘要隘處所妥籌布置毋得稍有疏虞原摺著摘鈔閱看將此由五百里諭令知之。○欽差大臣勝保奏連日進攻獨流賊匪情形得旨攻剿不為不

實錄卷一百一十三

臣

勇惟冀該逆拌死出拒必使無噍類矣我君臣內外同心祇知默籲

上天速救民劫又奏查明御史錢慶善條陳一摺係屬風聞失實批朕夙夜籌維與軍機大臣恭親王等同深焦灼雖未身臨戰陣與局外旁觀者有間汝之心朕早鑒之風聞之言豈能搖惑朕衷○欽差大臣向榮奏高淳賊匪遠遁並鎮江獲勝情形得旨余萬清尚知愧奮著激勵進攻迅破鎮江為要至江南情

形如此鋪張總未克復汝尚有何面目自誇也○湖廣總督吳文鎔等奏楚省未能撤防請飭撥餉協濟得旨除制造船礮為勦賊要需刻不可緩外餘皆可設法籌辦若處處截留即撥盡各省款項尚不足供一湖北之用著戶部速為籌畫○以貴州松桃協副將文英為雲南普洱鎮總兵官○禮部尚書銜前任禮部侍郎杜堦九十生辰賞加太傅銜並花翎○以直隸獨流勦賊出力賞參領常亮守備張振魁馬翰忠等花翎藍翎長富慶等藍翎餘升敘有差予陣亡把總趙璋祭葬世職○追賞安徽殉節工部左侍郎呂賢基銀三千兩治喪並於舒城建立專祠

實錄卷一百一十三

臣

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十三

咸豐三年癸丑十一月壬戌諭內閣前因巡

防王大臣等奏請推廣鑄造大錢當交戶部議奏茲據該部查照王大臣等所議當千大錢以重二兩為率以次酌量遞減期於輕重相權便民利用著即照部議所有當千當五百大錢均用淨銅鑄造務使磨鑄精工色澤光潤當百當五十當十當五大錢亦須配鑄精良一律完整與制錢相輔而行俾民間咸知寶貴便於行用儻製造稍有粗率偷減著錢法堂侍郎即將鑪匠人等嚴行究辦該管

監督大使各官一併嚴叅並著該部通行各直省督撫均照此次所定分兩一體鑄造以歸畫一其民間應納稅課錢文等項均照部議准以大錢交納其應交銀者並准其按照制錢兩串折銀一兩之數抵交總期上下相信出入均平如有私鑄及奸商居奇阻撓者均按例治以應得之罪○戶部石侍郎王茂蔭奏陳大錢利弊得旨巡防王大臣會同戶部密議具奏蓋大錢之暢行與否全視在上之信與不信果能設法豫籌為經久之計不先自壞成法斷無隔閡之理據該侍郎所奏作奸犯科今人甚於古人足徵今日非昔時可比況經營之巧今人亦甚於古人現今大錢初行即過慮後時雖為謀國久裕之計獨不計及朝堂聚議小民更增疑也但亦老成之見王等不可先存成見東公定議○陝甘總督舒興阿奏報赴皖會勦啟程日期得旨已有旨催汝速赴安徽現在廬郡已經被圍

汝若緩緩由水路進發必致貽誤機宜豈能事事妥當方可前進今歲秋勝保自晉省追賊至直沿途並無車馬口糧該大臣與兵丁同食野菜纔將將趕上亦由該大臣素得兵心之故汝由樞臣外任兼圻歷練有年緩急應曉豈反不如一勝保耶朕甚為汝愧天下大患胥因循觀望之所致朕為天下主既失之於前悔已無及豈復忍不挽之於後時時加嚴隱忍姑息朕豈肯為總以不誤兵機能知緩急兼能奮勇殺賊者是賴若一無用之輩雖留之亦無益國法豈能倖逃懲之○以內閣學士靈桂署戶部石侍郎兼管錢法堂事務○以禮部左侍郎穆蔭署左翼前鋒統領正紅旗蒙古副都統載齡署正紅旗滿洲副都統○以右翼前鋒統領綿勳管理寶坻等四處官兵○以雲南楚雄協副將劉開泰為安徽壽春鎮總兵官○予福建陣亡參將瑞文遊擊周向辰祭葬世職遊擊馬從凱以

救援不力。革職逮問。蠲緩浙江錢塘富陽
餘杭臨安新城桐鄉安吉上虞臨海黃巖太
平天台仙居淳安遂安壽昌桐廬仁和海甯
嘉興秀水嘉善海鹽平湖石門歸安烏程長
興德清武康慈谿奉化會稽蕭山諸暨嵊甯
海鹽新昌東陽義烏永康武義西安龍游江山
常山開化建德分水麗水縉雲青田松陽遂
昌雲和景甯五十六州縣並杭嚴嘉湖台州
三衛被水被風被蟲被雹莊屯新舊正雜額
賦有差並賑臨海縣災民一月口糧癸亥

冬至祀

天於

圜丘遣恭親王奕訢恭代行禮

上詣

大高殿行禮

弘仁寺拈香遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵遣官祭

孝德皇后殯宮遣官祭

端慧皇太子園寢停次日朝賀諭軍機

大臣等軍機大臣奏據章京陳鴻翊呈稱獨

流賊營東西北三面均難進攻惟南面王家

營隄勢高出獨流之上施礮較能得力若得

此村則獨流即在掌握等語著勝保察度情

形妥速籌辦原呈著鈔給閱看又據光祿寺

卿宋晉奏磁州知州恩符最善營謀向隨訥爾經額終年奔走並不在本任辦事前從臨洺關逃出護解訥爾經額到京後復投至勝保營中謀充翼長似此庸鄙之員必不能有裨軍務等語著勝保密行訪查儻該員實有營謀奔競劣蹟即著嚴叅如尚無前項情弊即著飭令回任將此由六百里諭令知之○又諭琦善等奏疊次接仗獲勝一摺該大臣等任令逆賊占踞揚城復又將儀徵失陷逆

賊猖獗愈甚而我軍日事遷延此次兜截來援之賊雖經疊獲勝仗而內竄之賊未能併力殲除若不急圖攻克致令儀徵瓜州匪眾合夥救援揚城攻勦更難得手所稱三汊河等處賊匪竄擾甚急續將接仗情形查奏等語該大臣係於十六日發報何以不將現在接仗大概情形附奏實深懸繫另片奏哲克東阿張守仁與協領佐領似已全殲行間究係如何陣亡著即詳細查明請卹德崇額忠

奉穆克登額等所帶馬隊俱係勁旅現在何處勦賊琦善屢次奏報摺內何以俱未敘及此時福濟業已赴皖廬州一帶賊勢緊急該大臣等圍攻揚城頓兵日久坐視江北賊勢蔓延徒以隱憂不能兼顧為詞不知統兵大帥所司何事將此由六百里加緊諭令知之○以岫巖城守尉慶齡為西安左翼副都統以四川捕匪出力賞道員曹澍鍾按察使銜餘升敘有差甲子諭內閣全慶朱崢奏

查富新倉甲米徵變據實叅辦一摺此次開放正紅旗甲米闔出之取字廢米石雖因大雨淋溼挑晾未能乾潔致有徵變惟於甫經開放時該花戶即應稟明覈辦何至開放二千五百餘石之後尚未據實具稟顯係有意蒙混著交刑部嚴行審訊按律治罪仍俟此廢放完查明徵變確數著落分成賠補監督工部主事文光督飭挑晾不力著交部議處○諭軍機大臣等據袁甲三奏廬郡危急必

應四路赴援。並聞舒興阿帶兵由太阜前進。水路即走正陽關。陸路距關止數十里。請飭該督酌留將兵駐守正陽關。以防逆匪北竄。等語。舒興阿前奏。分帶馬步官兵。於十五六日啟程赴皖。計已早過潁州。此項官兵幾及五千名。水陸並進。聲勢甚壯。著即酌量分撥數百名。派委得力將弁統帶。馳往正陽關扼守。儻廬州賊匪被剿。由六安北擾正陽。即著竭力迎擊。如令該逆過關一步。即將扼守該

處之領兵鎮將。以軍法從事。該督仍親督官兵兼程前進。速援廬州。不得因車馬船隻不齊。再事遷延。總期設法進行。毋誤兵機為要。和春現在徐州。已有旨令其前進。該督所帶之兵。即可分撥交其統帶。剿賊和春熟悉賊情。屢經戰陣。必可得力。郝光甲屢次逗遛規避。甚不足恃。該督若將兵丁全行交伊管帶。恐有貽誤。著隨時查察。如仍畏葸不前。即行奏明。將該革員正法。毋稍瞻徇。懍之。將此由

六百里加緊諭令知之。又諭據江忠源奏。廬郡擊賊連日獲勝情形。皖省兵力單弱。前已飛諭吳文鎔等酌撥存楚兵勇交戴文蘭。星馳赴援。舒興阿所帶官兵四千九百餘員。名由陳州水路啟程赴皖。本日復諭催兼程前進。諒不日即可趕到。得此生力軍。與該撫會合攻剿。必可得手。至應如何布置。如何調遣之處。即著江忠源會同舒興阿協力籌辦。務將圍攻廬郡之賊。先行盡數撲滅。則分踞

桐舒二城之匪。亦必聞風喪膽。該撫移兵南剿。即可次第殲除。所稱該郡紳民萬眾一心。洵足為長城之倚。並著該撫隨時激勵。以固其志。至江西省應撥解銀十萬兩。節經嚴催星速解皖。復飭河南山東兩省無論何款。先行籌解數萬兩。以應急需。即著該撫派委妥員分投迎提。以期迅速解到。又廣東省有解交部庫銀十五萬兩。此時如行抵皖境。亦准該撫截留數萬兩備用。將此由六百里加緊

諭令知之。又諭袁甲三奏飛催舒興阿赴援廬郡並趕赴宿州籌辦防勦一摺。此時廬州被圍緊急。雖據江忠源奏。十三十四十五等日。疊獲勝仗。而賊匪大隊尚復盤踞城外。音德布現在六安。玉山現在東關。常清現在和州。所帶之兵。是否抵郡。該撫摺內均未聲敘。昨已諭和春由徐州前進。想亦即日啟程。該給事中與和春既已熟商。所慮宿徐臨淮緊要之處。即著妥為布置。不可疏虞。本日復

有旨。飛催舒興阿兼程赴援。並令將所帶之兵酌量分給和春統帶。朕思和春久歷戎行。且能熟悉賊情。必可得力。況由徐州前進。本係迎頭勦殺。既可力解城圍。並可杜賊北竄。至蒙亳一帶。亦關緊要。徐廣綰若遽離歸德。恐豫省門戶無人堵禦。該給事中前奏。令趙昀前赴舒城。該員現在何處。即可責令帶勇。專防蒙亳一帶。鈐制土匪。與該給事中聲勢聯絡。至所稱正陽關應留兵駐守等語。亦諭

知舒興阿照辦矣。將此由六百里加緊諭令知之。改鑄四川西昌縣知縣印信。從署總督裕瑞請也。釋監禁已革安徽布政使李本仁。交巡撫江忠源差遣。以廬州軍營奉委逃避。知縣劉西琳正法。予安徽陣亡把總尹孝忠祭葬世職。蠲緩湖南武陵龍陽沅江澧安鄉巴陵臨湘華容長沙善化湘陰湘潭衡陽清泉耒陽鄱十六州縣及岳州衛被水地方新舊額賦。並蘆課屯餉。暨原借籽

種隄工銀有差。乙丑。諭內閣。前有旨。令戶部製造錢鈔。與官票銀錢並行。頒發中外。酌定章程具奏。茲據該部覈擬條款開單呈覽。並遵議克勤郡王慶惠奏請推廣鈔法一摺。朕惟比年以來。銀價日昂。民生愈困。小民輸納稅課。每苦於銀貴。而轉運制錢又多未便。朕廩念民依。惻隱在抱。酌古準今。定為官票寶鈔。以濟銀錢之不足。務使天下通行。以期便民裕國。著照部議。凡民間完納地丁錢糧。

關稅鹽課及一切交官解部協撥等款均准以官票實鈔五成為率。官票銀一兩抵制錢二千實鈔二千。抵銀一兩與現行大錢制錢相輔而行。其餘仍交納實銀以資周轉。京外各庫應放之項官票實鈔亦以五成為限。如此明定章程權衡出納行之日久中外俱可流通。總期官民交益上下相孚並准五城殷實鋪商具結承領實鈔俾民間自行通用即由五城御史隨時支發驗收並著步軍統領衙門認真稽查如有偽造等弊即行按例治罪其有意阻撓不肯行使者以違制論地方官奉行不力者嚴參懲辦此旨並奏定章程著該部通行各直省督撫等刊刻宣示一律遵行。○諭軍機大臣等有人奏借徵情形不同請變通章程一摺前有旨令四川山西陝西豫徵一年錢糧以濟軍需並飭嚴剔弊端無滋擾累茲據奏稱四川情形與山陝迥別上年勸捐即按地畝派捐加一倍徵收以作

捐輸現在借徵錢糧本祇豫徵一年以次遞推但恐於借徵之外加倍徵收致滋擾累至續捐一層宜就殷實巨富酌量勸諭不得仿照上屆倍徵之議以作捐輸等語著裕瑞遵照前旨嚴飭各屬覈實經理如有不肖官吏格外多取著即隨時查明嚴參從重懲辦至續捐一節亦應妥為勸導無事苛派另片奏夔州府西陽州與湖北湖南接壤聞有奸細潛入該處窺伺並著飭令該地方官嚴密查拏懲治其交界各要隘務須認真防堵毋稍疏懈原摺片均著鈔給閱看將此由六百里密諭知之○又諭前因上海尚未收復當經諭令怡良許乃釗將明年海運事宜迅即妥籌不得藉詞貽誤現尚未據覆奏殊深繫念茲據戶部奏稱蘇省新漕海運亟應先事豫籌等語漕糧正供京帑支放攸關豈容稍有貽誤若能將上海賊匪計日殲除則海運事宜自可循照舊章次第辦理刻下已屆隆冬

上海尚未收復。漕運須於年內趕辦。該督撫務即設法妥籌。按照該部所議悉心酌度。毋得稍有遲延。仍著嚴飭帶兵文武各員。迅即激勵將士。勸諭紳民。合力同心。克復上海。則轉運漕糧。自無庸多費周章。諒該督撫等必能體察情形。豫為籌畫。以慰朕念。戶部摺著鈔給閱看。將此由六百里諭令知之。○又諭戶部奏請飭奉天江浙等省招商運米等語。奉天江浙等省招商買米。歷經辦有成案。現

在軍務未竣。未便遽議採買。而畿輔米穀最關緊要。自應廣為招徠。著盛京將軍奉天府府尹兩江閩浙總督江浙巡撫查照成案。出示曉諭。各該米商聽其自行運米。至天津售賣。每船八成載米。二成載貨。並回空船料。均准一律免稅。並著直隸總督轉飭天津鎮道嚴切曉諭。遇有米商到境。不准胥吏需索。市僧居奇。以通商販而裕民食。原摺均著鈔給閱看。將此由五百里各諭令知之。○以

京營緝捕勤奮。予參將李英等升敘有差。○丙寅

上詣

壽康宮前殿行禮後殿問

皇貴太妃安。○諭內閣給事中賈世行奏。地方官承審差役。勾結土匪。重案有意圖消弭。情弊一摺。前據該給事中奏通州地方練勇。拏獲搶劫土匪多名。內有通州捕頭散役及寶坻三河等縣官人勾結肆搶情事。當交順天

府嚴飭通永道親提審辦。茲復據奏承審此案各員及該管上司俱有消弭之意。捕役勾結土匪肆行搶掠。實屬大干法紀。且當巡防喫緊之時。該處密通京畿。豈容任意消弭。以貽後患。著文瑞親提人證悉心研鞫。按律定擬具奏。毋稍徇隱。○諭軍機大臣等。黃宗漢奏遵籌來歲海運事宜一摺。前因上海尚未收復。疊次諭令怡良等將明年海運事宜迅籌妥辦。本日據黃宗漢奏稱蘇省寶山縣所

屬之蘊草濱及太倉州所屬之劉河口等處地方均堪起運漕糧業經咨商蘇省迅將出運地方及早勘定並咨奉天直隸山東豫備封雇船隻各等語南漕為天庾正供豈容稍有貽誤現在上海尚未收復既據該撫將變通辦理各情分別咨商自應及早改移會同妥辦著怡良許乃釗迅即於劉河口及蘊草濱兩處海口委員勘定起運漕米地方一面奏聞即一面知照浙江會同辦理並著直隸

山東各督撫速派幹員封備衛船奉天府尹及各督撫確查各處海口如有宵波商船停泊押令迅速回浙聽候封雇裝運漕糧斷不准胥役人等需索滋擾致生事端原摺均著鈔給閱看將此由六百里各諭令知之○盛京將軍奕興等奏報辦理盜犯情形得旨奕興等辦理此案尚屬認真毫無外省開脫習氣嗣後奉省匪徒有情法難宥者均著即行就地正法庶可稍知儆懼朕斷非先存加

嚴之成見第時勢所迫不得不然苟者除之不嚴良者何由得安汝等想必深明是理○福建水師提督施得高因病解任以前任浙江提督李廷鈺為福建水師提督○以克復福建廈門巡撫王懿德下部優敘○以福建廈門同安失守革參將雅爾杭阿都司李允輝守備陳國春陸振綬通判謝世成知縣劉廷皋張振鷺巡檢嚴承鐸鄒寶葵典史俞學成職並逮問○予故工部侍郎奕毓祭葬賞

銀五百兩治喪○蠲免甘肅中衛縣二年地震應徵銀糧草束○丁卯

上以

孝德皇后升祔

奉先殿親詣祭告○諭內閣吏部奏革員呈控寬押請旨飭查一摺已革署西路同知通州知州佈彥借用印封赴部呈訴據稱西路同知一缺本以該革員升署因前任尚未開缺是以未將該革員題升今奉府尹面諭以接

准省垣來信。該員尚不合例。竟將虧空旗租一萬七千餘兩。摘頂勒交之涿州知州郭寶勳升補。現已到任。頂帶如故。其虧空之項。限期已逾。未見報解。獨於該革員多方徇勸。遽行叅劾。實覺寬抑等語。著翁心存宗元醇據實明白回奏。○又諭勝保奏官兵勦賊先獲大勝。旋因輕退失利。以致大員陣亡一摺。本月二十三日。勝保督帶小隊。前赴下西河一帶。相度地勢。豫飭在營將弁。列陣嚴守。乃逆賊分股撲出。經官兵奮勇迎擊。先斃賊匪百餘名。賊復傾巢而出。又被我兵分投掩殺。沿隄潰逃。副都統佟鑑用礮橫擊。候選知府朱鎮。知府用天津縣知縣謝子澄。帶勇追殺。該逆黃旗紛倒。屍積滿隄。佟鑑見賊大潰。乘勝進掣搭濠板片。逆情愈急。拚死衝突。該副都統足滑踏地。賊眾蜂擁來刺。謝子澄見佟鑑被困危急。不及督勇。策馬趕往救護。與佟鑑同時陣亡。其一同救護之候選知府朱鎮。亦

受槍傷。幸大隊官兵繼至。賊始奔竄回巢。達洪阿所督北面官兵。先行掣退。逆匪復從壘中悉數撲出。經德勒克色楞急督馬隊官兵。極力抵禦。勝保先於北岸擊斃騎馬賊目四五名。長髮賊三四十名。賊眾潰敗奔回。因無船不能徑渡。遂於隔河督放擡槍銅礮。南北夾攻。賊始敗回木壘。此次南岸失利。雖因達洪阿銳進輕退。以致挫衄。勝保身為統帥。各營皆歸節制。何以離營半日。即至將士不遵調度。輕率進兵。平日所稱號令嚴明者何在。德勒克色楞係幫辦大員。不能督率約束。咎亦難辭。勝保德勒克色楞均著降四級留任。拔去花翎。以示薄懲。達洪阿與賊接仗。已非一次。豈不能深悉賊情。乃始以貪功銳進。繼以輕退失機。尤堪痛恨。著即行革職。仍交勝保責令戴罪自效。如再不知奮勉。即於軍前正法。該革員家產並著查封。候旨辦理。○諭軍機大臣等。羅惇衍奏粵東官屯可變價改

作民田。以濟軍餉。並酌擬條款開單呈覽。一摺。廣東南海等縣。瀕海閒田。歸作官屯者。共有一千九百餘頃。據稱變價出售。每畝可取銀十兩。統計可得銀一百九十餘萬兩等語。現在軍營需餉浩繁。各省大吏。無不竭力圖維。但使有益於國計。無病於民生。自當設法籌備。以濟要需。著葉名琛。相貴。按照該侍郎所奏。並變價事宜十二條。悉心體察情形。如果可行。即著據實具奏。酌量辦理。並保舉該

省公正紳士。令其設局專辦。不假吏胥之手。總期於公事有益。不致擾累民間。別生事端為要。原摺單均著鈔給閱看。將此由五百里諭令知之。○又諭本日據勝保奏。德勒克色楞所帶之蒙古兵。僅二百名。不敷調遣。請飭將該貝子原帶之兵。酌撥至營等語。著僧格林沁。即將德勒克色楞原帶之東三盟兵。酌撥數百名。飭令即日前赴勝保軍營。仍歸德勒克色楞統帶。以資攻剿。將此由六百里加

緊諭令知之。○又諭勝保奏。獨流南岸接仗失利。並副都統知縣陣亡等情。各摺片。覽奏憤懣之至。該大臣統帶全軍。於諸將進退機宜。不能先期調度。以致損折大員。傷亡府縣各官。實堪痛惜。計攻獨流。靜海。市月以來。日盼殄除。該逆以定畿輔人心。不料有此敗衄。轉令逆燄披猖。殊失朕望。朕因將才難得。姑予薄譴。勝保等若不將此股逆匪。全行撲滅。何足以贖愆尤。所有德勒克色楞原帶之

東三盟兵丁。已諭僧格林沁。速撥數百名。飭赴勝保大營。交該貝子統帶。以資攻擊。該大臣即熟籌布置。西北面積水處所。如果冰凌堅實。可以設法進攻。不得坐失機宜。慶祺營中兵力。是否足敷勦辦。直隸藩司楊需。現在該侍郎營中。該員辦事。向來結實。帶兵間亦勇往。應如何量加激勵。俾該員得盡所長。著勝保隨時酌量調遣。天津練勇。素稱矯捷。謝子澄既經陣亡。恐該勇等無人統束。或致

四散。該大臣請飭文謙赴營接辦。著即傳諭該鹽政。迅赴軍營。並酌帶壯勇前往。庶期指揮得力。其謝子澄前帶各勇。亦著文謙收集統帶。該鹽政係特派天津防勦大員。素得該處士民之心。該大臣務當推誠相與。藉資臂助。達洪阿係棄瑕錄用之員。此次大損軍威。實堪痛恨。已有旨將該員革職。家產查封。仍令戴罪自效。若再不遵調度。失機貽誤。國法豈容倖逃。著該大臣傳知各營。以後進勦事宜。無論何員貽誤。即以軍法從事。前據許乃

普奏。勝保軍營有曾經保舉同知銜。以知縣用之安徽方姓。於營中賞罰。頗有招搖。糧臺支放。亦多冒濫等語。著該大臣查明方姓何人。如何招搖冒濫之處。即行據實奏。不得稍有迴護。軍營委員。若恩符等。又何必勉強留用。致招物議。代人受過也。將此由六百里加緊諭知勝保。並諭令德勒克色楞知之。○又諭。前據台湧奏。稱應否統兵赴援。請旨遵

行一摺。朕詳閱所奏。先後接據吳文鎔崇綸函咨。一則令其帶兵赴省。一則令其不必來省。是該督撫各執一詞。意見已屬兩歧。茲據崇綸奏。力籌勦賊各情。並稱吳文鎔閉城坐守等語。朕以吳文鎔老成練達。現當楚北逆氛未靖。一切籌防籌勦。堪資倚任。詎該督一味株守。不圖前進。竟置大局於不問。是誠何心。試思賊情緊急。又豈安坐衙齋。所能了事。崇綸與吳文鎔辦事一方。應如何協力同心。

迅圖攻勦。乃遇事齟齬。先已不能和衷。又安望其於事有濟。儻因各懷己見。致誤事機。該督撫等厥罪惟均。朕斷不能為之曲宥。現既據稱該逆於田鎮築壘創營。顯有負隅抗拒情事。其巴河一帶。賊船蟻聚尚多。分踞黃州之賊。亦復不少。臬司唐樹義。曾否遵旨前往設法兜勦。著吳文鎔一面嚴飭該臬司。迅圖勦洗。一面親督官軍。出省督戰。並察看何路緊要。即馳往何路截勦。不准以守候船礮造

齊致滋延誤。所有省城防守事宜。即著責成崇綸妥籌布置。儻有疏虞。亦必重治其罪。決不寬貸。台湧前選滿漢官兵。應否飭令帶赴下游。會合追擊。並著該督撫會商兼顧。不得各執己見。貽誤事機。懍之崇綸因病請假。著即賞假十日調理。一切防勦要務。仍當盡心籌畫。毋稍諉卸。將此由六百里加緊諭令知之。○吏部奏遵議在京司官在外道府以下等官。辦理事件失察。自行檢舉。應否於具題時。請旨寬免。及照舊減等議結。得旨。在京司員處分事無多。著即遵照此次諭旨。將可否寬免之處。聲明請旨。至外省道府以下等官。著照舊例減等議結。著為例。○欽差大臣琦善等奏報瓜州儀徵賊匪分道赴援。揚州之賊亦伺隙衝突。得旨。隨時機宜。斷難豫料。著琦善等盡力殲除。不可稍涉大意。○以禮部左侍郎穆蔭為國史館副總裁官。○以頭等侍衛國瑞為鑲黃旗蒙古副都統。○以軍營

差委藉詞巧避。革三等侍衛奕紀職。○以熱河疏防反獄。戕官重犯。遊擊黃起鵬守備馮潤玉。外委趙文吉。下部議處。予獲犯出力巡檢吳康等。升敘有差。○贈直隸獨流陣亡副都統佟鑑將軍。予祭葬世職。如將軍例。諡剛節。入祀昭忠祠。贈升用知府謝子澄布政使銜。予祭葬世職。如布政使例。諡忠愍。建祠原籍。均於陣亡地方建立專祠。賞救援受傷知府朱鎮花翎。以道員用。○以巡查守衛出力。

賞京旗各營兵。一月錢糧。○戊辰

孝德皇后神牌升祔

奉先殿。遣怡親王載垣。行禮。○諭內閣。侍讀學士德奎。奏請查收旗戶絕產一摺。國家制用自有常經。即因度支短絀。偶有變通。亦必下順輿情。上崇國體。至八旗官員兵丁。皆蒙列祖

列宗深仁厚澤。得以蕃衍至今。即有本身物故。並無子嗣之員。例得承繼近支。列入冊檔。永

沐朝廷雨露之恩德。奎係滿洲世僕。豈竟茫無所知。乃請將旗戶絕產盡數查收。以充軍餉。不知是何肺腑。且謂八旗故員之家。坐擁厚貲。俱經侍妾家奴。把持蕩費。以致絕嗣。不能報效。尤不成話。該員不識政體。信口妄言。荒謬糊塗。實出情理之外。著傳旨嚴行申飭。原摺擲還。○又諭戶部奏部庫歲需銀兩。請改歸冬撥案內辦理一摺。向來戶部歲需京餉。例於各省春秋撥冊內隨時奏撥解部。近

奏奉聖旨

十六

年以來。各省經部指撥之款。每因起解不時。以致部庫時形支絀。自應先期籌畫。以濟要需。所有該部歲撥京餉。著准其自本年為始。歸入冬撥案內。與各直省協撥兵餉。一律酌撥。仍將冬撥題本。改為專摺具奏。俾免遲誤。各該省督撫。於部撥款項。無論京餉外餉。均宜照數起解。儻有藉詞截留。及率請改撥者。著戶部隨時查覈。據實參奏。○諭軍機大臣等。羅繞典等奏。緬甸國貢使入京。請變通辦

理一摺。朕念緬甸國王。久列藩封。該貢使等。遠道輸誠。具徵忱悃。惟現在粵匪未盡殲除。該國貢使。向由貴州湖南湖北。取道進京。若令繞道行走。殊非所以示體恤。即著該督撫傳旨。該使臣等。此次無庸來京。仍優予犒賞。委員妥為護送。先行回國。貢物象隻。即行賞收。一俟道路肅清。即由該督撫派員送京。其應行頒賞該國王。及正副使臣等銀物。仍由該衙門照辦齊全。發交該省派員齎送出關。

奏奉聖旨

十七

轉交祇領。如此量為變通。既無虞跋涉之勞。益足示懷柔之意。該督撫即將朕意宣諭該國使臣。遵照辦理。將此由五百里諭令知之。○河東河道總督長臻奏。稽查上游河口。並飭屬練勇認真防守。得旨。事前之敷奏甚易。臨事之收效甚難。若稍為紳民搖惑。微涉慈柔。任聽偷設渡口。以致臨期誤事。俾北賊復得南下。南賊又可北來。彼時殺汝。亦屬無益。朕料汝豈肯以自己性命。輕喪於人。雖至愚

者亦不出此○旌表守正被戕順天大興縣民女姚福姐○展緩直隸安肅祁任邱晉唐山平鄉廣宗任邯鄲磁衡水隆平宛平山鉅鹿十五州縣被水村莊新舊額賦並減免差徭○己巳諭內閣奕興奏奉天搶劫案件請仍照舊例辦理等語搶劫巨案定例褫職自道光年間有奉天匪徒搶奪分別治罪專條以致該地方辦理此等重案不復援引舊例該犯等恃無重罪結夥橫行日甚一日若僅照首犯擬斬從犯概行發遣之條實不足以儆兇暴而安善良該將軍所奏與朕前次批示適相符合嗣後奉天地方凡遇匪徒糾搶之案著仍照舊例不論人數多寡曾否傷人但有執持烏槍搶奪財物者即應不分首從問擬斬決梟示著為令○又諭翁心存宗元醇奏據實明白回奏一摺前任涿州知州郭寶勳係該兼尹等統轄之員該員任內有無虧短被叅摘頂之案該兼尹等豈有不知乃

實錄卷一百三

三

以旗租一項向歸藩庫交納輒稱未據詳報無憑查覆實屬藉詞推諉所有郭寶勳涿州任內究竟未完旗租若干兩其虧項限期是否已滿仍著詳細查明據實具奏毋稍含混已革通州知州佈彥以辦公無力賠墊堅不回任經該兼尹等奏叅規避並無屈抑乃擅用西路廳印封呈揭到部例有應得處分業已革職姑免置議○又諭刑部奏訊明已革參將各情請旨辦理一摺已革湖南岳州參將阿克東阿於賊未臨城先自逃散以致郡城失守罪實難辭乃逃至武昌後主使兵丁李廷徵捏報殉難復親自裝點棺殮種種狡詐實出情理之外及至解送到部猶敢嘵嘵置辯堅不承招既據該部訊明供證確鑿自應明正典刑以伸國法阿克東阿著仍遵前旨即行處斬○諭軍機大臣等前因官兵失利降旨將勝保拔去花翎降四級留任以示薄懲朕思逆匪渡河北竄勝保督兵追勦屢

實錄卷一百三

三

著戰功。懷慶解圍之後。特授為欽差大臣。各路官兵均歸節制。迨逆匪由山西竄擾直隸。該大臣跟蹤追剿。倍歷艱辛。朕以勝保調度合宜。必能殄茲醜類。是以疊沛恩施。專心委任。即該大臣陳奏事件。亦必開誠布公。曲加訓諭。朕待勝保。恩意不為不厚。倚畀不為不專。該大臣中夜捫心。亦當和感知懼。加倍小心。乃自逆匪占踞獨流靜海後。屢閱奏報。詞氣矜張。漸有自滿之意。前此我兵誤陷冰坑。

實錄卷一百十三

三十

致多損折。此次接仗。竟至大員陣亡。遺失礮位。該大臣雖前赴慶祺軍營。相度地勢。獨不思身為統帥。離營之時。何竟毫無布置。達洪阿輕退失機。固屬罪無可逭。而勝保不能先事豫籌。亦可概見。及至失事。轉以離營他往。諉過於人。又何以折服將士之心。為大將者。必當虛心集議。謀出萬全。使將士人人用命。感奮圖功。若師心自用。不聽人言。以致眾心渙散。不肯出力。或偏聽幕客傳述之言。或濫

開委員逢迎之路。致有貽誤。其患何可勝言。勝保經此次訓諭之後。若能返躬省過。與幫辦軍務德勒克色楞等及諸將士合力同心。剋期剿除逆匪。不但盡贖前愆。仍可渥膺懋賞。儻遷延日久。糜帑無功。是勝保不能承受朕恩。國法豈能寬宥。德勒克色楞係幫辦大員。與勝保共辦一事。責無旁貸。汝二人尤當知無不言。和衷共濟。達洪阿究係勇將。此次加以薄懲。正望其奮勉立功。再邀恩眷。朕賞

實錄卷一百十三

三

功罰罪。一秉至公。惟視汝等自取何如耳。懍之慎之。現在進剿事宜。如何布置。賊匪有無竄逸。著即迅速奏聞。以慰朕念。將此由六百里諭知勝保。並諭德勒克色楞知之。○又諭。本日據駱秉章會國藩奏。勦辦常甯土匪。拏獲首要各犯一摺。前因安徽逆匪勢甚猖獗。當諭令會國藩趕辦。船隻礮位。是否雇造齊全。現在賊匪攻圍廬郡。雖經江忠源奏報屢次獲勝。但援兵尚少。朕心實深懸繫。會國藩

著仍遵前旨。督帶船勇。速赴安徽江面。與江忠源等。合力兜擊。至湖南常甯一帶土匪。即責成路秉章。迅即妥辦。務使盡絕根株。毋留餘孽。又據該撫片奏。廣東解餉銀內。有十萬五千八百餘兩。因湖北道路阻隔。暫存湖南司庫等語。現在京餉待用孔亟。且有改撥安徽之款。若俟江路肅清。再行起解。必致貽誤。著該撫。速飭委員。繞道行走。並知照沿途。小心護送。毋稍遲誤。將此由六百里諭令知之。

○以湖南常甯縣匪徒滋擾。革知縣祥麟職。予被戕犯總許得祿。典史吳世昌。祭葬世職。○緩徵甘肅皋蘭渭源靖遠隴西安定會甯平涼靜甯隆德固原。碾伯十一州縣。及隴西縣丞所屬。被水被旱被霜被雹地方舊欠額賦。河狄道。安化甯甯夏靈中衛平羅崇信鎮原十州縣。新舊額賦。○庚午。諭內閣。巡視五城給事中鳳寶等奏。京城近日巡查情形。一摺。前因賊匪竄擾。特派王大臣等督辦巡防。

事宜。嗣復派王茂蔭等辦理團防。令與五城御史等。公同籌畫。緝匪安民。原欲先事豫防。有備無患。該給事中等職司巡查。應如何協力同心。妥為布置。乃據奏稱。巡防團防。所辦均不足恃等語。是徒諉過於人。為自占地步之計。殊屬非是。現在王茂蔭等與五城御史共辦一事。豈不能詳細會籌。和衷商辦。即時勢孔亟。措置維艱。亦宜悉心講求。以期有濟。若先存彼此之見。遇事齟齬。置公事於不問。

又安望該給事中等為耶。所有五城巡查各事宜。著責成鳳寶等。會同王茂蔭等認真籌辦。務當聯為一氣。訪拏奸宄。安輯商民。毋得心存畛域。轉致貽誤。另片奏請飭戶部。遵派司員。會同各城辦理抽收房租事務。此事現已由各城分派司坊委員等。按月查辦。若復添派戶部司員。必致互相推諉。所奏著毋庸議。○又諭。巡視五城給事中鳳寶等奏。請飭嚴拏匪徒等語。本年畿輔地方。水災過重。兼

為賊匪蹂躪窮民乏食深恐流而為匪近日承德府屬之監犯戕官通州之蠹役糾搶灤州梟徒鹽山土匪豐潤玉田寶坻等處亦時有饑民強奪雖經各該地方官隨時查拏業已獲犯多名然當此巡防喫緊之際尤當加意巡防庶免奸宄溷跡近來京師各城門拏獲奸匪多名而各州縣緝獲要犯甚屬寥寥其顯預疏縱已可概見著直隸總督順天府府尹嚴飭各屬一體認真查緝如有捕務廢弛闡茸不職者即行嚴參懲辦毋稍姑容○又諭前因有人參奏勝保委員磁州知州恩符候選知縣方鴻恩有招搖鑽營劣蹟當經降旨飭查茲據勝保覆奏該二員尚無竊權舞弊實據現派方鴻恩寫立號簿分擬准駁並令恩符採辦硝磺火繩等語此等聲名狼籍之員何必留於軍營致招物議恩符著仍飭令即回本任方鴻恩著不准留營差委○諭軍機大臣等有人奏直隸灤州知州焦家

麟癰瘕貪鄙信任丁胥藉捐輸挾括地方至數萬金之多而報解無幾近因鹽役郭太唆使該州拆毀民房致居民忿聚搶劫該州親屬鹽店並豐潤玉田等處鹽店均被搶劫等語不肖州縣任聽胥吏朘削民生最足為地方之害現當軍務緊要之時豈容此貪劣之員藉端需索搔擾居民致令忿聚至一二千人之多肆行劫掠如果屬實必致激成事端亟應徹底根究以期水落石出著桂良確切查明據實嚴參懲辦毋稍瞻徇原片著鈔給閱看將此諭令知之○又諭僧格林沁奏查探獨流賊勢及布置情形一摺逆匪占踞獨流靜海已及兩月急應將營盤逼近用礮轟擊焚毀賊巢所籌各情均與朕意符合惟二十三日我兵進仗失利銳氣少挫疊經降旨嚴飭勝保督率將士併力攻剿以贖前愆現在該逆裹糧思竄該大臣駐劄王慶坨地方足可堵禦北面惟由獨流至東安一路亦應

設卡派兵。扼其要衝。不可稍涉大意。至青縣土匪。在南里坦地方。乘機竊發。難保不與該逆勾結。該大臣現已知會桂良。趕緊派委幹員。迅速捕拏。仍著於附近大營處所嚴密巡緝。毋致延蔓。將此由六百里諭令知之。○又諭。據安徽學政孫銘恩奏。有四川逃兵明正邦等數十人。持刀擅入衙署。據稱前隨向提督。在湖北打仗立功。又有六品軍功馬兵熊鎮武等。率黨三百人。擅入府城。據供亦係四川人。與明正邦等。同在向提督軍營。因未得保舉。應領餉銀。又不按月支發。前赴將軍呈明。自備資斧。建立義旗。經將軍蘇布通阿批准。並有印文呈驗等語。此等逃兵。是否曾在該大臣軍營打仗。因何逃出。至逃兵自建義旗。貽害尤多。此次熊鎮武所領印文。是否係該署將軍給發。著向榮蘇布通阿確切查明。據實具奏。並著督飭帶兵各員。隨時約束。嚴加查察。無令渙散。滋生事端。孫銘恩原摺著

鈔給閱看。將此由六百里諭令知之。尋奏軍營中向有各省閒雜人等。隨營販賣食物。人數既眾。良莠不齊。蘇布通阿派四川營兵丁熊鎮武等。就近稽查約束。並發給執照。嗣因賊犯東壩高淳。熊鎮武等願自備資斧。沿江截擊賊船。蘇布通阿以其踴躍急公。准令前往。並諄諭不准沿途滋擾。復因賊犯廬州大營。勢難分兵。特飭熊鎮武等渡江前往。道出太平。隨聞有擅入府城之事。經該學政彈壓開導。諭令前赴廬州。截賊後路。該兵等尚別無滋擾居民情事。報聞。○又諭。寄諭安徽巡撫江忠源。據孫銘恩奏。十一月初六日。突有四川逃兵數十人。持械入署。初九日。又有馬兵熊鎮武等。率眾三百餘人。擅入府城。俱經該學政彈壓勸諭。令赴廬州投效。並稱甯國府團練甚不得力。請飭激勵各等語。朕以大江南北阻隔。恐該逃兵等沿途滋事。諭令孫銘恩暫事羈縻。惟據稱該兵丁等已於十六

日出境如已渡江行抵廬郡。即著該撫妥為控制。若能收置營中。或可得力。切不可任令四散。致與逆匪勾結為患。至甯國府屬。素稱富庶。該匪自必窺伺。著該撫即嚴飭地方文武各官。督率團練紳民。認真籌辦。以期保衛地方。原摺片均著鈔給閱看。將此由六百里諭令知之。○又諭孫銘恩奏彈壓逃兵。勸諭團練各摺片。現在賊踞金陵。揚州鎮江均未收復。而廬州郡城情形。又十分危急。此等逃兵。若操之太急。勢必趨而為匪。轉難收拾。如任其自赴廬郡。而江路南北阻隔。江忠源駐守城中。亦恐難遙為控制。該學政現在太平府。勸諭團練。此項逃兵。是否可以就近練用。以收其心。若不得力。則全行正法。亦不為過。著孫銘恩體察情形。並諄諭該處紳民。共相聯絡。藉以保衛地方。勿令滋生事端。將此由六百里諭令知之。○欽差大臣勝保等奏謝降級留任恩。得旨。是時悔已無及。若再不知

以國事為重。各存爭功見好之心。則皆是該殺者。朕言出法隨。勝保等其共懍之。又奏連日攻勦逆匪情形。批。逆匪死黨甚多。若不盡行殲斃。轉貽後患於無窮。萬分緊時。豈可先自開一省事之法。將來直省完竣後。除隨時土匪不計外。如再有粵匪潛匿之事。必將勝保正法。○直隸通永鎮總兵官保恆緣事降調。以大沽協副將李志和為通永鎮總兵官。○以獨流勦匪獲勝。賞副都統銜總管魁福花翎。予陣亡參領阿勒金泰。那勤莫德哩。關明。前鋒校貴興。副前鋒校德克登布。吉順。薩郎。阿空。花翎存德。參領貴隆。阿勒春。忠明。志廣。常興。護軍校德明。額勒和善。步軍校額勒金。保守。備趙。等。把總劉國祿。祭葬世職。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十四

救修

咸豐三年癸丑十二月辛未朔

上詣

大高殿行禮。諭內閣葉紹春奏。滬陳病狀等語。現在海疆勦捕緊要。該提督於洋面情形。素為熟悉。據稱起跪維艱。不能騎馬。尚於辦公無礙。葉紹春著即趕緊醫治。仍督飭將弁認真巡緝。毋得藉詞引疾。致負委任。○禮部以明年元旦慶賀禮節。請得旨。照例行禮。停止筵宴。○署閩浙總督有鳳奏。閩省上忙錢糧。因匪徒滋事。未能依限報解。得旨。所謂實

力催徵。不過空談。自總督以至府縣。相率顛預。焉能濟事。汝既謂該藩司所詳。不能盡行照准。故作是依違兩可之辭。殊非覈實辦事之道。仍應趕緊催解。豈可任意耽延。○山東巡撫張亮基奏。馳赴德州督防。仍請暫行回省。居中調度。得旨。汝非無才。亦非不能振作者。但能刻刻奮發。自有展布之日。勉之。勉之。○緩徵山東陵樂陵鄒平三縣及德州衛。被水莊屯新舊額賦。○壬申諭內閣。吏部兵部

奏。遵旨查覈江西省保舉守城出力文武員弁一摺。江西布政使陸元烺。按察使譚光宸。所屬府縣失守。例應革職。雖防守省城出力。功過僅足相抵。著毋庸再給議敘。督糧道鄧仁瑩。署鹽法道王訓。署南昌府知府林福祥。均因所屬府縣失守。部議降調革職。曾降旨以守城出力。從寬免議。自不得再請恩施。其調任江安督糧道吳其泰等一百二員。及武職一百五員。人數過多。不足以昭覈實。著該

撫擇其尤為出力者。另行酌覈保奏。並將所保各員內。有無先在失守城池各地方委署調署之處。詳細查明。確覈功過。分別再行奏請。以杜冒濫。○諭軍機大臣等。昨因天津練勇。需人統束。降旨令勝保傳諭文謙。即赴大營管帶鄉勇。以資駕馭。本日據鴻臚寺卿齊承彥奏。請飭票商張錦文。隨同照料鄉勇等語。該商前於賊擾縣境時。捐貲助勦。復源源接濟餅餌。以為鄉勇打仗之需。好義急公。具

徵誠悃。若令前往軍營。必可固結義勇之心。該大臣等。亦得收驅策之效。著文謙迅飭張錦文。馳赴該鹽政營中。隨同照料鄉勇。如能始終奮勉。或殺賊立功。或捐貲備餉。即著隨時保奏。候旨加恩。至楊需素得民心。惟現在慶祺軍營。亦屬乏人。著仍留該侍郎營內。協同籌勦。並著勝保察看情形。妥為調度。原摺著鈔給閱看。將此諭知勝保。並諭文謙知之。○又諭琦善等奏。賊援廣至。鄉勇潰逃。經官

兵渡河截勦斃賊一摺。覽奏焦灼之至。琦善統領全軍攻勦揚州賊匪。自春及冬。擁兵觀望。坐令四出衝突。近復攻陷儀徵。每隔旬餘。輒以小勝奏報塞責。相持累月。餉竭兵疲。是誰之罪耶。鄉勇等本係烏合之眾。與兵丁有間。但當雷以誠初到之時。揚州東路本無官兵。不能不募勇協勦。且屢次帶勇人員。亦有斬獲。全在該大臣等申明紀律。用其銳氣。以助兵力之不逮。乃任今日久玩生。紛紛潰散。

尚有何顏據以入告。甚至賊眾掩至。而鄉勇尚在睡夢之中。尤出情理之外。即各營鎮將員弁。無論何人保奏。何人管轄。統歸琦善節制。何平日漫無稽察。直待事機已誤。始以諉過之辭。奏請查辦。前經疊降嚴旨。並硃諭斥責。該大臣置若罔聞。不克早圖收復。至此情形支絀。罪將焉歸。所有一切調度。著該大臣迅速通籌。如何分路扼守。不令逆匪恃眾北竄。於江路運河。分別堵截。著與陳金綬。雷以

誠慧成等。趕緊籌辦。務將揚州。與三汊河。及儀徵賊匪。斷其援應。盡力勦除。其在營各勇。尤須加意撫綏激勵。勿令效尤潰散。流而為匪。其不遵約束者。立即治以軍律。參將馮景尼所轄之勇。潰逃多名。該員不能約束。罪無可辭。著即革職。仍留營效力。以觀後效。又據奏晉康谷稱。賊匪分股撲施家橋時。職員張翊國帶隊逃走。本日復據雷以誠奏。張翊國帶勇進攻桂花莊土城東路。因南路之勇先

到。將兩土城攻破。該匪抄出南路各勇之後。襲營放火。張翊國正在奮力衝擊。因見火起。抽身殺出。身中二槍。千總孫得富。身中銃傷一處。矛傷二處等語。與晉康所咨不符。張翊國著先行革職。交琦善等確切訊明。有無逃避情事。再行據實會奏。將此由六百里加緊諭令知之。○又諭。據青麇奏。滙陳楚北情形。一摺。現在逆匪竄踞黃州一帶。該處為皖豫要衝。關係江北大局。若非併力迎擊。何以遏

賊北竄之衝。武昌存城官兵將及二萬。乃吳文鎔等坐擁有用之兵於無賊之地。是徒知株守一隅。置通省全局。天下大局於不問。老成疆吏。何遽出此。吳文鎔畏懦形於外。而中無布置。深堪痛恨。臬司唐樹義前因敗退遁回省城。已不可解。而派援黃州之副將駱永忠。又復帶兵回省。吳文鎔所謂調度者何在。且兩旬以來。並未據該督等將緊要軍情。隨時入告。豈徒事閉城坐守。遂足為藏身之固。

耶。著吳文鎔懍遵前旨。迅即督兵出省迎賊所向。奮力進攻。斷不准再事遷延。致干重罪。其省城防勤。仍著崇綸妥籌布置。亦不得藉詞諉卸。該督撫身膺重寄。儻因各執一見。致誤事機。朕惟知執法從事。決不姑寬也。懍之懍之。將此由六百里加緊諭令知之。○又諭御史王兆松奏。直隸永平府屬一州六縣。無處不有梟匪。數月內官設鹽店被搶者十之八九。地方官出一緝捕之票。捕役巡役轉藉

查拏為名。肆行滋擾。以致梟匪千百結夥。持械四出搶劫。請飭嚴拏等語。現在遵化州所屬即有梟匪糾眾搶劫之案。雖經拏獲多名。而餘匪尚多在逃。永平壤地毗連。似此梟匪肆行。儻令句結蔓延。必致釀成巨患。著桂良嚴飭各該道府會同營汛認真按拏。一經拏獲。即行就地正法。梟首示眾。並曉諭各村鄉民。遇有梟匪聚掠。齊心圍捕。格殺勿論。如有巡役捕役滋擾庇縱。亦准擒拏送官。加等治

罪。地方官因循諱飾。或捕拏不力。即著從嚴叅辦。仍著該督先將該府所轄地面鹽店被搶若干處。鄉村被搶若干家。據實具奏。不准稍有迴護。又據綿勳奏。滄州駐防筆帖式雙魁稟報。九月二十五日。逆匪撲陷州城。城守尉德成。巷戰受傷。跌水陣亡。又陣亡殉難防尉等官。並兵丁婦女三千一百餘名口。所報名數是否相符。該筆帖式所稱先期派赴天津之處。有無虛捏。傷亡官兵應如何獎卹。現

存兵丁。應如何妥為布置。均著查明覆奏。候旨辦理。原摺二件。均著鈔給閱看。將此由四百里諭令知之。○軍機大臣會同戶部奏。議覆推廣京員捐輸章程。准令廕生旗員。改捐對品文職。得旨。廕生一項。不過滿洲大員之子弟。人數無多。徒令其盡改文職。殊非覈實之道。若改捐者少。有名無實。更屬不必。此條亦著毋庸議。○陝西道御史伍輔祥奏。城守之法。請以二人更番互守城口。得旨。巡防王

大臣速議具奏。又批。最為守城之後著。斷無偵探全無。待其爬近城垛。以一二入爭於頃刻之理。成法俱善。但可仿照變通。不可固執致誤。○欽差大臣琦善奏。東路鄉勇潰散。軍情危急。現籌杜賊北竄情形。得旨。此時豈可還分彼此。總以禦賊北竄為最要。最要之急著。大局為重。無顧其他。○閩浙總督慧成奏。賊匪竄近邵伯灣頭。現在調兵力堵。得旨。何緊急如此。皆因以前畛域太分。致貽崩解之

患。汝係滿洲大員。竭力為之。悉聽之天。成敗非是時所能計及也。○漕運總督福濟奏。俟調集援兵。即馳援廬鳳各郡。得旨。總期速益加速。援廬郡。非獨暫全皖省大局。兼可扼賊北竄。○以湖北隨州拏獲奸匪承審出力。予知縣楊嘉運等。升敘有差。○以捏報巡洋。並違例坐轎。革浙江黃巖鎮總兵官湯倫職。○以浙江艇匪竄擾。革都司何隆恩。徐華。千總楊加元職。○賞京旗出征兵鈔票一月錢糧。

○予江蘇揚州陣亡黑龍江副總管圖庫魯祭葬世職。○賞湖北殉節知府董振鐸子澍。員外郎潤泗主事。○免福建本年例貢果品。○癸酉。諭內閣。前因天津壯勇守城勦賊。甚為出力。降旨嘉獎。茲據文謙奏稱。天津各鋪戶。每夜分段巡查。器械號衣。均係自行捐辦。數月以來。幫同地方。查拏奸匪。並無疏懈。該鋪戶等。好義急公。同仇志切。與前此打仗出力之壯勇。均堪嘉尚。著文謙先行傳旨獎勵。

並諭令該鋪戶。務各始終奮勉。互相保護。俟軍務告竣。即行據實保奏。候朕施恩。○諭軍機大臣等。昨據琦善等奏。賊援廣至。揚州東路鄉勇潰散。營盤被賊占踞。又據慧成奏。邵伯灣頭。萬分喫緊。各等情。覽奏實深焦急。琦善統領大兵。圍攻揚州。幾及一載。屢奏賊勢窮蹙。並不乘機進攻。迅圖克復。且與雷以誠。慧成等。各懷意見。畛域太分。兵勇各不相顧。以致賊援大至。鄉勇潰散。該大臣等。不能和

衷共濟。坐失事機。實堪痛恨。揚州東北一路。為高郵。寶應。及淮安要道。施家橋已被賊踞。邵伯灣頭一帶。最關緊要。該大臣等。既知嚴防賊匪北竄為要。又知東路勇不足恃。自當迅派得力提鎮大員。帶兵馳赴東路。扼要堵擊。若陳金綬之兵。與琦善同在西北一路。但知擁兵自衛。竟置東北於不顧。該處勇多兵少。設使勇盡潰散。賊從此路北竄。琦善豈能諉罪。著即令陳金綬速帶官兵。直趨揚州東

北。擇要駐劄。與慧成。雷以誠等。合力截剿。堵賊北竄。萬不可再有疏虞。致干重罪。陳金綬久歷戎行。且係幫辦大員。自到揚州以來。未見其獨當一面。著有戰功。此時東路緊要。該提督若再不知奮勉。擊賊。國法具在。豈能再從寬宥耶。將此由六百里加緊各諭。令知之。○又諭。昨據琦善等奏。賊援揚州。東路兵勇潰散。已諭令該大臣等。設法籌勦矣。賊踞揚城。久未克復。現在逆眾救援廣至。勢甚猖獗。

恐由揚州東北一帶。乘機紛竄。清江浦為淮揚後路。此時更應嚴密堵截。著楊以增。督率地方河工文武。扼要嚴防。知縣吳棠。聞其團練壯勇。甚得民心。若飭令帶勇擊賊。定當得力。至黃河為南北天險。前已疊次諭令王履謙。長臻。督率巡河員弁。嚴防渡口。現在情形。尤屬緊要。著遵照前旨。實力稽查。將各處隘口船隻。概行收集。儻有疏虞。惟王履謙。長臻是問。並著楊以增。督飭文武。於黃河漫口上。

下游嚴防奸匪竄逸。毋得互相推諉。致滋貽誤。儻令揚州逸匪乘間北來。該河督等。均難辭重罪也。將此由六百里加緊各諭令知之。○又諭和春袁甲三奏。遵籌臨淮守禦。並分兵進援廬州一摺。賊匪攻撲廬州情形甚為緊要。和春自當趕緊赴援。現在舒興阿所帶官兵。業經到齊。即著和春飛咨該督撥兵三千名。以資攻剿。並知照該督。即於潁州一帶扼要駐劄。嚴防逆匪分竄豫楚之路。並可勦

捕土匪。與和春袁甲三互相策應。參將劉玉豹扼守臨淮。其餘宿一帶。袁甲三必須擇要駐劄。以為臨淮後應。並可控制各路土匪。萬勿令其與南路逆匪勾結為患。熱河等處官兵。已由和春帶赴廬郡。著即知照琦善。毋庸調赴揚州。所請籌撥餉銀。已有旨。令山東河南各籌撥數萬兩解皖。昨據山東奏報。已撥五萬兩啟程。本日又諭令河南山西迅為撥解。並令戶部籌議矣。將此由六百里加緊諭

令知之。○又諭昨據琦善奏。揚州東路鄉勇潰散。營盤被賊占踞。又據慧成奏。邵伯灣頭萬分喫緊。各等語。已諭令琦善等分路扼守。嚴防北竄矣。山東與淮徐接壤。自應嚴密設防。惟獨流逆匪。尚未蕩平。南北兩路均關緊要。張亮基現赴德州。恐未能兼顧南路。應如何慎選將弁。派撥兵勇。於山東江南交界各要隘。嚴防賊匪竄入之路。著即迅速籌辦。一面將布置事宜。據實馳奏。並督飭沿河文武

員弁。實力巡查各口岸。毋令賊匪偷渡。將此由六百里加緊諭令知之。○又諭和春袁甲三奏。徐州糧臺餉銀匱乏。請飭近省籌撥銀二十萬兩。以資接濟等語。現在皖省官兵雲集。需餉甚急。前有旨。令英桂撥銀五六萬兩。解赴皖省。諒已遵辦。茲據和春等奏稱。徐州糧臺奏撥之款。內有陝西銀四萬九千兩。為河南截留。僅解還銀一萬四千兩。又河南鹽規銀一萬兩。地丁銀四萬一千兩。屢催未解。

當此需餉孔殷。應解之款。豈容藉詞延玩。著英桂將欠解銀兩。於河南正雜各款內。迅速籌撥。如數解赴徐州糧臺。萬不可稍有遲誤。並著恆春。於山西省籌銀數萬兩。解交皖省。以濟要需。其山西省應行解部捐輸等款。仍著恆春遵照前旨。委員迅即解京。並將起解日期。先行奏報。將此由六百里加緊各諭令知之。○又諭文謙奏。遵旨帶勇赴營會勦。兼籌津郡巡防事宜一摺。天津為畿輔屏障。現

在防勦喫緊。該鹽政督守城外關廂地方。勸諭練勇。著有成效。據稱帶勇赴營。並往返照料防守。自係為通籌全局起見。所有謝子澄前帶各勇。著即派候補同知直隸州宋嵩慶。候選知縣耿日棠。輪替在營管帶。該鹽政仍與天津道張起鵠。更替赴營統帶。以期得力。務於防勦兩有裨益。不致貽誤。將此由六百里諭令知之。○江南提督和春等。奏報徐宿一帶軍務棘手情形。得旨。雖事事棘手。安可

置之不問。斷不可稍有畏難。汝二人能和衷商量。甚好。○科布多幫辦大臣輯瑞奏。稱逆匪竄入直隸。請扼要防堵。從中夾擊。得旨。汝未知是時之萬分緊急也。然勝保大兵屢次得手。况天津並未失。指日即可掃除矣。○甲戌諭內閣。本日據琦善。陳金綬奏。賊於前月二十六日夜間。全股由東面竄赴瓜州。揚城業已克復等語。揚州賊匪窮蹙。盛久思竄逸。各路統兵大員。宜如何嚴密設防。杜其奔突。乃

因東面勇潰。致令瓜州賊匪。竄入揚州。聯為一氣。棄城逃去。實堪痛恨。馮景尼。帶勇分守揚子橋。首先奔潰。必應從嚴懲辦。以伸國法。著即行正法。張珩國防守施家橋。棄而弗守。亦屬罪無可逭。著發往新疆充當苦差。以示懲儆。雷以誠。慧成。與晉康。查文經。均在揚州東路防勦。督率無方。均難辭罪。琦善統領全軍。不能及早克復揚州。以致賊從東路竄出。陳金綬幫辦軍務。一籌莫展。厥罪維均。琦善

陳金綬。雷以誠。慧成。著革職。晉康。查文經。著一併革職。戴罪自效。仍責令琦善等。督率晉康。查文經。並各營將弁。迅即將儀徵瓜州逆匪。剋日剿除。並於江路運河。派兵分投堵截。儻再不知奮勉。致令賊匪紛竄。朕惟執法從事。決不寬貸。○又諭給事中賈世行。奏山西捐輸。請盡裁浮費等語。山西各屬捐輸。頗為踴躍。惟各該州縣。因銀樣不齊。成色不足。飭令加耗補平。以致各捐生觀望不前。現當籌

備經費之時。宜如何體恤民情。設法勸諭。以濟要需。若如該給事中所奏。地方官任意取盈。吏胥從中需索。鑪局藉此勒捐。種種弊端。不可枚舉。山西一省如此。他省可知。嗣後各直省辦理捐輸。著各該督撫。嚴飭各州縣。盡裁浮費。隨繳隨收。陸續報解。所有火耗補平各名目。悉行禁革。儻有不肖州縣。婪取肥己。任聽書役勒索擾累。或將收捐銀兩。並不隨時報解。任意開銷。一經告發。或被科道糾叅。

除該地方官按律治罪外。該督撫藩司。一併嚴懲不貸。懷之。○諭軍機大臣等。勝保奏。趕築礮臺。移營逼近賊壘等情。並繪圖貼說。披覽均悉。逆匪占踞獨流靜海。已逾兩月。此股一日不除。畿輔一日不安。况揚州賊援廣至。現已全股竄赴瓜州。揚城雖已收復。而賊勢愈張。設使大股北竄。則淮徐山東一帶。更將滋蔓難圖。該大臣等。務當趁此賊勢窮蹙之時。趕緊進攻。勿稍延玩。至解散脅從。尤須加

意慎重。若如勝保告示所云。臨陣棄械。道旁長跪。即可免死資遣。毫無稽察。設被奸匪。洩出。豈不又墮奸計耶。另片奏。請飭僧格林沁。移兵進剿第六府。本日已諭令僧格林沁酌度情形。刻即移營前進。會同勝保相機夾攻。該大臣與僧格林沁共辦一事。務須合力同心。剋期進剿。迅殄醜類。若稍分畛域。彼此不相援應。以致賊匪竄逸。僧格林沁勝保均難辭咎。所請餉銀。已諭令桂良迅速撥解矣。將

此由六百里加緊諭知勝保並諭德勒克色楞知之○又諭勝保奏請飭僧格林沁酌度地勢移兵前進等語勝保連日移營逼近賊壘建築礮臺逆匪屢次搶撲均被擊退現飭各路嚴防惟兵勇分撥堵禦仍恐力單據稱第六府地方為獨流北路要路若有重兵防守聲勢更壯朕思僧格林沁既須帶兵前進不徒防守一隅總以合力進攻為要該大臣接奉此旨著即相度地勢情形移兵前進與

勝保併力攻剿以期一鼓殲除斷不可令賊匪竄逸本日據琦善等奏揚州賊匪全股由東路竄赴瓜州揚城雖已收復而匪黨仍復肆擾若不將畿輔趕緊廓清致逆匪北竄勾結勦辦更難得手僧格林沁與勝保共辦一事務當同心合力迅速奏功該大臣忠勇素著必能統籌全局用副委任勉之勝保原片著鈔給閱看將此由六百里加緊諭令知之○又諭勝保奏請飭直隸總督迅將山西續

解銀兩催赴大營等語山西省續撥軍餉銀十五萬兩已據該撫咨報分解直隸省城交納應由直隸轉解到營茲據勝保奏稱屢次各催尚未解到以致各營口糧多有積欠當此軍務喫緊之際需餉孔殷豈容玩延貽誤著桂良即將山西省解到前項銀兩迅即派員解赴勝保軍營以供支放毋稍延誤將此由四百里諭令知之○又諭琦善陳金綬奏揚城內外賊匪全股竄赴瓜州一摺覽奏曷

勝憤急已明降諭旨將琦善等革職責令戴罪自效並將馮景尼張翊國分別治罪矣琦善統帶大兵攻勦揚州逆匪老師糜餉日久無功陳金綬以幫辦大員亦復毫無表見朕前謂琦善待賊盡竄收復空城今竟不出所料猶自謂功敗垂成無恥已極琦善陳金綬與雷以誠慧成共辦一事乃始終不能和衷共濟各分畛域以致賊匪乘間全股竄逸均難辭罪晉康查文經現退至灣頭該員等畏

蕙無能。亦可概見。現在賊據瓜州儀徵兩處江口。若不東竄通泰一帶。勢必折回北竄。昨有旨。令陳金綬帶兵直趨揚州東北駐劄。此時賊已退出揚城。即當督兵前進。自北而南。扼要堵擊。無論東西兩路。如有賊匪回竄。擾及揚州上游。必將琦善等盡置重典。決不寬宥。懷之。將此由六百里加緊諭知琦善。並諭令陳金綬。雷以誠。慧成。知之。○又諭怡良。許乃釗。奏。勦辦上海閩廣匪徒。並查各夷嚴防。句結等語。據稱。吳健彰因賊目劉麗川。林阿幅等。反覆無常。連日督船進攻。賊勢窮蹙。現在謝繼超。令勇目謝安邦。往向說降。該匪劉麗川等。稱係林阿幅等不允。是以遷延未決。若令各礮臺停止放礮。即行歸降等情。逆匪詭詐多端。據稱說降情節。甚屬支離。斷難憑信。該督等。務須體察情形。辦理萬勿墮賊奸計。總以督率兵勇。迅圖克復為要。至所稱俄囉斯夷船二隻。停泊崇明東頭洋面。有夷目

一名。在花旗夷館借住。候船修好。即回本國等語。該夷是否因在洋遭風。暫泊海口。抑或另有別情。著怡良。許乃釗。密飭吳健彰。妥為駕馭。一俟船隻修好。迅速飭回本國。毋任日久逗遛。將此由六百里諭令知之。○又諭有人奏。前任奉天承德縣知縣延瑞。藉端阻撓。肥飽私囊。以致捐項不能呈交等語。不肖州縣。營私舞弊。苛派侵吞。最足貽害地方。現當經費支絀之時。尤應亟加整頓。豈容此等貪

劣之員。挾嫌需索。擾害商民。若如所奏。該縣延瑞。挾科派不遂之嫌。不准銀錢出城。徧勒刑求。婪索多贓。以致鋪戶聞風逃避。亟應徹底根究。以肅吏治。而儆官邪。著奕興。和色本。恆毓。按照所參款蹟。確切查明。據實嚴參懲辦。勿稍徇隱。原摺著鈔給閱看。將此諭令知之。○安徽巡撫江忠源奏。壽春鎮總兵官玉山陣亡出缺。酌保打仗奮勇將弁數員。請旨簡放。得旨。有缺保薦。原干議處。第此時非尋

常可比著令金玉貴署理迅飭向榮令該署鎮即赴新任又奏西安馬隊帶兵官伊昌阿珂登額臨戰逃避武舉劉萬青冒領勇糧請分別治罪批伊昌阿二員查明即行正法劉萬青著即處斬○江南河道總督楊以增奏清淮為南北要隘現在竭力籌防情形得旨已有旨飭汝嚴防第前路空虛及福濟不能一人赴皖均係實情○以禮部尚書徐澤醇兼署戶部尚書○以貴州提標右營遊擊全

玉貴署安徽壽春鎮總兵官改新授壽春鎮總兵官劉開泰為候補總兵官○以安徽廬州府守城出力賞守備程智泉花翎勇目謝賢達等藍翎餘升擢有差予陣亡已革總兵官玉山祭葬世職○賞直隸軍營各征兵鈔票一月錢糧○緩徵吉林三姓歉收地方新舊額賦○乙亥諭內閣向榮奏官兵請領餉銀並不稟知該管官辦理輒赴營紛紛請領等語此次貴州湖南官兵於擊退賊匪後輒

赴營請領口糧銀兩並未由該管官豫為稟知雖經向榮提取糧臺銀兩發給不致滋事究屬約束無方向榮著交部議處彭玉雯職司糧餉未能先事豫籌著一併交部議處所有軍營餉銀著戶部迅速再為籌撥以濟要需○又諭戴垣等奏豐益倉放出甲米徽變不堪食用並有勒指耽延情弊一摺圓明園正紅旗應領甲米該倉勒指至三日之久所放米石又不堪食用著全慶朱嶸迅速查明

嚴參懲辦○諭軍機大臣等向榮自抵金陵以來實在與賊接仗僅止鍾山七橋窰兩次嗣後疊次奏報非言攻城之難即鋪張進攻之法從未見一真實勝仗近來所奏事事敷衍如賊竄高淳則鋪敘德安勝仗賊自鎮江出撲則鋪敘余萬清勝仗而於金陵賊巢絕不設法進攻但稱鑄造大礮張射告示欲以虛聲勝賊試思逆賊負隅堅守如此猖獗豈虛聲所能制勝現在瓜州儀徵大股逆匪分

撲揚州將揚城之賊全數引出。沿江賊踪絡繹。廬州被賊圍撲。勢亦危急。如果向榮能急攻金陵。傾賊巢穴。該逆豈能四出滋擾。前據琦善奏。據向榮來函。已有探聞賊匪欲從瓜儀分道援揚之語。向榮既有所聞。何以不急攻金陵。掣賊後路。徒以書札相貽。聽江北之自為布置。是誠何心。揚城逆賊全竄。罪在琦善。而救援之賊。絕無後顧之憂。誰之罪耶。今逆賊盤踞瓜州。分竄皖楚。金陵存城之賊。想

已無多。前此孫銘恩袁甲三所奏情形。均已諭知向榮。查明迅速籌辦。即據向榮前次所奏。亦稱城內廣西真賊不過千餘。湖南死黨亦不過五六千人。若不設法迅圖克復。雖鑄成數萬斤大礮。將何所用。豈亦欲效琦善之聽賊自竄。收復空城。然後自請治罪耶。以現在情形而論。揚州之賊久則必竄。金陵之賊斷無自竄之理。向榮株守紫金山。自謂東南屏蔽。不知果能奮力進攻。賊必懼而返顧。不

但南不能竄蘇常。北亦何能肆擾。此人人共知之理。向榮豈不知之。總由驕滑之習。橫結於中。不知悛改。殊堪痛恨。向榮接奉此旨。若再不迅速進攻。仍前遷延觀望。國法具在。必當立置重典。斷不能以東南暫保無事。遂從寬宥也。其如何進攻情形。仍著迅速奏報。鎮江賊情。尤為窮蹙。何以但事堵禦。並不攻剿。孫銘恩所奏川兵逃潰情形。極為悖悍。何以不能妥為約束。均著據實覆奏。不准虛詞搪

塞。正在寄諭間。復接向榮二十五日奏報。所稱接仗情形。仍未盡實。已於摺內詳晰批示矣。將此由六百里加緊諭令知之。○又諭前據崇綸奏稱。吳文鎔祇知閉城坐守等語。即知該督撫不能和衷商辦公事。當經嚴飭吳文鎔。崇綸務須同心合力。迅圖勦辦。茲復據吳文鎔滙陳崇綸與該督齟齬各情形。並請立賜罷斥。尤屬膽大妄為。荒謬之至。該督撫均係朕特簡大員。試思時勢何等急迫。乃敢

各執已見。置國事於不問。此等疆吏。即立予刑誅。亦復何惜。吳文鎔與崇綸。厥罪維均。殊堪痛恨。值此軍務緊急。若再不以防勦為重。國法豈能倖逃。著吳文鎔仍遵前旨。迅速統帶官兵。出省迎勦。不准稍涉耽延。崇綸仍著專辦省城內外防守事宜。儻因布置未周。堵禦不力。致有疏虞。惟崇綸是問。若進勦有誤。機宜。惟吳文鎔是問。決不寬宥。懷之。將此由六百里加緊諭令知之。○又諭。現在賊匪竄

擾黃州一帶。已命吳文鎔帶兵出省勦辦。武昌重地。防守緊要。本日有旨。令台湧兼程馳赴德安。接辦防勦事務。青麐俟台湧到德安接辦後。即著趕赴武昌。籌辦防勦事宜。並將抵省日期。迅速由驛馳報。毋稍延緩。將此由六百里加緊諭令知之。○又諭。前曾諭令吳文鎔出省勦辦黃州一帶賊匪。本日復催令前進。並命青麐前赴武昌省城。現在德安一帶。並無大員駐守。著台湧於接奉此旨後。即

刻兼程馳往德安。接辦防堵事宜。以便青麐啟程赴省。德安等處。近鄰河南。江面賊船。尚未掃除淨盡。該逆詭計多端。必須刻刻防其北竄。該將軍兼署提督。所有江北水陸各路。均著督率地方文武。認真嚴防。其上游荆襄各屬。並應嚴密堵禦。隨時稽查。毋令賊蹤闖入。荊州駐防官兵。即著官文。貴陞。統帶防守。該將軍行抵德安日期。迅即具奏。毋稍延緩。將此由六百里加緊諭令知之。○又諭。官文。貴

陞。知之。○又諭。據王懿德奏。粵艇遭風折回。兩幫共有十餘隻。實形損壞。其作法非閩匠所諳。必須回粵修理。再由粵省駛赴江南等語。著葉名琛。柏貴。於該艇船回粵後。即飭查明損壞之處。將各船緊要器具。趕緊修理。務須堅固完好。一俟交春。東南風轉。即派管駕之員。剋期駛赴江南。以備金陵鎮江攻勦之用。萬不可再有耽延。致滋貽誤。將此由六百里加緊各諭令知之。○又諭。天津現當防勦

喫緊之時。凡守禦撫緝事宜。均關緊要。地方官非幹練有為。素愜輿情者。難期勝任。自天津縣知縣謝子澄陣亡後。其缺尚未揀員請補。茲有人奏。武清縣知縣胡啟文。素得民心。凡操練鄉勇。必身先演試。饒陽縣知縣秦聚奎。以練勇禦賊。賊不敢犯等語。著桂良詳加酌度。如該員等於天津要缺。可期勝任。即揀選一員。奏請調補該縣知縣。藉資得力。儻察看該員等於天津不甚相宜。仍著另揀妥員。

請補。不必以奉有諭旨。稍涉拘泥。將此諭令知之。○軍機大臣會同戶部。奏議四川道御史蔡徵藩奏。部費煩苛。嚴懲積蠹一摺。請飭刑部明定章程。凡各省解餉官到京。如胥吏勒索。經該員首報。或被人參發。專罪受者。計贓行刑。仍嚴追原項。給還本人。庶幾弊絕風清。從之。○署四川總督裕瑞奏。稱一介武夫。兼署督篆。辦理惟恐失當。得旨。朕總以能辦事整頓者。及廢弛者。為任人之則。汝心中自

命為武夫。亦太覺見小。自問無愧。原不必過於兢持。惟期撫洽輿情。莫負委任。應嚴處加倍從嚴。朕斷非教汝取悅於人以自誤也。○幫辦軍務已革刑部侍郎雷以誠等奏。揚州逆匪竄出南門。郡城已復。得旨。圍攻半載餘之賊。一旦竄出。成何事體。尚如是鋪張無恥。已極。粉飾入奏。已屬有意掩飾。若被賊聞。豈不成一大笑話。琦善業經入奏。已有旨。又批。有何可慰。幸汝等面皮厚。方能出此。○湖廣

總督吳文鎔奏。參已革總兵官楊昌泗。退兵回省。請發往軍臺效力。得旨。楊昌泗雖迹涉退避。參之固當。唐樹義夜遁黃州。何不嚴參。亦未聞論及。此何時也。尚存一重文輕武之心。爾輩有此習者。即立正典刑。不足蔽辜。又奏。撫臣崇綸。堅僻自是。將來恐有貽誤。請另簡重臣。以期事歸畫一。批。汝二人厥咎維均。負氣詭辭。無恥已極。膽大已極。○欽差大臣湖北提督向榮奏。金陵籌備進攻事宜。並鎮

江水陸獲勝情形得旨朕看未必盡實不過因攻打情形多日未奏藉此敷衍然擣穴擊虛亦是善法第恐徒勞無功向榮嗣後或勝或敗必將實在情節敘出朕雖未曾與汝謀面汝之肺腑朕已早見料汝亦斷不敢視朕如賽尚阿一派講張為了事也○以右春坊右庶子杜翰為內閣學士兼禮部侍郎銜○以捐貲募勇出力賞刑部主事楊熙四品頂帶○以湖北退軍回省已革總兵官楊昌泗

發軍臺效力按察使唐樹義革職留任○予山西傷亡協領巴揚阿祭葬世職○旌表守正捐軀河南新野縣民韓可選妻翟氏○丙子

孝惠章皇后忌辰遣官祭

孝東陵○諭內閣載垣等奏請飭催兩淮生息銀兩一摺兩淮應交圓明園八旗內務府三旗生息銀兩積欠至十八萬六千兩之多實屬玩泄著怡良即飭該運司將此項銀兩趕

緊如數解交各該衙門以資辦公無再延宕○又諭華山泰慶酌奏張家口駐防兵餉請飭催撥一摺張家口駐防滿洲蒙古官兵月支俸餉向由口北道按季在於直隸藩庫支領如期給放現在該官兵應領本年冬季俸餉銀兩經華山泰等屢催罔應糧餉攸關豈容遲誤著直隸總督迅飭藩司即將此項欠撥銀兩發交該管道廳散放嗣後該處官兵俸餉並飭該藩司按季發給無再延誤○革

職留任江南河道總督楊以增奏探聞揚城收復並陳清江浦目下情形得旨一切機宜隨時酌量總以迅速為要○命協辦大學士賈樟署翰林院掌院學士○以通政使司通政使文彩為都察院左副都御史○丁丑

上詣

大高殿行禮

時應宮

昭顯廟拈香○前任禮部侍郎曾國藩奏籌

備水陸各勇。俟右江道張敬修解礮到楚。即馳赴安徽會勦。得旨。現在安省待援甚急。若必偏執己見。則太覺遲緩。朕知汝尚能激發天良。故特命汝赴援。以濟然眉。今觀汝奏。直以數省軍務一身克當。試問汝之才力。能乎否乎。平日漫自矜詡。以為無出已之右者。及至臨事。果能盡符其言。甚好。若稍涉張皇。豈不貽笑於天下。著設法趕緊赴援。能早一步。即得一步之益。汝能自擔重任。迥非畏葸者。

比言出諸汝口。必須盡如所言。辨與朕看。又奏。請將湖南本年漕米。提用二三萬石。以濟軍餉。批。用之於軍需。不為浪費。尤須迅速。各部勿稍含混。○以翰林院侍講學士崇實。為通政使司通政使。○戊寅。

上幸瀛臺。○諭內閣。戴容等奏。請飭催應解款項等語。該處兵役餉銀。向係各州縣按季由藩庫支領申解。本年秋冬兩季餉銀。尚未據全數發給。實屬延誤。著直隸總督嚴飭該藩。

司。查照籌撥。迅速解往。俾資接濟。○諭軍機大臣等。前據已革知縣成興呈稱。各樣火器製法。當令薩迎阿等。詳細詢明具奏。茲據奏稱。傳到該革員詢問。並將製法開單呈覽。著德木楚克扎布等。即傳成興到營。飭令該革員將所呈火器各種。如法製造。演試能否合用。據實具奏。原呈著鈔給閱看。將此諭令知之。○又諭。僧格林沁奏。第六府地面狹窄。實難創營等語。僧格林沁著仍駐劄王慶坨。扼

要堵。現在獨流逆匪。經大兵攻勦。勢已窮蹙。自以防其乘虛北竄為要。既據該大臣體察情形。仍須駐劄王慶坨。以備策應。即當嚴飭副都統伊勒東阿。那敷德。副將史榮椿等。嚴密防範。現值天寒冰結。尤應晝夜巡查。不可稍涉大意。該大臣統領重兵。為京師屏障。責任綦重。想已統籌全局。布置周密。設有疏虞。惟該大臣是問。懍之。將此由六百里加緊諭令知之。○又諭。本日據僧格林沁奏。查看

第六府地面狹窄。實難安營。馬隊亦無處屯。劄如賊北竄。又成尾追之勢等語。自係實在情形。已諭令僧格林沁。仍駐劄王慶坨。責成專防後路矣。勝保勦辦獨流逆匪。已逾兩月。尚未能埽穴擒渠。實屬延緩。近日移營前進。逼近賊壘。建築礮臺。晝夜環攻。自應得手。惟連日未見奏報。殊深懸繫。該逆雖堅匿不出。亦須設法轟擊。分路進攻。或誘令出巢。設伏截擊。豈可任賊負隅。疲我兵力。遷延時日。迄

無成功。現在防禦後路。既專責僧格林沁。進剿賊巢。勝保亦責無旁貸。著即督率帶兵各員。剋日進攻。毋得藉詞推諉。致干重罪。至靜海城內賊匪近日情形。及西凌阿善樣刻下如何攻剿之處。並著該大臣迅速據實具奏。將此由六百里加緊諭令知之。○又諭前因皖省需餉甚急。當諭令張亮基迅速籌撥。旋據該撫奏稱。撥銀五萬兩。派員解赴廬州。昨據江忠源奏。城內軍餉告竭。難敷十日之用。

等語。朕心甚為焦急。現在賊匪攻撲廬郡。守禦萬分緊要。若軍餉稍有缺乏。貽誤非輕。著張亮基於山東省中。無論何款。再行籌撥銀數萬兩。迅派妥員解赴皖省。以資接濟。不得以無款可籌。一奏了事。並將前已起解之款。飛催沿途妥速護送。仍知照舒興阿和春等。遵委得力弁兵前來迎提。務期剋日解至廬州。毋稍延誤。將此由六百里加緊諭令知之。○欽差大臣琦善等奏。籌辦揚城善後事宜。

得旨。募勇原難保其不通逆。總在駕馭得宜。不致欲用不可。欲逐不能。以致牽累。好兵不能打仗。則所失甚大。○添派內閣學士杜翰辦理巡防事宜。○己卯。諭內閣。勝保奏。請留革員暫辦糧臺等語。已革直隸藩司張集馨。係應行發遣之員。前因勝保奏請暫留帶勇防剿。始准所請。何得復請辦理糧臺。竟使該革員置身安閒之地。冀為異日邀恩起見。所請著不准行。仍著勝保嚴行察看。如該革員

於帶勇勦賊。不能得力。即著遵照前旨。迅速發遣。不得再行瀆請。所有勝保軍營糧臺。著桂良速派廉幹道府大員。前往接辦。毋稍延誤。○又諭。勝保奏。攻勦逆匪。大獲勝仗。一摺。本月初六日。勝保調撥官兵。分布西南北三面。同時進攻。該逆從西岸分撲松玉等營盤。我兵分兩翼迎擊。逆眾敗退入壘。旋復傾巢衝出。勝保親督兵勇。爭先衝殺。立斃騎馬賊三四十名。賊眾自相踐踏。登時大潰。統計是

日殺賊七八百名。賊勢窮蹙。已極。著勝保即行督率各路將士。激勵兵勇。迅速攻勦。務將賊壘剋日掃除。盡殲醜類。不准稍留餘孽。並飭西凌阿。善祿。由靜海南面。節節進逼。併力合攻。以防竄逸。所有此次進仗出力各員。弁著准其酌量保奏。候朕施恩。○又諭。前因驛遞文報遲延。疊經降旨。令兵部按站查叅。此次勝保六百里加緊奏報。係初七日在靜海縣梁王莊拜發。該處距京甚近。何以本日已

刻。始行遞到。實屬延玩。著兵部即按傳牌。查明何站稽遲。從嚴叅辦。以肅郵務。而重軍報。○又諭。前經降旨。諭令各督撫。將擬發軍臺各官犯。迅即起解。無得違例遲延。茲據兵部奏。革員秋家丞等八員。均係應發軍臺官犯。經該部疊次咨催。仍未據各該督撫解部轉發。實屬延玩。有違定例。所有江蘇已革知縣秋家丞。朱學海。把總蘇錦堂。廣西已革知縣許鵬。王烈。遊擊吉祥。貴州已革護總兵王夢

齡。河南已革參將高俊著。各該督撫等。嚴飭迅速起解。毋得藉辭逗遛。儻再事遷延。著該部即將該督撫指名叅奏。○又諭。御史孟洋奏。請飭各省嚴緝土匪一摺。土匪藉端滋擾。原應嚴拏懲辦。以靖地方。即如近日直隸通州。灤州。寶坻。玉田等州縣。梟匪劫奪。經科道叅奏。已疊降諭旨。飭令嚴行查緝。該御史奏請通飭各省。嚴緝土匪。並未指明一案。徒託空言。該員由部曹擢任御史。自應建白國事。

朕覽此奏。不過因新升臺諫。撝拾外省套言。苟且塞責。若皆似此敷衍。甚非朕虛衷求言之本意也。從前嘉慶年間。屢降

諭旨。各御史遇有科缺。及各項差使。前期數日。必有建白。以冀上知其名。近來風氣。似此頗多。著傳知各科道。不准勦襲陳言。以為上進地步。凡有建白。必須據事直陳。勿稍徇隱。莫先存沽直之心。莫豫期傳誦之美。朕實有厚望焉。○諭軍機大臣等。勝保奏。初六日擊賊

獲勝一摺。該逆負隅已久。疊經嚴諭。催令勝保速速進攻。及早肅清畿輔。以紓朕念。此次奏報各情。兇勦尚屬得手。惟靜海獨流之間。賊匪時時勾結救援。使我兵腹背受敵。必須斷其接應。攻勦方能得力。所稱橫創營盤。挖斷往來隄堰。絕賊救援之路。即著密速籌辦。此外有無良策。使逆黨首尾不能相顧。亟應隨時隨地。體察機宜。豫為布置。現在賊勢窮蹙。已極。各路官兵。不為不厚。該大臣務須激

勵將士。勦力同心。剋日埽穴擒渠。毋再遷延貽誤。至達洪阿。以帶兵大員。前因輕進失機。降旨革職。查封家產。現既據勝保奏稱。該革員頗知愧悔。朕念達洪阿素有勇氣。著勝保傳旨訓勉。果能奮勇立功。不但赦其既往之罪。仍可再邀恩眷也。將此由六百里加緊諭知勝保。並諭德勒克色楞知之。○山東學政徐樹銘奏。濟甯州民被水災。請飭河督乘水涸時。興工辦理。得旨。汝此奏何不度時勢若

是。朕豈忍置災黎於不問。第是時何暇顧及。又批。何用駢體。殊屬未諳體制。亦可厭之至。○以直隸督造礮臺出力。賞知府崇厚花翎。○予廣西陣亡縣丞李鈺祭葬世職。○庚辰。諭內閣。前以天津縣知縣謝子澄。勦賊被害。業經降旨優加賜卹。並賞給騎都尉世職。著勝保查明應襲之人。迅速具奏。俾得及早襲職。謝子澄子弟。如有堪以帶勇者。即令赴軍營聽候差委。再朕聞謝子澄被害時。有勇目

余姓竭力救援。同時殉難。並著勝保查明。准將該勇目附祀謝子澄專祠。以彰義烈。○山西巡撫恆春奏。請將籌辦防堵積勞病故之知縣李薌。給予卹典。得旨。該員雖因積勞成疾。究與賊在本省在營病故者有間。著該部檢查這一二年辦過成案。如有似此者。即行議准具奏。如別省並無似此者。著不可率准致開藉口之一端。並將該撫等一併附參。○撥廣西常平倉穀支放兵米。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十五

欽此。○諭內閣。王懿德奏克復仙遊縣城一摺。福建逆匪林俊於本年八月竄踞仙遊該縣土匪乘亂蜂起。與該逆互為聲援。經該撫諭令在籍武進士劉逢泰親詣各鄉密約鄉耆約束解散。該逆勢孤。潛有遁志。當飭副將呂大陞從間道疾趨。探聞林逆先已逃至晉江。南安交界之雲峯等鄉。並有黑白旗匪黨在中途設伏。欲圖攔截官兵。呂大陞揮眾直

咸豐三年癸丑十二月辛巳

孝和睿皇后忌辰遣官祭

昌西陵。○諭內閣。王懿德奏克復仙遊縣城一摺。福建逆匪林俊於本年八月竄踞仙遊該縣土匪乘亂蜂起。與該逆互為聲援。經該撫諭令在籍武進士劉逢泰親詣各鄉密約鄉耆約束解散。該逆勢孤。潛有遁志。當飭副將呂大陞從間道疾趨。探聞林逆先已逃至晉江。南安交界之雲峯等鄉。並有黑白旗匪黨在中途設伏。欲圖攔截官兵。呂大陞揮眾直

前乘夜掩殺斃賊無算。即於十一月十七日將仙遊縣城克復。辦理尚屬迅速。除副將呂大陞本日另行降旨加恩外。王懿德前因勦匪遷延。交部嚴加議處。並將李廷鈺。交部議處。此次督辦有方。均著加恩開復處分。署海壇鎮總兵鍾寶三。經該撫派令與呂大陞會合夾攻。乃竟遲疑觀望。致令首逆林俊乘間脫逃。實難辭咎。著先行摘去頂帶。責令會同呂大陞迅速帶兵直搗賊巢。將該逆首從各犯悉數殲擒。以贖前愆。儻再貽誤。即著從嚴懲辦。○又諭前因勝保所發軍報驛遞遲延。當交兵部查明叅辦。茲據奏稱除楊青驛楊村驛並未遲誤外。其餘均有遲誤。潞河驛未填時刻。尤屬疏忽。著直隸總督順天府府尹查取各站遲延職名。交部議處。並著勝保嗣後發遞奏摺傳牌。務須填明時刻。以憑查覈。○諭軍機大臣等。昨據雷以誠慧成奏琦善請移灣頭大營分布東路。萬不可行。本日復

據琦善陳金綬奏收復揚城後防勦事宜。並查明東路帶兵大員諱飾取巧。各一摺。朕閱該大臣等所奏各情。仍是各挾私意。護過於人。試思琦善統領諸軍各路帶兵大員。均歸節制。東路勇潰雷以誠慧成固屬罪無可辭。琦善又豈能坐觀成敗。徒以一叅了事。以為卸罪地步。雷以誠所築礮臺無礮無兵。各營礮位無人收管。慧成悉將各營兵丁撤回。退保灣頭。似此畏葸無能。一籌莫展。殊堪痛恨。現在瓜州賊船千餘隻。尚未開行。究竟欲竄往何處。該大臣如何進攻。如何堵截。全未籌及。惟知與雷以誠等互相詆毀。竟置大局於不顧。是誠何心。前有旨令陳金綬徑赴揚州東北一帶扼要駐劄。該大臣營中帶兵得力者尚不乏人。著即飭令陳金綬迅即帶兵前進。嚴防揚城東面。並可追勦瓜州等處賊匪。慧成所帶兵僅一千餘名。即使移營前進。亦豈能如陳金綬之奮勇擊賊。若明知慧成不

能禦賊。而令其以孤軍前進。設有貽誤。罪將誰歸。逆匪詭譎異常。揚城雖已退出。難保不乘間復圖北竄。著琦善即嚴飭雷以誠。慧成等扼守萬福橋灣頭一帶要隘。並非令其株守一隅。亦須隨時相機接應。儻雷以誠。慧成等藉此遠退。不加奮勉。即著該大臣秉公嚴叅。朕必治以重罪。琦善係欽差大臣。陳金綬亦係幫辦大員。均屬責無旁貸。若但知擁兵自衛。不顧全局。儻致逆匪北竄。國法豈能再

逃。懷之將此由六百里加緊諭知琦善。並諭陳金綬。雷以誠。慧成知之。○以直隸軍營盤獲奸細出力賞參領賡良。副將達年。副指揮朱春花。翎餘升擢有差。○以克復福建廈門出力。賞副將呂大陞。巴圖魯名號。道員瑞璜。知府王朝綸。崇福員外郎吳葆旻。參將韓嘉謨。遊擊舒隆阿。都司陳上國。陳國泰等花翎。守備陳士英等藍翎。餘升敘有差。○以福建仙遊大田縣城被賊竄陷。革都司李呈瑞。知

縣張衡鈞典史何保鈞訓導陳際昇把總溫良恭職與已革遊擊陸振綬並逮問。○停廣西本年土貢。○緩徵直隸天津靜海青滄南皮鹽山慶雲衡水清豐九州縣及豐財蘆台嚴鎮海豐四場上年被災竈地額賦有差。○壬午。

孝德皇后忌辰遣官祭

殯宮。○諭內閣德勒克多爾濟等奏迎接哲布尊丹巴呼圖克圖之呼畢勒罕請旨照五世

所用白布圍牆紅色車轎或照六世所用黃布圍牆黃色車轎等語。前哲布尊丹巴呼圖克圖所用之黃布圍牆黃色車轎例應坐牀後方准需用。惟念哲布尊丹巴呼圖克圖乃累世推廣黃教護持蒙古而又喀爾喀四部落共奉之呼圖克圖也。加恩迎接今世之哲布尊丹巴呼圖克圖呼畢勒罕著准其沿途即用黃布圍牆黃色車轎至伊所用黃纛藍旗亦著照常需用。○諭軍機大臣等戶部

奏軍餉緊要請飭河南省迅速撥銀解往安徽以濟急需一摺前有旨諭令英桂籌撥銀五六萬兩即日委解皖省原因皖豫毗連撥解較近該撫自當飭司籌款趕緊解往方不致有貽誤乃竟以無款可籌覆奏而以飭部轉撥鄰省銀兩空言諉卸實屬不知緩急現據戶部查明該省丁耗各款除支銷外尚應徵存銀一百數十萬兩本年覈減養廉亦可提扣銀十萬餘兩此外清查追補等項約計亦復不少若將本省應徵應催各款任聽各屬藉詞延宕該署藩司但知見好屬員並不實力籌辦河南繁庶之區尚且如此疲玩若他省紛紛效尤軍餉要款將何所出現在廬州待餉萬分緊急必應就近撥解以濟要需著英桂督飭藩司仍遵前旨無論何款迅速籌撥銀五六萬兩刻即遴委妥員解赴皖省先將起解日期具奏其協撥甘餉銀二十萬兩宿遷糧臺未解銀四萬兩亦著趕緊解

毋再遲延另片奏遵旨請飭藩司鄭敦謹即回本任現在鄭敦謹即日來豫務令將前任交代逐款清釐各屬應行徵解之款徹底嚴查毋稍含混英桂甫抵巡撫之任無所用其迴護著即飭該司實力稽察以副委任原摺片均著鈔給閱看本日據英桂奏遵查被擾地方分別蠲緩懇請展限辦理等語所有河南被賊滋擾各州縣村莊自應詳加確查著該撫認真體察情形分別輕重酌量蠲緩總期覈實辦理毋致冒濫將此由五百里諭令知之○以內閣學士潘曾瑩為吏部右侍郎仍兼署刑部左侍郎○江西學政沈兆霖因病解任命內閣侍讀學士吳若準提督江西學政○以江南軍營疊次勦賊出力賞都司周天受千總戴文英李發榮巴圖魯名號花翎參將傅振邦遊擊張國樑周兆熊張騰蛟都司蕭知音巴圖魯名號已革提督福興副將巴圖三品頂帶花翎已革參將鄭魁士都

司花翎都司韓世禧守備陳澤綏蔣錫光張金燦李春寅楊連科沙達耳吉李定太張克慎朱承先張仁德劉季三等花翎雲騎尉劉秀林等藍翎餘升敘有差○以玩視河防革河南署汜水縣知縣張昶職發新疆效力贖罪○緩徵河南蘭儀息太康扶溝淮甯安陽臨漳內黃考城封邱新鄉獲嘉延津陽武湯陰汲十六縣被水村莊新舊額賦有差○癸未諭內閣前據張芾奏保江西守城出力人

員朕以其所保過優且其中有失守屬境城池之員功罪不容相掩當交該部覈議具奏該撫自應聽候續降諭旨懍遵辦理乃於未接部文之先輒即曉曉置辯直似該撫所保竟無一員可從覈減者試思各省出力人員無論守城接仗朕未嘗稍靳恩施即以江西而論隨時加恩者亦復不少此次交部覈議原為確覈功過並非概行不准該撫何由知部議之必從駁斥而為此急切冒昧之詞該

撫捫心自問此文武各官二百餘員中果竟無一人冒濫耶賞當其功罰當其罪自能人用命若但以濫保為激勵之方見好官紳不肯稍任勞怨於保舉屬員不憚為再三之瀆而於奉旨查辦之員如帶兵畏蒞之守備岳殿卿等則至今未據覆奏舉劾如此何以服眾此等疆吏朕實為之汗顏至該省紳士實在守城出力者業經分別加恩其餘聞警遷避之員不加究辦已屬從寬該撫乃稱仍

俟酌量請獎以昭激勸既經奏於前又復迴護於後自相矛盾尤屬紕謬張芾著傳旨申飭所有守城出力文武員弁著仍遵前旨確查功過另行酌覈保奏不得再行瀆請○又諭前經疊降諭旨令直省督撫督飭所屬實力舉行團練並頒發鄉守輯要一書訓誡再三地方官諒不敢視為具文本日復據張鏐奏請飭嚴定章程分別功過等語團練為衛民良策封疆大吏果能申明賞罰簡擇賢

能隨地隨時廣為查察於各州縣中辦理有成者量加獎勵其庸懦不力者立予嚴懲勸戒並行必能振作士心立收實效若如所奏州縣辦者十一不辦者十九將何以保衛鄉閭綏靖地方耶著再申諭各督撫恪遵前旨督率所屬各州縣認真勸導紳民人等各就地方情形辦理總期互相保衛以戢奸宄而安善良將此通諭知之○又諭穆騰額諄齡奏審明呼圖克圖等供詞分別定擬一摺前

因第穆呼圖克圖阿旺羅布藏吉克美嘉木參不守清規經呼徵阿齊圖呼圖克圖查明拏稟當降旨交穆騰額等親提研訊茲據該大臣等審訊明確分別定擬錄供呈覽該呼圖克圖任性妄為有玷黃教其管事扎薩克喇嘛工噶嘉木白隱匿不報均屬罪有應得除所得呼圖克圖及扎薩克名號前經降旨撤退外著照所擬即將阿旺羅布藏吉克美嘉木參發往宗喀地方並將工噶嘉木白發

往瓊結地方均交該營官永遠管束不准出外滋事至前輩第穆呼圖克圖著有勞績既據達賴喇嘛代為籲懇俟現在第穆身故後准其轉世著加恩即允所請以順眾情○又諭穆騰額等奏班禪額爾德尼涅槃後修理金塔寺工程將及完竣等語班禪額爾德尼係後藏呼圖克圖喇嘛之總師長喇嘛深通經藝興揚黃教今伊徒眾將金塔寺修理妥協於十一月二十五日將舍利奉入於金塔

實為吉祥之事朕心甚為快悅著賞給白哈達一幅念珠一串以副朕懷想有功之至意○諭軍機大臣等寄諭參贊大臣僧格林沁據順天府奏隨營糧臺詳稱軍營搭放官票寶鈔諸多窒礙另請酌發現銀大錢一摺鈔票甫經頒發商賈藉以流通且出納均以五成尤為便民善策前經賞給八旗守兵征兵與直境隨征兵丁一月鈔票錢糧正欲令其通行無滯據稱糧臺道員定保以王慶坨地

方並無銀錢大鋪且附近之武清東安一帶亦從未試行軍營難以搭放經該大臣札令該道徑詳順天府覈辦該兼尹府尹並未咨查輒據糧臺一面之詞遂定為實在情形顯係畏難不辦置大局於不顧朕意該大臣於度支竭蹶情形素所深悉當此新章初定自必力求變通設法施行況與銀錢相間搭放發鈔票行與不行轉機在此現方通飭各直

省一律遵辦斷不能因該糧臺首倡窒礙之說致各處兵丁有所藉口著該大臣嚴飭糧臺各員酌度情形妥籌搭發毋得率聽該員等模糊影響之談因噎廢食也將此諭令知之○又諭翁心存等奏軍營搭放鈔票窒礙情形一摺官票實鈔之興原以濟銀錢之不足現當章程甫定正期中外大臣力求變通設法推行順天為首善之區尤宜倡率遵辦以為各省之式且出納皆以五成為限民間

完繳正項錢糧與鹽關課稅及一切交官等款皆須鈔票與銀錢相輔而行前降諭旨甚明民間宜無不周知方且購求鈔票以為交課之用尚何窒礙之有該兼尹等率據糧臺道員詳文謂須先由地方試行有驗方可行使是先存一試行無驗之心為此阻撓之說並未將如何流通一為籌及直甘心置鈔票於不用是何居心該兼尹府尹輕聽該道之詞意存見好屬員率請撥給現銀制錢豈戶

工兩局現鑄大錢日不暇給與庫項空虛該兼尹等竟茫無所知即謂兵丁行使初尚未便而隨營官員應領款項甚多豈亦難以搭放是直畏難不辦竟置大局於不顧至該員定保詳稱係奉參贊大臣札令徑詳覈辦該兼尹等亦不復咨查是否確實遽信為實在情形尤不可解想僧格林沁公忠體國不當如是也所有應行次第施用鈔票之處即著該兼尹等妥速籌商俾無阻滯將此諭令知

之○又諭穆騰額等奏審擬呼圖克圖罪名一摺已明降諭旨均照所擬辦理矣惟該呼圖克圖既經發遣其所有寺院財物及所屬地土人民自應慎選妥實可靠之人代為經管以免別滋事端該大臣等所稱責成曉事頭目究屬何等職分能否約束經理其平日是否為番民僧俗所信服務期認真體察不可稍存大意至所稱攢招期近喇嘛雲集恐有奸匪勾結等語是否即指該呼圖克圖所轄之人務宜剴切曉諭妥為彈壓使僧俗人等皆知該呼圖克圖罪狀自能眾心安帖不至生事總以妥慎籌辦為要將此諭令知之○以江西守禦省城出力賞從九品陳懋昭等藍翎餘升擢有差○以江西修城募勇出力前任長蘆鹽運使彭玉雯等下部議敘○以熱河辦礦出力予通判穆翰等升敘有差○以江西營員遇賊退避革都司雷調元宋光玉職並建問○改鑄江西萬安縣知縣印

信從巡撫張芾請也○免江西陣亡知府王本梧因公那用地丁銀兩○予江西傷亡千總周得隆把總楊玉鏞祭葬世職○甲申諭內閣裕誠柏蔭奏遵旨覈議清查通濟庫虧款應照戶部原擬辦理一摺前以御史彭慶鍾奏請將通濟庫虧款照部庫繳還成案辦理當交戶部覈議並據該部奏請欽派大臣覆覈復派令裕誠柏蔭再行覈議具奏茲據奏稱通濟庫虧款原議監督經紀分賠係照道光十六年奏准成案辦理所擬交銀限期於統限一年之中復分三限視部庫案內之祇有統限已屬從嚴且一年有餘即可彌補銀十一萬兩不至如庫案之日久遷延等語所有倉場衙門通濟庫應行追賠動缺銀兩著即照戶部原議章程妥辦其歷任坐糧廳均著先行罰俸一年失察之歷任倉場侍郎均著查取職名交部議處○諭軍機大臣等前經疊降諭旨令各督撫飭屬辦理團練俾

民間自相保衛茲據雷以誠慧成奏仿行堅壁清野之法並稱裏下河各州縣業經委員勘辦等語堅壁清野原為防勦豫籌良法凡賊氛逼近地方自應相度形勢隨時辦理現在揚城逆匪雖已全數竄出難保不再肆搶掠荼毒居民所有黃泥溝沙河橋等處雷以誠等擬派幹員築堡建砦以為守禦之計自係應辦之事著琦善體察情形如實於地方有益即令雷以誠慧成妥為籌辦其附近各州縣應行仿照辦理之處並著該大臣剴切曉諭使紳民人等踴躍從事以收眾志成城之效不得徒託空言鋪張入奏將此由六百里諭知琦善並諭雷以誠慧成知之○又諭前據琦善奏張翊國棄施家橋而不守當經降旨將該弁發往新疆矣茲據雷以誠奏稱張翊國等於本月初五日攻打施家橋燒毀逆匪土城追斬無算是否係雷以誠飾詞入奏為張翊國希冀免罪地步抑係張翊國實

有出力之處著琦善秉公確查據實具奏原片著鈔給閱看將此由六百里諭令知之○又諭前因有人奏廣西臬司許祥光勦匪冒功知縣蔡映符陷賊偷生降旨令葉名琛查明具奏茲據龍啟瑞奏勞崇光欺飾釀患民生塗炭一摺廣西羣盜如毛疊經該撫滙陳辦理棘手情形但總未掃除淨盡朕心實深軫念惟冀地方大吏力求振作紳士等志切同仇與官兵齊心合力隨處堵勦庶可漸次肅清茲閱龍啟瑞所奏顯係官紳不和於通省勦賊事宜殊有關繫且該學士片奏省城無兵無餉勢處萬難若不將該省賊匪早籌蕩滌其勢何以久支所稱各郡縣盜風日熾撫臣倫安養重臬司並不出省勦捕各情著葉名琛確切查明據實奏聞將此由六百里諭令知之尋奏現聞廣西非僅官紳不和巡撫與兩司不和藩司與臬司又不和羣屬下僚無所表率至廣西糜爛情形日甚一日惟

有通盤籌計。加意圖維。報聞。○又諭據張亮基奏籌辦防勦經費不敷。請於地丁錢糧款下借動銀兩等語。現在山東省南北均須防堵。一切需用較繁。自應設法籌畫。惟各路軍營需餉更急。不能不藉資協撥。該撫請於司庫地丁錢糧續徵款內。懇借動銀十萬兩。以備支放。並稱現在支銷之款。較春夏間專防南路。幾加一倍。未免漫無限制。且兵勇一律支銷正款。並未籌及捐輸接濟。試思地丁銀

兩。國家惟正之供。當此部庫支絀。籌撥維艱。若各省為防堵事宜。紛紛借動鉅款。豫請留支。則各處軍營協撥急需。將何所出。著該撫悉心籌酌。設法辦理。即有借用。亦不得請留十萬兩之多。並著嚴飭經手各員。博節動用。覈實報銷。不准稍有浮冒。致滋糜費。將此由五百里諭令知之。○又諭韓椿奏請將河灘荒地栽種雜糧。稽柴等語。據稱自豐工以下。至外南外北等廳以上。南北七百餘里。現在

缺口既議緩堵。則河身地土荒廢幾及一年。果如該臬司所奏。責令各廳營兵夫栽種雜糧稽柴。不特於兵夫生計大有裨益。即將來興辦大工。料價亦可節省。著楊以增酌量情形。妥籌辦理。將此由四百里諭令知之。○湖廣總督吳文鎔奏。帶兵出省勦賊。並與侍郎曾國藩商辦礮船。俟水勇器械齊集。約於明歲正月水陸進勦。得旨。朕總以汝所辦之事。若何為憑。是時曉曉置辯。何能掩前之失。○

欽差大臣勝保奏。連日相地築壘。設法堵勦情形。得旨。一切布置尚妥。是時萬不可再令竄逸。今歲總要滅盡。朕志已定。不可漫視。況至歲底尚有旬餘。勝保向來能出眾者。必能副朕委任之專。又奏西凌阿等擊賊獲勝。批。四面之防。尤不可疏。能使每出必敗。則日見其少。又奏賊匪窮蹙。擬仿前征金川。川楚成法。以全力斃之。又批。覽奏各情。欲稍加寬假。以冀獲全此功。然時勢不同。是時斷難寬假。

直省肅清。南省逆賊自易勦洗。又批尚屬實情。然不可藉此以為持重。阿桂以全力攻一彈丸之地。只因礮卡林立。直攻非易。故緩之俾自斃。今獨流之賊。迥非昔比。雖木壘有似於兩金川。然今日之餉。豈能延以待之。必至無繼而後已。觀汝此奏。雖比前稍知愧悔。終覺有些自滿。戒之。很戒之。○革職留任山東巡撫張亮基奏。賊由安徽北竄。徐州最為喫重。請飭提督和春仍回駐守。得旨。現在徐州

情形稍緩。已赴安省。斷不能往返奔馳。○以石春坊石中允奎昌翰林院編修蘇勒布。殷兆鏞。充日講起居注官。○以候補總兵官劉開泰為江西南贛鎮總兵官。○以直隸軍營出力賞佐領關保協領台祿花翎領催舒通阿等藍翎餘升擢有差。○以聞警告病及移眷出境江蘇布政使聯英降調江蘇布政使倪良耀。蘇州府知府鍾殿選下部嚴議。○予直隸傷亡道員朱鎮陣亡護軍校特克什爾。

外委吳玉祥祭葬世職。○免江南織造本年例貢品物。○乙酉。

上御乾清門聽政。○諭內閣順天府奏請飭催旗租銀兩一摺。順天府屬應解旗租。前經戶部奏令徑行解部。以充軍餉。該兼尹等屢次催提。各屬解到之款。甚屬寥寥。當此軍需孔亟之時。豈容任令屬員藉詞延宕。著直隸總督即飭該署藩司嚴催各屬迅速提解。並飭令造冊詳報順天府一體委員催提。儻再遲

延致誤軍餉。即著嚴叅。○又諭軍營委員。必須才具優長。實心任事之人。方資得力。若帶兵大員。瞻徇情面。濫行留用。甚至將屢次獲咎各員。及軍營獲罪地方失事人等。任意保留。濫竽充數。不特糜費餉需。於事無濟。且恐招搖生事。別滋弊端。著通諭統兵大臣。嚴查現在軍營奏留投效文武員弁。認真甄覈。擇其材能可用者。方准留營效力。其餘一概斥退。應回籍者。飭令回籍。業經定罪發遣者。即

行發遣斷不准藉詞再行瀆請以除積習而勵軍心○又諭明誼等奏哈密扎薩克回子郡王伯錫爾呈請情願捐輸銀兩以備軍需轉行請旨哈密扎薩克回子郡王伯錫爾現在呈請情願捐銀五千兩以備軍需實出於至誠惟軍營所需銀兩現已敷用該回子等藉此度日所捐銀兩毋庸賞收以示朕嘉獎體恤回子之至意○諭軍機大臣等御史啟文奏稱聞西便門外白雲觀等處廟宇頗有

外來形跡可疑之人潛蹤隱匿等語現當巡防喫緊之際畿輔重地豈容奸宄溷跡漫無覺察著步軍統領衙門按照所奏密派幹員嚴查究辦五城地面庵觀墓多難保無奸民藏匿潛相勾結並著聯順等督飭所屬不動聲色嚴密訪察不准稍有疏懈原片著鈔給閱看將此諭令知之○又諭慧成奏請飭琦善撥兵分駐揚州東路並跟追敗匪一摺逆匪自前月二十六日竄赴瓜州疊次諭令琦

善等嚴防揚州東面並追剿瓜州賊匪兩旬以來未據該大臣將剿賊情形據實入奏朕心實深焦急此時逆匪全在瓜州儀徵一帶正宜乘其奔突未定督兵進剿慧成等兵力既單且驚潰之餘豈能望其復振該大臣統領全軍責無旁貸務即先行設法收復儀徵毋得株守揚州城內徒以撿捕餘匪撫恤難民為詞擁兵不動任賊遠颺至揚城撫恤事宜應即責令地方官妥為經理其瓜州一帶

賊匪並著飭令陳金綬等督兵追剿扼要堵截以遏賊匪分竄之路將此由六百里諭令知之○又諭上年前任太常寺卿唐鑑呈進畿輔水利備覽一書朕詳加披閱於西北水利言之甚悉其水道各圖按照各府州縣條分縷晰亦極詳覈近年東南各省漕務疲敝若畿輔地方廣興水利於國計民生大有裨益著桂良於直隸軍務告竣時悉心體察各屬地勢酌度情形派明幹大員前往履勘妥

為籌辦畿輔水利章程。本有成案可稽。前此屢興屢廢。總因地方官先存畏難之見。輒以一奏塞責。該督務須認真督辦。切勿視為具文。致負委任。畿輔水利備覽十二本。著發給閱看。將此諭令知之。○以故三等子福珠隆阿子佐領海慶襲爵。○以大理寺卿龔文齡為都察院左副都御史。仍留順天學政任詹事府詹事。毓檢為大理寺卿。浙江布政使麟桂為光祿寺卿。鴻臚寺卿齊承彥為太僕寺卿。以安徽按察使畢承昭為浙江布政使。候補知府恩錫署安徽按察使。○丙戌諭內閣。向榮奏攻勦金陵逆匪獲勝一摺。本月初四日。向榮派已革提督福興。遊擊張國樞帶兵攻朝陽門之左。總兵吉順。明安泰等帶兵攻朝陽門之右。總兵秦定三。德安等帶兵從中路直攻賊營。是日自寅至巳。鏖戰四時。斃賊三百餘名。生擒十一名。割獲首級五十餘顆。此次向榮攻勦金陵逆匪。開放大礮轟入城。

中斃賊極多。復於城外斬獲多名。勦辦尚屬得手。著該大臣即乘此聲威。督率兵勇併力攻擊。以冀迅殄逆氛。毋得再事遷延。致干重罪。諭軍機大臣等和春。袁甲三。奏進援廬州。臨淮無兵。可撥請飭大員駐守一摺。逆匪圍攻廬郡。經江忠源防勦。兼施屢獲勝仗。尚未解圍。本日據舒興阿奏。馳抵廬州。岡子集地方初次勦賊進仗。即獲大勝。和春現亦前進赴援。計日當已趕到。現在廬州城外援兵雲集。聲勢益壯。賊匪被勦。奔突難保。不北竄臨淮。該處為南北咽喉。現在兵勇單弱。且無大員統帶。設有疏虞。所關非細。惟軍情變幻靡常。難以豫定。著福濟於行抵臨淮時。探明廬州賊匪如已被勦。窮蹙城圍已解。自當扼守臨淮。以防餘匪紛竄。如廬州情形緊急。仍應帶兵接應。不可拘執著與舒興阿和春袁甲三悉心酌度。勿誤事機。將此由六百里加緊各諭令知之。○又諭前因舒興阿帶兵赴

援進勦需餉孔亟。當令張祥河籌款解赴軍營應用。昨已據覆奏撥銀四萬兩。委解在途矣。本日復據舒興阿奏糧餉由陝省撥運。是否能以接濟。尚不可知。並江忠源城中亦無餉銀。不得不早為慮及。等語。皖省需餉孔亟。現當勦辦喫緊之際。自應寬為儲備。以期源源接濟。著王慶雲督同藩司再行迅速籌款。趕緊派委妥員即日解赴舒興阿軍營。以濟兵食。毋誤要需。至京餉待用亦甚緊急。該撫

想已極力籌撥。現在能撥京餉若干。並捐輸借徵各款如何辦理。並著隨時具奏。將此由六百里加緊諭令知之。○又諭向榮奏請於蘇省設立糧臺總局等語。向榮軍營糧臺本由江西委員承辦。此時太平甯國等處均未安設糧臺。自不若由江蘇接辦。呼應較靈。著怡良許乃釗即飭藩司陳啟邁於蘇州省城設立總局。所有各省餉銀均解交蘇州存積轉運。俾得源源接濟。並著另派道府大員

及酌留江西熟手數員接辦隨營支放。其餘江西各委員等均著撤回。飭令趕辦報銷。以免輾轉。將此由六百里各諭令知之。○又諭逆匪圍撲廬州。自十二月初七日後。未據江忠源續報。朕心實深懸繫。本日據舒興阿奏已帶兵行抵合肥縣岡子集。劉營所派前隊楊青鶴郝光甲等進仗業已獲勝。又據和春袁甲三奏先將山東兵一千餘名令參將劉玉豹統帶同密雲熱河等兵一併帶往。於初

八日自臨淮兼程赴廬。和春亦即帶兵前進。此時諒均趕到。現在廬郡城外援兵大集。聲勢益壯。舒興阿與和春務須合力同心。乘勝進勦。並知照江忠源內外夾擊。以期迅解城圍。殄此羣醜。萬勿耽延觀望。致誤事機。舒興阿所需餉銀前已諭令張祥河陸續撥解。並令戶部籌撥。本日復諭王慶雲趕緊籌解。以期源源接濟。該督另片奏行抵廬郡不能折回潁州。並令金光勛扼守正陽關。自應如此

辦理和春等奏請飭漕督駐劄臨淮已諭福濟酌量情形相機進止矣將此由六百里加緊各諭令知之○步軍統領衙門奏議嚴禁搶掠章程得旨所籌俱是總在稽查認真又奏京城各鋪戶除夕祭祀鞭爆絡繹係遠年舊俗應毋庸出示禁止密令地方官早為起更批此等小節原不必過於苛求覽汝等所辦欲早些起更眾人豈不能早出錢歲此一節亦不必務期加倍鎮靜勿涉瑣屑○太常

寺卿王履謙奏稽查河口請飭豫撫督率各屬分勇協防得旨英桂遠在信陽馬能顧及汝無別項公務查河是汝專責著隨時籌辦併一面知照該撫雖地方文武汝亦可札飭莫分彼此方好○以故一等子兆那蘇圖子保壽一等男鍾壽子鶴齡各襲爵○以勦辦安徽懷遠土匪出力賞參將錢朝舉花翎守備戴世熙等藍翎餘升擢有差○以玩視河防革知縣張拱辰典史張士浚外委王照明

職發新疆效力贖罪○以江南軍營出力免已革知府陳景曾發遣新疆仍留營差委○予故河南彰德府知府汪根敬入祀名宦祠從巡撫陸應穀請也○予廣東故戶部郎中莫象年湖南故舉人胡嵩齡入祀鄉賢祠從巡撫柏貴駱秉章請也○蠲緩浙江仁和錢清曹娥金山黃巖杜瀆青村橫浦下砂頭九場被水被風竈地新舊額賦有差○免直隸本年例貢食物○丁亥諭內閣載齡奏請將

容留奸匪之壇戶加等治罪並請將太常寺堂屬各官分別嚴議議處一摺天壇重地理宜嚴肅該壇戶苗全有等容留匪犯郭譽居住多時實屬藐法該奉祀官漫無覺察非尋常疏忽可比據太常寺堂官奏參僅請將奉祀官交部議處並不自請失察處分俱屬非是苗全有苗保安經巡防王大臣審訊以枷青發落擬結不足蔽辜著再行覈擬加等治罪所有奉祀官著交部嚴加議處

太常寺堂官一併交部議處嗣後應如何嚴密稽查之處並著太常寺妥議章程具奏○又諭前因刑部題駁山西民人王長申強姦王劉氏未成致令身死一案該州縣僅擬絞候罪名未協並據文瑞奏參各情當降旨交該撫覆查按律定擬茲據恆春奏親提研訊審明確情該犯王長申實有挾制害辱情狀未便仍擬絞候應即更正按律定擬等語王長申著即照該撫所擬定為斬監候秋後處

決該州縣辦理此案於關繫名節重情不能詳細研鞠以致失出該撫僅請議處不足示懲所有原擬罪名之崞縣知縣秦用賓及審轉之前任代州直隸州知州昌祿均著交部嚴加議處其委審之太原府知府吉祥勛轉之前署按察使冀甯道郭用賓審題之已革山西巡撫哈芬均著交部議處○諭軍機大臣等張之萬奏土匪搶奪貽害地方一摺並請飭聯莊練民按捕餘匪等語土匪搶掠大

為閭閻之害平時地方官即應查拏況近日逆氛未靖賊匪所過各鄉莊慘遭蹂躪豈容土匪復肆荼毒若如所奏天津河間所屬滄州交河鹽山等處向為盜賊梟聚淵藪近因逆賊竄擾愈肆橫行富戶商民均被劫奪是土匪之害民與逆匪等地方何由安戢著桂良督飭所屬文武各員實力嚴拏盡法懲治並將緝捕不力之員嚴行奏參毋稍姑息至靜海東南一帶滄州鹽山等處各村鎮辦理聯莊聲勢極為聯絡現在逆匪被勦窮蹙著該督知照勝保一體飭令各該地方官勸諭鄉團如有奸細潛蹤或逃匪匿跡一律按拏並酌立賞格有能協力拏緝者即將該鄉團等從優請獎俾奸宄無從溷匿而地方漸就肅清原摺片鈔給閱看將此諭令知之○又諭前因黃州一帶為皖豫要衝關繫江北大局嚴飭吳文鎔親自統兵進剿已據吳文鎔將遵旨帶兵出省各事宜詳細具奏矣茲復

據崇綸奏稱現值餉匱兵微應先遣唐樹義領兵進剿俟兵餉充足督臣再行親往乃吳文鎔任性偏執恩促即行等語崇綸前以吳文鎔閉城坐守奏此次奏報各情何以自相矛盾殊堪詫異現在逆匪雖多半下竄皖省若被我兵剿捕緊急難保不由江路回竄楚北吳文鎔前奏帶兵出省自應遵照諭旨辦理著即趕緊渡江親赴黃州督剿並著嚴飭唐樹義等迅速前往水陸會剿毋許少有

遲誤其省城內外防守事宜仍責成崇綸嚴密布置毋稍疏虞至所調荊州駐防兵二千名已據吳文鎔奏稱令升任涼州副都統魁玉統帶赴省著即催令迅速趕到協同防堵為要將此由五百里諭令知之○又諭據何紹基奏四川省捐輸廣額名數未定辦理土匪事涉兩歧並參將擅造關防需索騷擾一摺各省捐輸廣額所以鼓勵人心山西陝西四川三省首先捐有成數尤應亟予恩施俾

士民知所向慕四川奉到恩旨據奏於五月間刊刻謄黃何以遲至數月未將各州縣捐數多寡按照部議加廣學額經該學政咨詢該督何以不即作覆且據稱酉陽忠州夔州綏定俱係歲科並考此時無憑加額即須遲至三年應試諸生不免失望殊非嘉惠士林之意著裕瑞迅即飭司查明各州縣捐數應加廣文武學額一面奏聞一面知照該學政遵辦現當辦理借徵之時尤當迅速出示曉

諭令該省士民知所感奮毋再遲延至拏辦土匪為安良急務前經該督奏明訊實後就地正法降旨允行並疊經通諭各直省一體辦理茲據該學政奏稱該督於六月間復飭各屬拏獲匪案必須首夥在十人以上法無可貸之犯十有七八者始准照辦與前奏章程不符用寬用猛事出兩歧恐地方官諱飾消弭得所藉口匪黨聞風益滋膽玩現當團練喫緊之時難保無外來奸細窺探勾結豈

能以匪犯多寡為辦理之輕重。設地方官以解勘費繁相率諱飾養癰貽患。咎將誰歸。著裕瑞仍遵前旨飭屬畫一辦理。以靖奸宄。至各省辦理團練均係紳民自為經理。不准官吏藉詞勒索。茲據該學政奏前任福建參將李萬春奉總督札諭前赴酉陽刊用戡定酉秀黔彭等處地方總辦團練事務關防行文地方官需索供應傳聞弓兵復集紳民為籌薪水以致人心不服物議紛騰且該員置產

酉陽挈眷而去藉詞團練假公濟私似此貪劣之員必應從嚴懲辦著該督即將李萬春撤回省城並查明該員需索騷擾實據及擅用關防藉端招搖情弊嚴參治罪不得稍涉迴護將此由五百里諭令知之尋奏李萬春辦團並無需索騷擾情事惟利用關防實屬不合請交部議處從之○又諭前因俄囉斯夷使赴庫倫辦事大臣衙門呈遞文件欲求在上海地方貿易當諭令怡良許乃釗妥為

防範如果該國船隻有來滬信息即飭令回國不可遷就並由理藩院詳細咨覆茲據庫倫辦事大臣德勒克多爾濟等奏該國接到理藩院覆文後又復具文呈遞仍懇進上海海口貿易因思上海近日曾據奏報有俄囉斯夷船遭風駛至海口一事安知非該國販貨船隻藉詞駛近內洋希圖通商不可不嚴密稽查防範著怡良許乃釗認真偵探如果該國商人竟有進口向該督等要求之事即

諭以五口通商例歸駐劄廣東之欽差大臣管理即西洋各國現在上海貿易者亦皆恪守廣東原定通商章程如該夷安靜回國固為妥善儻堅執通商之說必欲逗遛上海即令前赴廣東聽候查辦並著葉名琛詳細體察俄囉斯欲赴上海海口通商是何意見該國近年船隻曾否駛至廣東有懇求情事此次該國具呈屢求於上海通商若勉強允准深恐別滋事端此事甚有關繫著葉名琛等

妥速籌畫譯出該國原文著鈔給閱看前次譯出該國原文並寄怡良等諭旨亦著鈔給葉名琛閱看將此由四百里各諭令知之○參贊大臣僧格林沁奏逆匪思竄已久必須日夜攻擊以期迅速成功得旨獨流逆匪若不趕緊滅盡實有將來之患朕亦甚為焦急○以呼倫貝爾總管魁福為伯都訥副都統○戊子諭內閣軍機大臣面奏查出刊刻報本內有未經發鈔摺件並將原摺及報本呈覽朝廷政事俱有體制凡內外臣工陳奏各件其由內閣鈔出者例得宣示中外至未經發鈔之件豈容任意傳播前據巡視五城御史鳳寶等奏都城軍備一摺軍機處並未發鈔何以外間遽行刊刻且字句間多有增減不符之處其由何人私自傳鈔必應嚴行查究著內閣查明具奏並著巡視五城御史明白回奏○諭軍機大臣等據琦善奏收復儀徵分路防剿情形一摺前路揚城之賊既已

逃竄一空現在又以收復儀徵空城入奏並稱江口賊船七八百隻既不駛入內河又不向大江開行究竟賊勢欲往何處竄擾奏報內均未聲敘該逆全股蟻集瓜州分擾三汊河等處琦善陳金綬若但知株守一隅任賊肆擾仍恐顧此失彼所有三汊河以下至瓜州一帶應如何設法追擊即著琦善與陳金綬妥速籌商親督官兵前往堵剿前有旨諭令陳金綬帶兵由東路剿賊此時是否與琦善分路進兵抑係同在一處摺內亦未詳敘其天長六合一路尤須揀調精兵派員扼守並著琦善迅籌布置毋令再滋延蔓仍嚴飭武慶於浦口一帶加意防守以固藩籬本日據慧成奏稱東路需兵等語此時有無官兵可分該處是否尚需兵力琦善既總統諸軍自應通籌全局著仍遵前旨由琦善相機酌辦儻有疏失無論東西兩路琦善均不能辭罪也將此由六百里加緊諭知琦善並諭陳

金綬雷以誠慧成知之○又諭據江忠源奏連日戰守各情前經諭令舒興阿將所帶之兵分撥和春統帶會剿嗣據舒興阿奏行抵廬郡即派前隊進仗業已獲勝現在和春由宿州前進赴援計程應已趕到朕思該提督久歷戎行頗能熟悉賊情此時廬郡尚未解圍亟應迅圖勦辦免致日久遷延舒興阿所帶官兵著遵照前旨交和春統帶所有一切進剿機宜即責成該提督妥速籌辦務與江

欽定四庫全書

奏

忠源勦力同心密籌布置為內外夾攻之計斷不准稍涉延誤致失事機舒興阿著即將廬州後路扼守事宜相度緩急隨時酌辦並就近與福濟袁甲三互相知照兼可以壯和春前路聲威所有各路赴援官兵統歸和春節制如有不遵調遣者即以軍法從事務期迅殄羣醜立解城圍以副委任將此由六百里加緊諭令知之○安徽巡撫江忠源奏陳五省合剿事宜得旨所籌之方略足見汝謀

國忠忱蓋分防則力單一處挫折各處怯懦欲求藏事豈能速藏合剿則力厚一軍得手諸軍氣壯欲圖淨盡如反掌分為三路水陸並下誠為不易之策第恐各不統屬互相觀望從中再有疑忌者以致滿萬之軍中途渙散天下大局豈可復問現在獨流之賊剋期可滅然此事不可延緩及早籌之為是若直隸肅清得緩我一步則操縱由我必可指日蕩平○欽差大臣都統銜琦善奏請將已革

欽定四庫全書

奏

前任大理寺卿恆福留營充當翼長得旨恆福著准其留營充當翼長仍隨時察看若不知奮勉即奏明治罪○緬甸國王孟頓遣使表貢方物免其來京賞賚如例以故一等侯圖麟子穆輅一等子奎文弟桂文各襲爵○以湖南按察使陶恩培為山西布政使四川鹽茶道清安泰為湖南按察使○賞一等延恩侯鶴齡委散秩大臣○賞吉林協領伊成額副都統銜為呼倫貝爾總管○以安徽

廬州府守城出力都司戴文蘭下部優敘○
以克復江蘇儀徵縣城免疏防知縣都榮森
都司明福守備姬祥林罪○以山西失守所
屬地方革布政使郭夢齡署按察使郭用賓
知州鄧爾頤職○以江蘇揚州帶勇潰散革
參將師長鑣職發新疆充當苦差○己丑諭
內閣前因江忠源奏西安馬隊領兵官伊昌
阿柯蒙額二員當玉山陣亡後遽行逃去尚
無下落已諭令查明該員等逃避情形即行

奏

單

正法茲據該撫奏稱於未經奉到諭旨之先
已查明該二員前由店埠退至定遠追尋軍
火錫帳後隨即帶兵到廬州會勦請量予末
減等語是該員等情節尚與無故退避者不
同伊昌阿柯蒙額著暫免治罪留於該撫軍
營責令戴罪自效如不知愧奮著仍遵前旨
即於軍前正法○又諭江忠源奏賊匪復用
地雷轟城督兵搶護一摺逆匪於十一日率
眾四五百人先撲小東門經池州府知府陳

源克及都司和寬守備程智泉督率兵勇奮
力抵禦江忠源復派楚勇飛往協勦並飭都
司馬良勦戴文蘭加意嚴防維時小東門賊
尚未退水西門月城迤北城垛忽被賊用地
雷轟裂八丈有奇火光兇猛城身搖撼馬良
勦戴文蘭扼據缺口屹立不動江忠源親督
兵勇冒煙衝上斃賊百餘名受傷者無算其
小東門賊匪亦經陳源克等轟斃四五十名
我兵乘勢從營內抄出追殺十餘名餘匪始

奏

單

退此次賊用地雷轟陷城垛勢極危險江忠
源力保危城躬親戰陣督率將弁兵勇併力
捍禦俾得化險為平實屬忠勇可嘉之至現
在大兵雲集著江忠源督率兵勇與和春等
內外夾擊迅解城圍盡殲醜類毋稍遲延○
諭軍機大臣等勝保奏築壘劄營設伏獲勝
等情一摺逆匪占踞獨流靜海以來壘據該
大臣奏報賊勢窮蹙已極朕日望捷音並予
以限期令於今歲總要滅盡賊匪茲距歲底

僅餘旬日。該大臣此次奏報。仍以小勝塞責。能否剋期埽蕩。尚無把握。况據片奏。拏獲奸細供稱。該逆兩次暗遣逆黨。假扮民人前往江南求救。設使南賊乘間北來。更將何所措手。勝保圍攻獨流逆匪。已逾兩月。此時賊勢日孤。務須激勵將士。設法進攻。直入賊壘。埽穴擒渠。以清畿輔。斷不可再有遷延。致干重罪。並嚴飭各路將弁。認真堵截。嚴防竄逸。儻有疏虞。惟該大臣是問。正在寄諭間。又據勝

實錄卷百五

聖

保奏。十七日勦賊情形。達洪阿力疾督兵。尚知愧奮。已將該革員家產賞還。並諭令瑞昌崇恩帶兵。迅赴靜海一帶會勦矣。現在逆匪勢窮情急。新營偪近賊壘。尤應加意嚴防。毋稍大意。將此由六百里加緊諭知勝保。並諭德勒克色楞知之。又諭本日據江忠源馳奏賊匪轟城督兵搶護一摺。逆匪屢次用地雷轟城。經該撫督率將弁兵勇搶護。轉危為安。江忠源謀勇兼施。深堪嘉尚。馬良勳戴文

蘭扼險殺賊。尤為奮勇。已明降諭旨。與守城出力人員分別獎勵矣。現在和春帶兵計已趕到廬郡。已有旨令其總統各路赴援官兵。迅解城圍。該撫即與該提督激勵將士。內外夾攻。總以及早解圍為要。昨據奏賊匪由蘄水竄入英山。揚言欲至六霍。該處北通光固。最關緊要。江忠源雖在城中。勢難兼顧。仍當力籌全局。隨時知照舒興阿。福濟相機援應。萬不可任賊北竄。前據江忠源奏總兵音德

實錄卷百五

聖

布非統御之才。究竟帶兵能否得力。著江忠源與和春確查據實具奏。毋任貽誤。將此由六百里加緊各諭令知之。又諭據勝保奏連日攻勦獨流賊匪。疊獲勝仗。該逆情急。潛於隄岸築壘避難。每遇有機可乘。輒苦無兵可撥。各等語。逆匪占踞獨流。兩月有餘。尚未勦滅。必須厚集兵力。以期迅速殲除。既據勝保奏稱。知會瑞昌崇恩。迅即帶兵來直協勦。想已啟程。現在靜海需兵甚亟。著瑞昌崇恩

飛即督帶兵勇兼程前進直赴靜海聽候勝
保調度毋稍遲延直隸肅清山東自可無虞
此以勦為防之要策將此由六百里加緊諭
知瑞昌並傳諭崇恩知之○欽差大臣勝保
奏官兵迎擊逆匪因礮身震裂暫退仍設伏
敗賊情形得旨好礮致有炸裂疏忽之至汝
欲保首領惟將此賊速滅又奏據賊犯供稱
賊首李開方受傷斃命批不過一箇賊首不
必如此鋪張大頭目尚有幾箇務期生擒來

實錄卷五十五

四

京盡法極懲○已革翰林院侍講學士晉康
奏揚城既復亟宜收拾人心琦善坐失事機
並不會同請罪得旨該大臣已單銜請罪汝
等反謂未請罪事已至此豈能挽回已有旨
令琦善兼籌東路朕看汝意不在効琦善意
在東路空虛汝摺內所陳總以琦善太分畛
域不覺自己先存一成見凡言彼之過皆汝
等之過欲蓋彌彰豈能逃朕鑒乎近見慧成
所呈儀徵縣原稟並汝父批語今觀汝摺與

批語字無二想一切文案必有汝代辦者軍
營原無迴避第汝既與汝父在一處慧成前
摺汝必知之既知之復有此奏謂非豫籌站
腳地步其誰信乎又奏

聖躬偶患痲疾不可輕投藥餌若灸以薑艾當
可立奏速效批朕非不知汝心第將此瑣屑
之事入奏豈能自以為盡愛君之忱朕總以
汝所辦之事若何為憑知自愛者不受詔諛
朕膺元后豈受詔乎汝若以此取悅於朕適

實錄卷五十五

四

自誤也○以直隸靜海勦賊出力賞副管旗
章京鄂爾圖那遜佐領土克濟扎布賽吉拉
呼杭噶拉章京靈布扎隆阿花翎○以安徽
廬州府守城出力賞巡撫江忠源都司馬良
勳巴圖魯名號參將崇禧都司和寬楊煥章
等花翎守備張際元等藍翎餘升擢有差○
以盛京辦理礦廠團練出力道員裕恆下部
議敘○庚寅

上詣

壽康宮問

皇貴太妃安○諭內閣前因巡視五城御史鳳寶等奏都城軍備一摺軍機處並未發鈔外聞遽行刊刻降旨令內閣查明具奏茲據裕誠等奏查明該衙門於十一月二十九日由軍機處領出摺件並無鳳寶等奏都城軍備一摺無憑發鈔請飭步軍統領衙門向報房查究等語該報房刊刻鳳寶等奏摺係由何人私行發交著步軍統領衙門查拏訊究奏

實錄卷五十五

聖

明辦理○諭軍機大臣等英隆奏團練旗營屯站各丁並請酌給出征兵丁軍械一摺據稱現將黑龍江各城旗營驛站官屯閒幼人丁挑選團練一千六百名以備撥用並捐修器械等件均著照所議辦理至備調軍營各兵丁應帶腰刀梅鍼箭枝已飭令兵部酌量發給惟所請腰刀一千五百把梅鍼箭八萬枝該部恐難如數全給仍著該將軍妥為籌畫或勸諭捐輸酌請獎勵或另行設法籌備

務即體察情形覈實辦理將此諭令知之○革職留任閩浙總督慧成奏報移營進剿瓜州賊匪情形得旨賊情詭譎聲東擊西是其慣技汝等總應嚴防北竄為要朕非不顧蘇常第時勢亦有緩急德安在東壩等處甚屬得力豈容飛越○前任工部左侍郎車克慎等奏捐輸經費請予鼓勵得旨著知照張亮基覈辦汝等在籍人員紛紛奏事是撫臣以外又添一巡撫也嗣後事事稟商巡撫辦理

實錄卷五十五

聖

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十五

與外郎爲書經疏目撰起唐注官太子太保上書館修儒文淵閣開國子翰林院學士等指纂各工諸事并成周文館總纂其職
大學士管理北郭事務加十三級紀錄十四次臣曾積奏奏應議官恩題補官太子太師文淵閣開國子其奏應議官曾歷京士體仁閣
大學士管理三庫事務加二十三級紀錄十六次臣周振鼎奏奏官太子少保管殿內諸番奉旨辭引大臣百機大臣
理處滿洲部親王戶部尚書管理三庫事務加四級通鑄加五級紀錄十二次臣曾奏奏應議官恩題補官太子太師文淵閣開國子其奏應議官
通國史館總纂官正藍副都統理部尚書管理蒙古鴻臚寺事務加二級掌印加四級頭帶加八級紀錄五次臣徐竹巒等奏

咸豐三年癸丑十二月辛卯諭內閣前據宋

清實錄
咸豐三年十二月下

或有扶同應付等弊亦即一體治罪追賠如
為數較多者查實後一律監追查抄備抵決
不寬貸其軍營官員兵勇領項以及各項支
發總數亦著照戶部所議每月開單具奏交
部備查該部即將單式迅速通行毋得遲延
歧異至征兵防兵定例供支本有區別現在
用兵省分援引例案頗不畫一若俟題銷之
時逐款覈減再行著追必至帑項虛懸徒延
時日著各路軍營糧臺並防堵省分督撫及

總局大員於接奉諭旨之日起期限一箇月將應放數目章程先行覈定聲明例案詳晰開單奏報並將糧臺辦事人員開單具奏以後續有更調隨時咨部以備查覈無論何處含混遷延均著戶部指名嚴叅從重懲處當此度支孔亟籌餉維艱苟非除害救民朕何必頻發帑金重煩民力爾在事大小官員尚不思激發天良仍復各染習氣於應撥他省之款則動請截留於他省解到之款則徒供

揮霍不特無顏對朕亦何以服行間兵勇及出貲士庶之心若再不痛改前非力求搏節典章具在國法難逃如該侍郎所引胡齊崙之案眾所共知毋謂朕言之不豫也將此通諭知之○又諭文瑞奏遵旨查明捕役糾眾肆搶分別定擬罪名一案著依議辦理所有承審此案之順天府東路同知吳承祖於該犯等現充捕役輒於供內添寫已革字樣復任令捏呈賭具顯係規避處分有意消弭著

即革職失察賭博及私帶白役滋事之署通州知州祁之鐸吏目車德符均著交部議處歷任失察窩竊刺面賊犯等充當捕頭白役之該州知州著吏部查取職名議處通永道海瑛近在同城亦有失察之咎著一併交部議處至兼管順天府府尹翁心存府尹宗元醇並不將該道海瑛兩次具稟詳細察覈僅據初稟含混入奏竟作為已革捕役又未奏及同知吳承祖同審此案顯係徇庇屬員豫為開脫且不候結案先期辯白希圖卸責實屬有心取巧翁心存宗元醇均著交部嚴加議處○長蘆鹽政文謙奏軍需緊要請於內庫借撥銀五萬兩得旨戶部速議具奏無論實銀與鈔票總以濟急為要似較催徵豫撥之款為善○欽差大臣琦善奏六合浦口肅清現分兵進攻瓜州情形得旨賊匪說詐多端所獲逆書不可盡信瓜州逆匪情形動靜若何速查馳奏○兩江總督怡良等奏本年

計典屆期因軍務未竣請展限辦理從之○
以辦理天津海運出力予知府錢炳和等升
擢有差○予江蘇儀徵陣亡副都統哲克東
阿協領訥欽布穆精額柯克森布花麟布防
禦成安伊克坦布穆精阿英喜驍騎校達崇
阿富克金布花良阿前鋒達哈蘇前鋒校印
明景祿參將張守仁守備范守貞把總孔泰
外委張建福祭葬世職○壬辰諭內閣前因
軍需緊要經戶部奏請於順天府屬旗租項

下提銀五萬兩解充天津兵餉茲據順天府
奏稱各州縣經徵旗租銀兩現僅解到四千
餘兩已儘數委員解赴天津其餘各屬報解
甚屬寥寥當此軍務喫緊之際豈容任意挖
延致誤急需著直隸總督順天府兼尹府尹
嚴飭直隸藩司迅飭所屬將徵存未解之款
儘數趕解儻查有那移侵虧情弊即行嚴叅
具奏毋稍瞻徇以儆疲玩而重軍需○又諭
翁心存宗元醇奏遵查知州那虧銀兩據實

覆奏一摺順天府屬涿州知州郭寶勳於節
年及本年旗租銀兩那用至九千四百八十
餘兩之多該管上司何以並不詳查率請題
升西路同知均屬咎無可辭所有前任兼管
順天府府尹現任順天府府尹並前任直隸
藩司均著交部查明議處郭寶勳虧那公款
為數甚鉅著順天府會同直隸總督從嚴叅
辦毋稍迴護○又諭步軍統領衙門奏拿獲
刊刻並未發鈔奏章人犯請交部審辦一摺

羅祥張義興王得均王繼遠均著交刑部審
訊所刊奏摺既據羅祥等供係吳廷溥交給
刊刻而鳳寶等回奏摺內並未據實指明係
何人發交已屬有心含混且以報房前次漏
刻諭旨等詞牽砌入奏尤為意存飾辯給事
中吳廷溥於並未發鈔摺件輒即擅行刊刻
實屬任性妄為著先行交部嚴加議處給事
中鳳寶陳枚玉山聯福御史彭慶鍾隆慶蔡
徵藩孫鳴珂志文於回奏時聲敘模糊顯有

瞻徇情弊均著先行交部議處○諭軍機大臣等和春奏兵力過單請飭催前調官兵一摺現在廬州城圍未解正當勦辦喫緊之際必應厚集兵力以期迅殄逆氛所有和春前在鎮江原帶之湖南官兵七百餘名素稱得力且為該提督親信之兵著向榮於接奉此旨後即飭已革副將鄭魁士統帶啟程馳赴廬州交和春調遣以資攻勦不准稍涉延誤其鎮江官兵是否足敷堵剿仍著該大臣就

近籌撥毋致顧此失彼連日金陵進攻情形及城中賊情若何江面船隻若干未據奏報揚州儀徵竄出賊匪全股廣集瓜州江口究係欲向何處竄逸亦未據琦善等探明入奏該逆占踞長江聯絡一氣而我兵南北兩岸聲息不通任令賊蹤紛紛逃竄統兵大帥所司何事本日慧成奏據探稱金陵賊營惟雨花臺最大初四日賊至紫金山與官兵相遇殺賊甚多偽王府被天火焚燒初五日官兵

打仗賊放火箭反自燒其營百姓乘勢縱火斃賊無數等語如果屬實大有可乘之機即著妥速籌辦據實奏報將此由六百里加緊諭令知之○又諭前經降旨令舒興阿撥兵三千名交和春統帶會剿廬州逆匪復明降諭旨令和春總統各路援兵迅解城圍茲據和春奏行抵合肥梁園地方察看西北面兵勇約有萬餘而廬州東南面逆匪最多又為北路咽喉必須厚集兵力方能由店埠一帶

進剿現在該提督帶赴店埠之兵僅止千餘名加以張印塘原帶兵勇亦止千餘名此外催調臨淮和州徐州鎮江之兵又恐緩不濟急若再稍有稽延廬州城內餉乏力疲深為可慮著舒興阿即遵前旨迅將所帶官兵分撥二三千名交和春統帶即由店埠趕緊赴剿不得再有推諉如所撥將弁或有託故推諉者即著和春查明以軍法從事毋稍瞻徇廬州赴援之任朕已專責和春儻該提督有

意遷延致誤事機自難逃朕洞鑒若各路帶兵官員意存掣肘亦不能曲為寬宥也湖南各起官兵已諭知向榮飛催赴皖矣將此由六百里加緊各諭令知之○又諭前據王懿德奏臺灣道徐宗幹因與臺灣鎮總兵恆裕辦理土匪意見不合藉詞稱病當降旨將該鎮道均交部議處茲據徐宗幹奏稱當逆匪蠢動時實因舊病屢發恐滋貽誤稟請開缺並自請治罪等語現在臺灣噶瑪蘭廳屬尚

有匪徒拒捕通判董正官被戕情事該鎮道自當和衷商辦以靖地方徐宗幹所奏是否係仍執前見與恆裕齟齬故為此過激之詞抑係因被叅劾飾詞申辯著有鳳王懿德密行查察並將該道有無患病情形據實具奏將此由五百里諭令知之○福建臺灣道徐宗幹奏拏獲叛逆首犯林恭已就地正法該犯供詞扳引紳士候選州判黃應清等皆知逆情現經先後擒獲各犯研訊尚無確據仍

飭府會同委員再行嚴鞠覈辦得旨一切機宜隨時酌量辦理不可拘泥此奏照所擬行○以光祿寺卿麟桂署浙江布政使四川北道楊能格署江甯布政使○以直隸勦賊出力賞台吉伯奇立巴哈拉嗎元敦達古斯巴伊立桑底們都巴伊爾烏蘭巴伊爾克奇格圖們都阿嗎古拉花翎○以江蘇嘉定南匯川沙上海寶山青浦六廳縣城被賊竄陷革參將周震豫守備樊定邦千總顧奕椿顧

開泰張攀鳳把總林祥龔殿魁外委李雲龍張葆淳徐寅亮宣廷揚陳桂森職並逮問副將李廣金守備車萬清下部議處○命升任浙江布政使畢承昭留安徽和春軍營差委○補鑄江南提督印信從提督和春請也○癸巳諭內閣大常寺奏遵議稽查章程一摺壇廟重地理宜嚴肅自應隨時稽察以昭慎重所請分撥官員輪班值宿並兵役壇戶庫夫人

等造具清冊。佩帶腰牌之處。均著照所議辦理。並著該堂官等。常川親往稽查。如有官役人等。偷安曠誤。或縱令閒人出入者。即行嚴叅懲辦。不得僅委之壇官奉祀各員。致令日久生懈。至

壇

廟大典。雖派王大臣等稽查。該寺堂官職守所在。豈能藉詞推諉。嗣後齋宿祭祀期內。仍著該堂官等一體認真稽查。以專責成。毋得視

為具文。致干重咎。○署閩浙總督有鳳奏。本年計典屆期。因到任未久。未能徧知屬員賢否。請俟軍務告竣。再行補辦。從之。○蠲緩山西潞城黎城屯留長子臨汾曲沃絳七縣被賊地方。本年額賦。並賑貧民口糧。貸倉穀籽種有差。○甲午諭內閣。毓書奏。審明跟隨出征官兵之間散人等。由軍營回旗。請飭查辦。各摺片。並開單呈覽。所有由揚州軍營回旗之間散春瑞等。二十一名。由徐州軍營回旗

之間散佛青阿等五十九名。是否由該管佐領給假回營。抑係私自逃回。著揚州徐州統帶此項官兵大臣查明具奏。單二件併發。○又諭據舒興阿奏。本月十六日夜。廬州郡城失守。江忠源在水西門內禦賊陣亡等語。覽奏憤懣之至。江忠源以知縣調赴軍營。屢立戰功。超擢臬司。令其幫辦軍務。本年在江西守城。尤為出力。倍著忠勤。旋即授為安徽巡撫。由湖北力疾赴皖。甫抵廬州。即值逆匪圍

攻郡城。督率文武紳民兵勇。竭力守護。一月有餘。屢次出奇制勝。力捍危城。方資倚畀。乃因援兵不力。以致賊陷廬州。捐軀盡節。深堪悼惜。舒興阿統帶重兵。既已行抵廬州。不能督兵竭力救援。又不遵旨撥兵。交和春統帶調遣。以致郡城被陷。蓋臣捐軀實屬辜恩大負。委任著即革職。戴罪自效。和春自徐州赴援。帶兵無多。所有舒興阿管帶之兵。即著交和春統帶。各路援兵。均歸調遣。務當督率鎮

將激勵兵勇迅圖克復郡城毋稍遲延致干重罪○又諭駱秉章曾國藩奏勦辦常甯土匪疊獲勝仗一摺湖南常甯等縣土匪肆擾經該撫等派委員弁前往搜捕並飭各州縣不分畛域合力兜擊該匪竄撲桶水地方經候補知府張榮組等帶勇堵擊殺斃一百五十餘人生擒五十名餘匪竄撲嘉禾縣該署縣任璠開城出擊殺斃多名賊匪竄至藍山經該縣張嗣康督同典史倪玉齡並紳士兵

勇等開放槍礮轟斃追殺賊勢大挫其道州所屬之巖頭山勾結土匪俱飭兵勇追捕殺斃多名等語此次湖南土匪大經懲創在事文武合力圍剿自不難悉數殲除該撫等務須設法堵截盡絕根株○又諭奕興奏盛京刑部主事明祿稟請代奏各情並書元泰參明祿乖僻妄為協領塔芬布挾制上司各一摺著派柏俊馳驛前往盛京會同善書將各案情節秉公查辦訊明據實具奏毋稍瞻徇

所有隨帶司員著一併馳驛主事明祿著即革職歸案審辦○諭軍機大臣等寄諭欽差大臣勝保逆匪占踞獨流靜海將及三月該大臣統領諸軍所請添兵籌餉各章奏朕無不立允所請現在各路大兵已有兩萬餘眾逆黨僅餘數千朕日望捷音以為年內必能掃蕩乃該大臣等此次片奏賊匪情形仍以慎重為詞一切措置全無把握本日據舒興阿奏廬州於十六日夜被賊攻陷巡撫江忠

源殉難該處為南北咽喉賊勢如此彼得若不將獨流之賊趕緊剿滅設廬州大股乘間北來時勢將不可問朕心焦灼萬分該大臣身為統帥勞師糜餉日久無功已難寬宥若再不倍加奮勉遷延貽誤自問當得何罪著仍遵屢次諭旨激勵將弁兵勇設法進攻剋期掃蕩不准以賊情兇悍為詞藉圖延宕所請令德勒克色楞來京密奏機宜之處即著迅速來京將此由六百里加緊諭令知之○

又諭本日據舒興阿和春先後馳奏廬州失陷巡撫江忠源殉難賊勢猖獗各等情覽奏焦急之至廬州為南北咽喉最關緊要和春所帶兵勇甚形單弱舒興阿雖帶兵數千亦恐不能得力必須添派重兵以資剿辦著琦善於揚州軍營撥兵四千名派薩炳阿管帶向榮撥兵一二千名派秦定三管帶即日馳赴安徽統歸和春調遣逆匪現踞瓜州揚州情形較緩金陵久未克復逆匪已紛擾安徽

軍機處

五

江北情形更為喫緊勢不能不先其所急著該大臣等接奉此旨即派該員等星速帶兵前往不准片刻遲延儘惟知擁兵自衛不顧江北大局設有貽誤朕惟該大臣等是問將此由六百里加緊各諭令知之○又諭本日據舒興阿奏逆匪攻陷廬州江忠源殉難已明降諭旨將舒興阿革職責令戴罪自效並令和春統帶各路官兵迅速進剿福濟現已授為安徽巡撫責無旁貸著即帶兵前往會

同和春合力攻剿一面克復廬州一面遏賊紛竄萬勿遲延致干重罪該撫請將徐州糧臺移往鳳陽此時情形應否改設著即妥籌辦理青州府知府恩錫已有旨飭令赴皖聽候調遣所請張鼎元帶兵赴皖並河南應解餉銀已諭令楊以增英桂照辦矣將此由六百里加緊諭令知之○又諭前因廬州情形緊急諭令舒興阿和春前往督剿並以和春熟悉賊情特命總統諸軍惟兵力較單令舒

軍機處

六

興阿酌撥官兵二三千名俾資調遣乃該督既不肯抽撥又不能督率鎮將竭力攻剿以致郡城被陷蓋臣捐軀實堪痛恨江忠源忠勇素著屢立戰功朕方欲畀以勦賊重任今竟因援兵不力城陷陣亡覽奏之下悼惜殊深和春現在進剿何處是否尚在店埠所有城外各路兵勇一萬餘名即著統歸和春管帶調遣福濟所帶兵勇計日亦可趕到兵力尚不甚單江忠源所帶兵勇著即趕緊收集

母令渙散江忠源之弟江忠濟等所帶之勇亦必得力並著和春酌量調撥加以激勵以備助剿舒興阿係專派統兵赴皖大員既已行抵廬郡尚不趕緊攻剿冀解城圍乃擁兵自衛坐誤事機本日降旨革職令其戴罪自效若再不知奮勉著和春奏明即於軍前正法和春膺茲重任務當與福濟暨諸將士合力同心激勵兵勇設法進剿迅圖克復若再遷延時日致賊久踞廬川或乘間北竄惟和

奏稿卷之六

七

春是問正寄諭開據和春奏到廬州失陷情形請添調大兵攻剿並請撥餉銀各摺片本日已諭令琦善向榮撥兵馳赴安徽統歸該提督調遣並諭黃宗漢速撥兵餉六七萬兩迅速解往矣將此由六百里加緊諭知和春並諭舒興阿知之○又諭本日據舒興阿和春先後馳奏廬州郡城於本月十六日夜失守巡撫江忠源陣亡各等情據稱所帶官兵待餉孔殷無從支領現又添派官兵尤應寬

為籌備著黃宗漢於浙江省無論何款先行籌撥銀六七萬兩派委幹員迅速解往安徽軍營以資接濟並著於起解前期飛咨和春以便派員迎提一面知照沿途地方官妥為護送毋得藉詞推諉致誤要需將此由六百里加緊諭令知之○又諭逆匪竄踞廬州勢益鴟張深恐乘機北竄前經疊次諭令楊以增等嚴防河岸諒已遵照辦理此時情形更為喫緊尤當嚴密防範勿稍大意其應如何

奏稿卷之六

八

擇要駐兵堵剿之處著楊以增長張亮基英桂迅籌妥辦總期聲勢聯絡彼此應援不可稍分畛域儻任聽逆匪偷渡北竄朕惟該督撫等是問本日據福濟奏部撥河南餉銀及截留未還兩項共九萬餘兩豫省至今未解現在軍餉萬分急迫請飭該撫將接壤安徽之完善各州縣應完地丁銀兩照數劃出就近解皖等語著英桂即照所請辦理毋稍遲誤另片奏張鼎元前在安徽防堵熟悉情

形著揚以增迅飭該員帶山東兵二百餘名配齊軍裝器械馳赴盧鳳一帶聽候福濟調遣原片均著鈔給閱看將此由六百里加緊各諭令知之○又諭寄諭黑龍江將軍英隆等適據景瀋奏俄羅斯分立界牌之處俟明年春融時再行派員查明妥辦等因請旨一摺與外夷分立界牌事關重大不知分立界牌究竟與赫哲費雅喀居民有無妨礙之處尚難懸揣此時路徑既係不通著俟明年江

景瀋奏

奉

河融化之後即派協領富呢揚阿先由水路從畢占河直抵海岸詳細查明再行妥辦○景瀋原摺著一併鈔給閱看○欽差大臣勝保等奏逆賊受創復決隄放水現督兵設法宣洩賊糧已盡斷不能久持得旨賊情兇悍共見共聞然不能藉此耽延屢次嚴批已無復可再諭若執意玩視必以汝身家性命相抵又奏管帶礮位章京公中佐領黃周賓受傷陣亡請照例議卹批黃周賓著照例議卹彼

日之進仗失礮無疑因何掩飾入奏偽為炸裂殊屬可恨勝保出京甫及一年何沾染習氣若是之深著據實明白回奏是汝之福若再不肯明言試問朕賜汝之神雀刀何所用耶○江南提督和春奏賊陷廬郡請添調大兵圍剿以圖克復得旨覽奏曷勝焦急舒興阿之兵已疊有諭旨令汝酌撥遠調之兵終恐緩不濟急已有旨分別飭令速撥矣○陝甘總督舒興阿奏賊陷廬郡撫臣江忠源禦

實錄卷一百六

二十

賊殉難情形得旨汝在城外是何為者以致郡城被陷蓋臣捐軀○山西巡撫恆春年終循例密奏各官考語得旨汝此奏不過年終塞責無一句緊要之語足見汝平日於屬員中漫不留心殊堪痛恨况皆係八箇字成語尤覺可厭著另繕切實考語具奏不准假手於人務須汝親書雖行書亦可○以兵部尚書阿靈阿都察院左都御史聯順禮部左侍郎穆蔭充經筵講官○調鑲紅旗蒙古副都

統扎拉芬為密雲副都統正紅旗蒙古副都	統載齡為鑲紅旗蒙古副都統密雲副都統	倫恭為正紅旗蒙古副都統○以漕運總督	福濟為安徽巡撫○以私改奏案革禮科給	事中吳廷溥職○以湖南常甯勦匪帶兵私	逃革守備哈清阿外委唐雲開職並逮問予	陣亡把總邵定太祭葬世職監生孫紀良文	生鍾良欽賞卹加等○贈安徽廬州殉節巡	撫江忠源總督予祭葬世職入祀昭忠祠並	安徽建立專祠諡忠烈○予福建勦賊陣亡	遊擊王應選都司蘇起龍把總陳文銓毛振	際祭葬世職○乙未	孝莊文皇后忌辰遣官祭	昭西陵○	上詣	慈寧宮。	壽康宮前殿行禮○詣	壽安宮西所問
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	----------	------------	------	----	------	-----------	--------

實錄卷百六

五

如皇貴太妃安。

壽康宮後殿問

皇貴太妃安○諭內閣前因各直省殉難官紳忠義可嘉深堪憫惻特飭該部將應得卹典分別從優定議茲據吏部禮部兵部遵旨覆奏各一摺著照所請除特旨追贈並指項賜卹各員毋庸再議外所有優卹人員限於定例不能從優辦理者文職官員均著各按官階給予贈銜武職官員均著照贈級之例各按卹銀從優之階贈給升銜其都統將軍提督無階可升者著贈太子少保銜額外外委及鄉勇中武生武監生指階者著照指階辦理其餘議卹各案均著給外委贈銜無庸給予世職其革職續經陣亡各員除卹銀世職減降議給外均著贈還原銜至文武官員格於定例不能請諡入祠者亦著照禮部所擬二品官員著該部聲明請諡八旗及駐防三品官員並漢文職三品官員除例應入祀京

實錄卷百六

五

師昭忠祠外再入祀陣亡地方府城昭忠祠
文職四品武職三品人員著再入祀京師昭
忠祠文職五品武職四品以下著再入祀陣
亡地方府城昭忠祠額外外委及貢監生童
有贈給職銜及照官員例議卹者均一體入
祀陣亡地方府城昭忠祠其減半議卹各員
各按原銜照此次章程分別入祀各昭忠祠
官紳殉難家屬著分別給銀建立總坊在本
邑忠義孝弟祠及節孝祠內設位致祭以示

實錄卷百六

五

優卹至奉旨照例賜卹各員仍著照例辦理
無庸再行加贈以昭區別所有單開各員無
論已奏未奏均著照此次新定章程辦理著
為令○又諭給事中彭久餘奏稽查運倉米
豆情形一摺大通橋運送舊太倉黑豆一百
八十二石稞米三百十二石經該給事中赴
倉查驗所運豆石俱係潮溼成塊間有微變
稞米亦雜有灰土等物並每石虧短各情弊
著倉場侍郎迅速查明據實參奏○又諭裕

瑞伊琿額奏遵審知縣稟許上司各款定擬
具奏一摺四川撤任大竹縣知縣楊得質鹽
源縣知縣盛朝輔列款稟許署藩司蘇敬衡
旋據該員等以懷疑冒昧妄稟各據實檢舉
並經裕瑞等審明所許各款悉屬虛誣楊得
質盛朝輔懷疑稟許上司實屬謬妄均著勒
令休致蘇敬衡於寶川局餘銅及地丁稅契
加平等事具稟時未曾分晰聲欲雖經續稟
究屬疏漏著交部議處即飭令回籍聽候部

實錄卷百六

七

議○諭軍機大臣等前據向榮奏請將糧臺
改設蘇州等語當即諭令怡良等於蘇州省
城設立總局並另派道府大員及酌留江西
熟手數員接辦支放事宜茲據怡良奏稱該
省道府各員分駐各處均有經手緊要事件
且當防堵喫緊之際差委本屬乏人若再派
令經管糧臺更屬無員可委所奏自係實在
情形現在向榮大營糧臺著毋庸遠移蘇州
仍責令原管糧臺之彭玉雲熊蔭潘筠恭並

江西原派之佐貳等官一手經理以免膠轕並著向榮等咨明張芾遵辦將此由六百里各諭令知之○又諭據舒興阿奏遵旨分撥官兵並帶兵馳往潁州一帶籌防等語舒興阿業已革職所帶兵勇昨已有旨全歸和春管帶調遣此時皖省情形總以迅復廬州嚴防北竄為要現在兵勇亦不為少該提督自應迅籌進剿若專顧堵禦俟琦善向榮撥兵到後再圖進攻恐逆匪久占廬州又成負隅

之勢舒興阿應否仍赴潁州抑須派往他處要隘防堵著和春酌量調遣需兵若干即由該提督分派仍歸節制以一事權其自楚竄擾英山之賊如何截其來路使之不能連絡均著妥籌辦理將此由六百里加緊諭令知之○四川總督裕瑞奏秋季合操省標水營官兵分別賞罰得旨陣式本屬虛文既有教習必期訓練純熟又奏現接向榮咨稱江南大營川兵號衣圓片內均有清書記認以防

賊匪冒充現已飭各營照式辦理批法亦善日久亦必有偽者○調工部左侍郎周祖培為吏部左侍郎以內閣學士杜翰為工部左侍郎○以吏部左侍郎邵燦為漕運總督○調浙江布政使畢承昭為安徽布政使○以河南按察使出力賞協領柯克僧額遊擊李伏殿花翎都司強謙等藍翎餘升擢有差○以四川疏失軍裝革干總懋功馮登第把總陳發元職○予安徽廬州陣亡協領珂蒙

額祭葬世職○蠲緩直隸安隆平甯晉新河河間任文安天津八州縣被水村莊本年額賦有差○丙申諭軍機大臣等福濟奏請將揚州東路漕河兩標兵赴皖助剿一摺現在皖省情形緊急福濟所帶兵弁無多揚州既經解圍東路已有重兵扼守所有劉營該處之漕標兵三百名河標兵二百八十名向隸福濟麾下調遣較為得力著琦善迅即飭令段應元吳慶孚管帶馳赴安徽交福濟調撥

如現在撥防衝要處所即可不必調動至前降旨令琦善於揚州軍營內飛速撥兵四千名飭令薩炳阿統帶趕緊前赴安徽歸和春節制此項兵丁必須迅速派往不得藉詞請留致誤事機將此由六百里加緊諭令知之○又諭許乃釗奏招撫未成委員被害等語前據該署撫奏上海逆匪窮蹙請降其情已屬支離朕早知其必有詭計今果事機中變雖係謝繼超勇於圖功孟浪輕進亦由該署

撫料事未周輕為憑信當逆匪修築城壘壘圯地道之時豈不知投誠之說萬不可恃而猶思遷就成功任令謝繼超進城說降可謂無識現在城已被賊修整地道亦壞城內接應之人又被挖殺賊匪又得印照可以影射種種情形皆該署撫辦理不善所致尚云機會可乘不過仍據偵探之詞冀其內潰亦竟別無良策似此遷延何時蕞事著許乃釗即督飭在事鎮將乘此礮臺添成迅速併力進

攻斷不准再聽招降謬論更滋貽誤朕總以克復上海勦擒賊首為憑該署撫若不趕緊督辦僅以空言塞責恐不能當此重罪也其投誠之李少卿雖據審訊明確惟與前此該署撫所奏副賊目李少軒姓名相似恐亦不盡可信仍須密為防範勿涉大意怡良等另摺具奏請留廣東關稅等銀二十萬兩等語著准其全數截留先由浙江省籌墊徑解江蘇現在安徽需餉甚急昨已諭黃宗漢籌銀

六七萬兩解交和春軍營此項廣東餉銀過浙時仍當遵旨迅速解往安徽著怡良許乃釗飛咨黃宗漢照辦毋稍遲誤至喇嘛西俄羅斯船隻既據查明並無情弊亦無要求仍著隨時體察防範勿使滋生事端將此由六百里加緊各諭令知之○又諭張芾奏請刊刻邸鈔發交各省等語識見錯謬不知政體可笑之至國家設官分職各有專司逐日所降明發諭旨及應行發鈔內外臣工摺件例

由內閣傳知各衙門通鈔。即由各該管衙門行知各直省。或由驛站。或交提塘分遞。該衙門自能斟酌緩急輕重。遵例妥辦。豈有各省大吏無從聞知之理。所有刊刻邸鈔。乃民間私設報房。轉相遞送。與內閣衙門無涉。內閣為絲綸重地。辦事之侍讀中書。從無封交兵部發遞事件。若令其擅發鈔報。與各督撫紛紛交涉。不但無此體制。且恐別滋弊端。近日被兵省分間。有道途阻隔者。然如鄰近江西

之福建湖南廣東等省。照例陳奏事件。依舊專弁齎京。並無稽滯。即江蘇浙江摺差。亦俱繞越行走。江西省城久已解圍。道路已通。而張芾奏事。無論有無緊要事件。動用驛報。乾隆嘉慶年間。疊奉

諭旨申禁。定例擅動驛馬。處分甚嚴。若吝惜小費。輒因一二件關涉軍餉補查。請卹各事。率由驛遞。不特有違定例。亦令聞者詫異。張芾於陳奏事件。屢經嚴旨斥責。仍不知敬畏。復

逞臆見。率行瀆請。寧屬謬妄。著傳旨嚴行申飭。將此由四百里諭令知之。○直隸總督桂良奏。請將拏獲放火搶奪人犯呂洛香等。卹行正法。得旨。此係加重懲辦。因是時巡防緊要。別省勿得援以為例。○河南巡撫英桂奏。到任未及三月。各官年終密考。請展至次年辦理。得旨。著展至明年夏初。即行具奏。○江西巡撫張芾奏。請將被擄逃回之都司胡瑤林。革職拏問。被擄自盡之星子縣知縣羅雲

錦等。賜卹。得旨。胡瑤林不值再問。著即處斬。羅雲錦亦不准率請卹典。俟恭安訪察明確。獲有該府縣屍身。方准奏請。○漕運總督福濟奏。請調漕河兩標兵。赴皖助剿。得旨。現在汝已調皖。撫各路兵勇。皆可調撥。又有和春統制諸軍。或可力扼北竄。收復蘆城。然漕標兵與汝熟悉。已有旨諭琦善矣。○命刑部尚書許乃普為

實錄館總裁。官都察院左副都御史羅惇衍為

副總裁官○命工部左侍郎杜翰在軍機大臣上行走○以兵部左侍郎趙光為工部尚書調工部右侍郎彭蘊章為兵部左侍郎以都察院左副都御史龔文齡為工部右侍郎兼管錢法堂事務仍留順天學政任未到任前以吏部右侍郎潘曾瑩兼署轉刑部右侍郎李鈞為左侍郎以通政使司通政使李道生署刑部右侍郎○以協辦大學士吏部尚書賈楨兼管順天府府尹事直隸布政使楊需以二品頂帶為順天府府尹○以兩淮鹽運使庾長為直隸布政使○以徇庇屬員革兼管順天府府尹工部尚書翁心存府尹宗元醇職○以江蘇上海縣城久未收復署巡撫許乃釗下部嚴議總兵官虎嵩林泊承陞下部議處予入城被害知府謝繼超祭葬世職○

上以歲暮裕祭

太廟自是日始齋戒三日○丁酉諭內閣前據

張芾奏請留滇黔銅鉛銀兩朕因其不知緩急任意截留保舉守城各員太覺冗濫於批摺內嚴旨切責正望其激勵有為兼籌全局庶不負朕諄諄訓誨之意乃本日據奏籌撥軍餉摺內不知感愧仍復曉曉置辯張芾係內廷翰林曾司部務由學政特簡巡撫值此軍務方殷籌餉孔亟之際應如何酌度緩急詳慎舉劾於奉到諭旨時虛心體會為朕分憂乃據所奏但以庸愚引咎轉視訓諭為多事實屬負氣妄言有負委任張芾著交部議處○又諭太僕寺少卿趙東昕奏請飭王茂蔭回籍辦理防勦事宜一摺現在各省辦理軍務皆係特簡大員督兵攻剿以一事權豈能令在京供職人員紛紛回籍籌辦戶部侍郎王茂蔭職司度支且又辦理京城國防事宜均關緊要該少卿所請令王茂蔭馳赴安徽會同防勦之處著不准行○軍機大臣會同理藩院奏議覆駐藏大臣穆騰額等奏查

廓爾喀與唐古忒分界章程○以漳木鐵索橋為界其小路附近扎木曲河之外有記爾巴及甲玉兩處歸唐古忒管理此次所爭邊界即係此地現擬將此二處地方嗣後歸廓爾喀管理以息爭端所有小路各立石牆作為鄂博並令各具甘結查辦尚為周密應如所奏辦理從之○參贊大臣僧格林沁奏報近日前敵情形並隨時剪除土匪得旨辦理俱是惟逆匪情形實非甚窮感何日了期憤悶

何堪汝前奏一俟冰堅即可進逼火攻已隔多日並未見續奏是否得力是何攻法再據汝所聞有何可乘之機著一併據實密奏○江西巡撫張芾奏江西軍務未竣請將本年計典展限舉行從之○以江南河道總督楊以增兼署漕運總督○免福建本年例貢漳絨○戊戌以歲暮裕祭遣官祭

太廟中殿

後殿○

上詣
壽康宮問

皇貴太妃安○諭軍機大臣等張亮基奏請仍飭藩司回駐鹽山一摺前因靜海需兵協勦當降旨令崇恩督帶兵勇馳赴靜海軍營現在業已趕到正當勦辦喫緊之際豈能再令折回其直隸山東交界處所仍應扼要嚴防著張亮基於道府大員內遴委幹練得力之員迅速酌帶兵勇前往鹽山一帶擇要駐劄嚴密防守以資堵禦毋稍延誤將此由六百里諭令知之○己亥裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮○遣官祭

端慧皇太子圓寢○遣官祭

太歲之神○諭內閣步軍統領衙門奏綠營兵米不堪食用請飭查辦一摺此項兵米既係戶部派定太平倉該倉何以延至歲暮始將徵變陳朽之米放給兵食著倉場侍郎查明米石因何如此徵變經手花戶有無弊混及因何開放遲延之處一併查明據實嚴叅懲辦勿稍含混○諭軍機大臣等朕因靜海獨流賊匪負嵎日久屢次切責勝保迅速勦

除倚任既專兵力亦厚乃遷延三月尚未奏功雖屢經接仗獲勝奏稱該逆窮蹙已甚而以京中所聞賊眾為數尚多情形仍屬兇悍非一兩仗所能勦滅淨盡該處距京師甚近時屆歲除未聞捷報殊深焦急且南軍失利大股逆匪蟻聚廬州其覬覦北竄之心焉能保其必無非將此股先行剷除不足以寒南中賊膽勝保帶兵勇往固非有意玩延然朕心寢食不安勝保何竟不能仰體一二殊負委任每一念及憤恨交加該逆全距東面勝保之兵亦多向東面攻勦而獨流至靜海五里莊地方又有該逆木壘必須重兵分路圍剿奪其隄埂斷賊南北救援之路方能得手祇有僧格林沁駐軍王慶坨離賊營三十餘里相距較遠不如歸併一處以壯聲威該大臣等本係共辦一事原無畛域之分著僧格林沁即日統兵前進與勝保會合籌攻所有該參贊大臣營內之三盟官兵及培成朔關

那敷德等所帶馬步各隊均可酌提歸前路以資攻剿。至伊勒東阿、史榮椿所帶之兵，或令前進，或應仍留王慶坨駐劄，以為後路聲援。均著一併妥籌布置，斷不准以防後路為詞，致誤事機。僧格林沁自出京後，並未與賊接仗。趁此久蓄威聲，必可掃數殲擒。若再有耽延，何顏對朕？僧格林沁抵獨流後，應於何處駐劄，或會攻獨流，或分攻何處，務須與勝保和衷商榷。朕必不為遙制。總期剋日將獨

流靜海與五里莊賊匪盡數剿滅，萬不可令賊竄逸，再滋延蔓。儘能迅奏膚功。僧格林沁與勝保均當策勳懋賞，如再事因循，或各存意見互相推諉，以致更延時日。僧格林沁與勝保均不能稍從末減，功罪賞罰皆由自取。朕亦無可再諭。即盼捷音，以副委任。勉之。懷之。將此由六百里加緊各諭令知之。○又諭琦善奏移營進攻瓜州賊匪。另片奏皖豫毗連請嚴防北竄。又雷以誠奏存勇過多酌量

裁減一摺。該逆自竄出揚州儀徵以後，疊據琦善等奏報，賊船全聚瓜州江口，究竟欲向何處竄逸，迄未切實聲敘。茲據奏稱瓜州賊船均已遁回金陵，未聞欲行北竄之事。是否確實，設安徽沿江一帶又有警報，豈得以賊船已返金陵遂謂非瓜州大股意存諉卸，已屬顯然。即如常清之兵遵調赴援廬州，豈能再令折回和州，既與浦口相近，琦善仍應撥兵設法嚴防，何得虛言搪塞？豫為站腳地步。

此等伎倆，豈能逃朕洞鑒？現在廬郡被陷，巡撫江忠源捐軀該處，係北路咽喉，逆蹤猖獗，殊甚。儘或覬覦北來，事勢何堪設想？琦善身為總統，設有疏虞，惟該大臣是問。至於瓜州賊匪業已築壘堅守，若不及時攻克，又成負隅之勢，萬一復擾揚州，或儀徵等縣，琦善將何顏面見朕耶？雷以誠前募鄉勇，既不足恃，自應加以裁汰。其現存各勇二千餘名，亦未便全行撤散，仍著雷以誠管帶約束，以助兵

又據琦善奏稱。亟須向前移營。應如何分撥布置。仍著琦善妥籌辦理。總之揚州儀徵賊匪。均係自行竄去。固因勇潰所致。亦並非兵力驅除。此時惟有併力急攻瓜州。嚴防北竄。稍贖前愆。尚何暇負氣紛爭。曉曉置辯耶。將此由六百里加緊諭知琦善。並傳諭陳金綬。雷以誠。慧成知之。○庚子。諭內閣。慶祺奏。請飭催軍餉一摺。所有慶祺軍營。應支官兵口糧。既據直隸總督咨報。委員解往天津。何以


尚未全數解交軍營。著桂良即行查明。迅飭催解。毋稍遲誤。○是年旌表孝子。山東等省曹慶雲等。四百三十一名。孝友。福建等省貢生陳上珍等。二十名。順孫。浙江等省孫襄椿等。七名。悌弟。浙江等省蔣麟瑞等。七名。孝婦。浙江等省董氏等。二十九口。孝女。浙江等省汪氏等。六十八口。守節合例。宗室舒紳妻完顏氏等。二十口。滿洲忠順妻費莫氏等。一百三十五口。蒙古伊里布妻張佳氏等。五十三

口。漢軍孔秀妻秦氏等。四十口。內務府七十口。妻王氏等。三口。各省駐防額勒和泰妻訥拉氏等。一百八十口。奉天等省劉景寶妻陳氏等。七十三口。三百六十七口。夫亡殉節。浙江等省費永祥妻朱氏等。十二口。未婚守志。滿洲明安特氏。一口。漢軍關氏。一口。直隸等省單士一聘妻王氏等。八十三口。義士。浙江省張睦一名。義婢。浙江等省春梅等。二口。採訪貞節婦女。直隸等省牛勉妻劉氏等。四千四百九十二口。百歲壽民。婦。山東等省黃繁。郭陳氏等。十六家。六世同堂。四川省李張氏一家。均給銀建坊如例。○一產三男。蒙古密扎俗等二家。會計天下民數。殺數除江蘇湖北湖南。未經冊報。外。直隸等省通共大小男婦。二萬九千七百六十二萬六千五百五十六名口。存倉米穀。二千零六十八萬三千七百九十七石五斗五升三合六勺。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十六

實錄

聖



統一書號:11018·1355—41

定 價: 40.00 元